
民國叢書

第五編

· 8

哲學・宗教類

韓非子校釋

陳啟天編

上海書店

陳啟天編

韓非子校釋


民國二十九年三月印刷
民國二十九年三月發行

大學
韓非子校釋（全一冊）



實價國幣七元

（郵運匯費另加）



編者 陳 啓 天

發行者 中華書局有限公司

代表人 路錫三

印刷者 美商永寧有限公司

上海澳門路

總發行處 昆明 中華書局發行所

分發行處 各埠 中華書局

自序

予幼時，在家從師攻讀四書五經數年，及學校興，以父命出外就學於武昌高等農務學堂附屬小學。踰年，轉學於黃陂縣立道明高等小學，以雷尊吾、閔文卿、姚幹卿諸師之教督甚嚴，獎借甚殷，與彭文卿表伯之朝夕監護，循循善誘，予乃始得粗知爲人爲學之道。繼入武昌高等農務學堂附屬中學，未及畢業，而武昌首義，乃投筆從戎，效命疆場，以求恢復故國，時年僅十九耳。閱數月，南北議和，統一告成，予又釋戎服，而入武昌中華大學，專習政治經濟，乃知以論理學之方法，從事社會科學之研究。維時雖偶有所述作，未足數也。畢業後，以性不適於從政，乃回鄉家居習靜，兼泛覽先秦諸子，及當時譯著之新書，如嚴復所譯各書，與梁啓超飲冰室文集等。民國五年秋，教讀於漢口民新學校，繼復在武昌中華大學、文華大學、長沙第一師範等校教讀，兼從事新文化運動者，先後凡四年有半。在此粉筆生涯中，深覺不知教育而辦學校，未免自誤誤人。乃重入南京高等師範，專攻教育，以民國十三年夏，畢業於東南大學。嗣赴滬就業中華書局，主編中華教育界雜誌兩年有半。予雖矢志專攻教育，著有社會學概論、教育社會學概論，近三十年中國教育史等書，然以迫於時勢，又由教育而轉入政治，奔走迄今，十有餘年，公忠體國，爲而不爭，蓋亦可以寡過矣。初予之從事政治也，欲以教育之理想，措諸實際之政治。無如事與願違，久而無所成。乃思考求古人成功之道，因述胡文忠、曾文正、左文襄三先生之遺言，而成胡曾左平亂要旨一書以行世。繼

覺我國自海通以還，已由閉關之國，轉入國際競爭之局。在此局中之列強，莫不內求統一，外求獨立，有若我國古代之『戰國』。然者，命之曰『新戰國』，亦無不可。舊戰國時代所恃以爲國際競爭之具者，厥爲法家思想，此不可爭之事實也。近百年來，我國既已入於新戰國時代之大變局中，將何所恃以爲國際競爭之具乎？思之，重思之，亦惟有參考近代學說，酌採法家思想，以應時代之需求而已。因發憤研討法家之歷史與理論，已先後成中國法家概論、商君書校釋、商鞅評傳、張居正評傳等書。去秋以丁母憂，家居無事，乃復從事校釋韓非子一書。閱十有四月，初稿告成於國難正急之時，予因重有感焉。韓非生於弱小之韓，處於劇爭之世，而欲以其法家之說，救其祖國，不幸格於當塗，終不獲用。及秦攻韓急，韓王始遣非使秦，求所以存韓者。李斯以『非終爲韓，不爲秦』，譖於秦王，因見害焉。非死後二年，韓亦亡於秦。『人之云亡，邦國殄瘁』，其韓非之謂乎？太史公『悲韓子爲說難，而不能自脫』，豈得其情也哉！予茲校釋其遺書既竣，益知韓非乃一愛國之政治思想家，卓然有所以自立，雖身死異國，而至今兩千餘年，仍有其不可死者在焉。聞者疑吾言乎？請讀本書可也。是爲序。

中華民國二十六年十二月黃陂陳啓天自序於武昌寄廬。

例言

一、韓非子一書，爲中國古代政治學名著，其價值實不下於亞里士多德之政治學，凡研究政治學、學術史及文學者，不可不讀。茲用歷史與政治之觀點，重新加以校釋，但決不與近代學說牽強附會。

二、校勘須據古本善本。前人校韓非子者，多據明趙用賢本、凌瀛初本、張榜本、道藏本及宋乾道本。茲彙集以上各本，加以復校外，又搜得明韓子迂評本及王道焜本，與之對勘，不專主一本，但取其較是者而從之。

三、韓非子書，以王先慎之集解爲較流行，但該書脫誤仍多，且該書出世以後，國人之考證韓非子者，尙有數十家，間有發明，未及編入。茲彙集集解前後至最近各家之考證及注釋，而復考之，其是者取之，誤者訂之，缺者補之。

四、前人校釋韓非子有以日籍爲參考者，例如孫詒讓札迺之參考蒲阪圓增讀韓非子。但日籍之有關於韓非子者，不下數十種，其最著者，除增讀韓非子外，尙有物茂卿讀韓非子、松鼻圓定本韓非子、纂聞、太田方韓非子翼、依田利用韓非子校注、津田鳳卿韓非子解詁、藤澤南岳評釋韓子全書、岡本保孝韓非子疏證、松平康國韓非子國字解、興文社韓非子講義、宮內鹿川韓非子講義等書，茲參合以上各書校釋，以資發明。

五、韓非子之舊有篇次，稍嫌雜亂。茲依各篇內容重新編次，分爲十卷，以其最重要者置於前二卷，其不重要

或確有可疑者，則置於後，以便閱者選讀。

六、每篇篇首有釋題、提要、考證三項釋題，所以說明題目取義、提要，所以指示全篇要旨，考證，所以考證各篇之真僞。

七、每篇原文先依據各舊本，次參考各家考證，重新校定。其已確無疑義者，即就校定之文字寫定，而附注各舊本之異同於後。其尚有疑義者，則依較是之舊本寫定，而仍附注各舊本之異同於後。各家校勘不同者，取其較是者。每字每句之校定，不但求其合於字義句義，並求其合於篇義書義，不輕於沿誤，亦不輕於改竄，力求其當；其不能得當者，則姑存疑並誌異，以待復考。

八、每篇原文均重新分段標點，以便閱讀；校釋之辭，不夾於句中，而附於每段之後，低寫兩格，以資識別。

本書引用書目簡名

集解——王先慎韓非子集解

迂評——門無子韓子迂評

解詁——津田鳳卿韓非子解詁（中文）

纂聞——松皋圓定本韓非子纂聞（中文）

增讀——蒲阪圓增讀韓非子（中文）

翼毳——太田方韓非子翼毳（中文）

評釋——藤澤南岳評釋韓非子全書（中文）

要詮——王遽常諸子學派要詮

補箋——高亨韓非子補箋（見武漢大學文哲季刊第二期第三四期）

釋義——梁啓超韓非子顯學篇釋義（見飲冰室合集專集第十冊）

識誤——顧廣圻韓非子識誤

選注——唐敬杲選注韓非子

韓非子校釋

二

讀——物双松讀韓非子

拾補——盧文弨羣書拾補

宋本注——乾道本韓非子

講義——興文社韓非子講義（日文）

新釋——尹桐陽韓子新釋

國字解——松平康國韓非子國字解（日文）

叢錄——洪頤煊讀書叢錄卷十四

平議——俞樾諸子平議

點勘——吳汝綸點勘韓非子讀本

雜志——王念孫讀書雜誌餘編

札記——孫楷第讀韓非子札記

校訃——蔣錫昌老子校訃

本義——魏源老子本義

考辨——錢穆先秦諸子繫年考辨

釋詞——王引之經傳釋詞

讀記——陶小石讀韓非子札記（見制言半月刊三十至三十二期）

考證——容肇祖韓非子考證

舉例補——劉師培古書疑義舉例補

集釋——裴學海古書虛字集釋

隨筆——張文虎舒藝室隨筆

研究——陳千鈞韓非子研究（見學術世界第一卷）

舉正——孫人和韓非子舉正（見圖書館館刊五卷一期）

舉例——俞樾古書疑義舉例

斟補——劉師培韓非子斟補

傳校——傅佛崖校讀韓非子校釋初稿

乾道本——宋乾道本（浙局本四部叢刊影印本）

藏本——明道藏本

迂評本——明韓子迂評本

本書引用書目簡名

韓非子校釋

趙本——明趙用賢本

凌本——明凌源初本

王本——明王道焜本

韓非子校釋目錄

自序

例言

引書簡名

第一卷

顯學第一	一
五蠹第二	二九
難勢第三	七三
定法第四	八八
問辯第五	九八
六反第六	一〇三
詭使第七	一二一

亡徵第八.....一三四

南面第九.....一四五

第二卷

八說第十.....一五三

八經第十一.....一七二

二柄第十二.....二〇四

八姦第十三.....二一二

備內第十四.....二二二

飾邪第十五.....二二八

姦劫弑臣第十六.....二四二

說疑第十七.....二六一

有度第十八.....二八一

第三卷

說難第十九.....三〇一

孤憤第二十……………三一七

和氏第二十一……………三三〇

難言第二十二……………三三七

問田第二十三……………三四七

第四卷

難一第二十四……………三五一

難二第二十五……………三七一

難三第二十六……………三八八

難四第二十七……………四〇八

第五卷

內儲說上——七術第二十八……………四二一

內儲說下——六微第二十九……………四七四

外儲說左上第三十……………五一六

外儲說左下第三十一……………五七四

外儲說右上第三十二……………六一一

外儲說右下第三十三……………六四七

第六卷

說林上第三十四……………六七五

說林下第三十五……………六九六

十過第三十六……………七一七

第七卷

主道第三十七……………七四九

揚權第三十八……………七六一

大體第三十九……………七八一

觀行第四十……………七八四

第八卷

解老第四十一……………七八七

喻老第四十二……………八三四

第九卷

人主第四十三·····	八五九
用人第四十四·····	八六四
守道第四十五·····	八七〇
三守第四十六·····	八七五
功名第四十七·····	八七九
安危第四十八·····	八八二
心度第四十九·····	八八八
忠孝第五十·····	八九三
飭令第五十一·····	九〇二
制分第五十二·····	九〇八
愛臣第五十三·····	九一五

第十卷

初見秦第五十四·····	九二一
--------------	-----

存韓第五十五.....	九四五
-------------	-----

韓非子校釋

第一卷

顯學

釋題 本篇原爲第十九卷第五十篇。顯學者，顯要、或主要、或得勢之學派也，與英文(Dominant Schools)義同。解詁云「顯學，士之積學而有功者，韓文所謂士之能享大名，顯當世者，是也。」此說似得顯學二字之解，而未能確示其正義。

提要 本篇主旨，在以法家之說，批評儒、墨二家。戰國時主要學派，即所謂「顯學」，除道家外，以儒、墨二家最得勢。儒家重家族，重人治，重感化；墨家重世界，重天治，重尙同；而法家則重國家，重法治，重干涉。韓非既欲立法家，則不得不破儒、墨。本篇即立法家、破儒、墨之重要論文，爲研究法家及先秦學術思想者所必須先睹之作。

考證 本篇之文，曾爲李斯督責書所稱引，確出非作，從無疑者。

世之顯學，儒、墨也。^{〔一〕}儒之所至，孔丘也。^{〔二〕}墨之所至，墨翟也。^{〔三〕}自孔子之死也，有子張之儒。^{〔四〕}有子思之儒。^{〔五〕}有顏氏之儒。^{〔六〕}有孟氏之儒。^{〔七〕}有漆雕氏之儒。^{〔八〕}有仲良氏之儒。^{〔九〕}有孫氏之儒。^{〔一〇〕}有樂正氏之儒。^{〔一一〕}自墨子之死也，有相里氏之墨。^{〔一二〕}有相夫氏之墨。^{〔一三〕}有鄧陵氏之墨。^{〔一四〕}故孔、墨之後，儒分爲八，墨離爲三。^{〔一五〕}取舍相反不同，^{〔一六〕}而皆自謂真孔、墨。孔、墨不可復生，^{〔一七〕}將誰使定後世之學乎？^{〔一八〕}孔子、墨子俱道堯、舜，而取舍不同，皆自謂真堯、舜，堯、舜不復生，將誰使定儒、墨之誠乎？^{〔一九〕}殷、周七百餘歲，虞、夏二千餘歲，^{〔二〇〕}而不能定儒、墨之真，今乃欲審堯、舜之道於三千歲之前，意者其不可必乎？無參驗而必之者，愚也。^{〔二一〕}弗能必而據之者，誣也。^{〔二二〕}故明據先王，必定堯、舜者，非愚則誣也。愚誣之學，雜反之行，^{〔二三〕}明主弗受也。^{〔二四〕}

校釋：「〔一〕儒、墨」呂覽尊師篇云：「孔、墨徒屬彌衆，弟子彌豐，充滿天下。」又當染篇云：「孔、墨之後學，顯榮於天下者衆矣，不可勝數。」此可證儒、墨在戰國時俱爲顯學。

「〔二〕孔子」姓孔，名丘，字仲尼，魯人，生於周靈王二十一年，卒於周敬王四十一年，爲儒家之開山祖師。解詁云：「至，極也；謂造詣之不可及也。」

「〔三〕墨子」姓墨，名翟，宋人，或曰魯人，宋之大夫，生卒年月不詳，稍後於孔子，而稍前於孟子，爲墨家之開

山祖師江璩讀子扈言以墨非姓，錢穆先秦諸子繫年考辨更以『墨爲刑徒之稱』，蓋譏墨家之過儉也。漢書藝文志有墨子七十一篇，今存。

〔四〕子張，顓孫師字，陳人，與其師孔子問答語，見論語、戴記。梁啓超云：『荀子非十二子篇稱子張氏、子夏氏、子游氏之賤儒，則子張門下甚盛可知。』（見飲冰室合集專集第十八冊）

〔五〕子思，解詁云：『藝文志子思二十三篇，名伋，孔子孫，爲魯繆公師。』梁啓超云：『史記孟子荀卿列傳稱孟子受業於子思之門人，則子思門人應不少。非十二子篇稱子思唱之，孟軻和之，世俗之儒受而傳之，則思孟蓋同一派，末流或小異耳。』（見同上）

〔六〕顏氏，要詮云：『皮錫瑞曰：孔門弟子，顏氏有八（按爲顏無繇、顏回、顏幸、顏高、顏祖、顏之僕、顏噲、顏何，見史記仲尼弟子列傳）未必卽是子淵。』（經學歷史）梁啓超曰：顏淵先孔子卒，是否有弟子傳其學，無可考。此文顏氏之儒，不知出誰何也。』

〔七〕孟氏，名軻，字子輿，鄒人，子思門人弟子，約生於周烈王初年卒於周赧王三十年。漢志有孟子十七篇，今存。梁啓超云：『孟氏之儒，卽孟子門下。』王應常云：『史記儒林傳云：孟子荀卿之列，咸遵夫子之業而潤色之，以學顯於當世，則其授受之廣可知。』（諸子學派要詮）

〔八〕漆雕氏，梁啓超云：『漆雕氏者，漢書藝文志儒家有漆雕子十二篇，原注云：孔子弟子漆雕啓後。』

(專集第十八冊下同。)

〔九〕仲良之良，道藏本，迂評本俱作梁。集解云：『盧文弨曰：梁，張本作梁。顧廣圻曰：按良、梁，同字也。』古今人名表有仲良子，五車韻瑞誤引作仲弓。梁啓超云：『孟子稱陳良，楚產，說周公仲尼之道，北方之學者，未能或之先；仲良豈陳良之字，如顏子淵稱顏淵，冉子有稱冉有耶？』

〔二〇〕孫氏解詁云：『恐脫公字。藝文志公孫尼子二十八篇，注七十子之弟子。太平御覽引公孫尼子。一曰恐公孫丑也。或曰：指孫卿子，非。』梁啓超云：『孫氏即荀卿。藝文志孫卿子三十三篇，劉向別錄亦稱爲孫卿書。或指孫氏爲公孫尼子，恐非。按兩說未知孰是。』

〔二一〕樂正氏。梁啓超云：『曾子弟子有樂正子春，此文樂正氏，疑即傳曾子學者。孟子弟子亦有樂正子，當屬孟氏一派也。』

〔一二〕相里氏。即相里勤，蓋北方之墨者。莊子天下篇云：『相里勤之弟子，五侯之徒，南方之墨者，苦廬、已齒、鄧陵氏之屬，俱誦墨經，而倍譎不同，相謂別墨。』

〔二三〕相夫氏。意林作相芬氏。解詁云：『合作胡非氏，以形似誤。藝文志、胡非子三篇，注墨翟弟子，可證。』札遼云：『蒲阪圓引山仲質云，相夫亦作祖夫。按廣韻二十陌伯字注云，韓子有伯夫氏，墨家流，則古本相或作伯，山氏所見本作祖夫，疑即伯夫之誤。相或當爲柏之譌，古柏、伯、聲同字通。』

〔一四〕鄧陵氏要詮云：『鄧陵子，蓋以居地爲氏，失名……與莊子年世相若。』

〔一五〕釋義云：『凡學派愈大者，其末流所分枝別愈多。故同一儒墨，而取舍相反不同，實事勢所必至。』
纂聞云：『荀子又有子夏氏之儒，子游氏之儒。』梁啓超子墨子學說云：『墨派可分爲四：（一）相里勤、五侯之徒，得力於勤儉力行者多；苦獲、已齒、鄧陵子之徒，得力於論理學者多；相夫氏一派，不詳；宋鉞、尹文一派，得力於非攻寬恕者多。』（專集第十冊）由此可知儒不僅分爲八，而墨亦不僅離爲三也。

〔一六〕集解云：『相反不同，語意重複，蓋一本作相反，一本作不同，校者旁注於下，刊時失刪耳。』

〔一七〕集解云：『乾道本不重孔墨二字。顧廣圻云：今本不上更有孔墨二字，按當有。先慎按北堂書鈔九十六引重孔墨二字，今據增。』按迂評本亦重此二字。

〔一八〕集解云：『乾道本無後字，據張榜本、趙本補。』按迂評本亦無後字。

〔一九〕解詁云：『誠猶真也。』

〔二〇〕虞夏堯舜補箋云：『按此二句當作「虞夏七百餘歲，殷周二千餘歲，」殆淺人所改也。虞夏約五百歲，而曰七百餘歲，殷周約千四百歲，而曰二千餘歲，皆根據傳聞，致有差誤耳。七百餘歲，加二千餘歲，則爲三千餘歲，故下文曰「今乃欲審堯舜之道於三千歲之前，」則殷周與虞夏當互易，明矣。』解詁云：『七百當作千有，』蓋從戰國逆數至殷周約千有餘歲，至虞夏則約二千餘歲。下文三千歲之三字，或爲

二字之誤。

〔一二〕參^{△△}駟謂印證；必斷也，決也；下文「必劍」「必馬」及「必士」之必字，與此同義。

〔一二〕誣，謂以偽爲真，以無爲有，以非爲是也。

〔二三〕雜^{△△△△}反之行集解云：「乾道本反下無之字。顧廣圻曰：今本有之字，按當有。今據增。」說文云：「雜、

五采相合也。」國字解云：「雜，謂儒、墨之不純粹；反，謂各派之相矛盾也。」翼^{△△}云：「儒、墨、漆、宋兼禮者，雜也；侈、儉、廉、寬相詭者，反也。」

〔二四〕弗^{△△}受解詁云：「不聽用也。」

墨者之葬也，冬日冬服，夏日夏服，桐棺三寸，服喪三月。〔一〕世主以爲儉而禮之。〔二〕儒者破家而葬。〔三〕賃子而償。〔四〕服喪三年，大毀扶杖。〔五〕世主以爲孝而禮之。夫是墨子之儉，將非孔子之侈也。〔六〕是孔子之孝，將非墨子之戾也。〔七〕今孝、戾、侈、儉，俱在儒、墨，而上兼禮之。漆雕之議，〔八〕不色撓，不目逃。〔九〕行曲則違於賊獲，行直則怒於諸侯。〔一〇〕世主以爲廉而禮之。〔一一〕宋榮子之議，〔一二〕設不鬪爭，〔一三〕取不隨仇。〔一四〕不羞囹圄。〔一五〕見侮不辱。〔一六〕世主以爲寬而禮之。夫是漆雕之廉，將非宋榮之恕也。是宋榮之寬，將非漆雕之暴也。〔一七〕今寬、廉、恕、暴，俱在二子，人主兼而禮之。自愚誣之學，雜反之辭爭。〔一八〕而人主俱聽之，故海內之士，言無定術，行無常議。〔一九〕夫冰

炭不同器而久，^{三〇}寒暑不兼時而至，難反之學不兩立而治。今兼聽雜學，謬行同異之辭，安得無亂乎？^{三一}聽行如此，其於治人又必然矣。

校釋：「^一墨家主張節葬，以爲『棺三寸足以朽骨，衣三領足以朽肉』，詳見墨子節葬篇。^{△△△}要證云：『北堂書鈔卷九十二，太平御覽卷五百五十，引此服作執，三月作三日，墨子公孟篇亦作三月，非。淮南子齊俗訓作三月，誘注云：三月之服，是夏后之禮。後漢書王符傳注引尸子云：禹制喪三日，亦當爲月。宋書禮志引尸子正作三月。』

「^二主字，集解云：『乾道本世下無主字。盧文昭云：主字脫，據下文補。先慎按北堂書鈔御覽引有主字，今據補。』今按迂評本亦有主字。

「^三破家，要證云：『墨子節葬篇曰：匹夫賤人死者，殆竭家室；諸侯死者，虛庫府。此所謂破家而葬也。』^{△△△}「^四賃子而償四字，據北堂書鈔御覽引文補。淵鑑類函亦引有此四字。解詁增補，但賃作償，誤。賃，說文：庸也，謂庸工也。有家可破者，則破家而葬；無家可破者，則舉償而葬，而以子之庸工於人償之，故曰賃子而償。」

「^五大毀，集解云：『北堂書鈔御覽引服均作執。』要證云：『喪服經爲父斬衰三年，父卒，爲母齊衰三年，』此儒家之喪禮也。解詁云：『大毀，御覽作毀而。評林，大毀，謂哀痛之極，形存骨立也。』墨子節葬篇云：

『上士之操喪也，必扶而能起，杖而能行。』

〔六〕解詁云：『墨者以薄爲道，見儒之孝，則非其侈；侈，奢侈也。』

〔七〕戾集韻：『力至切，音利，乖也，罪也。』解詁云：『君子不以天下儉其親，見墨之儉，則非其戾。』

〔八〕漆雕之議集解云：『上有漆雕之儒，此別一人。』要詮云：『上漆雕氏指漆雕啓，此則漢書藝文志所謂漆雕啓後著書者也。今按議與誼通，誼與義通，議謂所立之義也。』

〔九〕不色撓增讀云：『不色撓，顏色不屈撓也。不目逃，趙岐云：人刺其目，目不轉睛逃避之也。』

〔一〇〕臧獲爲奴婢之賤稱。楊子方言云：『荆、淮、海岱雜齊之間，罵奴曰臧，罵婢曰獲。』違避也。纂聞云：

『物曰違，謂遜而去之。』釋義云：『漆雕子十二篇已佚，其學說賴此僅存。儒家以智仁勇爲三達德，故見義不爲，謂之無勇。孔子疾之。曾子云：吾嘗聞大勇於夫子矣，自反而不縮，雖褐寬博，吾不憚焉。自反而縮，雖千萬人，吾往矣。即行曲則違於臧獲，行直則怒於諸侯之義。孟子稱：北宮黝不膚撓，不目逃，……不受於褐寬博，亦不受於萬乘之君……正與漆雕說同。黝疑即漆雕氏之儒。孟子又稱：孟施舍似曾子，北宮黝似子夏。蓋儒家實有此一派，二者殆皆儒家者流也。』

〔一一〕廉釋義云：『廉謂廉隅之廉，謂有圭角也。』今按詭使篇云：『難予謂之廉。』即其義。

〔一二〕宋榮子集解云：『顧廣圻曰：荀子正論云：子朱子曰：見侮人之不辱，使人不鬪。又天論解蔽皆云：』

宋子。漢書藝文志宋子十八篇，在小說家云。孫卿道宋子其言黃老意。先慎曰：莊子逍遙遊宋榮子猶然笑之。且舉世譽之而不加勸，舉世非之而不加沮，定乎內外之分，辯乎榮辱之境。釋文：宋榮子，司馬李云：宋國人也。崔云：賢者也。宋榮即宋鈳，榮鈳偏旁相通，月令腐草爲螢，呂覽淮南作蚺，榮之爲鈳，猶螢之爲蚺也。〔一三〕設集解云：「設，疑語譌。」補箋云：「說文：設，施陳也，从殳，殳使人也。設既從言，則本爲陳言敷論之誼。設不鬪爭，正用此誼耳。莊子人間世篇：忿設無由，巧言偏辭。淮南子原道篇：口不設言，手不指麾。本書難二篇：李子設辭。又五蠹篇：爲設詐稱。（爲借爲僞）並用「設」之本義也。王先慎疑「設」爲語譌，失之。」

〔一四〕隨仇釋義云：「不隨仇之隨字，疑爲墮字之通假字。不隨仇者，猶言不傾摧其仇人也。」增讀云：「取，孟子曰：楊子取爲我，言舍怨仇不相隨者，宋子所取也。物本作墮，非。」解詁云：「謂不追隨仇人而報其怨爲可，下文隨之以劍之隨。」今按設不鬪爭，謂其所陳者「不鬪爭」也；取不隨仇，謂其所取者，不追隨仇人而報怨也。

〔一五〕圉圖說文云：「圉，獄也，从口，令聲；圉，守之也，从口，吾聲。」不差圉圖，解詁云：「不恥在縲紲之中。」〔一六〕見侮不辱，荀子正論云：「子宋子曰：明見侮之不辱，使人不鬥。人皆以見侮爲辱，故鬪也。知見侮之爲不辱，則不鬪矣。」見侮不辱，蓋視儒家所謂「犯而不校」更進一步；其說與近代所謂無抵抗

主義相近。

〔二七〕兼禮解詁云：『以廉爲是，則專恕者爲非也；以寬爲是，則專暴者非。宜取其一，而人主兼禮之，謬矣。』

〔二八〕爭解詁云：『評林：爭如爭道而馳之爭。』今按爭，競也。

〔二九〕議識誤云：『藏本同，今本義作儀，誤。』今按迂評本亦作議。議與義通，常議，謂一定之主義也。

〔三〇〕翼毳云：『久一作處。』

〔三一〕今字下一句有二讀法：趙本凌本僅於辭字一逗，蓋以『兼聽』貫全句；迂評本於學字增一逗，蓋以『兼聽』與『繆行』並列，與下句『聽行』二字相應。今從迂評本讀法。雜學謂雜反之學，同異謂以異爲同，而相矛盾也。

今世之學士語治者，多曰：『與貧窮地，以實無資。』〔一〕今夫與人相若也，〔二〕無豐年旁入之利，而獨以完給者，非力則儉也。〔三〕與人相若也，無饑饉疾疢禍罪之殃，〔四〕獨以貧窮者，非侈則惰也。〔五〕侈而惰者貧，而力而儉者富。今上徵斂於富人，以布施於貧家，是奪力儉而與侈惰也，而欲索民之疾作而節用，不可得也。〔六〕

校釋 〔一〕與貧窮地讀云：『言與貧窮之民以地，而使無資力者亦不乏也。』

〔一〕相若[△]，道藏本、迂評本、趙本、凌本俱作相善，誤。集解云：乾道本若作善，下同。俞樾云：『善字皆若字之誤。與人相若也，猶曰鈞是人也。俗書若字作若，善字作善，兩形相似而誤。』先慎按：張榜本善字作若，不誤，今據改。』

〔二〕旁入[△]，解詁云：『讀：豐年之利，收穫之多也。增：旁入，言竹木畜產之類。評林：無豐年之可以多稔，無富人之可以旁藉，而獨能生殖富完自給者，非力作，則節儉也。』

〔四〕集解云：『拾補：疾作疫。盧文昭曰：疾，舊人改疫。』翼肅云：『疾：久病也。』

〔五〕惰[△]，迂評本、趙本、凌本俱作墮。集解云：『乾道本惰作墮。張榜本作惰，下同，今據改。』

〔六〕布施[△]，施與也。索求也。疾[△]，亟也。

今有人於此，義不入危城，不處軍旅，〔一〕不以天下大利，易其脛一毛；〔二〕世主必從而禮之，貴其智而高其行，以爲輕物重生之士也。〔三〕夫上〔四〕陳良田大宅，〔五〕設爵祿，所以易民死命也。〔六〕今上尊貴輕物重生之士，而索民之出死而重殉上事，〔七〕不可得也。藏書策，習談論，聚徒役，服文學而議說，〔八〕世主必從而禮之，曰：『敬賢士，先王之道也。』夫吏之所稅，耕者也。〔九〕上之所養，學士也。耕者則重稅，學士則多賞，而索民之疾作而少言談，不可得也。立節參名，〔一〇〕執操不侵，〔一一〕怨言過於耳，必隨之以劍，世主必從而禮之，以爲自好之士。〔一二〕夫斬首之勞不賞，而家

鬪之勇尊顯，而索民之疾戰距敵，^{〔一〕}而無私鬪，不可得也。國平則用儒俠，難至則用介士，所養者非所用，所用者非所養，此所以亂也。^{〔二〕}且夫人主於聽學也，^{〔三〕}若是其言，宜布之官而用其身，^{〔四〕}若非其言，宜去其身而息其端。^{〔五〕}今以爲是也，而弗布於官，以爲非也，而不息其端，是而不^{〔六〕}用，非而不息，亂亡之道也。

校釋 ^{〔一〕}不入危城謂避險地也；^{〔二〕}不處軍旅謂逃兵役也。

^{〔二〕}脛一毛此蓋譏楊朱者流，純持個人主義。孟子云：『楊子取爲我，拔一毛而利天下，不爲也。』讀云：『易換也。』脛之一毛，所損甚小，猶不肯以之易天下之大利，極言其『爲我』也。

^{〔三〕}貴生之士列子楊朱篇云：『智之所貴，存我爲貴。』所謂『貴其智』，即貴其『存我』之智也。淮南子云：『全性保真，不以物累形，楊子之所立也。』所謂『高其行』，即高『其不以物累形』之行也。
^{〔四〕}上字下各舊本原有『所以』二字。增讀云：『按詭使夫陳善田利宅，所以戰士卒也；賞祿，所以盡民力，易下死也。夫上所以疑衍所以。』纂聞、評釋均據刪，今從之。

^{〔五〕}宅集解云：『乾道本宅作澤。顧廣圻云：藏本、今本澤作宅。先慎案作宅是，今據改。內儲說上篇云：賜之上田上宅，是其證。』今按迂評本亦作宅。

^{〔六〕}死命死上之命也。

〔七〕出死，謂盡力以至於死，猶言獻身也。殉，漢書李陵傳：「殉國家之急。」師古注云：「殉，營也；一曰從也。」凡以身從物皆曰殉。

〔八〕徒役謂徒黨也。此句以下，蓋譏儒家。

〔九〕解詁云：「評林國之賦稅，出於耕也。」

〔一〇〕此句以下，蓋評墨者。立節參明之明字，乾道本作民；王道焜本作名，迂評本、趙本、藏本、凌本作明。增讀云：「明名通，諸本作名。物云：『言勸立節操，參以名譽，不爲人所侵侮也。』翼毳云：『參，韻會，叢立貌；讀若參於前之參，亦獨立也。墨子非攻篇云：富有天下，名參乎天。後漢書張衡傳云：僕進不能參名於二立，注二立謂太上立德，其次立言，明或作名，言立己節，立己名也。』今按作名爲是，茲從王道焜本。

〔一一〕執操不侵，言其操守凜然不可犯也。

〔一二〕增讀云：「自好，荀子：善在身，介然必以自好也。說苑：申公子倍自好也。孟子：鄉黨自好者不爲，注：自喜好名者也。」

〔一三〕古無槍砲，作戰以能斬首爲功，故曰「斬首之勞」。家門，私門也。疾戰，卽亟戰，猶言勇於作戰也。距與拒通，距敵，抗敵也。

〔一四〕國平謂平時，難至謂戰時，難讀去聲。介士，介冑之士也；古者作戰，須用介冑，故謂戰士爲介士。史

記引作『寬則寵名譽之人，急則用介冑之士』，養下用下，並無者字。

〔二五〕識誤云：『藏本、今本主下有之字，今本於聽作聽於，皆誤。』今按迂評本、趙本、凌本亦俱作『人主之聽於學也』。纂聞云：『學謂文學之士。』

〔二六〕集解云：『官而張榜本、趙本作而官，誤倒。』今按迂評本、凌本俱同於乾道本作官而。

〔二七〕息止也。端萌也，始也，首也。

澹臺子羽，〔一〕君子之容也，仲尼幾而取之。〔二〕與處久，而行不稱其貌。〔三〕宰予〔四〕之辭，雅而文也。仲尼幾而取之，與處而智不充其辯。〔五〕故孔子曰：『以容取人乎？失之子羽；以言取人乎？失之宰予。』〔六〕故以仲尼之智，而有失實之聲。〔七〕今之新辯，濫乎宰予；而世主之聽，眩乎仲尼。〔八〕爲悅其言，因任其身，則焉得無失乎？〔九〕是以魏任孟卯之辯，而有華下之患。〔一〇〕趙任馬服之辯，而有長平之禍。〔一一〕此二者，任辯之失也。夫視鍛錫而察青黃，區冶不能以必劍。〔一二〕水擊鵠鴈，陸斷駒馬。〔一三〕則臧獲不疑鈍利，發齒吻，相形容，伯樂不能以必馬。〔一四〕授車就駕，而觀其末塗。〔一五〕則臧獲不疑駑良，觀容服，聽言辭，則仲尼不能以必士。試之官職，課其功伐。〔一六〕則庸人無疑於愚智，故明主之吏，宰相必起於州部，猛將必發於卒伍。〔一七〕夫有功者必賞，則爵祿厚而愈勸；遷官襲綬。〔一八〕則官職大而愈治。夫爵祿大而官職治，王之道也。

校釋 〔一〕翼鬻云：『濬臺姓，子羽字，名滅明，孔子弟子。』

〔二〕幾或解爲察，如讀；或解爲期，如增讀，似均不甚洽。今按韻會：幾，將及也；爾雅釋詁：近也。易中孚：『月幾望；』禮樂記：『知樂則幾於禮矣；』史記留侯世家：『幾敗乃公事。』此幾字宜訓爲將及，幾而猶言幾乎也，取猶言賞識也。

〔三〕拾補云：『久字藏本無，下同。』今按迂評本亦無久字，稱讀去聲。

〔四〕選注云：『宰予即宰我，孔子弟子。』

〔五〕識誤云：『藏本同，今本處下有久字。』今按迂評本亦無久字。

〔六〕翼鬻云：『孔子家語無乎字，作則字，下屬。』

〔七〕纂聞云：『聲名也。』

〔八〕辯謂辯說，新辯對舊辯而言，舊辯指宰予之辯，新辯則指戰國之辯。戰國時尚辯，自游說之士以及一切學派幾無一不求以辯勝，至有辯士之稱。纂聞云：『今飾辯者，汎濫博文，過於宰予；世主之智，不及孔子，故爲眩惑。』

〔九〕爲猶如也，讀平聲。

〔一〇〕翼鬻云：『秦昭王三十六年，客卿胡傷攻魏，擊芒卯，華陽破之。華陽即華下，注：亭名，在密縣。』

〔一二〕翼云：『馬服趙奢之子括也。趙孝成王六年廉頗將軍軍長平，七年廉頗免，而趙括代將。秦人圍趙括，括以軍降，卒四十餘萬皆坑之長平。故城在澤州高平縣西三十里。』

〔一二〕選注云：『區冶，一作歐冶，古善鑄劍者。冶劍必鍛以錫青黃，劍燒色也。謂僅察劍之材料與其燒色，仍不能決劍之利鈍也。』

〔一三〕趙策：『吳干將之劍，肉試則斷牛馬，金試則截盤盂。』蘇秦傳：『陸斷牛馬，水截鵠鴈。』言如此試劍，乃知其利也。

〔一四〕解詁云：『讀：觀馬必啓其口，視其齒。增：一本形上有相字。』鳳卿按形上恐脫察字，上下文可例。『今依纂聞本增相字，讀去聲。』伯樂，古善相馬者，必斷也，決也。

〔一五〕末途，終途也。纂聞云：『蓋競逐者所駐之末，表所立也。』

〔一六〕功伐，功績也。

〔一七〕州部，或爲州郡之誤。解詁云：『先試之州郡守令，而知其能否，然後延之廟堂。』今按此言文武官吏必須由下級漸升至上級，以資歷練。

〔一八〕遷官，變級即循資進級之意，此乃一種文官制度。

磐石千里，不可謂富，象人百萬，〔一〕不可謂強，石非不大，數非不衆也，〔二〕而不可謂富強者，

磐石不生粟，^{〔三〕}象人不可使距敵也。今商官技藝之士，^{〔四〕}亦不耕而食，是地不墾，與磐石一貫也。^{〔五〕}儒俠毋軍勞而顯榮者，^{〔六〕}則民不使與象人同事也。^{〔七〕}夫知禍^{〔八〕}磐石象人，而不知禍商官儒俠爲不墾之地，不使之民，不知事類者也。

校釋 ^{〔一〕}拾補云：「象人或作俑人。」集解云：「象人卽俑人也。孟子曰：始作俑者，其無後乎？爲其象人而用之也。作象人是。」纂聞云：「木偶人形，故曰象人。」翼龜云：「象人謂以偶爲人也。」今按象人或以木製，或以偶製，今俗且有以紙製者，但取其似人耳。

^{〔二〕}集解云：「數當作象人二字，上下文可證。」今按數字可通，不必改。

^{〔三〕}磐下原無石字。識誤云：「磐下當有石字。」翼龜云：「合纂類語有石字。」今據補。

^{〔四〕}讀云：「商官商賈納貨得官者也。」纂聞云：「五蠹：官爵可買，則商賈不卑矣。管子：商官非虛亡也。」

^{〔五〕}耕各舊本作均作墾，惟纂聞本作耕。翼龜云：「墾亦作耕，是。」今據改。一貫，解詁云：「猶言同樣也。」增

讀：任昉代齊明帝表，毀譽一貫，注：莊子：老聃曰：彼以生死爲一條，不可爲一貫。」今按商君書慎法篇亦

有「一貫」字樣，義與此同。

^{〔六〕}而顯榮各舊本作顯而榮。增讀云：「合作而顯榮。」集解云：「顯而當作而顯。」今據改。榮者，對補云：「者當作諸，顯而榮諸，卽顯而榮之也。若作者字，則與上下文義不屬。」

〔七〕^{△△}同事猶言同類也。此乃以象人喻不使之民。

〔八〕^{△△}知禍各舊本原作禍知。識誤云：「禍知當作知禍，此以知禍與下句不知禍相對也。」纂聞云：「知禍，能知之以爲禍也。原作禍知，誤。」今據改。

故敵國之君王，雖說吾義，吾弗入貢而臣；〔一〕關內之侯，雖非吾行，吾必使執禽而朝；〔二〕是故力多則人朝，力寡則朝於人，故明君務力；〔三〕夫嚴家無悍虜，〔四〕而慈母有敗子，〔五〕吾以此知威勢之可以禁暴，而德厚之不足以止亂也。〔六〕夫聖人之治國，不恃人之爲吾善也，而用其不得爲非也。〔七〕恃人之爲吾善也，境內不什數；〔八〕用人不得爲非，〔九〕一國可使齊。爲治者用衆而舍寡，〔一〇〕故不務德而務法，夫必恃自直之箭，百世無矢；〔一一〕恃自圓之木，千世無輪矣。〔一二〕自直之箭，自圓之木，百世無有一，然而世皆乘車射禽者，何也？隱括之道用也。〔一三〕雖有不恃隱括而有自直之箭，自圓之木，良工弗貴也。〔一四〕何則？乘者非一人，射者非一發也。雖不恃賞罰而有恃自善之民，明主弗貴也。何則？國法不可失，而所治非一人也。故有術之君，不隨適然之善，而行必然之道。〔一五〕

校釋 〔一〕[△]說讀爲悅。『吾弗入貢』之吾，或爲彼字之誤。講義云：『吾字衍。』解詁云：『評林：『言義不

足以服民也。』翼龜云：『弗能使之事我也。』

〔二〕關內之侯，即關內侯，秦軍爵之最高一級也。翼彘云：『魏策，王不若與寶屢關內侯。』鮑注：侯於關內耳，此時未爲爵。吳注：關內侯之稱不獨起於秦也。』今按關內之侯，如非指爵名，宜解爲境內之侯，或解爲附庸亦可。執禽，即執贊也。讀云：『魏策，越王使大夫種行成於吳，請男爲臣，女爲妾，身執禽而隨諸御。』鮑注：禽鳥，小贊也。吳注：執禽鳥服役。』增讀云：『秦族訓百姓歌謳而樂之，諸侯執禽而朝之。』左傳：男贊大者玉帛，小者禽鳥。注：卿執羔，大夫執雁，士執雉。』

〔三〕朝於人，解詁云：『評林，見臣服於人也。』法家以國之強弱，係於力之多寡，故主務力，富國強兵，即所以務力也。

〔四〕翼彘云：『史記李斯傳，悍作格。索隱曰：格，謂彊悍也；虜，奴隸也；言嚴整之家，本無格悍奴僕也。』

〔五〕增讀云：『呂子，家無笞怒，則豎子嬰兒之有過也立見。六反，母以厚愛處子，多敗。』『嚴家無悍虜而慈母有敗子』，李斯上書倒引作『慈母有敗子而嚴家無格虜』，見李斯傳。

〔六〕儒家尙德，而法家任勢，故如此云云，李斯曾稱引之。

〔七〕恃人爲吾善，謂儒家之德化，用其不得爲非，則法家之法治也。

〔八〕纂聞云：『五蠹，今貞信之士，不盈於十，謂寡也。』今按此言用德化，則能化而爲善者甚少。至於法治，則無不治矣，故曰：『一國可使齊。』

〔九〕集解云：『乾道本無爲字，顧廣圻曰：今本得下有爲字。今據補。』今按：迂評本亦有爲字。

〔一〇〕迂評本：『一國可使齊爲治也。』作一句讀。識誤云：『一國可使齊，五字爲一句。』又云：『藏本同，今本者作也，誤。』今從乾道本。用衆而舍寡，選注云：『用不得爲非之法，而舍待賢者之論。』

〔一一〕集解云：『意林御覽九百五十二引：恃作待，下同，矢下有矣字。按：困學紀聞卷十引作恃，與此合。』今按：迂評本、藏本、趙本、凌本均作恃，是世古以三十年爲一世，卽一代，今則以百年爲一世紀。

〔一二〕千世之世，拾補云：『張本作歲。』集解云：『意林御覽引亦作歲。困學紀聞引仍作世，與此合。』今按：迂評本、道藏本作歲，趙本、凌本作世，今從乾道本。

〔一三〕集解云：『張榜本趙本：栝作括。公羊、何休序云：隱括使就繩墨是也。字當作栝，說文：栝，槨也，從木，昏聲。今通用炊竈木之栝，又或從括，書太甲：往省括於度是也。』增讀云：『荀子：拘木必將待隱栝，注：正曲木之木也；又示諸隱栝，注：矯揉木之器也。』翼譔云：『揉曲曰隱，正方曰栝。』迂評云：『喻民不自善，必以法驅之。』

〔一四〕集解云：『雖有二字衍，而有之有當作恃。』解詁云：『山云：多上有字。鳳卿按：上有字，恐曰字之誤。』纂聞云：『荀子：天下有不以此爲隆正也，然而猶有能分是非，治曲直者耶？用兩有字，與此同法。』圓音環，圓也。

「一五」舊注云：『適然謂偶然也。』翼龜云：『鬼谷子云：事有適然，物有成敗，注：適然者有時而然也。』今按適然之善謂德化，必然之道謂法治。

今或謂人曰：『使子必智而壽，』則世必以爲狂。『一』夫智，性也；壽，命也。性命者，非所學於人也。『二』而以人之所不能爲，說人，此世之所以謂之爲狂也。謂之不能然，則是諡也。夫『三』以仁義教人，『四』是以智與壽說人也。『五』有度之主弗受也。故善毛嫱、西施之美，『六』無益吾面；用脂澤粉黛，『七』則倍其初。言先王之仁義，無益於治，明吾法度，必吾賞罰者，亦國之脂澤粉黛也。故明主急其功而緩其頌，『八』故不道仁義。『九』

校釋

「一」集解云：『張榜曰：狂與誑同。』

「二」翼龜云：『荀子性惡篇云：凡性者，天之就也，不可學，不可事。』又云：『論語：生死有命。』蓋謂智壽出於天定，非人力所能爲，何可以之說人？

「三」夫下原有『諡性也』三字。自『謂之不能然』至『性也』十三字，乾道本有，迂評本無，纂聞本則刪『諡性也』三字，而以夫字屬下讀。集解云：『王渭曰：句有誤。先慎曰：張榜本趙本諡皆作喻。』增讀云：『謂之不能然句，謂疑說誤，言說之不能如其言也。則是諡也。句夫字屬下，言以性命之說相諡耳，無益於事也。諡性也，疑注文，誤入正文。』纂聞云：『離騷：世既莫吾知兮，人心不可謂兮。王逸云：謂猶說也。』補

箋云：『論借爲諛。今或謂人曰，使子必智而壽，而事實不能如此，則是詔諛矣。諛諛古音同。荀子修身篇：以不善和人者謂之諛。』楊注：『諛與俞同。莊子駢拇篇：通如俞兒。淮南子汜論篇作夷兒，則諛諛亦可通用矣。夫下諛字涉上文諛字而衍，性涉上文智性也而衍。夫以仁義教人，句。』

〔四〕集解云：『乾道本無義字。顧廣圻曰：今本仁下有義字。按依下文，當有，今據補。』今按迂評本、趙本、凌本俱有義字。

〔五〕集解云：『乾道本無人字。盧文昭曰：人字脫，今本有。今據補。』今按說人之人字，趙本凌本無，迂評本有，以有爲是。

〔六〕翼說云：『善言羨而譽之；毛嬙西施皆美女。』集解云：『拾補作裔作嬙。盧文昭云：藏本作廋。顧廣圻云：藏本作廋是也。今本作嬙，誤。按左昭三年傳釋文：嬙廋本又作嬙，哀三年妃嬙本又作廋。嬙在說文新附。按藝文類聚五十二御覽六百二十四、七百一十九引並作嬙。』今按乾道本作裔，迂評本作廋，趙本作嬙，字同。

〔七〕翼說云：『釋名云：脣脂以丹作，象脣赤也。又云：香澤，人髮恆枯瘁，以此潤澤之。蔡邕女賊云：傅脂則思其心之和，澤髮則思其心之潤。粉，白粉，傅面者；黛，畫眉也。楚辭云：粉白黛黑。』

〔八〕功字，各舊本俱作助，惟纂聞本改作功，今從之。纂聞云：『功元作助，從山氏正。』評釋云：助謂作功，

謂成功。」又云：「頌誦通，法誦先王之書策也。」解詁云：「評林、賞罰法度，治之助也，明主必急之，而緩其智壽之頌。」今按功謂法度賞罰之功，頌謂頌說先王之仁義，又助疑爲法字之誤。

〔九〕道言也，說也。

今巫祝之祝人曰：「使若〔一〕千秋萬歲。」千秋萬歲之聲聒耳，〔二〕而一日之壽無徵於人，此人之所以簡巫祝也。〔三〕今世儒者之說人主，不言今之所以爲治，而語已治之功，〔四〕不審官治之事，不察奸邪之情，而皆道上古之傳譽，先王之成功。〔五〕儒者飾辭，〔六〕曰：「聽吾言則可以治。」此說者之巫祝，有道之主不受也。故明主舉事實，去無用，不道仁義者故。〔七〕不聽學者之言。

校釋 〔一〕巫祝卽巫。巫，說文：「祝也，女能事無形以舞降神者也。」楚語：「男曰覡，女曰巫。」後世男

女巫者，通稱爲巫。祝人之祝，聘也。翼義云：「若，汝也。」

〔二〕集解云：「乾道本上歲字與下秋字互易，聒作括。盧文弨云：千歲譌，下同。括藏本作聒。顧廣圻云：藏本下秋字與上歲字互易是也。今本二秋字皆作歲，誤。戰國策：犀首跪行，爲儀千秋之祝。藏本括作聒，案當作聒。先慎案此當讀使若干秋萬歲，句千秋萬歲之聲聒耳，句括張榜本作聒，是今據改。」今案趙本兩秋字俱作歲，聒作括，今從迂評本。增讀云：「說文、聒、謹語也。」翼義云：「括、聒、音通。慧琳音義三十三聒耳云：

謹聒也。倉頡篇擾亂耳孔也。」

〔三〕徵驗也。簡輕也。翼彘云：『簡、忽略無禮也。孟子云：是簡驢也。』

〔四〕集解云：『乾道本言作善，今據張榜本、趙本改。』今按迂評本、凌本俱作言。語字當讀去聲，亦言也。

〔五〕傳譽各舊本均於傳字逗，譽屬下；惟選注本於譽字逗，屬上讀較是。傳譽、傳頌、傳說也。孔子自稱『述而不作，信而好古』，中庸稱：『仲尼祖述堯舜，憲章文武，故儒家皆道上古之傳譽，先王之成功。』儒家法古，法家復古，故韓非非之。

〔六〕集解云：『乾道本無者字，飾作釋。顧廣圻云：藏本今本釋作飾，今本儒下有者字，按句有誤。先慎按有者字是，釋當作飾，今據增改。』今按迂評本、趙本、凌本俱作『儒者飾辭』，飾辭謂詐言以聳聽也。

〔七〕集解云：『盧文弨曰：者字舊本刪。顧廣圻曰：者字當衍。俞樾曰：者字古與諸通。禮記郊特牲云：或諸遠人乎？儀禮士虞禮注引作或者遠人乎？是其證。廣雅釋言：諸之也。不道仁義者故，卽不道仁義之故，與不聽學者之言兩句相對。諸之互用，古書多有。禮記少儀篇申之面，拖諸帶；孟子滕文公篇注諸海，注之江，皆是也。大戴記將軍文子篇：道者孝弟，說之以義，而觀諸體者與！諸並猶之也。顧氏以者爲衍，而以故字屬下讀，失其義矣。』讀云：『者當作之。』今依俞說，不改。翼彘云：『故事也，說也；繫辭傳：知幽明之故。』

今不知治者，必曰：『得民之心。』得民之心而可以爲治，則是伊尹管仲無所用也，將聽民而

已矣。〔一〕民智之不可用，猶嬰兒之心也。夫嬰兒不剔首則復痛，〔二〕不副瘞則寢益。〔三〕剔首副瘞，必一人抱之，慈母治之，然猶啼呼不止，嬰兒子不知犯其所小苦，致其所大利也。〔四〕今上急耕田墾草，以厚民產也，而以上爲醢。〔五〕修刑重罰，以爲禁邪也，而以上爲嚴。徵賦錢粟，以實倉庫，且以救饑饉，備軍旅也，而以上〔六〕爲貪。境內必知介而無私解，并力疾闘，所以禽虜也，而以上爲暴。〔七〕此四者，所以治安也，而民不知悅也。〔八〕夫求聖通之士者，爲民知之不足師用。〔九〕昔禹決江濬河，而民聚瓦石；〔一〇〕子產開畝樹桑，鄭人謗訾；〔一一〕禹利天下，子產存鄭，皆以受謗，夫民智之不足用亦明矣。〔一二〕故舉士而求賢智，爲政而期適民，皆亂之端，未可與爲治也。〔一三〕

校釋

〔一〕儒家尙德化，故重得民。法家尙法治，故重齊民。得民之極，必至聽民，無以爲治，故韓非非之。下得民二字上原有欲字。評釋云：『或曰欲字衍，』今據刪。伊尹相太甲，爲殷代之政治家。管仲相桓公，霸諸侯，爲法家之先導。

〔二〕舊注：『首病不治，則加痛也。』增讀云：『剔讀爲繫，音替，剃髮也。』今按剔首，猶俗言『剃頭』也。復痛之復，各舊本作腹。集解云：『腹乃復半之譌。』素問瘡論：病極則復，復與獨通。說文：獨，重也。今皆以複爲之。注訓爲加，是所見本作復，不誤。』今據改。今俗猶謂小兒病首，可以剔首之法治之。如不剔首，則更痛矣。此意與『不剔首則復痛』正合。

〔三〕副字、各舊本作副，又或作攝。舊注云：「座」謂癰也；副座（原作威）而潰之，副披（原倒）也。集解云：「攝字不見於字書，下作攝，亦後起之字，注作副是也。說文：副，判也。周禮云：副辜祭，猶文作副，今周禮亦作副，副副同。古本韓子作副，或改作副，寫者又誤加手旁，校者又於下文去刀旁，展轉譌誤，遂不成字，幸注文猶存真。又案注威字當爲座之譌，披副二字亦倒。」解詁云：「正字通：副、攝、擊、通。按攝卽俗副字。」翼鶴云：「副，裂也。曲禮云：爲天子削瓜者副之，注：既削又四析之。鷄冠子云：若扁鵲者，鑊血脈投毒藥，副肌膚，浸益，言膿腫漸加也。」傳校云：「詩：不折不副，孔疏：不副裂其母，此亦副爲裂義之證。」

〔四〕解詁云：「副首副座，小苦而去疾除害，則大利也。」

〔五〕義殘酷也。

〔六〕集解云：「乾道本無上字。顧廣圻云：今本以上有上字。按有上字是，上下文可證。乾道本脫，今從今本增。」今按：迂評本亦有上字。

〔七〕「必知介而無私解」七字，迂評本、趙本、凌本俱作「教戰陣閱士卒」六字，今從乾道本。識誤云：「藏本同，今本作教戰陣，閱士卒，誤。按境內必知者，八說篇云：此其臣有姦者必知，又云：而務必知之術也，是其義。介當作分，分而無私者，制分篇云：宜務分刑賞爲急，又云：亡者，其制刑賞不分也云云，是其義。解字上下當有脫文。」今按：此節言強兵，迂評本等改爲教戰陣閱士卒，意是而詞非。識誤知其詞誤，而於「必

知介而無私解，『亦未得其解。介，介冑，猶言兵也。解與懈通，詩大雅、夙夜匪解，是其證。』必知介而無私解者，猶言必須知兵而不得偷惰也。若如識誤所說，則既與下文不銜接，又與上文重複矣。禽與擒通，虜謂俘虜。

〔八〕四者指上文四項，即重農、重刑、徵賦、強兵四種政策。集解云：『盧文弨曰：凌本作知之而不悅也；並注云：謂民不悅也。』今按：迂評本與凌本同，今從乾道本爲是。

〔九〕知與智同。

〔一〇〕趙本注：『欲以擊禹也。』翼韞云：『呂氏春秋云：禹之決江水也，民聚瓦礫；事已成功，已立爲萬世利。禹之所見遠也，而民莫之知。』

〔一一〕翼韞云：『左傳云：子產使都鄙有章，上下有服，田有封洫，廬井有伍，大人之忠儉者從而與之，秦侈者因而斃之。從政一年，輿人誦之曰：取我衣冠而褚之，取我田疇而伍之。孰殺子產，吾其與之。』又作丘賦，國人謗之曰：其父死於路，己爲蠶尾，以令於國，國將若之何！』

〔一二〕『存鄭』下迂評本有人字，趙本凌本無，今從之。

〔一三〕儒墨均尚賢，而法家則非賢而任法，故以求賢適民爲亂端。集解云：『乾道本無士者至治也七十六字。顧廣圻曰：藏本、今本有，未詳所出。先慎案御覽九百五十五，事類賦二十五引並有子產開畝樹桑，

鄭人謗訾二句，是宋本不盡脫也。今據藏本補趙本而民聚瓦石下並有注云：欲以擊禹也五字。張榜本末句可與作可以。今案迂評本亦有『士者』以下七十六字，蓋乾道本所脫也。

五蠹

釋題 本篇原爲第十九卷、第四十九篇。本篇得名，以末節曾言『五蠹之民。』『五蠹之民。』謂（一）學者、即儒家，（二）言談者、即說客及縱橫家，（三）帶劍者、即游俠，爲墨家之支派，（四）患御者、即近習，（五）商、工之民。此五種人，韓非認爲無益於耕戰，故牖之曰蠹。蠹，說文云：『木中蟲也；』猶言害也。

提要 本篇主旨乃由一種進化的歷史觀，推出一種法治論。『論世之事，因爲之備，』『時異則事異，事異則備變，』此進化的歷史觀也。『以法爲教，以吏爲師，』『尊耕戰之士，』『除五蠹之民，』此則急世之法治論也。進化的歷史觀，與儒家之保守論相反；法治論與儒家之仁義說相反。故篇中處處針對儒家說法，與顯學篇爲同類之作。

考證 李斯建議秦始皇焚書坑儒，『若有欲學者，以吏爲師，』（詳見史記李斯傳）即實行本篇所謂『以法爲教，以吏爲師。』李斯爲文，曾引用本篇之文。秦二世責問李斯，亦引用本篇『堯之王天下也』一節，文字與今本大同小異。（見同上）司馬遷爲非作傳，特著五蠹篇名。由此可證本篇出於非作，自秦以來，即已流行。

上古之世，人民少而禽獸衆，人民不勝禽獸蟲蛇。〔一〕有聖人作，搆木爲巢，以避羣害，而民悅。

之。〔一〕使王天下，號之曰『有巢氏』。〔二〕民食果、蓂、蟠、蛤、腥、臊、惡、臭，而傷害腹胃，民多疾病。〔四〕有聖人作，鑽燧取火，以化腥臊，而民說之，使王天下，號之曰『燧人氏』。〔五〕中古之世，天下大水，而鯀、禹決瀆。〔六〕近古之世，桀、紂暴亂，而湯、武征伐。〔七〕今有構木鑽燧於夏后氏之世者，必爲鯀、禹笑矣；有決瀆於殷、周之世者，必爲湯、武笑矣。然則今有美堯、舜、禹、湯、武之道於當今之世者，必爲新聖笑矣。〔八〕是以聖人不期循古，〔九〕不法常可，〔一〇〕論世之事，因爲之備。〔一一〕宋人有耕者，〔一二〕田中有株，〔一三〕兔走觸株，折頸而死，因釋其耒而守株，冀復得兔；兔不可復得，而身爲宋國笑。〔一四〕今欲以先王之政，治當世之民，皆守株之類也。〔一五〕

校釋 〔一〕集解云：『御覽七十八引衆作多，蟲蛇作虵。』今按文選東征賦注引仍作衆與蟲蛇。

〔二〕構與構通。玉篇：『構，架屋也。』宋本、明本俱作構，惟文選東征賦注引作構，同注引文無有字，『以避』至『天下』十二字作『以羣居天下』，蓋省文也。

〔三〕集解云：『各本號下無之字，御覽有，依下文當有，今據補。』今按文選注引號下亦無之字。初民穴居野處，有巢氏發明家屋，以避羣害，因以得名。莊子盜跖篇云：『古者禽獸多而人民少，於是民皆巢居以避之，蓋食橡栗，暮栖木上，故命曰有巢氏之民。』

〔四〕蟹蟪云：『木實曰果，草實曰蓂，蟠蚌同，蜃屬，蛤似蚌而圓。』解詁云：『評林：木實曰果，蔓生曰蓂，蛤，』

腸也。腸死而有血，燥乾而無汁也。惡未敗而色臭也，臭既敗而味臭也。』又云：『山云：腹當作腸，解老民以腸胃爲根本。』

〔五〕解詁云：『燧，取火之木也。』新釋云：『鑽，所以穿也。論語陽貨，鑽燧改火，馬注曰：周書月令有改火，春取榆柳之火，夏取棗杏之火，秋取柞櫟之火，冬取槐檀之火。一年之中，鑽火各異木，故曰改火也。』白虎通云：『鑽木燧取火，教民熟食，養人利性，避臭去毒，謂之燧人也。』今按鑽燧取火，以化腥臊，爲發明火食之始，燧人氏卽以此而得名，說與悅同。

〔六〕縣爲禹父，決，俗作決。決，潰，謂疏河也。史稱唐虞時有洪水爲患，縣禹先後受命治河，水患乃止。

〔七〕近古之世，謂夏殷時代。殷湯放夏桀，周武伐殷紂，卽易所謂『湯武革命』是也。

〔八〕后，說文：『繼體君也。』夏后猶言夏君或夏王也。美，贊美也。禹字原在武字下，集解云：『湯武禹當作禹，湯武』今據改。新釋云：『新聖，韓子自稱。孔子，文王，墨子，兼王，荀子，後王，均以之自擬者。』

〔九〕不期，循古各本作不期，修古，宋本注云：『在扶世急也。』商君書凡用循者俱作修。扎逢云：『修當爲循。經典循修通用，隸書循修二字形略同，傳寫多互誤。』纂聞云：『修宜作循，謂不必循行古事也。』今據改。纂聞云：『禮記，禮也者，反本修古，不忘其初。商子，湯，武不修古而王，商君傳修作循。趙策，修古無愆，鮑注改修爲循。吳注姚云，一作循。史記商君傳正作循。韓文考異引方氏云：唐人書修近循，楚辭亦有誤者，則

此字古已混耳。傳校云：『修、借爲循，乃同聲通假。修各本作脩，隸書脩循二字略同。』

〔一〇〕常可，識誤云：『藏本同，今本可作行，誤。』翼云：『商君傳聖人苟可以強國，不法其故，故即常行也。』今按常可，猶言慣例也。

〔一一〕論世之事因爲之備，即語所謂『因時制宜』是也。儒家主張循古守舊，而法家則以上古，中古與近古之事各異，不得不變其備，因成一種進化論。此段旨趣與商君書開塞篇互爲發明。

〔一二〕耕者原作耕田者。集解云：『舊本耕下有田字。藝文類聚九十五，御覽四百九十九及八百二十二，九百七，事類賦二十三引耕下無田字，今據刪。』今從之。

〔一三〕翼云：『株，斷木也。慧琳音義三卷，株杙，考聲云：殺樹之餘也。』新釋云：『株，枯樹本也。』

〔一四〕釋委也。耒，耕器也。冀，求也。

〔一五〕此段以守株喻守舊之愚，可謂妙語解人也。纂聞云：『四書釋地云：孫學翼九歲時，讀宋人撰苗助長，笑問曰：宋人若是，其愚亦可概見乎！余曰：見莊列二書，如資章甫而適越，不知越人無所用者，宋人也。鬻不龜手之藥，得百金，不知有時用之以封者，宋人也。即曹商爲宋王使秦，得車至多，莊子詆其同於舐痔。往問富於齊國氏，得其爲盜之言，遂真爲盜，以賊獲罪者，宋之向氏也。自曝於日，顧其妻，將以獻吾君，邀重賞者，宋之田夫也。得人遺契，歸數其齒，告其鄰，吾富可待者，宋之游於道者也。雖狙公籠衆狙以芋，自以爲

智；三年爲其君成一業，因以爲巧；陽里華子，中年病忘，取喻與至理相似；好仁義者，三年不懈，取喻於禍福相倚，含有愚意。至一則宋有蘭子，再則宋有蘭子，蘭，妄也，所謂蘭子以技妄遊者也，何莫非宋人？即謂宋多愚人，亦宜。圖謂翼義引釋地，證守株之愚。按如嫁女而教私藏，爲其姑退，而不自非也，反智其益富者，范論訓爲宋人事；說林載宋之賈人爭買美璞，駭其少毀，而不知監止子理其毀瑕，得千鎰；內儲云：宋崇門之巷人，以善居喪得賞，人之所以毀死者，歲十餘人，此數事亦含愚意。諸子說愚，必取宋人爲喻者，猶之喻遠者，必稱越人，蓋當時語也。」

古者，丈夫不耕，草木之實足食也，婦人紡織，禽獸之皮足衣也。〔一〕不事力而養足，人民少而財有餘，故民不爭。是以厚賞不行，重罰不用，而民自治。今人有五子不爲多，子又有五子，大父未死而有二十五孫。〔二〕是以人民衆而貨財寡，事力勞而供養薄，故民爭。雖倍賞累罰，而不免於亂。〔三〕

校釋 〔一〕丈夫指男子言。集解云：「張榜本：『婦人作婦女。』」

〔二〕大父[△]祖父也，亦稱王父。

〔三〕此段言人口繁殖，食物不足，爭奪起，不得不用厚賞重罰以求治。倍賞累罰即厚賞重罰之意。此段論據，與近代馬爾薩斯之人口論及達爾文之生存競爭說有相通處。

堯之王天下也，〔一〕茅茨不翫，采椽不斲。〔二〕櫛桑之食，藜藿之羹。〔三〕冬日麕裘，夏日葛衣，

雖監門之服養，不虧於此矣。^{〔五〕}禹之王天下也，身執耒耜，以爲民先。^{〔六〕}股無胈，脛不生毛，雖臣虜之勞，不苦於此矣。^{〔八〕}以是言之，夫古之讓天子者，是去監門之養，而離臣虜之勞也。故傳天下而不足多也。^{〔九〕}今之縣令，一日身死，子孫累世絮駕。^{〔一〇〕}故人重之，是以人之於讓也，辭古之天子，難去今之縣令者，薄厚之實異也。^{〔一一〕}夫山居而谷汲者，膢臘而相遺以水；^{〔一二〕}澤居苦水者，買備而決寶。^{〔一三〕}故饑歲之春，幼弟不饑；^{〔一四〕}穰歲之秋，疏客必食；^{〔一五〕}非疏骨肉，愛過客也；^{〔一六〕}多少之實異也。^{〔一七〕}是以古之易財，^{〔一八〕}非仁也；財多也，今之爭奪，非鄙也；財寡也，輕辭，非高也；勢薄也，重爭士彙，非下也；權重也，^{〔一九〕}故聖人議多少，論薄厚而爲之政。故罰薄不爲嚴，不爲戾，稱俗而行也。^{〔二〇〕}故事因於世，而備適於事。^{〔二一〕}

校釋 〔一〕王動詞；王天下，猶言爲天下之王也。集解云：『乾道本也下有有字。顧廣圻云：今本無有字。』

按當云堯之有天下也，李斯傳可證。先慎案有字係後人用史記校記於王下失刪耳。北堂書鈔一百四十三，御覽八十，初學記九引並無有字，今據刪。』

〔二〕翼義云：『師古曰：屋蓋曰茨，茅茨以茅覆屋也。爾雅云：齊也，言不翦斷屋茅端也。』又云：『史記始皇紀索隱曰：采，木名，卽今之櫟木也，亦作採。胡三省曰：余謂采，櫟者，蓋自山采來之櫟，因而用之，不施斧斤，示樸也。愚按淮南子作樸角不斲，韓詩外傳作樸櫟不斲，爾雅釋木云：櫟，樸心，疏：櫟，有心能濕，江河間』

以作柱，玉篇採，檨也，卽採、檨、實一物，皆可以爲椽柱，胡氏未深考耳。且以茅茨對采椽，則爲木名可知矣。

〔三〕解詁云：『索隱，桑稷也，糲，粟飯也。圓按魏都賦注引此文作糲糲之飯，七啓注同。桑，卽夷反，糲，魯葛反。』翼云：『師古曰：藜草似蓬也，藿，豆葉也。』

〔四〕集解云：『御覽二十七，又八十，又六百九十四引並作鹿裘，李斯傳亦作鹿。』翼云：『鹿，鹿子。』又云：葛、蔓草，所以爲絺綌也。

〔五〕翼云：『周禮司門注，監門，門徒也。服，冬夏之服，養食耕之養也。』今按虧字，史記作穀，猶言減也，少也，薄也。集解云：『御覽及北堂書鈔引作敵或厭，並誤，虧，損也。』

〔六〕纂聞云：『史記身自持築，正義云：爾雅歛謂之雷，音初洽反。』集解云：『御覽八十二引末雷作木畚。』

〔七〕集解云：『乾道本作肢，據張榜本改，李斯傳亦作肢，御覽引作股，無完肢。』今按迂評本正作肢，趙本凌本則作肢。纂聞云：『肢一作肢，非。史記集解，肢，膚，毛。山曰：莊子堯舜於是乎肢，無肢，脛無毛，注肢，白肉也。』

〔八〕臣虜，猶言臣僕也。古以俘虜爲奴僕，故云。苦字，史記作烈。自茅茨不翦至不苦於此矣，史記秦本紀

及李斯傳俱曾引用，惟詞句間有不同耳。

〔九〕集解云：『以張榜本作又誤。』又云：『古張榜本、趙本作故，古故字通。』今按乾道本、迂評本俱作古，凌本作故，今從凌本。解詁云：『稱美曰多；不足多，言不足稱譽也。』

〔一〇〕累世絜駕迂評注云：『言累世乘軒，不徒行也。』翼龜云：『絜，繫也。齊語：與之繫馬三百，注：繫馬，良馬在閑，非放牧者也。』新釋云：『絜，約也。絜駕猶云約車。』今按繫約二義通。

〔一一〕輕辭猶言易辭，難去猶言難舍。

〔一二〕宋本注云：『谷水難得，故節以水相遺也。』今按所謂節，即指臘臘祭節日。臘，音樓。集解云：『說文：臘，楚俗以二月祭飲食之神也；臘，冬至後三戌臘祭百神。風俗通引相遺以水，作買水。』今按今俗以陰歷六月爲臘，十二月爲臘，蓋以祭日在此二月也。

〔一三〕宋本注云：『澤居（按居字原作者，今校改）苦水，故買人功使決寶也。』集解云：『庸張榜本作傭。』今按庸與傭通，買庸即傭傭也。決寶與上文決瀆意相近。翼龜云：『寶，水道也。澤居水道易壅塞，故買庸而通利之。』

〔一四〕宋本注云：『幼弟可惜，猶不饌之也。』讀云：『饌，餉同。注：可惜，可憐也。』集解云：『意林、御覽八百四十九引幼作從，意林饌作讓。』

〔二五〕集解云：『乾道本穰作饗，涉上文而誤，據拾補改。』盧文弨云：饗張榜本作穰。疏，意林作過。』今按迂評本正作穰，穰歲，猶言豐年也。文選笙賦注引必字作畢，亦通。

〔二六〕集解云：『乾道本無客字。顧廣圻云：今本過下有客字，按疏下當有客字。先慎按顧說非。非疏骨肉，逗御覽，意林引同無下愛過客也四字，改從今本。愛過客，蒙上疏客必食言，過客即疏客。』今按趙本、凌本俱有過客二字，迂評本誤倒爲客過。翼云：『過客者，行過之客也。』老子云：『樂與餌，過客止。』

〔二七〕實字，集解改爲心字，且云：『乾道本心作實，盧文弨云：意林實作心，先慎按御覽亦引作心，今據改。』今按各舊本俱作實，上文所謂饑歲穰歲正言多少之實，意林御覽蓋以修辭而改爲心，可不從之。

〔二八〕拾補云：『張本之作人。』今按迂評本亦作人，今從乾道本。易財猶言輕財也。

〔二九〕重爭士，乾道本作爭士。集解云：『乾道本無重字。顧廣圻云：今本爭上有重字，按未詳。先慎按爭上有重字，是輕辭天子，重爭士，相對爲文。士當爲士，形近而誤。士與仕同。囊與託通，淮南修務說林項託，漢書董仲舒傳孟康注作項囊，是囊託通用之證。士囊即仕託古今字。外儲說左上篇：『晉國之辭仕託者，國之鍾。』又云：『晉國之辭仕託，慕叔向者，國之鍾。』彼云辭仕託，此云爭仕託，可見仕託之義。』今從集解校改。爭士囊，猶今言爭官或爭權也。囊或爲古官之一種標誌，類如後世之言印綬，或摺紳。讀謂囊爲『行旅齎資』，新釋謂爲『地』，俱無所據。上文勢字，與下文權字，同義。韓子中凡言勢者，蓋指權，或權力，或主權。

讀者務須留意及之。

〔二〇〕戾暴戾也。稱讀去聲，適也。

〔二一〕世謂時代，事謂事實，備謂設施。事因於世而備適於事，謂爲政須因時制宜也。此段言古之權輕財多，故讓今之權重財寡，故爭。世事既變，則其備亦不能不變矣。

古者，文王處豐鎬之間，〔一〕地方百里，〔二〕行仁義而懷西戎，遂王天下。徐偃王處漢東，地方五百里，行仁義，割地而朝者三十有六國。〔三〕荆文王恐其害己也，舉兵伐徐，遂滅之。〔四〕故文王行仁義而王天下，偃王行仁義而喪其國，是仁義用於古而不用於今也。故曰：『世異則事異。』〔五〕禹舜之時，有苗不服，禹將伐之。舜曰：『不可。上德不厚而行武，非道也。』〔六〕乃修教三年，執干戚以舞，苗乃服。〔七〕共工之戰，〔八〕鐵鉅距者及乎敵，鎧甲不堅者傷乎體。〔九〕是干戚用於古，不用於今也。故曰：『事異則備變。』〔一〇〕上古競於道德，中世逐於智謀，當今爭於氣力。〔一一〕齊將伐魯，魯使子貢說之。齊人曰：『子言非不辯也，吾所欲者土地也，非斯言所謂也。』〔一二〕遂舉兵伐魯，去門十里以爲界。〔一三〕故偃王仁義而徐亡，子貢辯智而魯削，以是言之，夫仁義辯智，非所以持國也。〔一四〕偃王之仁，息子貢之智，循徐魯之力，使敵萬乘，則齊、荆之欲不得行於二國矣。〔一五〕

校釋 〔一〕文字，迂評本趙本作大，凌本作太。集解云：『乾道本文作大，據拾補改。』纂聞云：『文元作

大，從下文正。『豐鎬』新釋云：『豐在今陝西鄠縣東五里，鎬在上林昆明北，去豐二十五里，皆在長安南數十里。今按周京：太王在岐，文王遷豐，武王遷鎬。』

〔二〕地方二字，今通作一名詞讀，然在古文中則地謂土地，方謂面積見方。地方百里，猶言土地之面積有方百里也；下同。

〔三〕纂聞云：『漢水名。荀子注，徐國名，僭稱王，其狀偃仰而不俯，故謂之偃王。愚謂其人柔懦仁弱，偃武事，故傳此稱也。』今按三十六國，後漢書東夷傳及水經注所載同，惟淮南汜論訓及論衡非韓篇作三十二國。

〔四〕本書凡言荆者，俱爲楚之代名，以避秦諱改也。拾補云：『徐偃王當周穆王時，與楚文王相去遠，謠聞據此以駁史，失之不考。』新釋云：『竹書紀年，穆王十四年，王帥楚子伐徐戎，克之，卽其事。此云文王，當爲熊勝熊揚，非熊贊也。淮南人間以爲楚莊王，尤誤。』

〔五〕增讀云：『文選答客難，時異事異注引世作時，『蓋唐人以避太宗諱，世民而改也。』世異則事異，係認歷史爲演變的（Evolutionary），而非固定的。此爲韓非歷史哲學之第一原則，與近世進化論之解釋歷史有相近處。

〔六〕苗卽苗族，蓋上古中原之土著，冠以有字者，語助詞也。上德之上，同尙。

〔七〕干盾也。威斧也。『執干戚舞』，謂以干戚爲舞具也。古時舞樂，有文舞，有武舞，文執羽旄，武執干戚。禮云：『干戚之舞，非備樂也。』

〔八〕纂聞云：『物曰共工氏在女媧時，而前乎舜禹，而下文云干戚用於古，不用於今也，可疑。纂路史共工氏傳，太昊氏沒，倂亂天常，竊有冀方。唐表言，共工氏有地，在弘農之間，豈舜禹之後，弘農間別有共工氏歟！又纂路史勾龍生垂，垂臣高辛，爲堯共工，生噎鳴，是爲伯夷，生四岳，太岳生先龍，先龍生玄氏，玄氏乞姓。湯革夏伐氏，氏人來朝，而共工氏世官，則豈是歟。圖案外儲云：堯舉兵而誅共工於幽之都。下分古今言之，屬文之宜，不必拘也。荀子：堯伐驩兜，舜伐三苗，禹伐共工，注：禹伐共工，未詳。秦策亦有此語，吳注：此游士之辭，凡戰國言帝王事，類如此，皆不足辨矣。此說近之。』今按共工氏爲古代一部落名，禹前既與中原戰，禹時猶可與中原戰也。

〔九〕鐵銛，迂評注云：『銛，箭簇也。』翼彘云：『鐵銛見戰國策。博雅云：鉞謂之銛，謂如鐮也。說文：銛，從金，舌聲，讀若機。方言云：鉞謂之鉞，注：今江東呼大矛爲鉞。初學記漁條云：銛取龍鬣也，見何承天纂文云：銛鐵有距，施竹頭，以之擲龍鬣，愚謂鐵銛，若今漁人簪魚龍之枝。』距字，乾道本、迂評本俱作矩，趙本、凌本俱作距。集解云：『盧文弨云：矩，張本作短。顧廣圻云：今本矩作距，誤，案當作短。今據改。』今按改短字，於義最不適，距矩形近而誤。距義有二說：纂聞云：距，鉅通，史記正義云：鉅，剛鐵也。翼彘云：『距，踰也。史記王翦傳，劉

向新書俱載投石超距，言投鐵鉞跳躍也。』今按鐵鉞爲鐵杓，抑爲鐵箭，未敢斷言。如爲鐵杓，則距字應與纂聞所謂『鉞鐵有距』之距同義，而省有字，非超距也。如爲鐵箭，則距字可解爲與鉞通，大也。總之，鐵鉞爲古代攻敵之具，及乎敵，至乎敵也。鎧甲爲衛身之具。

〔二〇〕『事異則備變』爲韓非歷史哲學之第二原則。

〔二一〕『上古競於道德』蓋指唐虞禪讓之傳說言。『中世逐於智謀』蓋指春秋之朝覲會同言；逐亦競也。『當今爭於氣力』蓋指戰國之攻戰言。攻戰不僅恃氣力，然當時以斬首爲功，則亦有賴於氣力也。

〔一二〕子對人尊稱，此指子貢。土地二字，迂評本、道藏本無土字。

〔一三〕去門距門也。門蓋指都門。纂聞云：『墨子門作魯。』

〔一四〕持國保國也。

〔一五〕息止也。萬乘大國也。循字，斟補云：『當作修，言修徐魯之兵力也。』二國指徐、魯。解詁云：『徐魯固無勢力以敵齊、楚，故用仁、智，僅至此，非子失權也。』然韓非主旨在以力爲持國之本，故非仁、智而必務力。若用仁、智而不務力，則失其所以持國矣。以今語言之，韓非蓋一尙力之軍國主義者。

夫古今異俗，新故異備，如欲以寬緩之政，治急世之民，猶無轡策而御驕馬，此不知之患也。

「今儒墨皆稱先王兼愛天下，^{〔三〕}則視民如父母，^{〔四〕}何以明其然也？曰：『司寇行刑，君爲之不舉樂，聞死刑之報，君爲流涕。』^{〔五〕}此所舉先王也。^{〔六〕}夫以君臣爲如父子，則必治，推是言之，是無亂父子也。^{〔七〕}人之情性，莫先於父母，皆見愛而未必治也。^{〔八〕}雖厚愛矣，奚遽不亂？^{〔九〕}今先王之愛民，不過父母之愛子，子未必不亂也。^{〔一〇〕}則民奚遽治哉？且夫以法行刑，而君爲之流涕，此以效仁，非以爲治也。^{〔一一〕}夫垂泣不欲刑者，仁也；然而不可不刑者，法也。先王勝其法，不聽其泣，^{〔一二〕}則仁之不可以爲治，亦明矣。且民者，固服於勢，寡能懷於義。^{〔一三〕}仲尼，天下聖人也，修行明道以遊海內，海內說其仁，美其義，而爲服役者七十人。^{〔一四〕}蓋貴仁者寡，能義者難也，故以天下之大，而爲服役者七十人，而仁義者一人。^{〔一五〕}魯哀公，下主也，南面君國，^{〔一六〕}境內之民，莫敢不臣。民者固服於勢，勢誠易以服人。^{〔一七〕}故仲尼反爲臣，哀公願爲君。^{〔一八〕}仲尼非懷其義，服其勢也，故以義，則仲尼不服於哀公；乘勢，則哀公臣仲尼。^{〔一九〕}今學者之說人主也，不乘必勝之勢，而曰『務行仁義，可以王』，^{〔二〇〕}是求人主之必及仲尼，而以世之凡民皆如列徒。^{〔二一〕}此必不得之數也。

校釋

「〔一〕寬緩之政，謂儒家之仁政。急世謂戰國之亂世。轡，正韻：『兵臂切，並音祕。』釋名：『轡，拂也；

牽引拂戾以制馬也。陸佃曰：御駕馬以轡爲主，御驛馬以轡爲主。』蓋轡，所以勒馬者；策，所以驅馬者。驛馬，

集解云：『淮南汜論訓高注，突馬也。』知讀爲智。

〔二〕集解云：『乾道本無稱字。顧廣圻云：今本皆下有稱字，按句有誤。先慎案有稱字，其義已明，乾道本脫稱字。顯學篇云：孔子、墨子俱道堯舜，此即儒墨皆稱先王兼愛之證。』今按：迂評本、趙本、凌本俱有稱字，今據補。

〔三〕視民二字、迂評本作民視，今從乾道本、趙本、凌本。集解云：『拾補視民作民視君三字。民視二字舊倒，君字脫。俱依張本補正。顧廣圻云：句有誤。先慎案視民當作民視，盧說舊倒是也。君字不當有。先王兼愛天下，則民視之如父母，此即指先王之民而言。張本增君字，非也。』今按：『視民如父母，』猶言先王視民如父母之視子，字不倒，亦無脫，但有省文耳。

〔四〕司寇[△]，古刑官名。不舉樂，解詁云：『罷音樂也。左傳，夫司寇行戮，君爲之不舉，注：去盛饌。禮記，公族其有死罪，則饔乎甸人，公素服不舉，爲之變。』又云：『論囚日報，見張湯傳。』

〔五〕解詁云：『禮舉稱也。翼龜云：『此學者所稱舉先王之事也。』

〔六〕選注云：『學者所謂如父子者，乃父慈子孝，室家和睦，而無舛亂者也。如學者之論，推廣言之，則是以天下無舛亂之父子也。』

〔七〕『父母』二字，迂評本重，今從乾道本、趙本、凌本。『皆見愛』三字，舊本俱屬下讀，誤。『莫先於父母皆見愛，』猶言莫先於見愛於父母，重父母二字，於義反晦矣。

〔八〕迂評本雖上有君字，無矣字，拾補集解傳從之。文選注引矣字作之。今從乾道本、趙本、凌本。『雖厚愛矣，奚遽不亂』乃申說前句。若增君字，於義反淆。

〔九〕集解云：『乾道本子下無未字，顧廣圻云：今本子下有未字。王渭曰：當有。今據補。』今按迂評本亦有未字，茲從之。

〔一〇〕效字，迂評本作効，通，明也。解詁云：『二柄篇舊注，效，顯也。』纂聞云：『效猶示也。』新釋云：『效，見也。』按各說意俱相近。

〔一一〕纂聞云：『勝如呂氏春秋在於勝理，在於行義之勝。八經篇君以法撓慈仁，即勝仁也。』物曰：『法令勝仁。』選注云：『勝，任也；聽從也。』

〔一二〕此言人民於權力或主權（勢）則均須服從，而於仁義則鮮受感化也。易言之，即謂德化不如勢治。

〔一三〕新釋云：『韓子以聖人稱孔子，則孔子之尊，韓子時已然矣。』又云：『孟子書如七十子之服孔子也。』呂覽遇合，孔子周流海內，委質爲弟子者三千人，達徒七十人。今按說與悅同，美贊美也；服役，服勞也。論語：『有事弟子服其勞，』即服役之意。

〔一四〕集解云：『拾補而下有爲字。』盧文弨云：『張本無。』顧廣圻云：『藏本同，今本而下有爲字，誤。按一人，仲』

尼也。』今按迂評本、趙本、凌本、浙局翻印乾道本仁字上俱有爲字，茲從道藏本及四部叢刊影印乾道本。
〔二五〕下主劣下之君主也。君，此處用作動詞；君國，猶言爲國之君也。古者宮殿俱朝南，國君坐朝亦南向，而臣下則北向，故以南面形容君主，俗所謂『南面王』者是也。

〔二六〕集解云：『乾道本不重勢字。顧廣圻云：藏本、今本誠上有勢字，按句有誤。先慎案有勢字是也，今據補。固服於勢，句，文義屬上；勢誠易以服人，句，文義屬下。』今按迂評本、趙本、凌本俱重勢字，茲從之。此二句猶言人民須受治於主權，主權亦確易於統治人民也。

〔二七〕解詁云：『顧反也。』

〔二八〕乘勢運用主權也。

〔二九〕集解云：『乾道本務上有勝字。顧廣圻云：藏本、今本無勝字，按句有誤。先慎案勝字衍，今據刪。務行仁義四字當重。』今按迂評本、趙本、凌本務字上均無勝字，惟乾道本有勝字，應爲某字之誤，非衍也。選注引爲曰字，茲從之。不乘必勝之勢，猶言不運用必須服從之主權也。

〔三〇〕列徒，宋本注云：『則七十子也。』解詁云：『則卽義通。』按列徒猶今言諸生，此處指孔子弟子。集解云：『乾道本世作勢。顧廣圻云：藏本、今本勢作世，誤。按勢上當脫服字。王先謙云：作世，文義自明，無庸增服字。今據藏本、今本改。』今按迂評本、趙本、凌本俱作世，是乾道本以音同而誤爲勢耳。

今有不才之子，父母怒之弗爲改，鄉人譙之弗爲動，^{〔一〕}師長教之弗爲變。夫以父母之愛鄉人之行，師長之智，三美加焉，而終不動其脛毛。^{〔二〕}州部之吏，操官兵，推公法，而求素奸人，然後恐懼，變其節，易其行矣。^{〔三〕}故父母之愛，不足以教子，必待州部之嚴刑者，民固驕於愛，聽於威矣。故十仞之城，樓季弗能踰者，峭也；^{〔四〕}千仞之山，跛牂易牧者，夷也。^{〔五〕}故明主峭其法，而嚴其刑也。布帛尋常，庸人不釋；^{〔六〕}鑠金百鎰，盜跖不撥。^{〔七〕}不必害，則不釋尋常；必害手，則不撥百鎰。^{〔八〕}故明主必其誅也，是以賞莫如厚，而信使民利之；罰莫如重，而必使民畏之；法莫如一，而固使民知。

故主施賞不遷，行誅無赦。譽輔其賞，毀隨其罰，則賢不肖俱盡其力矣。^{〔二〇〕}

校釋 〔一〕譙同諂，音樵去聲，以辭相責也。

〔二〕脛毛下各本有「不改二字」，識誤云：『下有脫文。』解詁云：『增、猶言一毫不改也。顯學不以天下大利，易其脛一毛。儆貞訓，雖以天下之大利，易軒之一毛，無所概於志也。或曰：其脛毛三字，衍。鳳卿按不改，蓋注文攙入。』按「不改二字」爲不動其脛毛五字之注解，而誤入正文者。鳳卿之說是，今據刪。又纂聞以『其脛毛不改』五字爲一句，亦不如刪「不改二字」爲通。

〔三〕州部之吏，謂地方官也。部或爲郡之誤。州部名詞，又見於顯學篇。新釋云：『州，糾也；謂主糾察之吏耳。若今檢察。楚策，今僕之不肖，扼於州部。』又云：『推行也。』按州無糾義，以州部之吏爲專主糾察之吏，

殊無據。公法統指國法而言，與今法學中所謂私法公法之公法有別。變其節，解詁云：『變善爲惡也。』與通常所謂變節亦有異。

〔四〕仞，正字通：『古以周尺八尺爲仞，度高深以仞。』纂聞云：『史注許慎曰：樓季、魏文侯之弟也。峭，史作隋，同。索隱云：隋，峻也，高也。』

〔五〕𦍋，亦作𦍋，音臧，說文：牝羊也，从羊，𠂔聲。按跛𦍋，跛足之母羊也。夷，解詁云：『平也。』翼，釋云：『漸平也。』又新釋：𦍋作𦍋，且云：𦍋，臧也，牧奴之稱。後漢書孔融傳：是使跛𦍋欲窺高岸，以𦍋爲𦍋，各本俱無。

〔六〕尋常，集解云：『八尺曰尋，倍尋曰常。』釋，解詁云：『猶舍也。』

〔七〕鋹，乾道本作溢，今從迂評本。宋本注云：『金銷爛雖多，跖棄而不取。』解詁云：『言以博其手也。』

按此以鑠金爲冶金，又索隱以鑠金爲美金，二說以前說爲是。蓋冶金在爐，掇則傷手，故大盜亦不掇鋹。音逸，孟子：雖萬鎰，注：鎰，二十兩也。跖，古之大盜名，通稱爲盜跖。掇，解詁云：『拾也。』掇字史記李斯傳作搏。

〔八〕手字，迂評本、趙本、凌本在則字下，今從乾道本。識誤云：『藏本同，今本手則作則手誤。』按必害手，言鑠金必傷手也。自十仞之城至此，李斯曾引用，但詳略不同，詳李斯傳。

〔九〕集解云：『乾道本固作故。盧文弨云：故，張本作固，二字古通。顧廣圻云：今本故作固，誤。王先謙云：下文云一法而不求智，固術而不慕信，卽此所謂一而固也。作固是，改從今本。』今按迂評本、趙本、凌本俱作

固。固，確定，謂法不可輕變也。一，統一，謂法不可多歧也。法一而固，賞厚而信，罰重而必，爲法家行法之三大原則。

「一〇」遷改也。施賞不遷，謂信賞也。行誅無赦，謂必罰也。信賞必罰，又輔之以毀譽。如何輔之，謂所賞者卽所譽之所在，而賢者勸，所罰卽所毀之所在，而不肖者懼，故俱盡其力。

今則不然。以其有功也爵之，而卑其士官也；「一」以其耕作也賞之，而少其家業也；「二」以其不收也外之，而高其輕世也；「三」以其犯禁也罪之，而多其有勇也；「四」毀譽賞罰之所加者，相與悖繆也，故法禁壞，而民愈亂。「五」今兄弟被侵，必攻者，廉也。「六」知友被辱，隨仇者，貞也。「七」廉貞之行成，而君上之法犯矣。人主尊貞廉之行，而忘犯禁之罪，故民程於勇，而吏不能勝也。「八」不事力而衣食，不戰功而尊，則謂之賢。「九」賢能之行成，而兵弱而地荒矣。人主說賢能之行，「一〇」而忘兵弱地荒之禍，「一一」則私行立而公利滅矣。「一二」

校釋 「一」其上以字，乾道本、趙本、凌本俱無，惟迂評本有。拾補云：『然下當有以字，與下同。』新釋云：『予以虛爵，不假事權，士事也。』纂聞云：『士官讀爲仕宦。今按士官蓋猶今言作官。功謂戰功，爵謂軍爵，卑謂輕視。以有戰功而與以軍爵，又以其爲軍官而輕視之。重文輕武，爲我國自古卽有之傳統思想，故韓子非之。』

〔二〕家業謂家人生產。俗以不務家人生產爲清高，故輕視農人之務家業。少亦輕視也。

〔三〕不收，新釋云：『謂不可收爲己用。此句謂高蹈之人既以其不可收爲己用而舍之，又以其輕世爲高而譽之。』

〔四〕集解云：『乾道本禁下無也字。盧文弨云：也字脫，張、凌本有，與上二句同。今據補。』今按迂評本禁下有也字，茲從之。此句蓋謂游俠既罪其犯禁，又譽其有勇多譽也。

〔五〕耕戰、應賞者而毀之，儒俠、應罰者而譽之，未免矛盾，故曰『相與悖謬。』

〔六〕廉，宋本注云：『世謂之有廉隅之人。』

〔七〕集解云：『乾道本無被字。顧廣圻云：今本友下有被字，誤。先慎知友被辱，句與上兄弟被侵相對爲文，不當少一字，改從今本。』今按被字，迂評本無，趙本、凌本有，以有爲是。知友，新釋云：『謂通問相知之友。』隨仇報仇也，詳見顯學篇。

〔八〕程集解云：『禮記、儒行，不程勇，注程猶量也。』翼龜云：『昌言云：角才智，程勇力。』今按程於勇，謂游俠較量勇力以爲豪，而讀以程爲過誤，未可從。勝選注云：『制也。』

〔九〕集解云：『乾道本無下則字。顧廣圻云：藏本、今本有則字，誤。先慎案上則謂之能，與此句法一律，有則字爲是，今據補。』今按迂評本、趙本、凌本俱有則字。戰功之功字，迂評本、藏本作攻。

〔一〇〕集解云：『乾道本無，成而兵弱而地荒矣，人主說賢能之行十五字。顧廣圻云：藏本、今本有，今據補。』今按迂評本、趙本、凌本俱有此十五字，茲從之。

〔一一〕集解云：『乾道本荒作弱。顧廣圻云：藏本、今本下弱字作荒。今據改。』今按迂評本、趙本、凌本俱作荒字，爲是。

〔一二〕集解云：『乾道本公上有功字。顧廣圻云：藏本、今本無功字。今據刪。』今按迂評本、趙本、凌本公上俱無功字，是私行，謂賢能之行，公利謂耕戰之利。纂聞云：『廉貞之行，俠也；賢能之行，儒也。』

儒以文亂法，俠以武亂禁。〔一〕而人主兼禮之，此所以亂也。夫離法者罪，而諸先生以文學取；〔二〕犯罪者誅，而羣俠以私劍養。〔三〕故法之所非，君之所取；吏之所誅，上之所養也。法取上下，四相反也，而無所定，雖有十黃帝，不能治也。〔四〕故行仁義者非所譽，譽之則害功。〔五〕工文學者非所用，用之則亂法。〔六〕楚有『直躬』，其父竊羊而謁之吏。〔七〕令尹曰：『殺之。』以爲直於君而曲於父，報而罪之。〔八〕以是觀之，夫君之直臣，父之暴子也。魯人從君戰，三戰三北。〔九〕仲尼問其故，對曰：『吾有老父，身死莫之養也。』仲尼以爲孝，舉而上之。以是觀之，夫父之孝子，君之背臣也。〔一〇〕故令尹誅而楚姦不上聞，仲尼賞而魯民易降北，上下之利若是其異也，而人主兼舉匹夫之行，而求致社稷之福，必不幾矣。〔一一〕古者，蒼頡之作書也，自環者謂之私，背私謂之公，公私之相背

也，乃蒼頡固以知之矣。^{〔一三〕}今以爲同利者，不察之患也。然則爲匹夫計者，莫如修仁義而習文學。^{〔一四〕}仁義修則見信，見信則受事。^{〔一五〕}文學習則爲明師，爲明師則顯榮。此匹夫之美也。然則無功而受事，無爵而顯榮，爲政如此，^{〔一六〕}則國必亂，主必危矣。故不相容之事，不可兩立也。^{〔一七〕}斬敵者受賞，而高慈惠之行。^{〔一八〕}拔城者受爵祿，而信兼愛之說。^{〔一九〕}堅甲厲兵以備難，而美薦紳之飾。^{〔二〇〕}富國以農，距敵恃卒，而貴文學之士。^{〔二一〕}廢敬上畏法之民，而養遊俠私劍之屬。^{〔二二〕}舉行如此，治強不可得也。國平養儒俠，難至用介士，所利非所用，所用非所利。是故服事者簡其業，而游學者日衆，是世之所以亂也。^{〔二三〕}

校釋 ^{〔一〕}史記游俠傳引此二句，俠上有而字。儒謂儒家，文謂文學。俠謂游俠，乃墨家之支流，後世所謂劍俠，俠客，或劍客之類；武謂暴力。戰國時儒俠盛行，均於法禁有妨，故韓子以爲亂源所在。

^{〔二〕}離法，不合法也。集解云：『乾道本生作王，無取字；拾補王作生，有取字。』盧文弨云：王，張本作生。顧廣圻云：王當作生，今本學下有取，依下文當有。按盧顧說是，今據改。張榜本諸誤誅。』今按：迂評本、趙本、凌本生均誤作王，今從集解校正。諸先生指儒家取解詁云：『用也。』

^{〔三〕}戰國時有養士之風，游俠以能暗殺爲人報仇，亦在所養之列。私劍暗殺也。

^{〔四〕}取字各舊本俱作趣。翼彙云：『趣當作取。法謂法之所非也；取謂君之所取也；上謂上之所養也；下

謂吏之所誅也。』補箋云：『趣、當讀爲取。莊子齊物論：趣舍不同，釋文：趣本作取，即趣、取通用之證。』按趣既本作取，故今依纂聞改趣爲取，以便讀者。

〔五〕有耕戰之功者乃可以譽，今行仁義者無功而譽之，則不足勸耕戰，故曰害功。

〔六〕集解云：『乾道本文上無工字。顧廣圻云：今本文上有工字，按句有誤，未詳。先慎按有工字是，上文行仁義者非所譽與工文學者非所用，句法一律，此不當少一字，改從今本。』今按迂評本、趙本、凌本俱有工字，茲從之。』

〔七〕楚字下各舊本俱有之字，於文法不合。纂聞、解詁以之字爲人字之誤。翼彙云：『之字衍，楚字或於林下作之故誤分耳。』今據刪。直躬、翼彙云：『假號，如今渾名也。』又云：『謁，告也。』按直躬以極正直而得名。

〔八〕令尹，楚官名。報，翼彙云：『當作執，呂氏春秋報作執。』今按論囚曰報，作報亦通，不必改。新釋云：『論語、葉公告孔子曰：吾黨有直躬者，其父攘羊，而子證之。莊子盜跖：直躬證父。呂覽當務：楚有直躬者，其父竊羊而謁之上，執而將誅之，直躬者請代之，將誅矣，告吏曰：父竊羊而謁之，不亦信乎！父誅而代之，不亦孝乎！信且孝而誅之，國將有不誅乎？荆王聞，乃不誅也。孔子聞之曰：異哉，直躬之爲信也！一父而再取名焉，故直躬之信，不若無信。其所記略與此異也。』

〔九〕翼彘云：『山氏曰：魯人下莊子，見新序義勇。書甘誓，孔傳，奔北者，釋文云：軍走曰北。』

〔一〇〕舉而上之，纂聞云：『稱舉而升諸公。』君之背臣，纂聞云：『每戰奔北，是背君也。』按背臣猶言叛臣也。集解云：『兩父字皆當作母，涉上文而誤。御覽四百九十六引尸子：魯人有孝者，三爲母北，魯人稱之。汪繼培云：此卽卞莊子事。韓詩外傳十及新序義勇篇並云養母，與尸子同。韓子以爲非也。』新釋以爲養父養母，乃傳聞之異，故可不改。

〔一一〕集解云：『乾道本兼下有也字。顧廣圻云：藏本、今本無也字。先慎案此不當有也字，今據刪。』今按迂評本、趙本、凌本兼字下俱無也字，是茲從之。社稷猶今言國家。不幾，解詁云：『言不可庶幾也。』翼彘云：『幾，翼通。』今按誅賞二字下俱有省文。令尹誅，誅直躬也；仲尼賞，賞卞莊子也。

〔一二〕蒼頡，一作倉頡，相傳爲黃帝史官，始制文字，因以得名。作書，卽作字也。『自環者謂之私，背私謂之公。』乃公私二字之原義。拾補云：『說文引作自營爲厶，營環通用，私當作厶，下同。』識誤云：『說文又云：『公从八从厶，八猶背也；引此曰背厶爲公。』環亦作還，秦策云：『極身毋二，盡公不還私。』蓋同聲假借也。還私卽環私，亦卽營私。』

〔一三〕固以之以字，古同已，孟子云：『無以，則王乎！』

〔一四〕此句及下句之仁字，各舊本俱作行。集解云：『行當作仁。上文云行仁義，工文學，此云修仁義，習』

文學、仁義文學、篇內對舉，明行爲仁之誤，下同。』今據改。

〔一五〕受事任事也。

〔一六〕爲政，乾道本作『爲有政』，迂評本、趙本、凌本無爲字。識誤云：『有字衍』，今據刪。又翼堯云：『有如有周、有湯之有助字也，解在難言篇。』書云：『施於有政。』此亦可通。但新釋云：『有國也』，則費解矣。

〔一七〕可字，乾道本、趙本、凌本無，迂評本有。翼堯云：『兩上一有可字是。』纂聞解詁俱有可字。今據補。不可兩立，謂兩者相反，不可同時並容也。

〔一八〕斬敵，則必不高慈惠；既賞斬敵，又高慈惠，是一不可兩立。

〔一九〕拔城，則必不信兼愛；因信兼愛，必又信非攻，而不肯拔城矣。既賞拔城，又信兼愛，是二不可兩立。兼字，各舊本俱作廉，形近而誤。翼堯云：『廉當作兼。』今據改。又云：『高慈惠之行，謂儒也。管子形勢解云：惠者，主之高行也；慈者，父母之高行也。兼愛之說，謂墨也。管子立政篇云：兼愛之說勝，則廉恥不立。是當時儒墨爲是說矣。』

〔二〇〕甲鎧甲，所以衛身者；兵，兵器，所以攻敵者。纂聞云：『秦策：綴甲厲兵，吳注：厲，即厲，山曰：厲，利音義互通，堅甲利兵出孟子。』難讀去聲，危急也。薦紳，翼堯云：『薦，通薦，薦紳，儒服也。』今按：儒服寬袍大袖，緩帶束紳，實與武裝相反。既講軍備，又美儒服，是三不可兩立。

〔二一〕農，謂農夫，距與拒通，卒謂兵卒，文學之士謂儒家。既欲富強，不貴農夫兵卒而貴游食之儒家，是四不可兩立。

〔二二〕敬上畏法之民，乃政府所應求者，而今廢之；犯上亂法之遊俠，乃政府所應去者，而今養之，是五不可兩立。

〔二三〕介士，史記作介冑之士，猶今言軍人也。所利顯學篇作所養，義較明。服事，服務也。簡其業，怠其業也。評釋云：『簡，棄也。』亦通。游學二字上，乾道本有於字。集解云：『顧廣圻云：藏本今本無於字。今據刪。』今按迂評本、趙本、凌本俱無於字，茲從之。戰國時，游士之風甚熾，顯學如儒墨固無論矣，卽陰陽、道德、縱橫以及一切游士，亦咸思以其所學，游說於諸侯，故曰游學。游學，無耕戰之勞，而易獲貴重，故人爭趨之。韓子以爲重游士，則不足以勸農厲兵，故極非之。儒俠在當時爲游士者特多，故更非之。

且世之所謂賢者，貞信之行也；所謂智者，微妙之言也。〔一〕微妙之言，上智之所難知也。今爲衆人法，而以上智之所難知，則民無從識之矣。〔二〕故糟糠不飽者，不務梁肉；裋褐不完者，不待文繡。〔三〕夫治世之事，急者不得，緩者非所務也。今所治之政，民間之事，夫婦所明知者不用，而慕上智之論，則其於治反矣。〔四〕故微妙之言，非民務也。若夫賢貞信之行者，必將貴不欺之士。〔五〕貴不欺之士者，亦無不可欺之術也。〔六〕布衣相與交，無富厚以相利，無威勢以相懼也，故求不欺之

士。^{〔七〕}今人主處制人之勢，有一國之厚，重賞嚴誅，以修明術之所燭，雖有田常、子罕之臣，不敢欺也。奚待於不欺之士？^{〔八〕}今貞信之士不盈於十，而境內之官以百數，必任貞信之士，則人不足官，人不足官，則治者寡，而亂者衆矣。^{〔九〕}故明主之道，一法而不求智，固術而不慕信，故法不敗，而羣官無姦詐矣。^{〔一〇〕}

校釋 「一」貞信之行，蓋謂儒家之行；微妙之言，蓋謂道家之言。翼彘云：『老子云：搏之不得，名曰微。又云：玄之又玄，衆妙之門。』國字解云：『微妙之言，抽象而高深之議論也。』

「二」法家專爲一般衆人立法，不爲少數上智立說，故非道家微妙之言以用也。

「三」梁字各舊本俱作梁，形近而誤。集解云：『梁當作梁。』纂聞解詁均已改爲梁，今從之。韻會小補云：『梁、粟類，米之善者。』菹褐之菹字，各舊本俱作短，菹、短形近而誤。解詁云：『短當作菹。』今按菹音豎，亦音短。史記、秦本紀：『寒者利菹褐。』前漢、貢禹傳：『妻子糠豆不贍，菹褐不完。』又荀子大略篇：『衣則豎褐不完。』注：『僅豎之褐。』是或作僅，或作豎，無作短者，今據改。菹褐，僅僕之粗布衣也。

「四」夫婦匹夫匹婦，猶今俗所謂『老百姓』者是。翼彘云：『中庸夫婦之愚，可以與知爲。』智各舊本俱作知，知應讀爲智，今依上文及集解改。上智之論，即指微妙之言。此言政治與民間攸關，必須用匹夫匹婦所明知之法，否則反乎爲治之道矣。

〔五〕實字下各舊本俱有良字。識誤云：『良字當衍，上文云：且世之所謂賢者，貞信之行也。』今按此句之賢字，應作動詞解，與下文貞、來欺之士之貴字同。舊日校刊者多不明此賢字之義，妄增一良字，致不成句，今依識誤校刪。將字，趙本、凌本、張本俱作魯，誤，今依乾道本、迂評本。

〔六〕集解云：『乾道本無貴字。顧廣圻云：今本不上有貴字。今據補。』今按迂評本、趙本、凌本俱有貴字，是不可欺之可字，各舊本俱無。識誤云：『不下當有可字。』今據補。

〔七〕布衣謂無官爵之人，即匹夫也。

〔八〕勢主權，即所以制人者，亦即所以統治者；人主處制人之勢，謂主權在君也。厚富也；有一國之厚，言人主擁有全國之財富也。柄權也，謂賞罰之權也；賞罰之權，必在於君，故曰操其柄。修明二字，爲一動詞，術爲法家之術語，讀純治之方術。術與法，勢三者，爲法家理論之三大要義。燭解詁云：『照也。』田常即陳恆，恆爲本名，漢人以避武帝諱改爲常。田間陳論語：『陳恆弑其君，』即弑簡公而篡齊國也。子罕翼彘疑爲宋臣，建喜字，曾弑宋君而奪其政者。此二人皆所謂『姦劫弑臣。』

〔九〕『不盈於十』，不足十人。『境內』，謂國內。『人不足官』，謂少數貞信之士不敷爲官之用也。官爲貞信之士則治，非貞信之士則亂，是『治者寡而亂者多矣。』

〔一〇〕一與固俱作動詞解。『一法』，一任於法也；『固術』，固守其術也。一法而不求智，猶言任法而

不任智固術而不慕信，猶言任術而不任信。羣官之官字，迂評本作臣。

今人主之於言也，說其辯而不求其當焉；其於行也，美其聲而不責其功焉。^{〔一〕}是以天下之衆，其言談者，務爲辯而不周於用，故舉先王，言仁義者盈廷，而政不免於亂。^{〔二〕}行身者，競於爲高而不合於功，故智士退處巖穴，歸祿不受，而兵不免於弱。^{〔三〕}兵不免於弱，政不免於亂，此其故何也？^{〔四〕}民之所譽，上之所禮，亂國之術也。今境內之民皆言治，藏商、管之法者家有之，而國愈貧。^{〔五〕}言耕者衆，執耒者寡也。^{〔六〕}境內皆言兵，藏孫、吳之書者家有之，而兵愈弱，言戰者多，被甲者少也。^{〔七〕}故明主用其力，不聽其言；賞其功，必禁無用。^{〔八〕}故民盡死力以從其上，夫耕之用力也勞，而民爲之者曰：「可得富也。」^{〔九〕}戰之爲事也危，而民爲之者曰：「可得貴也。」^{〔一〇〕}今修文學，習言談，則無耕之勞而有富之實，無戰之危而有貴之尊，則人孰不爲也！是以百人事智，而一人用力。^{〔一一〕}事智者衆，則法賤，用力者寡，則國貧。此世之所以亂也。故明主之國，無書簡之文，以法爲教，無先生之語，以吏爲師，無私劍之捍，以斬首爲勇。^{〔一二〕}是以境內之民，其言談者必軌於法，動作者歸之於功，爲勇者盡之於軍。^{〔一三〕}是故無事則國富，有事則兵強，此之謂王資。^{〔一四〕}既畜王資，而承敵國之譽，超五帝，侔三王者，必此法也。^{〔一五〕}

校釋 〔一〕言謂游士之言，說與悅同，辯巧言也。行亦謂游士之行，聲虛聲也。功耕戰之功也。於行二字

上各舊本俱有用字。襄譚云：『用字衍。』纂聞云：『其下元衍用字，從山氏簡。』今據功爲之爲字，乾道本無，迂評本趙本凌本有。纂解云：『顧廣圻云：今本功下有焉字，按依上句當有。今據補。』茲從之。本節專言耕戰之必要。

〔二〕言談各舊本俱作談言。纂聞云：『元作談言，消次。』解詁云：『山去談言字倒，下文言談可證。』今據乙周纂聞云：『合也。』盈廷即滿朝，此言儒者游說之多也。

〔三〕行身，猶言立身也。歸祿，辭祿也。此句言智士以隱遯爲高，蓋指道家。智士之士，迂評本作仁。

〔四〕兵不免於弱五字，乾道本趙本凌本不重，迂評本重，按重者是今據補。

〔五〕『商管之法』，關關於商君，管仲言法之書，漢志著錄商君二十六篇，管子八十六篇，今存，或即由韓子所謂『商管之法』而來。『家有之』，可見韓子時商管書之流行。愈，集解云：『乾道本無愈字。』顧廣圻云：藏本，今本國下有愈字。先慎案：依下文當有，今據補。』今按迂評本趙本凌本國下俱有愈字，是茲從之。

〔六〕集解云：『乾道本言作民。』顧廣圻云：今本民作言，按依下文當作言。今據改。』今按迂評本作民，誤。趙本凌本作言，是。『商管之法』均重農，既家藏而習之，是皆紙上談耕也，故曰『言耕者衆。』

〔七〕『孫吳之書』，指孫武、吳起之兵書，漢志著錄孫子十三篇，吳子六篇，今存。『言戰者多』，謂多紙

上談兵也。被甲，迂評本作披甲，今從乾道本。被甲，謂着鎧甲，意與從戎同。

〔八〕力謂耕戰之力，言謂言耕言戰之言。集解云：『乾道本必作伐。顧廣圻云：今本伐作必，按句有誤。先慎案無用，卽上不周於用，故明主必禁之。乾道本作伐，誤，改從今本。』今按迂評本作伐，屬上讀。趙本凌本作必，屬下讀，較是。賞其功，賞耕戰之功也。禁無用，禁言耕言戰之無用也。此與商君書所謂『壹民於農，壹民於戰』之意同。

〔九〕勞，新釋云：『苦也。』

〔一〇〕爲事之爲字，集解云：『乾道本無爲字，藝文類聚五十五，御覽六百七引並有爲字，是也。戰之爲事也危，與耕之用力也勞相對，不應少一字，今據補。』今按迂評本、趙本、凌本俱無爲字，纂聞增補，茲從之。

〔一一〕事智謂修文學，習言談。

〔一二〕書簡之文，蓋指載在簡編之詩書等典籍而言。儒家以經教人，而法家則以法教人，故曰『無書簡之文。』先生之生字，各舊本俱作王。識誤云：『王當作生，此與下文吏對。』今按上文『諸先生以文學取』之生字亦誤爲王，此與同例，茲依識誤校改。『先生之語』，蓋謂師說。戰國時百家爭鳴，各有師說，莫衷一是，故韓子主張『無先生之語』。以吏爲師，卽以官吏教民習法，如是則學者不得自由倡說。新釋云：『商君書定分：聖人必爲法令置官也，置吏也，爲天下師。史記：秦始皇本紀：若欲有學法令，以吏爲師，皆』

與此同。』按此主張，李斯奏請秦皇已行之。捍，解詁云：『舊刊捍從木，誤。荀子：征暴誅悍，孫礦曰：捍，悍通。』
『無私劍之悍，』謂不准游俠暗殺也。古者作戰，以能斬敵首爲功，故曰『以斬首爲勇。』

〔一三〕是以之以字，各舊本俱無。翼云：『是下脫以字。』纂聞云：『從山氏補以字。』今據補。『其言談者必軌於法，』謂言必合法。『動作歸之於功，』謂動作登於耕戰。『爲勇者盡之於軍，』謂僅以能戰爲勇。

〔一四〕王資，翼云：『資，本價也，言王業資之以興。管子：國修而鄰國無道，霸王之資也。』今按王資卽指上文之國富兵強。法家以爲國富兵強，然後可霸可王，故謂之王資。

〔一五〕畜與蓄通，儲也。承豐，翼云：『承，承音通。後漢鄧禹傳云：欲承豐并關中；又敍傳云：乘豐而運。豐，豐同，陳緯也。言觀瑕隙而動也。』超勝也。五帝，指黃帝、顓頊、帝嚳、堯、舜。伴，翼云：『齊也。』三王，三代之王，謂夏禹、商湯、周文武也。

今則不然。士民縱恣於內，言談者爲勢於外，內外稱惡，以待強敵，不亦殆乎？〔一〕故羣臣之言外事者，非有分於從橫之黨，則有仇讎之患，而借力於國也。〔二〕「從」者，合衆弱以攻一強也；而「衡」者，事一強以攻衆弱也，皆非所以持國也。〔三〕今人臣之言衡者，皆曰：『不事大，則遇敵受禍矣。』事大必有實，則舉國而委效，璽而請矣。〔四〕獻圖則地削，效璽則名卑，地削則國弱，名卑則

政亂矣。〔五〕事大爲衡，未見其利也，而亡地亂政矣。人臣之言從者，皆曰：『不救小而伐大，則失天下；失天下則國危，國危而主卑。』救小必有實，則起兵而敵大矣。〔六〕救小未必能存，敵大未必不有疏，有疏則爲強國制矣。〔七〕出兵則軍敗，退守則城拔，救小爲從，未見其利，而亡地敗軍矣。是故事強，則以外權士官於內，救小，則以內重求利於外。〔八〕國利未立，封土厚祿至矣；主上雖卑，人臣尊矣；國地雖削，私家富矣。事成，則以權長重；事敗，則以富退處。人主之聽說於其臣，〔九〕事未成，則爵祿已尊矣。事敗而弗誅，則游說之士，孰不爲繒繳之說，而微倖其後。〔一〇〕故破國亡主，以聽言談者之浮說，此其故，何也？是人君不明乎公私之利，不察當否之言，而誅罰不必其後也。〔一一〕皆曰：『外事大可以王，小可以安。』〔一二〕夫王者能攻人者也，而安則不可攻也；強者能攻人者也，而治則不可攻也。治強不可責於外，內政之有也。〔一三〕今不行法術於內，而事智於外，則不至於治強矣。〔一四〕鄒諺曰：『長袖善舞，多財善賈。』此言多資之易爲工也。〔一五〕故治強易爲謀，弱亂難爲計。故用於秦者，十變而謀希失；用於燕者，一變而計希得。非用於秦者必智，用於燕者必愚也。蓋治亂之資也。故周去秦爲從，期年而舉，衛離魏爲衡，半歲而亡。〔一六〕是周滅於從，衛亡於衡也。使周、衛緩其從衡之計，而急其境內之治，〔一七〕——明其法禁，必其賞罰，盡其地力，以多其積，致其民死，以堅其城守，——天下得其地，則其利少，攻其國，則其傷大，萬乘之國，莫敢自頓於堅城之下，而使強敵裁其

此必不亡之術也。舍必不亡之術，而道必滅之事，治國者之過也。智困於外，而政亂於內，則亡不可振也。

校釋：「一」爲勢於外，纂聞云：『藉外權以爲勢，制分篇處士立名於內，而談者爲略於外。』按勢，卽權爲勢於外，論言借權於外，蓋指縱橫之說。稱惡，解詁云：『當作構怨。』未可從。翼云：『內外皆惡，其勢相若，故云稱惡。』纂聞云：『稱舉也，謂交行姦惡。』

「二」外事猶今言外交。戰國時言外交者，有從、衡兩說。從，衡亦作縱橫。合南北爲從，卽合韓、趙、魏、楚、燕、齊六國以抗秦，蘇秦主之。連東西爲衡，卽連六國以事秦，張儀主之。分於從衡之黨，翼云：『或黨於合從，或黨於連衡，各有其分也。』忠字，迂評本、趙本、凌本作患，今從乾道本。識誤云：『藏本同，今本忠作患，誤。』補箋云：『按忠借爲中。淮南子說山篇：則中不平也。高注：中心也。（中心字通以衷爲之。）仇讎之中，猶言仇讎之心。有仇讎之心而借力於國，若伍子胥以吳伐楚是也。忠，中古通用。書仲虺之誥：建中於民。釋文：中本或作忠。詩隔桑：中心藏之，孝經引中作忠，是其證。』

「三」合衆弱以攻一強。集解云：『乾道本強弱互易，今據拾補改。』今按趙本、凌本與乾道本同誤，茲從迂評本。衆弱，指六國；一強，指秦。若如乾道本作『衆強』，『一弱』，則與史不符矣。

「四」各舊本，必字上俱有未字，請字下俱有兵字。集解云：『乾道本則舉作舉則。顧廣圻云：藏本，今本作

則舉，今本委下有地字，按句有誤。俞樾云：舉則二字倒，當從道藏本。韓子原文本作：事大必有實，則舉圖而委，效靈而請矣。未字、兵字、皆衍文也。言事大，必有事大之實，非空言事大而已；舉圖而委，效靈而請，皆其實也。所謂舉圖而委者，謂舉地圖而委之大國；故下文云獻圖則地削也。所謂效靈而稱者，謂收百官之靈效之大國，而請大國發之也；故下文云效靈則名卑也。外儲說右云：王因收吏靈，目三百石以上皆效之子之，子之大重。此雖非以小事大，然效靈之事則同。效靈非請兵，淺人不得其解，於請下增入兵字，殊失本旨。趙用賢本乃於上句委字之下，增地字以配之，謬矣。下文救小未必有實，則起兵而敵大矣，未字亦衍文；謂救小，必有救小之實，起兵敵大，是其實也；與此文正相對，因涉下文救小未必能存句而衍未字，遂於事大必有實句亦增未字。淺人不詳文義，率意增益，往往如此。』按俞說是，今據刪。事大、六國事秦也。圖、版圖也。靈、印也；效靈、繳銷原印，另行頒發也。

〔五〕國[△]削[△]各舊本俱作國削，與上文地削意重。翼彘云：『削宜作小。』解詁云：『國削恐國危訛。』今依纂聞改削爲國。

〔六〕救小^{△△}六國互救也。伐大、六國抗秦也。天下，指六國。救小必有實，必字上原有未字，今依俞說刪，詳見前。

〔七〕敵大^{△△}各舊本俱作交大，誤。集解云：『顧廣圻曰：敵本同，今本無有字，誤。盧文弨曰：有字似不必增。王、

渭曰：交當作敵。先慎案：王說是。『今從王。渭說改交爲敵。不有疎之有字，迂評本、趙本、凌本俱有。』

〔八〕士官識誤云：『藏本同，今本土作市，誤。上文而卑其士官也。』按士與仕通，又與事通，士官猶今言作官也。迂評本、趙本、凌本俱作市，誤。外權，謂外國之權；內重，謂本國之權。以外權士官於內，以內重求利於外，皆縱橫家挾外交以自重自利也。

〔九〕人主之聽說於其臣，集解云：『乾道本作人主之於其聽說也於其臣。盧文弨云：之下於其二字，說下也字，皆衍。凌本無。今據刪。』按迂評本、趙本俱與凌本同，茲從之。

〔一〇〕增音增：『增音灼。翼云：『增繳之說，以浮詞射利也。舊說：增繳所以取鳥者，以生絲繫矢而射，流而取之。』』

〔一一〕乎字，迂評本、張本作於，今從乾道本。趙本、凌本，乎於同義。人臣之私利，在於外事，在於從衡；國家之公利，在於內政，在於法術，而人君不明於此，故爲人臣所欺也。

〔一二〕此爲縱橫家主張從衡之理由。

〔一三〕各舊本，強者作強，則而治無而字。解詁云：『則當作者，治上當有而字，上文可證。』纂聞云：『強者，者元作則，而治、元漏而字，從山氏正。』今據改。『之有』之有字，迂評本、趙本、凌本作修，今從乾道本。識誤云：『藏本同，今本有作修，誤。』新釋云：『有，猶致也。』『治強不可責於外，內政之有也。』蓋猶言治強。

之術，須在內政上求，不可在外交上求也。

〔一四〕事智於外，謂在外交上講求智謀；此即指從衡而言，非如解詁所謂『不事攻伐也。』至字迂評本作主誤。

〔一五〕正義云：『巧也。』新釋云：『善也。』

〔一六〕希失希得，謂少失少得也。周去秦爲從，纂聞云：『秦猶拔也。』史記周赧王五十九年，與諸侯約從，將天下銳師，出伊闕攻秦。秦昭王怒，使將軍樛攻西周。西周君奔秦，盡獻其地。是歲赧王卒，周民遂東亡。衛驪魏爲衡，纂聞云：『未聞。』汲冢古文載：魏惠成王如衛，命子南勁爲侯，蓋此時事也。衛君逆命，故廢之。更命勁爲侯，中問衛受魏封之後，遂附屬之，如國然。故此書呼魏或稱衛者，亦由此也。集解云：『全祖望云：六國盡亡，而衛尚存，韓子之言謬矣。案六國表：秦莊王六年，五國共擊秦，拔魏朝歌，衛從濮陽徙野王，衛故屬魏，或因衛而不救。此韓子當時事，聞見有真，當不謬也。』

〔一七〕而下急字，乾道本無，趙本凌本作嚴，今從迂評本。集解云：『顧廣圻云：今本而下有嚴字，按句有誤。先慎案有嚴字是，今據補。』按上下二句緩急二字正相應，作急爲是。

〔一八〕積善積也。萬乘之國，大國也。頓增讀云：『山云：頓與屯舍之屯同。』新釋云：『頓同屯，陳也。』纂聞云：『頓下疑少兵字。淮陽侯傳：今將軍欲舉疲弊之兵，頓之燕堅城之下。』又或解頓爲壞，爲鈍，不如前

義較長裁新釋云：『制也。』弊、罷弊也。

〔一九〕道由也。

〔二〇〕智困於外而政亂於內各舊本俱作智困於內而政亂於外。讀誤云：『內外當互易，上文云：而事智於外。』今據改。振翼云：『救也。』

民之故計，皆就安利如辟危窮。〔一〕今爲之攻戰，進則死於敵，退則死於誅，則危矣。棄私家之養，而必汗馬之勞，家困而上弗論，則窮矣。〔二〕窮危之所在也，民安得勿避？故事私門而完解舍，解舍完則遠戰，遠戰則安。〔三〕行賄賂而襲當塗者，則求得，求得則利，安利之所在，安得勿就？〔四〕是以公民少而私人衆矣。〔五〕夫明王治國之政，使其商工游食之民少而名卑，以趣本務而外末作。〔六〕今世近習之請行，則官爵可買；官爵可買，則商工不卑也矣。〔七〕姦財貨買得用於市，則商人不少矣。〔八〕聚斂倍農，而致尊過耕戰之士，則耿介之士寡，而商賈之民多矣。〔九〕是故亂國之俗，其學者則稱先王之道以籍仁義，盛容服而飾辯說，以疑當世之法，而貳人主之心。〔一〇〕其言談者，僞設詐稱，借於外力，以成其私，而遺社稷之利。〔一一〕其帶劍者，聚徒屬，立節操，以顯其名，而犯五官之禁。〔一二〕其患御者，積於私門，盡貨賂，而用重人之譎，退汗馬之勞。〔一三〕其商工之民，修治苦窳之器，聚弗靡之財，蓄積待時，而侔農夫之利。〔一四〕此五者，邦之蠹也。人主不除此五蠹之民，不養耿介

之士，則海內雖有破亡之國，削滅之朝，亦勿怪矣。(二五)

校釋

〔一〕故計乾道本作政計，茲從迂評本。趙本、凌本如字，迂評本、趙本、凌本俱作皆，茲從乾道本。集解云：『拾補政作故，如下旁注皆字。』盧文弨云：故，張本作政；皆，張本作如，與而同，當分段。顧廣圻云：今本政作故，按句有誤。先慎按：趙本改如爲皆，非也；政當作自。今按政字誤，故字可通。解詁云：『讀故計，猶言常計也。按如故智之故。』翼彞云：『故，國通，國計猶本計也。』如字，可作而字解，亦可作常義解，謂就安利如同辟危窮之急切也。辟與避同。

〔二〕爲之，猶言使之。私家之養，謂養家。必猶言求也。汗馬之勞，謂戰功；戰馬急馳則汗出，故云。則窮之則字，迂評本作其，誤。

〔三〕私門，與公家相對，謂達官貴人之門。事私門，猶言託庇私門也。纂聞云：『詭使篇：士卒之逃事，伏匿附託有威之門，以避徭賦，而上不得者萬數。』說疑篇：有務解免，赦罪獄，以事威者。解舍，讀如麻舍。翼彞云：『麻舍，謂免徭役也。管子五輔篇云：故上必寬裕而有解舍。』叢錄云：『五蠹篇：故事私門而完解舍，解舍完則遠戰。』顧煊案：管子五輔篇：上彌殘苛而無解舍，下愈覆驚而不聽從。商子墨令篇：高其解舍，解舍，即今之解舍。吳子治兵篇：馬疲人倦而不解舍。說文：卸，舍車解馬也，謂所卸止之地。其音義並同。今按解，即馬解，舍，即車舍，完全也，繕也。古者兵役，徵馬徵車，當馬、車被徵時，則其解舍可以不繕。今完解舍，蓋以馬、車免

徵而在解舍也。傳校云：『完解舍，謂完治公廨也。』遠讀去聲，遠戰，猶言避戰。

〔四〕翼，翼云：『因也；』猶今俗言『走路子。』當塗，即當道，塗亦作途。『求得則利，私乃利字之誤。遠戰則安，求得則利，與上文窮危相對，安對危言，利對窮言也。安私安則利之所在，當作安利之所在。上文窮危之所在也，民安得勿避？此云安利之所在，安得勿就？兩文亦相對。』按前說是，今據刪改。

〔五〕公民對私人而言。公民，蓋謂屬於國家而爲國家服役之民；今人以之譯西文所謂（Citizen），取其義相近也。私人即指託庇私門，企圖免役之人。

〔六〕趣字上，各舊本俱衍寡字，且於此斷句，不免與上文少字重複。外字，乾道本、趙本、凌本作趨，張本作減，茲從迂評本增讀云：『山云：名卑屬上，寡字衍。』纂聞云：『以下元衍寡字，從山氏削。外一作趨，非。』按寡門是，今據刪改。趣與趨同，本務謂農，外與棄同，末作謂商工。全句蓋謂重農賤商。

〔七〕也矣之也字，集解云：『張榜本無。』

〔八〕姦財貨賈，迂評本、凌本作姦貨財賈，茲從乾道本、趙本。

〔九〕聚斂倍農，纂聞云：『物曰聚斂之利，倍於農穫也。山曰：倍宜作侔，下文云：侔農夫之利。』致尊過三字，迂評本、趙本、凌本作不貴，茲從乾道本。拾補云：『致尊過三字，舊作不貴，今從張本。』識誤云：『藏本同，』

今本作不貴，誤。傳校云：『致尊過耕戰之士，謂商賈聚斂倍於農穫，而其致尊顯又過於耕戰之士也。』
耿介之士，讀云：『言戰士也。』按耿介本義爲堅貞或光大，無戰字意。宜依詭使篇作戰介之士，或耕戰之士，此蓋後人誤改耳。或者韓子原意以爲耕戰之士須恃功勞而獲官爵，如人之極其耿介者然，遂稱之曰耿介之士乎？下文云：『不養耿介之士，』則耿介之士宜作戰介之士，或耕戰之士，讀不宜作常義解，益明矣。商賈之民，各舊本均誤作高價之民。纂聞云：『廣絕交論，耿介之士，疾其若斯。』注引作商賈。解詁補箋考證，與纂聞同，今據改。

〔一〇〕籍仁義，讀云：『籍藉同，因也。』新釋云：『籍，假也。』解詁云：『稱先王之道，籍托仁義。』先秦百家，多託古立說。此謂儒家以仁義託之堯舜禹湯文武而立說。貳，迂評本作二，同。貳人主之心，謂使人主之心不定也，俗所謂『三心二意』者是。

〔一一〕言談者，各舊本俱作言古者。譏誤云：『古當作談，上文云：言談者爲勢於外。』纂聞云：『元作言古者，寫者誤；若作言古者，與學者奚別？』按作談是，今據改。僞設，各舊本俱作『爲設。』纂聞云：『僞作爲，誤。』解詁云：『爲當作僞。』補箋云：『爲，借爲僞。』按爲本借爲僞，而義易淆，今依纂聞校改。僞設，謂陳說之假託也，詐稱，謂稱舉之不實也。遺，迂評云：『忘也。』

〔一二〕游俠常懷劍，故曰帶劍者。五官集解云：『謂司徒、司馬、司空、司士、司寇，典司五衆者。』纂聞云：『

齊策注引禮記、諸侯出，命國家五官而後行，注：五官、五大夫典事者。『五官之禁，猶今言政府各機關之禁令也。』

〔一三〕患御者，迂評本、趙本、凌本作近御者，茲從乾道本。集解云：『盧文弨曰：患疑是串字，爾雅、串、習也；此猶言近習。俞樾曰：患讀爲串，詩、皇矣篇、串夷載路，毛傳、串、習也，釋文云：串本作患，是其證也。先慎案：盧、俞說是，張榜本、趙本改作近，非。』盡貨賂，悉賄賂也。又新釋云：『盡、費也；類篇云：『貨以將意曰費，亦通。重人，有權之人，謁請謁也。』

〔一四〕苦窳，猶言粗惡；史記：『陶河濱，河濱器不苦窳。』窳音愈。弗靡之財，迂評本、趙本、凌本作沸靡之財，茲從乾道本。識誤云：『藏本，今本弗作沸，誤。』翼彙云：『沸靡，謂奢侈也。』解詁云：『評林：謂濫費也。』纂聞云：『山曰：荀子、天下諸侯無糜費之用，沸費音近，或通。大學鄭注拂讀爲費，可證。費用侈靡之財，謂其無用也。』今按以上各家均以奢侈釋『沸靡』。『沸靡』宜作弗靡，弗，不也。靡，楊子方言云：『私小也。』秦、晉曰靡，注：靡，細好也。『弗靡』猶言不佳，或不精緻。弗靡之財，猶今俗言『便宜貨』。商賈國賤賈貴，故必國聚『便宜貨』。『倖』，識誤云：『牟、倖，同字也。』翼彙云：『倖、牟通，貪取也。史記、平準書云：富商大賈，無所牟大利。』纂聞謂此倖字爲『齊也』誤。

〔一五〕勿怪，選注云：『不足怪也。』按除五蠹之民，養耕戰之士，爲本篇之總結論，亦即韓子之政治綱

領。

韓非子校釋

七二

難勢

釋題 本篇原爲第十七卷、第四十篇。難、讀去聲，辨難也；勢、猶今言主權或統治權。難勢者、辨論主權問題之重要與否也。因爲問答體，故冠以難字。勢必有位，故本篇內又稱『勢位』。勢必有威，故本篇內又稱『威勢』。凡本篇以及他篇言及『權』、『重』與『柄』者，皆與勢有關，亦即與主權或統治權有關也。凡論及勢者，可統名曰『主權論』，本篇則主權論之專文也。

提要 本篇主旨，在以任勢與任賢兩說互相辨難，以明任賢不如任勢。任勢之說，首倡於慎到，故首段全引慎到之言，以明論點之所在。當時主任賢而非任勢者，以儒家爲最，故次段設爲儒家，勢必待賢乃治之說以難之。末段，即自『復應之曰』以下，乃韓子反駁儒家，剖晰賢勢之不相容，並申說任賢不如任勢之理。

考證 本篇論旨，全與韓子思想相合。文中所引慎子語，今仍存羣書治要及守山閣本慎子書中。全篇論難之詞，均分析精微，斷制謹嚴，非韓子莫能辦。故本篇之出於韓子，從無疑者。

慎子〔一〕曰：『飛龍乘雲，騰蛇遊霧。〔二〕雲罷，霧霽，而龍蛇與蜺蜺同矣，則失其所乘也。〔三〕故賢人而詘於不肖者，則權輕位卑也；不肖而能服於賢者，則權重位尊也。〔四〕堯爲匹夫，不能治

三人而桀爲天子，能亂天下。吾以此知勢位之足恃，而賢智之不足慕也。^{〔五〕}夫弩弱而矢高者，激於風也；身不肖而令行者，得助於衆也。^{〔六〕}堯教於隸屬，而民不聽；至於南面而王天下，令則行，禁則止。^{〔七〕}由此觀之，賢智未足以服衆，而勢位足以誦賢者也。^{〔八〕}

校釋 ^{〔一〕}慎子名到，趙人，乃申、商後一理論法家，以主勢著名。史記稱其『學黃、老道德之術』，著十二論。漢志法家類著錄慎子四十二篇，已佚。今僅羣書治要存慎子節文七篇，清、錢熙祚守山閣本卽輯此而成，兼附其他佚文。

^{〔二〕}古代神話謂龍能飛，且能興雲雨，故曰『飛龍乘雲』。乘雲之乘，與乘車之乘，義同。騰蛇亦作蜺蛇，山海經名曰飛蛇，淮南子名曰奔蛇。荀子：『騰蛇無足而飛』，注：龍類，能興雲霧而逝其中也。^{〔三〕}蛇，藏本作虵，俗字也。

^{〔三〕}雲罷，雲散也。霧霽，霧散也。集解云：『初學記二，御覽十五，事類賦三，引霽作散。』蟥與蚘，螳與蟻，音義俱同。

^{〔四〕}故字，乾道本、趙本、凌本俱無，茲從迂評本。藏本、張本，訕音屈，屈也。服也。『服於』之於字，迂評本作乎，義同。

^{〔五〕}三人，新釋云：『三夫也，古者夫三爲屋，趙策、堯無三夫之分。』賢智之不足慕，莊子、天下篇云：『慎

到棄知去己，而緣不得已，醜骸無任，而笑天下之尚賢也；縱脫無行，而非天下之大型也。『荀子解蔽篇云：『慎子蔽於法而不知賢。』今按慎子爲法家而兼道家，莊子所言，蓋慎子以道家之旨非賢也。荀子及本篇所言，蓋慎子以法家之旨非賢也。

〔六〕弩弓之有臂者。

〔七〕隸屬新釋云：『卑賤之稱。』按古以罪人及其家屬充勞役隸屬，蓋謂此類人也。南園解見五靈篇。王作動詞解。

〔八〕訕賢之訕字，迂評本、凌本俱作任，乾道本作任。集解云：『盧文弨曰：任疑正之譌，正古正字，墨子往往用此。』顧廣圻曰：句有誤。俞樾曰：任乃訕字之誤，訕闕壞而爲出字，又因誤爲任也。上文云賢人乃訕於不肖者，則權經位卑也，此卽勢位足以訕賢者之說。趙本作任賢者，乃不得其字而臆改，不可從也。先慎曰：俞說是。張榜本亦改作任。『點勘云：『任疑當爲訕字，誤爲出，又誤爲任。上言賢人而服不肖，不肖而訕於賢，以服與訕對言，此亦以服與訕對言也。此篇皆不見任賢之義。』今按訕賢，羣書治要引作『屈賢』，『訕』屈音義俱同。任字爲訕之誤，而任字爲後人臆改，益明。今依平議點勘及治要校正。斟補疑任爲御之壞字，茲不從。

應慎子曰：『一飛龍乘雲，騰蛇遊霧，吾不以龍蛇爲不託於雲霧之勢也。雖然，夫釋賢而專任

勢足以爲治乎？^{〔二〕}則吾未得見也。夫有雲霧之勢，而能乘遊之者，龍蛇之材美也。^{〔三〕}夫雲盛，而蟻弗能乘也；霧醴，而蜩不能遊也。^{〔四〕}夫有盛雲醴霧之勢，而不能乘遊者，蟻蜩之材薄也。今桀紂南面而王天下，以天子之威爲之雲霧，而天下不免乎大亂者，桀紂之材薄也。且其人以堯之勢，以治天下也，其勢何以異桀之勢，以亂天下者也？^{〔五〕}夫勢者，非能使賢者用己，而不肖者不用己也。^{〔六〕}賢者用之，則天下治；不肖者用之，則天下亂。人之情性，賢者寡，而不肖者衆，而以威勢之利，濟亂世之不肖人，則是以勢亂天下者多矣，以勢治天下者寡矣。^{〔七〕}夫勢者，使治而利亂者也。故周書曰：『毋爲虎傅翼，將飛入邑，擇人而食之。』^{〔八〕}夫乘不肖人於勢，是爲虎傅翼也。桀紂爲高臺深池，以盡民力，爲炮烙以傷民性。^{〔九〕}桀紂得成四行者，南面之威爲之實也。使桀紂爲匹夫，未始行一，而身在刑戮矣。^{〔一〇〕}勢者，養虎狼之心，而成暴亂之事者也。^{〔一一〕}此天下之大患也。勢之於治亂，本末有位也。^{〔一二〕}而語專言勢之足以治天下者，則其智之所至者淺矣。^{〔一三〕}夫良馬固車，使臧獲御之，則爲人笑；王良御之，而日取千里。^{〔一四〕}車馬非異也，或至乎千里，或爲人笑，則巧拙相去遠矣。^{〔一五〕}今以國爲車，以勢爲馬，以號令爲轡銜，以刑罰爲鞭策，^{〔一六〕}使堯舜御之，則天下治；桀紂御之，則天下亂，則賢不肖相去遠矣。夫欲追速致遠，知任王良，欲進利除害，不知任賢能，此則不知類之患也。^{〔一七〕}夫堯舜亦治民之王良也。

校釋 「一」應答也。此段乃韓子假爲儒家設辭以難慎子也。

「二」釋賢之釋，各舊本俱作擇。集解云：『乾道本釋作擇。拾補作釋。顧廣圻云當作釋。今據改。』按纂聞點勘亦均改爲釋；釋賢舍賢也。

「三」美字下，乾道本、趙本衍之字，茲從迂評本、凌本。集解云：『王先謙曰：此與下螻蟴之材薄也對文，明美下之字衍。』

「四」醴與濃通，密也。傳校云：『說文：醴，厚酒也，濃，露多也。詩小雅傳：濃，厚貌。』段玉裁曰：凡農字皆訓厚。據此，故醴與濃通。』

「五」以治天下也。其勢七字，迂評本、趙本作治天下三字，茲從乾道本。集解云：『顧廣圻曰：藏本同，今本無以也其勢四字。先慎曰：張榜本無以也二字，按其勢二字屬下讀。』今按其人代名詞，指慎子。『以治天下也』係一短句，說明『堯之勢』者也；字作者字解。其勢指堯之勢，屬下讀。勢也之也字，點勘謂當作之，未可從。識誤云：『藏本、今本無也字，按也當作以。』今據改。『以亂天下者也』亦一短句，說明『桀之勢』者。又兩『勢以』字，或係誤倒，如作以勢，其義更明。

「六」己。識誤云：『兩己字，當有誤，未詳。』平議云：『兩己字，當作人己之己，即以勢而言，勢者人人得而用之，不能使賢者用我，不肖者不用我也。顧氏由不達古人語意耳。』解詁云：『兩己字，之字誤，皆指勢言。』

翼云：『己疑之字之誤。音勢者非唯賢者用之，而不肖者不能用之也。賢不肖皆得乘之也。』集釋云：『己之互文，己與之爲疊韻字，故己訓之，之亦訓己。』據此，則己字不誤矣。

〔七〕鴻助也。多矣之矣字，迂評本無。

〔八〕周書集解云：『乾道本無將字。顧廣圻云：藏本、今本飛上有將字，按之字當衍。先慎案逸周書篇正有將字，今據補。被脫爲字，當依此訂。』翼云：『漢書賈誼傳云：所謂假賊兵，爲虎傅翼者也。注、應邵所引周書同韓子；師古曰：傳讀曰附，著也。』

〔九〕炮烙音庖洛，酷刑也。相傳殷紂於青銅柱下加之炭，令有罪者行焉，輒墮炭中，妲己笑，名曰炮烙之刑，見列女傳。新釋分炮烙爲二事，非。集解云：『顧廣圻曰：句當有脫字。高臺一也，深池二也，炮烙三也，下文云四行，其一未見。先慎曰：此隨舉二人暴虐之事，非必有四行也；炮烙卽非桀所爲，顧說太泥。』

〔一〇〕成四行。趙本、凌本作乘肆行，迂評本作成肆行，乾道本作乘四行。集解云：『顧廣圻曰：藏本乘作成，今本四作肆，皆誤。乘當作兼，下文云未始行一，其證也。先慎曰：乘下脫勢字，四當作肆，肆行卽指盡民力傷民性言，顧說非。』今按顧說以下文『行一』承此四行言，是成字宜從藏本。迂評本不必如顧說改爲兼，更不必如王說於乘下增勢字。成四行，成上文所言之四行也，義甚明。若改成字爲乘勢二字，不知下文『南面之威爲之翼也』卽謂其乘勢，未免重複矣。

〔一一〕暴亂集解云：『乾道本暴下有風字。顧廣圻云：今本無風字，按句有誤。先慎案無風字是，改從今本。此謂桀紂得有天下之勢，以爲之轉翼，所以暴亂之事成也。』今按迂評本、趙本、凌本俱無風字，是。

〔一二〕本末之未字，各舊本俱作末。識誤云：『末當作未。』纂聞云：『謂賢不肖皆得用之也。未，元作末，誤。』忠孝篇：孔子本未知孝悌忠順之道也。物曰：位者，一定之分也。』今依識誤、纂聞改末爲未。本末有位，言勢可以治，亦可以亂，固無一定也。

〔一三〕語翼云：『慎子語。』

〔一四〕固車堅車也。臧獲奴婢之賤稱。方言云：『海岱之間，罵奴曰臧，罵婢曰獲。燕之北郊，民而嬖婢謂之臧，女而婦奴謂之獲。』又漢書注云：『臧獲，敗敵所被虜獲爲奴隸者。』王良春秋時晉人，以善御得名。呂覽、高注謂卽郵無正，郵無正詳左傳，國語作郵無恤，日取之取，新釋云：『趣也。』

〔一五〕巧拙集解云：『乾道本無巧字。顧廣圻云：藏本今本有巧字。先慎案治要亦有，今據補。』今按迂評本、趙本、凌本俱有巧字，是。

〔一六〕國字下各舊本俱有位字，茲依治要刪。轡字下各舊本俱無銜字，茲依治要增。鞭策之策字，音義與策同。

〔一七〕追遠致遠，纂聞云：『治要作追遠致遠，誤。荀子：欲得善馭及遠致遠，則莫若王良造父。』說林訓：造

父之所以追速致遠者，非轡銜矣。主術訓：夫載重而馬羸，雖造父不能以致遠；車輕馬良，雖中工可使追速也。按追速，猶俗言『走得快』；致遠，猶俗言『走得遠』。知任，各舊本俱作不知任。兩『不知任』，治要引作不如任。按類，同類也。孟子云：故凡同類者，舉相似也。墨子云：『辯者……以類取，以類予』。又云：『辭以類行者也，立辭而不明其類，則必困矣。』不知類，即立辭而不明其類也，亦可以今語『不合論理』解之。王良與堯舜同爲賢能之一類，應均任之。今追速致遠，知任賢能之王良，進利除害，不知任賢能之堯舜，是不知類矣。故以爲『患』。知任王良上，若有不字，則於上下文意反不合。此蓋涉下文『不知任賢能』句中有不字而衍，因刪之。

復應之曰：『一』其人以勢爲足恃以治官，客曰：『必待賢乃治。』則不然矣。『二』夫勢者，名一而變無數者也。『三』勢必於自然，則無爲言於勢矣。吾所爲言勢者，言人之所設也。『四』今日堯舜得勢而治，桀紂得勢而亂，吾非以堯舜爲不然也。雖然，非人之所得設也。『五』夫堯舜生而在上位，雖有十桀，紂不能亂者，則勢治也。桀紂亦生而在上位，雖有十堯，舜而亦不能治者，則勢亂也。故曰：『勢治者則不可亂，而勢亂者則不可治也。』此自然之勢也，非人之所得設也。『六』若吾所言，謂人之所得設也而已矣，賢何事焉？『七』何以明其然也？客曰：人有鬻矛與楯者，譽其楯之堅，物莫能陷也。『八』俄而又譽其矛曰：『吾矛之利，物無不陷也。』『九』人應之曰：『以子之矛陷子之

楯何如？』其人弗能應也。^{〔一〕}以不可陷之楯與無不陷之矛，爲名不可兩立也。^{〔二〕}夫賢之爲勢不可禁，而勢之爲道也無不禁，以不可禁之賢與無不禁之勢。^{〔三〕}此矛盾之說也。夫賢勢之不相容，亦明矣。且夫堯舜桀紂，千世而一出，是比肩隨踵而生也。^{〔四〕}世之治者，不絕於中，吾所以爲言勢者，中也。中者，上不及堯舜而下，亦不爲桀紂。抱法處勢，則治；背法去勢，則亂。^{〔五〕}今廢勢背法而待堯舜，堯舜至乃治，是千世亂而一治也。抱法處勢而待桀紂，桀紂至乃亂，是千世治而一亂也。且夫治千而亂一，與治一而亂千也，是猶乘驥騄而分馳也，相去亦遠矣。^{〔六〕}夫棄隱括之法，去度量之數，使奚仲爲車，不能成一輪。^{〔七〕}無慶賞之勸，刑罰之威，釋勢委法，堯舜戶說而人辯之，不能治三家。^{〔八〕}夫勢之足用亦明矣。而曰『必待賢』，則亦不然矣。且夫百日不食，以待梁肉，餓者不活。今待堯舜之賢，乃治當世之民，是猶待梁肉而救餓之說也。夫曰『良馬固車，臧獲御之，則爲人笑；王良御之，則日取乎千里』，吾不以爲然。夫待越人之善游者，以救中國之溺人，越人善游矣，溺者不濟矣。^{〔九〕}夫待古之王良，以馭今之馬，亦猶越人救溺之說也，不可亦明矣。夫良馬固車，五十里而一置，使中手御之，追速致遠，可以及也；而千里可日致也，何必待古之王良乎？^{〔一〇〕}且御，非使王良也，則必使臧獲敗之；治，非使堯舜也，則必使桀紂亂之。^{〔一一〕}此味非飴蜜也，必苦菜亭歷也。^{〔一二〕}此則積辯累辭，離理失術，兩末之議也。奚可以難夫道理之言乎哉？^{〔一三〕}客議未及此論也。^{〔一四〕}

校釋 「一」復應之者，韓子也。韓子既於前段設爲客難，以難慎子，此段又自解客難，以申慎子之說。由此可知韓子亦兼主任勢，梁啓超於中國法理學發達史及先秦政治思想史謂韓子非勢治，誤。

「二」以勢爲足恃以治官，指本篇首段慎子之言，「必待賢乃治」指次段之客難，「不然」則韓子斷言客難之非也。

「三」『勢』字在論理學上爲一名詞，『名一』謂同一名詞，『變無數』謂涵義甚多也。

「四」勢之一名，涵義大別有二：一自然之勢，即謂主權之傳襲出於自然，業經確定，莫可如何，此則無須多論者；二人設之勢，即謂主權之運用，治國不可或缺，而又爲人所易爲力者，此則韓子所言之勢也。傳校云：『吾所爲言勢者，爲猶以也，詳見釋詞。』

「五」集解云：『乾道本無今日至設也三十二字，據藏本、張榜本、趙本補。』今按迂評本、凌本俱有自今日至設也三十二字，依上下文意宜補入。但一人之一字疑衍。翼彙云：『一字疑衍。』纂聞云：『人上元有一字，依前後文，誤衍無疑。』茲據刪。

「六」堯舜二字，乾道本作聖舜，茲從迂評本、藏本、趙本、凌本。

「七」翼彙云：『商子定分篇云：勢治者不可亂也，勢亂者不可治也，是古人之語，故句上云故曰也。潛夫論云：勢治者雖委之不亂，勢亂者雖勸之不治也，蓋本於此矣。』今按『勢治』『勢亂』之勢字，亦可作

位字解。堯舜聖君，得位則治；桀紂暴君，得位則亂。位由何人得之，而其人又爲賢爲否，均出自然，非人可由運用，故曰『此自然之勢也，非人之所得設也。』

〔八〕『設也而已矣』之『設』字，乾道本、迂評本、趙本、凌本俱作『勢』字。識誤云：『謂人之所得設下有脫文。』平議云：『勢當作設。上文上云此自然之勢也，非人之所得設也，故此曰若吾所言，謂人之所得設也而已矣。設誤作勢，文不可通。顧氏因疑有脫文，非是。』纂聞云：『設元作勢，音之訛也。』今依平議、纂聞校改。又集解云：『張榜本得下有設也若吾所言，謂人之所得十一字，是今據增。上吾字乃客之誤，當作若客所言，謂人之所得設也，若吾所言，謂人之所得勢也而已矣。若客所言，謂人之所得設，正承上非人之所得設也而來，語極明晰，客誤爲吾，遂不可讀。』今按集解所說失考，未可從。人所得設之勢，與賢無干，故曰『賢何事焉。』

〔九〕『客曰』二字，纂聞認爲衍文而刪。翼龜云：『此客，韓子所假設之客，非難慎子之客也。』人有之有字，迂評本無，茲從乾道本。鬻音育，賣也。矛，兵器名，長柄有刃，用以刺敵者。楯與盾通，音吮，戰時禦敵之兵器，俗謂之籐牌。陷音咸，去聲，破也。

〔一〇〕物無不陷上，難一篇有於字，義較明，纂聞據增。

〔一一〕人應之之人字，迂評本作有，茲從乾道本、趙本、凌本，人或人也。

「一二」以字下各舊本俱有爲字。傳校云：「以字疑衍。」纂聞云：「爲字衍。」茲據纂聞刪。『爲名不可兩立』，謂在論理上不可同時並存也。既謂楯不可陷，則無無不陷之矛；既謂矛無不陷，則無不可陷之楯。今兩舉之，是自相衝突矣。後世以凡事理自相抵觸者，爲『矛盾』，蓋出於此；今且以『矛盾律』譯論理學上之 (Law of Contradiction) 意亦相似。

「一二」以不可禁之賢與無不禁之勢，迂評本、趙本、凌本作『以不可禁之勢與無不禁之道』，乾道本作『以不可禁之勢』。識誤云：『藏本同，今本有與無不禁之道，誤。按當云以不可禁之賢與無不禁之勢。』今按上文云：『勢之爲道也無不禁』，即謂主權之運用有強制性；『賢之爲勢不可禁』，即謂賢不可以主權強制之。賢則不可強制，而勢則必須強制，是賢勢不能相容，有如矛楯之說矣。呂氏春秋云：『王也者，勢無敵也；』『勢不厭尊』，可與此所謂『勢無不禁』，互相發明。明乎法家之勢義，則知各舊本文句均誤，惟識誤校改爲是，茲從之。

「二四」是比肩隨踵而生也。猶云出生甚少。集解謂：『是上當有反字，』選注改是字爲非，新釋謂：『狀言其多，』均由不明『比肩隨踵』之義似多而實少也。增讀云：『讀：言雖千世一出，猶足爲比肩而出也，極言其難遇也。』山云：呂氏春秋，千里而有一士，比肩也；累世而有一聖人，繼踵也。士與聖人之所自來，若此其難也。齊策：千里而一士，若比肩而立；百世而一聖，若隨踵而至也。』今按比肩並立也，隨踵相繼也。

古人因慨感聖賢之難出，而有此語，爲義似多而實少。韓子之意，亦謂極聖如堯舜，極暴如桀紂，爲數實極少，其說與今日統計學上所謂曲線之兩端暗合云。

〔一五〕中[△]迂評注云：『中者，中主也。』今按中，猶常言『中人』。以人類之歷史計之，上智與下愚均居少數，而中人則居多數。世之所以得治者，以有多數中材之主相繼支持，使不至絕。吾人言治，須爲此多數中材之主設想，而不泥於少數極端之例，則抱法處勢爲必要矣。

〔一六〕驥^{△△}騏^{△△}音冀^{△△}耳，均良馬也。分馳^{△△}纂聞云：『背馳也。』

〔一七〕隱^{△△}括^{△△}迂評本，趙本凌本作隱括，茲從乾道本。隱與隱通，隱括猶言規矩，解詳顯學篇。奚仲^{△△}湯相仲虺之先，爲夏車正；世本謂奚仲始爲車。

〔一八〕釋^{△△}勢^{△△}委^{△△}法^{△△}舍^{△△}勢^{△△}舍^{△△}法^{△△}也。點勘云：『堯舜上當脫使字。』

〔一九〕不然二字，與本段首句正相呼應。集解云：『乾道本無不字。』顧廣圻云：藏本，今本有不字。今據增。』按迂評本，趙本凌本俱有不字，是茲從之。不活^{△△}集解云：『御覽八百六十三引活作育。』上善游二字，各舊本俱作『善海游。』集解云：『海字疑衍。先慎曰：海字即游字誤而複者。』『善游矣』之矣字，迂評本無，茲從乾道本。集解云：『矣字當衍。善上當有雖字，說林上篇：越人雖善游，子必不生矣，語句正同。』不濟不救也。

〔二〇〕置[△]驛站也。『五十里而一置』謂每五十里設一驛站，以便從速遞傳也。孟子云：『速於置郵而傳命。』翼義云：『大學衍義補郵傳之置云：許謙曰：字書，馬遽曰置，卒遽曰郵。漢書西域傳：因騎置以聞，師古曰：即今驛馬也。』按馬遽卒遽之遽，義與遞同，傳也。驛馬遞傳甚速，雖千里亦一日可致，故曰『千里可日致。』

〔二一〕且御至亂之兩句，爲客議所舉兩極端之例，非爲多數中材立說也。

〔二二〕飴[△]蜜，飴糖漿也。漢書注：『以蘖消米，取汁而煎之，濡弱者爲飴，形怡怡然。』蜜，蜂蜜也。飴蜜之味均甚甘，以喻極賢能之人。苦菜，乾道本、迂評本、趙本作苦萊，茲從凌本。集解云：『顧廣圻云：今本萊作菜。今據改。』亭歷[△]，即葶歷，草名，爾雅謂之葶。苦菜，亭歷，味均甚苦，以喻極愚暴之人。食物之味，多不甚甘，亦不甚苦，如謂某味非甚甘如飴蜜，即甚苦如苦菜，則失之矣。

〔二三〕積辯果辭，謂再三辯論也。離理失術，謂不合論理也。兩末二字，乾道本、趙本誤作兩末，茲從迂評本。凌本、張本、翼義云：『兩末，至聖與至暴，至甘與至苦也。上文先舉客意，次喻客意，下結論之也。』纂聞云：『兩末，謂失中也，猶言兩端也。修務訓云：今不稱九天之頂，則言黃泉之底，是兩末之端議，何可以公論乎？』又補箋云：『未，張、凌本作末，是也。末借爲昧。左昭十五年經：吳子夷末卒，公羊經：末作昧，即末、昧通用之證。』既昧於此，復昧於彼，故曰兩昧之議也。『顧廣圻謂句有誤，以未達末字之義也。今按宜作兩末，翼義纂聞』

所解極是，補箋未可從。道理之言，即謂爲中人設想之勢說。
〔二四〕客議指次段之任賢說，此論指此段之任勢說。

定法

釋題 本篇原爲第十七卷、第四十三篇定法二字不見於篇文中。法、法律也。定字、可作立字解，亦可作釋字解。篇中所謂『法者』云云，卽所以釋法也；所謂『爲法』云云，卽所以立法也。定法解爲釋法或立法，均可通。但解爲釋法，則義較切；解爲立法，而義又較涵也。篇中所言，不限於法，蓋偏舉之耳。

提要 戰國時法家分三大派：一商子主法，二申子主術，三慎子主勢，而韓子兼取之，以成其理論系統。本篇主旨，在一面批評商申之法術，又一面兼取商申之法術。全篇用問答體。首段言法術皆帝王之具，次段言申子徒術而無法，末段言商子徒法而無術。法術之定義，見於首段，極爲明切，爲治韓子之學者所須切記。

考證 本篇立意綜合，用詞精晰，非韓子莫辦。故梁啓超認本篇爲最重要之一篇。（見先秦要籍題解及其讀法）胡適雖以好疑古著稱，亦認本篇爲『可靠』。（見中國哲學史大綱）容肇祖稱其『是否韓非之文，疑未能定，』（見古史辨第四冊，容文）殊無據也。

問者曰：『申不害、公孫鞅，此二家之言，孰急於國？』應之曰：『是不可程也。』人不食十日則死，大寒之隆，不衣亦死。『謂之衣食，孰急於人？則是不可一無也，皆養生之具也。今申不

害甚術，而公孫映爲法術者，因任而授官，循名而責實，操殺生之柄，課羣臣之能者也。此人主之所執也。〔四〕法者，憲命著於官府，賞罰必於民心，賞存乎慎法，而罰加乎姦令者也。此人臣之所師也。〔五〕君無術則弊於上，臣無法則亂於下，此不可一無，皆帝王之具也。〔六〕

校釋

〔一〕術者，韓子假設之疑問也。申不害史記云：『申不害者，故鄭之殘臣，學術以干韓昭侯，昭侯因用爲相，內修政教，外應諸侯，十五年，終申子之身，無侵韓者。』又云：『申子之學，本於黃老，而主刑名。著書二篇，號曰申子。』漢志法家類著錄申子六篇，已佚。今有申子佚文輯本，非原書也。申子在當時法家中，以任術著稱。公孫映，衛人，封於商，故亦稱商君。初仕魏，繼入秦，相孝公，大變法。史記稱其『行之十年，秦民大悅，道不拾遺，山無盜賊，家給人足，民勇於公戰，怯於私鬥，鄉邑大治。』漢志法家類著錄商君二十九篇，今殘存二十四篇。商君在當時法家中，以任法著稱。

〔二〕應之，韓子答或問也。程度量也，不可程，猶言不可軒輊也。

〔三〕隆，猶言極也。翼彘云：『隆，盛也。』

〔四〕任翼彘云：『能也。』循名責實，集解云：『乾道本責作責，誤，據張榜本、趙本改。』今按名實亦作形名，誤作刑名。法家所謂名實，與名家所謂名實有別。名，蓋指言或官位實，則指行或官職。循名責實者，乃謂如何言，即須如何行；或任何種官位，即須盡何種官職也。名實必求其相應，是爲一種督責之術。柄權也，課

考察也。執翼說云：『文選、豪士賦注引執作勢，非。』儼須操於人主，爲法家之一種主張。

〔五〕憲令法令也。著於官府，謂在官廳公佈也。由此可知法家之所謂法，乃公佈法，非祕密法也。賞罰各舊本作刑罰。按依下文當作賞罰，茲據改。慎法守法也。姦令，違令也。解詁云：『姦，奸通，犯也。』人臣，乾道本趙本凌本無人字，茲依迂評本補。師法，猶言遵守也。

〔六〕弊，弊聞云：『弊，蔽通。』按『君無術則弊』，猶言君無術以馭臣，則必爲臣所蔽也。

問者曰：『一』徒術而無法，徒法而無術，其不可何哉？『二』對曰：『申不害，韓昭侯之佐也。一者，晉之別國也。〔三〕晉之故法未息，而韓之新法又生；先君之令未收，而後君之令又下。申不害擅其法，不一其憲令，則姦多。〔四〕故利在故法前令，則道之；利在新法後令，則道之。〔五〕新故相前後相悖，則申不害雖十使昭侯用術，而姦臣猶有所譎其辭矣。〔六〕故託萬乘之勁韓，十七年至於霸王者，雖用術於上，法不勤飾於官之患也。〔七〕公孫鞅之治秦也，設告坐而責其實，〔八〕連什伍而同其罪，〔九〕賞厚而信，刑重而必，是以其民用力勞而不休，逐敵危而不却，故其國富強。然而無術以知姦，則以其富強也資人臣而已矣。〔一〇〕及孝公、商君死，惠王卽位，秦法未敗也，而張儀以秦殉韓、魏。〔一一〕惠王死，武王卽位，甘茂以秦殉周。武王死，昭襄王卽位，穰侯越韓、魏而東攻齊，連年而秦不益尺寸之地，乃成其陶邑之封。〔一二〕應侯攻韓八年，成其汝南之封。〔一三〕自是以

來，諸用秦者，皆應稷之類也。故戰勝則大臣尊，益地則私封立，主無術以知姦也。^{一四}商君雖十飾其法，人臣反用其資。^{一五}故乘強秦之資，數十年而不至於帝王者，法雖勤飾於官，主無術於上之患也。^{一五}

校釋 「一」問字，集解云：『張榜本作或。』

「二」徒，纂聞云：『獨也，謂不兼也。』翼義云：『孟子：徒善不足以為政，徒法不能以自行。』

「三」佐，輔佐也，佐也之也字，迂評本無，別國，由母國分出之國也。翼義云：『晉三卿韓、趙、魏分晉國而有之，故曰別國。』

「四」故法，未患猶言舊法未廢止也。不擅其法，謂不統整其舊法與新法也。不一其憲令，謂不統一其前令與後令也。

「五」道，纂聞云：『由也。』翼義云：『從也。』按道，猶言援引也。法令既不統一，故法前令於人臣有利，則人臣援引故法前令；新法後令於人臣有利，則援引新法後令。集解謂『道讀為導，與下使昭侯用術同意』誤。

「六」新故相反四字，乾道本、趙本、凌本作『利在故新相反』，茲從迂評本。拾補云：『利在二字衍。』按利在二字涉上文而衍。淮南要略訓亦作新故相反，無利在二字。茲據刪。悖字，乾道本作勃，要略訓作繆，茲

從迂評本、趙本、凌本。集解云：『顧廣圻云：今本作悖，誤。案說文悖下云：亂也，或从心，作悖。勃下云：排也。明乖亂之字應作悖，而勃爲假借字。顧氏以正字爲誤，蓋未之審耳。』按相悖，猶言相背也。翼韜云：『詐也。』新釋云：『詭變也。』

〔七〕萬乘乾道本作万乘，萬、万、岡字。『十七年』各舊本俱作『七十年』。『戰國策』云：『七十有誤，或當作十七。』纂聞云：『七十漸次，宜作十七。』申不害傳云：『十五年終申子之身，國治兵強。』韓世家：『昭侯八年，申子相，二十二年申子卒。』此差二年。『今據改飾，飾二字古通用。有以飾借爲飭者，如穀梁傳：『小邑必飾城而請罪。』有以飭借爲飾者，如禮：『合情飭貌者。』釋文作飾。本篇以及本書所用飾字，均借爲飭，宜作飭字解。飭，修也，整也。『法不動飾』，猶言法不動加修治統整也。

〔八〕設告坐各舊本俱作設告相坐。集解云：『相字，淺人所加，此與下約什伍而同其罪，對文。』翼韜云：『相坐之相字，恐爲衍文。』今按和氏篇云：『設告坐之過，』無相字。此實相字實衍。如有相字，則相坐之義與下句『連什伍而同其罪』未免重複矣。今據集解，翼韜刪告告姦也。史記：『不告姦者，腰斬告姦者，與斬敵首同賞；匿姦者，與降敵同罰。』卽此所謂告也。坐反坐也；謂告姦不實，則反坐其罪，故云『設告坐而實其實。』

〔九〕連什伍猶今言編隊甲也。同其罪謂什伍連坐也。史記云：『令民爲什伍，而相收司連坐。』卽其義。

翼壽云：『五家爲伍，二伍爲什。什伍相保，一家有姦，揭之免罪；不揭，九家有罪。』又云：鹽田屯曰：『同當作司，司同通。』史記：令民爲什伍，而相收司連坐。』據以同爲司，未可從。

〔一〇〕也字，連上下文讀，語助詞，無義。資給也。『與國策王資臣萬金』之資字同義。

〔一一〕商君死在惠王卽位之後，今云商君死，惠王卽位，是與史不符矣。纂聞云：『或曰商君衍文。』殞以爲從物也，猶今言爲人或物犧牲也。以秦殉韓魏，謂以秦爲犧牲，而爲韓魏也。

〔一二〕一尺各舊本俱作尺土，纂聞作尺寸。集解云：『各本一尺作尺土，據御覽引改。』茲從之。穰侯傳：穰侯爲秦將，且欲越韓，魏伐齊，聞云：『史表秦昭王二十二年伐齊，次年破齊，三十七年伐齊，穰侯傳：穰侯爲秦將，且欲越韓，魏伐齊，剛壽欲以廣其陶邑。』案昭王十六年，封魏冉於穰，復益封於陶。案應云陶定陶。

〔一三〕成字，迂評本趙本，凌本作城，茲從乾道本。集解云：『顧廣圻曰：藏本同，今本城作城，誤。』上支乃城，其陶邑之封，亦當作成。先慎曰：御覽引均作成，不誤。』今據改。應侯纂聞云：『范睢傳：昭王二十八年，秦封范睢以應，號爲應侯。』索隱曰：河東臨晉有應亭。『汝南地理通釋云：地在汝水之南，故曰汝南，今爲縣南汝陽道地。』

〔一四〕主集解云：『張榜本主作其誤，主謂秦王也。』

〔一五〕十飾卽十飭，纂聞云：『謂整攝之極也。』資在此作名詞解，謂資藉，通藉也。

「一六」雖字各舊本俱作不字。拾補云：『不、或改雖。』識誤云：『不當作雖。』纂聞云：『雖、作不、誤。』今據改。按不字如不改爲雖字，則宜於法字上增非字，亦通。

問者曰：『主用申子之術，而官行商君之法，可乎？』對曰：『申子未盡於術，商君未盡於法也。』
 「二」申子言治不踰官，雖知弗言。「三」治不踰官，謂之守職也可。「四」知而弗言，是不謁過也。
 人主以一國目視，故視莫明焉；以一國耳聽，故聽莫聰焉。「五」今知而弗言，則人主尙安假借矣。
 「六」商君之法，曰：「七」斬一首者，爵一級；欲爲官者，爲五十石之官。斬二首者，爵二級；欲爲官者，爲百石之官。「八」官爵之遷，與斬首之功相稱也。「九」今有法曰：斬首者，令爲醫匠，則屋不成，而病不已。夫匠者，手巧也，而醫者，劑藥也。「一〇」而以斬首之功爲之，則不當其能。今治官者，智能也，今斬首者，勇力也。「一一」以勇力之所加，而治智能之官，是以斬首之功爲醫匠也。「一二」故曰：二子之於法術，皆未盡善也。』

校釋 「一」此句各舊本俱作『申子未盡於法也』七字，於義不合，於文不完。識誤云：『當云申子未盡於術，商君未盡於法也，脫去六字。』按識誤所說是，今據補『未盡於術商君』六字。

「二」「治不踰官，雖知弗言」謂官吏不可越職言事也。依形名之術，有某官之名，即須盡某官之職（實）不在其職權以內，則雖知之亦不可言也。集解云：『乾道本無治字，弗字。顧廣圻云：藏本、今本知下有』

弗字，今本不上有治字。按彼下文當有，又見難三篇，弗亦作不。今據補。按迂評本、趙本、凌本俱有治字，弗字，茲從之。

〔三〕「也可」二字迂評本、趙本、凌本作可也，茲從乾道本。集解云：「張榜本無可字。」

〔四〕不謁過迂評本、趙本、凌本作謂過，乾道本作不謂過。拾補云：「不字脫，藏本、張本有也，邪同。」譏誤云：「今本無不字，按句有誤。」集解云：「案不字衍文，下知而弗知言，則人主尙安假借矣，卽是謂過也意，今據改。」點勘云：「謂當爲謁。」斟補云：「謂係謁訛。周書大明武解，謂所有亡，孫貽讓曰：謂當作謁，此謂謁互訛之證。爾雅，謁告也。不謁過者，謂不以臣下過失謁告于君也。八經篇，謁過賞，失過誅，亦謁過二字見本書之確證。」按作謁是，茲據改。

〔五〕焉字作於此解。人主以一國之耳目爲耳目，故視聽之聰明無過於此者。

〔六〕矣字。集解云：「當作乎。」假借，謂借人臣之耳目以爲視聽也。

〔七〕曰字。乾道本誤作日，茲從迂評本、趙本、凌本。

〔八〕爵二級。集解云：「乾道本作爵一級，據張榜本、趙本改。」按迂評本亦作爵二級。商君極爲獎勵戰功，故以斬首之多寡，定官爵之升遷。據漢書，百官公卿表秦軍爵，自一級公士至關內侯，共分十九級，是否卽此所謂「爵一級」、「爵二級」待考。翼云：「商子境內篇云：能得甲首一者，賞爵一級，益田一頃。愚

按甲首猶兵長也。尉繚子云：教舉五人，其甲首有賞。徐野民注秦本紀云：斬戰士一首，賜爵一級；其欲爲官者，五十石。曰甲首，曰戰士，明非斬腐養癰卒首，僞予官爵也。」古官俸，以祿爲之。此所謂五十石，百石，卽指俸祿之數額而言。官大者祿多，官少者祿少，五十石，百石，蓋最小之官耳。

〔九〕遷升遷也。稱讀去聲。相稱猶今言相當也。史記、商君傳云：「有軍功者，各以率受上爵。爲私門者，各以輕重被刑。宗室非有軍功，論不得爲屬籍。明尊卑爵秩等級，各以差次。名田宅臣妾衣服以家次。有功者顯榮，無功者雖富無所芬華。」按此卽官爵之遷，與斬首之功相稱」之注脚。

〔一〇〕集解云：「乾道本無病不至者齊十三字，空十八字。顧廣圻云：藏本今本有病不已，夫匠者手巧也。而醫者齊十三字。今依藏本，令本補說詳下。」今按迂評本、趙本、凌本俱有此十三字，是劑字。趙本作齊，茲從迂評本、凌本、齊劑二字，古通用，令有別，故從迂評本以便讀。劑藥配藥也。

〔一一〕能也。二字。集解云：「乾道本無。顧廣圻云：空四字。藏本今本有能也二字。今據補。」今按迂評本、趙本、凌本俱有能也二字，是。勇力也。三字。乾道本無。趙本、凌本作「勇力之所加也」六字，茲從迂評本之所加「三字，蓋涉下文而衍。

〔一二〕「以勇力」之以字，乾道本、迂評本無。趙本、凌本有，按依文義當有，今據補。治智能。集解云：「乾道本治下有者字。顧廣圻云：藏本今本無者字，此者辭。先懷案者字衍，今據刪。此謂以勇力所得之官，而盡

智能之事，不當其能，無異令斬骨之人爲醫匠也。「今按迂評本、趙本、凌本、柏下俱無者字，是茲從之。」

問辯

釋題 本篇原爲第十七卷第四十一篇。問、或問也。本篇爲問答體，故冠以問字。辯、爭辯也。墨子經上云：『辯，爭彼也。辯勝，當也。』又經說下云：『辯也者，或謂之是，或謂之非，當者勝也。』戰國時百家爭鳴，均欲以其說易天下，故莫不尙辯。儒家如孟子以好辯稱，法家如韓子雖非辯，亦善辯。他家爲游士者，亦均以能辯稱。名家以及墨辯者流，且就辯法，勒成辯學，爲我國最有條理之論理學，詳見墨子經上下，經說上下及大小取等篇。當時各家既如此尙辯，頗足搖惑人主之視聽，故韓子假或問起意，而一辯所謂『辯』之問題也。

提要 本篇主旨不在論『爭辯』之方法，而在論『止辯』之方法。如何止辯，則韓子以爲人主聽言觀行必須以功用爲的，凡言行而不軌於法令者必禁，如是則可以無辯矣。此蓋藉止辯問題，以發揮法家之主張也。

考證 本篇雖僅爲一短論，然思想、文字俱合於韓子，從無疑者。

或問曰：『辯安生乎？』對曰：『生於上之不明也。』問者曰：『上之不明，因生辯也，何哉？』對曰：『明主之國，令者，言最貴者也。法者，事最適者也。言無二貴，法不兩適，故言行而不軌於法令者，

必禁，「一」若其無法令，而可以接詐、應變、生利、揣事者，上必采其言而責其實，言當則有大利，言不當則有重罪。「二」是以愚者畏罪而不敢言，智者無以訟，此所以無辯之故也。「三」亂世則不然，主上有令，而民以文學非之；官府有法，而民以私行矯之。人主顧漸其法令，而尊學者之智行，此世之所以多文學也。「四」夫言行者，以功用爲之的，穀者也。「五」夫砥礪殺矢，而以妄發其端，未嘗不中秋毫也。然而不可謂善射者，無常儀的也。「六」設五寸之的，引百步之遠，非羿、逢蒙不能必中者，有常儀的也。「七」故有常，則羿、逢蒙以五寸的爲巧，無常，則以妄發之中秋毫爲拙。「八」今聽言觀行，不以功用爲之的，言雖至察，行雖至堅，則妄發之說也。「九」是以亂世之能言也，以難知爲察，以博文爲辯，其觀行也，以離羣爲賢，以犯上爲抗。「一〇」人主者，說辯、察之言，尊賢、抗之行。故夫作法術之人，立取舍之行，別辭爭之論，而莫爲之正。「一一」是以儒服帶劍者衆，而耕戰之士寡，堅白、無厚之詞章，而憲令之法息。「一二」故曰上不明，則辯生焉。

校釋 「一」命令，古以言辭爲之，其出於君上者，與法律之效力等，且有時可代替法律，故曰「令者，言最貴者也。」君令之外，不容再有與君令相反之令，故曰令「無二貴。」法，法律，著於文字之條規也，百度準於法，不容於法之外，再有與法相反之說，故曰「法不兩適。」韓子所言法、令之差異，與近代法律命令之區別，蓋大不相同矣。而字翼譌云：「古書而之通用論語：君子恥其言而過其行，何晏集解而作之。」

軌、循也，合也。

〔二〕接詐讀云：『應接敵人之詐。』揣事測度事變也。采與採同。傳校云：『說文采，撝取也，从木从爪。』段注云：俗字手采作採，五采作彩，皆非古也。『實實，責效也。采其言，爲名，責其實，爲形。名形相當，則重賞；否則重罰。』故曰：『言當，則有大利；不當，則有重罰。』

〔三〕詆補鑿云：『說文詆，爭也。法令章，虛辭息，則智者無以相誹相詆矣。王先慎讀詆爲誦，失之。』

〔四〕主上之上字，乾道本脫，茲從迂評本、藏本、趙本、凌本、顧反也。漸迂評注云：『晉尖沒也。』補鑿云：『漸猶姦也。姦其法令，猶言亂其法令也。書呂刑：民興胥漸；莊子：胥篋篇：知詐漸毒；荀子：不苟篇：小人知，則攫盜而漸。』正論篇：上幽險，則下漸詐矣。又議兵篇：隆執詐，尙功利，是漸之也。本書詭使篇：下漸行如此，諸漸字，皆姦亂之誼，與此同。按漸字，以聲與姦相近而借爲姦，補鑿所說是。

〔五〕的，穀射侯之中爲的，弓引滿爲的，音進的，穀猶言標準也。傳校云：『的，說文本作的，明也。』段注：的者白之明也，故俗字作的，引申爲的的。說文：張弓也，從弓，聲。孟子：趙注：段弩張，向表率之正體望之，極思用巧之時，不可變也。

〔六〕砥礪以石磨也。發矢集解云：『用諸田獵之矢，見周禮考工記：治氏注。』其端矢端也。秋毫，鳥獸之毛，至秋更生，細而末銳，謂之秋毫。凡事物之細微者，均以秋毫喻之。儀新釋云：『弩，招顧也。淮南：齊俗：一儀。』

不可以百發。」

〔七〕百步各舊本俱作十步。集解云：『外儲說左上篇同。按十步當作百步。』茲據改。羿逢蒙選注云：『羿、古之善射者；逢蒙、學於羿者。』儀的二字、各舊本俱脫。集解云：『常下脫儀的二字，外儲說有。』按纂聞亦增此二字，茲據補。

〔八〕巧字、趙本、凌本、張榜本均誤爲功，茲從乾道本、迂評本。集解云：巧與下文拙正相對待，外儲說作巧，是其證。

〔九〕功用、趙本、凌本誤作公用，茲從乾道本、迂評本。

〔一〇〕博文、迂評本誤作博文，茲從乾道本、抗高抗也。

〔一一〕說讀爲悅。作纂聞云：『猶行也。』人字爲句主，立與別其動詞也。立取舍之行，謂以法令定行之取舍也。別辭爭之論，辭字疑爲辯字之誤，謂以法令定辯之是非也。對補云：「案辭爭，卽訟爭也，訟卽爭辯，上文智者無以訟是也。」

〔一二〕儒服爲儒家之標識。帶劍爲游俠之標識。堅白無厚之詞，名家之說也。章與彰同。公孫龍子、堅白論云：『堅、白石三，可乎？曰不可。二，可乎？曰可。謂目見白，不知其堅，則謂之白石。手觸石，則知其堅，而不知其白，則謂之堅石。是堅白終不可合爲一也。』莊子、天下篇謂惠施厭物之意有云：『至大無外，謂之大一；至

小無內，謂之小一。無厚、不可積也，其大千里。』按堅白論爲一種知識論，無厚說爲一種宇宙論，辭俱微妙，反乎常識，近於詭辯，故韓子非之。

六反

釋題 本篇原爲第十八卷第四十六篇。反，謂毀譽與賞罰相反。六反，謂姦僞無益之民有六，國當罰而世譽之；耕戰有益之民亦有六，國當賞而世毀之，說詳本篇首段。

提要 本篇主旨，宜分三段言：首段說明毀譽與賞罰有六相反，不足以致富強；次段自「古者有諺曰：『至』此帝王之政也，」反覆闡明「重刑」之必要，同時批評「輕刑」之亂國，可作一篇「重刑論」讀；末段自「人皆寐」以下，言人主聽言觀行之法。

考證 本篇前後三段，於結構上似不甚連貫。然毀譽與賞罰之所以相反者，正由人主聽言觀行之不得其法，是首段與末段相應矣。次段論點，雖集中於「重刑」與「輕刑」之辯難，然由首段賞罰與毀譽相反之問題，進於次段刑之輕重問題，可謂爲進一層說法。又人主信輕刑說者，亦由其聽言觀行不得其法，是末段與次段亦相應矣。至篇中思想，全與韓子相合，而重刑與輕刑問題，亦爲當時法家與儒家辯難之一要點，故本篇之出於韓子，從無疑義者。

畏死、遠難，降北之民也，而世尊之曰：『貴生之士。』
（一）學道、立方，離法之民也，而世尊之曰：『學之士。』
（二）游居、厚養，牟食之民也，而世尊之曰：『有能之士。』
（三）語曲、牟知，詐僞之民

也，而世尊之曰：『辯智之士。』〔四〕行劍、攻殺、暴傲之民也，而世尊之曰：『礪勇之士。』〔五〕活賊、匿姦、當死之民也，而世尊之曰：『任譽之士。』〔六〕此六民者，世之所譽也。赴險、殉誠、死節之民也，而世少之曰：『失計之民』也。〔七〕寡聞、從令、全法之民也，而世少之曰：『樸陋之士』也。〔八〕力作而食、生利之民也，而世少之曰：『寡能之士』也。嘉厚、純粹、整毅之民也，而世少之曰：『愚癡之民』也。〔九〕重命、畏事、尊上之民也，而世少之曰：『怯懦之民』也。〔一〇〕挫賊、遏姦、明上之民也，而世少之曰：『調譏之民』也。〔一一〕此六民者，世之所毀也。〔一二〕姦僞無益之民六，而世譽之如彼；耕戰有益之民六，而世毀之如此。此之謂『六反』。布衣循私利而譽之，世主聽虛聲而禮之，禮之所在，利必加焉。〔一三〕百姓循私害而譽之，世主墜於俗而賤之，賤之所在，害必加焉。〔一四〕故名賞在乎私，惡當罪之民，而毀害在乎公，善宜賞之士，索國之富強，不可得也。〔一五〕

校釋

〔一〕遠難，集解云：『乾道本無遠字。』顧廣圻云：『今本有遠字，按句有誤，未詳所當作。』先慎案有遠

字，是難，讀爲患難之難，與下雖犯軍旅之難同。禮記曲禮：『臨難毋苟免，遠難，即免難之義。』畏死遠難，有倖生之心，用以當敵，必不恥降北之辱。此遠字不可少。據今本增『按迂評本、趙本、凌本俱有遠字，茲從之。』讀去聲。降北，謂降敵與敗北也。貴生之士，蓋指道家者流。翼彞云：『戰國時有貴生說，詳呂氏春秋貴生篇，斥

子華子之徒也。』

〔二〕道統謂宇宙及人生之理。方義也，宜也；立方，猶今言建立學說或主義也。易云：『君子以立，不易方。』離法，謂不守法也。文學之士，蓋指儒家者流。

〔三〕牟食，猶言寄食也。翼彞云：『牟與蠡通。前漢景帝紀云：侵牟百姓。注：李奇曰：牟，食苗根也。侵牟，食民比蟬賊也。』有能之士，蓋指當時一切游士。自孔子開游士之風，至戰國而益盛。孟子後車數十乘，從者數百人，以傳食於諸侯，可見當時游士『游居厚養』之一斑。同時，諸侯以及四公子之流，亦爭以養士爲名，於是百家俱爲游士，卽不成家者，亦以游居牟食，故韓子斥之爲『牟食之民』。

〔四〕語曲謂巧辯也，如臧三耳，鷄三足之類。牟，知之牟字，與侔通，蓋墨辯之一專門名詞。墨子小取篇云：『侔也者，比辭而俱行也。』又云：『辭之侔也，有所至而正；其然也，有所以然也。』按墨經上所謂『侔』，乃以辭相比之一種比擬法或類比法（Analogy）。由此種比擬法所得之結論不甚可信，故韓子非之。牟知，謂由侔卽比擬所得之知也。集解云：『顧廣圻云：牟字有誤，未詳所當作。先慎曰：淮南時則訓高注：牟，多也；知讀爲智。』翼彞云：『牟與務通，與上文牟食義自別。或曰：博雅云：牟，倍也，亦通。』新釋云：『牟，同謬，妄也。』以上三說，均未得牟知之確解。辯智之士，蓋指名家者流。

〔五〕行劍，猶言行刺也。暴憊，新釋云：『傲，同激，急動也。』集解以傲宜作傲，未可從。礪，勇，集解云：『說文、礪，礪石也。凡稜利之義，卽此字之轉注，經傳皆以廉爲之。』翼彞云：『礪，廉也。』叢錄云：『廣雅釋器：礪，礪石也。』

石也。說文：礪，礪石也。從石，兼聲。讀若鎌。礪勇之士，謂以勇自厲之士也。按礪勇之士，蓋指游俠者流。

〔六〕當死，迂評本、王道焜本作嘗死，茲從乾道本、趙本、凌本。翼彘云：『當一作嘗。或曰：嘗，試也，以身犯法而試死也。然當義長。當死，罪名當死刑也。』任譽、翼彘云：『任俠名譽，斥孟嘗、信陵之徒也。商子云：任譽，姦之鼠也。』今按墨子經說上云：『任，爲身之所惡，以成人之所急。』又云：『譽，明美也。』此爲任譽之原義。任譽之士，蓋亦墨家之末流歟。

〔七〕而字上，各舊本俱無也字。集解云：『依上下文，民下當有也字。』纂聞云：『從山氏補也字。殉，徇通。不避危難，盡誠從事，是以死守臣節者也。』少之，翼彘云：『史記、曹相國世家云：豈少朕哉！索隱曰：少者，不足之詞。』失計，猶今俗言『不會打算』也。

〔八〕全法，猶言守法也。

〔九〕翼彘云：『嘉善也。純，不雜也。粹，專一也。整，正也。毅，怒通，實也。慧，童心也。』又集解云：『毅，善也。』傳校云：『慧，愚也，從心，贗聲，俗作贗。』

〔一〇〕畏字，迂評本作思，誤。翼彘云：『失氣多懼也。』

〔一一〕明上，纂聞云：『告姦察惡，使上耳目明也。』翻譏，翼彘云：『譏，古諂字，好言人之惡，謂之譏。』

〔一二〕六民之民字，集解脫，茲據各舊本補。

〔一三〕[△]私利迂評本作法利誤茲從乾道本循依也從也。

〔一四〕[△]警暴聞云『毀也。』

〔一五〕[△]名謂譽也害謂罰也。

古者有諺曰：『爲政猶沐也，雖有棄髮，必爲之。』〔一〕愛棄髮之費，而忘長髮之利，不知權者也。〔二〕夫彈座者痛，飲藥者苦，爲苦憊之故，不彈座，飲藥，則身不治，病不已矣。〔三〕今上下之接，無父子之澤，而欲以行義禁下，則交必有郅矣。〔四〕且父母之於子也，產男則相賀，產女則殺之。〔五〕此俱出父母之懷衽，〔六〕然男子受賀，女子殺之者，慮其後便，計之長利也。故父母之於子也，猶權計算之心以相待也，而況無父子之澤乎！今學者之說人主也，皆去求利之心，出相愛之道，是求人主之過於父母之親也。〔七〕此不熟於論恩，詐而僞也，故明主不受也。〔八〕聖人之治也，審於法禁，法禁明著，則官治；必於賞罰，賞罰不阿，則民用。民用官治，則國富；國富則兵強，而霸王之業成矣。〔九〕霸王者，人主之大利也。人主挾大利以聽治，故其任官者當能，其賞罰無私，使士民明焉，盡力致死，則功伐可立，而爵祿可致，爵祿致，而富貴之業成矣。〔一〇〕富貴者，人臣之大利也。人臣挾大利以從事，故行危至死，其力盡而不望。〔一一〕此謂君不仁，臣不忠，則可以霸王矣。〔一二〕

校釋 〔一〕之字下，迂評本、趙本、凌本俱有愛字，與下句愛字重，茲從乾道本。集解云：『趙本重髮字，盧

文昭云：下愛字藏本不重。顧廣圻云：必爲之，句絕，今本重愛字誤。先慎案：必爲之，謂不以損髮而不沐，八說篇沐者有棄髮云云，與此意同。

〔二〕淮南說山訓云：『治國者若耕田，去害田而已。今沐者墮髮，而猶爲之不已，以其所去者少，所利者多也。』按棄髮猶言落髮，長生長也；權謂權宜，權變，與權勢有別。

〔三〕彈痊割癰也。憊，寡聞云：『憊，痛字誤，見詮言訓。』疲極曰憊。迂評云：『二喻，謂理髮治病，必有所棄，有所忍，爲政亦然。』

〔四〕接，交接也。『以行義禁下』，蓋指儒家德化之說。迂評云：『無法而以道義相禁。』郅與隙同。

〔五〕殺，翼彘云：『殺，滅也。』毛詩：『乃生女子，載寢之地。』箋：『寢於地，卑之也。』按以殺爲滅，未可從。產女則殺之，謂溺女之風也。

〔六〕衽，音任，俗作衽，衣襟也。懷衽，猶言懷抱也。

〔七〕出，去之反，亦入之反，由內而外也。翼彘以『出，猶處也』，未可從。相愛之道，指儒家仁義之說。孟子見梁惠王曰：『王何必曰利，亦有仁義而已矣。』即此所謂過於之於字。乾道本、趙本、凌本脫，茲從迂評本。

〔八〕論恩之恩字，趙本、凌本作思，茲從乾道本、迂評本。集解云：『顧廣圻曰：藏本同，今本恩作思，誤。』盧文弨曰：思，張本作恩。按恩指父母之澤與人主之愛，父母之於子，猶用計算之心以相待，則人主之於臣，更

不待言。今以人主之愛過於父母之澤，是不善於論恩也。論恩，卽討論父母與人主之恩愛如何也。明主乾道本無主字，茲從迂評本、趙本、凌本。集解云：『顧廣圻云：今本明下有主字，按此當有。今據補。』

〔九〕則官治之治字，各舊本俱作法，且以則官法三字屬下讀，均誤。識誤云：『句絕，法，依下文當作治。』今據校改。民用官治四字，各舊本俱作官官治三字，誤。識誤云：『當作民用官治四字。』今據校改。

〔一〇〕明焉冀壽云：『明於此也。外儲說云：臣明於此則盡力致死，是也。』按焉字，兼具代名詞性，此指上文任官常能，賞罰無私。『爵祿致』之致字，迂評本、張本作至，誤。

〔一一〕望讀云：『怨望也。』集解云：『大臣盡力從事，雖行危至死無怨。』按力盡，猶言力竭也。

〔一二〕可字上各舊本俱有不字，誤。識誤云：『不字當衍。外儲說右篇云：君通於不仁，臣通於不忠，則可以王矣，此其證也。』纂聞云：『可上元衍不字矣。一作也。外儲云：治強生於法，弱亂生於阿，君明於此，則正賞罰，而非不仁也。爵祿生於功，誅罰生於罪，臣明於此，則盡死力，而非忠君也。君通於不仁，臣通於不忠，則可以王矣。仁，謂私恩。』今據刪。

夫姦必知則備，必誅則止；不知則肆，不誅則行。〔一〕夫陳輕貨於幽隱，雖曾、史可疑也；懸百金於市，雖大盜不取也。〔二〕不知則曾、史可疑於幽隱，必知則大盜不取懸金於市。〔三〕故明主之治國也，衆其守而重其罪，使民以法禁而不以廉止。〔四〕母之愛子也倍父，父令之行於子者十母；吏

之於民無愛，令之行於民也萬父。^{〔五〕}母積愛而令窮，吏用威嚴而民聽從，嚴愛之策，亦可決矣。^{〔六〕}且父母之所以求於子也，動作則欲其安利也，行身則欲其遠罪也。君上之於民也，有難則用其死，安平則用其力。親以厚愛，關子於安利，而不聽君以無愛利，求民之死力，而令行。^{〔七〕}明主知之，故不養恩愛之心，而增威嚴之勢。故母厚愛處，子多敗，推愛也；父薄愛教管，子多善，用嚴也。^{〔八〕}

校釋 ^{〔一〕}翼義云：「知上得知也，備下避匿也，肆放恣也。」按以下避匿釋備字，不甚切。^{〔二〕}翼義云：「輕貨貨之可懷者。」越世家云：「乃裝其輕寶珠玉，乘舟浮海以行，幽隱無入之地。」曾參、史魚也。」

^{〔三〕}不取懸金，迂評本作不敢攫懸金，茲從乾道本，趙本、凌本。

^{〔四〕}守官守也。商子禁使篇云：「今恃多官衆吏，官立丞監，」即謂衆其守也。纂聞云：「衆守，謂告姦相闕也。」集解云：「守者衆，以防於未發，罪者重，以杜其效尤。」以法禁，謂以國之法禁民爲非，不以廉止，謂不恃民之自善而不爲也。止字，迂評本作恥，誤。

^{〔五〕}者字，迂評本作也。十母，謂十倍於母也。萬父，謂萬倍於父也。

^{〔六〕}父母，集解云：「乾道本不重父母二字。」顧廣圻云：「今本積上有父母二字，誤。」先慎案上十母，萬父母、

並句絕。父母積愛，與吏用威嚴，相對成文，不當省父母二字。顧說非，改從今本。『今按父母二字應分讀，父字屬上句，母字屬下句。前人誤將父母二字合讀，遂於下句重父母二字，致上下文義不甚切合。』迂評本、趙本、凌本俱誤重父母二字，幸乾道本不重，乃得校正。顧氏知不應重父母二字，但不知其應分讀。王氏所說，因沿今本而誤，未可從。點勘云：『父字句絕，或以萬父母爲句，或重父母字，皆誤也。』用字集解云：『乾道本無用字。盧文昭云：用字脫，張本有。今據補。』按迂評本、趙本、凌本俱有用字，是從字。迂評本脫，笑與策同方策也。

〔七〕關字拾補云：『關，或作開。』按作開，誤。關，屬也；屬則有限制約束之意。『關子於安利，猶言儼子於安利也。』傅校云：『開字亦通，開，啓也。禮，爾心或開予，諸葛亮傳，開張聖聽，此處作開導解。』

〔八〕厚愛處，職誤云：『句有誤，當脫一字。』按此處字，如處世、處人之處。厚愛處，謂以厚愛相處也，推宋本注云：『行也。』答，音療，用竹板之體罰也。善字，趙本作成，茲從乾道本。迂評本、凌本。集解云：『張榜本無故母至用嚴大小二十四字。』按他本俱有此二十四字。

今家人之治產也，相忍以飢寒，相強以勞苦，雖犯軍旅之難，饑饉之患，溫衣美食者，必是家也。相憐以衣食，相惠以佚樂，天饑歲荒，嫁妻賣子者，必是家也。〔一〕故法之爲道，前苦而長利；仁之爲道，偷樂而後窮。聖人權其輕重，出其大利，故用法之相忍，而棄仁之相憐也。〔二〕學者之言，皆曰「

輕刑。」此亂亡之術也。〔三〕凡賞罰之必者，勸、禁也。賞厚，則所欲之得也；疾，罰重，則所惡之禁也。急。

〔四〕夫欲利者必惡害；害者利之反也，反於所欲，焉得無惡？欲治者必惡亂，亂者治之反也。是故欲治甚者，其實必厚矣；惡亂甚者，其罰必重矣。今取於輕刑者，其惡亂不甚也，其欲治又不甚也。此非特無術也，又乃無行。〔五〕是故決賢不肖、愚智之策，在賞罰之輕重。〔六〕且夫重刑者，非爲罪人也，明主之法也。殺賊，非治所殺也；治所殺也者，是治死人也。刑盜，非治所刑也；治所刑也者，是治胥靡也。〔七〕故曰：重一姦之罪，而止境內之邪，此所以爲治也。重罰者，盜賊也，而悼懼者，良民也。欲治者，奚疑於重刑？〔八〕若夫厚賞者，非獨賞功也，又勸一國受賞者，甘利，未賞者，慕業，是報一人之功，而勸境內之民也。欲治者，奚疑於厚賞？〔九〕今不知治者，皆曰：『重刑傷民，輕刑可以止姦，何必於重哉？』此不察於治者也。夫以重止者，未必以輕止也；以輕止者，必以重止矣。是以上設重刑者而姦盡止，姦盡止，則此奚傷於民也？〔一〇〕所謂重刑者，姦之所利者細，而上之所加焉者大也。民不以小利蒙大害，故姦必止也。〔一一〕所謂輕刑者，姦之所利者大，上之所加焉者小也。民慕其利而傲其罪，故姦不止也。〔一二〕故先賢有諺曰：『不蹟於山，而蹟於埳。』山者大，故人順之；埳微小，故人易之也。〔一三〕今輕刑罰，民必易之。犯而不誅，是驅國而棄之也；犯而誅之，是爲民設陷也。〔一四〕是故輕罪者，民之埳也。是以輕罪之爲道也，非亂國也，則設民陷也，此則可謂傷民矣。〔一五〕

校釋 「一」犯軍旅之難，新釋云：『謂罹兵禍也。』饑饉、天饑之饑字，本與飢寒之飢字有別，但二字又互通，故各舊本多作飢，茲從集解校改。爾雅云：『穀不熟爲饑，蔬不熟爲饑。』

「二」『棄仁』各舊本俱棄仁人三字。識誤云：『人字當衍，此仁與法相對也。』今據刪。

「三」輕刑集解云：『乾道本無刑字。顧廣圻云：今本有刑字，按依下文當有。今據補。』今按：迂評本、趙本、凌本俱有輕字，是。

「四」必字，集解云：『乾道本必作心。顧廣圻云：心作必，誤。王先謙云：必字是，上言必於賞罰，卽其證。若作心字，則不當有者字，改從今本。』今按：迂評本、趙本、凌本俱作必，是。勸禁謂賞罰之功用，賞所以勸功，罰所以禁姦也。所惡之惡字，乾道本、趙本、凌本作惠。拾補云：『惠字非。』茲從迂評本。惡讀去聲，下同。疾急二字，義同。『所欲』謂功，今厚賞之，則民疾於爲功矣。『所惡』謂姦，今重罰之，則民急於止姦矣。

「五」又不甚也，識誤云：『藏本也下更有其欲治又不甚也七字，今本有其欲治又不甚也者八字，皆誤。』按：迂評本、趙本、凌本俱涉上文而誤衍此八字，茲據乾道本刪。無行，解詁云：『猶無狀也。』

「六」筴字，乾道本作美，迂評本、趙本、凌本作分。平議云：『美乃筴字之誤。上文云嚴愛之筴，亦可決矣。此云決賢不肖，愚知之筴，其文義正相似，作美者形近而誤。今本改美爲分，未得其字。』今據改。智字，乾道本作知，二字通，茲從今本。

〔七〕各舊本、法作『法揆』二字，殺賊作『治賊』，兩所殺字俱作『所揆』，治所殺之治字，乾道本脫，迂評本、藏本有。平議云：『此當作明主之法也，揆賊、非治所揆也，治所揆也者是治死人也，方與下文刑盜、非治所刑也，治所刑也者是治胥靡也，文法一律。揆賊之揆，誤移在上句，因移下句治字以補之，義不可通矣。道藏本、趙本，但於所揆也者上加一治字，猶未盡得也。又按揆字未詳何義，據與刑盜對文，疑揆當作殺，古字或以蔡爲之。尚書禹貢二百里蔡，鄭注云：蔡之言殺，是蔡、殺聲近義通。說文朱部，臣鐸引左傳蔡叔，今作蔡蔡叔，亦其例也。蔡誤作揆，傳寫者又以意改爲揆耳。』按平議所說是，今依校改。胥靡、翼毳云：『刑徒也，聯繫輕刑者，使相隨而服役也。』

〔八〕重刑集解云：『乾道本刑下有名字。顧廣圻云：藏本同，今本無名字，按依下文不當有。今據刪。』今按迂評本、趙本、凌本刑下俱無名字，是韓子之刑事政策，蓋取威嚇主義，而非報復主義，更非威化主義，故曰『重一姦之罪，而止境內之邪。』殺一倣百，卽重刑之用意也。

〔九〕甘利樂受賞之利益也，慕業羨得賞之功業也。

〔一〇〕者而寡聞云：『而猶則也。』井曰者字衍。集解云：『者字涉上下文而衍。』按而字作則字解，是者字非衍。

〔一一〕蒙字，集解云：『乾道本蒙作加。盧文弨云：加、張本作蒙。今據改。』按趙本、凌本俱作加，誤，茲從迂

評本。姦必止也。各舊本於止下有者字。集解云：『下文無者字。』按此者字不當有，茲刪之。

〔一二〕傲其罪。集解云：『輕易其刑。』

〔一三〕諺纂聞云：『山氏曰：諺言字誤，八說篇先聖有言。』蹟音致，淮南原道訓高注云：『楚人讀蹟爲蹟，傾跌也。』埵音迭，小土阜也。孟子：『泰山之於丘埵。』順慎也。翼彘云：『易文言云：履霜，堅冰至。蓋言順也。朱子本義：古字順、慎通用。孔子家語辯政篇云：勤之慎之，說苑作力之順之。』易之輕之也。

〔一四〕陷。翼彘云：『坑也，所以墜入取獸者。』

〔一五〕道字上各舊本俱有民字。集解云：『民字不當有。此言輕罪之道，非欲亂國，卽爲民設陷也。民字涉上下文而衍。』今據刪。

今學者皆道書策之頌語，不察當世之實事，曰：『上不愛民，賦斂常重，則用不足而下怨上，故天下大亂。』〔一〕此以爲足其財用以加愛焉，雖輕刑罰可以治也，此言不然矣。〔二〕凡人之取重罰，固已足之後也。〔三〕雖財用足而厚愛之，然而輕刑，猶之亂也。〔四〕夫富家之愛子，財貨足用，財貨足用則輕用，輕用則侈泰，親愛之則不忍，不忍則驕恣，侈泰則家貧，驕恣則行暴。〔五〕此雖財足而厚愛，輕刑之患也。〔六〕凡人之生也，財用足則墮於用力，上治儒則肆於爲非。〔七〕財用足而力作者，神農也；上治儒而行修者，曾史也。夫民之不及神農，曾史亦已明矣。〔八〕老聃有言曰：『知足

不辱，知止不殆。』夫以殆辱之故，而不求於足之外者，老聃也。今以爲足民而可以治，是以民爲皆如老聃也。〔九〕故桀貴爲天子，而不足於尊；富有四海之內，而不足於寶。君人者，雖足民，不能足使爲天子，而桀未必以爲天子爲足也，則雖足民，何可以爲治也！〔一〇〕故明主之治國也，適其時事，以致財物，論其稅賦，以均貧富，厚其爵祿，以盡賢能，重其刑罰，以禁姦邪，使民以力得富，以事致貴，以過受罪，以功致賞，而不念慈惠之賜，此帝王之政也。〔一一〕

校釋 〔一〕學者即指儒家。道，稱說也。書筴，即簡策；古代經典載在簡策，故此所謂書筴即指經典而言。頌語，頌辭也；經典中如書商頌、詩周頌，皆贊美古帝王之頌辭，未必盡可信也。頌字，迂評本作訟，誤。怨上之怨字，各舊本俱作恐，誤。集解云：『恐疑是怨。先慎曰：盧說是。下不足於用則怨上，故下文云此以爲足其財用以加愛，愛與怨文正相對。』今據改。

〔二〕『此以』之此字，迂評本無『以加』之以字，迂評本作而，茲從乾道本趙本、凌本。『此言』指上文學者之言；『不然』韓子非之也。

〔三〕『取重罰』乾道本、趙本、凌本俱作『取重賞罰』。集解云：『賞當作刑。』今按賞字衍，改賞爲刑，意是而辭贅，茲依迂評本刪。

〔四〕集解云：『乾道本厚上有後字，據趙本刪。言上雖足民於財用而厚愛之，若不重罰，民猶趨亂；下云

則雖足民，何可以治是也。』按迂評本、凌本厚上俱無後字，是。

〔五〕富家集解云：『乾道本富作當，拾補當作富。盧文弨云：當字譌。今據改。』按迂評本、趙本、凌本富字均作當，以形近而誤。兩財貨字，迂評本、張本作貨財，乾道本上作財貨，下作貨財，茲從趙本、凌本。

〔六〕『此雖』之雖字，趙本、凌本作則，茲從乾道本、迂評本。藏誤云：『藏本同，今本雖作則，誤。按當作唯。』今按此句正申說上文『雖財用足而厚愛之，然而輕刑，猶之亂也。』作雖是不當如趙本改爲則字，亦不當如顧說改爲唯字。輕刑之刑字，各舊本俱以形近而誤作利。增讀云：『字云：輕利，利當作刑。』纂聞云：『刑，元作利，從字氏正。』輯補云：『利乃刑誤，上云雖輕刑罰，輕刑猶之亂，此其證。』茲據改。

〔七〕上治儒則肆，乾道本脫治字，趙本、凌本作儒治，茲從迂評本。治儒，猶言放任無力也。翼云：『情通。』

〔八〕神農翼云：『神農、炎帝，始爲耒耜，教民稼穡者也。呂覽、神農之書曰：一夫不耕，天下有受其饑者；一婦不織，天下有受其寒者。文子、神農之法曰：丈夫丁壯不耕，天下有受其饑者；婦人當年不織，天下有受其寒者。故身親耕，妻親織，以爲天下先。』已字，集解云：『乾道本無已字。盧文弨云：已字脫。張本有。今據補。』按趙本、凌本俱脫已字，茲從迂評本。傅校云：『按已字作甚字解，副詞。』

〔九〕老聃即老子；『知足不辱，知止不殆』二語，見老子四十四章。『足民而可』集解云：『民而當作』

而民，』補箋云：『論語先進曰：可使足民，與此足民同意。本篇下文足民連文凡二見，可證足民不誤，王先慎說非是。』

〔一〇〕貴爲之爲字，各舊本俱作在。纂聞云：『山曰：在宜作爲。』茲據改。又集解云：『此與下相對，子下疑脫之位二字。』不能足使爲天子。集解云：『乾道本爲下有君字。顧廣圻云：藏本今本無君字。今據刪。』按迂評本、趙本、凌本爲字下俱無君字，是茲從之。不能足使爲天子，言不能足民，足至使民亦爲天子也。增云：『假令足民，不能使之富足如爲天子。天子者，足之極也，貪人猶以爲不足。』未必以爲天子。集解云：『乾道本以作爲，拾補爲作以。盧文弨云：爲字張本無。顧廣圻云：今本必下有以字，誤。先慎案今本以爲，兩有非也。張本爲作以是，今據改。』今按迂評本作以，趙本、凌本作以爲，未必以爲天子爲足者，猶言未必以作天子爲滿足也。如乾道本僅作爲字，於義不通；如迂評本僅作以字，又於文不完，宜從趙本、凌本。

〔一一〕『明主之治國』以下，俱爲羣書治要節錄，但『致賞』之致字誤作置，『不念』之念字作望，義較明。均貧富。翼義云：『均，謂使無太貧太富。』按『適其時事，以致財物』乃重農時，務生產也。『論其賦稅，以均貧富』蓋欲於租稅政策之中，以寓調節貧富之社會政策也。不念慈惠之賜。翼義云：『使姦人不得無功而得賞。』

人皆寐，則盲者不知；皆嘿，則暗者不知。〔一〕覺而使之視，問而使之對，則盲、暗者窮矣，不聽其

言也；則無術者不知，不任其身也，則不肖者不知。聽其言而求其當，任其身而責其功，則無術、不肖者窮矣。夫欲得力士，而聽其自言，雖庸人與烏獲不可別也；授之以鼎，則罷、健效矣。〔二〕故官職者，能士之鼎也，任之以事，而愚智分矣。故無術者得於不用，不肖者得於不任。〔三〕言不用，而自文以爲辯，身不任，而自飾以爲高。〔四〕世主眩其辯，濫其高，而尊貴之，是不須視而定明也，不待對而定辯也，暗、盲者不得矣。〔五〕明主聽其言，必責其用，觀其行，必求其功，然則虛舊之學不談，矜誣之行不飾矣。〔六〕

校釋

〔一〕寐入睡也；嘿與默同，暗衣金切，啞也。集解云：『盲、暗混於寐嘿之中，人莫能辨。』

〔二〕力士有膂力之士也，今通稱『大力士』。烏獲秦武王時力士。鼎各舊本俱作鼎俎二字。識誤云：『俎字當衍，下句同。』按古力士僅以舉鼎試力，並不舉俎試力，因俎甚小，實不能試力也。識誤以俎字衍是，茲據刪罷與疲音義俱同。健翼毳云：『有力也。』效明也。

〔三〕能士之鼎喻辭也。鼎字下各舊本原有俎字，依識誤刪得翼毳云：『謂上得知其實也。』選注云：『謂因言之無用，而人君得知其無術，因事之不任，而人君得知其不肖也。』

〔四〕不任集解云：『乾道本任下有者字。顧廣圻云：今本無者字，按依上句不當有。今據刪。』按迂評本、趙本、凌本任字下俱無者字。

〔五〕眩惑也。

〔六〕虛舊二字、迂評本、王道焜本作虛奮，茲從乾道本、趙本、凌本。纂聞云：『虛舊，謂稱先古而無實者。』翼毳云：『舊、仍舊復古之學，鹽鐵論云：文學桎梏於舊術。舊或作奮。人物志云：矜奮侵陵者，毀塞之險途也。或曰奮義長。』

詭使

釋題 本篇原爲第十七卷、第四十五篇。迂評云：『詭者、相反也。』使、謂所以爲治之道。上之所貴，下之所欲，俱與所以爲治之道相反，是曰『詭使』。簡言之，詭使即反於治也。

提要 本篇主旨，在以法家之理論，批評當時之政情，上之所貴與下之所欲，俱反於爲治之道。全篇可分爲三大段：首段略示名利威三者爲爲治之道，而上所貴竟與之相反。次段即自『夫立名號』至『大臣重矣』，反復指明上下反於爲治之實況。末段即自『夫立法令者』以下，以『道私者亂，道法者治』總結全篇。

考證 本篇理論，全與韓子根本思想相合。文中所批評之政情，亦合於韓子生前之實況。字句雖間有脫誤，然其明繩墨，切事情，更非韓子莫辦。

聖人之所以爲治道者三：一曰「利」，二曰「威」，三曰「名」。夫利者，所以得民也；威者，所以行令也；名者，上下之所同道也。〔一〕非此三者，雖有，不急矣。〔二〕今利非無有也，而民不化上；〔三〕威非不存也，而下不聽從；〔四〕官非無法也，而治不當名。〔五〕三者，非不存也，而世一治一亂者，何也？夫上之所貴，常與其所以爲治相反也。〔六〕

校釋 「一」利[△]利祿也。威[△]威勢也。名[△]統指毀譽之名。官爵之名與名實之名等，而新釋以名爲「律文」，則取義未免過狹，與本篇所言不合。治道之道字，可作術字解。同道之道字，讀云：「由也。」

「二」不[△]急[△]請[△]利[△]威[△]名[△]三者以外，非爲治之急務也。

「三」不[△]化[△]上[△]謂[△]不[△]爲[△]上[△]所[△]化[△]也。纂聞云：「無功者受賞，故民不勸。」

「四」不[△]聽[△]從[△]纂聞云：「有罪者或免，故衆不懲。」

「五」治[△]不[△]當[△]名[△]謂[△]治[△]之[△]名[△]實[△]不[△]相[△]應[△]也。官爵其名；官職其實。有官爵之名，而未盡官職之實，是謂「治不

當名。」

「六」常[△]字，乾道本、趙本、凌本俱無。集解云：「拾補與上有嘗字。盧文弨云：脫。秦本有，疑當作常。」今按迂

評本與字上正有常字，茲據補。

夫嘉善號，所以爲尊也；今有賤名輕實者，世謂之「高」。「一」設爵位，所以爲賤貴基也；而簡上不求見者，世謂之「賢」。「二」威利，所以行令也；而無利輕威者，世謂之「重」。「三」法令，所以爲治也；而不從法令，爲私善者，世謂之「忠」。「四」官爵，所以勸民也；而好名義，不進仕者，世謂之「烈士」。「刑罰，所以擅威也；而輕法，不避刑戮死亡之罪者，世謂之「勇夫」。「五」民之急名也，甚其求利也如此，則士之飢餓乏絕者，焉得無巖居苦身，以爭名於天下哉！「六」故世之所以不治者，

非下之罪，上失其道也。——常貴其所以亂，而賤其所以治，是故下之所欲，常與上之所以爲治相反也。〔七〕今下而聽其上，上之所急也，而惇懲純信，用心怯言，則謂之「饕」；〔八〕守法固，聽令審，則謂之「愚」；敬上畏罪，則謂之「怯」；言時節，行中適，則謂之「不肖」；〔九〕無二心，私學，聽吏從教者，則謂之「陋」；〔一〇〕難致，謂之「正」；難予，謂之「廉」；難禁，謂之「齊」；有令不聽從，謂之「勇」；無利於上，謂之「愿」；寬惠行德，謂之「仁」；〔一一〕重厚自尊，謂之「長者」；私學成羣，謂之「師徒」；閑靜安居，謂之「有思」；〔一二〕損人逐利，謂之「疾」；險躁反覆，謂之「智」；〔一三〕先爲人，而後自爲類名，號言汎愛天下，謂之「聖」；〔一四〕言大不稱而不可用，行而乖於世者，謂之「大人」；〔一五〕賤爵祿，不撓上者，謂之「傑」；〔一六〕下之漸行如此，入則亂民，出則不使也。〔一七〕上宜禁其欲，滅其迹，而不止也；又從而尊之，是教下亂上以爲治也。〔一八〕

校釋 〔一〕之字，乾道本無，茲從迂評本、藏本、趙本、凌本。名號、官爵之名號；賤名輕實，卽賤官爵之名，輕官爵之實，而不願爲官受爵也。

〔二〕簡上簡慢君上，而不尊爵位也。

〔三〕世字，乾道本脫，茲從迂評本、趙本、藏本、凌本。翼云：「無蔑也；蔑利，不悅賞也；輕威，不畏罰也。」

〔四〕私善，謂私家在法令以外所立之善也，如仁、爲儒家之私善，俠、爲墨家之私善等是。

〔五〕烈士蓋指隱士之類。勇夫蓋指游俠之類。夫字舊屬下句讀，識誤云：『句絕』茲從之。

〔六〕甚過也；此言急名之心，過於求利。巖居山居也。

〔七〕『上之所以爲治』者，爲名號爵位、威利、法令、官爵、刑罰，而『下之所欲』又爲高、賢、重、忠、烈士、勇夫，是相反也。

〔八〕惇惇厚也。惇，即慤，音酷，說文，謹也。从心，惇聲。用心怯言，怯言二字，迂評本、藏本作『壹者』，張本、趙本、凌本作『一者』，茲從乾道本。按用心，謂作事專一也；怯言，謂不敢多言也。此正說明惇惇純信者之性態，而明本改『怯言』爲『壹者』，或『一者』，集解謂爲『小欲』二字之誤，俱失之。竇傳校云：『局羽切，勛上聲，貧陋也。貧不能爲禮，謂之竇，詩終竇且貧。』

〔九〕言時節，謂時然後言，卽言亦甚簡節也。行中適，謂行合乎中道也。

〔一〇〕二心，謂心不一於法也。通以不忠爲二心。私學，私家所立之學說，而不合於國家之法令也。如儒、墨是。集解云：『乾道本聽上有更字。顧廣圻云：今本無更字。今據刪。』按迂評本、趙本、凌本聽上俱無更字，是陋。翼云：『荀子修身篇云：少見曰陋。』

〔一一〕翼云：『難致，言人主微不就也。難予，不受上賞，獨貪名。難禁，謂跋扈難禁制也。爾雅云：齊壯也；博雅云：齊專也；是齊有專而難禁意也。』無利於上，謂不求上賞也。慤音顧，少欲也。集解云：『乾道本寬上

有少欲二字。顧廣圻云：今本無少欲二字。先慎按：少欲二字，當在上用心下，誤衍於此。據今本刪，上下文皆四字句，無脫文。』今按：迂評本、趙本、凌本俱無少欲二字。此二字，蓋卽愿字之舊注，而誤入正文者。集解所說非是。

〔一二〕閉靜之閑字。趙本、凌本作閑，茲從乾道本、迂評本。文選、招隱詩注引亦作閑。傅校云：『閑，說文、陳也。閑，說文、門闌也。段注：閑，或以閑代之。閑，引申爲防閑，古多借爲清閑字。是則由閒隙之義，引申爲閒暇、閒靜、清閑之義，而閑又爲閒之假借也。』

〔二三〕損人之入字。乾道本、趙本、凌本作仁，茲從迂評本。疾、寡聞云：『謂敏疾於事也。險躁下各舊本俱有佻字。』集解云：『顧廣圻曰：當脫一字。險躁連讀，下文云而險躁譏諷者任。先慎曰：佻字衍，險躁反覆四字爲句。』茲據集解刪。

〔二四〕爲人之爲字。僭爲僞人，與仁通，如言仁者人也。自爲之爲字，讀平聲。類名二字連上讀，逗。墨子經說下云：『名、達、類、私，物、達也；有實必得之名也。命之馬、類也；若實也者，必以是名也。命以「臧」，私也；是名也，止於是實也。』由此可知類名，卽同類之名；以今語釋之，則統攝同類事物之普通名詞也。號言之言字，迂評本脫，茲從乾道本。號言，猶言號稱，應連下讀。舊本多以類名號言四字連讀，蓋由不解類名之所謂耳。〔二五〕不稱之不字。乾道本作本字，誤。茲從迂評本、趙本、凌本。稱，讀去聲。言大不稱，謂大言無當於事理。

也。^{△△△}垂於世。纂聞云：『謂遠俗。』

〔一六〕撓。纂聞云：『謂屈從。』

〔一七〕之字，乾道本、趙本、凌本、無，茲從迂評本。漸行，即姦行也，解詳問辯篇。不使之使字，乾道本、趙本、凌本作便，茲從迂評本。纂聞云：『入，猶居也；不使，不可使令也。』

〔一八〕迹字，乾道本作近，誤，茲從迂評本。趙本、藏本、凌本、不止。^{△△}選注云：『禁之而猶不止。』

凡上所以治者，刑罰也；今有私行義者尊。〔一〕社稷之所以立者，安靜也；而譟險讒諛者任。四封之內，所以聽從者，信與德也；而陂知傾覆者使。〔二〕令之所以行，威之所以立者，恭儉聽上也；而巖居非世者顯。〔四〕倉廩之所以實者，耕農之本務也；而綦組錦繡，刻畫爲末作者富。〔四〕名之所以成，地之所以廣者，戰士也；今死事之孤，飢餓乞於道，而優笑酒徒之屬，乘車衣絲。〔五〕賞祿所以盡民力，易下死也；今戰勝攻取之士，勞而賞不霑，而卜筮視手理，狐蠱爲順辭於前者日賜。〔六〕上握度量，所以擅生殺之柄也；今守度奉量之士，欲以忠嬰上而不得見，巧言利辭，行姦軌以倖偷世者數御。〔七〕據法直言，名形相當，循繩墨，誅姦人，所以爲上治也；而愈疏遠，詔施順意，從欲以危世者近習。〔八〕悉租稅，專民力，所以備難，充倉府也；而士卒之逃事伏匿，附託有威之門，以避徭賦，而上不得者萬數。〔九〕夫陳善田利宅者，所以厲戰士也；而斷頭裂腹，播骨乎原野者，無宅容身，身死

田尊；而女妹有色，大臣左右無功者，擇宅而受，擇田而食。^{〔一〇〕}賞利一從上出，所以擅制也；而戰介之士不得職，而閒居之士尊顯。^{〔一一〕}上以此爲教，名安得無卑，位安得無危？夫卑名危位者，必下之不從法令，有二心，私學，反逆世者也；而不禁其行，不破其羣，以散其黨，又從而尊之，用事者過矣！^{〔一二〕}上之所以立廉恥者，所以厲下也；今士大夫不羞汙泥醜辱，而宦女妹私義之門不待次而宦。^{〔一三〕}賞賜所以爲重也；而戰鬪有功之士貧賤，而便辟優徒超級。^{〔一四〕}名號誠信，所以通威也；而主掎障，近習女謁並行，百官主爵遷人，用事者過矣！^{〔一五〕}大臣官人，與下先謀，比周不法，威利在下，則主卑而大臣重矣。^{〔一六〕}

校釋 ^{〔一〕}上字，乾道本、趙本、凌本俱脫，茲依迂評本增。所以之以字，各舊本俱無，按文義及上下文例宜增。私行義，識誤云：『私下行字當衍。』按行義二字在本書常連用爲一詞，行字非衍。私行義，謂於法外私自行惡也。法家以私行義者於法應罰，今反尊之，是與所以治相詭也。

^{〔二〕}四封卽四境，猶今言領土。信與德，法家言信不言德，今韓子言德，蓋以韓子曾學於荀卿，未能盡除儒家之觀念也。然本文主旨，仍屬法家，而非儒家，不必以此而疑本文之非出於韓子。陂與誠通，陂知猶孟子所謂諛辭，亦與今所謂偏見相似。傾覆，傾陷反覆也，猶今言搗亂。

^{〔三〕}恭儉聽上也五字，迂評本、趙本、凌本作恭儉也不聽上六字，於也字分屬上下讀，乾道本無上字下

之也字。識誤云：『藏本同，今本儉下有也不二字，誤。按上字下常有也字。』按如依迂評等本以『不聽上』屬下讀，則與下文『非世』義重，且依本篇文例，多以而字或今字示下句與上句相反，故宜依乾道本，藏本以『恭儉聽上』四字屬上讀，茲並依識誤校增也字。

〔四〕恭儉聽上。廣雅疏證云：『蓋謂織綺文如棋。釋名：綺，歆也。其衣歆邪。其文不順經緯之縱橫也。有棋文，方文如棋也。棋與恭通。本務末作法家重農賤商，故以耕農爲本務，工商爲末作。』

〔五〕地字。各舊本俱作池字。識誤云：『池當作地。』平議云：『顧說是也。惟城地連文，近於不辭，城疑衍文。名之所以成，地之所以廣，兩文相對，不當有城字，蓋卽成字之誤而衍者。』今據刪改。死士之孤士字，乾道本藏本脫，迂評本作戰，今從趙本、凌本。識誤云：『今本死下有士字，誤。』纂聞云：『士或事字訛。』按士卽戰士，死士謂戰士之戰死者。如脫此字，則於文爲不完；如作事或戰，則死事者非戰士，乃其孤，於義亦不合。父死曰孤，儀笑、翼云：『齊語：優笑在前，注：優笑，倡俳也。』酒徒、新釋云：『謂侍飲者。』衣字讀去聲，穿也。

〔六〕易下施易如交易之易，爾上以賞祿予下，而下以死力報上也。卜筮古以龜占，休咎爲卜，以蓍草占，休咎爲筮。爾手理選注云：『相手掌文理，以占人休咎者。』孤蠱各舊本俱作孤蠱。平議云：『蠱乃蠱之誤。春秋：蠱年，春秋繁露：竹林篇作蠱年，卽其例矣。孤蠱二字連文，見僖十五年左傳。』纂聞云：『蠱，古蠱字省。』

文。『翼』云：『蟲當作蠱。狐，淫獸，惑人者；言媚蠱惑如狐。』按作蠱是，今據改。順辭纂聞云：『諛辭也。』
〔七〕嬰觸犯也。姦軌軌與宄通。書：『寇賊姦宄。』注：『在外曰姦，在內曰宄。』以倖儉世纂聞云：『倖儉，滑次。飾邪篇：主妄予，則人儉倖；難二篇：儉倖而望於上。』按倖儉、儉倖，義同。以倖儉世，猶言以儉倖儉得於世也。數御集解云：『廣雅釋詁：御，進也。數，音色角反。此言巧言利辭之人得常常進見也。』

〔八〕名形之形字，各舊本均誤作刑，茲改正。爲上之爲字，讀去聲。諂施，諂悅也；施讀若弛。翼云：『施，謔同，多言也，亦隨意。』孟子云：『施施從外來，趙岐注：施施，喜悅之貌。』斟補云：『案施當訓爲邪，與老子唯施是畏同。』從欲傳校云：『從與縱通，離騷云：縱欲而不忍。』近習在此作動詞解，爲疏遠之反，親近狎習也。

〔九〕悉租稅統徵田賦也。專民力，統徵徭役也。伏匿，乾道本作狀匿，誤。茲從迂評本。趙本、凌本、徭賦徭，亦作徭，古徵力役曰徭，徵田稅曰賦。

〔一〇〕厲，戰士。乾道本、趙本、凌本作戰士卒。集解云：『盧文弨云：脫厲字，衍卒字。據拾補補。』按迂評本有厲字，亦衍卒字，盧說是。茲據刪厲與勵通，勸勉也。漢書云：『以厲賢才焉。』原野，乾道本、藏本作『平原野』。趙本、凌本作『平原曠野』。茲從迂評本。藏誤云：『今本原下有曠字，誤。按平字當衍，涉乎字形近耳。』無宅容身，身死田奪。乾道本不重身字，奪作畝，茲從迂評本。趙本、凌本、藏誤云：『按句有誤。』集解云：『乾道本不誤。今本作身死田奪，非無宅容身，則其田不待身死而奪也。藏本畝作敏，形近而誤。死田畝，卽孟』

子死溝壑之意，生既無宅，故死於外也。『補箋云：』按無宅容身死田畝，當作身死無宅舍田畝，蓋身死二字竄入下文，而舍又誤爲容也。斷頭裂腹，播骨原野，謂其身死戰場，則不得又言身死田畝矣。上文云：陳善田利宅，下文云：擇宅而受，擇田而食，此云：身死無宅舍田畝，前後相銜，文意鋒對，並明此處之竄謬也。王先慎曲爲之說，非是。『按集解、補箋兩說俱非。』斷頭裂腹，播骨原野，乃泛言戰士之危險，非謂其已死也。『無宅容身』，謂戰士從征在外，無宅可居也。古戰士無餉銀，但有祿田，及其身死於戰場，又將祿田收歸公家，故曰『身死田奪』。此文以從迂評本爲是，不必校改。女妹有色妹，迂評本作妹，茲從乾道本、趙本、凌本。翼壽云：『女妹，幼少之女也。』纂聞云：『其女若妹有姿色，幸於君者也。』

〔一〕所以擅制擅制，乾道本作善制，迂評本作擅制，茲從趙本、凌本。集解云：『拾補善制作擅制。』虞文昭云：以字脫，張本有制，藏本作制。顧廣圻云：制字同，所下當有以字。今據張本補。『戰介之士』，職誤云：『戰當作耿。』補箋云：『戰介之士，謂戰士與介士也。介士，甲士也。顯學篇云：國平則養儒俠，難至則用介士，是其例也。戰介之士與下閒居之士相對，顧廣圻謂戰當作耿，失之。閒居，乾道本作閒官誤，茲從迂評本、趙本、凌本。』

〔二〕危位，乾道本、趙本、凌本俱脫危字，茲從迂評本。集解云：『虞文昭云：危字脫，秦本有。今據補。』私學二字上，乾道本、趙本、凌本俱有無字，迂評本有務字。拾補云：『無字衍。』職誤云：『二心私學，上下文凡

五見。』按無字衍，茲據刪。迂評本蓋以無字不可通，乃改爲務字耳。反逆世增云：『與世反逆也。』斟補云：『逆、衍文，逆卽反也，下文與世相反，又言亂上反世，均無逆字。』

〔一三〕上字下，乾道本有世字，衍，茲從迂評本。趙本、凌本、厲下各舊本俱作屬下。雜誌云：『屬亦厲之誤。俗書屬字作屬，形與厲相近，故厲誤作屬。荀子富國篇誅而不賞，則勸厲之民不勸，今本厲誤作屬。』茲據改。女妹私義之門，謂有私惠於女妹者。不待次謂加官進爵不按銓敍之次第也。

〔一四〕所字下，乾道本衍之字，茲從迂評本。使辟優徒超級，舊本與名號二字連讀絕句，誤。超字，迂評本誤作紹。纂聞云：『辟，讀曰嬖，優徒、俳倡之屬，超級，謂越次也。』

〔一五〕名號誠信，名號謂官爵之名號；誠信，謂有其名號者，必有其實權，乃足以通威。今君有其名號，而任百官主爵遷人，則君之名號不誠信矣。揜障揜亦作掩，謂蒙蔽也。女謁謂宮闈招權亂政之嬖寵也。主爵謂主頒爵位；遷人謂遷升官吏。主爵遷人之權，應在君上，而今在百官，故以爲過。

〔一六〕官人謂授人以官也。與下先謀四字，迂評本、趙本、凌本俱無，茲依乾道本。選注云：『賈重於下，以收威望。』比周下，乾道本、藏本有雖字，衍，茲依迂評本。趙本、凌本、刪。威字上，各舊本俱有行字，於義不明，茲刪。威利在下，纂聞云：『大臣擅行恩威，故曰在下。』內儲云：權借在下。說疑云：與我者，將利之不與我者，將害之。』又按行字，如乙在雖字上，全句點讀爲『大臣官人與下，先謀比周，行雖不法，威利在下，則主卑而大』。

臣重矣。』亦可通，參閱點勘、新釋。

夫立法令者，所以廢私也；法令行，而私道廢矣。〔一〕私者，所以亂法也。而士有二心，私學，巖居窘處，託伏深慮，大者非世，細者惑下，上不禁，又從而尊之以名，化之以實，是無功而顯，無勞而富也。

〔二〕如此，則士之有二心私學者，焉得無深慮，勉知詐，誹謗法令，以求索與世相反者耶？〔三〕凡亂上、反世者，常士有二心，私學者也。故本言曰：『所以治者，法也；所以亂者，私也；法立，則莫得爲私矣。』故曰：『道私者亂，道法者治。』〔四〕上無其道，則智者有私詞，賢者有私意，上有私惠，下有私欲，聖智成羣，造言作辭，以非法令於上，上不禁塞，又從而尊之，是教下不聽上，不從法也。〔五〕是以賢者顯名而居，姦人賴賞而富，賢者顯名而居，姦人賴賞而富，是以上不勝下也。〔六〕

校釋 〔一〕所字，各舊本俱無。翼彙云：『山氏曰：以上脫所字。』纂聞云：『從山氏補所字。』茲據補。

〔二〕窘處，乾道本、藏本作窘路，茲從迂評本。趙本、凌本、密、晉、舊、習處，以山窟爲居室也。託伏，假託隱伏也。深慮，深遽思慮也。尊之以名，謂以聖智之名尊之；化之以實，謂以祿賞之實化之。翼彙云：『揚氏曰：化，貨也，與之實利。愚謂化疑佐字之誤，篆作𠂔，形相似。五蠹篇：『譽輔其賞，亦是意。』

〔三〕勉，知詐，讀云：『勉用詐智也。』按知讀爲智。詐字下，乾道本、趙本、有與字，茲從迂評本、凌本。耶字，乾道本、趙本、凌本作也，茲從迂評本。

〔四〕本言翼毳云：『韓子所覽古書名。』按本言，蓋戰國時流行之一種法家書，史記、漢書俱未著錄，久已失傳。道纂聞云：『由也。』

〔五〕聖智成羣，謂有聖與智之名者甚多。造言翼毳云：『周禮、大司徒、造言之刑，注，訛言惑衆也。按造言作辭，猶言立說講學也。令字，乾道本作措。識誤云：『藏本同，今本措作令，按句有誤。』按迂評本、趙本、凌本俱作令。以非法令於上，猶言以非上之法令，與上文誹謗法令義同。法令二字連文，不當作措。乾道本、藏本之所以誤爲措者，蓋由誤解造言作辭之聖智已在上位也。

〔六〕居翼毳云：『謂未仕者。』不勝纂聞云：『謂不能制其姦私也。』

亡徵

釋題

本篇原爲第五卷、第十五篇。亡徵者、謂國家可亡之徵象也。

提要

本篇主旨、在列舉國家可以致亡之徵象四十七種、而以服術行法之國、可以兼併具有亡徵之國。

考證

本篇所言亡徵，多合戰國時之情境，而其結論爲『服術行法』，亦合韓非之思想，故本篇之出於韓非，殆無可疑。惟考證以篇中所言人主之孝與匹夫之孝，似受孝經天子諸侯、卿大夫、士、庶人五等孝說之影響，微有可疑耳。

凡人主之國小而家大，權輕而臣重者，可亡也。簡法禁而務謀慮，荒封內而恃交援者，可亡也。羣臣爲學，門子好辯，商賈外積，小民內困者，可亡也。好宮室臺榭陂池，事車服器玩，好罷露百姓，煎靡貨財者，可亡也。〔一〕用時日，事鬼神，信卜筮，而好祭祀者，可亡也。聽以爵，不以衆言參驗，用一人爲門戶者，可亡也。官職可以重求，爵祿可以貨得者，可亡也。緩心而無成，柔茹而寡斷，好惡無決，而無所定立者，可亡也。〔二〕饕貪而無厭，近利而好得者，可亡也。喜淫刑而不周於法，好辯說而不求其用，濫於文麗而不顧其功者，可亡也。淺薄而易見，漏泄而無藏，不能周密，而通羣臣之語者，可亡

也。剛而不和，懷諫而好勝，不顧社稷，而輕爲自信者，可亡也。恃交援而簡近隣，恃強大之救，而侮所迫之國者，可亡也。羈旅僑士，重帑在外，上聞謀計，下與民事者，可亡也。〔三〕民不信其相，下不能其上，主愛信之，而弗能廢者，可亡也。境內之傑不事，而求封外之士，不以功伐課試，而好以名問舉錯，羈旅起貴，以陵故常者，可亡也。輕其適正，庶子稱衡，太子未定，而主卽世者，可亡也。大心而無悔，國亂而自多，不料境內之資，而易其鄰敵者，可亡也。〔四〕國小而不處卑，力少而不畏強，無禮而侮大鄰，貪懷而拙交者，可亡也。太子已置，而娶於強敵以爲后妻，則太子危；如是則羣臣易慮，羣臣易慮者，可亡也。怯懦而弱守，蚤見而心柔懦，知有謂可，斷而弗敢行者，可亡也。出君在外，而國更置，質太子未反，而君易子，如此則國攜，國攜者，可亡也。〔五〕挫辱大臣而狎其身，刑戮小民而逆其使，懷怒思恥而專習，則賊生，賊生者，可亡也。大臣兩重，父兄衆強，內黨外援，以爭事勢者，可亡也。婢妾之言聽，愛玩之智用，外內悲惋，而數行不法者，可亡也。簡侮大臣，無禮父兄，勞苦百姓，殺戮不辜者，可亡也。〔六〕好以智矯法，時以私雜公，法禁變易，號令數下者，可亡也。無地固，城郭惡，無畜積，財物寡，無守戰之備，而輕攻伐者，可亡也。種類不壽，主數卽世，嬰兒爲君，大臣專制，樹羈旅以爲黨，數割地以待交者，可亡也。太子尊顯，徒屬衆強，多大國之交，而威勢蚤具者，可亡也。〔七〕變徧而心急，輕疾而動發，心惰忿而不嘗前後者，可亡也。主多怒而好用兵，簡本教而輕戰攻者，可亡也。貴人相妬，

大臣隆盛，外藉敵國，內困百姓，以攻怨讎，而人主弗誅者，可亡也。君不肖而側室賢，太子輕而庶子伉，官吏弱而人民桀，如此則國躁，國躁者可亡也。〔八〕藏怒而弗發，愆罪而勿誅，使羣臣陰憎而愈憂懼，而久未可知者，可亡也。出軍命將太重，邊地任守太尊，專制擅命，徑爲而無所請者，可亡也。后妻淫亂，主母畜穢，外內混通，男女無別，是謂兩主，兩主者可亡也。后妻賤而婢妾貴，太子卑而庶子尊，相室輕而典謁重，如此則內外乖，內外乖者可亡也。〔九〕大臣甚貴，偏黨衆強，壅塞主斷，而重擅國者，可亡也。私門之官用，馬府之世絀，鄉曲之善舉，官職之勞廢，貴私行而賤公功者，可亡也。公家虛而大臣實，正戶貧而寄寓富，耕戰之士困，末作之民利者，可亡也。見大利而不趨，聞禍端而不備，淺薄於爭守之事，而務以仁義自飾者，可亡也。〔一〇〕不爲人主之孝，而慕匹夫之孝，不顧社稷之利，而聽主母之令，女子用國，刑餘用事者，可亡也。辭辯而不法，心智而無術，主多能而不以法度從事者，可亡也。親臣進而故人退，不肖用事而賢良伏，無功貴而勞苦賤，如是則下怨，下怨者可亡也。父兄大臣，祿秩過功，章服侵等，宮室供養太多，而人主弗禁，則臣心無窮，臣心無窮者可亡也。公壻公孫，與民同門，晏傲其憐者，可亡也。〔一一〕

校釋 〔一〕國家翼義云：『國、言君國家，言大夫家。周禮注：凡封國若家，謂建諸侯，立大夫家也。』權輕

謂國君之權輕也。翼義云：『治要尹文子曰：國貧小，家富大，君權輕，臣勢重，亡國也。』簡纂聞云：『猶慢也。』

姦篇、財利多者買官以爲貴，有左右之交者請謁以成重，此亡國之風也，卽此意。『緩心纂聞云：』見事遲緩，則無成功。』而無二字，乾道本誤倒，茲從迂評本、趙本、凌本。識誤云：『藏本、今本無而作而無。』柔茹纂聞云：『山曰：毛詩：柔則茹之。』翼龜云：『茹與懦軟義同。字彙引楊慎曰：古篆軟硬之軟，畏懦之懦，老嫩之嫩皆作𦵏。通雅引淮南子：葵藿之生，𦵏𦵏然日數寸。北魏呼柔然爲蠕蠕，卽𦵏𦵏也。北齊書作茹茹。𦵏音𦵏，卽軟字也。』決字、迂評本誤作訣，茲從乾道本、趙本、凌本。

〔三〕饕餮翼龜云：『漢書禮樂志注：甚貪曰饕餮，足也。』淫刑乾道本、趙本無刑字，茲從迂評本、凌本。識誤云：『淫、淫辭也，見本書存韓篇。又呂覽審應覽有淫辭，義同，皆可證也。別本於此淫下妄加刑字，乃誤之甚者。凡別本異同，大率類此，故略而不載。』集解云：『按訓淫爲淫辭，已嫌添設，且與下言辯說無別，顧說非也。喜淫刑與下好辯說對文，不當少一字。今依凌本增。』今按此下數句，均言好虛言之害，淫刑疑當作淫辭，淫辭、猶言浮辭也。識誤之說於文爲不足，而迂評本、凌本又於義不貫也。文麗謂辭說之文采也。通翼龜云：『猶漏也。』很剛迂評本、趙本、凌本作很剛，茲從乾道本、拾補云：『很、藏本作很。』按很很很三字通，很剛猶言凶悍也。簡猶慢也，輕也。估翼龜云：『亦恃也。』所迫讀云：『所密邇者。』翼龜云：『燕策：寡人國小，西迫強秦，促近齊魏。』羈旅僑士纂聞云：『左傳：羈旅之臣，注：羈，寄旅、客也。山曰：旅居曰僑。』按羈旅僑士，謂外國之游士寄寓於本國者。重幣猶言重幣，謂羈旅僑士受外國之賄賂也。八經篇云：『外國之置諸』

吏者，誅其親暱重帑，則外不藉也。『與此重帑義同。或謂帑拏同，誤。』纂聞云：『山曰：左傳，諸侯釋位，以間王政，注，間猶與也。』

〔四〕民不信各舊本作民信。職誤云：『句有誤。』平議云：『民下脫不字。民不信其相，下不能其上，兩文相對。民所不信，下所不能，而人主弗能廢，故曰可亡也。』按有不字是，茲據補。下不能其上。纂聞云：『能下，疑脫戴字，晉語，民不能戴其上，也久矣。或曰：能，好也。新序，吾兩君之不相能也，說苑，譬如水火之不相能也。』名問。叢錄云：『按問，通作聞字。莊子，逍遙遊，乃今以久特聞，釋文，崔本作問。庚桑楚，因失吾問，釋文，問，元嘉本作聞。聞問古字通用。』翼云：『問，聞通，詩大雅，亦不殞厥問。』按以名問舉錯，謂以聲譽爲進退也。起貴謂崛起而貴重也。纂聞改爲超貴，未可從。故常翼云：『故舊習常之臣也。』按故常對羈旅而言，纂聞釋爲常典，未可從。適正謂嫡長也，姦劫弑臣篇作正適。稱衡讀云：『謂與嫡子相抗也。』即世猶言謝世也。翼云：『人主嗣立曰即位，死書於世本曰即世。魯語，工史書世，宗祝書昭穆，注，世，世次先後也。』大心。纂聞云：『猶放胆也。自多自賢也。輕易也。』按大心，爲小心之反。

〔五〕拙交。纂聞云：『不善於鄰交也。』羣臣。易慮四字，乾道本不重，茲從迂評本。趙本、凌本。職誤云：『藏本，今本重羣臣易慮。』纂聞云：『易慮，謂改視以輕儲君，若費無極，謂太子建之類。』知有。謂可。迂評本、凌本無謂字，茲從乾道本。拾補云：『謂字衍，凌本無。』職誤云：『知有謂可四字爲一句。』集釋云：『知，同智。』

謂猶以也，可敢皆訓能，言智有以能斷而不能行者也。識誤以知有謂可四字爲句，失之。『斟補云：『有字疑當作否，草書形近致訛。』按知有謂可，言其心知有所謂是非，然斷而不敢行也。『史記、韓信傳云：『智識知之，決弗敢行者，百事之禍也。』外儲說云：『斷敢行大事。』出君易子、寡聞云：『謂君出亡在外，而國別立君，太子爲質於他國，而君更立太子也。』更置乾道本無更字，茲從迂評本、趙本、凌本。識誤云：『藏本、今本國下有更字。』按更置猶言改立也。『攔攔貳也。』

〔六〕狎解詁云：親昵也。逆職誤云：『民當作人，逆當作近，按此言近刑人也。』翼毳云：『逆，不順也，謂虐使也，逆音虐。』按逆，如倒行逆施之逆，逆其使，言使民不以其道也。識誤之說未可從。專習，選註云：『專，專任，習，褻近也。』按懷怒思恥而專習，謂被挫辱之大臣與被刑戮之小民，既有怒恥之念，復與人主褻近，則恐有劫殺之禍矣。兩重讀云：『謂大臣爭權也。』翼毳云：『逸周書，智能均而不親，並重事君者危。昔者有南氏有二臣，貴寵力鈞，勢敵競進爭權，下爭朋黨，而君不禁，南氏以亡。』內黨外援，翼毳云：『內結黨與，外借交援。』周禮注：內謂其國，外謂諸侯。『事勢猶言事權，斟補疑事字衍，未可從。』愛玩，謂便嬖幸佞之臣也。解詁云：『愛玩，弄臣也。』簡侮，謂輕侮也。

〔七〕矯字，或作驕，誤。以智矯法，謂以意改法也。私字，乾道本作行，茲從迂評本、趙本、凌本。識誤云：『藏本同，今本作行，作私，誤。按簡行而貴公，韓子之家法也。』無地固，迂評本、凌本作地無固，茲從乾道本、趙本。按無

地固、謂無地利也。畜字、或作蓄、二字通。種類、翼說云：『列子、子姓有可使求馬者乎？注、姓、種也。史記禮書、先祖者、類之本也、正義曰、類、種類也。』按類如族類之類、種類不壽、謂子姓天亡也。數集解云：『音色各反。』按數、猶言屢也。待交、纂聞云：『山曰、待、當作恃。』讀記云：『待當爲持字之誤、持、養也。』按恃、持、三字形近、古書多互混、此以作持爲宜。持交、謂結外國之交援也。

〔八〕變偏、迂評本、凌本作變偏、趙本作偏偏、茲從乾道本。識誤云：藏本同、今本變作偏、誤。按當作變、形相近。『平議云：『變、當讀爲辯、說文心部、辨、一曰急也、是與偏同義、作變者、聲近段借也。易文言傳、由辯之不早辯也、釋文、辯、荀作變。孟子告子篇、萬鍾則不辨禮義而受之、音義引丁音云、辨、本作變、皆其例矣。』』嘗集解云：『量也。』按不嘗、猶言不顧也、謂心稍急忿怒者、但求逞一時之忿、而不顧前事與後果也。本教、乾道本誤作本欲教、茲從迂評本、趙本、凌本。識誤云：『藏本、今本無欲字。』按欲字衍、簡本教、謂廢農事也。貴人、乾道本、趙本作貴臣、茲從迂評本、凌本。拾補云：『臣、各本作人。』側室、集解云：『八姦篇云、何謂父兄曰側室公子、是側室即君之父兄行也。』按君以嫡子繼位、側室、即謂與君同行輩之庶孽公子也。仇慈聞云：『秦策、天下莫之仇、注、集韻、匹也；吳注、仇、抗通、當也。』桀、纂聞云：『謂桀驚難制也、一作傑。』躁、謂不安也。〔九〕藏怒、乾道本作藏怨、茲從迂評本、趙本、凌本。識誤云：『藏本、今本怨作怒。』按藏怒、猶懷怒也。懸罪、翼說云：『懸、言高揭之也。難四云、明君不懸怒、淮南精神訓云、殖華可止以義、而不可懸以利、注、懸、視也。』

按懸罪、謂當罪而遲遲未罪之也。八經篇云：『藏怒持罪而不發，曰增亂，其患微幸妄舉之人起。』可與此處互相發明。未可知解。詁云：『言使羣臣疑懼，而不知誅否。』主母纂聞云：『國太后也，畜穢如宣太后愛嫪毐也。』外內翼毐云：『周禮宮正云：辨外內而時禁，注：分別外人內人，禁其非時出入。』相室典謁翼毐云：『相室、卿也，典謁、主賓客請謁之事者。』

〔一〇〕壅塞主斷，謂掩蔽人主之斷制也。或釋此主斷爲專決，與下文重擅國義複，未可從。馬府之世絀，乾道本無絀字，迂評本、凌本絀作榮，茲從趙本。識誤云：『藏本同，今本世下有絀字，按世下脫字未詳所當作。』宋本注云：『馬府、軍馬之府，立功者也。』選註云：『馬府、卽幕府，爲將帥立功者，世世族，謂子孫也。絀與黜同。私門之官用，則大臣富，幕府之族黜，則公卒弱。』鄉曲之善纂聞云：『謂處士顯名者。』正戶翼毐云：『謂有正籍而不移徙之民也。國語：國無寄寓，注：寓亦寄也。無寄寓者，不爲廬舍以寄羈旅之客，是也。』按正戶蓋謂耕農，寄寓蓋謂商賈。故下又云：『耕戰之士困，末作之民利』也。淺薄猶言疏忽也，謂於戰守之事忽而不講也。

〔一一〕孝翼毐云：『孝經：富貴不離其身，然後能保其社稷，而和其民人，蓋諸侯之孝也。又云：謹身節用，以養父母，此庶人之孝也。』刑餘，謂閹人也。古有宮刑，閹人必受宮，故又稱曰刑餘。親臣、集解云：『親讀爲新。』翼毐云：『親當作新。』章服侵等，翼毐云：『周語：庶人工商各守其業，以共其上，猶恐有墜失也，故爲』

車服旗章以旌之，注：上下有等，所以章明貴賤，爲之表識。『太字』迂評本、趙本、凌本作大，茲從乾道本。集解云：『張榜本太作大字同。』同門讀云：『同里開也。』傲字，趙本、凌本作傲，茲從乾道本。迂評本拾補云：『藏本作傲。』集解云：『說文：傲，倨也，從人，放聲。古本作敖，通作傲。』釋文樂記：傲僻，字又作敖，左襄二十年傳，大夫敖，本又作傲，是其證。

亡徵者，非曰必亡，言其可亡也。夫兩堯不能相王，兩桀不能相亡，亡王之機，必其治亂，其強弱相踦者也。『木之折也，必道蠹；牆之壞也，必道隙。』然木雖蠹，無疾風不折；牆雖隙，無大雨不壞。萬乘之主，有能服術行法，以爲亡徵之君，風雨者，其兼天下不難矣。

校釋 〔一〕必亡，迂評本、凌本作必亡也，茲從乾道本。趙本亂其集解云：『其字疑衍。』斟補云：『治亂下當脫相口二字。』相踦，纂聞云：『趙策：齊秦非復合也，必有踦重者矣。』注改作踦，云：角一俯一仰曰踦，謂有一重也。吳注：公羊傳：踦，間，何休說：開一扇，閉一扇，一人在內，一人在外曰踦。說苑：男女切踦，卽倚字，義訓偏。說苑及齊俗訓作踦，呂覽作倚。按踦與踦通，相踦猶言彼此懸殊也。

〔二〕兩道字，各舊本作通。補箋云：『通當作道，形近而譌，道由也。管子制分篇：治者所道富也，富者所道強也，強者所道勝也，勝者所道制也。』呂覽貴因篇：孔子道彌子瑕，見釐夫人，有度篇：奚道知其不爲私，當賞篇：民無道知天，慎小篇：上無道知下，下無道知上。本書孤憤篇：法術之士奚道得進，八姦篇：凡人臣之所道。

成姦者有八術。諸道字，皆由義。此言木之折，必由於蠹；牆之壞，必由於隙。若作通，則不可解矣。『讀記云：』兩通字皆當作道，道，由也，言木折必由蠹，牆壞必由隙也。古語每以道爲由，本，書尤屢見。商子修樓篇，諺曰：蠹衆而木折，隙大而牆壞，文義並與此同。』按作道是，茲據改服纂開云：『行也。凡國有危亡之徵者，遇賢明之君來討則亡。譬之壞木，敗牆待風雨而壞也。』其衆對則衆也。其可訓則，詳見集釋。

南面

釋題 本篇原爲第五卷第十八篇。南面者，古者人君南面，人臣北面，本篇言君術，故取以名篇。

提要 本篇主旨，在言人君御臣之術。首節言明法，次節言責實，二意尙可相通；而末節言變古嚴治，乃他篇錯入，而非本篇之原文也。

考證 本篇論思想，不出法家範圍，可推爲韓非所作；論結構，則不甚一貫，以末節文體與儲說相同，而與前二節不相類也。末節蓋儲說之脫簡，宜別於前二節以觀之。

人主之過，在已任臣矣，又必反與其所不任者備之。此其說必與其所任者爲讎，而反制於其所不任者。今所與備人者，且曩之所備也。人主不能明法以制大臣之威，無道得小臣之信矣。人主釋法，而以臣備臣，則相愛者比周而相譽，相憎者朋黨而相非，非譽交爭，則主惑亂矣。〔一〕人臣者，非名譽請謁，無以進取；非背法專制，無以爲威，非假於忠信，無以不禁。三者，悖主壞法之資也。人主使人臣雖有智能不得背法而專制，雖有賢行不得踰功而先勞，雖有忠信不得釋法而不禁，此之謂明法。〔二〕

校釋 〔一〕任臣各舊本作任在臣。識誤云：『當衍任下在字。』按在字乃任之形近而誤衍者，茲據刪。

任、謂任人以事也，不任，謂不任其事也。既任人以事，又以不任其事之人監之，是用人而疑也。備猶監也，防也。讎謂監事之人與任事之人爲說相反，故相讎也。制集解云：『是恐爲任者所制，而反制於不任者，故聽不任者之言，以紕前之所任者。』且又也。纂聞云：『人主已任甲而與乙備之，又任乙而與丙備之，是今所與丙備之之乙，卽昔者所嘗備甲者也。以字各舊本作而以。識誤云：『當衍而字，十二字爲一句。』按無而字是，茲據刪。小臣乾道本作小人，茲從迂評本、趙本、凌本。按小臣猶言小官，謂人主於大官不能以法裁之，則無由得小官之信仰矣。相非集解云：『意林、非作誹，下同。』翼龜云：『非、誹通。』

〔二〕不禁宋本注云：『僞爲忠信，然後不禁。』按不禁，謂不加制裁也。法無不禁，而人臣假於忠信，遂得不禁，則法壞矣。三者翼龜云：『名譽請謁也，背法專制也，假於忠信也。』踰功先勞踰功功不當賞也，先勞猶言先賞也。釋法舍法也。

人主有誘於事者，有壅於言者，二者不可不察也。人臣易言事者，小索資，以事誣主，主誘而不察，因而多之，則是臣反以事制主也。如是者，謂之誘於事，誘於事者，困於患。〔一〕其進言少，其退費多，雖有功，其進言不信。夫不信者有罪，事雖有功，不賞，則羣臣莫敢飾言以悞主。主道者，使人臣前言不復於後，後言不復於前，事雖有功，必伏其罪，謂之任下。人臣爲主設事，而恐其非也，則先出說設言曰：『議是事者，妬事者也。』人主藏是言，不更聽羣臣；羣臣畏是言，不敢議事。二勢者用，則忠

臣不聽，而譽臣獨任。如是者，謂之壅於言。壅於言者，制於臣矣。〔二〕主道者，使人臣知有言之責，又有不言之責。言無端末，辯無所驗者，此言之責也。以不言避責，持重位者，此不言之責也。人主使人臣言者，必知其端末，以責其實；不言者，必問其取舍，以爲之責。則人臣莫敢妄言矣，又不敢默然矣。言默則皆有責也。〔三〕人主欲爲事，不通其端末，而以明其欲，有爲之者，其爲不得利，必以害反。知此者，舉事有道，計其入多，其出少者，可爲也。惑主不然，計其入，不計其出，出雖倍其入，不知其害，則是名得而實亡。如是者，功小而害大矣。凡功者，其入多，其出少，乃可謂功。今大費無罪，而少得爲功，則人臣出大費而成小功，小功成而主亦有害。〔四〕

校釋 〔一〕易言謂輕言也。少字，迂評本、趙本、凌本作必，茲從乾道本。識誤云：「少索資，逗，以事誣主句，

藏本同，今本少作必，誤。」集解云：「少索資，矯爲廉讓。」按少字是，下文其進言少，其退費多可證。少索資，

謂言事所需之費甚少也。誣，集解云：「釋詁，誣，欺也。」多之，集解云：「猶言賢之。」謂之誘於事，各舊本無

於事二字。識誤云：「誘下當有於事二字。」纂聞、翼彙說同，茲據補。

〔二〕進言少，退費多，謂進而言事，則索費甚少，退而爲事，則出費甚多也。不信，集解云：「下云出大費而

成小功也，如此者，謂之進言不信。」夫字，乾道本、趙本無，茲從迂評本。凌本拾補云：「不上脫夫字，凌本有

『事雖有功不賞，乾道本、趙本無雖字，迂評本、凌本無事雖二字。功字下各舊本有者字。不字，各舊本作必。

識誤云：『事有功者必賞，當作事雖有功不賞。』集解云：『顧說是，下云事雖有功，必伏其罪，卽其證。』凌本不審而妄改，不可從。『復翼云：『不悖也。』論語言可復也，何晏曰：『復猶覆也。』皇侃曰：『驗也。』八經篇聽不一則後悖於前。』任下纂聞云：『謂執陳言之實，以責其功也。』設言猶預言，謂預言『議是事者，妬事者也。』之語，以堅主意，防物議也。二勢集解云：『二勢者，主拒諫，臣緘默，兩有必然之勢。』

〔三〕知有二字，乾道本、趙本作必有，茲從迂評本、凌本。拾補云：『必有倒，張本作有必，凌本作知有。』按言之責，與不言之責相對，下文此言之責也，無必字，可證此不當作『有必言之責。』有言之責，又有不言之責，此宜令人臣知者，故作知爲是。集解依張本，讀記乙必字於使字上，俱未可從。端末解詁云：『猶首尾也。』所驗迂評本凌本作參驗，茲從乾道本、趙本。知其端末之末字，各舊本無。集解云：『依上下文，端下當有末字。』以爲之責迂評本、趙本、凌本作資，茲從乾道本。識誤云：『藏本同，今本責作資，誤。』

〔四〕明其欲集解云：『明其欲者，羣下之意，同曉然於主心。』按此謂人主欲爲某事，以明示其意向也。或曰：明其欲，猶言逞其欲，亦通。之者迂評本、趙本、凌本作之意者，茲從乾道本。識誤云：『藏本同，今本之下有意字，誤。』害反謂反而受害也。讀云：『謂其所爲不得利，必以害應之也。』知此者下乾道本、趙本、凌本有任理去欲四字，茲從迂評本。按理欲二字對稱，爲宋儒之名詞，不應於先秦法家書中見之，蓋後人所增也。

不知治者，必曰：『無變古，無易常。』變與不變，聖人不聽，正治而已。然則古之無變，常之毋易，在常古之可與不可。伊尹毋變殷，太公毋變周，則湯武不王矣。管仲毋易齊，郭偃勿更晉，則桓文不霸矣。〔一〕凡人難變古者，憚易民之安也。夫不變古者，襲亂之迹；適民心者，恣姦之行也。民愚而不知亂，上懦而不能更，是治之失也。人主者明能知治，嚴必行之，故雖拂於民心，必立其治，說在商君之內外，而鐵設重盾而豫戒也。〔二〕故郭偃之始治也，文公有官卒；管仲之始治也，桓公有武車，戒民之備也。是以愚慙窳惰之民，苦小費而忘大利，故賁虎受阿謗。〔三〕輟小變而失長便，故鄒賈非載旅，狎習於亂而容於治，故鄭人不能歸。〔四〕

校釋 〔一〕易常謂改變習俗也。正治正如正心，正德之正，正治謂治得其宜也。纂聞云：『山曰：正猶期也。孟子必有事焉而勿正。』翼龜云：『淮南子：天下豈有常法哉？當於世事得於人理，順於天地，祥於鬼神，則可以正治矣。』郭偃集解云：『墨子所染篇作高偃，高與郭一聲之轉。左傳作小偃，韋杜注：晉掌卜大夫。』纂聞云：『山曰：趙策：郭偃之法，又見新序善謀篇。按晉語注：郭偃卜偃也，呂覽作郭偃。』變易更皆謂變法也，更讀平聲。

〔二〕易民二字不可解，疑當作愚民。憚愚民之安，謂畏愚民之安於故俗而不肯變古也。襲亂之迹，古法不適於當世，而今仍沿用之，則足以釀亂，是謂襲亂之迹。恣姦之行，謂爲治但求適民心，則姦行更爲恣肆。

也。心必二字，乾道本無必字，迂評本、趙本、凌本無心字。識誤云：『藏本今本心作必，按拂於民心，與上適民心相對，惟乾道本未誤。』集解云：『乾道本脫必字，藏本、趙本脫心字耳，當作拂於民心，必立其治。顧氏知拂民心與適民心相對，而不知必立其治，與嚴必行之，又相承也。』按集解說是，茲據增。說在墨子云：『說以出故。』又云：『說所以明也。』按說本爲墨辯之術語，所以釋明論據者。本書儲說各篇以說解經，此與彼同，說在猶言解在也。內外猶言出入也。翼彘云：『父兵器，戟屬，盾構也。商君變法，爲民所惡，故出入執兵器，戒其不虞也，事見史記商君傳。』而豫戒猶言以預防也。

〔三〕官卒猶今言衛士也。管仲之各舊本無之字。集解云：『管仲下當有之字，與上句相對。』翼彘云：『玉海、仲下有之字。』纂聞依選注補之字，茲從之。武車，翼彘云：『六韜選車士之法，取年四十以下，長七尺以上，名曰武車之士。又曲禮武車綏旌。』愚竊竄情，乾道本作遇，讀竄墮，茲從趙本、凌本。識誤云：『藏本同，今本輒作墮，墮作惰。按輒或省字，乾道本愚作遇，誤。』補箋云：『乾道本愚作遇，借字也，愚遇古通。晏子春秋外篇盛爲聲樂以淫愚其民，墨子非儒下愚作遇，莊子則陽篇匿爲物而愚不識，釋文愚一本作遇。秦策今愚惑與罪人同心，姚本愚作遇，卽其證。』大利各舊本作大利也。斟補云：『也字衍文。』茲據刪。資虎受阿謗，翼彘云：『資虎未詳，或曰：陳大夫慶寅、慶虎，見左傳襄二十年，二十三年。』補箋云：『阿，借爲訶。說文訶，大言而怒也。老子唯之與阿，亦以阿爲訶。』

〔四〕輶^{△△}小變各舊本輶上有而字。斟補云：「而字衍文，茲據刪。」識誤云：「輶字有誤，未詳所當作。」補箋云：「輶當作震，爾雅釋詁：震懼也。」翼[△]云：「賈誼新書道兩篇，臨制不亂，謂之嚴，反嚴爲輶。輶或作輶，字書無輶字。輶與輶通，說在亡微篇。世本古義：我心匪輶，不可以輶，注輶，方言云：食也，吳越凡貪食者謂之輶。變當作輶，聲之誤，言貪小便利而失大便利也。」載旅纂開云：「載旅字見詩。」容於治纂開云：「謂不務治也。」補箋云：「容作各，形近而譌。」鄭人識誤云：「按此皆未詳。自上文說在商君云云以下句例，全與儲說之經相同，必韓子此下尙有其說，亦如儲說之說者，而今佚之耳。」集解云：「顧說是。外儲說左下鄭縣人賣豚云云，當卽鄭人不能歸佚文。」按本節「自不治者」以下之文例全與儲說之經文相似，而文意又與篇旨不貫，蓋卽儲說之脫簡於此者。

第二卷

八說

標題 本篇原爲第十八卷、第四十七篇。首段言有私譽之人，計共八種，俱不可用，因以名篇。

提要 本篇主旨，宜粗分爲四段：言首段、自篇首至『不可得也』，言任人須有術；次段、自『摺笏干戚』至『必知之術也』，言立法須通權，即須因時因事以立法，與五蠹篇旨趣相似；三段、自『慈母之於弱子』至『明主不受也』，言仁愛不可以治國，與次段旨趣相通；四段、自『書約而弟子辯』至篇末，言人主不可假權於寵人與重臣。

考證 本篇在思想上無可疑之點，但以其似爲一篇雜論，全篇未免稍欠連貫耳。

爲故人行私，謂之「不棄」；「一」以公財分施，謂之「仁人」；輕祿重身，謂之「君子」；枉法曲親，謂之「有行」；「二」棄官寵交，謂之「有俠」；「三」離世遁上，謂之「高傲」；交爭逆令，謂之「剛材」；「四」行惠取衆，謂之「得民」；不棄者，吏有姦也；仁人者，公財損也；君子者，民難使也；有行者，法制毀也；有俠者，官職曠也；高傲者，民不事也；「五」剛材者，令不行也；得民者，君上孤也；「六」

八者，匹夫之私譽，人主之大敗也；反此八者，匹夫之私毀，人主之公利也。人主不察社稷之利害，匹夫匹夫之私譽，索國之無危亂，不可得矣。〔七〕

校釋 〔一〕不棄讀云：『不棄故舊也。』翼叟云：『論語：故舊無大故，則不棄也。』

〔二〕曲親阿其所好也。有行有行義也。

〔三〕寵交寵愛交遊也。纂聞云：『棄官而愛交友者，如虞卿不重萬戶侯卿相之印，與舊友魏齊間行去趙之類也。』

〔四〕剛材集解云：『剛材者在下，而與上爭，故不行其令。』

〔五〕不事翼叟云：『事猶任也，言不事其事也。』

〔六〕自『不棄者』至『君上孤』言八種世俗所譽之人於爲治之害。此八種人或爲儒家所取，或爲道家所取，或爲墨家所取，而法家則俱非之。

〔七〕本節言八種人之不可用，以下兩節言用人之術，合爲本篇之首段。

任人以事，存亡治亂之機也。無術以任人，無所任而不敗。〔一〕人君之所任，非辯智，則修潔也。任人者，使有勢也。〔二〕智士者，未必信也；爲多其智，因惑其信也。〔三〕以智士之計，處乘勢之資，而爲其私急，則君必欺焉。爲智者之不可信也，故任修士。任修士者，使斷事也。修士者，未必智也；爲潔

其身，因惑其智也。〔四〕以愚人之悟，處治事之官，而爲其所然，則事必亂矣。〔五〕故無術以任人，任智則君欺，任修則事亂。此無術之患也。〔六〕明君之道，賤得議，貴下必坐，上決誠以參聽，無門戶，故智者不得詐欺。〔七〕計功而行賞，程能而授事，察端而觀失，有過者罪，有能者得，故愚者不得任事。〔八〕智者不敢欺，愚者不得斷，則事無失矣。〔九〕

校釋 〔一〕機猶言關鍵也。

〔二〕辯智謂有才者。修潔謂有德者。有勢有權也。

〔三〕爲多其智，因惑其信，乃申說上文智士之何以『未必信』。惑，迷也。失也。智士因力求自顯其多才，遂失其信之所在。此猶言智士只求多才，不求必信也。

〔四〕爲智者之爲字，讀去聲，因也。集解謂『爲當作惟』，誤。任修士三字，各舊本俱不重，按依上下文義，宜重，疑原重而脫者，茲補此三字。兩智字下之也字，各舊本俱無。按依上文當有。翼龜云：『兩智字下當有也字』。茲據補爲潔其身，因惑其智，乃申說修士之何以未必智。修士因力求自保其修潔，遂迷其智之所斷。此猶言修士只求潔身，不善斷事也。

〔五〕悟字上各舊本俱有所字。集解云：『王先謙曰：所字當衍』。茲據刪。悟，音昏，心不明也。其字，乾道本脫，茲從迂評本、藏本、趙本、凌本。所然，謂愚人所認爲是者。愚人本不能斷事，今以之處官斷事，則其所認爲

是者，未必是矣。

〔六〕事亂上。乾道本、趙本、凌本有君字，茲從迂評本。集解云：『王先謙曰：承上文言，不當有君字，緣上下文而誤衍。』

〔七〕自『賤得』至門戶十六字，迂評本、趙本、凌本俱作：『賤得義，貴法術，倒言而詭使，參聽無門戶，』茲從乾道本。惟得議二字，原亦作德義，依識誤校改。識誤云：『藏本同。下必坐上決誠以，今本作法術倒言而詭使。按德義當作得議，形近之誤。』七術篇云：夫不使賤議貴，下必坐上，云云；又經云：觀聽不參，則誠不聞，聽有門戶，則主壅塞，即此文之證。下必坐上者，商君之告坐也。今本不能讀，輒加改易，謬甚。今按識誤考證極是。『賤得議貴』者，謂下級官吏得告發上級官吏之姦也。『下必坐上』者，謂主官有罪，屬員不爲告發，則須連坐；如告發不實，又須反坐也。『決誠以參』者，謂求明事實之真相，須多觀多聽也。『聽無門戶』者，謂不可專聽一人之言，而令其傳達若門戶之必由，以免爲其所蔽也。纂聞云：『管子：明主者，兼聽獨斷，多其門戶。羣臣之道，下得明上，賤得言貴，故姦人不敢欺。』亡徵篇：用一人爲門戶者，可亡也。』

〔八〕程能量材也。察端考察事端也。得纂聞云：『謂舉用。』不得之得字，乾道本、趙本、凌本俱無，茲從迂評本。集解云：『不下當有得字，與上故智者不得詐欺，文一律。』

〔九〕不得斷迂評本作『不敢斷』，茲從乾道本、趙本、凌本。集解云：『不任修士使斷事。』按自明君之

道以下，爲法家任人之要術，凡爲政者，不可忽之。

察士然後能知之，不可以爲令，夫民不盡察。賢者然後能行之，不可以爲法，夫民不盡賢。^{〔一〕}楊朱、墨翟，天下之所察也；^{〔二〕}千世亂而卒不決，雖察而不可以爲官職之令。^{〔三〕}鮑焦、華角，天下之所賢也；^{〔四〕}鮑焦木枯，華角赴河，雖賢不可以爲耕戰之士。^{〔五〕}故人主之所察，智士盡其辯焉；^{〔六〕}人主之所尊，能士盡其行焉。^{〔七〕}今世主察無用之辯，尊遠功之行，索國之富強，不可得也。^{〔八〕}博習辯智如孔墨，孔墨不耕耨，則國何得焉？修孝寡欲如曾史，曾史不攻戰，則國何利焉？匹夫有私便，人主有公利，不作而養足，不仕而名顯，此私便也。息文學而明法度，塞私便而一功勞，此公利也。^{〔九〕}錯法以道民也，而又貴文學，則民之師法也疑。^{〔一〇〕}賞功以勸民也，而又尊行修，則民之產利也惰。^{〔一一〕}夫貴文學以疑法，尊行修以貳功，索國之富強，不可得也。^{〔一二〕}

校釋 ^{〔一〕}察士明察之士也，義與智士相近。此言發令立法，須以人人能知能行者爲標準，不可過務高遠，而以賢察所知所行者爲理想也。翼彘云：『賈誼新書曰：纖微皆審，謂之察；行道者，謂之賢。管子立政篇云：知者知之，愚者不知，不可以教民；巧者能之，拙者不能，不可以教民；與此文同意。商子定分篇亦有此文。』能行之能字，乾道本脫，茲從迂評本、趙本、凌本。

^{〔二〕}楊朱取『爲我』，墨翟取『兼愛』，堯明一指以爲察。所察猶言所謂察士也。千字、迂評本、趙本、凌

本作千，茲從乾道本。（同依乾道本，浙局本集解本作干，而四部叢刊影宋本又作千，蓋誤寫耳。）千與忤通，預也。干世亂而卒不決，猶言楊墨遭逢亂世，而其察終不能定之。翼龜云：楊墨千世難得之才也；以千世難得之才，欲治平常之事，則庶官曠矣，是千世亂也。纂聞云：『楊墨之道相反，莫定其是非者。』此二家俱依千字爲釋，未免費解。令主官也。

〔三〕鮑焦翼龜云：『周時人，見韓詩外傳。』纂聞云：『莊子：鮑焦飾行非世，抱木而死。說苑：鮑焦抱木而立枯。』宋本注云：『立死若木之枯也。』華角識誤云：『未詳。』新釋云：『烈士傳有羊角，疑卽此人。』纂聞云：『負石而赴河，是行之難爲者也，而申徒狄聽之。』注：『負石自沉於河。』赴河猶言投河也。鮑焦、華角，蓋厭世主義者。所賢猶言所謂賢士也。雖賢之賢字，乾道本脫，茲依迂評本、趙本、凌本。

〔四〕所察之所字，集解云：『乾道本無，拾補有。』盧文弨云：『所字脫，依下文當有。』今據補。按迂評本、趙本、凌本俱有所字，茲從之。此處所察二字，宜作常義解。士字下，趙本、凌本衍能字，乾道本、迂評本無。識誤云：『藏本同，今本土下有能字，誤。』拾補云：『張本無能字。』

〔五〕能士之能字，依上文及文義宜作賢字。集解云：『乾道本土下有能字。』盧文弨云：『張本又有能字，馮去之。』顧廣圻云：『今本無下能字，按此衍。』今據刪。按迂評本、趙本、凌本、本土下俱無能字。

〔六〕遠功之行纂聞云：『奇行之遠於功用者。』遠讀去聲。

〔七〕博習博學也。一功勞謂爵賞須一出於功勞也。

〔八〕錯法之錯字與措通，施布也；錯法，施法也。商子有錯法篇。道民之道字與導通；論語：『道之以政。』貴字，迂評本誤作則，茲從乾道本。師字上，乾道本有所字。集解云：『所字衍。』按迂評本、趙本、凌本俱無所字，是茲從之。師，動詞；師法猶言奉法也。

〔九〕產利生利也，統指耕戰而言。

〔一〇〕疑法疑惑法令，遵行不力也。武功謂功賞不出於耕戰一途也。翼詒謂『貳亦疑也』亦通。

掎笏干戚，不適曾茅鐵鉅。〔一〕登降周旋，不逮日中奏百。〔二〕狸首射侯，不當強弩趨發。〔三〕

干城距衝，不若堙穴伏囊。〔四〕古人亟於德，中世逐於智，當今爭於力。〔五〕古者寡事而備簡，樸陋而不盡，故有挑銑而椎車者。〔六〕古者人寡而相親，物多而輕利易讓，故有揖讓而傳天下者。然則行揖讓，高慈惠，而道仁厚，皆椎政也。〔七〕處多事之時，用寡事之器，非智者之備也。當大爭之世，而循揖讓之軌，非聖人之治也。〔八〕故智者不乘椎車，聖人不行椎政也。〔九〕法所以制事，事所以名功也。〔一〇〕法立而有難，權其難而事成，則立之。〔一一〕事成而有害，權其害而功多，則爲之。〔一二〕無難之法，無害之功，天下無有也。〔一三〕是以拔千丈之都，敗十萬之衆，死傷者軍之垂。〔一四〕甲兵挫折，士卒死傷，而賀戰勝得地者，出其小害，計其大利也。夫沐者有棄髮，除者傷血肉，爲人見其難，因釋其

業，是無術之士也。^{〔二五〕}先聖有言曰：『規有摩，而水有波，我欲更之，無奈之何！』此通權之言也。^{〔二六〕}是以說有必立而曠於實者，言有辭拙而急於用者，故聖人不求無害之言，而務無易之事。^{〔二七〕}人之不事衡石者，非貞廉而遠利也，石不能爲人多少，衡不能爲人輕重，求索不能得，故人不事也。^{〔二八〕}明主之國，官不敢枉法，吏不敢爲私，貨賂不行者，是境內之事，盡如衡石也。^{〔二九〕}此其臣有姦者必知，知者必誅，是以有道之主，不求清潔之吏，而務必知之術也。

校釋

〔一〕^{△△}摺笏音晉忽，插笏於帶也。笏，一名手版，昔臣朝王所用。翼壽云：『禮玉藻云：凡有指畫於君前，用笏造，受命於君前，則書於笏。』^{△△}干戚，盾、斧也；兵器，亦可用爲舞具。適，識誤云：『讀爲敵。』^{△△}曾子各舊本均誤作『有方』，茲從札邊校正。札邊云：『有方當爲曾子。』^{△△}曾有音近，矛、方、形近，因而致誤。墨子，備水篇云：『二十人，人皆曾子，今本亦誤作有方。』^{△△}詳余所著墨子閒話。『按曾子，古兵器，長二丈。』^{△△}鐵鉞亦兵器，詳五蠹篇。摺笏干戚，不適曾子鐵鉞，猶言文德不敵武備也。翼壽云：『商子武既破紂，偃武事，行文教，倒載戟戈，摺笏作爲樂，以申其德。』^{△△}禹征有苗，三旬不降，乃班師振旅，誕敷文德，執干戚舞於兩階，七旬有苗格，事詳大禹謨。

〔二〕^{△△△△}登降周旋翼壽云：『指古禮也。樂記云：升降上下，周還揚袂，禮之文也。』^{△△△△}不逮不及也。日中奏百，^{△△△△}識誤云：『奏讀爲湊。』^{△△△△}翼壽云：『奏，走通。詩大雅云：予曰有奔奏，日中奏百者，試選武士之科目也。荀子，議兵

篇云：魏氏之武卒，以度取之。衣三屬之甲，操十二石之弩，負服矢五十箇，置戈其上，冠鞬帶劍，廩三日之糧，日中而趨百里，中試則復其戶，利其田宅。史記蒙恬傳云：北奔琅邪。索隱曰：走因奏，鄒氏因趨，是奏走趨三字通用。魯語：韋注：日中，旦至日中也。『百爲百里，以叶韻而省。』登降屬旋，不遠日中，奏百，猶言習禮文不及講武技也。

〔三〕狸首射侯。翼義云：古之射禮也。樂記：武王克殷，散軍而郊射，左射狸首，右射鴈虞，而貫革之射息也。周禮：凡射，王以鴈虞爲節，諸侯以狸首爲節。儀禮：射義：狸首，詩云：曾孫侯氏，四正俱舉，小大莫處，御於君所。鄉飲酒禮：天子熊侯，白質；諸侯麋侯，赤質；大夫布侯，畫以虎豹；士布侯，畫以豕鹿。『按古以射爲六藝之一，自天子至士大夫均習之，遂成禮制。侯所射之布也。狸，與狸通；狸首，爲一種射禮之名。不當猶言不敵也。強弩趨發，翼義云：『史記：蘇秦傳：天下之強弓勁弩，皆從韓出。蘇子少府，時力距來者，皆射六百里之外。漢書：鼂錯傳：材官騶發，矢道兩的。師古曰：騶，謂矢之善也。騶發，發騶矢以射也。騶，趨通，又與敢同，又作趨。』按強弩，謂有力之大弓；趨發，謂競發，急發也。強弩競發，視狸首射侯之僅爲一種禮制者，更爲切實有力，故曰不當也。

〔四〕干城距衝。衝上乾道本衍衝字，茲從迂評本。翼義云：『干，盾也；干城，皆所以拒外而衛內者也。詩：周南云：赳赳武夫，公侯干城。衝，衝車也；距衝，所以攻城者也。荀子：彊國篇云：是渠衝入穴而求利也。渠，距通。

雅云：渠衝臨衝也。詩大雅云：以爾鉤援，與爾臨衝，以伐崇墉。是干城距衝，皆指文王之所以守攻也。一壘穴[△]伏[△]，[△]壘字各舊本俱作壘。集解云：『王渭曰：強國篇楊注引壘作臺，按壘字是，見墨子。先慎曰：楊注引穴作內。盧文弨、荀子拾補云：內穴古多通用。壘、臺互異，疑此壘字是，與韻協。』按纂聞、翼彞亦均謂宜作臺，茲據改。翼彞云：『左襄六年：壘之環城，傳於堞，注堞、土山也。孫子云：三月而後成距壘。穴者，鑿穴爲地道而攻城也。墨子備城門云：今之世常所以攻者，臨鉤衝梯，壘水穴突，伏與轡同，鞞、臺二形並同，韋臺可以吹火令熾者，臺當作臺，葉上百。楊倞、荀子注引作臺鞞。臺所以守備也。墨子備城門云：亦令突人伏附突一旁，以二臺守之。又穴且遇，以頡臬衝之急，鼓臺熏之。』按攻城之法，初以車衝，而守者則以干城拒之；詎與距通。其後攻城進而爲穴法，卽穴地以攻之。守禦之法，遂亦進而壘穴伏臺。壘、音因，壘穴以土山塞穴也。伏，埋伏；伏臺謂埋伏臺，藏以烟火，使不得由穴入城也。

〔五〕翼彞云：『亟急也，逐猶競也。五靈篇云：上古競於道德，中世逐於智謀，當今爭於氣力。』按古人或上古，揖堯舜禹湯文武，依儒家之說，其禪讓或征誅俱出於德化，故曰『亟於德。』中世指春秋，其時尚朝覲會同以求爲諸侯之盟主，故曰『逐於智。』當今指戰國，其時『強國事兼併，弱國務力守，』攻戰不休，一決於力，故曰『爭於力。』

〔六〕不盡猶言不精也。翼彞云：『荀子策犀篇云：百工以巧盡機器，注盡謂精於事。』姚鼐兩椎車^{△△△△}宋本

注云：珧，屋，以屋爲銚也；上古摩屋而耨也。推車，卽推輪也。『推字，各舊本正文及注俱作推。注文中之『卽推輪也』四字，原在『銚也』二字下，無上推車二字，茲俱依拾補校改。『推當作推，下同。』注，卽推輪也四字，不應間在中，當云推車，卽推輪也，移置於末，始得。今本注，字譌且衍，不可從。『識誤云：『推當作推。』淮南子云：古之所爲不可更，則推車至今無蟬匿。』鹽鐵論云：推車之蟬擢，負子之教也，亦當作推。又鹽鐵論導道散不足世務，皆言推車，則作推字不誤可證。』迂評注珧：『堯音堯，屬銚音銚，銚，剗削之器也。』纂聞云：『推作推誤，下推政同。』秦策：無把銚推耨之勞，注銚，芸田器。汜論訓：古者剗耜而耕，摩廐而耨，注振，大蛤，摩令利用之耨。按以廐殼爲芸器，正示古器『樸陋而不盡』，而翼，翼解爲廐車，未可從。推車，無輻之車，亦言其樸陋而不盡。

〔七〕道，稱說也。道字下乾道本衍推字，今從迂評本。推，政各舊本俱誤作推，依拾補校正。拾補云：『推當作推，下同。』上言推車，此言推政，蓋一喻詞。翼，翼云：『推當作推，言上古朴質之政也。』

〔八〕非，識誤云：『藏本同，今本非下有也字，誤。』按趙本非下衍也字，茲從乾道本。迂評本、凌本。

〔九〕兩推字，原作推，依拾補改，說詳上也字。集解云：『趙本作難。盧文弨云：難字衍，張本作也，亦可省。』按乾道本、迂評本、凌本俱有也字，無難字，是茲從之。此節所言，與五蠹篇『世異則事異，事異則備變』之意，互相發明。

「一〇」自『法所以制事』以下，與上文不甚相銜。拾補云：『當分段。』

「一一」法字下，集解云：『乾道本有有字。顧廣圻云：今本無有字，按此不當有。今據刪。』按迂評本、趙本、凌本法字下俱無有字，茲從之。則立之三字，集解云：『乾道本無。顧廣圻云：藏本今本有。今據補。』按此三字，迂評本、趙本、凌本俱有，茲從之。

「一二」則爲之則字，識誤云：『藏本同，今本無則字，誤。』按迂評本、趙本、凌本俱有此則字，茲從之。

「一三」集解云：『天下無不難之法，無不害之功，但權事之成否，功之多寡耳。乾道本有上無字，則文不成義。顧廣圻云：今本有，按此當有。今據補。』按迂評本、趙本、凌本有字上俱有無字，茲從之。

「一四」垂字，各舊本均作乘。宋本注云：『乘，謂其半也。』集解云：『乘無半義，乘當作垂，形近之誤，說見內儲說篇。』補箋云：『王先慎謂乘當作垂，是也。古者謂三分之一爲垂。淮南子原道訓篇：文王砥德修政三年，而天下二垂歸之。高注：文王三分天下有其二，是其證。』翼說云：『乘當作垂。垂，鍾音通。鍾者，三分之一也，解詳外儲說國之鍾也下。乘垂字形相似，垂鍾音義相通，故誤耳。管子地員篇云：不無有三分，而去其乘，適足，注乘亦三分之一也。愚謂管子乘字亦垂字之誤耳。舊說訓半者，博雅云：乘，二也，蓋據是矣。』按乘，今作乘。說文：『从人从榮，榮，黠也，軍法入榮曰乘。』徐曰：『从下覆上也。』博雅謂『乘，二也。』蓋以乘刑裂尸爲二歟！因之乘字引申爲半義，則作乘亦可通。茲依集解等改爲垂者，取便讀耳。

〔一五〕除者，纂聞云：『彈治瘕疽者。秦策：扁鵲請除，注：欲去其病也。』山曰：二喻見六反篇。翼龜云：方言：病愈者或謂之除，爲猶若也。』士字各舊本俱作事。集解云：『事當作士。』今據改。

〔一六〕規摩水波，翼龜云：『規，正圓之器，以銅或鎔爲之。摩，磨音通，言磨減則宛搖也。規者所以正圓，水者所以取平，而有磨與波，則不能正圓取平，宜改易之，又何拘焉？此通達於權變之言也。言先王之法雖善良，而歷年久遠，有不適時，則宜更易之矣。荀子正論篇云：是規磨之說也，注：規磨之說，猶差誤之說也。規者正圓之器，磨久則偏盡而不圓，失於度程也。』迂評注云：『摩者旋而成圓也。』誤。

〔一七〕曠於實，猶言不切實際也。無易，趙本、凌本作無益，茲從乾道本迂評本。藏誤云：『藏本同，今本易作益，誤。』按無易，猶言不變易也。

〔一八〕不事，衡石、翼龜云：『事，猶關也；石，權也。言衡石不私於人，而人亦不望於衡石，各不相關焉。』按不事二字之義，與易『不事王侯』之不事相同，猶言不干求也。纂聞云：『管子：權衡者，所以起輕重之數也。然而人不事者，其心非惡利也；權不能爲之多少其數，而衡不能爲之輕重其量也。人知事權衡之無益，故不事也。』翼龜云：『後漢馮衍傳：棄衡石而意量兮，注：衡，秤衡也；三十斤爲鈞，四鈞爲石。』

〔一九〕爲私，各舊本俱作『爲私利』三字。集解云：乾道本私下有利字。按利即私之誤而複者，官不敢枉法，吏不敢爲私，二文相對，不當多一字，御覽八百三十引正無利字，今據刪。茲從之。不行者之者字，乾

道本脫，迂評本、趙本、凌本有。集解云：顧廣圻曰：藏本同，今本行下有者字，誤。先慎曰：御覽引亦有。按此者字所以頓上文，起下文，宜有，茲從迂評等本補。

慈母之於弱子也，愛不可爲前。〔一〕然而弱子有僻行，使之隨師，有惡病，使之事醫。〔二〕不隨師，則陷於刑，不事醫，則疑於死。〔三〕慈母雖愛，無益於振刑救死，則存子者非愛也。〔四〕子母之性，愛也；臣主之權，策也。母不能以愛存家，君安能以愛持國？〔五〕明主者，通於富強，則可以得欲矣。故謹於聽治，富強之法也。明其法禁，察其計謀，法明，則內無變亂之患，計得，則外無死虜之禍。〔六〕故存國者，非仁義也。仁者，慈惠而輕財者也；暴者，心毅而易誅也。〔七〕慈惠，則不忍，輕財，則好與，心毅，則憎心見於下，易誅，則妄殺加於人，不忍，則罰多有赦，好與，則賞多無功，憎心見，則下怨其上，妄誅，則民將背叛。故仁人在位，下肆而輕犯禁法，偷幸而望於上；暴人在位，則法令妄而臣主乖，民怨而亂心生。〔八〕故曰：仁，暴者，皆亡國者也。〔九〕不能具美食，而勸餓人飯，不爲能活餓者也。不能辟草生粟，而勸貸施賜與，不爲能富民者也。〔一〇〕今學者之言也，不務本作而好末事，知道虛聖以說民，〔一一〕此勸飯之說，勸飯之說，明主不受也。

校釋 〔一〕愛不可爲前，宋本注云：『不可先以愛養之也。』平議云：『愛不可爲前，猶言無前於此者，正見其愛之至也。舊注非是。』

〔二〕僻行、邪行也。事醫、求醫也。

〔三〕疑於死、冀云：「疑、比也，讀若侈疑於君之禍。」按疑與擬通，猶言近也，等也。疑於死，與白話「快要死」之意相似。新釋解疑爲懼，失之。

〔四〕振翼云：「拯也。」存子傳校云：「說文存恤問也，此處作恤養解，與下文存家存國之作保存解者略異。」

〔五〕之權之字，評本脫，茲從乾道本。筭、冀云：「史記五帝紀注：筭、數也；愚謂猶言計算也。」按臣主異利，常用計算之心以相待，故曰：「臣主之權，筭也。」參閱六反篇。持國保國也。

〔六〕則外之則字，集解云：「乾道本則作於。顧廣圻云：今本於作則。今據改。」按迂評本、趙本、凌本俱作則，是茲從之。死虜之禍，謂外患也。

〔七〕仁義之義字，纂聞依山氏說，改爲暴字，未可從。此句正對上文「君安能以愛持國」而言。下文雖以暴與仁對言，乃另一意，不可依義改暴爲義，亦不可依暴改義爲暴也。集解云：「顧廣圻曰：暴當作義。先慎曰：顧說非。此以仁暴對言，心毅則憎心見於下，易誅則妄殺加於人，即暴之實迹，若義則無殺心妄殺之事。下暴人在位與仁人在位比勘，尤其證。此意謂仁人之亡人國，無異於暴人之亡人國也。」

〔八〕毅纂聞云：「忍也，酷也。」臣主乖翼云：「君臣不和。」

〔九〕國者之者字，迂評本脫，茲從乾道本。

〔一〇〕美食點勘云：『美當作羹。』兩爲能字，迂評本、趙本、凌本作『能爲。』集解云：『盧文弨曰：爲能二字舊倒，今從藏本，下亦當同。』先慎曰：乾道本作爲能，不誤。茲從之。辟與闢同，辟草，墾草也。

〔一一〕知道虛聖，識誤云：『藏本同，今本無知字，聖作惠，皆誤。』按迂評本、趙本、凌本俱作『道虛惠』三字，蓋以不解『知道虛聖』之意而誤改者。知，讀爲智，智詐也，道，言也，說也；虛聖，非實有之聖人也。儒家以仁義假託於堯、舜、禹、湯、文、武以爲說，卽詐稱虛聖以悅民也。

書約而弟子辯，法省而民萌訟。〔一〕是以聖人之書必著論，明主之法必詳事。〔二〕盡思慮，揣得失，智者之所難也；無思無慮，挈前言而責後功，愚者之所易也。〔三〕明主操愚者之所易，不責智者之所難，故智慮不用而國治也。〔四〕酸、甘、鹹、淡，不以口斷，而決於宰尹，則廚人輕君而重於宰尹矣。〔五〕上、下、清、濁，不以耳斷，而決於樂正，則瞽工輕君而重於樂正矣。〔六〕治國是非，不以術斷，而決於寵人，則臣下輕君而重於寵人矣。人主不親親聽，而制斷在下，託食於國者也。〔七〕使人不衣，不食，而不飢不寒，又不惡死，則無事上之意，意欲不宰於君，則不可使也。今生殺之柄在大臣，而主令得行者，未嘗有也。〔八〕虎豹，必不用其爪牙，而與麋鼠同威；萬金之家，必不用其富厚，而與監門同資。〔九〕有土之君，說人不能利，惡人不能害，索人欲畏重己，不可得也。〔一〇〕人臣肆意陳欲曰「

俠，「人主肆意陳欲曰「亂。」人臣輕上曰「撓。」人主輕下曰「暴。」「二」行、理、同、實、下以受譽，上以得非；人民大得，人主大亡。「三」明主之國，有貴臣，無重臣。貴臣者，爵尊而官大也；重臣者，言聽而力多者也。「三」明主之國，遷官襲級，官爵授功，故有貴臣；言不度行而有僞必誅，故無重臣也。「四」

校釋 「一」民萌訟，迂評本作「民說簡」，乾道本、趙本、凌本作「民訟簡」。識誤云：簡當作萌，在訟字上。萌，氓也；民萌訟，與弟子辯相對，訟，猶辯也。「按：識誤所說是，茲據改。書約而弟子辯，謂書文簡約，則弟子各執一說以相辯也。法省而民萌訟，謂法文省約，則人民各執一詞以相爭也。」

「二」著論，翼龜云：「著，明也；詳也；論，說也。」著論，則弟子不辯矣。詳事，集解云：乾道本詳下有盡字。顧廣圻曰：今本無盡字，按此不當有。今據刪。「按：迂評本、趙本、凌本詳下俱無盡字，是詳事，謂法文詳於所斷之事；如此，則人民不訟矣。」

「三」繫新釋云：「持也。」

「四」操字，乾道本作慮，茲從迂評本、趙本、凌本。識誤云：「藏本同，今本慮作操，誤。」按：上文言無思無慮，下文言智慮不用，此作操較慮爲宜，故不從識誤。不責各舊本俱作以責。識誤云：「以當作不。」茲據改。智慮二字下，乾道本、趙本有力勞二字，茲從迂評本、凌本。

〔五〕宰尹翼毳云：『尉人長。』重於之於字，迂評本、張本下兩句無，此句有，茲從乾道本、趙本、凌本，按重指權言，於字宜作在字解。翼毳云：『呂氏春秋期賢篇：衛有士十人於吾所，注於猶在也。左昭十一年傳注：歲復在大梁，釋文在本作於。』

〔六〕上下翼毳云：『聲之浮沉。禮、玉藻云：瞽御幾聲之上下。』樂正新釋云：『樂官長也。』瞽工，即樂師；古樂師多以瞽者充之，故云，亦簡稱瞽。

〔七〕託食，解詁云：『讀託食，寄食也。管子明法曰：生穀之柄，不制於主，而在羣下，此寄生之主也。』

〔八〕宰翼毳云：『制也。』之柄之之字，集解云：『乾道本作人，今據張榜本、趙本改。』按迂評本亦作之。〔九〕而與，集解云：『而猶則也。而則古通用，見經傳釋辭。』鼯鼠，鼯音奚，翼毳云：『小鼠也。』監門，守門者。

〔一〇〕說，讀爲悅。

〔一一〕矯字，各舊本俱作驕。翼毳云：『驕，矯通，壯也。詩云：矯矯虎臣。中庸云：強哉矯。』扎移云：『驕當作矯，謂矯君也。荀子臣道篇云：有能比知同力，率羣臣百吏而相彊君，君雖不安，不能不聽，遂於解國之大患，除國之大害，成於尊君安國，謂之輔。』即此所謂人臣輕上曰矯。此俠與矯皆美名，亂與暴皆惡名，故云下以受譽，上以得非。若作驕，則不得爲譽矣。矯字又作矯。荀子楊注：矯與矯同，屈也。後忠孝篇云：故烈

士不爲家亂世絕嗣而外矯於君，義亦同。』按扎遼說是，茲據校改。

〔一二〕行理同實，謂行與理之實相同，而毀與譽之名竟如此相異也。非翼龜云：『誹通。』

〔二三〕貴臣者，集解云：『乾道本者上無臣字。顧廣圻云：藏本今本有臣字。先慎案有臣字是，今據補。依下文也上當有者字。』按迂評本趙本、凌本俱有此臣字。

〔一四〕遷官襲級，謂須按級升官也。官有等級，必須循序遷，是謂襲級；反是則爲『超級』或『越次』或『不待次』。讀云：『襲級，循資格也。』官爵授功之授字，各舊本俱作受。集解云：『顧廣圻曰：句有誤。先慎曰：此言遷官襲級，必因其功而官爵之。官爵受功，與八經篇云爵祿循功，語意正同。』翼龜云：『受一作授，是。』纂聞云：『授作受，誤。』井曰：授有功者。』按作授是，茲據改。言不度行，謂言行不符也。

八經

釋題 本篇原爲第十八卷、第四十八篇。凡理法之不可易者，通稱曰經。又凡以經名者，皆詞約而義博。八經之得名，以本篇所言有八術，爲人君治國所不可易者。

提要 本篇主旨，在分別說明人主治國之八術：（一）因情、言因人情以立賞罰，（二）主道、言用一人不
如用一國，（三）起亂、言審知臣主異利以防姦，（四）立道、言詳行參伍之道以察姦，（五）周密、言務周密、不
輕喜怒，（六）參言、言聽言督其用、課其功，（七）任法、言賞必出乎公利、名必在乎爲上，（八）類柄、言不尊私
行以貳主威。

考證 本篇在思想上絕無疑點，但在文字上則稍有脫誤。迂評云：『篇內多怪句譌字，蓋言術也。』又
云：『八經每篇逐段爲支節，意不相屬，詞不照應，非一片起伏首尾之文也。』識誤云：『此篇多不可通。』
按本篇以經名，已詞約而難讀，又有脫誤當更難解矣。原節目有脫誤。五節較他節特多，而其末句言賢知
言福善，不類法家語，恐此係原文有脫簡，後人增補，致用詞不甚洽而然。其他各節，俱合於韓子思想，絕無
可疑云。

（一）因情。——凡治天下，必因人情。人情者有好惡，故賞罰可用；賞罰可用，則禁令可立；

禁令可立，而治道具矣。^{〔三〕}君執柄以處勢，故令行禁止。柄者，殺生之制也；勢者，勝衆之資也。^{〔三〕}廢置無度，則權濫，賞罰下共，則威分。^{〔四〕}是以明主不懷愛而聽，不留說而計。^{〔五〕}故聽言不參，則權分乎姦；智術不用，則君窮乎臣。^{〔六〕}故明主之行制也天，其用人也鬼。^{〔七〕}天則不非，鬼則不因。^{〔八〕}勢行，教嚴而不違，毀譽一行而不議。^{〔九〕}故賞賢罰暴，舉善之至者也；賞暴罰賢，舉惡之至者也。是謂賞同罰異。^{〔一〇〕}賞莫如厚，使民利之；譽莫如美，使民榮之；誅莫如重，使民畏之；毀莫如惡，使民恥之。然後一行其法，禁誅於私家，不害。^{〔一一〕}功罪賞罰必知之，知之，道盡矣。^{〔一二〕}

校釋 ^{〔一〕}因情宋本注云：『一日收智，』此節目原在節末，另爲一行，茲移於節首，以便閱覽，下同。此

類節目，恐韓子原文未必有，蓋後人所加者。翼云：『管子心術篇云：因也者，舍己而以物爲法者也。』

^{〔二〕}禁令可立四字，乾道本不重，茲從汪評本。禁與令爲二義。禁者，令其不行爲也；令者，令其行爲也。故

下文云『令行禁止。』

^{〔三〕}此謂主權在君，而主權又具有強制力也。

^{〔四〕}廢置無度，翼云：『廢置，猶黜陟也；無度，貨賂公行，請謁並聽，失法制也。』下共賞罰之權應操於

上，而下亦有之，是與下共之，則主威爲其所分矣。

^{〔五〕}不懷愛，謂不以有所愛於心而偏聽也。翼云：『物氏曰：說音悅，是物氏讀留如宿諸之宿，』

不以留悅之心而計事也。』

〔六〕智術乾道本作智力，茲從迂評本、趙本、凌本。識誤云：『藏本同，今本力作術，誤。』按本篇俱言術，作術是，識誤未可從。不參謂不多聞多聽，而爲一人之言所蔽也。

〔七〕行制也。天宋本注云：『不可測也。』按天謂賞罰如天之無所偏私也。用人也。鬼宋本注云：『如鬼之陰密。』按人字疑爲術之誤。鬼謂用術之隱密也。

〔八〕非宋本注云：『既高不測，誰能非之。』按非與誹通，賞罰既如天之無所偏私，則無可誹矣。因字各舊本俱作困。宋本注云：『既陰密，誰能困之。』纂聞云：『好惡不示，故無可困。』揚權篇：主上不神，下將有因。曰鬼曰神，其意一也。因元作困，寫者誤。歸震川評選本亦作困。按作因是，茲據改。

〔九〕勢行謂主權之行使。教嚴謂督責之嚴厲。而字上各舊本原有逆字。宋本注云：『雖逆天下不敢違，此勢之用也。』纂聞云：『逆字與違字形似而衍。』按『不敢違』於義已足，且依下句文例，似不必再有逆字，茲據刪。一行猶言同行，通行謂毀譽與賞罰相同，而無私議也。

〔一〇〕賞同罰異同異二字之意，與黨同伐異之同異相似。善者賞賢罰暴，惡者則賞暴罰賢，是皆賞其同於己者，而罰其異於己者。

〔一一〕禁誅識誤云：『禁誅連文，姦劫弑臣篇云：以禁誅於己也；外儲說右篇云：夫不處勢，以禁誅擅愛

之臣皆可證。『傳校云：『誅、說文、討也，从言，朱聲。段注：凡殺戮剝責皆是。按誅責應作誅，誅殺應作殊。說文：殊，死也。漢令曰：蠻夷有令則殊之。莊子在宥篇：殊死者相望也。今殊殺字作誅，誅行而殊廢矣。』按本書所用誅字，非必誅殺之謂，多指誅責耳。不害集解云：『即無害。』

〔一二〕功罪迂評本、趙本、凌本作公罪，屬上讀，茲從乾道本、藏本。翼義云：『有功者，必知而賞之；有罪者，必知而罰之。』知之二字，纂聞云：『疑複衍耳，宜作治道盡矣。』

（二）主道。〔一〕——力不敵衆，智不盡物，與其用一人，不如用一國。〔二〕故智力敵，而羣物勝。〔三〕揣中則私勞，不中則任過。〔四〕下君，盡己之能，中君，盡人之力，上君，盡人之智。〔五〕是以事至而結智，一聽而公會。〔六〕聽不一，則後悖於前，後悖於前，則愚智不分。〔七〕不公會，則猶豫而不斷，則事留自取。〔八〕一聽，則毋墮壑之累。〔九〕故使之諷，諷定而不怒。〔一〇〕是以言陳之日，必有筴籍。〔一一〕結智者，事發而驗，結能者，功見而論。〔一二〕成敗有徵，賞罰隨之。〔一三〕事成，則君收其功，規敗，則臣任其罪。〔一四〕君人者，合符猶不親，而況於力乎？事至猶不親，而況於懸乎？〔一五〕故其用人也，不取同，同則君怒。〔一六〕使人相用，則君神，君神則下盡，下盡則臣不因君，而主道畢矣。〔一七〕

校釋 〔一〕主道宋本注云：『一日結智。』

〔二〕智力宋本注云：『用君一人之智力，不如任衆而用一國也。』難三篇云：『夫物衆而寡，寡不勝。』

衆，智不足以徧知萬物，故因物以治物。下衆而上寡，寡不勝衆，君不足以徧知臣，故因人以知人。」

〔三〕而與則同。智力敵而羣物勝，猶言以君一人之智力敵羣物，則爲羣物所勝矣。

〔四〕揣測度也。任過迂評本作有過，乾道本作在過。識誤云：『藏本同，今本在作有。』集解云：『在當作任，形近而誤，今本以臆改也。』按作任是，今據改。讀云：『謂用智之弊也，中皆去聲。』

〔五〕下中上謂君之高下也。纂聞云：『下君，矜而自用；中君，賞罰既立，羣臣不忘。上君，則集思廣益，事盡其宜也。』

〔六〕結智猶言集思廣益也。翼彘云：『結，會也；汜論訓注：結，聚也。』纂聞云：『聚結衆智，擇其善者，以斷事也。』一聽翼彘云：『一一而聽也，謂徧謀於衆也。』公會猶言會合衆議，而以公取決之。纂聞云：『不挾私而采擇之也。上文明主不懷愛而聽，不留悅而計是也。』

〔七〕聽不一，謂不徧謀於衆，一一而聽之，但與一人謀也。後倖於前，謂後言與前言相反也。

〔八〕事留自取，識誤集解以自取二字屬下讀，茲從迂評本。趙本、凌本讀云：『謂百事留廢，其卒必至君自以其意取裁之也。』

〔九〕一聽之聽字，乾道本脫，毋字下衍道字，茲從迂評本。藏本、墮壑翼彘云：『孟子注：壑，路壑坑壑也。毋墮壑之果，無爲人所陷之患也。』

〔一〇〕翼云：『廣雅云：諷告也。孔子家語：孔子爲魯司寇，斷獄訟，進衆議者而問之曰：子以爲奚若某以爲何若。皆曰云云，如是然後夫子曰：當從某子幾是。是使之諷也。唐有轉對之制，宋太祖因之，許令百官轉對，亦諷告之遺意也。』諷定猶言定議也。不怒，乾道本無不字，茲從迂評本。趙本、凌本。識誤云：『藏本同，今本而下有不字，按句有誤，未詳。』補箋云：『廣雅釋詁：怒，責也。下文云：同則君怒。又云：行參必折，揆伍必怒。不折則瀆上，不怒則相和。折之微，足以知多寡。怒之前，不及其衆。又云：故姦得而怒。諸怒字皆斯誼，蓋盛氣而詞責之，卽怒也。』纂聞云：『諷議詳審，是非判斷，則事功成，而無危陷之患，故君無怒也。』

〔一一〕日字，迂評本、凌本作由。集解云：『乾道本日作曰，趙本作由。盧文弨云：藏本作日，是。今據改。』策籍猶言記錄也。讀云：『謂羣下奏言者，不得徒說，必有筴籍，因以爲據也。』翼云：『管子：君臣篇：有符璽典法筴籍以相揆也。』

〔一二〕結能猶言竭盡才能也。論字，各舊本俱作謀。集解云：『規當作論，字之誤也。』茲據改。纂聞云：『待事成後，量其功大小，而議其賞厚薄；如此，則有能者自勸，無能者自退，不得誣其能也。』

〔一三〕成敗二字，乾道本誤重，茲從迂評本。

〔一四〕規敗，規畫失敗也。

〔一五〕合符，符以木爲之，書文字其上，剖而爲二，各存其一，合之以爲徵信者。合符之事，本極重要，然人

君猶不親爲，而令臣下爲之，況於勞力之事乎？事至各舊本俱作「事智識誤云：『智當作至』」按上文「事至而結智」，卽此「事至猶不親」之意。事至猶言事變臨頭也。作至是茲據改。懸謂事未至而加以懸揣也。

〔二六〕其字、各舊本俱作非。纂聞云：『其作非，寫者誤。』解詁云：『非、合作其。』茲據改。不取同。翼毳云：『同、比周也；不取比周相譽者。』纂聞云：『說疑篇：內外左右，其諷一而語同。下文云：觀聽之勢，其徵在比周而賞異，誅罰而罪同，此其義也。』同則君怒謂比周相譽，則君責之。

〔二七〕君神。乾道本不重，茲從迂評本。翼毳云：『神，言不可測也。使人人各相用其智，而君制於後，則不測如神。』下『下盡』二字，乾道本作『下盡下』，迂評本作『盡下』，皆誤。茲從趙本。凌本讀云：『臣盡心力。』臣不因君。臣字下乾道本、趙本、凌本衍上字，茲從迂評本。纂聞云：『好惡不示，何因爲姦？』翼毳云：『因者，下文所謂臣有二因，揚權篇云：主上不神，下將有因。』

（三）起亂。〔一〕——知臣主之異利者王，以爲同者刼，與共事者殺。〔二〕故明主審公私之分，別利害之地，姦乃無所乘。〔三〕亂之所生，六也：主母、后姬、子姓、兄弟、大臣、顯賢。〔四〕任吏責臣，主母不放。〔五〕禮施異等，后姬不疑。〔六〕分勢不貳，庶適不爭。〔七〕權籍不失，兄弟不侵。〔八〕下不一門，上不擁。〔九〕禁賞必行，則顯賢不亂。〔一〇〕臣有二因，謂內、外也。外曰畏，內曰愛。所畏之求得，所愛

言聽此亂臣之所因也。^{〔一〕}外國之置諸吏者，詰誅親暱重帑，則外不藉矣。^{〔二〕}爵祿循功，請者無罪，則內不因矣。^{〔三〕}外不藉，內不因，則姦宄塞矣。^{〔四〕}官襲節而進，以至大任，智也。^{〔五〕}其位至而任大者，以三節持之：曰「質」，曰「鎮」，曰「固」。^{〔六〕}親戚妻子，質也；爵祿厚而必，鎮也；參伍責怒，固也。^{〔七〕}賢者止於質，貪饕化於鎮，姦邪窮於固。^{〔八〕}忍不制則上失，小不除則大誅。^{〔九〕}誅而名實當，則徑之生害事，死傷名，則行飲食，不然而與其讎，此謂除陰姦也。^{〔一〇〕}賢曰「詭」，曰「易」，見功而賞，見罪而罰，而詭乃止，是非不泄，說諫不通，而易乃不用。^{〔一一〕}父兄賢良，播出曰「遊禍」，其患鄰國多資。^{〔一二〕}僇辱之人，近習曰「狎賊」，其患發忿疑辱之心生。^{〔一三〕}藏怒持罪而不發，曰「增亂」，其患微幸妄舉之人起。^{〔一四〕}大臣兩重，提衡而不踣，曰「養禍」，其患家隆刼殺之亂生。^{〔一五〕}脫易不自神，曰「殫威」，其患賊夫酖毒之亂起。^{〔一六〕}此五患者，人主不知，則有刼殺之事。^{〔一七〕}廢置之事，生於內，則治，生於外，則亂。^{〔一八〕}是以明主以功論之內，而以利資之外，故其國治而敵亂。^{〔一九〕}即亂之道，臣憎，則起外若眩；臣愛，則起內若藥。^{〔二〇〕}

校釋 ^{〔一〕}起亂宋本注云：「一曰亂起，蓋以本節言亂之所由起也。」

^{〔二〕}異利纂聞云：「主利在公，臣利在私。內儲云：君臣之利異，故人臣莫忠。故臣利立，而主利滅。」^{〔三〕}以爲之以字下，迂評本有異字，茲從乾道本。集解云：「趙本以下有異字。盧文弨云：藏本無異字。」^{〔四〕}共事翼昆云：

『與臣下共賞罰之事者殺。』

〔三〕別字，乾道本作審，茲從迂評本。地讀云：『所在也。』乘翼龜云：『因也。』纂聞云：『內儲云：事起而有利，其君主之有所害，必反察之。是以明主之論也，國害則省其利者；臣害則察其反者。是乃別利害之境也。』

〔四〕六也。宋本注云：『主母、君幼稱制；后姬、子姓，則強庶逼；兄弟，則公子擅國；大臣、代主執物者，顯賢，則虛名掩君。』讀云：『顯，如顯學之顯。注，強庶，謂庶子之強者；物，柄也。』按主母，謂太后；后姬，謂妻妾；子姓，謂子孫；兄弟，乾道本倒，茲從迂評本。大臣，謂有權者；顯賢，謂有名者。此六者，爲君主時代易於生亂之人。

〔五〕放讀云：『肆也。』集解云：『此謂以法任吏，以勢責臣，則主母有所畏憚，不敢放肆。』

〔六〕禮施謂禮數也。疑解詁云：『擬也。』斟補云：『案疑當作擬，擬卽詭使篇擬妻並后，愛臣篇之主妾無等也。又內儲說下，麗姬貴擬其后妻，亦其證。』按后姬之禮數不同，則姬不擬后，可以免爭矣。

〔七〕分勢不貳。宋本注云：『不令庶子貳適也。』按貳，兩屬也；謂不以權兩屬於適庶也。適讀爲敵，謂嫡子。

〔八〕權籍不失，謂集權也。拾補云：『籍，張本作藉，此亦當同。』職誤云：『籍，讀爲藉。』翼龜云：『籍者，班爵祿之典制也；孟子：諸侯惡其害己也，而皆去其籍。』

〔九〕下不一門。宋本注云：『不令一門專制，則不得擁。』纂聞云：『擁、壅同。亡微篇：大臣甚貴，偏黨衆強，壅塞主斷，而重擅國者，可亡也。』

〔一〇〕顯賢不亂。纂聞云：『禁私行，賞公功，則養虛望者，不得飾辯智以亂國法也。』

〔一一〕二因謂因緣外內以爲姦也。集解云：『外謂敵國內，謂近習。』纂聞云：『八姦篇：大國之所索，小國必聽。』又云：『八姦篇：貴夫人愛孺子，便嬖好色，此人主之所惑也。託於燕處之娛，乘酒飽之時，而求其所欲，此乃必聽之術也。』

〔一二〕詰誅親暱。重帑詰誅。乾道本作結誅。迂評本作誅其。茲從扎遼校改。集解云：『顧廣圻曰：藏本無結字，今本結誅作誅其，皆誤。按帑，讀爲拏，下同。孫詒讓曰：結當作詰，同聲段借字。外國之置諸吏者，謂鄰國之爲內臣求官者，戰國時往往有之。詰誅，謂詰其罪而誅之。王先謙曰：結，孫說是。帑不誤，重帑謂厚幣；敵所親重賂爲反間者，則詰而誅之。』藉借也。乾道本作籍，茲從迂評本，下同。

〔一三〕請者俱罪。謂爵祿一出於功勞，其無功勞而欲得爵祿者，則請者與所請者同罪之。

〔一四〕姦宄塞。乾道本誤作姦充塞，茲從迂評本。集解云：『按作宄是也。塞，訓爲閉。淮南主術訓、晉語注，並云塞，閉也。外不藉，內不固，則姦宄之途閉。後人誤以塞爲充滿，故改宄爲充，以就其義，非也。』

〔一五〕襲節集解云：『猶上言襲級，節級義同。以節持之，亦謂以上下之等治之。』智字疑爲功字之誤。

蓋官以功襲級而進，非以智襲級而進也。

〔二六〕位至猶言位極，位高也。三節猶言三事、三法也，即指質、鎮、固三者。集解以此節字與襲節之節字同義，誤。

〔二七〕質，讀云：『以親戚妻子爲質也。』必謂賞之信也。鎮，謂爵祿安定之。責怒，各舊本俱作貴帑。集解云：『貴帑當作責怒，形近而誤。』下立道云：行參以謀多，揆伍以責失；行參必折，揆伍必怒，即其義。按集解說是，茲據改。纂聞以參伍責怒四字爲父母墳墓之訛，未可從。參伍責怒，爲形名之一術，所以考察臣下而使之穩定者，故名之曰『固』。

〔二八〕止於質，謂因親戚妻子爲質，即足止其姦心也。貪饕，謂嗜利者。嗜利者貪得爵祿，不敢爲姦，是爲爵祿所化矣。窮於固，襲義云：『參伍之政，姦邪無所逃。』

〔二九〕上失二字，乾道本作下上，藏本作上下，趙本、凌本作下失，茲從迂評本。忍不制則上失，謂人主對於臣下之姦邪，隱忍不加制裁，則上失其權於下矣。小不除則大誅，讀云：『小姦不除，必至大誅。』

〔三〇〕誅而名實當則徑之，乾道本無誅字，迂評本、趙本、凌本無誅而二字，茲從識誤校補。徑字下疑亦脫誅字。識誤云：『而字上當更有誅字。徑者，謂顯誅也；下文乃隱誅之。生者不誅也，害事者實不當也；死者誅之也，傷名、名不當也；則行飲食者，以飲食行其誅也；不然者，不行飲食也，而與其饑，以所誅與其饑也。故

曰此謂除陰姦也。」

〔二〕「翳」字迂評本、趙本、凌本作緊。詭字、乾道本、趙本、凌本重，茲從迂評本、藏本。見功、迂評本、趙本、凌本俱作易均。集解云：「乾道本翳作醫，見功作易均。拾補：翳字下旁注緊字，易功作見功。盧文弨云：緊、秦本作醫，詭字、藏本不重，見功、張本作易功，亦譌。俞樾云：翳者、蔽也。下文見功而賞，見罪而罰，而詭乃止矣，見功、見罪、是不翳也；不翳而詭乃止，可證翳曰詭之義。先慎案俞說是，改從拾補。」補箋云：「按曰當爲因，蓋因或作回，回譌爲曰也。翳、蔽也；詭、詐也；易、輕也。人臣輕其君則行詭詐，行詭詐則君壅蔽，故曰翳因詭，詭因易也。揆之下文，其意符洽。俞樾說迂曲。」懌補云：「按易與施同，詩、彼何人斯，我心易也，韓詩作施。大戴文王觀人篇：徑施不拂，荀子正名篇作經易而不拂，均易與施通之證，施卽邪也。」今按此句宜作「翳曰詭曰易」，猶言人君之所以爲人臣所蔽者，其道有二，曰詭、曰易。讀云：「詭、詭機下事以欺上也；易、更易上令以欺下也。」詭、易二字蓋如此。賞罰以功罪而定，則人臣不能以詭詐欺君，故曰「而詭乃止」。是非不泄，謂君不以所聞之是非輕洩於衆臣也。說諫不通，謂君不以臣之諫說漏於他人也。如此則羣臣無所資藉以更易上令，故曰「而易乃不用」。

〔三〕「播」字猶言出亡在外國也。父兄賢良出亡在外，則思借外力以復仇，而外國又思用之以爲侵略之嚮導，故諡之曰「遊禍」。伍子胥奔吳，吳用以攻楚；晉重耳奔秦，秦用以謀晉，皆遊禍之類也。

〔二三〕狎賊與賊親近也。以侮辱之人爲近習，則彼必常思所以報仇。故曰狎賊。翼彘云：『心當作臣。齊懿公別邴歆之父，而使歆僕，納閭職之妻，而使職驂乘，後二人謀弑懿公，即是類。』

〔二四〕增亂謂益增禍亂也。作姦之臣，本應罰者。今人君心惡之而不卽罰之，則姦臣恐見罪，而益思作亂矣。翼彘云：『持讀若持滿之持。如褚師逐衛侯，子公弑鄭君之類。』

〔二五〕提衡而不踣，猶言使其權威對峙而無所偏屬也。翼彘云：『踣偏重也。』養禍各舊本原作卷禍，茲依扎遼校改。扎遼云：『卷當作養，謂養成禍亂也，養卷形近誤。』家隆權重曰隆。荀子云：『君者，國之隆也。』又云：『隆一而治，隆二而亂。』家隆卽謂卿大夫之權重也。纂聞云：『戴驪皇喜敵，而宋君劫田常闕止爭，而簡公弑，卽此類也。』扎遼云：『隆讀爲閔。呂氏春秋：察微篇：楚卑梁公舉兵攻吳之邊邑，吳王怒，使人舉兵侵楚之邊邑，吳楚以此大隆。大隆卽大閔也。孟子云：邾與魯閔，孫奭音義引劉熙注云：閔，構也，構兵以闕也。說文門部云：閔，闕也。此云家隆，卽家閔，亦謂私家構兵以闕也。隆與閔古音相近，得相通借。古文苑揚雄宗正箴云：昔在夏時，太康不恭，有仍二女，五子家降。降與隆聲類亦同，古字通用。彼家降，此家隆，事異而義同。』

〔二六〕彈威各舊本原作彈威，茲依集解校改。集解云：『彈，疑彈，形近而誤。脫易不自神，則威竭盡於外。彈威無義。』解詁云：『脫易，輕脫也；彈，彈也，單落也。』自神，纂聞云：『猶云自重也。荀子：天子者，勢至尊，居

如大神，動如天帝，亦謂其尊嚴可畏也。」

〔二七〕主字下，乾道本、趙本、凌本有之字，茲從迂評本。集解云：「主下之字當衍文。」

〔二八〕廢置，謂任免官吏也。纂聞云：「此至章末，覆說上文外因之義也。臣之用舍，一出於我，則臣盡公忠而國治；聽大國之請求而用舍，則臣務外交而國亂。」

〔二九〕以功論之內，謂對國內須論功行賞也。以利資之外，謂對外國，以利賄其羣臣也。纂聞云：「內儲云：參疑廢置之事，明主絕之於內，而施之於外，資其輕者，輔其弱者，此謂廟攻。參伍既用於內，觀聽又行於外，故敵僞得與此段意相發明。」故其二字，迂評本、趙本、凌本作是故。集解云：「乾道本故其作其故。」盧文弨曰：張本作故其。顧廣圻云：今本其作是，按句有誤。先慎案故其，語已明顯，今據改。茲從之。

〔三〇〕即亂，迂評本、趙本、凌本作『即亂亡』三字，茲從乾道本。集解云：「顧廣圻曰：按句有誤。王先謙曰：即就也；即亂，猶左傳言即死，謂去安就危也。」臣憎臣愛，翼云：其臣憎於君，則外藉大國之權，以眩其主，所謂外因也。內儲說云：是以姦臣者，召敵兵以內除，舉外事以眩主。其臣愛於主，則因燕虞醉飽，以爲其私，猶毒藥入於腹而發起也，所謂內因也。」

（四）立道。〔一〕——參伍之道，行參以謀多，揆伍以責失。〔二〕行參必折，揆伍必怒。〔三〕不折則瀆上，不怒則相和。〔四〕折之微，足以知多寡；怒之前，不及其衆。〔五〕觀聽之勢，其徵在罰比周而

賞異，誅毋謁而罪同。〔六〕言會衆端，必揆之以地，謀之以天，驗之以物，參之以人——四徵者符，乃以觀矣。〔七〕參言以知其誠，易視以改其澤，執見以得非常，〔八〕一用以務近習，重言以懼遠使，〔九〕舉往以悉其前，即邇以知其內，疏置以知其外，〔一〇〕握明以問所聞，詭使以絕黷泄，倒言以嘗所疑，論反以得陰姦，〔一一〕設諫以網獨爲，舉錯以觀姦動，〔一二〕明說以誘避過，卑適以觀直諂，宣聞以通未見，〔一三〕作關以散朋黨，深一以警衆心，泄異以易其慮，〔一四〕似類則合其參，陳過則明其固，〔一五〕知罪辟罪以正威，陰使時循以省衷，〔一六〕漸更以離通比，下約以侵其上，〔一七〕相室約其廷臣，廷臣約其官屬，軍吏約其兵士，遣使約其行介，縣令約其辟吏，郎中約其左右，后姬約其宮媛，此之謂條達之道。〔一八〕言通事泄，則術不行。〔一九〕

校釋 〔一〕立道，翼義云：『立參伍條達之道。』本節專言參伍之術，及人君所用以考察羣臣者。

〔二〕參伍易，參伍以變，錯綜其數，注云：『參，三也；伍，五也。或三或伍，以相參合，以相改變也。』荀子：

『參伍明，謹施賞刑。』注云：『參伍，猶錯雜也。謂或往參之，或往伍之，皆使明謹施其賞刑，言精研不使僭

濫也。』按此所謂參伍，蓋指詳細錯綜以考察羣臣之術也。行參猶言多方諮詢意見也；多方諮詢意見，則

羣下之有材與否可以知之，故曰『謀多。』集解云：『多，猶勝也，賢也。』揆伍猶言多方考察情僞也；多方

考核情僞則羣下之有姦與否可以知之，故曰責失。

〔三〕折字，乾道本、趙本、凌本作拆，茲從迂評本。拾補云：『藏本、張本作折，下同。』纂聞改爲析，誤。集解云：三人从二，不用者必折抑之。翼義云：『拆、分異也。』亦未可從。新釋云：『折、斷也。』國字解云：『校注云：折曲也；謂與臣下屈折論難所陳言之事，以察其虛實也。』按折乃謂就所詢得之意見，而反問之。再三反問，則臣不得以浮詞亂聽，故下文云：『不折則瀆上。』反問入微，則非確有所見者不能置答，故下文云：『折之微，足以知多寡。』多寡，卽謂臣下所見之深淺也。怒本義爲氣憤，引申則有譴責之意，又有嚴厲之意。本節所用怒字，蓋兼有譴責與嚴厲二義。授伍必怒，猶言考察情僞必須嚴厲也。

〔四〕瀆上，謂以浮詞瀆亂上聽也。相和，謂羣下朋比爲奸也。集解云：『羣下和同，非上之利，故必責以怒之。』

〔五〕微，乾道本作微，茲從迂評本。趙本、凌本、集解云：『此謂分別衆謀於極微，始知得失之多少，作微字是。』補箋云：『按制分篇：然則去微姦之奈何？孫詒讓云：當云微姦之法奈何？微者，隨之借字，說文見部云：隨，司也。按此微字亦借爲隨，折之必加司察，故曰折之微，足以知多寡也。王先慎說非是。』按微姦猶言細姦，不必從孫說以微爲隨。此微字亦當作細微解，謂折問入於細微，則多寡可知也。補箋之說未可從。前翼義解爲『未然』，纂聞解爲『始』，新釋解爲『漸』，俱未可從。補箋云：『按前、剪、正、俗字，此謂怒而剪裁之，刑罰僅及其人，不及其衆也。說文：將，不行而進謂之將，從止，在舟上，卽前、後、本字也。又剗、齊，斷也，从刀，齊。』

聲，隸變作前，即剪裁本字也。古書通以前爲莽，以翦爲前，俗又造剪以當前，於是莽字廢，而前之本義亦廢，獨此猶用前之本義，甚可貴也。古書多以翦爲前者，音同通用。莊子人間世篇：不爲社者，且幾有翦乎？釋文：崔本翦作前。周禮巾車：木路前樊鵠纓，鄭注：前，讀緇翦之翦，是前翦通用之證。按補箋說是，怒之前，猶言怒責亦不可漲也。

〔六〕在字下罰字，各舊本俱無，依補箋校補。異字下，乾道本趙本，凌本有也字，茲從迂評本。拾補云：『也字衍。』誅毋謁三字，迂評本趙本，凌本作誅罰，茲從乾道本。集解云：『毋字衍，誅謁，即上文爵祿循功，請者俱罪意。』補箋云：『按此當作其徵在罰比周而賞異，誅女謁而罪同。罰字，轉寫脫去；女，毋篆形相近而譌也。知脫罰字者，罰與賞對，誅毋謁而罪同句，今本毋作罰，即上句罰字竄入下句，而下句又脫女字也。知毋當作女者，詭使篇云：女謁並行，是其例證。王先慎說非是。』今按罰字宜在徵字下，補箋所說是。但毋字，宋本不誤。謁，謂告姦，毋謁，謂不告姦也。不告姦則有罰，故曰『誅毋謁』。下文云：『謁過賞，失過誅』，即其義。賞異，賞不比周者；罪同，罰比周者。

〔七〕言會衆端，猶言綜合衆說也。四徵，纂聞云：『地利、天時、物理、人情，用此四者，計度比例，以取考證，然後是非善惡可斷也。』翼義云：『禮記注，物謂事驗也。』

〔八〕易視以改其澤，集解云：『改當作攷，形近而誤。澤，讀爲擇，謂擇守也。參聽人言，以審察其誠否；易地

而觀，以考驗其擇守。禮記射義：澤者，所以擇士也。澤有擇義，其字又相通。曲禮鄭注：澤或作擇，是其證。按易視，謂既已親近之，忽又疏遠之，是改變其恩澤也。改字不誤。纂聞云：『不爲愛憎變操者，誠忠之臣也。故有時示威怒，改恩情，亦察忠邪之情也。』執見翼義云：『執見在之物，以察陰情，非常謂難察之事也。』

〔九〕一用猶言專任不兼職也。讀云：『專職以使令之，所以使近臣各有所務也。』翼義云：『務讀爲矜，此是韓昭侯調典衣與典冠之類。』補箋云：『務當作矜，形近而譌。矜，借爲兢。詩：小旻戰戰兢兢，左宣十六年傳作戰戰矜矜，卽矜，兢通用之證。爾雅釋訓：兢，戒也，則單言兢，亦有戒誼矣。』按廣韻：『務，專力也，易言之，卽力不他務也。此作務本字解，卽可通，不必改爲矜。重言，乾道本誤作重官，茲從迂評本，猶言複說也。』翼義云：『重言，再詔也。遠隨者各各詔入，再三屬託，無他故焉，彼必相疑，不至爲姦。內儲說所謂屬敬縣令遣市者行，而召公大夫而還之之類。』集解云：『重其禁令，則遠使知懼，』是以重讀去聲，亦可通。

〔一〇〕舉往以悉其前猶言考察其經歷也。卽通翼義云：『通，武王不泄通之通，就親暱而探其內情，卜皮知御史陰情之類。』疏置平議云：『當作置疏，疏與通對，今作疏置，則不對矣。』翼義云：『疏，不親也；置，所置也。親所置，則姦人修飾難察矣。故不親所置之姦，以知其外姦。揚權篇云：欲治其內，置而勿親，欲治其外，官置一人。』按卽通蓋謂置之親近，以察其內情；疏置蓋謂置之疏遠，以觀其外形。

〔一一〕明闇明謂已知者，闇謂未知者。纂聞云：『內儲所云挾知而問也。』詭使解詳內儲說上。讀泄翼

蠶云：泄、蝶通；漢書枚皋傳云：好嫚戲，以故得深黜貴幸。纂聞云：荀子注：泄與喋通，慢也。倒言解詳內儲說上嘗試也。論反蓋謂從事之反面察之內儲說下云：『事起有所害，必反察之，是以明主之論也，國害，則省其利者；臣害，則察其反者。』

〔一二〕諫纂聞作陳，非。翼蠶解爲諫爭之官，未可從。集解云：『王渭曰：諫讀爲間，』是以諫爲密查，似乎近之。但諫或爲監，監或讀與諫同。秦官有守尉、監，此諫字與秦官之所謂監同義，又因音同而誤，或借者。綱繩也，謂糾繩也。獨爲集解以『爲讀爲僞』誤。翼蠶云：『言專任也；揚權篇云：上不與義之，使獨爲之，是也。』按專任之官，或設間以伺之，或設監以繩之，則不敢爲姦矣。舉錯與舉措不同義，蓋謂指責錯誤也。翼蠶以『舉直錯諸枉』釋之，未可從。

〔一三〕明說纂聞云：『循法則賞，循私則罰，明說此義，指示誘導，使各自知逃過避刑也。』卑適謂態度之卑謙順適，如是，則羣下之爲直或諂易察矣。宣聞宣布所聞者，未見即未聞者，宣聞以通未見，與上『握明以問所聞』之術相近，內儲說上所言韓昭侯『審南門而三鄉得』，即其類也。

〔一四〕作門讀云：『謂使下相怒不比周也。』深一即內儲說上所謂『深知一物，衆隱皆變』之術也。翼蠶云：『深知一物，衆姦皆懼，周主令索曲杖之類。深藏也，或曰當作探。』警，集解云：『乾道本作敬。顧廣圻云：藏本，今本敬作警。今據改。』按迂評本、趙本、凌本俱作警，敬、警可通。釋名云：『敬，警也，恆自肅警也。』

又警與儆通。韓子原文或本作儆，乾道本之作敬者，乃儆字之脫壞，而警字則後人所改耳。泄異謂故泄不同之事，以改易其觀感也。似類疑似之事也，解詳內儲說下。合參謂疑似之事，必須詳細考察而後處斷也。陳過新釋云：『謂陳言而過當也。』固集解云：『猶故也。』翼龜云：『或云固、故、音通，書有過無大，刑故無小之故也。』又云：『明其固，上文所謂參伍責怒，更切。陳過則明其固，猶言陳說不實，則參伍責怒之也。』

〔一六〕知罪辟罪以正威上罪字，乾道本無，茲從迂評本、藏本、趙本、凌本。正字，各舊本俱作止，依補箋校改。此句因辟字解釋不同，有下三說。集解云：『辟即避字，既知避罪則上可以止威。』翼龜云：『辟，刑也。能知其罪，能刑其罪，人莫犯法，故至於無刑。』書云：辟以止辟是也。補箋云：『爾雅釋詁：辟，舉也。止當作正，形近而譌。』莊子在宥篇：禍及止蟲，釋文：止，崔本作正。應帝王篇：不震不正，釋文：正本作止，即止正，互譌之證。知辟罪以正威者，言知下之罪，則刑罰咸當，而用威得其正矣。王先慎說非是。按『知罪辟罪』之義，宜從翼龜所說。『正威』宜從補箋。省衷，乾道本作省衰，茲從迂評本、趙本、凌本。集解云：『顧廣圻曰：藏本同，今本衰作衷，誤。』王先謙曰：陰遣使循視敵國，省其衰敝之釁。按此句乃言人主考察之一術，非言省察敵國之一術，作衷是，集解所說誤。陰使，密查也。時循，時巡也。翼龜云：『省，讀如退而省其私之省；衷，誠也；省察其誠否。』

〔一七〕漸更謂以漸更調官吏，使不致激變也。通比翼龜云：『謂朋黨比周也。』下約以侵其上，纂聞云：

『居上者約束其下，不得擅行；在下者侵凌其上，有姦必告。管子：君臣之道，下得明上，賤得言貴，故姦人不敢欺。』按下文『相室約其廷臣』等，卽『下約』之注脚。下約以侵上，謂陰結下屬，以與其長上爲難也。解詁以『侵、恐浸誤』，未可從。

〔一八〕軍吏與兵士各舊本互易，依纂聞校乙。行介行人之傳言者，猶今使館隨員也。縣令，迂評本作縣吏，茲從乾道本。拾補云：『令，張本作吏，非。』辟吏，主官自行委任之屬員；辟，辟除也。郎中，近侍也。宮媛，宮女也。條達，翼毳云：『條，枝也；大本約大枝，大枝約小枝，官職之紀綱，猶條枝之通達也。魏策：條達輻湊，注如木枝分布，而四方漊之如輻於轂。』

〔一九〕言通事泄，纂聞云：『通，漏也。』按此句與上文似不甚相貫，翼毳以此句當在下節，待考。又按此句或原與『下約以侵其上』句緊接，自『相室』至『條達之道』四十九字，蓋係注文誤入正文者。此說如不誤，則上下文相貫，而『下約以侵其上』亦可得其解矣。侵字，恐係伺字之誤。下約以伺其上，謂君主暗約下官以圖伺上官之姦邪。但此暗約，如爲上官所知，則不易生效。故曰『言通事泄，則術不行。』

（五）周密。〔一〕明主，其務在周密。是以喜見則德償，怒見則威分。〔二〕故明主之言，隔塞而不通，周密而不見。〔三〕故以一得十者，下道也；以十得一者，上道也。〔四〕明主兼行上下，故姦無所失。〔五〕伍家連縣而鄰，謁過賞，失過誅。〔六〕上之於下，下之於上，亦然。〔七〕是故上下貴賤相畏

以法相誨以利。〔八〕民之性，有生之實，有生之名。〔九〕爲君者，有賢知之名，有賞罰之實，名實俱至，故福善必聞矣。〔一〇〕

校釋 〔一〕周密二字，各舊本俱作參言。按參言二字，全與本篇所言不相干。翼龜、纂聞俱以參言爲下節之目，而以本節原有節目已佚，誤移下節節目於本節，極是。纂聞移末節之『主威』二字於此節，未可從。茲姑依翼龜補『周密』二字於本節以爲目云。

〔二〕見現也。迂評注云：『見，謂不密也。』德儀謂臣借君之喜以示德於人也。讀云：『多所貸也。』翼龜云：『解老篇：君見償，臣則益之以爲德。』集解謂『償當作漬』，未可從。威分謂臣藉君之怒以示威於人也。翼龜云：『解老篇：君見罰，臣則益之以爲威。』

〔三〕周密纂聞云：『外篇云：好惡見，則下有因，而人主惑矣。辭言通，則臣難言，而主不神矣。』

〔四〕下道，上道集解云：『上下二字互誤。』補箋云：『或曰：以一得十者，恃一人之智察，欲得十人之姦也。以十得一者，用十人之相竊，以得一人之姦也。王先謙謂上下互誤，失之。』按『或曰』之說，是蓋即指翼龜纂聞所言，不具引。

〔五〕兼行，翼龜云：『去己智能而任人者，是上道也；明主有時用己智能，是下道也。故曰兼行上下。管子云：智能聰明者，下之職也；所以用智能聰明者，上之道也。』

〔六〕伍家各舊本俱作伍官。翼彙云：『官疑家字之誤。管子：五家爲軌，四里爲連。周禮：五家爲鄰，五鄰爲縣。釋名：五家爲伍，又謂之鄰，鄰連也，相接連也。』按作家字是，茲據改。伍家連縣而鄰，猶言編家爲伍，劃縣爲連，以相聯結，卽謂編保甲也。史記商鞅傳云：『令民爲什伍，而相收司連坐，不告姦者腰斬，告姦者與斬敵首同賞，匿姦者與降敵同罰。』令民爲什伍，卽本節所謂伍家連縣而鄰，告姦卽謁過，不告姦卽失過。集解謂『失字衍』誤。

〔七〕亦然謂官員間亦如民間之保甲，實行告姦連坐之法也。

〔八〕相畏翼彙云：『畏，戒也。』利字各舊本俱作和。識誤云：『句有誤。』集解云：『和當作利。』按作利是，茲據改。斟補謂和當作知，未可從。

〔九〕性謂本性之要求也。生之實謂所以爲生之具，生之名爲何而生之的。此二者皆人性之所要求者。

〔一〇〕賢知讀爲賢智。此句言賢智言福善不甚類法家言，疑有誤。

（六）參言。〔一〕——聽不參，則無以責下；言不督乎用，則邪說當上。〔二〕言之爲物也，以多信。不然之物，十人云疑，百人然乎，千人不可解也。〔三〕訥者言之疑，辯者言之信。〔四〕姦之食上也，取資平衆，藉信乎辯，而以類飾其私。〔五〕人主不厭忿而待合參，其勢資下也。〔六〕有道之主，聽言督用，課其功，功課而賞罰生焉。〔七〕故無用之辯不留朝，任事者知不足以治職，則放官收璽。〔八〕

說大而誇則窮端，故姦得而怒。^{〔九〕}無故而不當爲誣，誣則罪臣。^{〔一〇〕}言必有報，說必責用也，故朋黨之言不上聞。^{〔一一〕}凡聽之道，人臣忠論以聞姦，博論以納一，人主不知，則姦得資。^{〔一二〕}明主之道，己喜則求其所納，己怒則察其所搆，論於己變之後，以得毀譽公私之徵。^{〔一三〕}衆諫以效智，使君自取一以避罪，故衆之諫也，敗君之取也。^{〔一四〕}無副言於上，以設將然；令符言於後，以知謾誠。^{〔一五〕}明主之道，臣不得兩諫，必任其一；語不得擅行，必合其參，故姦無道進矣。^{〔一六〕}

校釋 ^{〔一〕}參言二字，各舊本俱誤置於前節，茲依纂聞、翼龜移置於本節。翼龜云：『參言，當屬六節，前五節經目亡，故誤在五節，後七八倣此。參聽人臣之所上言。』按參言二字，蓋節取本節首句之『聽不參言不督』而成。

^{〔二〕}聽不參，謂聽言不兼聽衆人之言，又不參驗實際之功效，則其言當否，無從判斷，故接言『無以責下。』參閱內儲說上第四節。督，平用。猶言責效也。纂聞云：『外儲云：人主之聽言也，不以功用爲的，則說者多棘刺白馬之說。』當上猶言蔽上也。增韻：『當蔽也；左傳置戈於車薪以當門。』

^{〔三〕}以多信，集解云：『言以多而易信，卽三人成市虎義。』不然之物，猶言不實、不真，或不是之事也，參閱外儲說左上第二節。不實之事，有十人以爲可疑，而有百人以爲可信，則雖有千人不能爲之辯解，此乃申說言以多而信也。

〔四〕訥辯訥與訥同。訥者不善言辭，故其所言不易起信。辯者善於飾說，故其所言易於動聽。

〔五〕食上食與蝕通，猶言蔽上也。資衆纂聞云：『謂藉衆助以營私便也。敵國爲之訟，羣臣爲之用，左右』

爲之匿，學士爲之談，此四助者，邪臣之所以自飾也。見孤憤。『藉信乎辯藉，乾道本作籍，茲從迂評本。纂聞云：『謂借辭辯以信私議也。爲人臣者，求諸侯之辯士，養國中之能說，使之以語其私，爲巧文之言，流行之辭，示之以利勢，懼之以患害，施屬虛辭，以壞其主。見八姦。』集解以信讀爲伸，未可從。以類飾私，集解云：『以相類之事，文飾其私也。』

〔六〕鑒忿猶言忍忿。合參猶言多方考察。勢，卽威勢。纂聞云：『人主聽言，當抑情忍怒，必待符合參驗，然後施行，不則賞罰之權，皆爲姦臣取利濟私之資也。』

〔七〕而字，迂評本脫，茲從乾道本。生字，集解云：『張榜本作上，誤。』功課謂已考成也。纂聞云：『言當事，事當功則賞，不當則罰，卽待合參者也。』

〔八〕不留朝，讀云：『不留在朝廷也。』知字讀爲智。放官收璽，各舊本俱無璽字。集解云：『顧廣圻曰：官收當作收官，放字當衍，卽收字之誤耳。王渭曰：句絕。先慎曰：顧王說是。張榜本無任事至下說十四字，而以大而誇爲句，非。』纂聞云：『井曰：收下宜有俸字。』翼雲云：『收下脫祿字或璽字。』按『放官收』三字，當有脫誤。迂評本、趙本、凌本以『放官收說』四字連讀，固不通，而顧廣圻刪改爲『收官』二字亦費解。

宜依翼龜增一璽字。『收璽』二字，在本書爲一成語。外儲說左下云：『梁車用法，而成侯收璽。』又云：『車遂刑其足，趙成侯以爲不慈，奪之璽而免之令。』外儲說右云：『王因收吏璽自三百石以上，皆效之子之。』由此可知收字下脫璽字殆無疑，茲據改。收璽，即令免職之官繳還印信也。放，放黜也。放逐也。放官，猶言免職也。

〔九〕窮端窮究其原因也。而怒，集解云：『而，猶則也。下誣而罪臣同。既得其誇大之姦情，則人主必怒。』

〔一〇〕不當，集解云：『謂非爲他事所阻，而功不當其言爲誣，誣則罪臣。』

〔一一〕報讀云：『如報政之報，謂效也。』不上聞，讀云：『謂不敢上奏也。』

〔一二〕不知各舊本俱作不智，誤。茲從纂聞校改。謂人主聽言，不知人臣所言爲『忠論以聞姦』，抑爲『博論以內一』，則姦得資矣。不避嫌怨，以姦上聞，是爲『忠論以聞姦』。難陳衆說，使君自擇其一，以避罪責，是爲『博論以內一』。集解云：『內，與下納同。』又集解以一人連讀，謂一人爲君，大誤。

〔一三〕己喜己怒之己字，迂評本、趙本、凌本均誤作已，茲從乾道本。讀云：『己，我也。』集解云：『聞辯言而喜，必求其所納之虛實；聞訐言而怒，必察其所構之是非。又於已變之後考論之，則毀譽公私皆得其徵驗矣。』論字，迂評本脫，茲從乾道本。趙本、凌本：『論於已變之後，』謂處斷須於喜怒已止之後乃行之。若於正喜正怒之時即處斷之，則不免失當矣。

〔一四〕衆諫謂諫言不主一義，而兼陳衆說也。效智猶言貢獻智計也。取一與內一同義，謂就衆說之中，使君自取其一也。人臣雜陳衆說，由君自取，則人君或惑於衆說之均有理由，而無從取決，或輕取其一說，而又不當於事，故曰『衆之諫也，敗君之取也。』

〔一五〕無副言於上，無勿也，禁止之詞。副，貳也，讀如副本、副車之副。副言與『衆諫』義稍狹，謂有兩種或兩副諫言也。上，指君上。內儲說上云：『公子汜議割河東，……曰：王講亦悔，不講亦悔，』卽『副言於上以設將然』之類。此類諫說必須禁之，故冠以『無』字。令字，各舊本俱誤作今。誠字下，乾道本衍語字，茲從迂評本。集解云：『盧文弨曰：今疑令。顧廣圻云：藏本同，今本無語字，按句有誤，未詳。先慎曰：今當作令，語字衍。言能符於後，則爲誠；不符，則爲謬。符猶合也。』

〔一六〕兩諫與『副言』同義。讀云：『設兩端以諫也；兩諫猶不得，况衆諫乎？』必任其一，謂於兩諫之中，須確主一說，以任其責也。擅行，專行也。必合其參，謂凡臣所言，必參之於人，以考其當否；又必參之於事，以驗其效否。道，纂聞云：『由也。言當則賞，不當則罪，得容姦詐乎？』

（七）任法。〔一〕官之重也，毋法也；法之息也，上闇也。〔二〕上闇無度，則官擅爲；官擅爲，故奉重無前。〔三〕奉重無前，則徵多；徵多故富。〔四〕官之富重也，亂之所生也。〔五〕明主之道，取於任賢於官，賞於功。〔六〕言程，主喜，俱必利；不當，主怒，俱必害；則人不私父兄，而進其讎仇。〔七〕勢足以

行法奉足以給事，而私無所生，故民勞苦而輕官。^{〔八〕}任事者毋重，使其寵必在爵；處官者毋私，使其利必在祿；故民尊爵而重祿。^{〔九〕}爵祿所以賞也；民重所以賞也，則國治。^{〔一〇〕}刑之煩也，名之繆也，賞譽不當，則民疑。^{〔一一〕}民之重名，與其重利也均。賞者有誹焉，不足以勸；罰者有譽焉，不足以禁。^{〔一二〕}明主之道，賞必出乎公利，名必在乎爲上。^{〔一三〕}賞譽同軌，非誅俱行，然則民無榮於賞之內。^{〔一四〕}有重罰者，必有惡名，故民畏罰，所以禁也；民畏所以禁，則國治矣。^{〔一五〕}

校釋 〔一〕任法二字，各舊本均作『聽法』。蓋以誤置於前節，而前節所言又與任法無涉，後人遂又以前節首句有聽字，而誤改任字爲聽字耳。如作聽法，又與本節所言不甚相符，聽字宜依本節文義改爲任字。任法二字，在本書中亦爲一成語也。

〔二〕上闕也三字，迂評本脫，茲從乾道本。讀云：『官之權重，由無法也；法之不行，由上闕也。』

〔三〕無度即無法。擅爲謂專橫恣肆，作威作福也。奉讀如趨奉或貢奉之奉，亦可讀如奉戴之奉。國語云：『百姓欣而奉之。』纂聞翼義釋奉爲『自奉』，未可從。點勘云：『奉，俸同，下文云奉足以給事是也。』亦與此處文義不甚切合。重謂權重者，即指本書他篇所謂重人或重臣。無前即空前。奉重無前，猶言趨奉權貴者之多，空前無比也。傳校云：『奉與俸通，謂俸祿也。俸祿重則徵多。趙策：猶不能恃無功之尊，無勞之奉，而守金石之重也，可證。點勘所云甚是。』

〔四〕奉重無前四字，乾道本不重，茲從迂評本。徵多，謂聚斂之多。權貴既無法擅爲，則以貨賂求獲福或免禍者必多，故其所聚斂者亦必多。

〔五〕亂字下，各舊本俱有功字。集解云：『亂功無義，功字當衍。』茲據刪。

〔六〕取於任賢於官，宋本注云：『能任事則取之，能守官則贊揚之。』

〔七〕俱必利，讀云：『其言中程，而君有慶，則應與所應俱必賞也。』不當謂所言不實也。俱必害，謂應與所應俱必受罰也。不私父兄者，恐得罪也。進其讎仇者，冀得賞也。進其之其字，迂評本藏本作上，茲從乾道本。

〔八〕奉足以給事，纂聞云：『奉、俸同。臣之俸祿，國相以下，各有其制，皆足以給官事也。』外儲云：『上大夫二與二乘，中大夫二與一乘，下大夫專乘，此明等級也；有難則以備不虞，平夷則以給朝事，亦此類也。』輕官，纂聞云：『羣臣無私，則下民皆務耕農，不得附託於有威之門，以避徭役，故輕視而不趨附也。官，指大臣用事者。』

〔九〕任事者之者字，乾道本、迂評本作也，茲從趙本。凌本按也字，古亦可作者字用。毋重，謂其權不得過重，至於無法擅爲也。寵榮寵也。

〔一〇〕民重所以賞，謂民尊重爵祿也。此句乃承上句言，而集解謂『官輕則民重』，殊誤。

〔一〕名之繆^{△△}。讀云：『刑之煩亂，由名繆而生也。』按名，謂賞譽之名。有賞之名，則宜卽有譽之名。如賞者有誹，罰者有譽，則名繆矣。名繆，卽賞譽不當，故民疑之。

〔二〕均[△]猶言同也。纂聞云：『好名、好利，無所低昂於其心也。詭使篇：民之急名也，甚其求利也如此。』

〔三〕爲上之爲字，讀去聲。纂聞云：『奉公效績，乃得名賞，不得以私義成名也。』

〔四〕賞譽同軌，謂賞名與譽名相同也。非誅俱行，謂誹名與罪名相隨也。集解云：『非、誹字同，此卽蒙上賞者有誹焉，不足以勸。』纂聞云：『五蠹篇：譽輔其賞，毀隨其罰。』

〔五〕無榮於賞之內。集解云：『王渭曰：句有誤脫。』按此謂榮名無過於賞者，可通。內、對外言，謂榮名在賞之內，不在賞之外也；亦卽謂僅以賞爲榮也。

〔六〕迂評本、趙本、凌本俱以畏罰二字連讀，至禁也絕句，誤。翼龜以此『罰字衍』，尤誤。此處句法，與上文『爵祿所以賞也』等句相同。

（八）類柄。〔一〕——行義示，則主威分；慈仁聽，則法制毀。〔二〕民以制畏上，而上以勢卑下，故下肆狠觸，而榮於輕君之俗，則主威分。〔三〕民以法難犯上，而上以法撓慈仁，故下明愛施，而務賕紋之政，是以法令隳。〔四〕尊私行以貳主威，行賕紋以疑法令，聽之則亂治，不聽則謗主，故君輕乎位，而法亂乎官。此之謂無常之國。〔五〕明主之國，臣不得以行義成榮，不得以家利爲功。功名所生，

必出於官法。〔六〕法之所外，雖有難行，不以顯焉，故民無以私名。〔七〕設法度以齊民，信賞罰以盡能，明誅譽以勸沮——名號、賞罰、法令、三隅。〔八〕故大臣有行則尊君，百姓有功則利上，此之謂有道之國也。

校釋 〔一〕類柄二字，各舊本原置於前節，茲依纂聞、翼毳移置於本節。按類猶言似也，疑也；柄，即勢也，

威也，權也。翼毳云：『威之與法，人主之所執，今尊私行以貳主威，行賕紋以疑法，是皆人臣之擬上柄者也，故曰類柄。此目當屬八節。』又迂評本、趙本、凌本以『主威』二字爲本節節目，而乾道本無之，本篇節目在宋本中已有所佚，因將六七八各節節目均誤移於前一節。明人以八節無目，遂增主威二字耳。

〔二〕行義示纂聞云：行義，士之有私行私義者，示猶顯也。行義之徒尊顯，則治道廢，故主威分矣。詭使篇凡所治者，刑罰也，今有私行義者尊。『慈仁聽纂聞云：『慈仁，世儒所唱先王之道也；慈仁之說聽用，則有罪不誅，故國法敗。』

〔三〕民以制畏上，猶言民之所以畏上者，以有制也；制，法令也。而上以勢卑下，與上句義相反，猶言上不以民所畏之法令治民，而以處勢之尊，反卑禮在下之士卑下，即謂顯行義，聽仁慈也。狠觸凌本作狠觸，茲從乾道本，迂評本。纂聞云：『狠觸，謂抗上犯法也。詭使篇所說儒俠輕君之風，世俗反以此爲榮也。』

〔四〕難謂有法令則民不易犯上也。撓，新釋云：『屈也；言法爲慈仁所屈，而不能伸。』賕紋，宋本注云：『

務爲賕貨。』識誤云：『紋字有誤，未詳所當作，下同。』扎遼云：『紋當作納，篆文納作紋，紋作紋，二形相近而誤；納謂貨財子女也。』翼彙云：『說文：賕，以財枉法相謝也；徐云：非理而求之也。紋，問音通，遺也；曲禮云：凡以苞苴簞筥問人者是也。賕，紋之政，謂賄賂公行也。呂刑云：惟貨惟來，陸音云：來，馬本作求，云有求請賕也。鷩冠子云：使下情不上聞，上情不下究，謂之緣政。緣，賕音通。潛夫論云：『理直則恃正而不撓，理曲則諂意以行賕。』佩文韻府十二引韓子注：賕，賄也；紋，帛也，今本闕亡。』按紋字可通。篇海云：『凡錦綺黼黻之文皆曰紋，故佩文引韓子注訓紋爲帛。賕，紋，即以財帛行賄也。』扎遼以紋爲納之誤，未可從。又纂聞以『紋銀』釋紋，新釋以『文錢』釋紋，更不可從。臚呼規切，毀也。

〔五〕貳匹也，擬也。疑搖惑也。法令各舊本俱無令字。集解云：『法下當有令字。』茲據補。謗主謂毀謗人主也。君輕乎位，猶言君之勢位不爲民所重也。常，翼彙云：『常者，法也；法者，治國之常經也。』

〔六〕家利，古稱卿大夫爲家，家利，即臣利，猶言私利也。官法之法字，迂評本、藏本無，茲從乾道本。官法，猶言公家之法也。

〔七〕難行，謂行之難能者。不以私名纂聞云：『不得以私行私義爲名也。』

〔八〕齊一也。勸沮譽，所以勸善，誹，所以沮惡，沮，止也。三隅，集解云：『此下當有脫文。』讀云：『名號，即誹譽，法令，即法度，並賞罰爲三隅。』翼彙云：『隅，猶言方正也，言三者皆方正也。』

二柄

釋題 本篇原爲第二卷、第七篇。篇中有『二柄』之語，因取以名篇。柄，猶言權也；二柄，謂賞罰之權也。賞罰之權須操之於君，猶物柄之須執於手也。

提要 本篇主旨，在闡明主術。全篇可分爲三節：首節言賞罰之權，須操之於君；次節言審合形名，以實行賞罰；末節言去好去惡，免以情借臣之患。

考證 本篇思想，大體與韓非似無不合。惟以刑德稱賞罰，與他篇用詞不同。而篇中陳言授事去好去惡等語，又見於主道篇。因此考證謂本篇未定爲離作，尙待續考。梁啓超且謂本篇頗類管子中之一部分。（見要籍解題及其讀法）然以旨意衡之，仍可視爲韓非之作也。傅校云：『刑德二字，屢見於左傳，又見於論語，則是刑德二字爲春秋時之習用語，而流傳於戰國者，故此用之以明賞罰。不過儒家言德刑，而法家言刑德，有先後之異耳。』

明主之所道制其臣者，二柄而已矣。〔一〕二柄者，刑德也。何謂刑德？曰殺戮之謂刑，慶賞之謂德。爲人臣者，畏誅罰而利慶賞，故人主自用其刑德，則羣臣畏其威而歸其利矣。故世之姦臣則不然，所惡則能得之其主而罪之，所愛則能得之其主而賞之。〔二〕今人主非使賞罰之威利出於己

也，聽其臣而行其賞罰，則一國之人皆畏其臣而易其君，歸其臣而去其君矣。此人主失刑德之患也。^{〔三〕}夫虎之所以能服狗者，爪牙也；使虎釋其爪牙而使狗用之，則虎反服於狗矣。人主者，以刑德制臣者也；今君人者釋其刑德而使臣用之，則君反制於臣矣。^{〔四〕}故田常上請爵祿而行之羣臣，下大斗斛而施於百姓，此簡公失德而田常用之也，故簡公見弑。^{〔五〕}子罕謂宋君曰：『夫慶賞賜予者，民之所喜也，君自行之；殺戮刑罰者，民之所惡也，臣請當之。於是宋君失刑，而子罕用之，故宋君見劫。^{〔六〕}田常徒用德，而簡公弑；子罕徒用刑，而宋君劫。故今世爲人臣者兼刑德而用之，則是世主之危，甚於簡公宋君也。故劫殺壅蔽之主，兼失刑德，而使臣用之，而不危亡者，則未嘗有也。^{〔七〕}

校釋 〔一〕道字，各舊本作導。平議云：『舊注訓導爲引，此未達古語也。導當爲道，道由也。明主所道制其臣者，猶言明主所由制其臣者。古語每以道爲由。本書孤憤篇、法術之士奚道得進，猶言奚由得進也。呂覽貴因篇、孔子道彌子瑕見釐夫人，猶言由彌子瑕見釐夫人也。墨子春秋諫上篇、楚巫微導裔款以見景公，亦言由裔款以見景公，而其字作導，可證此文所導之卽所由矣。八姦篇云：凡人臣之所道成姦者有八術，義與此同。』集解云：『張榜本導作道，云由也，俞說與之合。』按作道是，茲據張榜本改。道導二字古通。論語道之以政及左傳道之以禮，此假道爲導者。本文及晏子之例，則假導爲道者。

〔二〕刑德猶言賞罰也。故世之故字、各舊本有、纂聞刪。集釋云：『故猶若夫也，與至乎同義。』惡愛宋本注云：『姦臣所惡，則巧詐媚惑其主，得其威而罪之。姦臣所愛，亦以巧詐媚惑其主，得其恩而賞之。』

〔三〕非猶不也，非使、謂不使也。非可訓不，詳見釋詞。易猶輕也。宋本注云：『臣用罰，則民畏臣而輕君。臣用賞，則民歸臣而去其君。』

〔四〕釋舍也。服於狗、各舊本無於字，茲依集解、纂聞補。集解云：『按以下文例之。當有於字。據意林、御覽、事類賦引補。』

〔五〕上請下大謂上而代請爵祿，下而大其斗斛也。大、動詞，謂大之也。宋本注云：請君爵祿，而與羣臣，所以樹私德於衆官。於下而用大斗斛，以施百姓，所以樹私恩於衆庶也。按田常事見左傳，又見外儲說右上。

〔六〕子罕拾補云：『此別一人，非春秋之樂喜。』纂聞云：『又見外儲道應訓、呂覽、韓詩外傳、說苑，各書所載略同。然左傳史記樂喜字罕，宋良大夫，無劫弑之事。按內儲、皇喜與戴驪爭權，遂殺宋君，而奪其政。恐皇氏樂氏同出於宋戴公，子罕名喜，與皇喜相涉，故訛傳爾。』

〔七〕徒猶但也，僅也。宋本注云：『徒用德，謂不兼刑也；徒用刑，謂不兼德也。』壅字、各舊本作擁。識誤云：『擁當作壅。』翼霏云：『擁、壅通。』按作壅是，茲改之。兼失、各舊本作非失。平議云：『失刑德而使臣用之，』

不當有非字，非字衍文。『斟補云：『非、疑兼之壞字。』讀記云：『非、當爲兼之壞字。兼失刑德，與上文爲人臣者兼刑德而用之，反正相應。俞氏以非爲衍字，失之。』纂聞改爲兼字云：『兼、元作非，字畫殘缺耳。或云并字誤。』按作兼是，茲據改。

人主將欲禁姦，則審合形名。形名者，言與事也。〔一〕爲人臣者，陳而言，君以其言授之事，專以其事責其功。功當其事，事當其言，則賞；功不當其事，事不當其言，則罰。〔二〕故羣臣其言大而功小者，則罰；非罰小功也。罰功不當名也。羣臣其言小而功大者，亦罰；非不說於大功也，以爲不當名之者，甚於無大功，故罰。〔三〕昔者韓昭侯醉而寢，典冠者見君之寒也，故加衣於君之上。覺寢而說，問左右曰：『誰加衣者？』左右對曰：『典冠。』君因兼罪典衣與典冠。其罪典衣，以爲失其事也；其罪典冠，以爲越其職也；非不惡寒也，以爲侵官之害，甚於寒。〔四〕故明主之畜臣，臣不得越官而有功，不得陳言而不當。越官則死，不當則罪。守業其官，所言者貞也，則羣臣不得朋黨相爲矣。〔五〕

校釋 〔一〕形名二字，各舊本不重，又形字作刑。讀記云：『刑、讀爲形。刑名二字當重，其文云：人主將欲』

禁姦，則審合刑名；刑名者，言與事也。舊注云：言、名也，事、刑也，言事相考，則合否可知也，似其所見本未誤。』

按重形名二字，文義始完，茲據補。刑字，依本書例改爲形。言與事，迂評本、趙本、凌本作言不異事，茲從乾道本。拾補云：『言下衍不字，藏本無異字誤。』識誤云：今本言下有字，誤異當作與。『按言與事，卽謂所陳』

之言與所爲之事，所以釋上文形名者，故舊注解之如上。

〔二〕陳而二字，迂評本、趙本、凌本作陳事而，茲從乾道本。識誤云：『藏本同，今本陳下有事字誤。按而當作其，見本書主道篇。』集釋云：『而，猶其也。』據此，則陳而言，即陳其言也，陳下不當有當字。授之事，主道篇作授其事，按之其互通專字，識誤云：『當衍。』集解云：『顧說非，謂因其所言之事，以求其效，不外使也。』

〔三〕不當名謂功與所言者不合也。說讀爲悅之……無二字，各舊本作也有。讀記云：『以爲不當名也，害甚於有大功故罰，按有大功不得爲害甚於有大功，義殊難通。下文非不惡寒也，以爲侵官之害甚於寒，則此文當云：非不說於大功也，以爲不當名之害，甚於無大功，文義方合。今本之誤爲也，無誤爲有耳。』八姦篇聽大國爲救亡也，而亡亟於不聽，語勢與此相似。按也當作之，有當作無，茲據改。

〔四〕覺寢，宋本注云：『寢寤而覺。』與典冠集解據意林改爲殺典冠，茲仍從各舊本。按上文言兼罪，即合典冠典衣而言，故以與字連之。罪，或殺或不殺，含義已足，不必改爲殺也。侵官，即謂越職也。

〔五〕越官，舉正云：『二官字，北堂書鈔三十二引并作職，與上文合。』按法家分職任官之要義，爲一人不兼官，一官不兼事，故越職與越官同義。申子云：『治不踰官，雖知不言。』踰官亦謂越職也。守業，其官守、守官也，業，治也，官謂職也。守業其官，猶言官盡其職也。左傳云：『臺駘能業其官。』賁纂聞云：『謂其言事』

相符，無詐僞掩飾也。』讀記云：『按此文有訛奪。舊注云：守業以當官，守官以當言，如此者貞也。疑元文作守業以官，守官以言，貞也，卽主道篇功當其事，事當其言之意。』

人主有二患：任賢，則臣將乘於賢，以劫其君；妄舉，則事沮不勝。〔一〕故人主好賢，則羣臣飾行以要君欲，則是羣臣之情不效；羣臣之情不效，則人主無以異其臣矣。〔二〕故越王好勇，而民多輕死；楚靈王好細腰，而國中多餓人；齊桓公妬而好內，故豎刁自宮以治內；桓公好味，易牙蒸其子首而進之；燕子嗜好賢，故子之明不受國。〔三〕故君見惡，則羣臣匿端；君見好，則羣臣誣能。人主欲見，則羣臣之情態得其資矣。〔四〕故子之託於賢，以奪其君者也；豎刁、易牙因君之欲，以侵其君者也。其卒，子噲以亂死，桓公蟲流出戶而不葬。此其故何也？人君以情借臣之患也。〔五〕人臣之情，非必能愛其君也，爲重利之故也。今人主不掩其情，不匿其端，而使人臣有緣以侵其主，則羣臣爲子之田常不難矣。故曰：去好去惡，羣臣見素，羣臣見素，則人君不蔽矣。〔六〕

校釋 〔一〕任賢，宋本注云：『賢者必多才術，故能乘賢以劫君也。』妄舉，宋本注云：『謂不擇賢，則其事必沮而不勝，沮，毀敗也。』

〔二〕要，翼云：『求也，謂徼射也。』效，宋本注云：『飾行則僞外，故其內情不效；效，顯也。』翼云：『字彙補：效，事露也，韻會：呈見也。』異，翼云：『說文：分也。』宋本注云：『莫不飾行，故眞僞不分也。』

「三」妬字，乾道本、趙本、凌本作妬外，茲從迂評本。識誤云：「藏本無外字，是也。本篇十過篇難一篇並無。」好內猶言好色也。豎刁集解云：「刁當作刀。左傳寺人貂，管子大戴禮公羊，墨子作刀，刀有貂音故通。官翼毳云：『割勢也。』治內謂掌管宮內婦人之事也。易牙翼毳云：『易宜音適。大戴禮及論衡作狄易。殷紀簡狄，索隱曰：舊本作簡易，可見狄易古音同也。』子首迂評本、趙本、凌本作首子，茲從乾道本。識誤云：「藏本今本子首作首子。按作首子是，漢書元后傳有首子，可證。十過篇及難一篇同。」集解云：「本書作子首，無作首子者，十過篇及難一篇兩見，可證。惟趙用賢本作首子，明首子爲後人所改，古本自作子首也。」纂聞云：「首子，長子也。史記微子開者，殷帝乙之首子也。列子晏子皆云：越之東有啖人之國，其首子死，則解而食之，謂之宜弟。」明纂聞云：「外儲潘壽說燕王曰：王不如以國讓子之。堯讓許由，許由不受。今王以國讓子之，子之必不受也。蓋子之微使潘壽明說己不受國之義，以愚弄燕噲也。」

「四」君見惡，乾道本誤作君子見惡，茲從迂評本。趙本、凌本、識誤云：「藏本今本無。」見讀爲現，示也。匿端謂飾行以避君之惡也。誣能謂妄以不能爲能，以適君之好也。欲見讀云：「好惡示也。」宋本注云：「羣臣之情態，皆欲求利；君見其好惡，則知利之所存，故得以爲資。」平議云：「欲見當作見欲，與上文見好見惡一例。見好見惡，即自見其所欲矣。下文云：豎刁易牙因君之欲，以侵其君者也，正承此而言。主道篇云：君無見其所欲，可證此文見欲之義。」

〔五〕戶字、各舊本作尸，茲依集解、纂聞改。集解云：『盧文弨云：藏本尸作戶。先慎案作戶是，今據改。』十過篇正作戶。纂聞云：『戶一作尸，誤。』山曰：呂覽、蟲流出於戶，又云：用豎刁而蟲出於戶。情宋本注云：『謂見好惡之情，則臣得以爲利，此以情借臣求利者也，患所以生。』

〔六〕緣纂聞云：『因也。』宋本注云：『緣其好惡之情，得以侵主。』去惡乾道本無去字，茲從迂評本、趙本、凌本。識誤云：『藏本今本有。』集解云：『按當有去字，主道篇去好去惡，臣乃見素，可證。』見素猶言顯露真相也。宋本注云：『君無好惡，則臣無因爲僞，其誠素自見。』人君各舊本作大君，茲依纂聞改。纂聞云：『人，一作大，非。』

八姦

釋題 本篇原爲第二卷、第九篇。名爲八姦者，以人臣所由成姦之術有八，卽同牀、在旁、父兄、養殃、民萌、流行、威強、四方是也。

提要 本篇主旨，在說明人君防止人臣八姦之必要。全篇分爲三節：首節敘述人臣如何因同牀、在旁、父兄、養殃、民萌、流行、威強、四方等八術以成姦；次節言人君防止八姦之術；末節言不防止八姦則足以亡國。

考證 本篇條理清晰，句句有意義，而梁啓超謂其『有膚廓語，頗類管子中之一部分』，蓋未之深考耳。（見要籍解題及其讀法）本篇大旨，與韓子思想體系亦無大出入。惟於防民萌之術，有『其於德施也，縱禁財，發墳倉，利於民者，必出於君，不使人臣私其德』之語，考證以其與五蠹篇、難二篇非『布施於貧家』之旨相反，因疑本篇爲僞託。然五蠹篇之言重在非布施，而本篇之言則重在德施必出於君，乃各明一義，似不得因此而疑之。不過本篇又有『進賢材』及『官賢』之語，或爲韓子早年之作也。

凡人臣之所道成姦者，有八術：一曰同牀。何謂同牀？曰貴夫人、愛孺子、便僻好色，此人主之所託於燕處之虞，乘醉飽之時，而求其所欲，此必聽之術也。爲人臣者，內事之以金石，使惑

其主，此之謂同牀。〔二〕二曰。在旁。何謂在旁？曰：優笑侏儒，左右近習，此人主未命而唯唯，未使而諾諾，先意承旨，觀貌察色，以先主心者也。此皆俱進俱退，皆應皆對，一辭同軌，以移主心者也。爲人臣者，內事之以金玉玩好，外爲之行不法，使之化其主，此之謂在旁。〔三〕三曰。父兄。何謂父兄？曰：側室公子，人主之所親愛也，大臣廷吏，人主之所與度計也。此皆盡力畢議，人主之所必聽也。爲人臣者，事公子側室以音聲子女，收大臣廷吏以辭言，處約言事，事成則進爵益祿，以勸其心，此之謂父兄。〔四〕四曰。養殃。何謂養殃？曰：人主樂美宮室臺池，好飾子女狗馬，以娛其心，此人主之殃也。爲人臣者，盡民力以美宮室臺池，重賦斂以飾子女狗馬，以娛其主，而亂其心，從其所欲，而樹私利其間，此之謂養殃。〔五〕五曰。民萌。何謂民萌？曰：爲人臣者，散公財以說民人，行小惠以取百姓，使朝廷市井皆勸譽己，以塞其主，而成其所欲，此之謂民萌。〔六〕六曰。流行。何謂流行？曰：人主者固壅其言，談希於聽論議，易移以辯說，爲人臣者，求諸侯之辯士，養國中之能說者，使之以語其私，爲巧文之言，流行之辭，示之以利勢，懼之以患害，施屬虛辭，以壞其主，此之謂流行。〔七〕七曰。威強。何謂威強？曰：君人者，以羣臣百姓爲威強者也。羣臣百姓之所善，則君善之；非羣臣百姓之所善，則君不善之。爲人臣者，聚帶劍之客，養必死之士，以彰其威，明爲己者必利，不爲己者必死，以恐其羣臣百姓，而行其私，此之謂威強。〔八〕八曰。四方。何謂四方？曰：君人者，國小則事大國，兵弱則畏強兵，大國之所索，小

國必聽強兵之所加，弱兵必服。爲人臣者，重賦斂，盡府庫，虛其國以事大國，而用其威，求誘其君，甚者，舉兵以聚邊境，而制斂於內，薄者，數內大使，以震其主，使之恐懼，此之謂四方。〔九〕

校釋 〔一〕道集解云：『由也。』同牀上各舊本有在字。讀記云：『在字衍文。』曰同牀，與下文二曰在

旁等文例一律，何謂同牀，此之謂同牀，均無在字，卽其證。作者在涉下在旁而衍也。〔翼〕云：『合纂類語無在字，是。』按此不當有在字，纂聞已刪，茲從之。解詁云：『妃嬪與君同牀起臥，故曰同牀。』貴愛纂聞云：『皆謂被親幸者也。國策注：孺子婦人之美稱，亦見外儲。』翼云：『文選中山王孺子妾歌注：孺子，官人也。』便僻與便嬖同。便嬖好色，謂近習嬖幸而有美色者。夫人孺子爲女色，便嬖好色，則男色也。』

〔二〕燕處猶言平居也。翼云：『退朝而居曰燕。外儲說不異朝燕之處，是也。』虞乘纂聞云：『虞娛通。』宋本注云：『乘因也。夫人孺子等因君醉飽之時，進以燕娛之具，以求其所欲，事無不聽。』按虞字疑當作餘，或古字通，與下時字均爲狀時之詞，謂託於燕處之餘也。以虞爲娛，義似未洽，事之宋本注云：『以金玉之寶，內事貴夫人愛孺子等，使之惑主，主惑則姦謀可成也。』

〔三〕優笑侏儒，宋本注云：『優笑者，調俳優能嘲笑者，侏儒，短人也。』纂聞云：『文選上林賦注：俳優侏儒，皆樂人也，周禮所謂夷樂者也。』唯諾翼云：皆應辭也，唯速，諾緩。孔子家語：湯武以謬謬而昌，桀紂以唯唯而亡。史記商君傳：千人之諾諾，不如一士之謬謬。』一辭同軌，纂聞云：『軌，迹也，進退應對，唯命之從，』

儉合苟容，無所可否也。』按一辭，謂衆言相同，即上文所謂『皆應皆對』，而無異同也。同軌，謂衆行相同，即上文所謂『俱進俱退』，而無後先也。事之，乾道本迂評本誤作事比，茲從趙本、凌本。事之，謂事優笑侏儒左右近習也。化，翼龜云：『改也，言移主心也。』

〔四〕事字下，乾道本衍畢字，茲從迂評本、趙本、凌本。側室，翼龜云：『禮記、公庶子生，就側室。左傳注、側室，支子、公子、母弟以下，非嫡者也。』按妾亦稱側室，與以庶出公子爲側室者義別。收，宋本注云：『收，謂收攝其心，謂收大臣之心，以辭言爲作聲譽，又更處置邀共言事於君，其事既成，大臣必益爵祿，用此以勸其心，使之犯忤其主，主犯則君臣有隙，姦臣可以施謀也。』集解云：『處約言事，謂平居約之言事也，注謂又更處置，非也。』纂聞云：『言辭相約，餌以爵祿，未有實敍，故曰辭言處約。說疑篇、陰相約結，以相固也；虛相與爵祿，以相勸也。』翼龜云：『處約，未詳。或曰：越語、約辭行成，以喜其民，注約卑也。論衡、秦王居約易以下人，始皇本紀、居約易出人下，此謂卑約以喜大臣廷吏，而收取其心也。』按纂聞翼龜均以處約二字屬上讀，未可從。處約言事，謂爲人臣者，自處於卑約，以與大臣廷吏言事，即以辭言收大臣廷吏之法也。或曰：處約，猶言燕處，謂父兄於燕處之時與君言事，亦通。

〔五〕養殃，纂聞云：『上輔主惡，下竭民產，姦人居間，養成國殃，以營私利。』

〔六〕民萌，猶言民人也。翼龜云：『萌，氓同。』說讀爲悅。塞，宋本注云：『臣行其惠，則主澤不下流，故曰塞。』

其主。』按塞猶言蔽也。纂聞云：『私延虛譽，以蔽主明。』

〔七〕流行纂聞云：『說客雄辯，如水流行無停留也。』按戰國時游說盛行，流行蓋卽指游說也。固壅固本也，壅，塞也。宋本注云：『君門隔於九重，賢俊希得與接，故言談論議希也。』虛辭宋本注云：『設施綴屬浮虛之辭。』壞字，迂評本作懷，茲從乾道本。趙本、凌本纂聞云：『詩傳：壞，癘也，謂傷病也。』翼義云：『山氏曰：壞當作環。荀子：朋黨比周以環主，圖私爲務。按荀子：環，營之誤，營，焚占通用。環之爲營，說詳五蠹環私注。』

〔八〕威強君以臣之毀譽爲是非，則爲臣者養俠客以威脅羣臣，使之爲己延譽匿姦，是謂威強。強，讀去聲。帶劍纂聞云：『帶劍必死之士，謂俠客也。』

〔九〕四方謂借外交以自重也。舉兵纂聞云：『謂密招敵兵，令攻己國，如陳需招楚兵，公叔內齊軍之類。』制斂集解云：『詩桑扈孔疏：斂者收攝之名。爲臣者當強兵壓境，則在內制攝其君，以便己私。下文使之恐懼，正承上震攝而言。』舉正云：『斂當作歛，字之誤也。文選思玄賦注：歛亦脅也。制歛猶言挾持。荀子非十二子篇：歛然聖王之文章具焉。呂覽不屈篇：門中有歛陷，高注：歛，讀曰脅。今本荀子呂覽正文及注：歛並誤作斂。』按斂字訓爲攝，或改爲歛，義同，讀謂斂爲聚斂，未可從。數內內，讀爲納，數納，謂屢招至外使也。大使，纂聞云：『重使也。魏策：信陵君大怒，遣大使之安陵。此謂其小者，則令所黨國屢致使者於己，以示交親，』

使君震眩也。」

凡此八者，人臣之所以成姦，世主所以墮劫，失其所有也，不可不察焉。〔一〕明君之於內也，娛其色，而不行其謁，不使私請。其於左右也，使其身，必責其言，不使益辭。〔二〕其於父兄大臣也，聽其言也，必使以罰任於後，不令妄舉。其於觀樂玩好也，必令之有所出，不使擅進擅退，不使羣臣虞其意。〔三〕其於德施也，縱禁財，發墳倉，利於民者，必出於君，不使人臣私其德。其於說議也，稱譽者所善，毀疵者所惡，必實其能，察其過，不使羣臣相爲語。〔四〕其於勇力之士也，軍旅之功，無偷賞，邑關之勇，無赦罪，不使羣臣行私。其於諸侯之求索也，法則聽之，不法則距之。所謂亡國者，非莫有其國也，而有之者皆非己有也。〔五〕令臣以外爲制於內，則是君人者亡也。聽大國爲救亡也，而亡亟於不聽，故不聽羣臣知不聽，則不外市諸侯；諸侯之不聽，則不受之臣誣其君矣。〔六〕

校釋

〔一〕成字上各舊本有道字。平議云：『道字衍文也。所以成姦，所以墮劫，兩文相對。讀者見篇首

云：凡人臣之所道成姦者有八術，誤以道成姦三字連讀，故妄增入之。不知所道成姦，卽所由成姦也，義與所以同。既云所以，卽不得再有道字矣。』按平議說是，茲據刪。

〔二〕不使私請，宋本注云：『所以防初姦之同牀也。』不使益辭，宋本注云：『所以防二姦之在旁也。』

按益辭，謂增益言辭，出於使令之外也。

【三】罰任。宋本注云：『當則任之，不當則罰之，防三姦之父兄。』拾補云：『任謂保任，舊注非。』按任，猶言責也，謂言不當，則必使以罰責之於後也。集解以使字衍，並訓任爲使，未可從。令之猶令其也。其指觀樂玩好言，必令之有所出，謂必令觀樂玩好之資有所取給，而不耗國病民也。擅退不使四字，各舊本作不使擅退。識誤云：『擅退二字當衍，七字爲一句。』集解云：『按當作不使擅進擅退羣臣虞其意，今重不使二字，注所據本不重，故云不令度君意擅行有所進退，明以不使貫下三項也。張榜本無擅進不使擅退六字，是求其說而不得，從而刪之，不可從。』按不使二字當在擅退下，茲乙之。宋本注云：『防四姦之養殃也。虞度也，必不令度君意，擅有所進退也。』

【四】禁財。翼龜云：『備非常之財也。』史記三王世家：『開禁倉。』漢書賈捐之傳：『大司農錢盡，迺以少府錢續之。』張平子東京賦：『散禁財。』薛注：『禁藏也。』按凡屬於君者多謂之禁，如禁城、禁苑、禁中、禁錢等是。縱禁財，謂散禁庫所藏之財也。填倉。宋本注云：『積粟於倉若填然。』舉正云：『按舊注望文生訓，非也。爾雅釋詁：填，大也。填倉，大倉也。』文選東京賦：『發京倉。』薛注：『京，大也。是填倉爲大倉，固舊誼也。』必出於君。宋本注云：『所以防五姦之民萌也。』善謂所愛者，故稱譽之。惡讀去聲，謂所恨者，故毀疵之。實。宋本注云：『考實其能，詳察其過。』按此謂人臣所稱譽以爲能者，君必覈實之；人臣所毀疵以爲過者，君必明察之也。相爲語，謂互相毀譽也。宋本注云：『防六姦之流行。』

〔五〕其於勇、乾道本脫於字，茲從迂評本、趙本、凌本。識誤云：『藏本、今本有於字。』儉賞各舊本作踰賞。纂聞云：『踰、儉字訛。主道篇、明君無儉賞，無赦罰。』按作儉是，茲據改。邑關。纂聞云：『私關也。』按商君傳：『有軍功者各以率受上賞，爲私關者各以輕重被刑。』卽此所謂軍旅之功無儉賞，邑關之勇無赦罪也。行私各舊本作行私財。宋本注云：『不使行私財於勇士，防七姦之威強也。』集解云：『財字衍文。不使羣臣行私，卽上文人臣彰威以恐其羣臣百姓而行其私也。注依誤文釋之，亦非。』按無財字是，茲據刪。距與拒通。宋本注云：『防八姦之四方。』所謂以下乾道本、趙本、凌本提行，茲從迂評本、張本。識誤云：『當連前，誤提行，自此至卷末同。』按『自其於諸侯之求索也』至『誣其君矣』均言防八姦之術，不宜於所謂處提行。至於『明主之爲官爵』以下乃全篇之總結，則當另起也。

〔六〕外爲制拾補云：『張本爲作而。』按外謂外權、外國。爲而二字義同，猶言以也。纂聞云：『姦臣外假諸侯之威，以脅制其國，則君有人主之名，而失其實者也。』亡亟。宋本注云：『聽大國，則誅求無厭。每事皆聽，則傾國猶不足；有所不從，則有辭而見伐，故聽從之，亡急於不聽也。羣臣二字，迂評本、趙本、凌本誤重，茲從乾道本。識誤云：『藏本、今本重羣臣誤。凡此言不聽，皆是不聽大國，與上文云大國之所索，小國必聽相對，舊注全誤。』外市。乾道本、趙本無市字，茲從迂評本、凌本。拾補云：『市字脫，一本有。』纂聞云：『外交取利，故曰外市。』之字，識誤云：之不聽，當作知不聽。』宋本注云：『諸侯知我不聽。』按之字不誤，舊注訓之。

爲知，未可從。集釋云：『之，猶尙也，且也。管子大匡篇：其於君不如親紂，紂之不死，而况君乎？戒篇：今夫易牙，子之不能愛，將安能愛君？又今夫豎刁，其身之不能愛焉，能愛君？韓非子難一篇作身且不愛，焉能愛君？』按此之字，與上諸例同，亦當訓爲且。諸侯之不聽，爲倒句，謂且不聽諸侯，非謂諸侯不聽，更非謂諸侯知不聽也。纂聞云：『大國諸侯，我所畏也，猶且不聽，况於我臣欺蔽誣事爲姦說者，豈被誘惑而受用乎？』之臣，迂評本趙本凌本作臣之，纂聞作其臣之，茲從乾道本之臣，猶言其臣也。

明主之爲官職爵祿也，所以進賢材，勸有功也。故曰賢材者，處厚祿，任大官；功大者，有尊爵，受重賞。官賢者，量其能賦祿者，稱其功。是以賢者不誣，能以事其主；有功者樂進其業，故事成功立。今則不然，不課賢不肖，不論有功勞，用諸侯之重，聽左右之謁。父兄大臣上請爵祿於上，而下賣之以收財利，及以樹私黨。故財利多者，買官以爲貴；有左右之交者，請謁以成重。功勞之臣不論，官職之遷失謬。是以吏儉官而外交，棄事而親財。是以賢者懈怠而不勸，有功者隳而簡其業，此亡國之風也。〔三〕

校釋 〔一〕官賢官，動詞，謂任賢材爲官也。賦祿，纂聞云：『稱、副也。國語：公屬百官賦祿，注：賦，授也。』誣，能謂以不能爲能也。

〔二〕不論各舊本無不字。集解云：『論上當有不字。』纂聞從山氏補不字，茲從之。重，猶言權也，勢也，威

也。用諸侯之重，謂假外援以爲挾制於內也。及以猶言並以也。

〔三〕遷，遷升也。儉，官猶言溺職，謂不以官守爲務也。親財，各舊本作財親。斟補云：『財親當作親財，與棄事對文。』按作親財是，茲據乙，謂好貨也。墮，宋本注云：『毀也，或本爲墮。』翼說云：『墮墮二字並與情通。』簡讀云：『略也。』解貼云：『燕策簡棄大功，注簡亦棄也。』

備內

釋題 本篇原爲第五卷第十五篇。備內者，人主須防在內之賊，如后妃夫人太子等是也。

提要 本篇主旨，在言人主不可大信妻子而借權人臣。全篇可分爲兩大節：首節言妻子或利君之早死，須有以防之；自「徭役多」以下爲末節，言尊貴之臣常犯法爲逆以成大姦，不可借以權勢。

考證 本篇末節之首，似有脫文。在思想上大體可斷爲韓非之作。但考證以其有一「日月暈闇於外，其賊在內」之語，爲雜有陰陽家言而疑之。不知此蓋成語，又見趙策，本篇引之以證備內之必要，非以其爲陰陽家言而取之也。

人主之患，在於信人，信人則制於人。人臣之於其君，非有骨肉之親也，縛於勢而不得不事也。故爲人臣者，窺覘其君心也，無須臾之休，而人主怠傲處其上，此世所以有劫君弑主也。爲人主而大信其子，則姦臣得乘於子以成其私，故李兌傅趙王而餓主父，爲人主而大信其妻，則姦臣得乘於妻以成其私，故優施傅麗姬，殺申生而立奚齊。夫以妻之近與子之親，而猶不可信，則其餘無可信者矣。且萬乘之主，千乘之君，后妃夫人，適子爲太子者，或有欲其君之蚤死者，何以知其然？夫妻者，非有骨肉之恩也，愛則親，不愛則疏。語曰：『其母好者，其子抱。』然則其爲之反也，其母惡

者，其子釋。^{〔二〕}丈夫年五十，而好色未解也；婦人年三十，而美色衰矣。以衰美之婦人，事好色之丈夫，則身見疏賤，而子疑不爲後。此后妃夫人之所以冀其君之死者也。唯母爲后，而子爲主，則令無不行，禁無不止；男女之樂，不減於先君，而擅萬乘不疑。此鳩毒扼昧之所以用也。^{〔三〕}故桃兀春秋曰：『人主之疾死者，不能處半。人主不知，則亂多資。』故曰：利君死者衆，則人主危。故王良愛馬，越王勾踐愛人，爲戰與馳。醫善吮人之傷，含人之血，非骨肉之親也，利所加也。故與人成輿，則欲人之富貴；匠人成棺，則欲人之天死也。非與人仁，而匠人賊也；人不貴，則輿不售；人不死，則棺不買。情非憎人也，利在人之死也。故后妃夫人太子之黨成，而欲君之死也；君不死，則勢不重，情非憎君也；利在君之死也。故人主不可以不加心於利己死者。^{〔四〕}故日月暈圍於外，其賊在內，備其所憎，禍在所愛。是故明主不舉不參之事，不食非常之食，遠聽而近視，以審內外之失，省同異之言，以知朋黨之分。偶參伍之驗，以責陳言之實。^{〔五〕}執後以應前，按法以治衆，衆端以參觀，士無幸賞，賞無踰行，殺必當，罪不赦，則姦邪無所容其私矣。^{〔六〕}

校釋 〔一〕縛猶言迫也。窺覘謂竊探也。乘纂聞云：『因也。傳附同。李兌事見姦劫篇。』優施翼彘云：『

晉獻公優俳，名施。麗姬，獻公伐麗戎所得之女也。申生，獻公太子，奚齊、麗姬子，優施教麗姬譏申生，事詳晉語。』纂聞云：『毛詩釋文：『本或作麗，同。力馳反。』』

〔二〕適子，迂許本作嫡，茲從乾道本。趙本、凌本。夫妻者，夫音扶，非名詞，乃指事之辭也。恩集解云：「從親之誤，上下文並作骨肉之親，即其證。」抱纂聞云：「山曰：留侯世家，母愛者子抱。」其爲之反，其指上文語曰之辭，謂依其語而反言之，則爲其母惡者其子釋，舍也，翻不抱也。

〔三〕解讀記云：「讀爲懈。」讀云：「解、懈同。」身字，乾道本作身死，茲從迂許本。趙本、凌本。識誤云：「藏本、今本無死字。按以下句例之，此字當作疑。下又云而擅萬乘不疑，相承也。」集解云：「顧說是也。」而子疑不爲後迂許本作其子疑不爲主，茲從乾道本。趙本、凌本。按爲後，謂繼承君位也。擅萬乘謂擅有君權也。鳩毒，新釋云：「鳩，毒鳥也，取其羽漬之酒，而飲之立死。」扼昧，宋本注云：「謂暗中絞殺也。」叢錄云：「公羊傳：襄二十六年，昧雉彼視，何休注：昧，割也。釋文：昧，舊音勿，亡粉反，與勿字同用。」翼龜云：「釋文：縊，扼也。荀子：唐蔑注，卽楚將唐昧，昧與蔑同。按蔑，拉也。淮南人間訓：夫鴻鵠之未孚於卵也，一指蔑之，則靡而無形矣。公子彭生拉魯桓公之嬖也。」

〔四〕桃兀，各舊本作桃左。識誤云：「藏本桃作挑，按皆宋詳。」平議云：「左疑兀字之誤，桃兀，蓋卽橋兀之異文。楚之橋兀，亦有春秋之名，楚橋申秋時所謂殺之春秋是也，故謂之橋兀春秋矣。」按作桃兀是，茲據改。蘇亮猶言病死也。應半，猶言居半數也。資纂聞云：「人主怠傲，不爲戒備，則姦臣多因妻子以爲作亂之資。」爲戰與馳，謂愛人所以爲戰也，資纂馬所以爲馳也。傷札記云：「說文：創，傷也，傷，創也。古者創瘍及刀

傷皆謂之創，亦通之傷，故傷與瘍通。史記吳起傳：卒有病疽者，起爲吮之。又佞臣傳：帝嘗病癰，鄭通常爲帝
啗吮之。以啗吮治創傷，蓋古有其俗。』而欲猶言則欲也，而可訓則詳見釋詞。

〔五〕量園識誤云：『國策趙四有此下四句，量園作暉誤，當依此訂正。』翼龜云：『量、日月旁氣。』明主
乾道本、趙本作明王，茲從迂評本、凌本。拾補云：『王藏本作主。』不參讀云：『謂未嘗參驗之事也。』內外
迂評本、凌本作外內，茲從乾道本、凌本。同異翼龜云：『一辭同軌爲同，分爭公直爲異。』按此謂黨同則言
同，黨異則言異，省察言之異同，即可知朋黨之分也。參伍趙本作三五，茲從乾道本、迂評本、凌本。按參伍與
三五同字，偶合也，偶參伍之驗，謂參合多方之證驗也。

〔六〕應猶言驗也。執後以應前，謂執後事之成否以驗前言之當否也。參觀宋本注云：『衆事之端皆相
參而觀之。』賞無驗行乾道本無賞字，茲從迂評本、趙本、凌本。識誤云：『藏本同，今本重賞字，誤。按本書南
面篇云：雖有賢行不得驗功而先勞，即此無驗行之意。』纂聞云：『儉、元作驗。寫者誤。飾邪篇：主過予則人
儉幸。』主道篇：明君無儉賞。』翼龜云：『士無功不冀賞，上亦不以私愛而賜，此上下不私也。』當字下、拾補
云：『凌本有罪有二字。』按迂評本亦有罪有二字，茲從乾道本、趙本、私矣。乾道本無矣，茲從迂評本、趙本、
凌本。識誤云：『藏本、今本私下有矣字。今按此與徭役多不相接，私字下當有脫文。』

徭役多則民苦，民苦則權勢起，權勢起則復除重，復除重則貴人富，苦民以富貴人，起勢以藉

人臣，非天下長利也。故曰徭役少則民安，民安則下無重權，下無重權則權勢滅，權勢滅則德在上矣。〔一〕今夫水之勝火亦明矣，然而釜鬻閒之，水煎沸竭盡其上，而火得熾盛焚其下，水失其所以勝者矣。今夫法之禁姦，又明於此。然守法之臣，爲釜鬻之行，則法獨明於胸中，而已失其所以禁姦者矣。〔二〕上古之傳言，春秋所記，犯法爲逆，成大姦者，未嘗不從尊貴之臣也。而法令之所以備刑罰之，所以誅常於卑賤，是以其民絕望，無所告愬。〔三〕大臣比周蔽上爲一，陰相善而陽相惡，以示無私，相爲耳目，以候主隙。人主掩蔽，無道得聞，有主名而無實，臣專法而行之，周天子是也。偏借其權勢，則上下易位矣。此言人臣之不可借權勢也。〔四〕

校釋 〔一〕徭役，謂力役之征也。復除重，集解云：『重字承權勢而言，下云下無重權，卽其證。復除徭役，則苦民歸心，故其權勢重也。』按集解說非。復與除同義，復除爲複詞，謂免役也。民苦於徭役，不惜重賂權門，以求免役，是謂復除重。權門得重賂，卽免其役，故下文又曰『復除重則貴人富』。纂聞云：『詭使篇：士卒之逃事伏匿附託有威之門，以避徭役，而上不得者萬數。重如重欲無厭之重，謂多也。』按訓重爲多，亦通。藉宋本注云：『假借也。』

〔二〕釜鬻，迂評本、凌本作釜鬻，茲從乾道本、趙本。拾補云：『鬻，張本作鬻，下同。』纂聞云：『詩傳：鬻，釜屬；疏：又大釜也，釋文音尋，間猶隔也。』法之禁姦，又明於此法字，各舊本作治。又字，迂評本、凌本作未，茲從乾

道本於字，乾道本無，茲從迂評本、趙本、凌本。讀記云：『治，當爲法字之誤。』纂聞云：『治，宜作法，謂以水火之喻，觀法姦之分，則其理明白可知也。』按作法是，茲據改。守法，猶言執法也，行法也。爲簽鬻之行，所以喻人臣之枉法徇私也。法獨明於胸中，讀云：『謂明乎人主之心，而不行於下也。』纂聞云：『法之禁姦，猶水之滅火也，而今不勝姦者，由當塗之臣爲之間隔也。』

〔三〕傳言猶傳說也。從纂聞云：『由也。』而字，乾道本、趙本作然而，茲從迂評本、凌本。拾補云：『然字衍，張、凌本無。』告懇與告訴同，爲一猶如一，謂勾通一氣也。候纂聞云：『伺其間隙，欲以危之。』無道纂聞云：『道，由也。』偏借之偏，如偏勞偏愛之偏。纂聞云：『偏借，言其事也。』此言人臣之不可借權勢也。識誤云：『此十一字乃舊注誤入正文，乾道本以末也字作旁注，是其遽之未泯者。』集解云：『疑權勢下有脫文，校者因旁注也字，以完此句。』

飾邪

釋題 本篇原爲第五卷第十九篇。飾邪者，謂人主不明法禁，則人臣必以智能飾其姦邪也。

提要 本篇主旨，在『明法者強，慢法者弱』。全篇可分爲五節：首節言卜筮之不可信；次節言諸侯之不可恃；三節言賞罰不可無度；四節言明法則強，慢法則弱；五節言人主須明賞以勸人臣之公義，嚴刑以禁人臣之私心。

考證 本篇論思想，大體不出法家範圍；論體裁，乃一篇上書。梁啓超云：『飾邪篇，蓋非早年上韓王書，多對時事發言。』（要籍解題及其讀法）然考證則以本篇有『秦拔鄴』之語，其事在始皇十一年，而韓非死於始皇十四年，則梁說非是。又以篇中有『以道爲常』之語，近於漢初道家言，是否出於韓非，無可疑。劉汝霖更斷爲僞作，其所舉證爲：（一）此篇五稱先主，與韓非思想不合；（二）篇中有『鄴盡』及『魏數年西鄉以失其國』之語，似本篇作者見及趙魏之亡，而韓非則死於秦滅趙魏之前矣。按『鄴盡』乃謂鄴之城堡盡陷，非謂趙亡。『以失其國』乃謂地削，非謂魏亡，故此點尙不足以證本篇之僞。本篇之最可疑者，約有二端：其一爲既屢稱先王矣，又非言先王者，是不免矛盾矣。其二爲所述司馬子反之故事，又見於十過篇，而文亦全同。十過篇既不無可疑，則此篇亦難斷言其出於韓非也。

鑿龜數筮，兆曰「大吉」，而以攻燕者，趙也。鑿龜數筮，兆曰「大吉」，而以攻趙者，燕也。劇幸之事，燕無功而社稷危；鄒衍之事，燕無功而國道絕。〔一〕趙先得意於燕，後得意於齊，國亂節高，自以爲與秦提衡，非趙龜神，而燕龜欺也。〔二〕趙又嘗鑿龜數筮，而北伐燕，將劫燕以逆秦，兆曰「大吉」，始攻大梁，而秦出上黨矣；兵至釐，而六城拔矣；至陽城，秦拔鄴矣；龐援揄兵而南，則鄴盡矣。〔三〕臣故曰：趙龜雖無遠見於燕，且宜近見於秦。秦以其大吉，辟地有實，救燕有名。趙以其大吉，地削兵辱，主不得意而死。又非秦龜神，而趙龜欺也。〔四〕初時者，魏數年東鄉，攻盡陶衛；數年西鄉，以失其國。此非豐隆、五行、太乙、王相、攝提、六神、五括、天河、殷槍、歲星，數年在西也。〔五〕又非天缺、弧逆、刑星、熒惑、奎、台，數年在東也。故曰：龜筮鬼神，不足以舉勝；左右背鄉，不足以專戰。然而恃之，愚莫大焉。〔六〕

校釋 〔一〕鑿龜數筮，翼龜云：「鑿，鑽也；龜，龜底殼也。周禮注：作龜，謂鑿龜令可煮也。玄謂作龜，謂以火灼，以作其兆也。筮，著莖也；龜策傳：請靈數筮。周禮注：兆者，灼龜發於火，其形可占者。」按古以卜筮決事，卜則鑿龜，筮則數筮，龜筮所呈之絲，是謂之兆。劇辛，讖誤云：「史記趙世家：悼襄王三年，龐煖將攻燕，禽其將劇辛，卽其事，詳見燕世家。」鄒衍，翼龜云：「齊人，適燕爲昭王師。國道絕事，未聞。般梁傳：修教明論，國道也。史記張儀傳：從道絕。道絕文，同此。」按鄒衍倡陰陽家言，所謂國道絕者，蓋謂信鄒衍之說，則法家治國之

道絕。或曰國道，謂國中之道路，邪行用事，對外戰敗，致路絕人稀，是謂國道絕。

〔二〕趙先各舊本作趙代先。識誤云：『當衍代字。』纂聞云：『趙并代地，故云趙代。』解詁云：『代，一本作伐，是。』按代字誤，或當作伐，茲依識誤刪。後得意乾道本脫得字，茲從迂評本、趙本、凌本。按先得意於燕，謂勝燕而禽其將劇辛；後得意於齊，謂取齊饒安也。師高迂評本、趙本、凌本作飾高，茲從乾道本。識誤云：『藏本同，今本節作飾，誤。』十過篇，其行矜而意高，非他時之節也，即此節高之義。提衡纂聞云：『見有度篇，謂其力足抗秦也。亡徵篇，大心而無悔，國亂而自多，不料境內之資，而易其鄰敵者，可亡也，指此類。』

〔三〕逆字，或誤作道，茲從乾道本、迂評本、凌本。纂聞云：『晉語，翟人出逆申生，注逆，距申生也。秦策，天下必爲從，將以逆之。齊策，專志一力以逆秦，注逆，謂拒之。』大梁纂聞云：『魏都，非燕地，疑有誤。』翼毳云：『上黨，本韓地，當時屬趙。趙將劫燕，先攻大梁者，以攻魏爲名也；秦出上黨者，衝其虛也。』釐纂聞云：『本齊地，後屬燕，魏策，齊伐釐莒是也。』陽城識誤云：『趙世家，九年攻燕，取魏陽城，兵未罷，秦攻鄴拔之。又年表云：秦拔我關與鄴，取九城，即其事也。』龐援拾補云：『即龐煖，亦作龐涓。』識誤云：『援，讀爲煖。』史記趙世家，漢書人表，藝文志，皆作煖，援煖同字耳。南者，兵自燕返也。『擒纂聞云：『引也。』鄴盡翼毳云：『鄴，非地名，白起傳，陷趙軍，取二鄴，案隱、鄴，堡城也。屬鄴諸城，悉爲秦拔取，故曰鄴盡。』

〔四〕且宜猶言亦當也。謂趙龜大吉，縱不知伐燕之無功，亦當知逆秦之有禍也。辟讀爲闕。有有名迂評

本趙本、凌本作有名，茲從乾道本。識誤云：『藏本今本不重有字。王渭曰：上有字讀爲又。』地削乾道本，趙本誤作利削，茲從迂評本。凌本死，纂開云：『史記悼襄王九年，秦拔我闕與鄴九城，是歲王卒。』

〔五〕初時翼彗云：『謂安釐王時也，事見有度篇。史記魏世家，東至陶衛之郊，注：衛，卽宋州楚丘縣。』西鄉與向同，謂西向以與秦爲難也。集解云：『魏景濬王事，見史表世家。』翼彗云：『孟子梁惠王西喪地於秦七百里，卽是時事也。』豐隆或謂爲雷神，或謂爲雲師，此指星名。五行纂開云：『水火金木土五星也。』太乙乾道本、迂評本、凌本作太一，茲從趙本。集解云：『張趙本一作乙，字同。漢書天文志作泰一。』讀云：『太乙，卽帝座也。天官書中宮天極星，其一明者，太乙常居也。』王相新釋云：『王良也，天官書漢中四星曰天廟，旁一星曰王良。』翼彗云：『五行之氣，行於四時，更迭代謝，號曰王相，如春木王，火相，土死，金囚，水体類。』攝提讀云：『天官書太角者，天王帝廷，其兩旁各有三星，鼎足勾之，曰攝提。攝提者，直斗杓所指，以建時節者也。』翼彗云：『淵鑑引荊州星占云：攝提東向，天下無事。』六神解詁云：『天官書斗魁戴匡六星，曰文昌宮，一曰上將，二曰次將，三曰貴相，四曰司命，五曰司中，六曰司祿，是。』翼彗云：『六韜六甲之分，微妙之神。淵鑑引黃帝問玄女兵法曰：軍有六神，乘之以克。六神：甲子旬在魁，甲戌旬在勝光，甲申旬在弧，甲午旬在岡中，甲辰旬在功曹，甲寅旬在神后，此六神爲戰主。』五括翼彗云：『括，會音近義同。天官書五星皆從，而聚於一舍，其下之國，可以義致天下。武備志五星同舍曰合，同宿曰聚，亦謂之會。一曰：光芒相逮曰

會五星、穀梁傳序疏、東方歲星、南方熒惑、西方太白、北方辰星、中央鎮星。『新釋云：『五括卽五車，天官書、樓庫有五車。』天河翼彘云：『晉天文志、天高西一星，曰天河，主察山林妖變。』纂聞云：『天河、疑卽天阿，天文訓、天阿者、羣神之闕也，注、天阿、星名。』殷槍乾道本、趙本作殷槍，茲從迂評本、凌本。讀云：『殷槍疑卽天槍。』纂聞云：『天槍、非吉星。天官書、天槍色赤而有角，其國昌。因考殷宜讀爲左輪朱殷之殷，與暨同，殷槍、謂天槍暨然赤者。』歲星集解云：『天文志、歲星所在國，不可伐，可以伐人。』數年上各舊本有非字。讀記云：『非疑並之誤。』集解云：『數上不當有非字，承上此非言，下非數年在東也，非字亦衍。』按無非字是，茲據刪。

〔六〕天缺迂評本、凌本作天缺，茲從乾道本、趙本。解詁云：『星名。』翼彘云：『文選思玄賦注、列缺、電也，應邵曰：天隙電照也。司馬相如傳注、列缺、天閃也。按天缺、天閃之天，列缺之缺，互字耳。』弧逆翼彘云：『天官書、狼下有四星曰弧，不順主兵。』刑星新釋云：『太白也，星經、太白主刑殺。』熒惑讀云：『天官書、雖有明天子，必視熒惑。』翼彘云：『廣雅、熒惑謂之罰星。』集解云：『天文志、熒惑出則有大兵，入則兵散，周還止息，迺爲其死喪寇亂在其野者，亡地以戰不勝。』奎讀云：『天官書、奎曰封豕，命名固凶。』台讀云：『蓋謂三台，非凶星疑。』纂聞云：『天官書、三台色不和，爲凶戾。漢興言星者，甘石諸家與天官書、天文訓頗有不同，則戰國時星名候法，必有與後世大異者。』以舉勝各舊本無以字，茲依纂聞補。舉勝猶言論勝，謂卜

筮鬼神之說，不足以論勝敗之數也。專戰猶言決戰，謂依星宿之左右背鄉，不足以定戰事之常否也。翼龜云：『淮南子天文訓，左前刑，右背德，擊鈞陳之衡辰，以戰必勝，以攻必克。前向也，刑德皆星名。』

古者先王盡力於親民，加事於明法。彼法明，則忠臣勸，罰必，則邪臣止。忠勸邪止，而地廣主尊者，秦是也。羣臣朋黨比周，以隱正道，行私曲，而地削主卑者，山東是也。弱亂者亡，人之性也。治強者王，古之道也。〔一〕越王勾踐恃大朋之龜，與吳戰而不勝，身臣入宦於吳，反國棄龜，明法親民，以報吳，則夫差爲擒。故恃鬼神者慢於法，恃諸侯者危其國。〔二〕曹恃齊而不聽宋，齊攻荆而宋滅曹。邢恃吳而不聽宋，越伐吳而齊滅邢。許恃荆而不聽魏，荆攻宋而魏滅許。鄭恃魏而不聽韓，魏攻荆而韓滅鄭。〔三〕今者韓國小而恃大國，主慢而聽秦魏，恃齊荆爲用，而小國愈亡。故恃人不足以廣壤，而韓不見也。荆爲攻魏而加兵許鄢，齊攻任扈而削魏，不足以存鄭，而韓弗知也。此皆不明其法禁以治其國，恃外以滅其社稷者也。〔四〕

校釋 〔一〕山東指六國，以六國俱在太行山之東也。人^{△△△}之性也。纂聞云：『宜作今之勢也，字音轉訛。』

翼龜云：『猶言人事之常也。』

〔二〕大朋^{△△}迂評本作大明，茲從乾道本。趙本、凌本、翼龜云：『大朋，大寶貨之龜也。貨殖傳、貝寶龜。玉海引公羊疏禮說云：文王得大貝元龜，易損卦或益之十朋之龜，崔憬注：大貝龜之最神者也。』吳^{△△}戰乾道本誤。

作吾戰，茲從迂評本、趙本、凌本。識誤云：『今本吾作吳，按吳吾二字，他書亦有相亂者。』身臣。識誤云：『臣字當衍。』翼。翼云：『臣疑親字之誤。』新釋云：『身謂勾踐，臣謂范蠡。』官字。趙本本作官，茲從乾道本、迂評本、凌本。集解云：『按作官者，蓋以越語與范蠡入官於吳，越絕書請糴內傳、外傳、記地傳、吳越春秋、勾踐入臣傳改也。本書自作官，喻老篇、勾踐入官於吳，又云：越之霸也，不病官，是其證。』

〔三〕曹纂聞云：『史記宋世家、宋景公三十年，曹倍宋，又倍晉，宋伐曹，晉不救，遂滅曹。』邢字。各舊本作荆。識誤云：『二荆字皆當作邢。』纂聞云：『荆字必誤，或莒字訛。』按作邢是，茲據改。許纂聞云：『左傳定六年，鄭滅許，因楚敗也。哀元年，許男從楚子圍蔡，注：許復見者，蓋楚封之，他無考。』魏攻荆。乾道本誤作攻魏，茲從迂評本、趙本、凌本。識誤云：『國策二作魏攻蔡而鄭亡，蔡、荆異同，未知孰是。』鄭。識誤云：『魏策四、伐榆關而韓氏亡鄭，即其事，榆關詳見吳師道補正。』

〔四〕聽秦。魏特齊。荆各舊本於魏字逗，茲從纂聞、翼。識誤云：『當補不字於聽秦上，此與上諸不聽相承爲文也。』魏上當有脫文，此複說上文邢鄭曹許之特吳魏特齊。荆爲用也，故曰而小國愈亡。』集解云：『顧說非也，此正言韓聽秦之弊，玩下文自知，不當以上文爲說。』補箋云：『魏特齊。荆當作特魏齊。荆吳，蓋傳寫有顛倒奪落也。此總承上文曹特齊、邢特吳、許特荆、鄭特魏而言。』按今者至愈亡爲一句。今者指戰國時言，戰國時吳已亡，則此句非複說上文可知。此句即直說韓慢於法，而欲藉聽秦魏特齊。荆爲用以圖

存，則亡國愈速矣。存鄭，識誤云：『以上皆有脫誤。此荆攻魏、削魏、當爲不足以存許言之；齊攻任、當爲不足以存曹言之；其不足以存鄭，當言魏攻也。』纂聞云：『此鄭亦韓也，互文耳。韓世家素隱引紀年云：魏武侯二十一年，韓滅鄭，明年晉桓公邑韓哀侯于鄭，因改號曰鄭。故國策謂韓惠王曰：鄭惠王，猶魏徙大梁，稱梁王然也。謂荆陽爲攻魏，而取其許鄆，齊亦爲攻魏，面取其任、廩。蓋是時魏攻韓，韓求援於齊、荆，故齊、荆爲發兵伐魏，名爲救韓，而其實各營私利，削取魏地，而韓不知二國不足恃以存國也。然此事史傳未有所考。』翼龜云：『鄭謂當時韓都也。』

臣故曰：明於治之數，則國雖小，富；賞罰敬信，民雖寡，強。賞罰無度，國雖大，兵弱者，地非其地，民非其民也。無地無民，堯舜不能以王，三代不能以強。〔一〕人主又以過予，人臣又以徒取。舍法律而言先王，以明古之功者，上任之以國。主以是過予，而臣以此徒取矣。主過予，則臣偷幸；臣徒取，則功不尊。無功者受賞，則財匱而民望；財匱而民望，則民不盡力矣。故用賞過者失民，用刑過者民不畏。有賞不足以勸，有刑不足以禁，則國雖大必危。〔二〕故曰：小知不可使謀事，小忠不可使主法。荆恭王與晉厲公戰於鄢陵，荆師敗，恭王傷，酣戰而司馬子反渴而求飲，其豎穀陽奉卮酒而進之。子反曰：『去之，此酒也！』豎穀陽曰：『非也。』子反受而飲之。子反爲人嗜酒，甘之不能絕之於口，醉而臥。恭王欲復戰而謀事，使人召子反，子反辭以心疾。恭王駕而往視之，入幄中，聞酒臭而還，曰：『今

日之戰，寡人目親傷，所恃者司馬，司馬又如此，是亡荆國之社稷，而不恤吾衆也，寡人無與復戰矣。『罷帥而去之，斬子反以爲大戮。故曰豎穀陽之進酒也，非以端惡子反也，實心以忠愛之，而適足以殺之而已矣。此行小忠而賊大忠者也，故曰小忠大忠之賊也。若使小忠主法，則必將赦罪以相愛，是與下安矣，然而妨害於治民者也。』

校釋 「一」國雖大兵弱者識誤云：『國雖大，逗兵句，弱者二字，逗地非其地，民非其民也九字爲一句，

與上文民雖寡強相對。自則國雖小至此，今皆失其讀也。『平議云：『此言賞罰無紀，則國雖大而兵必弱，

所以然者，由地非其地，民非其民也。文義本甚分明，顧氏讀國雖大逗兵句，謂與上文國雖小富，民雖寡強

一律，則兵之一字，殊不成義，而弱者二字屬下讀，於義亦未安矣。『集解云：『俞說是也。』三代謂夏、商、周

「二」過予纂聞云：『儉賞也。徒取無功而受也。』以明古乾道本，趙本作明君，茲從迂評本，凌本上任之

以國謂人主以國政委之稱，頌先王之人也。顧讀記云：『慕也。顧古之功上，當有以今之人四字。內儲說上

云：以王之賢聖，與國之資厚，顧荆王之賢人，語勢正與此同。奪此四字，則語意不完。』按纂聞依山氏說補

以今之人四字，茲不從。主以二字，乾道本誤倒，茲從迂評本，趙本凌本。『識誤云：『藏本，今本以主作主以。』

臣儉幸，乾道本，趙本作人儉幸，茲從迂評本，凌本。『實義云：『儉幸，猶微幸也。』民望集解云：『望，怨也。』

「三」其豎各舊本作其友豎。『識誤云：『十過篇無其友二字。』集解云：『他書無以穀陽豎爲子反友者。』

呂覽權勳篇、淮南人間訓、高誘注、豎小使也。左傳成十六年，杜注、殺陽、反內豎。正義云：鄭玄云：豎，未冠之名，故杜以爲內豎也。友字當爲衍文。按無友字是，茲據刪。卮酒，十過篇作觴酒，按卮亦觴也。亡，翼龜云：『忘通。』端，宋本注云：『故也。』纂聞云：『詩序、無禮義故，箋云：故，猶端也。』呂覽、明日端復飲於市，注：端，故也。東周策注、稱故者，特爲之。翼龜云：『墨子、失火者斬，端失火以爲事者車裂。』赦罪二字，迂評本、趙本、凌本重，茲從乾道本。識誤云：『藏本、今本重赦罪。』

當魏之方明立辟，從憲令之時，有功者必賞，有罪者必誅，強匡天下，威行四鄰；及法慢，妄予，而國日削矣。當趙之方明國律，從大軍之時，人衆兵強，辟地齊燕；及國律慢，用者弱，而國日削矣。當燕之方明奉法，審官斷之時，東縣齊國，南盡中山之地；及奉法已亡，官斷不用，左右交爭，論從其下，則兵弱而地削，國制於鄰敵矣。故曰：明法者強，慢法者弱。強弱如是其明矣，而世主弗爲，國亡宜矣。一語曰：『家有常業，雖飢不餓；國有常法，雖危不亡。』夫舍常法而從私意，則臣下飾於智能，則法禁不立矣。是妄意之道行，治國之道廢也。治國之道，去害法者，則不惑於智能，不矯飾於名譽矣。昔者舜使吏決鴻水，先令有功，而舜殺之。禹朝諸侯會稽之上，防風之君後至，而禹斬之。以此觀之，先令者殺，後令者斬，則古者先貴如令矣。二故鏡執清而無事，美惡從而比焉；衡執正而無事，輕重從而載焉。夫搖鏡則不得爲明，搖衡則不得爲正，法之謂也。故先王以道爲常，以法爲

本。本治者名尊，本亂者名絕。凡智能明通，有以則行，無以則止。故智能單，道不可傳於人。而道法萬全，智能多失。〔三〕夫懸衡而知平，設規而知圓，萬全之道也。明主使民飾於法，知道之故，故佚而有功。釋規而任巧，釋法而任智，惑亂之道也。亂主使民飾於智，不知道之故，故勞而無功。釋法禁而聽請謁，羣臣賣官於上，取賞於下，是以利在私家，而威在羣臣。故民無盡力事主之心，而務爲交於上。民好上交，則貨財上流，而巧說者用。若是，則有功者愈少，姦臣愈進，而材臣退，則主惑而不知所行，民聚而不知所道。此廢法禁，後功勞，舉名譽，聽請謁之失也。〔四〕凡敗法之人，必設詐託物以求親，又好言天下之所希有，此暴君亂主之所以惑也。人臣賢佐之所以侵也。故人臣稱伊尹管仲之功，則背法飾智有資；夫上稱賢明，下稱暴亂，不可以取類，若是者禁。〔五〕君之立法，以爲是也。今人臣多立其私智，以法爲非者，以邪爲智，過法立智，如是者禁，主之道也。〔六〕

校釋 〔一〕方明立辟，或於方明逗，誤。明，如明法之明，方明，猶言正講求也。立辟，猶言立法也。憲令，各舊

本作憲令行。讖誤云：『當衍行字。按下文當趙之方明國律逗，從大軍之時，句當燕之方明奉法逗，審官斷之時，其句例同。又下文云：故曰明法者強，承此三句之三明字也。』按無行字是，茲據刪。妄予謂濫賞也。辟地，讀爲闢地。官斷，謂官吏依法斷事也。縣，作動詞用。纂聞云：『燕策：樂毅攻齊，下七十餘城，盡郡縣之而屬燕。』論從其下，謂論功以臣下之毀譽而定也。

〔二〕飢與饑同。迂評注云：『謂歲饑也。』臣下乾道本、趙本作臣，茲從迂評本、凌本。拾補云：『張、凌本皆有下字。』識誤云：『藏本臣下有下字，是也。』集解云：『意林：臣下有下字。』矯講義云：『猶言欺也。』鴻水纂聞云：『夏紀：鴻水滔天，索隱曰：鴻，大也。』先令謂未令而先行也。補箋云：『先上疑脫餘字。』諸侯乾道本、趙本作諸侯之君，茲從迂評本、凌本。先貴迂評本、趙本、凌本作必貴，茲從乾道本。識誤云：『藏本同，今本先作必。按此字有誤，未詳。』集解云：『首以遵令爲貴，故曰先貴如令，』說亦可通。

〔三〕鏡執清鏡之所以能比美惡者，以其潔而無疵也。執清卽謂保其潔而無疵耳。翼龜云：『治要引申子：鏡設精而無爲，而美惡自備；衡設平無爲，而輕重自得。』有以無以，猶言有之、無之也。之，指道言。以，可訓之，詳見集釋。單集解云：『盡也，言雖智能竭盡，虛而無徵，不能爲後人法守，故曰道不可傳於人。』按智能單，謂僅有智能也。上文言智能須待道而行，故僅有智能，則道不可傳於人矣。

〔四〕法知二字，各舊本無。識誤云：『於下當有法知二字，法句絕，知屬下。』按識誤說是，茲據補。使民飾於法，知道之故，猶言飭民以法，而知道之端也。故字，乾道本不重，茲從迂評本、趙本、凌本。識誤云：『藏本有故字是也。』集解云：『按下故勞而無功，與此句相承，今本是。』有功，乾道本誤作則功，茲從迂評本、趙本、凌本。飾於智，乾道本誤作飾將智，茲從迂評本、趙本、凌本。取賞，集解云：『賞，讀爲償。』所道，宋本注云：『道，從也。』

〔五〕求親乾道本作來親，茲從迂評本、趙本、凌本。識誤云：『藏本同，今本來作求。』翼云：『求親，幸於上也。』伊尹太甲之功，集解云：『此下疑脫而見用三字，與下而見殺對文。』纂聞云：『伊尹放太甲，管仲忍繆泄，姦人舉爲口實，以爲枉法誣能之資。』疾爭各舊本無爭字。識誤云：『疾下當有脫字。』纂聞云：『補爭字，說疑篇疾爭強諫，以勝其君。』按補爭字是，茲從之。取類墨子小取篇云：『辯者以類取，以類予。』取類卽類取，謂舉相似之事以爲例也。集解云：『能用伊尹、管仲，是賢明之主；殺子胥、比干，是暴亂之主。』凡此稱說古人，皆劫制其君，使下易於干進，上難於行罪。然伊尹、管仲不世出，進諫者非必比干子胥，故曰不可以取類。』者罪乾道本脫者字，茲從迂評本、趙本、凌本。識誤云：『藏本，今本是下有者字。按有者字是也，四字爲句，屬上。』

〔六〕以邪爲智乾道本趙本作是智以邪，茲從迂評本、凌本。以邪爲智，謂以姦爲智也。諸家於此句原文爲何，臆說甚多，茲不具引。過法札記云：『過猶越也。廣韻：過越也。史記外戚世家：皆過栗姬，索隱：過謂踰之。踰越義同。』慎子：忠不得過職，而職不得過官，言忠不得越職，職不得越官也。又云：智者不得越法而肆謀，辯者不得越法而肆議，越法卽過法。智者不得越法而肆謀，卽韓子過法立智則禁之之義。』

明主之道，必明於公私之分，明法制，去私恩。夫令必行，禁必止，人主之公義也。必行其私，信於朋友，不可爲賞勸，不可爲罰沮，人臣之私義也。私義行則亂，公義行則治。故公私有分，人臣有私心，

有公義修身潔白而行公行正居官無私人臣之公義也。汙行從欲安身利家人臣之私心也。明主在上，則人臣去私心，行公義；亂主在上，則人臣去公義，行私心。〔一〕故君臣異心。君以計畜臣，臣以計事君。君臣之交，計也。害身而利國，臣弗爲也；害國而利臣，君不行也。臣之情，害身無利；君之情，害國無親。君臣也者，以計合者也。至夫臨難必死，盡智竭力，爲法爲之。故先王明賞以勸之，嚴刑以威之。賞刑明，則民盡死；民盡死，則兵強主尊。刑賞不察，則民無功而求得，有罪而幸免，則兵弱主卑。故先王賢佐盡力竭智，故曰公私不可不明，法禁不可不審，先王知之矣。〔二〕

校釋 〔一〕明主，乾道本、趙本誤作禁主，茲從迂評本、凌本沮止也。行正，集解云：『正字衍文。』

〔二〕害國，各舊本誤作富國，茲從集解據意林改。不行，集解據意林改爲不爲，按行爲二字義同，不必改。爲法爲之，識誤云：『藏本今本之下有也字。』按迂評本、趙本、凌本俱有也字，茲從乾道本。集解云：『上爲字，于僞反。』盡力竭智，文義未完，疑有脫簡。

姦劫弑臣

釋題 本篇原爲第四卷第十四篇。篇名迂評本脫，致誤合本篇於和氏篇，茲從乾道本、趙本、凌本，弑字，或作殺。姦劫弑臣者，謂以姦謀劫弑人主之臣也。

提要 本篇主旨，在以正明法，陳嚴刑爲至治之法術，而依此主旨批評當時姦臣之所以成姦，與愚學之所以招亡。全篇可分爲六節：首節言姦臣欺主成私之術；次節自夫有術者至而世學者弗知也，言至治之法術在任勢明法；三節自世之愚學至則義非矣，批評世之愚學，卽儒家；四節自處非道之位至弗能聽也，言智術之士爲毀言所厄而不顯於世；五節自世之學者至所多而求也，言霸王之術在嚴刑重罰，不在仁義惠愛；末節自諺曰以下，言人主無法術以御其臣之害。

考證 本篇思想，殆無與韓非不合者，故以好疑著稱之考證，亦以其內容與五蠹顯學難三諸篇互相發明，而謂本篇爲韓非所作。但又以末節亦見楚策韓詩外傳，俱作孫子與春申君書，而疑末節非韓非本文，乃從他書擷入。按非乃荀卿弟子，此或如吳師道所云：『韓非正用荀語也。』本篇所可疑者，『爲處非道之位』一節，與上下文不貫，蓋和氏篇所錯入耳。

凡姦臣皆欲順人主之心，以取信幸之勢者也。是以主有所善，臣從而譽之；主有所憎，臣因而

毀之凡人之大體取舍同者則相是也取舍異者則相非也今人臣之所譽者人主之所是也此之謂同取；人臣之所毀者，人主之所非也，此之謂同舍。夫取舍合而相與逆者，未嘗聞也。此人臣之所以取信幸之道也。〔一〕夫姦臣得乘信幸之勢，以毀譽進退羣臣者，人主非有術數以御之也，非有參驗以審之也，必將以嬖之合己，信今之言。此幸臣之所以得欺主成私者也。故主必蔽於上，而臣必重於下矣。此之謂擅主之臣。國有擅主之臣，則羣下不得盡其智力以陳其忠，百官之吏不得奉法以致其功矣。〔二〕何以明之？夫安利者就之，危害者去之，此人之情也。今爲臣盡力以致功，竭智以陳忠者，其身困而家貧，父子罹其害；爲姦利以蔽人主，行財貨以事貴重之臣者，身尊家富，父子被其澤；人焉能去安利之道，而就危害之處哉？治國若此，其過也，而上欲下之無姦，吏之奉法，其不可得亦明矣。〔三〕故左右知貞信之不可以得安利也，必曰：『我以忠信事上，積功勞而求安，是猶盲而欲知黑白之情，必不幾矣。若以道化行正理，不趨富貴，事上而求安，是猶聾而欲審清濁之聲也，愈不幾矣。二者不可以得安，我安能無相比周，蔽主上，爲姦私，以適重人哉？』此必不顧人主之義矣。〔四〕其百官之吏，亦知方正之不可以得安也，必曰：『我以清廉事上而求安，若無規矩而欲爲方圓也，必不幾矣。若以守法不朋黨，治官而求安，是猶以足搔頂也，愈不幾也。二者不可以得安，能無廢法行私，以適重人哉？』此必不顧君上之法矣。故以私爲重人者衆，而以法事君者少矣。是

以主孤於上，而臣成黨於下，此田成之所以弑簡公者也。〔五〕

校釋 〔一〕信字，集解云：『各本作親，今據治要改，下正作信。』大體讀云：『猶大率也。』合字，治要作合同，纂聞據增，集解疑合當作同。按合猶同也，不必增或改。取字，集解云：『各本無，依上文當有，據治要增。』

〔二〕非有二字，乾道本、趙本、凌本作所有，茲從迂評本集解云：『各本非作所，今據治要改，下文正作非。』非有參驗之有字，各舊本無。集解云：『依上文非下脫有字，茲據補。』蔽字，集解云：『各本作欺，孤憤篇故人主愈蔽，而大臣愈重，語意正同，是欺當爲蔽之誤，今據治要改。』擅主，纂聞云：『擅制其主。』法功，集解云：『治要法作令，功作力。』

〔三〕罹音離，遭也。姦利疑本爲姦私，形近而誤，下文爲姦私以適重人，可證。蔽字，各舊本作弊。集解云：『弊，讀爲蔽。』茲依纂聞作蔽。行財貨，謂行賄賂也。

〔四〕安利，集解云：『利字涉上文而衍，下知方正之不可以得安也，知詐僞之不可以得安也，並無利字，卽其證。』情幾，集解云：『解老篇，目不能決黑白之色，則謂之盲。此情字當作色。』讀云：『情，實也，幾，期同。』翼，集解云：『雋不疑傳注，幾讀曰冀。慧琳引徐云：冀，又作覲。爾雅，覲，望也。又廣韻，覲，或作幾。左傳，庸可幾乎？商子，我不以貨事上而求遷者，則如以狸餌鼠爾，必不冀矣。』道化，集解云：『化，疑術之誤。事上，當在行正理。』

上若以道術事上與上我以真信事上相對』按化字若爲術字之誤則此文宜作『若以道術事上不趨富貴行正理而求安』似更妥適。纂聞云：『道化法術可以化導天下者也不趨富貴謂廉慤也。』適翼龜云：『猶合也。』哉字趙本脫茲從乾道本。迂評本凌本。

〔五〕方正之不識誤云：『道藏本脫止不字按此乃乾道本之七八兩葉也藏本出於乾道本可知矣。』按篇首至『方正之不』四百五十六字迂評所據元何升本亦脫且篇目亦脫致本篇與和氏篇混爲一篇。迂評本雖補其文仍缺其目幾也纂聞改爲幾矣茲仍從各舊本。集解云：『也當作矣。』集釋云：『也猶矣也。』爲重人拾補云：『藏本人作臣』茲從乾道本趙本凌本爲讀去聲。

夫有術者之爲人臣也效度數之言上明主法下困姦臣以尊主安國者也是以度數之言得效於前則賞罰必用於後矣。人主誠明於聖人之術而不苟於世俗之言循名實而定是非因參驗而審言辭是以左右近習之臣知僞詐之不可以得安也必曰：『我不去姦私之行盡力竭智以事主而乃以相與比周妄毀譽以求安是猶負千鈞之重陷於不測之淵而求生也必不幾矣。』〔一〕百官之吏亦知爲姦利之不可以得安也必曰：『我不以清廉方正奉法乃以貪污之心枉法以取私利是猶上高陵之顛墮峻谿之下而求生也必不幾矣。』安危之道若此其明也左右安能以虛言惑主而百官安敢以貪漁下？是以臣得陳其忠而不蔽下得守其職而不怨此管仲之所以治齊。

而商君之所以强秦也。〔二〕從是觀之，則聖人之治國也，固有使人不得不爲我之道，而不恃人以愛爲我也。恃人之以愛爲我者危矣，恃吾不可不爲者安矣。夫君臣非有骨肉之親，正直之道，可以得利，則臣盡力以事主；正直之道，不可以得安，則臣行私以干上。明主知之，故設利害之道，以示天下而已矣。夫是以人主雖不口教百官，不目索姦妄，而國已治矣。〔三〕人主者，非目若離婁，乃爲明也；非耳若師曠，乃爲聰也。不任其數，而待目以爲明，所見者少矣；非不弊之術也。不因其勢，而待耳以爲聰，所聞者寡矣；非不欺之道也。明主者，使天下不得不爲己視，使天下不得不爲己聽，故身在深宮之中，而明照四海之內，而天下弗能蔽，弗能欺者，何也？闇亂之道廢，而聰明之勢興也。故善任勢者國安，不知因其勢者國危。〔四〕古秦之俗，羣臣廢法而服私，是以國亂兵弱而主卑。商君說秦孝公以變法易俗，而明公道，賞告姦，困末作而利本事。當此之時，秦民習故俗之有罪可以得免，無功可以得尊顯也，故輕犯新法。於是犯之者，其誅重而必；告之者，其賞厚而信。故姦莫不得，而被刑者衆，民疾怨而衆過日聞。〔五〕孝公不聽，遂行商君之法，民後知有罪之必誅，而告姦者衆也，故民莫犯，其刑無所加。是以國治而兵強，地廣而主尊。此其所以然者，匿罪之罰重，而告姦之賞厚也。此亦使天下必爲己視聽之道也。至治之法術已明矣，而世學者弗知也。〔六〕

校釋 〔一〕效字，各舊本作得效。平議云：「得字衍文。此論有術者之爲人臣，其道如此，非論得不得也，

當作徇形近而誤。『纂聞云：』說苑不固溺於流俗，不拘繫於左右。山曰：苟拘字訛。按苟謂苟合也，苟下或脫合字。參驗纂聞云：『因參驗按實也，審言辭循名也。循名按實以定事之是非，即用度數也。山曰：鄧析子循名按實君之事也，奉法宣令臣之職也。』而乃集解云：『依下文而字當衍。』

〔二〕顯纂聞云：『巔同峻谿深谷也。』生也各舊本無也字。集解云：『依上文當有也字。』纂聞從山氏補也字，茲從之。以貪漁下迂評本作以貪漁居下，茲從乾道本。趙本凌本以貪漁下猶言以貪侵民也。蔽字乾道本作弊，茲從迂評本。趙本凌本識誤云：『藏本今本弊作蔽。』按弊蔽通不怨對文，怨當作宛，宛猶鬱也。荀子富國篇使民夏不宛喝，楊注讀爲蘊，是宛與蘊通。不怨者猶言不鬱蘊也，與不蔽義符。荀子哀公篇富有天下而無怨財，與此怨字同義。按怨讀如字亦通。不怨謂無所怨望也。

〔三〕不爲我各舊本作不愛我。平議云：『不得不愛我當作不得不爲我，涉下句而誤耳。下文云：恃吾不可不爲者安矣，不可不爲即不得不爲也。又曰：明主者使天下不得不爲己視，天下不得不爲己聽，此使人不得不爲我之義也，可據以訂正。』按平議說是，茲據改。以愛爲我者危，乾道本無爲字，茲從迂評本。趙本凌本拾補云：『凌本有藏本張本倒作爲愛，譌。』纂聞云：『顯學篇夫聖人之治國不恃人之爲吾善也，而用其不得爲非也。外儲說秦昭王曰：彼民之所以爲我用者，非以吾愛之爲我用者也，以吾勢之爲我用。』

者也。』利害纂聞云：『奉公者、信賞以示利、行私者、必罰以示害。』夫是以猶言此所以也。翼說疑夫字爲矣字尾誤分，未可從。袁纂聞云：『邪同。』

〔四〕離婁師曠翼說云：『離婁、古之明目者。師曠、音樂師、知音者。』不任各舊本作目必不任。拾補云：『目必二字疑衍。』集解云：『治要無，今據刪。』茲從之。不弊集解云：『治要弊作蔽，二字本書通用。』不因乾道本作耳必不固，迂評本、趙本、凌本作耳必不因。拾補云：『藏本、張本皆無耳必二字。』識誤云：『藏本、今本固作因。』集解云：『按治要亦無耳必二字，固作因，今據刪改。』茲從之。下使字各舊本無，茲依集解據治要增。

〔五〕羣臣各舊本作君臣，茲依纂聞改。纂聞云：『羣、元作君，從山氏正。服行也。』賞告茲集解云：『史記衛鞅傳、告姦者、與斬敵首同賞。』末作本事集解云：『末作、工商也，本事、耕織也。衛鞅傳、事末利及怠而貪者，舉以爲收斂；大小僇力本業，耕織致粟帛多者，復其身。故末作困，而本事利。』習故俗謂習於舊俗也。民疾怨而來過日聞識誤云：『衆字衍。』集解云：『衆當作罪，涉上文而衍。』纂聞云：『疾、惡也，訪書滿院，謂言盈耳，而能不惑聽，爲君難也。』按史記商君傳云：『令行於民期年，秦民之國都言初令之不便者以千數。』卽此所謂『衆過日聞』也。疾怨卽嫉怨新法也。

〔六〕告姦者衆或作私姦者不容，茲從乾道本、趙本、凌本。識誤云：『私下當有告字。』集解云：『商君之

且世之愚學，皆不知治亂之情，譏諛多誦先古之書，以亂當世之治，智慮不足以避穽井之陷，又妄非有術之士，聽其言者危，用其計者亂，此亦愚之至大，而患之至甚者也。〔一〕俱與有術之士有談說之名，而實相去千萬也。此夫名同而實有異者也。夫世愚學之人，比有術之士也，猶螳蟥之比大陵也，其相去遠矣。〔二〕而聖人者，審於是非之實，察於治亂之情也。故其治國也，正明法，陳嚴刑，將以救羣生之亂，去天下之禍，使強不陵弱，衆不暴寡，耆老得遂，幼孤得長，邊境不侵，君臣相親，父子相保，而無死亡繫虜之患，此亦功之至厚者也。愚人不知，顧以爲暴。〔三〕愚者固欲治，而惡其所以治者，皆惡危，而喜其所以危者。何以知之？夫嚴刑重罰者，民之所惡也，而國之所以治也；哀憐百姓，輕刑罰者，民之所喜也，而國之所以危也。聖人爲法於國者，必逆於世，而順於道德。知之者，同於義而異於俗；弗知之者，異於義而同於俗。天下知之者少，則義非矣。〔四〕

校釋

〔一〕譏諛多誦^{△△△}補云：『按多下疑缺一字，譏諛多口爲句，下二字對文。』凌本注云：『譏音譏，

諛音類，細語也。』集解云：『說文：譏，多言也，諛，妄語也。此諛字當作諛，言愚學溺於所聞，妄談治亂，誦說先

古之書，使人主聞之，不敢變法而理。』按通雅云：『大抵口旁言旁多相通也。』集韻云：『諛，音類，與諛同，

妄語也多言也。』據此則諛與諛通，不必改諛爲諛矣。穽井^{△△}翼義云：『所以穿地爲深坑取獸者也，陷沒也。』

集解云：『穽井當作井穽。韓詩外傳五云：兩臂相扶，不陷井穽，則其幸也。作井穽，是其證。禮記人皆曰予知，驅而納諸罟獲陷阱之中，而莫之知避也，即智慮不足以避陷阱義。』妄非乾道本脫非字，茲從迂評本、趙本、凌本。識誤云：『藏本今本有非字。』

〔二〕俱與集解云：『與讀爲禮記內則小切之與稻末，周禮醯人注作小切之爲稻末，是其證。此言世之愚學與法術之士皆名爲有術之士，而其實不同也。』按此與字或讀如字，或訓爲如，均可通，但訓爲爲，則未可從。讀如字者，則此文猶言愚學之人與有術之士，俱有談說之名，而實相去千萬也。訓爲如者，則此文猶言愚學之人亦均如有術之士，有談說之名，而實相去千萬也。彼此所同者，爲有談說之名，而集解謂皆名爲有術之士，誤矣。實相乾道本誤作實於，茲從迂評本、趙本、凌本。識誤云：『藏本今本於作相。』愚學之人迂評注云：『指儒者稱先王。』螳蟥蟥本字，蟥穴外有封土隆起，謂之蟥蟥，亦曰蟥封。大陵大阜也。

〔三〕陵弱迂評本、趙本、凌本作陵弱，茲從乾道本。纂聞云：『潘岳關中詩注引陵作陵云：蒼頡篇曰陵，陵也。』得遂纂聞云：『謂終天年也。』長讀上聲。繫虜乾道本作係虜，茲從迂評本、趙本、凌本。拾補云：『藏本張本繫作係，按二字古通。』按有罪而囚之爲繫，戰敗而俘之爲虜。孟子若殺其父兄，係累其子弟，繫即係累也。至厚猶言至大也。顧纂聞云：『反也。』

〔四〕固集釋云：『故猶皆也，故皆一聲之轉，字或作固。』治者各舊本無者字。集解云：『依下文，治下當

國者、當作者固、者句絕、固下屬。藏本聖上有故字、非也。『補箋云：『按法下當有於字、轉寫奪去、顯廣圻說失之。』』讀云：『爲法於國也。』按有於字是、茲據補義、非矣三字、或作義非而俗勝矣、茲從乾道本、趙本、凌本。

處非道之位、被衆口之譖、溺於當世之言、而欲當嚴天子而求安、幾不亦難哉！此夫智士所以至死而不顯於世者也。『二』楚莊王之弟、春申君有愛妾曰余、春申君之正妻子曰甲、余欲君之棄其妻也、因自傷其身、以示君而泣曰：『得爲君之妾、幸甚。雖然、適夫人、非所以事君也；適君、非所以事夫人也。身故不肖、力不足以適二主、其勢不俱適、與其死夫人所者、不若賜死君前。妾以賜死、若復幸於左右、願君必察之、無爲人笑。』『三』君因信妾余之詐、爲棄正妻。余又欲殺甲、而以其子爲後、因自裂其親身衣之裏、以示君而泣曰：『余之得幸君之日久矣、甲非不知也。今乃欲強戲余、余與爭之、至裂余之衣、而此子之不幸、莫大於此矣。』故妻以妾余之詐棄、而子以之死。『四』從是觀之、父之愛子也、猶可以毀而害也。君臣之相與也、非有父子之親也、而羣臣之毀言、非特一妾之口也、何怪夫聖賢之戮死哉！此商君之所以車裂於秦、而吳起之所以枝解於楚者也。『五』凡人臣者、有罪固不欲誅、無功者皆欲尊顯、而聖人之治國也、賞不加於無功、而誅必行於有罪者也。然則有

術數者之爲人也，固左右姦臣之所害，非明主弗能聽也。〔五〕

校釋 〔一〕『處非道之位』至『非明主莫能聽也』一節，迂評本在『此田成之所以弑簡公者也』

之下，茲姑從乾道本、趙本、凌本。按此節疑原爲和氏篇之一部分，而錯入於本篇，其證有三：（一）本節所言，置於本篇，不如置於和氏篇較與上下文爲更適切貫通；（二）本節有『此商君之所以車裂於秦，而吳起之所以枝解於楚者也』之語，似爲申述和氏篇所謂『然而枝解吳起，而車裂商君者何也？』（三）本篇在元明時或誤合於和氏篇，其後劃分爲兩篇，又未將本節劃入和氏篇中，致有此混淆云。處非道之位，謂立於無權之地也。溺，寡聞云：『謂爲俗說所固溺也，不順道德，以義爲非，故斥有術之士。』當殿天子讀云：『言犯人主之心也。』按此謂天子有威嚴，而有術之士竟干犯之，故不能求安也。幾，識誤云：『當在難字下。』按識誤說誤，幾與豈通，幾不亦難哉，猶言豈不亦難哉，詳見釋詞。

〔二〕春申君識誤云：『與楚世家春申列傳皆不合。』讀云：『言楚莊王之弟，別是一人，非黃歇也。』余纂聞云：『余蓋其姓，甲恐非名。』史記、任少卿曰：『某子甲何不來乎？』萬石君傳：『長子建，次子甲，次子乙，注史失其名，故曰甲乙。』示字，各舊本作是。集解云：『視當作示，以示君，謂以身受傷之處示君也，與下自裂其親身衣之裏，同義。』下正作示，明此視爲示之譌。適，纂聞云：『順適其意也。』故翼云：『周通。』夫人所纂聞云：『猶言夫人手。』妾以賜死若復幸於左右十字，迂評本無，茲從乾道本、趙本、凌本。又以字或作願。

身解云：『以常作才謂才則多死也。』補箋云：『以已同謂多已列後左右也。』補箋云：『以讀爲已，左右謂腰妾也。』言妾已賜死，君若復幸於左右腰妾，願詳察之，勿令蹈妾覆轍也。辭意曲宛如此，王先慎說失之。

〔三〕爲棄集釋云：『而猶爲也。』親身衣翼毳云：『相服也。廣雅：親，近也。釋名：親，襯也。康熙字典：襯，近身衣也。玉篇：相，女人近身衣也。』而此二字，翼毳竊聞屬上讀爲句，且釋之曰：『而，如也。如此者，相示之詞。』按而此二字以屬下讀爲是，而猶是也，謂是此子之不孝，莫大於此矣。此子指甲言，於此之此字指裂衣言。如釋而此爲如此，則與下於此意贅矣。以之死翼毳云：『之字指妾詐。』

〔四〕猶字，迂評本、趙本、凌本無，茲從乾道本。以毀而害乾道本無毀字，或作口，茲從迂評本、趙本、凌本。拾補云：『毀字脫，凌本有。』平議云：『以字衍文，可而即可以也，此文本云父之親子也，猶可而害也，淺人不達古語，於而上又增入以字，則不可通矣。』集解云：『按凌本作猶可以毀而害也是也。下文羣臣之毀言，非特一妾之口也，即蒙此句，明各本脫毀字。』俞氏據誤本，勢不得不刪字以就已說，今據凌本補。『車裂』集解云：『釋名：車裂曰轘，轘，散也。肢體分散也。』是二子皆受轘死，各國名刑不同，韓非亦因而稱之耳。枝當作支。爲人，迂評本、趙本、凌本作爲人臣，茲從乾道本。識誤云：『藏本，今本人下有臣字。』集解云：『人下當有主字，爲音于僞反。』補箋云：『按有術數者之爲人也，與十過篇子反之爲人也，句法相同，王先慎說失。』

之。」

世之學者說人主，不曰『乘威嚴之勢，以困姦妄之臣，』而皆曰『仁義惠愛而已矣。』世主美仁義之名，而不察其實，是以大者國亡身死，小者地削主卑。〔一〕何以明之？夫施與貧困者，此世之所謂仁義；哀憐百姓，不忍誅罰者，此世之所謂惠愛也。夫施與貧困，則無功者得賞；不忍誅罰，則暴亂者不止。國有無功得賞者，則民外不務當敵斬首，內不急力田疾作，皆欲行貨財，事富貴，爲私善，立名譽，以取尊官厚俸。故姦私之臣愈衆，而暴亂之徒愈勝，不亡何待？〔二〕夫嚴刑者，民之所畏也；重罰者，民之所惡也。故聖人陳其所畏，以禁其姦；設其所惡，以防其奸。是以國安而暴亂不起。吾是以明仁義愛惠之不足用，而嚴刑重罰之可以治國也。無捶策之威，銜轡之備，雖造父不能以服馬。無規矩之法，繩墨之端，雖王爾不能以成方圓。無威嚴之勢，賞罰之法，雖堯舜不能以爲治。今世主皆輕釋重罰嚴誅，行愛惠而欲霸王之功，亦不可幾也。故善爲主者，明賞設利以勸之，使民以功賞，而不以仁義賜；嚴刑重罰以禁之，使民以罪誅，而不以愛惠免。是以無功者不望，而有罪者不幸矣。〔三〕託於犀車良馬之上，則可以陸犯阪阻之患；乘舟之安，持楫之利，則可以水絕江河之難；操法術之數，行重罰嚴誅，則可以致霸王之功。治國之有法術賞罰，猶若陸行之有犀車良馬也，水行之有輕舟便楫也，乘之者遂得其成。伊尹得之，湯以王；管仲得之，齊以霸；商君得之，秦以強。此三人

孝悌明於諸王之術，寡於治弱之數，而不以彊於世，佐之言適當世明主之意，則有直衣之士立爲卿相之處；處位治國，則有尊主廣地之實。此之謂足貴之臣。^{〔四〕}湯得伊尹，以百里之地立爲天子；桓公得管仲，爲五霸主，九合諸侯，一匡天下；孝公得商君，地以廣，兵以強，故有忠臣者，外無敵國之患，內無亂臣之憂，長安於天下，而名垂後世，所謂忠臣也。^{〔五〕}若夫豫讓爲智伯臣也，上不能說人主使之明法術，度數之理，以避禍難之患；下不能領御其衆，以安其國。及襄子之殺智伯也，豫讓乃自黥劓，敗其形容，以爲智伯報襄子之仇。是雖有殘形殺身以爲人主之名，而實無益於智伯。若秋毫之末，此吾之所下也，而世主以爲忠而高之。^{〔六〕}古有伯夷、叔齊者，武王讓以天下而弗受，二人餓死首陽之陵。若此臣者，不畏重誅，不利重賞，不可以罰禁也，不可以賞使也。此之謂無益之臣也，吾所少而去也，而世主之所多而求也。^{〔七〕}

校釋 ^{〔一〕}學者各舊本作學術者。讀記云：『術字當衍。韓子申明法術，而嘗當時爲僞學。故上文云：至治之法術已明矣，而世學者弗知也。又云：夫世愚學之人，比有術之士也，猶螳蟴之比大陵也，其相去遠矣。明此文學下不當有術字。』按無術字是，茲據刪。學者，卽指儒家。孟子見梁惠王曰：『王何必曰利，亦有仁義而已矣。』此卽下文不曰『威嚴』而曰『仁義』之由來也。

^{〔二〕}施與乾道本脫與字，茲從迂評本、趙本、凌本、拾補云：『與字脫，一本有。』集解云：『按有與字是也，』

下有與字，卽其證。『夫下各舊本有有字。識誤云：『當衍有字，』茲據刪。外不二字，各舊本倒。識誤云：『不外當作外不。』纂聞已乙，茲從之。

〔三〕嚴刑。乾道本脫刑字，茲從迂評本、趙本、凌本。識誤云：『藏本、今本殿下有刑字。』集解云：『按嚴刑重誅相對，明此脫。』捶策。迂評本作極策，茲從乾道本、趙本、凌本。翼韞云：『捶策，馬鞭也。』銜。翼韞云：『西征賦注：銜，勒也。檝，駢馬口中長銜也。漢書王吉傳注：銜，馬銜也。檝，車鈎心也。張揖以檝爲馬之長銜，非也。』王爾纂聞云：『淮南本經訓注：王爾，古之巧匠。』欲字。迂評本無，茲從乾道本、趙本、凌本。拾補云：『藏本無欲字。』世猶期也。不幸謂不倖免也。

〔四〕犀車。集解云：『漢書馮奉世傳注：引晉灼云：犀，堅也。然則犀車，良馬，卽堅車，良馬矣。吳子嘯變篇云：車堅馬良，是其義也。』纂聞云：『犀車，外儲，難勢並作固車，義同。』乘舟持檝。札記云：『猶乘猶因也。本書喻老篇：因乘以導之。漢書董仲舒傳：因乘富貴之資力，因乘連文。史記秦始皇本紀：因利乘便。淮南子本經訓：乘時因勢，因乘互用。持，借爲恃。莊子徐無鬼：恃源而往。釋文：本作持。說文：恃，賴也。賴，亦因也。此謂因舟之安，恃檝之利，則可以水絕江河之難。荀子勸學篇：假舟楫者，非能水也，而絕江河。淮南子主術訓：乘舟楫者，不能游而絕江海。呂覽知度篇：絕江者託於船。託假與因賴，義並相近。』按檝與楫同，行舟之具，俗謂之槳。水絕。迂評本、趙本、凌本誤作永絕，茲從乾道本。纂聞云：『荀子注：絕，過也。』翼韞云：『漢書匈奴傳注：直渡』

日絕。』乘之者遂得其成。讀記云：『按此文當云乘之者遂得之者成。乘之者遂指車馬舟楫言；得之者成指法術賞罰言，皆與上文相承。下文云：伊尹得之湯以王，管仲得之齊以霸，商君得之秦以強，又與此相承也。傳寫得下奪之者二字，校者妄補其字，合爲一句，遂不可通矣。』牽翼毳云：『猶拘也。』立爲卿相之處，迂評本、凌本處作功，茲從乾道本。趙本：斟補云：『卿相之處，猶言卿相之位，立爲，卽立於也。爲有於訓，如左傳莊二十二年，並於正卿，釋文謂于或作爲是也。』釋詞云：『爲，猶於也。』

傳莊二十二年，並於正卿，釋文謂于或作爲是也。』釋詞云：『爲，猶於也。』

〔五〕五霸主，疑聞云：『十過篇主作長。』山曰：主，首也。』忠臣，乾道本，趙本作忠，茲從迂評本，凌本，拾補云：『臣字脫，凌本有。』集解云：『按有臣字是，下所謂忠臣也，卽承此。』名垂，迂評本誤作名乘，茲從乾道本，趙本，凌本，所謂上疑脫此吾二字。

〔六〕說人主使之五字，乾道本作說主使人之，迂評本作主使人主，茲從趙本、凌本。識誤云：「藏本今本人字在主字上。」黥劓乾道本、趙本、凌本作黔劓，迂評本作黠劓。拾補云：「黔藏本，張本作黠，本當作鉗。」識誤云：「黔當作黠。」集解云：「顧說是。書呂刑：爰始淫爲劓刵，桼黠，黠劓刑在面，趙策所謂自刑以變其容也。」翼龜云：「黔一作黠，並同鉗，罪人以鐵束頸髮也。黔當作黠。漢書賈誼傳：與衆庶同黠劓髡削，下文云：豫讓毀面吞炭，注：燬，薰也，以毒薰入之。按戰國未有鉗罪也。秦策云：黠劓其傅，可證劓斷鼻也。」按作黔是，茲據改殘形。乾道本作殘刑，茲從迂評本、趙本、凌本。集解云：「刑當作形。」按殘形謂損傷其形容也。所

下纂聞云：『下猶卑也。』

〔七〕伯夷叔齊翼毳云：『孤竹君之二子也，周武王讓天下事，傳記所未見，蓋戰國辯士之言耳。首陽山名。』臣者乾道本，趙本無者字，茲從迂評本，凌本所少所多，猶言所鄙所賢也。』

諺曰：『厲憐王，』此不恭之言也。雖然，古無虛諺，不可不察也。此謂劫殺死亡之主言也。〔一〕

人主無法術以御其臣，雖長年而美材，大臣猶將得勢擅事主斷，而各爲其私急，而恐父兄豪傑之士，借人主之力，以禁誅於己也，故弑賢長而立幼弱，廢正適而立不義。〔二〕故春秋記之曰：楚王子圉將聘於鄭，未出境，聞王病而反，因入問病，以其冠纓紱王而殺之，遂自立也。齊崔杼，其妻美，而莊公通之，數如崔氏之室。及公往，崔子之徒賈舉牽崔子之徒而攻公，公入室，請與之分國，崔子不許，公請自刃於廟，崔子又不聽。公乃走踰於北牆，賈舉射公，中其股，公墜，崔子之徒以戈斫公而死之，而立其弟景公。〔三〕近之所見：李兌之用趙也，餓主父百日而死；卓齒之用齊也，擢淞王之筋，懸之廟梁，宿昔而死。〔四〕故厲雖癰腫疔瘍，上比於春秋，未至於絞頸射股也；下比於近世，未至於餓死擢筋也。故劫殺死亡之君，此其心之憂懼，形之苦痛也，必甚於厲矣。由此觀之，雖「厲憐王」可也。

〔五〕

校釋

〔一〕厲憐王，識誤云：『乾道本、藏本提行，今本連前，誤。戰國策以此至末可也，皆作孫子爲書謝。』

在中君，韓詩外傳同。『纂聞云：』莊子：厲之人夜半生其子，刺客傳注：厲音賴，索隱曰：古多借厲爲賴，今賴字從病，故楚有賴鄉，亦作厲字。楚策注：厲雖惡疾，猶愈於劫弑，故反憐王。劉辰翁曰：此韓非語，苟不應用。吳云：『韓非正用句語也。』『謂集解云：』讀爲爲，殺策作弑。『集釋云：』謂猶爲也，策作爲，讀去聲。』

〔二〕人主乾道本，趙本無主字，茲從迂評本，凌本拾補云：『主字脫，凌本有。』集解云：『按楚策、韓詩外傳皆有。』美材迂評本，凌本作材美，茲從乾道本，趙本拾補云：『藏本、張本作材美。』主斷纂聞云：『見外儲。』翼毳云：『事、政事也。楚策：州侯主斷，注：謂其專決。』父兄纂聞云：『同姓之臣也。』禁誅纂聞云：『謂禁其姦而誅之。』正適乾道本，凌本作正的，茲從迂評本，趙本識誤云：『藏本的作適，是也，策外傳皆作適。』纂聞云：『適音嫡，不義，謂庶孽不宜立者，特推立之，以結私恩也。』翼毳云：『穀梁傳：諸侯與正，注：正謂嫡長也。』

〔三〕王子闔，集解云：『事見左昭元年傳。』聘翼毳云：『曲禮：諸侯使大夫問於諸侯曰聘。』其妻國策、韓詩外傳作之妻，按其之義同。數如屢往也。斫公纂聞云：『斫，斬也。策注：事見左傳襄二十年。』〔四〕近之拾補云：『云外傳作世。』纂聞云：『策之作代。』主父翼毳云：『趙肅侯子武靈王，名雍。楚策、韓詩外傳父字下並有於沙丘三字。』卓齒迂評本，趙本凌本作淖齒，茲從乾道本。識誤云：『藏本、今本卓作淖，策外傳皆作淖。今按卓淖同字，乾道本未嘗誤，改者非也。古今人表：淖齒，師古曰：淖或作卓。』纂聞云：

『秦策注、淖齒、楚相、楚使救齊、因相之。索隱曰：淖、姓也、音民敎切。按淖當音卓、呂覽正名篇作卓齒、貨殖傳、卓氏、徐注、卓一作淖。』擢翼毳云：『引抽也。』宿昔、纂聞云：『策作宿夕、注、夕、夜也、通作昔。事在閏四十年。』翼毳云：『宿昔、一夜也。』

〔五〕癰腫、凌本作癰腫、茲從乾道本、趙本、迂評本。按癰癰同字。纂聞云：『厲疾皮肉腫起、如癰潰。楚策作癰腫、韓策臃腫、莊子擁腫。』疔瘍、翼毳云：『策作胞疾、韓詩外傳作痂疵。周禮醫師、疔瘍者、造焉、注、疔、頭瘍、亦謂禿也。』選注云：『疔、音庇。』射字、乾道本脫、茲從迂評本、趙本、凌本。識誤云：『藏本、今本股上有射字、策外傳有。』近世、趙本誤作勢臣、茲從乾道本、迂評本、凌本。識誤云：『藏本同、今本近世作近臣、誤。』於餓、乾道本、迂評本無於字、茲從趙本、凌本。識誤云：『藏本同、今本至下有於字、餓作餓。策作未至、攢筋而餓死也、外傳無而字、餘同。』此其、集釋云：『此猶其也。』按此其二字為複語同義、甚於乾道本、趙本無於字、茲從迂評本、凌本。拾補云：『於字脫、藏本、張本有、外傳同。』集解云：『按策有於字。』

說疑

釋題 本篇原爲第十七卷第四十四篇說論也，爲一種文體疑。識誤云：『讀爲擬。』傳校云：『疑爲僣之借字，擬亦爲僣之借字，僣僣僣也。』按本篇末節說明並后貳政擬主之「四擬」，足以隕身滅國，因以名篇。疑者不一也，不一則相似相敵，亂之所由生也，故法家引以爲戒。

提要 本篇主旨在說明人君任臣之術。全篇分爲四大節：首節言任臣之宜慎；次節列舉古人之不可用於今者共五類；三節言明君與亂主任臣之異術——明君內舉不避親，外舉不避讎；亂主以毀譽用人，則姦臣得比周以弑君奪國；末節言任臣須禁「五姦」并破「四擬」。

考證 本篇思想合於韓非，殆無可疑。篇中以田氏代齊，三家分晉等事爲「今時之所聞」，亦合於韓非之時代。惟有二事須加說明：其一爲首節之文，前後不甚相貫。自「又非其難道也」以上，蓋他篇錯簡於本篇歟？其二爲本篇體裁，以篇名「說疑」言之，似爲一篇論說，而其實爲一篇上書。篇中自稱臣者三，一見於首節末句，二見於末節首句，可證本篇爲韓非上韓王書也。或曰：首節末句及末節首句之三臣字，乃泛言，而非自稱，則是以本篇爲論說體矣。

凡治之大者，非謂其賞罰之當也。賞無功之人，罰無罪之民，非所謂明也。「一」賞有功，罰有罪，

而不失其人，方在於人者也，非能生功止過者也。是故禁姦之法，太上禁其心，其次禁其言，其次禁其事。^{〔二〕}今世皆曰尊主安國者必以仁義智能，而不知卑主危國者之必以仁義智能也。故有道之主，遠仁義，去智能，服之以法。是以譽廣而名威，民治而國安，知用民之法也。凡^{〔三〕}術也者，主之所以執也；法也者，官之所以師也。然使郎中日聞道於郎門之外，以至於境內日見法，又非其難者也。^{〔四〕}

昔者有扈氏有失度，謹兜有孤男，三苗有成駒，桀有侯侈，紂有崇侯虎，晉有優施，^{〔五〕}——此六人者，亡國之臣也。言非如是，言是如非，內險以賊，其外小謹，以徵其善，稱道往古，使良事沮，善禪其主，以集精微，亂之以其所好，此夫郎中左右之類者也。^{〔六〕}往世之主，有得人而身安而國存者，有得人而身危國亡者，得人之名一也，而利害相千萬也，故人主左右不可不慎也。爲人主者，誠明於臣之所言，則別賢不肖如黑白矣。^{〔七〕}

校釋 ^{〔一〕}非謂迂評本脫非字，茲從乾道本、趙本、凌本。謂賞罰當，固爲治之要，然非其大者也。大者，猶言最要者。之民，乾道本脫之字，茲從迂評本、藏本、趙本、凌本。非……明，識誤以明字衍，未可從。蘇開云：『賞罰失當，君不明也。』

^{〔二〕}人方在迂評本、趙本、凌本作當乃在，茲從乾道本、藏本。識誤云：『今本人方作乃當，誤。按在當作任。』

形近誤。『集解云：』顧說是，讀當以而不失其人句，方任於人者也句。『補箋云：』方，猶僅也，在猶及也。賞有功，其賞僅及於有功者，非能生功也。罰有罪，其罰僅及於有罪者，非能止過也。故下文云：非能生功止過者也。顧王並以在爲任，譌失之。『按補箋說是。禁其心，蓋卽心度篇所謂『禁姦於未萌』也。法之爲用，可以禁事，可以禁言，但禁其心，殆不可能。今日禁其心者，乃謂以法使其不萌姦心而已。』

〔三〕仁義智能，謂儒家之說也。服纂聞云：『行也。』名威，謂有威名也。纂聞以威字當作成，誤。

〔四〕郎中，日聞道於補箋云：『於字衍文。郎中，郎門之中也。郎中，日聞道句，言道明於近習也。郎門之外，以至於境內，日見法，言法行於國也。』按郎中，官名，侍從之職，以常隨君主居於郎門之內，故名。聲道，猶今言傳達。郎中聞於君主，道於臣民，其所言所道者，皆所謂法也。道字，動詞，與下文法字不同義。補箋之說，似不可從。

〔五〕有扈氏，翼彞云：『路史夏后』，戶氏不恭，信相失度，威侮五行。戶，扈通。『孤男翼彞云：』路史國名紀，驩兜以嬖臣狐攻專權亡國。』成駒纂聞云：『未聞。』侯修識誤云：『墨子所染篇云：夏桀染於干辛推哆。又明鬼篇云：推哆大戲主別兇虎。古今人表下中有推侈，卽此侯侈。又呂氏春秋簡選篇云：移大犧，淮南子主術訓云：推移大犧。侈、哆、移，皆同字耳。』翼彞云：『路史桀以羊莘侯侈爲相。』雜志云：『侯當作佳，形相似而誤。錄書从佳从候之字，往往譌潤，說見墨子非命篇爲舌下。墨子所染篇明鬼篇並作推侈，晏子諫』

篇、漢書古今人表並作推侈。佳與推聲相近，故通作推也，其爲佳字無疑。『崇侯虎翼說云：『呂覽、殷紂染於崇侯惡來。』優施迂評本作狐優施，茲從乾道本、趙本、凌本。纂聞云：『晉語、獻公之優曰施，注：施其名也。優上一有狐字非。』

〔六〕險以賊猶言險而賊也。徵猶證也。纂聞云：『飾其外貌，似小心謹慎者，以爲己善之證兆也。說苑、內實頗險，外貌小謹。管子、小謹者不大立。』自使良至精微十二字，迂評本脫，茲從乾道本、趙本、凌本。沮止也。禪集解云：『與擅通。莊子人間世釋文、禪本作擅是也。說文、擅專也。精微猶精細也，言平日擅專其主，無毫髮之可間也。』纂聞云：『禪擅通。善擅其主，謂力能擅制其主，以集成微密難知之姦謀也。管子、人臣之以乘而爲姦者，擅主也。荀子、周公鄉有天下，今無天下，非擅也。注：擅與禪同。』好集解云：『投其所欲，引爲不善也。』按亂之以其所好，卽所謂『養殃』也，詳八姦篇。

〔七〕萬字、乾道本作万，茲從迂評本、趙本、凌本。按萬、万同字。人主左右疑當作人主於左右。臣翼說云：『韓子自謂也。』

若夫許由、續牙、晉伯陽、秦顓頊、衛僑如、狐不稽、重明、董不識、卞隨、務光、伯夷、叔齊——此十二人者，皆上見利不喜，下臨難不恐，或與之天下而不取，有萃辱之名，則不樂食穀之利。〔三〕夫見利不喜，上雖厚賞，無以勸之；臨難不恐，上雖嚴刑，無以威之。此之謂不令之民也。此十二人者，或伏死

於窟穴，或槁死於草木，或飢餓於山谷，或沈溺於水泉。有民如此，先古聖王皆不能臣，當今之世，將安用之？〔三〕

若夫關龍逢、王子比干、隨季梁、陳泄治、楚申胥、吳子胥，〔四〕——此六人者，皆疾爭強諫以勝其君，言聽事行，則如師徒之合；一言而不聽，一事而不行，則陵其主以語，從之以威，雖身死家破，要領不屬，手足異處，不難爲也。如此臣者，先古聖王皆不能忍也，當今之時，將安用之？〔五〕

若夫齊田恆、宋子罕、魯季孫意如、僑如、衛子南頸、鄭太宰欣、楚白公、周單荼、燕子之，〔六〕——

此九人者之爲其臣也，皆朋黨比周以事其君，隱正道而行私曲，上逼君，下亂治，援外以撓內，親下以謀上，不難爲也。如此臣者，唯賢王智主能禁之，若夫昏亂之君能見之乎？〔七〕

若夫后稷、皋陶、伊尹、周公旦、太公望、管仲、隰朋、百里奚、蹇叔、舅犯、趙衰、范蠡、大夫種、逢同、華登，

〔八〕——此十五人者之爲其臣也，皆夙興夜寐，卑身賤體，竦心白意，明刑辟，治官職，以事其君。進善言，通道法，而不敢矜其善；有成功立事，而不敢伐其勞。〔九〕不難破家以便國，殺身以安主。以其主爲高天泰山之尊，而以其身爲壑谷黼洧之卑。主有明名廣譽於國，而身不難受壑谷黼洧之卑。如此臣者，雖當昏亂之主，尙可致功，況於顯明之主乎？此謂霸王之佐也。〔一〇〕

若夫周滑伯、鄭公孫申、陳公孫寧、儀行父、荊芊尹申亥、隨少師、越種干、吳王孫頌、晉陽成泄、齊

豎刁、易牙、^(一一)——此十二人者之爲其臣也，皆思小利而忘法義，進則揜蔽賢良以陰闢其主，退則撓亂百官而爲禍難，皆輔其君，共其欲，苟得一說於主，雖破國殺衆，不難爲也。有臣如此，雖當聖主，尙恐奪之，而況昏亂之君，其能無失乎？有臣如此者，皆身死國亡，爲天下笑。^(一二)故周威公身殺，國分爲二；鄭子陽身殺，國分爲三；陳靈公身死於夏徵舒氏，荆靈公死於乾谿之上，隨亡於荆，吳并於越，智伯滅於晉陽之下，桓公身死七日不收，故曰諂諛之臣，唯聖王知之，而亂主近之，故至身死國亡。^(一三)

校釋 ^(一)許由續牙晉伯陽識誤云：『晉字當衍。』^(二)纂聞云：『呂覽、舜染於許由、伯陽，按晉、蓋其姓。』^(三)秦顛頡衛僑如識誤云：『未詳。』纂聞云：『秦顛頡疑卽秦不空，或作秦不虛，路史作秦不字。』平議云：『顛頡，晉人，而係之秦；僑如，魯人，而係之衛，不可曉。且其人亦非如下文所云伏死窟穴者也。據下文云若夫魯季孫意如、晉僑如……之爲其臣也，皆朋黨比周，以事其君云云，疑魯季孫意如、晉僑如當作晉顛頡、魯僑如，而傳寫誤人。上文又移晉字於伯陽之上，遂妄竄入秦字耳。』按此節所言者，俱爲賢人之流，秦顛頡、衛僑如二人有誤，待考。狐不稽識誤云：『莊子大宗師、狐不偕，釋文云：古賢人也。』斟補云：『此文原本蓋作伯陽，秦口口顛口，知者舜有七友，於本文所舉續牙伯陽蓋不識外，尙有雒陶、秦不虛方回，見漢書古今人表。此文秦字以下蓋卽不虛二字，顛爲雒誤，下爲陶字。』^(四)重明識誤云：『未詳。』纂聞云：『疑卽靈甫，字』

形頗類。『董不識』識誤云：『齊策、舜有七友，姚校云：雄陶、方回、續牙、伯陽、東不訾、秦不虛、靈甫。古今人表上有雄陶、續身、柏陽、東不訾、秦不虛、顏師古曰：雄陶以下，皆舜之友也。身或作耳，虛或作宇，並見尸子。上中有方回，其靈甫，人表未見也。此續牙，卽續身，伯陽，卽柏陽，董不識，卽東不訾，其餘或皆彼之駁異耳。』下隨、務光、纂聞云：『殷湯讓天下，而俱不受者。』

〔二〕十二人乾道本脫人字，茲從迂評本。迂評注云：『清介不污之臣。』萃辱，迂評本、趙本、凌本作卑辱，茲從乾道本。識誤云：『藏本同，今本萃作卑。』集解云：『萃字不誤。說文、萃，讀若瘁，卽頓字，頓，顛頓也。荀子富國篇，勞苦頓萃，而愈無功，正作萃，是其證。今本改萃爲卑，失其義矣。』食穀，謂任官食祿也。古官祿以穀爲之，故云。纂聞云：『論語、邦有道穀，孔安國曰：穀，祿也。』

〔三〕不令，纂聞云：『謂不可使令也。』槁死，謂如草木之枯死也。民字，乾道本脫，茲從迂評本。藏本、趙本、凌本。

〔四〕關龍逢，翼龜云：『桀臣。』比干，翼龜云：『紂庶兄。』季梁，纂聞云：『左桓六年注，隨賢臣。』泄冶，纂聞云：『諫陳靈公，事見左宣九年。』申胥，識誤云：『當作葆申。葆申者，楚文王之臣，極言文王茹黃狗宛路，贈丹姬事而變更之，下文所謂疾爭強諫以勝其君者也。見呂氏春秋。高誘注云：葆，太葆，名申。又見說苑，葆作保，古今人表同，葆保同字也。』

〔五〕六人[△]迂評注云：『輕死之臣。』合字乾道本、趙本、凌本作勢，茲從迂評本。拾補云：『勢，秦本作合。』按作合是，謂君臣相投如師弟之相合也。從之以威，雖身六字，乾道本作待之以其身，雖，茲從迂評本。趙本、凌本集解云：『從之以威句，此如鬻拳諫君以兵之類。』纂聞云：『從，繼也。』要領[△]纂聞云：『要，青腰，手宜作首。呂覽要領不屬，首足異處，注屬連也。魏策要領之罪，注斬刑也。禮記是全要領，注免於刑誅也。』忍解[△]詁云：『容忍也。』

〔六〕齊田[△]二字，乾道本、趙本、凌本作田齊，茲從迂評本。拾補云：『田齊倒，張本作齊田。』儒如[△]各舊本作晉僑如。纂聞云：『晉字衍文。左傳成十年，宣伯通於穆姜，欲去季孟而取其室，不成，奔齊。又通聲孟子，立於高國之間，遂奔衛，亦間於卿。宣伯、叔孫喬如也。』集解亦以晉字衍，茲據刪。子南勳，迂評本無勳字，茲從乾道本、趙本、凌本。翼毳云：『史記周本紀注，汲冢古文云：衛將軍文子爲子南彌牟，其後有子南勳。紀年，勳朝於魏，後惠成王如衛，命子南爲侯。』太宰欣[△]識誤云：『未詳，下文云：太宰欣取鄭。』白公楚太子建子勝，幼在吳，子西召之還，使爲白公，後作亂，殺子西，子期於朝而劫惠王，葉公子高討之，白公奔山而縊。』單茶[△]識誤云：『未詳，下文單氏取周。』

〔七〕九人[△]迂評注云：『專國之臣。』援撓[△]翼毳云：『借他國之威，以撓君權。』親下[△]趙本、凌本作侵下，茲從乾道本、迂評本。識誤云：『藏本同，今本親作侵，誤。』見謂知臣茲也。

〔八〕百里奚蹇叔翼云：『皆秦穆公臣。』趙襄乾道本、趙本、凌本誤作趙襄，茲從迂評本。識誤云：『襄當作襄。』按趙襄與舅犯俱爲晉文公臣。逢同纂聞云：『越世家索隱：逢同，越大夫，故楚有逢伯。』華登纂聞云：『吳語注：華登，宋司馬華費遂之子也，華氏作亂於宋而敗，登奔吳爲大夫。』

〔九〕十五人迂評注云：『聖智之臣。』之字，各舊本無。爲其迂評本作其爲，茲從乾道本、趙本、凌本。集解云：『盧文弨曰：爲其疑倒，下同。先慎曰：者下脫之字。上文此九人者之爲其臣也，下文此十二人者之爲其臣也，句法一律，明此脫之字，讀當以十字爲句，盧氏疑爲其倒，非也。』竦心白意迂評本脫白字，茲從乾道本、趙本、凌本。翼云：『說文：竦，敬也，自申束也。漢書東方朔傳：寡人將竦意而覽焉。』纂聞云：『說苑：虛心白意，莊子天下篇：人我之養，畢足而止，以此白心。管子有白心篇。』按竦心白意，謂敬謹從事，而無所私也。刑辟猶言刑罪也。

〔一〇〕爾雅釋文：『爾雅釋文：鬴，古釜字，鬴，即釜鍤也。洧，古讀與復聲之字近。水經：洧水注：甲庚溝水枝分，東逕洧陽城南，俗謂之復陽城，非也。善洧復字類音讀變，是其證也。洧可讀爲復，則亦可以讀爲鍤。方言：釜，自關而西，或謂之釜，或謂之鍤，明釜鍤連文。此鬴洧即釜鍤之通段字矣。鬴洧，四旁高而中央卑，與鬴谷地形之卑相類，故並以爲身卑之喻。』翼云：『鬴，洧，二水名。』纂聞云：『山曰：九河有鬴，注：水中可居住，而有狀如覆釜，洧讀源委之委。』明名讀云：『顯名。』卑字，迂評本作害，茲從乾道本、趙本、凌本。集

解云：『主得美名，而身受卑名也。上文指位言，此指名言，文複而義不同。』

〔一二〕滑伯乾道本作滑之，茲從迂評本。趙本、凌本。識誤云：『藏本同，今本之作伯。按依下文，此周威王所用也，今無可考。』公孫申各舊本作王孫申。集解云：『鄭無王孫，王當爲公之誤。』纂聞說同，茲據改。識誤云：『依下文，此鄭子陽所用也。』公孫寧儀行父纂聞云：『皆陳大夫，與靈公通於夏姬。』芋尹迂評本。趙本、凌本作芋尹，茲從乾道本。纂聞云：『芋尹、申無字之子也。楚語：穀陽豎愛子反之勞也，而獻飲焉，以斃於鄧；芋尹申亥從靈公之欲，以隕於乾谿。』君子曰：從而逆，蓋謂其與君同好惡，無所匡救也。此與少師並，彼與穀陽伍，其意可見。韋注引其葬靈王事，此奉舊君之善節也，豈可謂逆？其云隕於乾谿，必別有指。種干識誤云：『下文未見。』王孫頌識誤云：『頌，國語作頌，頌維同字也，他書頌作駱。』纂聞云：『墨子：吳王夫差染於王孫頌，太宰嚭說苑：太宰嚭，王孫頌，偷合苟容，以順夫差之志，然則頌亦嚭之流耳。』陽成泄識誤云：『依下文，智伯所用也。』

〔一二〕十二人識誤云：『按上文，但有十一人，當有脫文。』纂聞刪上文越種干，而改此爲十人，茲不從。陰闇翼毳云：『如浮雲蔽日。後漢書郎顗傳：正月以來，陰闇連日。』共纂聞云：『續曰：供。』說集解云：『即悅字。』按此謂逢君之惡，以求見悅於君也。

〔一二〕威公集解云：『河南桓公揭之子。桓公自封少子於鞏，以奉王，號東周，而河南遂號西周，不詳身』

殺之事。『子陽』纂開云：『史記鄭繻公殺其相子陽，子陽之黨共殺繻公。今考莊列及呂覽新序，似鄭君遇弑不諡者，故高誘注汜論訓云：子陽，鄭君，或曰鄭相。』夏徵舒，新釋云：『陳大夫御叔之子，夏姬所生也。靈公通於夏姬，與公孫寧儀行父飲酒於夏氏，徵舒過之，公謂行父曰：徵舒似女。對曰：亦似君。徵舒病之，公出自其廐射而殺之，故曰死於夏徵舒也。』乾谿，地名。解詁云：『靈王無道，棄疾入國爲亂，三軍叛之，王自殺於乾谿。』翼龜云：『陳荆隨事見左傳，吳并於越事見越語，智伯事見十過篇。』七日，史記作六十七日。聖王明君則不然：內舉不避親，外舉不避仇，是在焉，從而舉之，非在焉，從而罰之。是以賢良遂進而姦邪并退，故一舉而能服諸侯。『其在記曰：堯有丹朱，而舜有商均，啓有五觀，商有太甲，武王有管蔡，五王之所誅者，皆父兄子弟之親也，而所殺亡其身，殘破其家者，何也？以其害國傷民敗法圯類也。』觀其所舉，或在山林藪澤巖穴之間，或在囹圄縲紲纏索之中，或在割烹芻牧飯牛之事，然明主不差其卑賤也，以其能爲可以明法便國利民，從而舉之，身安名尊。『亂主則不然，不知其臣之意行，而任之以國，故小之名卑地削，大之國亡身死，不明於用臣也。夫無數以度其臣者，必以衆人之口斷之。衆之所譽，從而說之；衆之所非，從而憎之。』故爲人臣者，破家殘胼，內構黨與，外接巷族以爲譽，從陰約結以相固也，虛與爵祿以相勸也。曰：『與我者將利之，不與我者將害之。』衆貪其利，刦其威，彼誠喜，則能利己；誠怒，則能害己。衆歸而民留之，

以譽盈於國，發聞於主，主不能理其情，因以爲賢。^{〔六〕}彼又使誣詐之士，外假爲諸侯之繇使，假之以輿馬，信之以瑞節，鎮之以辭令，資之以幣帛，使諸淫說其主，微挾私而公議。^{〔七〕}所爲使者，異國之主也；所爲談者，左右之人也。主說其言而辯其辭，以此人者，天下之賢士也。內外之於左右，其風一而語同。大者不難卑身擢位以下之，小者高爵重祿以利之。夫姦人之爵祿重，而黨與彌衆；又有姦邪之意，則姦臣愈反而說之。^{〔八〕}曰：『古之所謂聖君明主者，非長幼世及以次序也，以其攜黨與聚巷族，偪上弑君，而求其利也。』彼曰：『何如其然也？』因曰：『舜偪堯，禹偪舜，湯放桀，武王伐紂。此四王者，人臣弑其君者也，而天下譽之。察四王之情，貪得之意也；度其行，暴亂之兵也。然四王自廣措也，而天下稱大焉；自顯名也，而天下稱明焉；則威足以臨天下，利足以蓋世，天下從之。』^{〔九〕}又曰：『以今時之所聞，田成子取齊，司城子罕，太宰欣取鄭，單氏取周，易牙之取衛，韓魏趙三子分晉，此亦人臣之弑其君者也。』姦臣聞此，蹶然舉耳以爲是也。故內攜黨與，外撻巷族，觀時發事，一舉而取國家。^{〔一〇〕}且夫內以黨與劫弑其君，外以諸侯之權矯易其國，隱正道，持私曲，上禁君，下撓治者，不可勝數也。是何也？則不明於擇臣也。^{〔一一〕}記曰：周宣王以來，亡國數十，其臣弑君而取國者衆矣。然則難之從內起與從外作者，相半也。能一盡其民力，破國殺身者，尙皆賢主也。若夫轉身易位，全衆傳國，最其病也。^{〔一二〕}

校釋「一」遂翼云：『亦進也。書顯忠遂良，易，羝羊觸藩，不能退，不能遂。』按遂進猶言盡進也。并翼

需以并與屏通，纂聞以并宜作迸。按并退猶言俱退也。遂與并爲互文，均屬狀詞。

「二」記謂古史之所記也，下「記曰」之記同。丹朱商均，解詁云：『楚語注，朱，堯子，封於丹。均，舜子，封於商。』纂聞云：『莊子，滿苟得曰：堯殺其子，舜流母弟，孟子闢之，其說舊矣。』五觀翼云：『竹書紀年，帝啓十一年，放季子武觀於西河，注武觀，卽楚語五觀也。』太甲纂聞云：『湯孫，太丁之子，不遵湯法，伊尹不能正，放之於桐。』管、蔡翼云：『管叔、蔡叔，文王子，武王弟。』按管蔡以周公攝政而叛，周公誅之，所謂大義滅親者是也。迂評注云：『自管蔡之外，如朱、均、太甲，何嘗受誅，此戰國之訛言也。』圯類乾道本，藏本無圯字，茲從迂評本。趙本、凌本翼云：『圯，毀也，類族也。堯典，方命圯族。』

「三」縲字，乾道本作縲，茲從迂評本。藏本、趙本、凌本，縲字各舊本作縲。拾補云：『縲當作縲。』茲據改。纂聞云：『經，史記正義，音墨。薛瓌曰：縲，索也。楊升菴外集，兩股曰縲，三股曰徽。古者獄中以墨索拘繫罪人，論語所謂縲紲也。』翼云：『山林藪澤指舜，巖穴指傅說，囹圄指管仲拘於魯，縲紲縲索指晏嬰購越石父，割烹指伊尹，芻牧指百里奚，飯牛指事威。』然字，迂評本、趙本、凌本作然，而茲從乾道本。識誤云：『藏本，今本無爲字，按下有後字，今本有而字，皆誤。』能爲迂評本、趙本、凌本無爲字，茲從乾道本。識誤云：『藏本，今本無爲字，按能字逗。』今按能謂材能，能爲二字宜與上下文連續。

〔四〕夫字、乾道本、藏本無，茲從迂評本、趙本、凌本。數集解云：『謂術數。』者必二字，迂評本作而，凌本作必，茲從乾道本、趙本。以字下，乾道本、趙本、凌本有其字，茲從迂評本。從因也。

〔五〕賸、迂評注云：『音粹，貨也。』翼、彘云：『或曰賸疑財字，財隸文作賸，形似故誤。』巷族、講義云：『謂鄰里鄉黨也。』從陰約結，謂隱相勾結也。虛與迂評本作虛相，乾道本、趙本、凌本作虛相與。識誤云：『相字當衍，』茲據刪。按虛與爵祿，謂無功而與以爵祿也。曰字，迂評本、趙本、凌本作且，茲從乾道本。識誤云：『藏本今本曰作且，按曰字是。』今按曰者人臣曰也。下文二句，即其所言之詞。

〔六〕誠、怒各舊本作忌、怒。集解云：『忌當作誠，』茲據改。

〔七〕外假迂評本作外托，茲從乾道本、趙本、凌本。按假托同義。瑞節、翼、彘云：『所以爲信也，以玉曰瑞，以竹曰節。』鎮、纂聞云：『重也。』使諸二字，乾道本作使諸侯，迂評本、趙本、凌本作使諸侯而。識誤云：『藏本同，今本侯下有而字誤，按句有誤。』集解云：『侯字衍，使諸淫說其主，謂使譎詐之士誦說於主前也。』按識誤集解說是，茲據刪。使諸猶言使之也。淫、說、纂聞云：『淫，猶惑也，存韓篇，淫說靡辯。』微挾猶言隱藏也。〔八〕使者按此二句意謂名爲異國之使節，而實爲左右說法也。集解云：『如蘇代爲齊使燕，而使子之權重也。』之於二字，迂評本、凌本脫，茲從乾道本、趙本。按之於猶之與也，於可訓與，解見集釋。諷、一、猶、詰同也，謂內外與左右所言者皆同也。樽、位各舊本作尊、位。纂聞云：『樽作尊誤，禮記，樽節退讓。』翼、彘云：『尊

當作搏。管子五輔篇、整齊搏誦以避刑辟，注搏，節也，言自節而卑屈也。按作搏是，茲據改而猶則也，與下文則字爲互文。而黨與彌衆，謂則黨與彌衆也。

〔九〕曰承上文說字而言。迂評注云：『他姦人之逢迎者，設言黨與之說姦臣如此。』聖君明王乾道本作聖君明王君，迂評本作聖王明君，茲從趙本、凌本。長幼世及各舊本作長幼弱也及。識誤云：『幼弱二字，當衍其一也，字當作世，九字爲一句。』纂聞云：『也字或世字誤，世及父子曰世，兄弟曰及。』按弱字衍也，字與世形近而誤，茲據刪改。彼曰姦臣曰也。因曰黨與因爲之而言也。貪得乾道本、趙本、凌本作貪得人，茲從迂評本。識誤云：『人字衍。』自廣措讀云：『謂自廣大其舉措也。』

〔一〇〕又曰迂評注云：『姦臣之黨又說。』易牙之取衛纂聞改爲子南，勤取衛，茲仍從各舊本。識誤云：『未詳。』集解云：『呂覽先識覽，衛公子啓方以書社四十下衛，此易牙疑開方之誤，取當作下。或因易牙倡亂，而開方始降衛，歸罪於易牙，故云然。亦字各舊本作六。平議云：『上文自田成子以下凡八人，不得言六，六疑亦字之誤，承上文舜偁堯，禹偁舜，湯放桀，武王伐紂而言，故云亦也。』按作亦是，茲據改。纂聞翼說，集解均謂六當作八，未可從。驟然讀云：『謂竦提其耳以聽之。』纂聞云：『莊子廣成子驟然而起，注疾起貌。』據字拾補云：『張本作據。』集解云：『據據並誤，當依上文作接。』按據猶布也，亦通。

〔一一〕權矯二字，乾道本作權驕，迂評本作權驕，茲從趙本、凌本。集解云：『顧廣圻云：今本權驕作權矯，

按今本是也，改從今本。『正道』二字，乾道本誤作敦適，茲從許本、趙本、凌本。集解云：『按作正道是也。正道，謂法度，與下私曲對文。上文所云皆朋黨比周以事其君，隱正道而行私曲，筋邪黨比周以隱正道行私曲，並作正道，即其證。』斟補云：『按敦，即書康誥元惡大憝之憝，憝者惡也；適，讀爲謫，過也。敦適，猶云過惡，即下語所謂私曲也。』撓治猶言亂治也。

〔一二〕君，乾道本作其君，茲從許本、趙本、凌本。而字，各舊本無。拾補云：『而字脫，張本有，』茲從之。轉身，趙本、凌本本作轉法，乾道本作轉身法。傳國，乾道本作傳國，茲從趙本、凌本。平議云：『法字衍文，傳當作傳。』上所謂破國殺身者，以國君死社稷而言也，故曰尙皆賢主也。此所謂轉身易位，全衆傳國者，則晉靜公、齊康公之類，是以其不能，而反見屈於臣，故曰最其病也。趙本改傳爲傳，正得其字，惟不知法字之衍，而刪去身字，失之。『按平議說是，茲據刪改。』轉身易位，謂反身而君，臣易位也。全衆傳國，謂不動衆而即讓國也。

爲人主者，誠明於臣之所言，則雖畢弋、馳騁、撞鐘、舞女，國猶且存也；不明臣之所言，雖節儉勤勞，布衣惡食，國猶自亡也。〔一〕趙之先君敬侯，不修德行，而好縱慾，適身體之所安，耳目之所樂，冬日畢弋，夏日浮淫，爲長夜，數日不廢御觴，不能飲者，以筯灌其口；進退不肅，應對不恭者，斬於前。故居處飲食，如此其不節也；制刑殺戮，如此其無度也。然敬侯享國數十年，兵不頓於敵國，地不虧於四鄰，內無羣臣百官之亂，外無諸侯鄰國之患，明於所以任臣也。〔二〕燕君子噲，召公夷之後也，地

方數千里，持戟數十萬，不安子女之樂，不聽鐘石之聲，內不湮污池臺榭，外不畢弋田獵，又親操耒耨以修畝畝，子噲之苦身以憂民，如此其甚也。雖古之所謂聖王明君者，其勤身而憂世，不甚於此矣。然而子噲身死國亡，奪於子之，而天下笑之，此其何故也？不明乎所以任臣也。〔三〕故曰：人臣有五姦，而主不知也。爲人臣者，有侈用財貨賂以取譽者；有務慶賞賜予以移衆者；有務朋黨徇智尊士以擅逞者；有務解免赦罪獄以事威者；有務奉下直曲，怪言偉服，瑰稱以眩民耳目者。〔四〕此五者，明君之所疑也，而聖主之所禁也。去此五者，則譟詐之人不敢北面立談，文言多，實行寡，而不當法者，不敢誣情以談說。是以羣臣居則修身，動則任力，非上之令，不敢擅作疾言誣事，此聖王之所以牧臣下也。〔五〕彼聖主明君，不適疑物以闕其臣也；見疑物而無反者，天下鮮矣。故曰：孽有擬適之子，配有擬妻之妾，廷有擬相之臣，臣有擬主之寵，此四者國之所危也。故曰：『內寵並后，外寵貳政，枝子配適，大臣擬主，亂之道也。』〔六〕故周記曰：『無尊妾而卑妻，無孽適子而尊小枝，無尊嬖臣而匹上卿，無尊大臣以擬其主也。』四擬者破，則上無意，下無怪也；四擬不破，則隕身滅國矣。〔七〕

校釋

〔一〕人主凌本誤作人生，茲從乾道本、迂評本、趙本。藏誤云：『藏本同，今本主作臣，按依上下文當作臣。』集解依之，改主爲臣，殊誤。按此爲人主言，非爲人臣言。如從集解，則『爲人臣者誠明於臣之所言』云云，反不成文矣。畢弋，迂評本、張本作畢弋，茲從乾道本、趙本、凌本。翼義云：『畢，掩網也，網小而柄長。』

也。弋，繳射也。『長夜，繫補云：『長夜下疑脫飲字。』撞鐘舞女，謂擊鐘而令女子舞蹈也。按，擊弋馳騁，謂好田獵；撞鐘舞女，謂好女樂。

〔二〕夏日，各舊本無日字，茲從纂聞補。浮淫，翼義云：『猶言泛濫取魚也。司馬相如上林賦：浮乎其上也，沈淫泛濫，注皆水鳥浮游貌。國語：宣公夏濫於泗淵，注：濫，漬也。漬，苦於泗水之淵，以取魚也。』長夜，翼義云：『長，常也，久也。昔紂爲淫樂，以百二十日爲一夜，謂之長夜飲。敬侯效之，以數日爲一夜。』不廢，猶言不止也。御觴，迂評本誤作御觸，茲從乾道本。趙本，凌本，翼義云：『荀子大略注：御服，皆器用之名，尊者謂之御。蔡邕獨斷：御，進也，凡加於身，飲食適於口，妃妾接於寢，皆曰御。觴，酒卮也。』按御觴，猶言侍飲，宜從舊本屬下讀。翼義纂聞以此二字屬上讀，未可從。笛，翼義云：『竹筒也。』故猶夫也，解詳集釋。其猶之也，敬侯纂聞云：『史記敬侯，名章，烈侯之子，立十二年卒。』翼義云：『言享國數十年，非也。』頓，翼義云：『頓，鈍，音同，不利也。』羣臣，各舊本作君臣。按君字爲羣之壞體，茲依纂聞校改。

〔三〕召公，乾道本作邵公，茲從迂評本。趙本，凌本，集解云：『邵，召，古字通。』持戟，載古兵器，與戈略同而內有刃。持戟，謂士卒也。湮，迂評本，趙本，凌本作堙，茲從乾道本。補箋云：『湮，讀爲抑，湮抑一聲之轉。史記河渠書：禹抑鴻水，索隱：漢書溝洫志抑作堙。』堙，湮，通用。孟子：禹抑洪水而天下平，莊子天下篇：禹之湮洪水，莊書之湮，卽孟書之抑，並湮抑通用之證。爾雅釋詁：抑，治也；孟子：趙注：抑，治也；則不湮汚池臺榭，卽不治

汚池臺榭矣。王先慎謂衍一字，殆未達湮字之義也。『此其何故猶言此乃何故也。其可訓乃，解詳釋詞。集解謂何故二字倒，未可從。』

〔四〕徇翼彘云：『殉通，從也。莊子：烈士徇名。』按殉智，謂從謀者之智計，而不顧一切也。擅逞，翼彘云：『擅，事也，逞，快也。』猶言跋扈也。解免赦讀云：『三言一物，如儀式刑字法。』按解免，蓋謂免賦役赦，乃赦罪也。事威解詁云：『事，猶立也。』奉下直曲讀云：『奉行民所毀譽，以取媚於下也。』翼彘云：『言如鄧析取貨教訟者是也。』偉服瑰稱纂聞云：『瑰稱，大言也。新序：瑰意奇行。江賦：傀奇之所窟穴，注：說文：傀，偉也。管子：無偉服，無奇行，注：皆過越法度者。秦策：辯言偉服，注：偉，奇也。』翼彘云：『六韜：奇其冠帶，偉其衣服，博聞辯辭，虛論高議，以爲容美，窮居靜處而誹時俗，是姦人也，王者慎勿寵。』

〔五〕疑讖誤云：『讀爲擬，下文同，又本篇二字互見。』按所疑之疑，宜讀如字，謂五姦可疑而不可用也。譟詐謂多言而詐也。北面集解云：『人君南面，故臣言北面。』立談各舊本作談立。集解云：『二字疑倒，』茲據乙文言猶虛辭也。不敢誣情乾道本誤作不誣敢情，茲從迂評本。趙本、凌本。按誣情謂所言不合於實情也。下文誣事，義同。

〔六〕不適疑物以闕其臣。按此句有誤。集解云：『適，疑作道，』似近之，但不道亦不可解。不字，蓋衍文，道由也。闕窺也。言聖主明君由相擬之事以窺其臣也。反猶今言反對也。謂有相擬之事，則互不能容，故曰見

疑物而無反者，天下鮮矣。孽謂庶子，適讀爲嫡，謂嫡子也。故曰以下之文，爲辛伯諫周桓王之辭。左傳桓十
八年作『並后匹嫡兩政耦國亂之本也』見二年又作『內寵並后外寵二政孽子配嫡大都耦國亂之
本也』按枝子孽子同謂庶子並貳配擬四字同義謂相似相敵也。

〔七〕周記翼囊云：『此語見穀梁傳僖九年。玉海云：漢志周書七十一篇，注周史記師古曰：劉向云：周時
誥誓號令也。蓋孔子所論百篇之餘，今所存者四十五篇。末引韓子是文。』無孽適子集解云：『謂無以適
子爲孽也。』按無與勿同，禁止之詞也。

有度

釋題 本篇原爲第二卷第六篇。有度，謂有法度也。篇中云：『有法度之制者，以加羣臣之上，則主不可欺以詐僞，』因節取以名篇。

提要 本篇主旨，在以法治國。迂評注云：『奉法則國強，廢法則國弱，羣臣百官一於法則國治，』是也。全篇可分爲五節：首節言齊楚燕魏之盛衰，由於奉法之強弱；次節言明主須以法擇人量功；三節言賢臣在能奉公法廢私術，而不在於所謂廉忠仁義智；四節言人主身察百官則難治，任勢因法則易治；末節言以法治國，則人臣不能侵。

考證 本篇爲一上書，文中曾數自稱臣可證。但是否出於非手，則有人疑之。梁啓超謂本篇多庸腐語。（見要籍解題及其讀法）胡適以本篇曾言荆齊燕魏四國之亡，而韓非死時，六國尙未亡，因疑及本篇。（見中國古代哲學史）然細考原文，所謂『亡』或『亡國』云云，乃謂衰弱，非謂滅亡，故此尙不足以證本篇非出於非。劉汝霖容肇祖以本篇數稱『先王』與五蠹篇『明據先王必定堯舜，非愚則誣』之說相反，不無可疑。（見周秦諸子考及韓非子考證）按本篇第二節與管子明法篇大同小異，末節亦間有相同語。管子書爲戰國及漢初人雜輯之作。本篇襲明法篇，抑明法篇襲本篇，殊難斷言。本篇除用詞有

先王之語外，其思想尙無與韓非不合者。

國無常強，無常弱。奉法者強，則國強；奉法者弱，則國弱。〔一〕荆莊王并國二十六，開地三千里，莊王之氓社稷也，而荆以亡。齊桓公并國三十，啓地三千里，桓公之氓社稷也，而齊以亡。〔二〕燕昭王以河爲境，以薊爲國，襲涿方城，殘齊，平中山，有燕者重，無燕者輕，昭王之氓社稷也，而燕以亡。〔三〕魏安釐王攻燕救趙，取地河東，攻盡陶衛之地，加兵於齊，私平陸之都。〔四〕攻韓拔管，勝於淇下，雎陽之事，荆軍老而走；蔡召陵之事，荆軍破，兵四布於天下，威行於冠帶之國，安釐王死，而魏以亡。〔五〕故有荆、莊、齊、桓，則荆、齊可以霸；有燕、昭、魏、安釐，則燕、魏可以強。今皆亡國者，其羣臣官吏皆務所以亂，而不務所以治也。其國亂弱矣，又皆釋國法而私其外，則是負薪而救火也，亂弱甚矣。〔六〕

校釋

〔一〕奉法者強，翼彘云：『奉行也，行法者，指執政官吏也。孔子家語：知爲吏者，奉法以利民。』宋

本注云：『強，謂不曲法從私。』

〔二〕荆莊王，卽楚莊王，爲春秋時五霸之一。史表載莊王三年滅庸，六年伐宋，陳，八年伐陸渾，九年伐鄭，十三年伐隨，滅舒蓼，十四年伐鄭，十六年誅陳夏徵舒，十七年圍鄭，十九年圍宋。所謂并國二十六，可考者僅此而已。開地下作啓地，猶言拓地也。翼彘云：『啓，開通用，如微子啓、公子啓方，或作開。』氓，社稷，宋本注云：『荆全之時與荆亡之時，民及社稷未改易，而全亡遂殊者，則由奉法有強弱故也。』識誤云：『氓，當』

作民，下二句同，舊注未譌。『傳校云：『氓，疑爲泯之訛字。廣韻：泯滅也，盡也。泯既訓滅，訓盡亦可訓死。』」
補云：『氓當作泯。左傳宣十二年，不泯其社稷。廣雅：泯滅也。泯社稷者，謂泯他國之社稷，承上并國開地言。
蓋以荆既滅人國，旋滅於人。下文桓公襄王泯社稷，與此義同。』選注云：『氓社稷，謂死也。』按說文：氓，民也，故舊注以民釋之。譏誤謂氓當作民，未可從。氓社稷，依上下文義不甚明。選注訓爲死，意是。果如此，則氓字或爲亡之誤，亡，失也，死也。以亡翼義云：『魏策：齊伐釐莒，而晉以亡。』曹注：『凡言亡，非必國滅也。』纂聞云：『韓策：燕亡於齊，注：亡謂喪地。』按此下四言亡，非謂荆、齊、燕、魏之國滅，乃謂其勢衰微而已。孤憤篇云：『人所以謂齊亡者，非地與城亡也，呂氏弗制，而田氏用之，所以謂晉亡者，亦非地與城亡也，姬氏弗制，而六卿專之也。』此所謂亡，與彼同義。或以滅國釋此亡字，誤矣。并國三十纂聞云：『國語：桓公即位數年，東南多淫亂者，萊莒徐夷吳越。一戰帥服三十一國。荀子：齊桓公并國三十五，注：謂滅譚、滅遂、滅項之類，其餘所未盡聞也。』

〔三〕昭王各舊本作襄王。譏誤云：『襄當作昭，下同。史記年表世家：燕無襄王。下文云：殘齊，在昭王二十八年。或一證襄也。』翼義云：『襄王，疑昭王之誤。史記：燕悼襄王二十九年，秦拔我薊，燕王亡徙居遼東，以是知非襄王也。』纂聞改襄爲昭，茲從之。河黃河，謂以黃河爲境界也。薊，今河北薊縣。國都也，謂以薊城爲國都也。華，方城宋本注云：『方城，派之邑也。』翼義云：『習，如習坎重險之習。揚雄：城門校尉箴：襲險重。』

固。爾雅注、襲重也。此謂以涿郡方城爲國之重蔽也。『集解云：『襲謂重繞在外，謂燕都在薊，涿方城在外，猶左傳言表裏也。』涿與方城，二地，注誤。方城見燕世家。漢志、涿屬涿郡薊，方城屬廣陽國方城，詳見水經聖水巨馬水注中。今直隸固安縣西南有方城村，卽其地也。』殘齊纂聞云：『謂遣樂毅破齊，下其七十餘城，盡以屬燕。』中山宋本注云：『國名。』纂聞云：『飾邪篇、東縣齊國，南盡中山之地。』史表、燕昭十七年，佐趙共滅中山。』重輕宋本注云：『謂鄰國得燕爲黨者則重，反是者則輕也。』

〔四〕攻燕救趙各舊本作攻趙救燕。識誤云：『當云攻燕救趙。』年表、五年擊燕，二十年救邯鄲，二十一年救趙。又世家、二十年云：趙得全也。按識誤說是，茲據乙。河東新釋云：『謂勝秦而取河東地也。』史記魏世家、昭王六年與秦河東地方四百里。魏敗秦兵於河外，故仍將河東地取還耳。陶衛各舊本作陶魏。宋本注云：『陶、定陶也。』識誤云：『魏當作衛，見本書飾邪篇。』纂聞云：『飾邪篇、魏數年東嚮攻盡陶衛。』魏策、東至陶衛之郊，注：衛在河淇之間，與陶接，故范蠡亦云。按此書魏衛二字多混。內儲、陽山君相衛，又云：使齊韓約而攻衛，又云：宋石衛將也，皆指魏言。十過篇、齊衛之間，一本作齊魏。蓋戰國末，衛削弱屬魏，故謂魏爲衛，猶韓之稱鄭耳。』翼龜解詁亦均謂魏當作衛，按作衛是，茲據改。私選注云：『以爲己有也，言魏加兵於齊，以平陸爲己邑也。』翼龜云：『家語、私千乘之魯，國策、私商於之地以利也。』

〔五〕管宋本注云：『故管叔所都。』纂聞云：『魏策、秦攻韓之管，注、後志、河南管縣，注、在京縣東北。』雖

陽之事，斟補云：『事當作爭，下文蔡召陵之事，亦當作爭。爭事二文，漢隸形近，因以致訛。』老宋本注云：『魏與楚相持於睢陽，而楚師遁，師久爲老。』纂聞云：『左傳：『老師費財。』翼云：『三略：『士力疲弊，則將孤衆，以守則不固，以戰則奔北，是謂老兵。』蔡召陵、翼云：『魏世家：『右蔡召陵，與楚兵決於陳郊』，注：『蔡召陵，二縣，並在豫州。』兵，宋本注云：『魏之兵也。』冠帶之國，猶今言文明國也。翼云：『冠帶之國，諸夏也；蠻夷被髮左衽，異於諸夏，冕服采章。韓詩外傳：『楚王曰：齊乃冠帶之國，穀梁傳：哀十三年，吳夷狄之國，祝髮文身，欲因魯之禮，因晉之權，而請冠端而襲，是冠帶制度皆受之中國，故謂中國曰冠帶之國。』王字，乾道本、趙本、凌本無，茲從迂評本。拾補云：『王字，脫，藏本有。』

〔六〕桓字，乾道本、趙本、凌本作桓公，茲從迂評本。拾補云：『公字衍。』識誤云：『藏本無，是也。』亂，翼云：『卽奉法者弱也。』纂聞云：『所以亂私也，所以治法也。』釋舍也。外宋本注云：『謂臣之事也。』迂評注云：『營私於國法之外。』

故當今之時，能去私曲，就公法者，民安而國治；能去私行，行公法者，則兵強而敵弱。故審得失，有法度之制者，加於羣臣之上，則主不可欺以詐僞；審得失有權衡之稱者，以聽遠事，則主不可欺以天下之輕重。〔二〕今若以譽進能，則臣離上而下比周；若以黨舉官，則民務交而不求用於法。故官之失能者，其國亂；以譽爲賞，以毀爲罰也，則好賞惡罰之人，釋公行，行私術，比周以相爲也。忘主

外交，以進其與，則其下所以爲上者薄矣。^{〔一〕}交衆與多，內外朋黨，雖有大過，其蔽多矣。故忠臣危死於非罪，姦邪之臣安利於無功。^{〔二〕}忠臣危死，而不以其罪，則良臣伏矣。姦邪之臣，安利不以功，則姦臣進矣。此亡之本也。若是則羣臣廢法而行私重，輕公法矣。^{〔三〕}數至能人之門，不壹至主之廷；百慮私家之便，不壹圖主之國。屬數雖多，非所以尊君也；百官雖具，非所以任國也。然則主有人主之名，而實託於羣臣之家也。^{〔四〕}故臣曰：亡國之廷，無人焉；廷無人者，非朝廷之衰也；家務相益，不務厚國；大臣務相尊，而不務尊君；小臣奉祿養交，不以官爲事。此其所以然者，由主之不上斷於法，而信下爲之也。^{〔五〕}故明主使法擇人，不自舉也；使法量功，不自度也。能者不能弊，敗者不能飾，譽者不能進，非者弗能退，則君臣之間明辯而易治，故主讎法則可也。^{〔六〕}

校釋 「一」審得失^{△△}宋本注云：「謂得守法度之臣，授之以政位，加羣臣之上，故不可欺以詐僞。」識誤

云：「失當作夫。下文審得失有權衡之稱者，失亦當作夫。舊注未譌。」按作失亦通。謂主有法度之制以審事之得失，而以法度之制加於羣臣之上，則不可欺以詐僞。主有權衡之稱以審事之得失，而以權衡之稱聽察遠地之事，則不可欺以輕重。兩者字均指君，非指臣也。加于乾道本、趙本、凌本作加以，茲從迂評本。識誤云：「加以當作以加。」集解云：「拾補加以作加於，是。」稱量也。

「二」以譽進能^{△△△△}謂以有虛譽者爲有材能而進用之。宋本注云：「能由譽進，所以比周於下，求其虛譽。」

以黨舉官，謂有黨與爲之援引者，則拔舉爲官也。俗所謂「朝內無人莫作官」者，卽是。宋本注云：「官由黨舉，所以務交，求其親援。」務交，謂專以交結資緣爲事也。失能謂能者不得舉爲官，而舉爲官者又無能也。管子明法篇作失其治。鄭補云：「能，台古通，故假能爲治。」公行集解云：「行字當作法。好賞惡罰之人，釋公法行私術，與上去私曲就公法，去私行行公法，下行私重輕公法，奉公法廢私術相應，四處皆作法字，此行字涉下文而誤。」舉正云：「詩十月之交箋：行，道度也。管子明法篇作公道，此作公行，其誼一也。」上文去私行，亦謂去私道也。王說非也。字明法篇作匿。外交管子作死交。纂聞云：「私交鄰國，以進其與也。與管子作譽。宋本注云：『謂黨與也。』」

〔三〕大過管子作大姦。宋本注云：「朋黨既多，遞相隱蔽，雖有大過，無從而知也。」非罪。宋本注云：「邪臣朋黨，則忠臣橫以非罪而見陷；邪臣輒以無功而獲利也。」

〔四〕忠臣下乾道本、趙本、凌本有之所以三字，茲從迂評本。拾補云：「之所以三字衍，一本無。」良臣乾道本脫臣字，茲從迂評本。趙本、凌本、宋本注云：「臣傷其類，故良臣伏也。」集解云：「伏，謂隱也。」進宋本注云：「同氣相求，故姦臣進也。」行私重職誤云：「王渭曰：句絕。」宋本注云：「私重，謂朋黨私相重也。」舉正云：「此文疑當作若是則羣臣廢法，重私而輕公矣。行字法字，並涉上而衍，而字又誤竄於上，不可通矣。管子作然則爲人臣者重私而輕公矣。舊注據誤文爲說，而王氏從之，非也。」纂聞依山氏乙爲重私行。

按行私重，可通，不必刪乙。韓云：『此文當作重私行輕公法，輕重對文，公法亦與私行對文，上文能去私行，行公法是其證。下文古者世治之民，奉公法，廢私術，私術即私行，兩行字或均術誤。』

〔五〕數讀如論語朋友數之數，屢也。能人，識誤云：『能當作態。態人，即荀子之態臣，見臣道篇。』集解云：『能人，即私人也，見管子明法篇。本書作能字不誤，三守篇不敢不下適近習能人之心，是其證。』解詁云：『能人，當陰專權之臣，君謂其有智能。』按荀子臣道篇云：『巧敏佞說，（楊曰：說，音悅）善取寵乎上，是態臣者也。』王先謙云：『態，讀爲姦慝之慝。』按態臣善取寵乎上，故又稱爲能人，猶今俗言『紅人』也。管子作私人，義有別，未可從。壹字，趙本、凌本作一，茲從乾道本、迂評本。按壹一字同，屬數。迂評注云：『官屬也。』宋本注云：『君之徒屬之數雖多，皆行私重，故非尊君。』所以乾道本無以字，明法篇無所字，茲從迂評本。趙本、凌本、任國、宋本注云：『百官雖備，皆慮私家之便，故非任國；任，謂當其事也。』纂聞云：『忘主營私，不任國事也。』明法解曰：雖有勇力之士，大臣私之，而非以奉其主也。雖有聖智之臣，大臣私之，而非以治其國也。故屬數雖多，不得進也；百官雖具，不得制也。『託謂寄生也。』宋本注云：『威權下移故也。』

〔六〕無人，宋本注云：『無憂國之人也。臣，韓非自謂也。』管子此句作『此之謂國無人』，無臣字。朝廷、補云：『明法篇廷作臣，以明法解勸之，作臣爲長。』奉祿、管子作持祿。識誤云：『奉，當作持，見本書三守篇。』晏子春秋問下云：士者持祿，游者養交。管子臣道篇云：以之持祿養交而已耳，謂之國賊。又見韓詩外傳。

『補遺』云：『廣雅釋詁』奉持也，是奉持同誼，不煩改奉爲持。『按奉祿，卽持祿，謂以保持祿位爲事也。養交或曰卽養客，養如象養之養。』纂聞云：『養交，務私交也。』信纂聞云：『任也，任下毀譽，以行賞罰也。』管無此語。

『七』擇量宋本注云：『擇人量功之法，布在方冊。』纂聞云：『明試以功，則實能自效；形名相參，則功罪自斷。』弊管子作蔽，按蔽弊古通。非集解云：『管子作誥，字通用。』宋本注云：『以法量功，故能不可弊，敗不可飾也。以法擇人，故譽不能進，非不能退也。』明辯舉正云：小爾雅廣言辨也，辯與辨通，明辯，明別也。明辯下當更有明辯二字，而今本脫之。管子作然，則君臣之間明別，明別則易治也。纂聞云：『賢愚功罪，明白分別，治功自成。』讎法管子作守法。宋本注云：『讎謂校定可否。』札記云：『按讎猶用也。詩大雅抑，無言不讎，毛傳讎，用也。漢書王莽傳，師古注讎，用也，與傳同。此文讎法，謂用法也。上文云：故明主使法擇人，不自舉也；使法量功，不自度也，卽讎法之義，舊注失之。』則猶卽也。

賢者之爲人臣，北面委質，無有二心。朝廷不敢辭職，軍旅不敢辭難，順上之爲，從主之法，虛心以待令，而無是非也。故有口不以私言，有目不以私視，而上盡制之。『一』爲人臣者，譬之若手，上以修頭，下以修足，濡暖寒熱，不得不救；鑢錙傳體，不敢弗搏。『二』無私賢哲之臣，無私智能之士，故民不越鄉而來，無百里之感。貴賤不相踰，愚智提衡而立，治之至也。『三』今夫輕爵祿，易去亡，以擇其

主，臣不謂廉。詐說逆法，倍主強諫，臣不謂忠。^{〔四〕}行惠施利，收下爲名，臣不謂仁。離俗隱居，而以非上，臣不謂義。^{〔五〕}外使諸侯，內耗其國，伺其危亡，險陂以恐其主，曰：『交非我不親，怨非我不解，』而主乃信之，以國聽之，卑主之名以顯其名，毀國之厚以利其家，臣不謂智。^{〔五〕}此數物者，險世所說也，而先王之法所簡也。^{〔七〕}先王之法，曰：『臣毋或作威，毋或作利，從王之指，毋或作惡，從王之路。』古者世治之民，奉公法，廢私術，專意一行，具以待任。^{〔八〕}

校釋 〔一〕委質左傳『策名委質。』按質讀如贄。古人相見，必執贄以爲禮，如卿執羔，大夫執雁是也。

人主南面而坐，人臣北面而朝，執贄以爲禮，故曰北面委質也。辭賤辭難，謂以位賤事難辭而不爲也。宋本注云：『朝廷辭賤，則下有缺上之心，軍旅辭難，則士有偷存之志。』無是非，謂不問理由，卽行服從也。

〔二〕修實義云：『飭也。』讀記云：『修當爲循，修字隸書與循相似，古書二字多互誤。揚雄篇復修其形，注修作循，卽其證。說文循順也。手之爲用，上行可至於頭，下行可至於足，言其周於一身也。』清舉正云：『說文清寒也，澗冷寒也。古籍多假清爲清，爲澗。說文涼薄寒也，寒凍也。涼寒並有冷誼，古籍間亦混用。故清字混用之，亦可訓涼訓寒。然如清寒分言，則清當訓涼，此卽其例。』救各舊本作救入。集解云：『入字衍文，下不敢弗搏與不得不救相對成文，明此不當有入字。舊注不審，而曲爲之說，非。張榜本刪入字是也。』按無入字是，茲據刪。鎮鄒或作莫邪，實劍名。搏字，迂評本作搏，茲從乾道本趙本凌本。按搏音博，以手擊之也。

作搏非。宋本注云：『利刃近體，手必搏之。』

〔三〕智能乾道本、趙本、凌本作事能，茲從迂評本。宋本注云：『賢哲之臣，智能之士，皆以公用之。』感迂評本作聲，茲從乾道本、趙本、凌本。識誤云：『感讀爲戚。』點勘云：『戚感同字，尙書率籲衆感。』宋本注云：『既任臣以公，則政平國理，人無異望，無外心，故不越鄉而交，所以無百里之感。』提衡宋本注云：『愚智各得其所，故提衡而立。』纂聞云：『愚智不清，相對而立，如持衡也。飾邪篇自以爲與秦提衡。八經篇大臣兩重，提衡而不踣。陳璘檄抗衡上國，注抗舉也。鄭玄周禮注抗衡，謂對舉以爭輕重也。』札記云：『漢書杜周傳相與提衡，注衡平也，言二人齊也。文選王文憲集序公提衡惟允，李注衡平也，取以平輕重也，言選曹以材授官似衡之平物，故以喻焉。據此，則提衡原卽稱物言之。由平衡意引申，則勢均力敵謂之提衡；由平衡意引申，則簡選去取謂之提衡；當權用事操予奪之柄者，亦謂之提衡，一云執衡。孫綽王蒙諫提衡左府，舉直閑邪，六代論至於桓靈，奄暨執衡，是也。此文提衡，當卽勢均力敵之謂。呂覽不二篇，智者不得巧，愚者不得拙，卽韓子愚智提衡之義也。』

〔四〕易去亡，謂易於去國出亡，而不輕於屈就也。宋本注云：『易亡擇主，心貪者耳。如此之臣，不可謂廉也。』臣翼說云：『韓子自謂也。』逆法猶言違法也。僭主與背主同。宋本注云：『逆法強諫，凌主者耳，如此之臣，不可謂忠。』

〔五〕收下謂收攬人心也。宋本注云：『行惠收下，作福者耳，如此之臣，不可謂仁。』纂聞云：『八姦篇散公財以悅民人，行小惠以取百姓，使朝廷市井皆勸譽己，以塞其上，而成其所欲。』離俗猶言遁世。宋本注云：『隱居非上，揚主之惡，如此之臣，不可謂義。』非上乾道本作『作非上』，迂評本作非主，茲從趙本、凌本、藏本。

〔六〕使出使也。耗謂靡費也。危亡險陂四字，各舊本作危險之陂四字，連讀爲句。集解云：『陂字無義，當作際。篆文際上形與假相近，轉寫殘缺以爲陂耳。』解詁云：『陂，猶際也。』增讀云：『按當作伺其危亡句，險陂以恐其主句，亡訛作之，遂錯倒耳。荀子險陂傾側，注陂與諛同。』纂聞云：『元作危險之陂，寫者誤耳。鄰敵來侵，危亡將至，乘時伺間，誘其險，諛陂智之辯，以恐喝其君，不得不因己謀事也。』按纂聞說是，茲據改。

〔七〕數物猶言數事也。翼義云：『周禮大司徒以三物教萬民，注物猶事也，指廉忠仁義智也。古者謂仁義孝悌名目爲物。』險世所說各舊本所作之。宋本注云：『險世所說，邀取一時之利。』平議云：『險世之說，本作險世所說，說讀爲悅，注所據本尚未誤。』按平議說是，茲據改。險世所說，猶言廉忠仁義智五者，皆亂世之所悅也。簡拾補云：『塞也。』

〔八〕曰識誤云：『此下五句，文與洪範異，或別有所出，非引彼也。』威利翼義云：『威者，殺戮刑罰也，利

者慶賞賜與也。』指解詁云：『旨通用。』母或作惡。乾道本、迂評本母作無，茲從趙本、凌本。集解云：『洪範或作有，呂覽引亦作或，與此同。注或有也。』按母無字通，或有義同，惡讀去聲，謂好惡也。纂聞云：『此上疑脫母或作好一句。』具猶備也。宋本注云：『治世之人，所具意行，不用之於私，惟以待君之任耳。』

夫爲人主而身察百官，則日不足，力不給，且上用目，則下飾觀；上用耳，則下飾聲；上用慮，則下繁辭。先王以三者爲不足，故舍己能，而因法數，審賞罰。『一』先王之所守要，故法省而不侵，獨制四海之內，聰智不得用其詐，險躁不得開其佞，姦邪無所依。『二』遠在千里外，不敢易其辭，誓在郎中，不敢蔽善飾非。『三』朝廷羣下直湊單微，不敢相踰越，故治不足，而日有餘，上之任勢使然也。『四』

校釋 〔一〕爲乾道本、迂評本、趙本、凌本俱作爲之。集解云：『之字，據張榜本刪。』纂聞云：『爲下元有之字，從荀注削。』按無之字是，茲從之。身察猶言觀察也。宋本注云：『言當用法而察之。』飾觀宋本注云：『飾觀，則目視不得其真也。飾聲，則耳聽不知其僞也。繁辭，則慮惑於說也。三者謂上用耳、用目、用慮不足爲治也。法數猶言法度也。』

〔二〕守要謂提綱挈領也。揚雄篇云：『事在四方，要在中央，聖人執要，四方來效。』險躁趙本作陰躁，茲從乾道本、趙本、凌本。識誤云：『藏本同，今本險作陰，誤。』還註云：『險，通儉，利口也。躁，通譟，多言也。』關糾補云：『關貫古通，禮記雜記，見輪人以其杜關轂而輟輪者，關轂即貫轂，是其證。』補箋云：『按關猶置也，措也。』

問田篇、陽成義渠明將也，而措於屯伯；公孫亶回而關於州部。六反篇、親以厚愛關子於安利而不聽。心度篇、賞功爵任而邪無所關。淮南子主術篇、兩家之難，無所關其辭。論衡實知篇、事有難知易曉，賢聖所共關思也。諸關字同義。『纂聞』云：『佞幸傳、公卿皆由關說，索隱曰：關，通也，通其辭說。』劉氏云：有所言說，皆關由之。又梁孝王世家、有所關說於帝，索隱曰：關，涉說於帝也。聖主得賢臣頌、進退得關其忠，注：關，猶用也。尉繚子、雖有堯舜之智，不能關一辭。『按關訓爲置，義長。』佞幸傳云：『口才也。』

〔三〕易其辭，謂言辭反覆變易也。翼彞云：『秦誓、惟截截善諂言，俾君子易辭。說苑臣術篇、反言易辭，如此者讒臣也。』誓字、各舊本作勢。平議云：『勢當作誓。國語楚語曰：居寢有誓御之箴，注：誓，近也。誓在郎中，與遠在千里外，正相對成義。誓勢形近而誤，或古字通也。』按平議說是，茲據改。誓音薛，說文：日狎習相慢也。詩小雅、曾我誓御，傳：誓御，侍御也。郎中，宋本注云：『近侍之官也。』翼彞云：『戰國策注：郎，廊通。漢百官表注：主廊內諸官。』正曰：廊字通作郎，不謂郎爲廊。郎中令，秦官，郎乃其屬。大事記：謂此時郎中職已親近。〔四〕直湊單微，言直至寒微也。集解云：『說文：湊，水上人所會也，故湊有會合之義。此言親近重臣，合之疏遠卑賤之人，皆用法數以審賞罰，毋有相違，下文刑過不避大臣，賞善不遺匹夫是也。』翼彞以直湊屬上讀，單微屬下讀，云：『直如攷正記輸人云：輻也者，以爲直指之直。淮南子原道訓、趨舍指湊。後漢班彪傳注：直湊，如輻之湊於轂也。抱朴子疾謬篇、枉曲直湊，使人愕然。文選：雖單門後進，必加善誘，注：單，謂寒也。』

言君勢強，則朝廷羣臣直指輻湊於君，羣下之勢單力微，故不相踰越，各修其職也。『按翼龜說，亦可通。但單微釋爲絲毫，義較長，謂羣臣輻湊於君，而絲毫不敢相踰越也。任勢勢權也，任勢與上文身察百官相對爲文，謂因法數，審賞罰，而以勢治之，不待君之身察也。』

夫人臣之侵其主也，如地形焉，積漸以往，使人主失端，東西易面，而不自知。故先王立司南以端朝夕。〔一〕故明主使其羣臣不遊意於法之內，不爲惠於法之內，動無非法。〔二〕峻法，所以禁過外私也，嚴刑，所以遂令懲下也。〔三〕威不貸錯，制不共門。威制共，則衆邪彰矣。法不信，則君行危矣。刑不斷，則邪不勝矣。〔四〕故曰：巧匠目意中繩，然必先以規矩爲度；上智捷舉中事，必以先王之法爲比。〔五〕故繩直而枉木斲，準夷而高科削，權衡縣而重益輕，斗石設而多益寡。〔六〕故以法治國，舉措而已矣。法不阿貴，繩不撓曲。法之所加，智者弗能辭，勇者弗敢爭。刑過不避，大臣賞善不遺匹。〔七〕故矯上之失，詰下之邪，治亂決繆，紕繆齊非，一民之軌，莫如法。厲官威民，退淫殆，止詐僞，莫如刑。〔八〕刑重則不敢以貴易賤，法審則上尊而不侵，上尊而不侵，則主強而守要，故先王貴之而傳之。人主釋法而用私，則上下不別矣。〔九〕

校釋 〔一〕積漸，乾道本、趙本、凌本作卽漸，茲從迂評本。集解云：『卽當作積，聲之誤也。此謂人之行路，積漸不覺而已，易其方，在始未必不知，移步換形，遂不能見，故必立司南以定其方。喻人主爲臣侵其權勢，

使人主不自知者，非一朝一夕之故，在人主時以法度自持也。『斟補云：『御覽六百三十八引即作既是也。』賈子新書作機漸，本書假既爲機，猶易經月既望，既或作幾也。機漸以往，謂轉運不窮，漸易其方也。』翼云：『即一作積，是管子明法解，姦臣之敗其主也，積漸積微，使主迷惑而不自知也。賈誼新書，事之適亂，如地形之惑人也，積漸而往，俄而東西易面，而人不自知也。外儲說，臣弑君，子弑父者，以十數矣，皆非一日之積也，有漸而至矣。』失端猶言迷向也。司南，宋本注云：『即指南車也，以喻國之正法。』翼云：『崔豹古今注，越裳氏使者，迷其歸路，周公錫以文錦二疋，駟車五乘，皆設司南之制。鬼谷子，鄭人之取玉也，載司南之車，爲其不惑也。曰設司南之制，曰載司南之車，可見司南與車，二物。舊說司南即指南車，恐誤。司南，其制蓋如今羅針盤，故可以正朝夕也。』王振鐸云：『論衡，司南之杓，投之地，其抵南指。說文，杓，科柄也。司南爲受載之物，固非車駕。古之司南，用在辨別方向，常與車乘發生關係，故開後人以古之司南爲指南車之大錯。王充所謂司南，似一微細如挹注器之小勺。其發明時代，至晚當居戰國之末。指南車之名，始於晉崔豹古今注。指南車爲機械之構造，與指南針毫無關係。其發明動機，在於代替古之司南，創制期當居東漢之末葉。』見大公報史地周刊一百十六期指南車之車制模製說。端朝夕，翼云：『考工記，爲規識日出之景與日入之景，晝參諸日中之景，夜考之極星，以正朝夕。管子，猶立朝夕於運鈞之上，擔竿而欲定其末，注立朝夕，所以正東西也。』

〔一〕遊意管子作淫意。宋本注云：『不令遊意法外，爲惠法內，所以防其侵也。』按法家以功罪賞罰須由法定，不得以意爲之。法所未定者，是謂法之外。法之外，不得加罪，與近世刑法學上所謂法律無明文者不爲罪，正合法所已定者，是謂法之內。法之內，不得赦免，是求罪刑相當也。明主施罰固當如此，行賞亦當如是，故曰動無非法。

〔二〕峻法所以禁過外私也。乾道本、趙本、凌本作法所以凌過遊外私也。迂評本作法所以凌過滅私也。識誤云：『凌字未詳，過當作遏，衍遊字。』集解云：『過爲遏之誤，顧說是也。一本脫外字，遊作滅是，凌爲峻字，形近而譌，當在法字上，傳寫誤倒耳。峻法所以遏滅外私也，與下嚴刑所以遂令懲下也，句正相對。今本譌誤，遂不可讀。』舉正云：『此文當作峻法所以滅過外私也，遊卽過字之譌衍。一本作滅，當在過字上而誤挽之。王謂峻法是也，但改過遊外私爲遏滅外私，則大非。王既不解外字之誼，又將二層誤合爲一，與下遂令懲下不相對矣。呂覽有度篇：則貪污之吏外矣，注：外，棄也。外私，棄私也。滅過外私，與遂令懲下並平行成文，而意實一貫。管子明法篇云：法者，所以禁過而外私也，尤其切證。』按凌過或遏滅俱不可解。凌字當作峻，在法字上。遊字衍。過上宜依管子補禁字。遂令，宋本注云：『所以嚴刑者，欲以遂令且懲下也，遂，通也。』集解云：『遂，竟也，刑所以輔令而行，使必下竟。』

〔四〕貸錯。宋本注云：『威當主錯，故不貸臣令錯；制當主裁，故不共臣同門。錯，置也。』斟補云：『貸錯，明

法篇作兩錯，貸乃貳訛，貳錯卽兩錯。『補鑿云：『貸疑當作貳。管子明法篇作威不兩錯，政不二門，一貳兩同誼。』按貸字亦通貨，貸借也，錯與措同，施也，謂不可以威借臣而施之。共門卽政出多門也。制不共門，謂制所從出，不可與臣下共之。行危，宋本注云：『法不信，則後不可行，故君危也。』平議云：『危讀爲詭。呂覽淫辭篇所言非所行也，所行非所書也，言行相詭，不辭莫大焉，與此意相近。蓋法不信，則君之所行前後違反，故曰詭也。作危者，古字通耳。漢書天文志，司詭星出正西，史記天官書詭作危，淮南子說林篇，尺寸雖齊，必有詭，文子上德篇詭作危，並其證也。舊注未達段借之旨，危當以君位言，不當以君行言，足知舊說之非矣。』纂聞云：『行當作位。家語，政不正則君位危。外儲，下校上，則上位危。』

〔五〕目意，謂以目視，以意度，卽合於準繩也。上智，集解云：『謂極智之人，與巧匠同意，非謂君也。捷，疾也。中事，合於事也。中音竹仲反。』比翼，義云：『禮王制注，比，例也。法可常，而智不可常也。』

〔六〕枉木，曲木也。準夷，解詁云：『律志，準，撥平取正之器。』迂評注云：『夷，平也。』高科，宋本注云：『科，等也，削高等，令就下。』按舊注誤。孟子盈科而後進，注，科，坎也。高坎，卽謂木材之凸凹也。纂聞云：『說卦傳，離其於木也，爲科上槁，釋文，科，苦禾反，空也。蓋謂高卑皆削平也。』縣讀爲懸。宋本注云：『減重益輕，權衡乃平。減多益少，斗石乃滿。』

〔七〕舉措，管子作舉錯。宋本注云：『舉法而措之，治自平。』集解云：『措，當爲論語錯諸枉之錯，以法數

治國家，不外舉錯二者。上文因法數，審賞罰，先王之所守要，即其義，注說非。『安井衡管子纂詁云：『舉錯，行止也，言法所行行之，法所止止之，而國自治矣。』按措錯古字通，商君書有錯法篇，即其證。舉措二字，在此釋爲同義或異義，俱可通。如釋爲同義，則謂其施行甚易也；如釋爲異義，則謂賞罰也。阿撓纂聞云：『阿，亦曲也。法不爲貴者而枉，繩不爲曲者而屈。』

〔八〕矯詁，解詁云：『矯，正也，孤憤：矯人主阿辟之心。詁，謂窮治也。』治亂翼毳云：『治，古作乳，治亂繆三字皆取義於絲，言紛亂者治繆結者決之，繆音繆。』紉，宋本注云：『紉，其健羨，齊其爲非，紉音黜。』纂聞云：『羨，有餘也，非羨之反也。有餘者裁而退之，不足者進而齊之，令其平一歸於正也。』山曰：司馬遷傳：『天道之要，去健羨。荀子：無取健，健，貪也。』注：健羨之人必多貪欲。』一猶言齊也。厲字，各舊本作屬。雜志云：『屬，當爲厲字之誤也。厲，官威民，義正相近。詭使篇：上之所以立廉恥者，所以屬下也，屬亦厲字之誤。俗書屬字作厲，形與厲相近，故厲誤作屬。荀子富國篇：誅而不賞，則勤厲之民不勸，今本厲誤作屬。』按作厲是，茲據改。淫殆纂聞云：『山曰：論語：鄭聲淫，佞人殆。』補箋云：『殆，借爲怠。論語：思而不學則殆，釋文：殆本作怠，即殆怠通用之證。』

〔九〕易，宋本注云：『不敢以貴勢慢易於賤也。』傳校云：『易之本字爲傷。說文：傷，輕也，从人，易聲。』纂聞云：『易，輕也，謂陵侮。』貴之，迂評本無之字，茲從乾道本。趙本、凌本、傳之，宋本注云：『傳之於後。』纂聞

云：「兩之字皆指法。」

第三卷

說難

釋題 本篇原爲第四卷、第十二篇。索隱云：『說音稅，難音奴干反。言游說之道爲難，故曰說難。』宋本

注云：『夫說者有順逆之機，順以招福，逆而致禍，失之毫釐，謬以千里，此說之所以難也。』

提要 本篇主旨在說明游說之難，同時指出游說成功之術。全篇可分爲五節：首節言『凡說之難，在知所說之心，可以吾說當之；』次節列舉說之難而足以危身者十五事；三節言『凡說之務，在知飾所說之所矜，而滅其所恥；』四節以故事證明說之難，不在知之難，而在處知之難；末節言進說須先察人主之愛憎，切不可嬰人主之逆鱗。

考證 史記韓非傳云：『故作說難……然韓非知說之難，作說難書甚具，終死於秦，不能自脫。』並全錄本篇，以實其傳。雖史記所錄者，如索隱所云『此篇與韓子微異，煩省小不同。』然大體相同，可證本篇出於韓非，司馬遷已早言之矣。但近人或疑其爲縱橫或游說家言混入韓非子書中者，舉證如下：一、本篇言游說之術，與五蠹篇非游說之士不合；二、本篇言說之成，在『大意無所拂忤，辭言無所擊摩。』與孤

憤篇言法術之士以『法術之言矯人主阿辟之心』者亦不合，詳見考證。按游說之術，亦即進身之術。戰國時游說盛行，縱橫或游說家固講求游說之術，而法家亦多講求游說之術，以求易於進身。史記韓非傳云：『非見韓之削弱，數以書諫韓王，韓王不能用，』是韓非已感於諫說之難矣。既感其難，因箸斯篇。且本篇文字與五蠹孤憤等極相類，不得以其各明一義，遂認爲矛盾而疑之也。

凡說之難，非吾知之有以說之之難也，又非吾辯之能明吾意之難也，又非吾敢橫佚而能盡之難也。〔一〕凡說之難，在知所說之心，可以吾說當之。〔二〕所說出於爲名高者也，而說之以厚利，則見下節而遇卑賤，必棄遠矣。〔三〕所說出於厚利者也，而說之以名高，則見無心而遠事情，必不收矣。〔四〕所說陰爲厚利而顯爲名高者也，而說之以名高，則陽收其身，而實疏之；說之以厚利，則陰用其言，顯棄其身矣。〔五〕此不可不察也。

校釋 〔一〕知[△]之知[△]、爲名詞，謂知識也；之[△]、爲語助，在此無義。凡說者，必須有知識，而後有以說之，然韓子所謂說難，不在此也。之[△]之[△]二字，史記不重，茲仍從各舊本。按上之字，爲代名詞，指所說者；下之字，猶口語之的也。辯[△]之[△]拾補云：『辯之下，史記韓非傳有難字衍。』按此不當有難字。辯，謂辯才也。凡說者，必須有辯才，而後能明其意，然韓子所謂說難亦不在此也。橫佚[△]，乾道本、迂評本、趙本、凌本作橫失。拾補云：『史記索隱云：韓子橫失作橫佚，此作橫失，疑後人依史記改之。』識誤云：『失，當依索隱引此作佚，史記作失。按佚失

同字，故史記以失爲佚。劉伯莊說及正義讀失如字，又於橫失斷句者非，當十二字爲一句。下文云：然後極
聘智辯焉，卽此句之義也。舊注亦誤。『集解云：『張榜本橫失作橫佚，據索隱改也。』按作橫佚是，茲據改。
橫佚與橫逸同，謂辯說馳騁無所顧忌也。凡說者必須有勇，而後敢橫佚以盡其言，然韓子所謂說難，亦不
在此也。吾識誤云：『此文首三句三吾字，皆吾說者也，與下文所說者對言。在吾者之非難，所以起下文所
說者之難也。』

〔二〕所說謂聽者。當讀去聲，動詞，合也。適也。史記索隱云：『劉氏云：所說之心，謂人君之心也；審明人君
之意，必以說合其情，故云當之。』

〔三〕出於翼壽云：『出，猶處也。史記禮書，孰知夫士出死要節，正義曰：出死，猶處死也。』按出死猶言舍
命，出字不當作處字解。出者，入之反，自內而外也。出於，猶言意在也。見下節。翼壽云：『文選：張景陽雜詩：陽
春無和者，巴下皆下節。善注：楚辭：攬騁轡而下節。』按節爲節樂之器，下節，不合於節，謂鄙俚也。見受勸詞，
謂被認爲鄙俚也。宋本注云：『所說之人，意在名高，今以厚利說之，彼則謂己志節凡下，而以卑賤相遇，亦
既賤之，必棄遺而疏遠矣。』按此注以志節凡下釋下節，意是而詞非。遇辭補云：『當作偶，謂退與卑賤爲
偶也。』

〔四〕見無心謂被認爲無意於彼也。宋本注云：『所說之人，意在厚利，今以名高說之，此則謂己無相時

之心，而闊遠事情矣，如此則必見棄而不收矣。」

〔五〕兩陰字，史記作實。宋本注云：「所說之人，內陰爲厚利，外陽爲名高，今見其外，說以名高，彼雖陽收其身，內實疏遠；若察知其內，說以厚利，則私用其言，外明棄其身，以飾其名高也。」集解云：「陽收其身而實疏之，如齊宣王欲中國而授孟子室之類；陰用其言，顯棄其身，如晉文公行爵先雍季而後舅犯之類。」

夫事以密成，語以泄敗。未必其身泄之也，而語及所匿之事，如此者身危。〔一〕彼顯有所出事，而乃以成他故，說者不徒知所出而已矣，又知其所爲，如此者身危。〔二〕規異事而當，智者揣之外而得之，事泄於外，必以爲己也，如此者身危。〔三〕周澤未渥也，而語極知，說行而有功，則見忘；說不行而有敗，則見疑，如此者身危。〔四〕貴人有過端，而說者明言禮義以挑其惡，如此者身危。〔五〕貴人或得計，而欲自以爲功，說者與知焉，如此者身危。〔六〕強以其所不能爲，止以其所不能已，如此者身危。〔七〕故與之論大人，則以爲間己；與之論細人，則以爲賣重；論其所愛，則以爲藉資；論其所憎，則以爲讐己也。〔八〕徑省其說，則以爲不智而拙之；米鹽博辯，則以爲多而交之。〔九〕略事陳意，則曰怯懦而不盡；慮事廣肆，則曰草野而倨侮。此說之難，不可不知也。〔一〇〕

校釋 〔一〕語以之語字，拾補云：「史記作而。」集解云：「御覽四百六十二引語作亦，敗作禍。」其身

點勘云：「身說士之身。言不必吾身果泄其謀，第無意語及其隱事，則所說者必疑爲泄其謀，故身危也。」

〔二〕出事趙本作出其事，茲從乾道本、迂評本、凌本。按出事猶言爲事也。而乃趙本作乃，茲從乾道本、迂評本、凌本。他故史記作也故，故屬下讀，誤。按他故猶言他事也。

〔三〕異事猶言他事，某事也。智者各舊本作知者。集解云：『知讀爲智。』按知智古本通，茲以其易生誤解，故改爲智。此謂說者爲人謀畫某事而合於所說之心，然智者於外揣度得之，所說之人因疑說者泄之，故身危也。集解云：『此如漢夏侯勝傳云：霍光與張安世謀廢昌邑王，夏侯勝諫王謂有臣下謀上者，吏白光，光讓安世，以爲泄語，安世實不泄之類。』

〔四〕周澤未渥謂交淺也。翼壽云：『周周親之周，密也；澤恩澤也；渥厚漬也。』語極知謂言深也。彼此相知其深曰極知。今周澤未渥，是非極知也，而語極知，則必危矣。見忘各舊本作德忘。拾補云：『忘史作亡，索隱引此作見忘，并云勝於德亡。』集解云：『據索隱，則唐人所見之本作見忘，不作德忘。此作德忘者，後人依史記而改也。亡忘古字通。』按作見忘是，茲依索隱改。見疑索隱云：『恩意未深，輒評時政，不爲所信，更致嫌疑，若下文所云：鄰父以牆壞有盜，却爲見疑，卽此類也。』

〔五〕過端猶言過事也。禮義史記作善議。挑字史記作推。宋本注云：『挑謂發揚也。』迂評注云：『正言以發其過。』選註云：『對於有過端之人，明言禮義，便似有意譏諷，足以挑其惡感也。』者字乾道本、趙本無，茲從迂評本、凌本。

〔六〕或字、史記無，按或猶有也。得計纂聞云：『計事得宜也。』讀云：『得一計於他人也。』與知正義云：『與音預。』傳校云：『與知與中庸可以與知焉同。』

〔七〕彊讀去聲。宋本注云：『不能而彊，不已而止，必以不許而興怒，故危也。』集解云：『彊其所不能爲，若項羽欲東歸，而說者言關中之類，止其所不能已，若景帝決廢栗太子，而周亞夫彊欲止之之類。』

〔八〕大人翼義云：『卿大夫也。士相見禮，與大人言，言事君。左襄二十三年傳：大人之忠者，從而與之。』閒已下各舊本有矣字。按依下文不應有矣字，茲據史記刪。宋本注云：『閒代也。論大人必談以道德宏曠，彼則以爲薦大人以代之也。』集解云：『此篇皆對人君而言，斷無薦大人代君之理。蓋人君行事，大臣與焉，論其臣，而卽疑其論已。史記正義云：說彼大人之短，以爲竊己之事情，乃爲刺譏間之，是也。此大人指位言，注以閒己爲代己，誤。閒讀爲諫。』傳校云：『閒與論語禹吾無閒然之閒同，罅隙也。但此處作動詞用，謂指其罅隙而非議之也。』按閒，謂離閒己，指君言。說者對人君議論大臣，則疑其爲離閒君臣也。己字下各舊本有矣字，按依下文句例不當有，茲據史記刪。賣重集解云：『史記作鬻權，按賣、鬻義同。和氏篇：大臣貪重，又云：近習不敢賣重，重卽權也。索隱云：薦彼細微之人，言堪大用，則疑其挾詐而賣我之權。』藉資史記作借資，義同。宋本注云：『謂爲藉君之所愛，以爲己資。』嘗己宋本注云：『嘗試也，論君所憎，則謂爲試己含怒之深淺。』

〔九〕徑省猶言簡略也。拙之史記作屈之。按作拙是，之字疑衍。米鹽，翼龜云：『史記作汎濫。按史記天官書其占驗凌雜米鹽，後漢書黃霸傳米鹽靡密，初若煩碎，是當時有米鹽之語，而史漢因之。後人讀韓子傳者，不知米鹽何義，遂妄改之。』纂聞云：『酷吏傳其治米鹽，事大小皆關其手。正義云米鹽細碎也。』交之史記作久之。識誤云：『正義云時乃永久，人主疲倦。今按交久二文皆誤，當作史。本書難言篇捷敏辯給，繁於文采，則見以爲史。』增讀云：『交交雜也。』按交字疑爲駁字之誤，謂駁雜也，與上文米鹽博辯正相應。難言篇以繁於文采爲史，與此篇以米鹽博辯爲駁者義相異，故識誤之說未可從。傳校云：『交說文交交脛也。按交亦有錯雜之義，詩楚茨傳東西曰交，邪行曰造交，造字之假借也。此處作動詞用，錯雜也。識誤固不可從，作駁亦嫌曲解。』

〔十〕不盡謂言不盡意也。宋本注云：『略言其事，粗陳其意，則謂己怯懦而有所畏懼，不敢具言。』廣肆宋本注云：『肆陳也。所說之事，廣有陳說，不爲忌諱，則謂草野凡鄙俗直而侮慢也。』纂聞云：『慮謀也，肆放也。謀事廣放，則謂鄙俗傲慢，不知禮節也。』翼龜云：『荀子注廣讀爲曠。』

凡說之務，在知飾所說之所矜，而滅其所恥。〔一〕彼有私急也，必以公義示而強之。其意有下也，然而不能已，說者因爲之飾其美，而少其不爲也。其心有高也，而實不能及，說者爲之舉其過而見其惡，而多其不行也。〔二〕有欲矜以智能，則爲之舉異事之同類者，多爲之地，使之資說於我，而

佯不知也，以資其智。^{〔三〕}欲內相存之言，則必以美名明之，而微見其合於私利也。^{〔四〕}欲陳危害之事，則顯其毀誹，而微見其合於私患也。^{〔五〕}譽異人與同行者，規異事與同計者，有與同污者，則必以大飾其無傷也；有與同敗者，則必以明飾其無失也。^{〔六〕}彼自多其力，則毋以其難概之；自勇其斷，則毋以其謫怒之；自智其計，則毋以其敗窮之。^{〔七〕}大意無所拂忤，辭言無所擊摩，然後極勝智辯焉。^{〔八〕}此所道親近不疑，而得盡之辭也。^{〔九〕}伊尹爲宰，百里奚爲虜，皆所以干其上也。此二人者，皆聖人也，然猶不能無役身以進，如此其汙也。^{〔一〇〕}今以吾爲宰虜，而可以聽用而振世，此非能士之所恥也。^{〔一一〕}夫曠日彌久，而周澤旣渥，深計而不疑，引爭而不罪，則明割利害以致其功，直指是非以飾其身，以此相持，此說之成也。^{〔一二〕}

校釋

〔一〕矜恥翼義云：『史記矜作敬，恥作醜。矜、自美也。』宋本注云：『凡欲說彼，要在知其所矜，則

隨而光飾之；知其所耻，則隨而掩滅之，如此則順旨而不忤。』選註云：『其所自負，必代爲文飾；其所內愧，

必曲爲諱匿。』

〔二〕下高少多平議云：『此兩文相對言，其意雖甚卑下，而有所不能已，則說者必爲之飾其美，反若以

其不行而少之，如此乃見不得已之不足爲病矣。其意雖甚高尚，而有所不能及，則說者必爲之舉其過而見其惡，反若以其不行而多之，如此乃見不能及之不足爲耻矣。不能已者，若犬馬聲色之好是也。爲之飾

其美，若管子以是數者爲不害霸是也。不能及者，若堯舜之道，仁義之說是也。爲之舉其過而見其惡，若陳賈謂仁智周公未能盡是也。舊注所說，皆未了。且此與上文彼有私急也，必以公義示而強之，本不相蒙，舊注必牽合爲說，宜其不可通矣。纂聞云：『司馬貞云：少者，不足之辭。高誘云：多，猶賢也。』

〔三〕有欲。趙本作有所，茲從乾道本。趙本、凌本。識誤云：『藏本同，今本有欲作有所，誤。』異事，猶言他事也。宋本注云：『所說或矜以廣智，則多與舉同類之異事，以寬所取之地，令其取說於我，而我佯若不知，如此者，所以助其智也。』選註云：『人主自矜其智能，必多設疑難，使之取決於我，我佯若不知，而令人主自言，則智在彼矣，是資之以智也。』

〔四〕內識。誤云：『讀爲納。』相存猶言並存。說者獻納之言，既明以美名，又合於私利，是名利並存之言也。微見。讀云：『謂隱隱乎言外，使其思自得之。』纂聞云：『微，不顯也，見猶示也。』傅校云：『見俗作現。』〔五〕顯。謂明言也。纂聞云：『事之危害於國家者，顯論若行此事，必罹謗議，則密與彼之所私患者相合，故不得不去其事也。』

〔六〕異人。謂他人。他人之行，與人主相同，則譽他人，即所以譽人主也。同計。謂他事之計，與此相同，則規畫他事，即所以規畫此事也。同污。同敗。宋本注云：『說者或延譽異人，與彼同行，或規謀異事，與彼同計。其異人之行，若與彼同汙，則大文飾之，言此汙何所傷。其異事之計，若與彼同敗者，則明爲文飾，言此敗何所』

失，如此必以己爲善補過而崇重之也。』翼云：『飾其無傷也者，孟子說齊宣王曰：無傷也，是乃仁術也，是也。飾其無失也者，昔者公劉好貨，大王好色，王如好色，與民同之，於王何有，是也。』

〔七〕概 宋本注云：『彼或自多矜其力，當就譽之，無得以其所難滯礙之概、礙也。』翼云：『呂覽聽篇、聽者自多而不得注、自多、自資也。概、平斗斛木，司馬貞云：猶格也。管子樞言篇、釜鼓滿，則人概之。』按難謂力所不能勝者，概猶平也，謂以力所不能勝之事，平彼自多其力之心，是猶以概平斗斛也。如此，則其說不能入矣。概字下，各舊本有也字，茲依史記刪。其斷乾道本、趙本作之斷，茲從迂評本、凌本。集解云：『張榜本作其斷，與上下文合。』按之，亦其也，詳見集釋。謫 讀記云：『方言：謫，過也，南楚凡相非議人謂之謫。』史記漢興以來諸侯年表，或以適削地，索隱云：適，音宅，或作過，是也。此所謂謫，謂不復稱其過舉耳。史記韓非傳謫作敵，敵亦謫之段字。舊注解爲君所罪謫，非是。』纂聞云：『謫，謂過失也。彼矜聽斷，自謂勇決，則不得引彼失誤之事以激怒之。』敗字，史記作失。宋本注云：『彼或自以計謀爲智，則無得以其先所困敗而窮屈之。凡此皆所以護其短而養其銳者，說可以無傷也。』

〔八〕大意史記作大忠，誤。按大意，謂進說之大旨也。拂忤，乾道本作拂悟，茲從迂評本、趙本、凌本。拾補云：『悟與忤通。』識誤云：『悟，藏本、今本作忤。正義云：拂悟當作拂忤，古字假借耳。拂，違也，忤，逆也。』集解云：『說文：悟，始也。悟爲正字，悟忤並通段字。』按拂忤，謂旨意不相違反也。摩、乾道本、趙本作繫，史記作

擊排，茲從迂評本、凌本。識誤云：『繫繫、藏本作擊摩，是也。索隱引正作擊摩。』按作擊摩是。齊策云：『轄擊摩車而相過，注路狹車密，故相擊相摩。』史記蘇秦傳云：『車轄擊人肩摩。』墨子云：『相踵相投，相擊相摩。』據此，則擊摩二字，在古代實一成語，有摩擦之意，猶言抵觸也。辭言須無所抵觸，而後可以進說也。

〔九〕所道二字，各舊本作道所得。識誤云：『此道所得親近不疑句，有誤。』平議云：『得字衍文。道所當作所道。此所道親近不疑，猶曰此所由親近不疑。古書每以道爲由，說已見前矣。』史記作此所以親近不疑。所道，卽所以也。讀者不解道字，而誤倒之，又妄增入得字，遂至不可通矣。按平議說是，茲據刪乙。纂聞改道所得爲迺所以三字，茲不從之。辭，乾道本、趙本、凌本無之字，茲從迂評本。識誤云：『盡下當依索隱引此有之字。』史記作知盡之難也。徐廣曰：知一作得，難一作辭。按有之字是得盡之辭，猶言得盡其辭也。

〔一〇〕宰，虜纂聞云：『宰，史記作庖。虜奴隸也。』選註云：『宰，庖人也。』役身纂聞云：『身執賤役，乃始進用。』如字，乾道本、趙本作加如，茲從迂評本、凌本。識誤云：『藏本無加字。以進加，史記作而涉世。』集解云：『按加，卽如字誤而複衍。』

〔一一〕吾字，各舊本作吾言。補箋云：『按言字衍文，卽吾字之複而誤者。』按此有言字，於義不適，茲據刪。振世猶言救世也，能士，各舊本作能仕。拾補云：『仕與士通，索隱云：韓子作士。』集解云：『今作仕者，後人依史記改之也。』按能士爲一名詞，謂智能之士。如作能仕，則易誤解爲動詞，故今依索隱改之。

「一二」彌久各舊本作離久。宋本云：『離猶經也，謂所經久遠也。』翼彙云：『廣雅、離，遠也。晉語注、離，歷也。過秦論、曠日長久。』集解云：『乾道本彌作離，注同，據張榜本改。』史記同。索隱謂君臣道合，曠日已久，誠箸於君也。君之渥澤，周浹於臣，魚水相須，梅鹽相和也。『既字，乾道本、趙本誤作未，茲從迂評本、凌本。』引翼彙云：『史記作交，引亦爭也。管子五輔篇、上下交引而不和同。左傳、昭元年，引其封疆，注、引、正也。』割，識誤云：『史記作計。』宋本注云：『割，斷也。』直指宋本注云：『言無所迴避也。』飾身，點勘云：『飾，當爲飭身，謂所說者之身。利害以事言，故曰以致其功；是非以身言，故曰以飭其身。此說士之資益於其所說者也。舊注誤。』讀記云：『飭，飾古通。』斟補云：『飾當作飭。』相持，猶言相待也。宋本注云：『君則以不疑不罪以固臣，臣則不致功飾身以輸忠，故曰相持。如此者，說之成也。』

昔者鄭武公欲伐胡，故先以其女妻胡公，以娛其意。因問於羣臣曰：『吾欲用兵，誰可伐者？』「二」大夫關其思對曰：『胡可伐。』武公怒而戮之，曰：『胡，兄弟之國也，子言伐之，何也？』胡君聞之，以鄭爲親己，遂不備鄭。鄭人襲胡取之。「三」宋有富人，天雨牆壞，其子曰：『不築，必將有盜。』其鄰人之父亦云。暮而果大亡其財，其家甚智其子，而疑鄰人之父。「四」此二人說者皆當矣，厚者爲戮，薄者見疑，則非知之難也，處知則難也。「五」故繞朝之言當矣，其爲聖人於晉，而爲戮於秦也，此不可不察。「五」

校釋 「一」鄭武公、翼彘云：『周宣王之庶兄，桓公友之子也。』胡集解云：『正義引世本云：胡歸姓也。

括地志：胡城在豫州偃城縣界。』故字、迂評本無，史記作迺，茲從乾道本、趙本、凌本。纂聞云：『文選：阮瑀伐曹公書注引此無故字。』按故如將欲取之，必故與之之故。曰字，各舊本無，茲依史記補。

「二」兄弟、翼彘云：『胡鄭異姓，而曰兄弟者？張秦傳：秦楚娶婦嫁兄，長爲兄弟之國，是雖非同姓，娶嫁相謂，亦曰兄弟之國也。晉語注：兄弟、婚姻之稱，所謂不得嗣爲兄弟是也。』

「三」宋集解云：『外儲說下篇宋作鄭。』父、翼彘云：『老者之稱，篆文象手持杖形。方言：凡尊老，南楚謂之父，或謂之父老。』大亡、謂大損失也。宋本注云：『此夕盜至，故大亡也。』

「四」二人、宋本注云：『謂關其思、鄰人之父。』厚者、史記作然而甚者四字。宋本注云：『鄭武公所以戮其所厚，欲令胡不疑也。富人所以疑其薄者，不當爲己同憂也。』讀記云：『厚薄猶言重輕，言重則見戮，輕則見疑也。八姦篇云：甚者舉兵以聚邊境，而制斂於內；薄者數內大使，以震其君，使之恐懼。薄與甚對文，可證此文之義，舊注非。』纂聞云：『厚薄、猶大小也。』翼彘云：『難言篇：小者以爲毀譽誹謗，大者患禍災害死亡及其身。』按厚薄宜釋爲重輕或大小，宋本注未可從。處知集解據張榜本改作處之云：『注云：處之難也，亦作之，未誤。其作知者，依史記改也。』宋本注云：『其思、鄰父，非不知也，但處用其知，不得其宜，故或見戮，或見疑，故曰處之難也。』按作處知，則處字當依宋本注作用字解；作處之，則處字當訓爲處境之處。

在此仍以作處知爲當，且下注文亦作處知也。

〔五〕繞朝△纂聞云：『左傳、文十三年注、繞朝、秦大夫。』宋本注云：『晉人譎取士會於秦，繞朝贈之以策曰：吾謀適不用，其言非不當也，晉人雖以爲聖，後秦竟以言戮之，是亦處知失宜也。』拾補云：『繞朝贈士會以策曰：子無謂秦無人，吾謀適不用也，則朝當已言於秦君，留士會不遣，而秦君不用其謀，故云。然注乃云後秦竟以言戮之，此不知出何書，殆因非之言傳會耳。』察字下，迂許本有也字，茲從乾道本、趙本、凌本。

昔者，彌子瑕有寵於衛君。衛國之法，竊駕君車者罪刑。彌子瑕母病，人間往夜告彌子，彌子矯駕君車以出。〔一〕君聞而賢之，曰：『孝哉，爲母之故，忘其犯罪刑！』〔二〕異日，與君遊於果園，食桃而甘，不盡，以其半啗君。君曰：『愛我哉，忘其口味，以啗寡人！』〔三〕及彌子色衰愛弛，得罪於君，君曰：『是固當矯駕吾車，又當啗我以餘桃。』故彌子之行，未變於初也，而以前之所以見賢，而後獲罪者，愛憎之變也。〔四〕故有愛於主，則智當而加親；有憎於主，則智不當，見罪而加疏。故諫說談論之士，不可不察愛憎之主，而後說焉。〔五〕夫龍之爲蟲也，可柔狎而騎也；然其喉下有逆鱗徑尺，若人有嬰之者，則必殺人。人主亦有逆鱗，說者能無嬰人主之逆鱗，則幾矣。〔六〕

校釋 〔一〕彌子瑕衛靈公之嬖臣也。人間往三字，集解據治要及選註改作人聞有，茲仍從各舊本。翼

毳云：『藝文類聚作其人有叔孫通傳問往來，索隱謂非時也。陳涉傳又問令吳廣之次近所旁叢祠中，索隱問音中間之間，鄭氏云：間謂竊令人行也。』按下文云夜告，則人間往，即謂彌子之家人非時而往也。矯纂聞云：『文選注說文矯擅也。』翼毳云：『呂覽悔過篇乃矯鄭伯之命以勞之，注擅稱君命曰矯。』出集解云：『治要作歸，藝文類聚亦作出。』按作出亦通，謂出宮也。

〔二〕犯^{△△}刑^{△△}罪^{△△}各舊本無犯字。拾補云：『選注引作犯^{△△}刑^{△△}罪^{△△}，^{△△}刑^{△△}古^{△△}刑^{△△}字。按此書外儲說下^{△△}刑^{△△}危^{△△}生^{△△}子^{△△}皋^{△△}作^{△△}刑^{△△}字。此與上文罪^{△△}刑^{△△}亦常本作^{△△}刑^{△△}，後人改之。史作而犯^{△△}刑^{△△}罪^{△△}。』集解云：『治要藝文類聚引作犯^{△△}刑^{△△}罪^{△△}，是唐人所見本，皆有犯字，今據補。』按有犯字是，茲從之。

〔三〕異^{△△}日^{△△}他^{△△}日^{△△}也。不盡謂食一桃而未完也。張榜本作而盡，誤。咂^{△△}集解云：『治要藝文類聚八十六、白孔六帖九十九、御覽八百二十四、九百六十七、事類賦二十六、意林引咂^{△△}並^{△△}啖^{△△}，下同。按說文啖^{△△}、噉^{△△}、啖^{△△}、食也，讀與含同。自食爲啖，食人爲咂，二字義別，此作咂是也。』按啖、啖二字通。

〔四〕愛^{△△}弛^{△△}謂不愛也。翼毳云：『弛，解緩也。』初^{△△}始^{△△}也。而以^{△△}前^{△△}之^{△△}……而^{△△}拾補云：『史作前見賢而後獲罪者，此多贗字。』集解云：『治要無上以字之字及下而字。』變^{△△}史^{△△}記^{△△}作^{△△}至^{△△}變^{△△}，說苑作生變，茲從各舊本。

〔五〕不^{△△}當^{△△}加^{△△}罪^{△△}史^{△△}記^{△△}作^{△△}當^{△△}罪^{△△}誤，治要無見罪二字，茲從各舊本。談^{△△}論^{△△}二^{△△}字^{△△}史^{△△}記^{△△}無。

〔六〕可^{△△}柔^{△△}狎^{△△}各舊本作柔可狎。拾補云：『文選袁彥伯三國名臣序贊注引柔上有擾字。史無柔字，有擾』

字，在下句可字之下。徑尺、選注、作徑寸之處，誤。『識誤云：『柔、擾同字。』補箋云：『柔可狎，當作可柔狎。柔、擾古音同，通用。』史記夏本紀：『擾而毅，徐廣曰：擾，一作柔。』漢書高祖紀：『劉累學擾龍，應劭曰：擾，音柔。』並其證也。此作柔狎，史作擾狎，其實一也。周禮天官：『以擾萬民，鄭注：擾，猶馴也。爾雅釋詁：狎，習也。可柔狎而騎，正謂可馴習而騎。』淺人不識柔之通擾，以爲柔弱之義，遂移之於可字之上，而御覽及事類賦又刪柔字，韓子原文致不可睹，幸有史記足資勘正耳。『按補箋說是，茲據乙。』徑尺，謂逆鱗之大，其徑有一尺也。嬰，宋本注云：『觸也。』幾，集解云：『索隱：幾，庶幾也，謂庶幾於善諫說也。』

孤憤

釋題 本篇原爲第四卷、第十一篇。名爲孤憤者，史記索隱云：『謂憤孤直不容於時也。』宋本注云：『言法術之士，既無黨與，孤獨而已，故其材用終不見明，下生既以抱玉而長號，韓公由之寢謀而內憤。』

提要 本篇主旨，在說明法術之士與當塗之人，不可兩存。首節言法術之士見仇於當塗之人之原因；次節言法術之士不能與當塗之人爭勝之因果；三節言人主壅蔽，大臣專權，足以亡國；四節言修智之士，即法術之士爲愚污之吏所制而不能進用，無論大國小國皆然；末節申言重人挾愚汙之人惑主敗法，朋比爲姦，足以亡國。通篇描寫法術之士與重人不能兩存之實況，句句切合，不可僅視爲憤慨之論也。

考證 史記韓非列傳云：『韓非悲廉直不容邪枉之臣，故作孤憤……人或傳其書至秦，秦王見孤憤五蠹之書曰：嗟乎，寡人得見此人，與之游，死不恨矣。』李斯曰：此韓非之所著書也。據此，則本篇出於韓非，殆無可疑。且韓非以法術之士見厄於重人，是其處境與本篇所言者相同，名爲孤憤，即以此耳。本篇思想亦絕無可置疑者。至其所用名詞，如重人、私門、當塗、近習、國地、私家、外權、法術、智士、參驗、私劍等，又見於五蠹、顯學諸篇，可爲旁證，詳見考證。或曰本篇乃一上書，然細考之，實一論著也。

知術之士，必遠見而明察；不明察，不能燭私。能法之士，必強毅而勁直；不勁直，不能矯姦。^(一)人臣循令而從事，案法而治官，非所謂重人也。重人也者，無令而擅爲，虧法以利私，耗國以便家，力能得其君，此所謂重人也。^(二)知術之士明察，聽用且燭重人之陰情；能法之士勁直，聽用且矯重人之姦行。故知術能法之士用，則貴重之臣必在繩之外矣。是知術能法之士與當塗之人，不可兩存之仇也。^(三)

校釋 「一」知術各舊本作智術，下同。考證云：「按智、讀如知，下同。」按知智二字古本通用，但智術易

使人誤解爲兩字平列，而不知智爲動詞，術爲名詞，與能法二字詞性相同，不如俱改爲知術之較爲瞭然也。燭纂聞云：「照也。」矯纂聞云：「正也。」集解云：「廣雅釋詁：矯，直也。莊子：天下篇以繩墨自矯，荀子：性惡篇以矯飾人之性情而正之，其義並同。」

「二」循令謂依令也。非之所字，各舊本無，茲依纂聞補。重人謂權勢甚重之人，力能得其君。宋本注云：「其力尙能得君從己，況其餘乎？」纂聞云：「謂其智力能得君之恩遇也。孟子：管仲得君如彼其專也。」此所謂之謂字，乾道本、趙本、凌本作爲，茲從迂評本。集解云：「爲，謂、古通。」

「三」且纂聞云：「將也。」繩之外，宋本注云：「言必削除也。」選註云：「木工以繩墨量材，繩以外無用者則削除之。喻必見削除也。」是知術能法五字，各舊本作是智法，按依上文脫術能二字，茲據補。當塗，實

魏云：『文選、郭景純遊仙詩注、當塗、即當仕路也。孟子、夫子當路於齊、六韜、殺及當路貴重之臣、史記蘇秦傳、今秦已當路。』按當塗、當途、當路、與當道俱同義、謂居權要也。

當塗之人擅事要、則外內爲之用矣。是以諸侯不因、則事不應、故敵國爲之訟。〔一〕百官不因、則業不進、故羣臣爲之用。郎中不因、則不得近主、故左右爲之匿。學士不因、則祿薄、禮卑、故學士爲之談也。此四助者、邪臣之所以自飾也。〔二〕重人不能忠主而進其仇、人主不能越四助而燭察其臣、故人主愈弊、而大臣愈重。〔三〕凡當塗者之於人主也、希不信愛也、又且習故。若夫卽主心、同乎好惡、固其所自進也。〔四〕官爵貴重、朋黨又衆、而一國爲之訟。〔五〕則法術之士欲干上者、非有所信愛之親、習故之澤也；又將以法術之言、矯人主阿辟之心、是與人主相反也。處勢卑賤、無黨孤特。〔六〕夫以疏遠與信愛爭、其數不勝也；以新旅與習故爭、其數不勝也；以反主意與同好惡爭、其數不勝也；以輕賤與貴重爭、其數不勝也；以一口與一國爭、其數不勝也。〔七〕法術之士操五不勝之資、以歲數而又不得見、當塗之人乘五勝之資、而且暮獨說於前、故法術之士奚道得進、而人主奚時得悟乎？〔八〕故資必不勝、而勢不兩存、法術之士焉得不危？其可以罪過誣者、以公法而誅之；其不可被以罪過者、以私劍而窮之。是明法術而逆主上者、不僂於吏誅、必死於私劍矣。〔九〕

校釋 〔一〕事要纂聞云：『權柄、謂賞罰也。』外內集解云：『外、指敵國、下文諸侯不因是也；百官左右

學士皆屬內。』訟集解云：『說也，此謂敵國之人稱譽其重人，如燕噲爲秦使燕，而爲子之之類。』翼云：

『訟，頌通，稱功美德也。三略：佞臣在上，一軍皆訟。漢書：賢良周護等對策，深訟莽功德。』

〔二〕業謂功業也。郎中宋本注云：『爲郎居中，則君之左右之人也，既因重人而得近主，故爲之匿非也。』近主謂與人主接近也。學士謂居學之士也。祿字，各舊本作養祿。集解云：『養祿二字，當衍其一。』茲依之刪養字。禮卑纂聞云：『不見尊禮也。』談宋本注云：『談者謂爲重人延譽。四助即指重人有敵國爲之訟，羣臣爲之用，左右爲之匿，學士爲之談。』

〔三〕其仇宋本注云：『重人所仇者，法術之士也。』其臣宋本注云：『臣，亦謂法術之臣也。』按其臣謂重人，宋本注誤。識誤云：『讀爲蔽，下文比周以弊主，又是以弊主人，皆同。』集解云：『本書蔽多作弊。』劫弑臣篇云：爲姦利之弊主，又云：非不弊之技也；難一篇云：賞罰不弊於後，是也。』

〔四〕希猶鮮也。習故宋本注云：『重人得主信愛者多，又用事既久，乃慣習故舊也。』纂聞云：『習故，新旅之反也。楚策注：習，所昵者。』即集解云：『就也，就主心之好惡者而好惡之也。』乎字，趙本凌本無，茲從乾道本、迂評本。識誤云：『藏本同，今本無乎字誤。』自進集解云：『謂己之進身也。其所以自進，則與主信愛、習故、同好惡三者而已。』札記云：『按自由也。』史記馮唐列傳：文帝問唐曰：父老何自爲郎？索隱引崔浩云：自從也。帝詢唐何以爲郎？王訓自爲己，非。』

【五】一國謂舉國皆爲重人稱頌功德也。翼譌云：『前漢末、上書頌莽者、至四十八萬人之類。』

【六】干求也。澤恩澤也。阿辟、寡聞云：『阿、曲也。辟、音僻。』按阿、謂阿其所好。辟、謂心有所偏也。勢字、乾道本誤作世、茲从迂評本、趙本、凌本、識誤云：『藏本今本世作勢。』集解云：『按作勢是、此對官爵貴重言、不當作世。』

【七】信愛二字、各舊本作近愛信。宋本注云：『近愛信、謂重人也。』集解云：『近字衍文、愛信當作信愛、疏遠信愛、相對成文、不當有近字。上文希不信愛、非有所信愛之親、皆作信愛。此承上言、明愛信二字誤倒。注亦作近愛信、則其譌舊矣。』按集解說是、茲據刪乙。數、宋本注云：『理也。』新旅、札記云：『廣雅及易復卦釋文引鄭氏注並云：旅客也。』按新旅、謂新自他國而旅居於此者、猶言新進也。同好惡、各舊本作同好。識誤云：『好下當有惡字。』按依上文即主心同乎好惡、此有惡字是、茲據補。一口、寡聞云：『一人之口、與下文一口惑主者義不同。』

【八】資、選註云：『憑藉也。』歲數、宋本注云：『所經時歲已至於數、猶不得見。』札記云：『數、讀上聲、言以歲計、而猶不得見也。』按數、讀上聲、較宋本注爲是。又識誤云：『當作猶、舊注未譌。』按又、猶復也、仍也、在此與猶字義近、不必改。故集釋云：『猶則也。』奚道、猶何由也、何從也。集解以道爲時字變文、未可從。悟、宋本注云：『法術之士既不得進、則人主何從得悟乎？』

〔九〕誣宋本注云：「法術之士有過失可誣罔者，重人則舉以爲罪而誅之。」以公之以字，乾道本、迂評本、趙本、凌本無。集解云：「以字，依下文當有，今據張榜本增。」茲從之。被猶言誣罔也。私劍猶今言暗殺也。宋本注云：「若無過失可誣者，則使俠客以劍刺之，以窮其命也。」逆斟補云：「逆當作還，難言篇、辭不逆悖，譏誤云：逆當作還，作逆者形近之誤。此文亦然。」纂聞云：「謂臣主上之失也。」按逆如「忠言逆於耳」之逆。僂字，乾道本、迂評本、凌本作僂，茲從趙本。集解云：「按僂與戮通，僂字誤。」

朋黨比周以弊主，言曲以便私者，必信於重人矣。故其可以功伐借者，以官爵貴之；其可以美善信者，以外權重之。〔一〕是以弊主上而趨於私門者，不顯於官爵，必重於外權矣。今人主不合參差而行誅，不待見功而爵祿，故法術之士安能蒙死亡而進其說，姦邪之臣安肯棄利而退其身？故主上愈卑，私門益尊。〔二〕夫越雖國富兵強，中國之主皆知無益於己也。曰：「非吾所得制也。」〔三〕今有國者，雖地廣人衆，然而人主壅蔽，大臣專權，是國爲越也。知不類越，而不知不類其國，不察其類者也。〔四〕人之所以謂齊亡者，非地與城亡也；呂氏弗制，而田氏用之也。所以謂晉亡者，亦非地與城亡也；姬氏不制，而六卿專之也。〔五〕今大臣執政獨斷，而上弗知收，是人主不明也。與死人同病者，不可生也；與亡國同事者，不可存也。今襲迹於齊晉，欲國安存，不可得也。〔六〕

校釋

〔一〕言曲謂言不合法也。纂聞云：「爲重人匿非之類。」可字，迂評本、凌本藏本，作不可，茲從乾

道本趙本。借字、各舊本在可字下。識誤云：『今本無不字誤。』集解云：借字當在名字下，其可以美名借者，與其可以功伐借者，句法一律，上不當有不字。借、藉古通。莊子應帝王篇釋文引崔注：藉、繫也。其人可以功伐維繫者，則貴以官爵；可以美名維繫者，則重以外權，二事平說。按借字宜在名字下，茲據乙集解以維繫訓借字，未甚洽。借者，假借也。謂朋黨非有何功伐也，而重人以其比周蔽主，乃假借功伐，貴以官爵；朋黨亦非有何美名也，而重人以其言曲便私，乃假借美名，重以外權。重人要結朋黨之術，大都類此。名字，乾道本誤作明，茲从迂評本、趙本、凌本。外權，謂挾外國之勢以自重也。

〔二〕趨趨赴也。合參驗謂多方考察而相合也。宋本注云：『謂於法術之士，不參驗以知其真偽，即行誅罰。』見功，宋本注云：『重人所進，雖未見功，先與之爵祿也。』故法之故，集解云：『猶則也。』蒙翼云：『猶昧也，冒也。』棄利，各舊本作乘利。解詁云：『乘，乖誤，一說當作棄。』斟補云：『乘疑棄字。』按乘利於文義不合，乘棄形近而誤，茲據改。

〔三〕國字，乾道本脫，茲從迂評本、藏本、趙本、凌本。中國，謂中原諸國。春秋時，中原諸國視越、楚、秦等國爲夷狄，不在中國之內。

〔四〕是國爲越，謂大臣專權，人主壅蔽，則其國亦如越之不得制也。兩知字，乾道本作智，趙本、凌本上知作智，下作知，茲從迂評本。拾補云：『按智與知通，此上智字義亦當爲知。』不類讀云：『謂人主皆能知其

國與越不相類，而不知其國今已非其舊國矣。『集解云：『類似也，知己之國不似越之不得制，究不能自制其國，是不知國之不似己之國也。』按墨子云：『辯者以類取，以類予。』越之不得制與國之不得制，是事同類也。今一則知之，一則不知，是取予不同類，故曰『不察其類。』

〔五〕人之二字，各舊本作人主。扎遶云：『主字衍。』纂聞云：『山曰：主宜作之。』按作之是，茲據改。呂氏田氏翼毳云：『呂氏姜姓，齊者太公望呂尚之始封也。田氏嬀姓，陳厲公佗之子完奔齊，爲陳氏，後數十年至田成子常弑簡公，立平公，漸大，至太公和遂以周安王命爲侯。』用之也。乾道本趙本無也字，茲從迂評本。凌本姬氏翼毳云：『姬晉姓晉者，周成王之弟唐叔虞之所封也。晉世家景公十二年，晉始作六卿，其後分爲三。』

〔六〕今翼毳云：『謂當時指韓也。』收宋本注云：『不知收取其柄而自執之，令臣獨斷於上，此主之不明也。』同事翼毳云：『太甲與治同道，罔不興；與亂同事，罔不亡。桓譚新論傳曰：與死人同病者，不可爲醫；與亡國同政者，不可爲謀。潛夫論與死人同病者，不可生也；與亡國同行者，不可存也。』襲迹猶言重蹈轍覆也。宋本注云：『襲重也。』

凡法術之難行也，不獨萬乘千乘亦然。〔一〕人主之左右，不必智也；人主於人有所智而聽之，因與左右論其言，是與愚人論智也。人主於人有所賢而禮之，因與左右論其行，是與不肖論賢也。

智者決策於愚人，賢士程行於不肖，則賢智之士羞，而人主之論悖矣。^{〔二〕}人臣之欲得官者，其修上且以精潔固身，其智士且以治辯進業。^{〔三〕}不能以貨賂事人，恃其精潔治辯，而更不能以枉法爲治，則修智之士，不事左右，不聽請謁矣。^{〔四〕}人主之左右，行非伯夷也，求索不得，貨賂不至，則精辯之功息，而毀誣之言起矣。^{〔五〕}治辯之功制於近習，精潔之行決於毀譽，則修智之吏廢，而人主之明塞矣。^{〔六〕}不以功伐決智行，不以參伍審罪過，而聽左右近習之言，則無能之士在廷，而愚污之吏處官矣。^{〔七〕}

校釋「^{〔一〕}乘」纂聞云：『萬乘大國，千乘小國。』「^{〔二〕}論智論賢」翼龜云：『荀子君道篇，今人主有六患：使賢者爲之，而與不肖者規之；使智者慮之，而與愚者論之；使修士行之，而與汙邪之人疑之；雖欲成立得乎哉！按此所言者，韓子述師說也。』纂聞云：『呂覽新序亦有此論。』程行讀云：『謂評論其行事也。』纂聞云：『程，說文，品也。』集解云：『智者之策，決於愚人；賢士之行，程於不肖。』悖，謬也，惑也。按自「人主之左右」至「悖矣」一段，又見於人主篇，而詞有小異，蓋此篇之誤入於彼篇者也。

「^{〔三〕}修士」宋本注云：『謂修身之士，但精潔自固其身。』精潔之潔字，乾道本作絜，茲從迂評本，趙本、凌本、拾補云：『潔，藏本、張本俱作絜，下同。』集解云：『潔，絜字通用。』纂聞云：『精，清通，外儲顯學作清。又晉語，小心精潔，注，不忍辱也。』按精潔，猶言廉潔也。智士，宋本注云：謂智謀之士也。且以集釋云：『且，猶則』

也。』

〔四〕進業下、各舊本有其修士三字。精潔下、各舊本無治辯二字。宋本注云：『智士不重說，似衍文也。』識誤云：『其修士、修下當脫智之二字，精潔當作精辯。下文云：則修智之士不事左右，即謂貨賂，不聽請謁，即謂枉法，文相承也。下文又云：則精辯之功息，并言精辯，與并言修智同例。舊注：智士不重說，似有脫文，誤。』平議云：『其修士三字，衍文也。上文云：其修士且以精潔固身，其智士且以治辯進業，此云不能以貨賂事人，則總蒙修士智士爲文，言其皆不能也。特其精潔，當作特其精潔治辯，因衍其修士三字，則此文專屬修士，遂刪去治辯二字耳。舊注謂不重知士，似有闕文，是其所據本已誤。』按平議說是，茲據刪補。

〔五〕伯夷翼義云：『孤竹君之長子也，父欲立叔齊，及卒，叔齊讓伯夷，伯夷曰：父命也，遂逃去。周武王克殷，天下宗周，伯夷恥之，義不食周粟，隱於首陽山。』精辯宋本注云：『精謂修士精潔也，辯謂智士辭辯也。』

〔六〕治辯乾道本、迂評本、趙本、凌本作治亂。拾補云：『亂當作辯。』集解云：『張榜本亂作辯。』按作辯是，茲據改而字。乾道本誤作則，茲從迂評本、趙本、凌本。

〔七〕智行謂智士之智與修士之行也。宋本注云：『決智行當以功伐，積功曰伐也。』參伍宋本注云：『審罪過當參伍之比，驗也，伍，偶會也。』近習宋本注云：『近習之人，既皆小人，同氣相求，同聲相應，故所』

親者無能之人，所愛者愚汙之人，亦既親愛，必用之在廷，舉之處官矣。」

萬乘之患，大臣太重；千乘之患，左右太信；此人主之公患也。〔一〕且人臣有大罪，人主有大失。主之利，與相異者也，何以明之哉？曰：主利在有能而任官，臣利在無能而得事；主利在有勞而爵，臣利在無功而富貴；主利在豪傑使能，臣利在朋黨用私。是以國地削而私家富，主上卑而大臣重。故主失勢而臣得國，主更稱蕃臣，而相室剖符，此人臣之所以譎主便私也。〔二〕故當世之重臣，主變勢而得固寵者，十無二三。是其故何也？人臣之罪大也。〔三〕臣有大罪者，其行欺主也，其罪當死亡也。智士者遠見而畏於死亡，必不從重人矣。賢士者修廉，而羞與姦臣爲伍，必不從重人矣。是當塗者之徒屬，非愚而不知患者，必汚而不避姦者也。〔四〕大臣挾愚汚之人，上與之欺主，下與之收利侵漁，朋黨比周，相與一口，惑主敗法，以亂士民，使國家危削，主上勞辱，此大罪也。臣有大罪，而主弗禁，此大失也。使其主有大失於上，臣有大罪於下，索國之亡者，不可得也。〔五〕

校釋 〔一〕乘，纂聞云：『萬乘、千乘、互文，其實大小之國皆然。愛臣篇、愛臣太親，必危其身；人臣太貴，必

易主位。』公患，猶言通病也。集解云：『荀子解蔽篇，此心術之公患也。楊注：公，共也。』

〔二〕與相，識誤云：『與當在相字下。』按與字不乙亦通，與猶爲也，讀平聲。解詳釋詞。與相異，猶爲相異也。豪傑，宋本注云：豪傑之人有材能，然後使之矣。』私家富，纂聞云：『使君割地以事大國，而臣居間取富

貴也。有道篇、卑主之名，以顯其身；毀國之厚，以利其家。『失勢寡聞云：『依藉外權，擅制國事，威勢之所以下移也。』更稱舊臣，宋本注云：『君臣易位，故君稱舊臣於其臣。』按此注誤，舊與藩通，謂改稱藩臣於他國也。翼彘云：『史記蘇秦傳，說魏襄王曰：王天下之賢王也，今乃有意西面而事秦，稱東藩，臣竊爲大王恥之。』相室剖符，宋本注云：『相室，家臣也，剖符，言得專授人官與之剖符也。』寡聞云：『三晉以大夫爲諸侯，猶仍舊號，故呼相國爲相室也。八經篇、相室約其廷臣，內儲國君，好外則相室危，亡徵篇、相室輕而典調重，皆指執政大臣，舊注以家臣爲解，非也。漢志、相室在大夫上，亦謂相國。』翼彘云：『剖符，孝文紀注、張晏曰：符以代古之圭璋，從簡易也。范曄傳、樓侯使者操王之璽，決制於諸侯，剖符於天下。漢書敘傳、與爾剖符，注：謂封之也。言主稱藩臣於強國，而臣之私封成矣。』按相室剖符，以寡聞翼彘之說爲是。譎主，宋本注云：『譎，誑也，設詐謀以誑誤於主也。』

〔三〕主變勢集解云：『謂國君相嬗之時也。』翼彘云：『謂悟前過失，而變其勢也。言當今之重臣，今雖見用，主一旦覺悟，變前勢，則督其罪過，如此而得固寵者，十中無有二三焉。』按主變勢，蓋兼指集解與翼彘所言之情形也。固寵，謂保持寵幸而不變也。

〔四〕兩重人字，乾道本、趙本、凌本上作重人，下作重臣，茲從迂評本。不避姦，謂不惜與之同惡相濟也。

〔五〕供漁，宋本注云：『言侵奪百姓，若漁者之取魚也。』翼彘云：『商子修權篇、秩官之吏，隱下而漁百

姓，此民之蠹也。』比周宋本注云：『阿黨爲比，忠信爲周也。比周者，言以阿黨之人爲忠信與親也。』纂聞云：『左傳注：比，近，周密也。』一口宋本注云：『雷同是非，故曰一口。』翼龜云：『如出一口也，一口事，詳內儲說。』按一口，謂衆口一辭，如出一口也。斟補云：『此文朋黨比周句，相與一口句。上文朋黨比周以蔽主，飾邪篇、羣臣朋黨比周以隱正道，人主篇、朋黨比周以制疏遠，均其證。相與一口，卽內儲說上之一辭同軌也。』勞辱纂聞云：『謂稱藩事人也。』索選註云：『求也。』

和氏

釋題 本篇原爲第四卷第十三篇。名爲和氏者，以本篇首節借和氏獻璞故事，以申論法術之士之處境耳。

提要 本篇主旨在說明法術之士不易見用之故。首節以和氏獻璞而刖足爲喻，次節以法術之士與和氏獻璞事比論，而嘆法術之士雖至死亡，猶難見用；末節以吳起商君見殺於楚秦，證明法術之士不能蒙危以致時主於霸王。通篇所言，與孤憤篇互相發明。

考證 本篇思想與文字，大體與孤憤篇相近。孤憤篇確出於韓子，已無疑義，則本篇亦可推斷其出於韓子矣。惟本篇有商君『燔詩書』之語，而考證以在李斯前無燔詩書之事，遂疑其非韓非所作。按商君曾燔詩書雖無旁證，但商君反對詩書，則爲不可爭之事實，參閱商君書卽知。因其反對詩書，遂至有燔詩書之傳說。韓非未加深考，逕取傳說著之於文，此種事例，在韓非子書中實數見不尠也。若僅以此而疑其爲僞，則證據未免過於薄弱矣。

楚人和氏得玉璞 楚山中，奉而獻之厲王。厲王使玉人相之，玉人曰：『石也。』王以和爲誑，而刖其左足。及厲王薨，武王卽位，和又奉其璞而獻之武王。武王使玉人相之，又曰：『石也。

『王又以和爲誑，而刖其右足。武王薨，文王卽位，和乃抱其璞而哭於楚山之下，三日三夜，泣盡而繼之以血。』王聞之，使人問其故，曰：『天下之刖者多矣，子奚哭之悲也？』和曰：『吾非悲刖也，悲夫寶玉而題之以石，貞士而名之以誑，此吾所以悲也。』王乃使玉人理其璞而得寶焉，遂命曰『和氏之璧。』〔五〕

校釋 〔一〕和氏集解云：『藝文類聚七、白孔六帖五、事類賦九、引和氏作卞和。』纂聞云：『盧諶詩注，作楚人卞和得璞玉於荆山之中，七啓注、楚人和氏得璞玉於楚山之中，宦者傳編注及曹植書注二處皆同，而璞玉作玉璞。』玉璞，新釋云：『璞，質也，玉未理者曰璞。』楚山，新釋云：『荆山也。地理志：南郡臨沮禹貢條：荆山在東北。荆州記：臨沮西北三十里有青溪，溪北卽荆山，首曰景山，卽卞和抱璞之處，見劉昭注。郡國志：水經注：荆山在景山東一百餘里，在今湖北南漳縣西北八十里，旁有石室，相傳卞和宅，上有抱玉巖。』

〔二〕厲王拾補云：『孫詒穀云：楚世家無厲王，後漢書孔融傳注引作武王文王成王，是也。疑今本誤。』集解云：『後漢書注引是，御覽三百七十二、六百四十八引作武王文王成王，是其證。』洪頤煊讀書叢錄云：『孔融傳注引作武王文王成王，文選曹子建贈李幹詩注引又作武王成王文王，皆與今本不同，以史記楚世家系次考之，孔融傳注本是。』孫志祖讀書腔錄云：『韓非子載卞和獻玉事，作楚厲王、武王、文王。』

蓋文王始使玉人理其璞而得寶，故傳元豫章行曰：『琅玕溢金匱，文璧世所無。』盧諶答魏子悌詩曰：『恨無隨侯珠，以答荆文璧。』然考史記楚世家無厲王，但云蚡冒立十七年卒，蚡冒弟熊通弑蚡冒子而代立，是爲楚武王，豈蚡冒諡厲，而史缺邪？前漢鄒陽傳注、後漢陳元孔融傳注引並作武王文王成王，是韓非子有二本也。贈李幹詩注引作武王成王文王誤。新序載此事作厲王武王共王誤。琴操作懷王平王，以平王爲懷王之子，尤謬。『纂聞云：』疑蚡冒追諡厲王。云成王者甚謬。文王之子熊羆立五年，弟熊惲殺之代立，是爲成王，則其去武王時亦已遠矣。『按依史記十二諸侯年表，楚武王立五十一年，文王立十三年，堵敖立五年，成王立四十六年，自武王至成王共年一百一十五。設和氏初次獻璞之年爲二十歲，則至成王初年三次獻璞，約九十餘歲，似爲時亦不甚遠也。厲王爲蚡冒之諡，抑應作武王文王成王，二說均可通，姑並存以待考。』玉人治玉之工也。相新釋云：『視也。』傳校云：『相說文目部云：省視也。』詩曰：『相鼠有皮。』按相讀去聲，猶今言鑒定也。誑而拾補云：『後漢注誑而作謾已。』集解云：『御覽六百四十八、八百五、事類賦引並作謾，無而字。』按誑謾同義，茲仍從各舊本。

〔三〕薨君死曰薨。楚山集解云：『當作荆山，涉上文得玉於楚山而誤。』藝文類聚荆山下引正作荆山，白孔六帖同。『按荆楚二字通用，荆山之名楚山，猶楚之稱荆也。』泣字，乾道本作泪，趙本、凌本作淚，茲從迂評本。拾補云：『淚，藏本作泣，後漢注引同。』集解云：『藝文類聚賦注，御覽並引作泣。』纂聞云：『江淹書泣』

盡而繼之以血也，注引此文云：「卡和乃抱其璞而哭於楚山，三日三夜，泣盡繼之以血。」按作泣是說文，泣無聲出淚也。

〔四〕奚猶何也。題亦名也。翼彘云：「題目也。」

〔五〕理翼彘云：「治玉曰理。」命曰猶言名爲也。

夫珠玉，人主之所急也，和雖獻璞而未美，未爲王之害也；然猶兩足斬，而寶乃論，論寶若此其難也。〔一〕今人主之於法術也，未必和璧之急也，而禁羣臣士民之私邪，然則有道者之不僂也，特帝王之璞未獻耳。〔二〕主用術，則大臣不得擅斷，近習不敢賣重，官行法，則浮萌趨於耕農，而游士屈於戰陳，則法術者，乃羣臣士民之所禍也。〔三〕人主非能倍大臣之議，越民萌之誹，獨周乎道言也，則法術之士，雖至死亡，道必不論矣。〔四〕

校釋 〔一〕王之害，乾道本、趙本、凌本作主之害。拾補云：「藏本主作王。」集解云：「依注當作王。」茲

從之。宋本注云：所獻之璞，設令未美，亦無害於王也。識誤云：「害字起，藏本脫。」諸論字，如論功之論，謂品題或賞識也，其難猶之難也。

〔二〕而禁……私邪。宋本注云：「人主之於法術，未必如和璧之急，乃更禁其臣人爲卡和之忠，誰肯犯禁而論其法術也。」集解云：「此下當有脫文。」讀記云：「此對上文珠玉人主之所急也，和雖獻璞而未

美，未爲王之害也而言。蓋法術既非人主所急，而又足爲臣民私邪之梗。故下文又云：『則法術者羣臣士民之所禍也，文義甚明。舊注云：更禁其臣人爲下和之忠，誤會殊甚。王解乃疑此下有脫文，亦考之未審也。』按而猶以也，私邪，謂私便姦邪也。此與上文爲一句，猶言今人主求法術以禁羣臣士民之私邪，未必如其求和璧之急也。纂聞謂邪音耶，大誤。僂與戮通。特，乾道本誤作持，茲從趙本。凌本。集解云：『特，卽直也，持，當爲特殘缺字。』帝王之璞喻詞也。宋本注云：『卽法術也，有道之士所以未見僂者，則以未獻法術也。』

〔三〕賣重猶言鬻權也。浮萌，翼彘云：『游民也。』按萌與氓通。游士，集解云：『游說之士，以其言責其功，不敢言戰陳。』翼彘云：『謂游士言戰陳之危難也。』

〔四〕倍與背通。誹與非同，非議也。周斟補云：『周字疑當作合。今周形近致訛。』楠箋云：『楚辭離騷，說周容以爲度，王注、周合也。人主篇周正作合。集解謂周爲用之誤，失之。』按纂聞翼彘均釋周爲合，是道言集解云：『謂法術之言也，下同。』

昔者，吳起教楚悼王以楚國之俗，曰：『大臣太重，封國太衆，若此，則上偪主，而下虐民，此貧國弱兵之道也。』不如使封君之子孫，三世而收爵祿，裁減百吏之祿秩，損不急之枝官，以奉選練之士。』悼王行之期年而薨矣，吳起枝解於楚。商君教秦孝公以連什伍，設告坐之過，燔詩書而明法令，塞私門之請，而遂公家之勞，禁游宦之民，而顯耕戰之士。孝公行之，主以尊安，

國以富強，八年而薨，商君車裂於秦。^{〔五〕}楚不用吳起而削亂，秦行商君法而富強，二子之言也已當矣，然而枝解吳起，而車裂商君者，何也？大臣苦法而細民惡治也。當今之世，大臣貪重，細民安亂，甚於秦，楚之俗，而人主無悼王，孝公之聽，則法術之士安能蒙二子之危，而明己之法術哉！此世所以亂無霸王也。^{〔六〕}

校釋 「一」封君受封邑，稱君號之列侯，如孟嘗君、平原君之類也。貧字，各舊本作貪。集解云：「按貪卽貧字形近而誤，拾補改作貧，今從之。」

「二」三世集解云：「喻老篇：楚邦之法，再世而收地，則三世而收爵祿，不起於吳起，蓋楚法廢弛，故吳起云然。」纂聞云：「功臣之子，襲封如故，至孫收之，是再世食祿，三世而絕也。彼云再世，此云三世，其實一也。」裁減二字，各舊本作絕滅。拾補云：「絕滅二字，疑當作滅。」識誤云：「絕滅當作繼滅，繼裁同字。」集解云：「顧說是絕，繼偏旁同，故誤。」按絕作裁是，但裁滅義亦不順，滅字蓋減字之形近而誤者，茲改之。祿秩謂俸祿之等級也。損字，翼龜云：「史記作捐。」按損捐二字均可通。枝官，宋本注云：「謂非急要者，若樹之枝也，然養樹者必披落其枝，爲政者亦損其閑冗。」按枝官，猶今言駢枝機關或冗員，翼龜以爲當作技官，未可從。奉解詁云：「養也。」選練之士，史記吳起傳作戰鬥之士。翼龜云：「六韜有選將練士篇。」^{〔三〕}期年，一年也。枝解，翼龜云：「枝，肢通，枝解，謂截其四肢也。」

〔四〕連什伍猶今言編保甲也。告坐之過謂什伍有告姦連坐之責也。宋本注云：使什家伍家相拘連，中有犯罪，或有不告者，則并坐其什伍，故曰告坐。史記商君傳云：『令民爲什伍，而相收司連坐。不告姦者腰斬，告姦者與斬敵首同賞，匿姦者與降敵同罰。』翼龜云：『呂覽適威篇注：過責也。』燔詩書謂焚書也。集解云：『困學紀聞云：史記商君傳不言燔詩書，蓋詩書之道廢，與李斯之焚無異也。』按詩書爲儒家之經典，自在法家非難之列，故商君書以詩書爲六蠹之一。但商鞅曾先李斯焚書與否，則史有闕文，尙待考耳。請請謁也。遂……勞宋本注云：『於公有勞者，不滯其功賞。』翼龜云：『遂進也。』游官宋本注云：『不守本業，游散求官者，設法以禁之也。』

〔五〕八年集解云：『國策孝公行商君法十八年而死，史記商君相秦十年，索隱云：國策蓋連其在作相之年說也。按此作八年，與史記國策皆不合，疑八上脫十字。』今按孝公在位二十四年，商鞅於孝公初立時入秦，初次變法在孝公三年，二次變法在孝公十二年，皆與行之八年而薨不合。若依集解改爲十八年，則與初次變法之年相近矣。車裂以車曳裂人體，古之酷刑也。

〔六〕貪重猶言貪權也。宋本注云：『大臣虧公法而行私惠，所以成其重也。』聽謂聽從或信任也。危字下各舊本有也字。集解云：『也字衍文，』茲據刪。所以二字，乾道本作所，茲從趙本、凌本。

難言

釋題 本篇原爲第一卷第三篇。難言者，謂對人主陳言不易也。篇首有此二字，故取以名篇。事聞云：『東周策注：難，畏阻意。』此以畏言釋難言，亦通。

提要 本篇主旨，在說明陳言之難及其患，而冀人主加以熟察。首節歷敘所以難言之狀十二事，末節歷舉因言取禍之古人十數人以爲證。

考證 本篇旨趣與說難篇相近，但彼爲論著，此爲上書，體裁全異耳。或以本篇所言全屬虛套，未嘗道出正意，是否出於韓非，不能無疑，詳見考證。或以篇中有『以智說愚，愚者難說』等語，不似人臣上書，疑爲後人做說難而作，詳見劉汝霖周秦諸子考。但本篇稱『臣非』者二處，又稱『大王』者二處，且其意重在『難言而重患』，蓋非在秦時獄中上秦王書也。以稱大王，故知其爲上秦王書。以其意重在難言而重患，故知其其在獄中，故辭不暇擇，意未能盡，惟求秦王熟察免禍而已。迂評注云：『此亦爲初見秦之詞，憤悶孤抗，故其文連類曠肆，感忿特奇。』斯言得之。至前人謂本篇爲上韓王書者甚多，則以其末之深考耳。

臣非非難言也，所以難言者：言順比滑澤，洋洋纒纒然，則見以爲華而不實；敦厚恭祗，綆固慎

完，則見以爲拙而不倫；〔一〕多言繁稱，連類比物，則見以爲虛而無用；總微說約，徑省而不飾，則見以爲劇而不辯；〔二〕激急親近，探知人情，則見以爲譖而不讓；閎大廣博，妙遠不測，則見以爲夸而無用；家計小談，以具數言，則見以爲陋；〔三〕言而近世，辭不悖逆，則見以爲貪生而諛上；言而遠俗，詭譎人間，則見以爲誕；〔四〕捷敏辯給，繁於文采，則見以爲史；殊釋文學，以質性言，則見以爲鄙；〔五〕時稱詩書，道法往古，則見以爲誦。此臣非之所以難言而重患也。〔六〕

校釋 〔一〕順比拾補云：『不拂逆也。』翼毳云：『詩阜矣，克順克比。管子五輔篇：爲人弟者比順以敬。』

孔子家語：良工能巧，不能爲順，順是適彼意而莫逆之謂也。荀子議兵篇：莫不順比，注：比，親附也。論語：君子周而不比，皇侃疏：比，是親狎之義。『滑澤迂評本：凌本作滑瀉，茲從乾道本。趙本：拾補云：『澤作瀉，誤。』翼毳云：『史記樗里傳：滑稽，索隱曰：辯給之人，言非若是，言是若非，師古曰：滑稽，轉利之稱也。管子法禁篇：順惡而澤，注：善潤飾之，令有光澤。孟子：潤澤之在君與子，是澤，飾字意耳。』洋洋纚纚，宋本注云：『洋洋，美，纚纚，有編次也。』翼毳云：『尚書：聖謨洋洋，嘉言孔彰。論語：洋洋乎盈耳哉。纚，色蟹反，所以韜髮也。周禮：追師掌王后之首服，爲副編次，注：編，編列髮爲之，次，次第髮爲之，亦纚笄總而已，故舊以爲有編次也。』見以爲纂聞云：『猶見謂也。文選注引見下有者字。』集解云：『意林引見下有者字，爲作謂，下同。』傳校云：『見以爲，猶俗語被稱爲也。』華而不實，謂有花無果也。翼毳云：『左傳：陽處父華而不實，注：言過其實。』敦

厚恭祇各舊本作敦祇恭厚，茲依集解據意林引改。鯁固慎完。翼毳云：『鯁、骨鯁，謂直也。固、執一堅牢也。慎、徐鍇曰：真心爲慎，不鹵莽也。完、莊子：不以物挫志之謂完。拙字，乾道本作掘，茲從迂評本藏本。趙本、凌本。集解云：『意林亦作拙。』點勘云：『掘、拙通。史記貨殖傳：田農掘業。徐廣曰：古掘字亦作拙。』不倫，謂無倫次也。翼毳云：『詩：有倫有脊，中庸：毛猶有倫。』

〔二〕繁稱詳舉古言古事也。翼毳云：『稱、如曲禮必則古昔，稱先王之稱也。秦策：繁稱文辭，天下不治。鬼谷子：繁稱文辭者，博也。』連類比物，謂以類相同者而連之，以物相似者而比之。國字解云：『連類，謂引證，比物，謂譬喻。』翼毳云：『史記：鄒陽辭雖不遜，然其比物連類，有足多者。學記：古之學者，比物醜類。』總微說約，猶言提要鉤玄也。翼毳云：『總括也。說文：聚束也。約，要也。孟子：博學而詳說之，將以反說約也。淮南要略訓：總要舉凡，而語不剖判。』意林作訥，誤。纂聞云：『訥，利傷也。』翼毳云：『方言：凡草木刺人，自關而東，或謂之梗，或謂之劇。老子：廉而不劇。言其言如棘刺之觸膚也。』

〔三〕激急。趙本作激意，茲從乾道本。迂評本、凌本，識誤云：『今本急作意，誤。』讀云：『激急，不婉貌。』按激急親近，謂語侵人主之親近也。翼毳謂激急當作激意，茲不從。探字，迂評本作深，茲從乾道本。趙本、凌本。按探知人情，謂偵悉他人之內情也。僭字，乾道本、趙本作譖，茲從迂評本。凌本。集解云：『釋名：急及也，操切之使相逮及也。說文：探，遠取之也。疏遠之臣，慮事廣肆，並及人主之親近，以刺取其向背，卽說難所謂非間。』

己，卽實重也，故見者以爲僭而不讓。按依集解所釋，則當作僭，不當作僭，以激急親近乃僭而非僭也。夸翼僞云：『大言也。』解詁云：『證法，華言無實曰夸。』家計迂評本、趙本、凌本作織計，茲從乾道本拾補云：『張本作家。』識誤云：『藏本同，今本家作織，誤。』集解云：『此卽說難篇所謂米鹽博辯也，作家字是。』按家計謂家常瑣計也。小談翼云：『謂財利運籌瑣猥之言也。』具數計物件數曰具，則具數者卽件數也，猶今算術上之所謂名數也。翼疑具爲算字之誤，茲不從。

〔四〕近世翼云：『近世俗之言也，此云世，下云俗，互文也。』荀子非相篇：『遠舉則病繆，近世則病僭。』逆識誤云：『當作邊。』詩：『巧言如流。』箋云：『故不悖逆。』釋文云：『邊，五故反，本亦作邊。』按說難篇云：『大意無所拂，悖悖同字，邊悟同字，作逆者，形近之誤也。』諛上猶言諂上也。遠讀去聲，遠俗，謂與世俗不合也。詭躁集解云：『釋名：躁，燥也。物燥乃動而飛揚也，則躁有華而不實之義。』易繫辭：『躁人之辭多。』補箋云：『躁，詐也。方言：剝，猶也。秦晉之間曰猶，楚謂之剝。』荀子富國篇：『躁者皆化而慤。』商子銀令篇：『姦僞躁心，私交疑農之民。』本書有度篇：『險躁不得關其佞，說疑篇：』『躁詐之人不敢北面立談，詭使篇：』『險躁反覆謂之智，又躁險譏諛者任剝。』躁、音近義同，王先慎說之。翼云：『詭，詐也，反也。詭譎人間，言不近人情，若莊周之言也。』誕翼云：『荀子易言曰誕。』按誕，謂幻妄也。

〔五〕和如論語禦人以口給之給。翼云：『給，辭時應也。』史如論語文勝質則史之史。集解云：『儀禮

聘記辭多則史，鄭注、史謂策祝，亦言史官辭多文也。『釋集解云：「猶言絕棄。」』質性乾道本、趙本作質，茲從迂評本、凌本。識誤云：『藏本信作性是也。』按質性與上文文采義相反，猶言樸實也。

〔六〕時稱謂時常稱引經典也。道翼云：『周禮誦四方之傳道，註道猶言也，傳道世所傳說，往古之事也，爲王誦之，若今論聖德堯舜之道也。孝經非先王之法，言不敢道。』誦，謂記誦而復述之。宋本注云：『誦說舊事。』重患纂聞云：『重憚也。』

故度量雖正，未必聽也；義理雖全，未必用也。大王若以此不信，則小者以爲毀譽誹謗，大者患禍災害死亡及其身。〔一〕故子胥善謀，而吳戮之；仲尼善說，而匡圍之；管夷吾實賢，而魯囚之。〔二〕故此三大夫豈不賢哉？而三君不明也。〔三〕上古有湯，至聖也；伊尹，至智也。夫至智說至聖，然且七十說而不受，身執鼎俎爲庖宰，昵近習親，而湯乃僅知其賢而用之。故曰以至智說至聖，未必至而見受。伊尹說湯是也，以智說愚，必不聽。文王說紂是也，故文王說紂，而紂囚之。〔四〕翼侯、炙侯、腊比，十剖心，梅伯醢。〔五〕夷吾束縛，而曹羈奔陳；伯里子道乞，傳說轉鬻。〔六〕孫子臏脚於魏，吳起拔泣於岸門，痛西河之爲秦，卒枝解於楚。〔七〕公叔座言國器反爲悖，公孫鞅奔秦，開龍逢斬，萇宏分池。〔八〕尹子弮於棘，司馬子期死而浮於江，田明辜射，宓子賤，西門豹不鬪而死人手。〔九〕董安于死而陳於市，宰予不免於田常，范雎折脅於魏。〔一〇〕——此十數人者，皆世之仁賢忠良有道術之

士也，不幸而遇悖亂闇惑之主而死，然則雖賢聖不能逃死亡，避戮辱者，何也？則愚者難言也。且至言忤於耳而倒於心，非賢聖莫能聽，願大王熟察之也。」

校釋 「一」度量謂法度也。大王蓋稱秦王政也，末句大王義同。此不信謂不信上文所言難言而重患之事，則說者小而見謗，大而見戮矣。

「二」子胥翼彘云：「姓伍，名員，楚人也，因楚殺其父奢，亡事吳王闔閭，闔閭死，夫差立，用太宰嚭計，許越平而伐齊，子胥諫不聽，夫差信嚭之譏，賜子胥屬鏹之劍以死。」翼彘云：「孔子狀類陽虎，匡人以爲陽虎圍之事，詳家語。」囚翼彘云：管仲初事公子糾，魯殺公子糾，束縛管仲，以送於齊。」

「三」故故此之故與上文故度量之故，皆宜作夫字解，申事之辭。故可訓夫，詳見集釋。三大夫指子胥、仲尼、夷吾三人。三君翼彘云：「吳、匡、魯之主也。」纂聞云：「匡簡子，宋大夫，而并曰三君，屬文之宜。」

「四」有湯釋詞云：「有語助也。一字不成詞，則加有字以配之。」按有湯之有，卽此類也。然且猶然尙也。七十說謂伊尹說湯有七十次也。鼎俎，鼎烹物之器，俎盛肉之器。乃僅乃，猶然後也，詳見釋詞。翼彘云：「國語實注，僅猶言纔能也。」至纂聞云：「至前也。」按未必至而見受，猶言未必一來便用也。至有來到之義。而紂二字乾道本脫，茲從迂評本、藏本、趙本、凌本。

「六」翼侯蓋卽鄂侯，紂時諸侯。紂殺九侯之女及九侯，鄂侯爭之，并脯鄂侯。炙謂炮其肉也。纂聞云：「史、

策云鄂侯，淮南子息侯，蓋一人也。晉世家索隱，翼本晉都，自孝侯以下，一號翼侯，平陽縣東翼城是也。世本，叔虞居鄂，正義云：鄂地與絳州夏縣相近。按曲沃莊伯弑晉孝侯於翼，晉人復立孝侯子卻爲君，是爲鄂侯，可見翼鄂本一邑也。集解云：『左隱五年，邢人伐翼，翼侯奔隨，六年，納諸鄂，謂之鄂侯。翼鄂地近，故相通。』史記楚世家，熊渠中子紅爲鄂王，吳越春秋，句踐陰謀外傳，號翼侯，可借證翼鄂通稱。鬼侯集解云：『史記作九侯，徐廣注，九侯一作鬼侯，鄴縣有九侯城，九鬼聲近通用。』按鬼侯亦爲紂時諸侯，爲紂所殺，腊，謂以其肉製爲乾肉也。梅伯集解云：『見晏子，楚辭云：數諫至醢。』纂聞云：『呂覽，紂爲無道，殺梅伯而醢之。』俶真訓，蒞梅伯而醢之，注紂時諸侯也。按醢，音海，謂樹割其肉也。

〔六〕曹羈纂聞云：『左傳，莊二十四年冬，曹羈出奔陳。公羊傳，戎將侵曹，曹羈諫曰：『戎衆以無義，君請勿自敵也。』曹伯曰：『不可。三諫不從，遂去之。』故君子以爲得君臣之義也。』伯里子拾補云：『即百里奚亡秦走宛事。』識誤云：『伯，讀爲白。』翼，龜云：『穀梁傳，百里奚，釋文，白，本或作伯。』道乞纂聞云：『鄒陽書，百里奚乞食於道路。』轉，宋本注云：『轉次而傭，故曰轉。』翼，龜云：『傳說，殷高宗相。按呂覽，百里奚未遇時，飯牛於秦，傳，以五羊之皮。文子微明篇，百里奚傳賣。日知錄引王逸九思云：『管束縛兮桎梏，百貿易兮傳賣。』賣，音鬻，是轉，鬻者百里，而非傳說也。鬻，或音築，蓋與版築相涉而誤歟。轉，鬻，轉移賣鬻也。』今按如以轉次而傭，釋轉，則轉近於賣，身爲奴。如以貿易釋轉，則其義近於今所謂走賣之貨販耳，但無論取

何義以之屬於傳說，則史無明徵。意者轉露二字，蓋版築之聲轉而誤者耳。

〔七〕孫子新釋云：「孫臏也，嘗與龐涓俱學兵法。涓既仕魏，乃陰使召孫臏。臏至，涓恐其賢於己，疾之以法斷其足而黥之臏脚，謂削其膝骨也。文選報任少卿書：孫子臏脚，兵法修列。」按泣各舊本作收泣。拾補云：「收、疑攷字，見呂氏春秋長見篇。」識誤云：「仲冬紀云：抵泣，恃君覽云：雪泣。」集解云：「收當作攷，形近而誤。」翼彙云：「博雅：收、振也，按振、揮也。又按文選洞簫賦：擎涕攷淚，注：攷亦拭也。收或攷字訛。呂覽：吳起治西河，王錯譖之，武侯使人召之。吳起至於岸門，止車而望西河，泣數行下。其僕謂吳起曰：竊觀公之意，視釋天下若釋躡，今去西河而泣，何也？吳起抵泣而應之曰：子不識。君知我，而使我畢能西河，可以王。今君聽讒人之議而不知我，西河之爲秦取不久矣。魏從此削矣。抵、攷同。枝解：謂截其四肢也。」按作攷是，茲據改。

〔八〕公孫鞅，寡聞云：「商君傳：公叔痤疾，魏惠王往問之。公叔曰：臣之中庶子公孫鞅，年雖少，有奇才，願王舉國而聽之。惠王謂左右曰：公叔病甚，悲乎，欲令寡人以國聽公孫鞅，豈不悖哉！公叔死，公孫鞅西游於秦。」關龍逢翼彙云：「夏桀臣桀爲酒池，關龍逢諫，立而不去朝，桀囚而殺之，見韓詩外傳。」分脰宋本注云：「磔裂也。」集解云：「莊子肱僂篇釋文引司馬云：萑弘，周靈王賢臣也。按周景王敬王之大夫，魯哀公三年六月周人殺萑弘。一云剗腸曰脰。六微篇以爲叔向之讒。」按脰、音視，丑多切。

〔九〕尹子翼△云：「不知何人。穿於棘者，陷於棘刺之中。易坎卦，係用徽纆，寘於叢棘。穿坎也。大學衍義補制刑獄之具，引坎上六程傳云：以其陷之深，取牢獄爲喻。又云：坎爲刑獄，荀九家易，坎爲叢棘。前漢翟方進傳，莽盡懷義弟宅汙池之，至皆同坑，以棘五毒並葬之。蓋古有設此刑者矣。」新釋云：「尹子，蓋尹文公固。左傳昭二十三年，尹氏立王子朝；二十九年，京師殺尹氏固。」子期，新釋云：「楚子西之弟，公子結也，爲大司馬，白公作亂，殺子西，期於朝，事見左哀十六年傳。」浮於江，纂聞云：「蓋投屍於江中也。」田明，新釋云：「田，爲齊姓，田明，蓋齊明，一曰卽田光，均見國策。」辜射，平議云：「卽辜磔，磔從石聲，與射聲相近，故得通用。辜磔，本疊韻字。荀子正論篇，斬斷枯磔，以枯爲辜。此云辜射，又以射爲磔。古書每無定字，當以聲求之。周禮，掌戮殺王之親者，辜之，注曰：謂磔之。田明辜射，卽此刑也。字又作託，史記李斯傳，十公主託死於杜索隱曰：託與磔同，古今字異耳。」纂聞云：「墨子，中有司出其所治，則從外淫之法，其罪射，射磔，古音相通。」賤豹翼△云：「宓子賤，孔子弟子，名不齊。西門豹，魏武侯臣。二人死人手事，未聞。」

〔一〇〕安子翼△云：「趙簡子臣，陳於市，見左定十三年傳。」集解云：「安子，十過七術作闕子，觀行篇作安子，與此同。按安闕古通，左傳作安，淮南道應訓作闕是也。惟趙策安闕兩用爲誤。」宰予△纂聞云：「宰予爲田常所殺，家語、呂子、說苑、人間訓、李斯傳及仲尼弟子傳，並有此說。索隱云：左氏無宰我與田常作亂之文，然有闕止，字子我，田闕爭寵，子我爲陳恆所殺，疑字與宰予相涉，因誤云爾。」新釋云：「宰予，字

子我，孔子弟子。呂覽說苑所載，與此所云宰予不免於田常事合也。乃考之左哀十四年傳，陳恆殺子我，玩其文義，似指闕止，非宰予也。而史記李斯傳曰：田常殺宰我於庭，田齊世家曰：子我者，監止之宗人，又曰：田氏之徒追殺子我及監止，是明明以子我爲宰予，與闕止分爲二人，左氏之說誤矣。家語：宰予仕齊，爲臨菑大夫，與田常爲難，夷其三族，孔子恥之。仲尼弟子列傳襲其文，讀者不察，遂疑宰予助逆，羣起訾之。不知與者舉也，敵也。家語所謂與田常爲亂，乃謂舉兵而敵田常耳。按與字可訓爲以，詳見釋詞。與田常爲亂，夷其三族，謂以田常作亂而夷三族，非謂同田常作亂而夷三族也。宰予與闕止卽監止二人，均爲田常所殺，闕止因爭權爲田常所殺事，又見本書儲說。此篇所言者爲仁賢忠良有道術之士，則宰予不免於田常，實不誤矣。范雎新釋云：『范雎爲魏齊舍人所笞擊，折脅摺齒，佯死。史記鄒陽傳、范雎摺脅折齒於魏，卒爲應侯。』

〔一〕仁賢迂評本、凌本作人賢，茲從乾道本、凌本。難言二字，乾道本作不少，茲從迂評本、趙本、凌本。識誤云：『今本不少作難言，誤。按此句下有脫文。』集解云：『君子難言，文甚明白易曉，今從之。』至旨至善之言也。史記商君傳云：『至言實也。』倒纂聞云：『反也。』

問田

釋題 本篇原爲第十七卷、第四十二篇。名爲「問田」者，以本篇篇首有「徐渠問田鳩曰」云云，節取其中之二字以名篇也。按本篇首節爲徐渠與田鳩之問答，次節爲堂谿與韓子之問答，則「問田」二字，實不能統攝全篇也。

提要 本篇分爲兩節，而各明一義，不相聯屬。首節主旨，在「宰相必起於州部，猛將必發於卒伍」，與顯學篇所言相同。次節主旨，在說明韓子立法術，設度數，乃利民萌，便衆庶，而自身不憚亂主闇主之患禍。

考證 本篇思想，雖俱合於法家旨趣，然以次節明稱韓子，則本篇非出於韓子本人，殆無疑義。且堂谿公爲韓昭侯時人，較韓子稍前，則堂谿公與韓子究否有此一段問答，亦不無可疑。此篇蓋韓子後學所記，後人以其旨趣同於韓子，而文中又言及韓子，遂編入本書耳。參閱容肇祖韓非子考證及陳千鈞韓非子書考（見學術世界雜誌一卷一期）

徐渠問田鳩曰：「臣聞智士不襲下而遇君，聖人不見功而接上。」
田鳩曰：「此無他故異物，主有度，上有術之措於屯伯，公孫亶回，聖相也，而關於州部，何哉？」
田鳩曰：「此無他故異物，主有度，上有術之故也。且足下不聞楚將宋觚而失其政，魏相馮離而亡其國。二君者，驅於聲詞，眩乎辯說，不試於屯

伯，不開乎州部，故有失政亡國之患。由是觀之，夫無屯伯之試，州部之關，豈明主之備哉！」〔三〕

校釋 〔一〕徐渠未詳。田鳩蓋卽田俅子。解詁云：『漢書藝文志：田俅子三篇入墨家，本注先韓子。』襲

纂聞云：『井曰：襲如襲級之襲，謂不歷卑官而見遇於君也。』不見功，謂不待有功也。解詁云：『智士、聖人，一見立取將相，非必歷下官，顯大功而後遇接君上也。』

〔二〕今字，乾道本趙本凌本作令，茲從迂評本。拾補云：『令字非。』陽成義渠翼龜云：『呂覽：子華子，並有陽城胥渠，蓋是人歟？』纂聞云：『燕地有陽成，燕將有將渠，諫燕王喜伐越者，或此人歟？』名字，各舊本作明，按明與名聲近而誤，宜作名，茲改之。措置也。屯伯，各舊本作毛伯。翼龜云：『毛爲屯之誤。商子云：五人一屯長。周禮有屯部，古今注云：伍伯，一伍之伯也。五人曰伍，伍長爲伯，故稱五伯。按伍伯，卽屯長也。汲冢周書武順注：伯，卒名。』識誤集解考證略同於翼龜，茲據改。關猶置也。纂聞云：關，由也，謂由州縣之吏，歷級至相也。『州部，纂聞云：『頓學篇：宰相必起於州部，猛將必發於卒伍。五蠹篇：州部之吏操官兵。楚策：今僕之不肖，扼於州部。』注：集韻部，統也，界也。』按州部，謂地方官也。

〔三〕將相二字，俱讀去聲，動詞，與上文爲名詞者異，謂以爲將或相也。宋觚馮離纂聞云：『皆人姓名，其事未聞。亡國，謂喪地也。』驅於聲詞，謂爲臣下之文辭所驅使也。按此謂以文辭辯說取士也。乎，猶於也。

堂谿公謂韓子曰：『臣聞服禮辭讓，全之術也；修行退智，遂之道也。今先生立法術，設度數，臣

竊以爲危於身而殆於軀。〔一〕何以效之？所聞先生術曰：楚不用吳起而削亂，秦行商君而富彊。二子之言已當矣，然而吳起支解，而商君車裂者，不逢世遇主之患也。逢遇不可必也，患禍不可斥也。夫舍乎全遂之道，而肆乎危殆之行，竊爲先生無取焉。〔二〕

韓子曰：『臣明先生之言矣。夫治天下之柄，齊民萌之度，甚未易處也。然所以廢先生之教，而行賤臣之所取者，竊以爲立法術，設度數，所以利民萌，便衆庶之道也。故不憚亂主闇上之患禍，而必思以齊民萌之資利者，仁智之行也。〔三〕憚亂主闇上之患禍，而避乎死亡之害；知明夫身而不見民萌之資利者，貪鄙之爲也。臣不忍嚮貪鄙之爲，不敢傷仁智之行。先生有幸臣之意，然有大傷臣之實。』〔四〕

校釋 〔一〕堂谿公纂聞云：『韓昭侯時人在韓子前較遠，且玩其辭氣，不似戰國人，王世貞所謂後人傳益者，蓋指此類也。』按堂谿公之言，乃道家說也。服禮解詁云：『行禮也。』全遂翼龜云：『全、言身全，遂言名遂。』退智讀云：『藏智也。』先生乾道本誤作先王，茲從迂評本、趙本、凌本。

〔二〕效字，迂評本藏本作効，茲從乾道本、趙本、凌本。按效謂明也，與効通行補箋云：『亦用也。』周禮掌行火之政令，鄭注：行猶用也。國語吳語：無以行之，韋注：行猶用也。卽行有用誼之證。『彊字，乾道本、迂評本誤作疆，茲從趙本、張本、凌本。已當，集釋云：『已、猶亦也。』支解與肢解同，謂分解四肢，古時酷刑也。車裂，以車

裂尸也亦古時酷刑。斥猶逐也，遠也，拒也。

〔三〕臣明乾道本脫臣字，茲從迂評本。趙本、凌本。識誤云：『藏本、今本有臣字。』萌與氓通，民也，民萌爲複詞。先生各舊本作先王。識誤云：『王渭曰：王當作生，下同。』按作生是，茲據改先生。韓子稱堂谿公也。教謂堂谿公所言全遂之道也。

〔四〕夫身二字，迂評本、凌本無。趙本夫字在資字，身字在利字下。乾道本與趙本同，但利字作科。識誤云：『此當作知明夫身而不知民萌之資利者，乾道本利作科譌。』集解據改，茲從之。先生各舊本作先王。平議云：『先王當作先生，即謂堂谿公也。堂谿公諷韓子舍全遂之道，而肆危殆之行，故曰先生有幸臣之意。幸臣猶愛臣也。呂覽至忠篇：王必幸臣與臣之母是也。韓子自謂不忍嚮貪鄙之爲，不致傷仁智之行。若從堂谿公言，則仁智之行傷矣，故曰然有大傷臣之實。此有字當讀爲又。』

第四卷

難一

釋題 本篇原爲第十五卷、第三十六篇。難、辨難也，爲一種文體；一、二、三、四等字，則篇次之標記耳。宋本注云：『古人行事，或有不合理，韓子立義以難之。』史記索隱云：『難者，說前人行事與己不同而詰難之也。凡事是非未盡，假往來之辭，故曰難也。』迂評注云：『凡九章，皆借古人以發己意，要歸於形名也。篇內皆以或曰字起斷案。』

提要 本篇主旨，在藉論難古事，以發揮法家之說。其每節要點爲：（一）萬世之利，在於詐敵而勝；（二）爲政不在躬親化民，而在處勢令下；（三）一人不兼官，一官不兼事；（四）賞不加於無功，罰不加於無罪；（五）君不失君道，臣不失臣禮；（六）輕上侮君不可以爲治；（七）罪人不可赦；（八）人臣須尊主明法，不可增寵益爵；（九）有術，兩用不爲患，無術，兩用則爭事而外市，一用則專制而劫殺。

考證 本篇出於韓非，在思想與文字上俱無可疑。考證以淮南子齊俗訓引用本篇晉平公與羣臣飲節，爲本篇出於韓非之旁證。

晉文公將與楚人戰，召舅犯問之，曰：『吾將與楚人戰，彼衆我寡，爲之奈何？』^{〔一〕}舅犯對曰：『臣聞之，繁禮君子，不厭忠信；戰陣之間，不厭詐僞，君其詐之而已。』^{〔二〕}文公辭舅犯，因召雍季而問之，曰：『我將與楚人戰，彼衆我寡，爲之奈何？』雍季對曰：『焚林而田，偷取多獸，後必無獸。』^{〔三〕}以詐遇民，偷取一時，後必無復。』^{〔四〕}文公曰：『善。』辭雍季，以舅犯之謀與楚人戰，以敗之，歸而行爵，先雍季而後舅犯。^{〔五〕}羣臣曰：『城濮之事，舅犯謀也，夫用其言而後其身可乎？』文公曰：『此非若所知也。夫舅犯言一時之權也，雍季言萬世之利也。』仲尼聞之，曰：『文公之霸也宜哉！既知一時之權，又知萬世之利。』^{〔六〕}

或曰：雍季之對，不當文公之問。凡對問者有因，因大小緩急而對也。^{〔七〕}所問高大，而對以卑狹，則明主弗受也。今文公問以少遇衆，而對曰：『後必無復。』此非所以應也。^{〔八〕}且文公不知一時之權，又不知萬世之利。戰而勝，則國安而身定，兵強而威立，雖有後復，莫大於此。萬世之利，奚患不至？戰而不勝，則國亡，身死，名息，祓拂今日之死，不及安暇待萬世之利。^{〔九〕}萬世之利，在今日之勝，今日之勝，在於詐敵而已。故曰：雍季之對，不當文公之問。^{〔一〇〕}且文公又不知舅犯之言。舅犯所謂不厭詐僞者，不謂詐其民，謂詐其敵也。^{〔一一〕}敵者，所伐之國也，後雖無復，何傷哉！文公之所以先雍季者，以其功耶？則所以勝楚破軍者，舅犯之謀也；以其善言耶？則雍季乃道其後之無復也，

此未有善言也。〔三〕舅犯則以兼之矣。舅犯曰：『繁禮君子，不厭忠信』者，忠所以愛其下也，信所以不欺其民也。夫既以愛而不欺矣，言孰善於此？〔四〕然必曰出於詐僞者，軍旅之計也。舅犯前有善言，後有戰勝，故舅犯有二功而後論，雍季無一焉而先賞。『文公之霸也，不亦宜乎？』仲尼不知善賞也。〔二四〕

校釋 〔一〕舅犯，纂聞云：『呂覽注：舅犯，狐偃也，字子犯，文公之舅也。』按舅犯亦稱咎犯，咎與舅聲近，因借爲舅也。

〔二〕犯下對字，乾道本、趙本、凌本無，茲從迂評本。纂禮宋本注云：『禮繁縟，故曰繁禮。唯忠信可以學禮，故曰不厭忠信。』厭，纂聞云：『猶足也，務行忠信無倦怠也。』

〔三〕田田，獵也。儉，宋本注云：『苟且也。』取字，乾道本脫，茲從迂評本。趙本、凌本必上，乾道本衍不字，茲從迂評本。趙本、凌本，斟補云：『按淮南人間訓作焚林而獵，愈多得獸，後必無獸。以詐僞遇人，雖愈多，後無復。兩文互勘，後下不字確屬衍文。後必無復，即彼文之後無復。作儉作愈，兩文並通。惟當讀焚林而田爲句耳。』按愈爲儉之借字。

〔四〕無復，纂聞云：『失信於民，不可再行也。』

〔五〕行爵，猶言行賞也。

〔六〕若字、各舊本作君。識誤云：『君當作若。』纂聞云：『若、汝也，元作君誤。』按作若是，茲據改。

〔七〕不當不合，謂所答非所問也。下因字，乾道本藏本作問，茲從迂評本、趙本、凌本。集解云：『問字涉上文而誤。因大小緩急而對，謂因其問之大小緩急而對也。凡對問者，有因而言，若作問字，則文氣不屬，改從今本。』

〔八〕應應對也。

〔九〕被拂各舊本作拔拂。識誤云：『拔拂同字，或當衍其一也。』集解云：『拔今日之死不及，與孟子救死猶恐不暇語意正同。拂，即拔之複字，或一本作拔，一本作拂，校者旁注於下而失刪耳。』纂聞云：『被一作拔。周語注：拔除，猶掃除也。音孚勿切。物曰：巫祝被拂之。』按拔宜作被，茲從纂聞改。被拂，猶言求免也。

〔一〇〕萬字上各舊本有待字。按此依文意不當有，蓋涉上句而誤重者，茲刪之。於詐二字、各舊本作詐於，茲依纂聞、集解、讀記校乙。而已二字上，各舊本有『詐敵萬世之利』六字。讀記云：『此六字涉上文誤複。藏本於而已字止作已，張本又改已作也，均非。』按詐敵萬世之利六字，蓋注文誤入正文者，茲據讀記刪。而已二字，迂評本作已，茲從乾道本、趙本、凌本。

〔一一〕下謂字，乾道本誤作請，茲從迂評本、趙本、凌本。集解云：『作謂是，言舅犯謂詐其敵，非謂詐其民也，請乃謂字形近而譌。』

〔一二〕乃道猶言乃言也。

〔一三〕以兼以同已兼謂兼有功與善言也。以愛猶言已愛也。

〔一四〕文公之霸也不亦宜乎拾補云：此二句乃述仲尼之語也。今本也字脫藏本有『按乾道本趙本凌本無也字茲從迂評本此二句上下疑有脫誤』宋本注云：『仲尼不知善賞妄歎宜哉乎』

歷山之農者侵畔，舜往耕焉，朞年畊畝正。〔一〕河濱之漁者爭坻，舜往漁矣，朞年而讓長。〔二〕東夷之陶者器苦窳，舜往陶焉，朞年而器牢。〔三〕仲尼嘆曰：『耕漁與陶，非舜官也，而舜往爲之者，所以救敗也。舜其信仁乎！乃躬藉處苦而民從之，故曰聖人之德化乎！』〔四〕

或問儒者曰：『方此時也，堯安在？』其人曰：『堯爲天子。』然則仲尼之聖堯奈何？〔五〕聖人明察在上位，將使天下無姦也。今耕漁不爭，陶器不窳，舜又何德而化？〔六〕舜之救敗也，則是堯有失也。賢舜，則去堯之明察；聖堯，則去舜之德化，不可兩得也。楚人有鬻楯與矛者，譽之曰：『吾楯之堅，物莫能陷也。』〔七〕又譽其矛曰：『吾矛之利，於物無不陷也。』或曰：『以子之矛，陷子之楯，何如？』其人弗能應也。夫不可陷之楯，與無不陷之矛，不可同世而立。今堯舜之不可兩譽，矛楯之說也。且舜救敗，朞年已一過，三年已三過，舜有盡，壽有盡，天下過無已者，以有盡逐無已，所止者寡矣。〔八〕賞罰使天下必行之，令曰：『中程者賞，弗中程者誅。』令朝至暮變，暮至朝變，十日而海內畢矣，奚

舜猶不以此說堯令從己，乃躬親，不亦無術乎？^{〔九〕}且夫以身爲苦而後化民者，堯舜之所難也。處勢而令下者，庸主之所易也。將治天下，釋庸主之所易，道堯舜之所難，未可與爲政也。^{〔一〇〕}

校釋 ^{〔一〕}畔翼義云：『田界。』^{〔二〕}蒼與期同，蒼年，謂一年也。^{〔三〕}馴畝正猶言經界正也。^{〔四〕}翼義云：『馴，畝同，田溝也。步百曰畝。』

^{〔二〕}坻，宋本注云：『坻，水中高地，釣者依之。』^{〔三〕}纂聞云：『詩傳：坻，小渚也。』^{〔四〕}讓長，謂讓長者。

^{〔二〕}苦窳，宋本注云：『惡也。』^{〔三〕}纂聞云：『齊語：辨其功苦，注：功，牢也；苦，脆也。荀子注：枯與苦同，惡也。凡器物堅好者謂之功，濫惡者謂之苦。』^{〔四〕}史記正義云：『苦讀如鹽，音古。詩：王事靡盬，傳：不堅固也。』^{〔五〕}史記表注：『窳，病也。』

^{〔四〕}非舜官，謂耕漁與陶之事，非舜之官守也。^{〔五〕}藉字，^{〔六〕}迂評本、^{〔七〕}趙本、^{〔八〕}凌本作耕，茲從乾道本。^{〔九〕}識誤云：『藏本、今本藉作耕，按藉借同字。』^{〔一〇〕}集解云：『顧說是，上文耕漁陶三項，此不當僅言耕也。躬藉處苦，卽下文以身爲苦而後化民之義。』

^{〔五〕}其人指儒者。然則以下爲或問之辭，然字上省曰字。^{〔六〕}堯，宋本注云：『堯在上，客人爲惡，仲尼謂堯爲聖者奈何！』

^{〔六〕}而化，^{〔七〕}迂評本、^{〔八〕}藏本作之化，茲從乾道本。^{〔九〕}趙本、^{〔一〇〕}凌本、^{〔一一〕}宋本注云：『若堯已在上，則自有禮讓，何須舜以

德化之？』傳校云：『而、亦可作之字解。論語：君子恥其言而過其行。孟子：速於置郵而傳命，而皆作之字解，說詳詞詮及集釋。』

〔七〕吾楯之吾字，乾道本脫，茲從迂評本、趙本、凌本。集解云：『北堂書鈔一百二十三，御覽三百五十三引並有吾字。』物莫之物字，各舊本無，茲從集解校補。翼彙云：『召同，謂洞徹也。』傳校云：『陷、高下也。』楯傳校云：『爲盾之借字。』

〔八〕過謂不良之事，一過、三過，卽指上文侵畔、爭坻與器苦窳而言也。舜壽有盡，各舊本作舜有盡，壽有盡。識誤云：『上有盡二字當衍，四字爲一句。』按識誤說是，茲據刪。無已者以拾補云：『已者，張本作有已，藏本作以已。』識誤云：『以已當作已，已字句絕，以下屬者字當衍。』集解云：『乾道本以字在已者上，按張榜本、趙本，以字在有字上，是也。謂天下之過不止耕漁陶三者，以舜壽之有盡而治無已之過，則所止者寡矣。因以字誤移於上，而廬顧並去者字，非也，今依張趙本改。』今按迂評本與藏本同，凌本與趙本同，茲從凌本。

〔九〕程翼彙云：『荀子、程者，物之準也，注、程、度量之總名。鄧析子、明君立法之後，中程者賞，缺繩者誅。』猶字，讀記云：『蓋獨字之誤。』從己迂評本、趙本、凌本作從己，茲從乾道本。傳校云：『己字指堯而言，言舜宜說堯令民從己也。』

「一〇」^{△△}令下乾道本誤作驕下，茲從迂評本、趙本、凌本。[△]識誤云：「藏本同，今本驕作令。按此當作矯，外儲說右篇榜檠矯直。」[△]道由也。

管仲有病，桓公往問之，曰：「仲父病，不幸卒於大命，將奚以告寡人？」管仲曰：「微君言，臣故將謁之。」願君去豎刁，除易牙，遠衛公子，開方。易牙爲君主味，君惟人肉未嘗，易牙烝其子首而進之。夫人情莫不愛其子，今弗愛其子，安能愛君？^{〔三〕}君妬而好內，豎刁自宮以治內，人情莫不愛其身，身且不愛，安能愛君？^{〔四〕}開方事君十五年，齊衛之間不容數日行，棄其母，久宦不歸，其母不愛，安能愛君？^{〔四〕}臣聞之，務僞不長，蓋虛不久，願君去此三子者也。^{〔五〕}管仲卒死，而桓公弗行，及桓公死，蟲出尸不葬。^{〔六〕}

或曰：管仲所以見告桓公者，非有度者之言也。所以去豎刁易牙者，以不愛其身，適君之欲也。^{〔七〕}曰：「不愛其身，安能愛君？」然則臣有盡死力以爲其主者，管仲將弗用也。曰：「不愛其死力，安能愛君？」是欲君去忠臣也。且以不愛其身，度其不愛其君，是將以管仲之不能死子糾，度其不死桓公也，是管仲亦在所去之域矣。^{〔八〕}明主之道不然。設民所欲，以求其功，故爲爵祿以勸之；設民所惡，以禁其姦，故爲刑賞以威之。慶賞信而刑罰必，故君舉功於臣，而姦不用於上，雖有豎刁，其奈君何！^{〔九〕}且臣盡死力以與君市，君垂爵祿以與臣市。君臣之際，非父子之親也，計數之所出也。

君有道，則臣盡力，而姦不生；無道，則臣上塞主明，而下成私。管仲非明此度數於桓公也，使去豎刁，一豎刁又至，非絕姦之道也。〔一〇〕且桓公所以身死蟲流出尸不葬者，是臣重也；臣重之實，擅主也。有擅主之臣，則君令不下究，臣情不上通，一人之力，能隔君臣之間，使善敗不聞，禍福不通，故有不葬之患也。〔一一〕明主之道，一人不兼官，一官不兼事，卑賤不待尊貴而進，大臣不因左右而見。百官修通，羣臣輻湊，有賞者君見其功，有罰者君知其罪，見知不悖於前，賞罰不弊於後，安有不葬之患？管仲非明此言於桓公也，使去三子，故曰管仲無度矣。〔一二〕

校釋 〔一〕微讀云：『微無也，故固通。』謁，纂聞云：『管子注，謁謂有所告之。』

〔二〕味君二字，乾道本脫，迂評本藏本誤作味君主，茲從趙本凌本。按味字屬上讀，主味猶言管廚，謂膳人也。子首，迂評本趙本凌本作首子，茲從乾道本。情字上，乾道本衍惟字，茲從迂評本趙本凌本。

〔三〕好內猶言好色也。宮，謂去勢也。治內，謂宦官掌治宮中之事也。

〔四〕開字上，乾道本衍開字，茲從迂評本藏本趙本凌本。集解云：『聞，即開字之誤而衍。』不容猶言不過也。宦字，迂評本趙本凌本作宦，茲從乾道本。

〔五〕務，偽各舊本作矜，偽平議云：『矜字無義，乃務字之誤，言務爲詐僞，不可以長也。管子小稱篇作務，僞不久，蓋虛不長，是其證。』纂聞云：『務，元作矜，誤說苑作務。』按作務是，茲據改。蓋虛宋本注云：『言蓋』

藏詐事，不可久也。」

〔六〕卒死。集解云：「卒字衍。」纂聞云：「山曰：死字衍文。」按卒死，猶言終死也。而字，乾道本、趙本、凌本無。茲從迂評本。拾補云：「而字，張本有。」尸字，識誤云：「尸當作戶，下同。」纂聞云：「戶，元作尸，下同。誤。管子死十一日，蟲出於戶。」

〔七〕度集解云：「謂法度也。」去字，乾道本脫。茲從迂評本。藏本、趙本、凌本。集解云：「按有去字者是也。下管仲非明此於桓公也使去三子，即承此而言，明此脫去字。」

〔八〕盡死力。宋本注云：「亦不愛身也。」弗用。迂評本、張本作不用。茲從乾道本。趙本、凌本。欲字，乾道本、趙本、凌本無。茲從迂評本。集解云：「欲字，拾補有。盧文弨云：欲字脫。今據補。」度其之度字，音託，忖度也。域猶言內也。纂聞云：「公子糾之難，召忽死之，管仲不死，是不愛其君也。」

〔九〕其功。迂評本誤作其故。茲從乾道本。趙本、凌本。不用。纂聞云：「功勞之臣舉用，姦邪之臣屏退。」

〔一〇〕君市二字。乾道本無。迂評本作君。茲從趙本。凌本。識誤云：「今本與字下有君市二字，依下文當補。」計數。宋本注云：「君計臣力，臣計君祿。」度數。集解云：「數字疑衍，上云非有度之言，下云管仲無度，即謂此度也，數字淺人所增。」

〔一一〕臣重。謂臣權甚重也。擅主。謂臣專擅而侵君權也。下究。猶言下達也。善敗。猶言善惡也。

〔一二〕進字，乾道本作進論，茲從迂評本、趙本、凌本。識誤云：『藏本同，今本無論字。按進字當衍，上文云：舅犯有二功而後論，和氏云：然猶兩足斬而寶乃論，此論字之義。』不悖，猶言不誤也。不弊，識誤云：『弊，誠爲蔽。』宋本注云：『可賞、賞、可罰、罰，無所蔽塞也。』按弊與蔽通，不弊猶言不失也。

襄子圍於晉陽中，出圍，賞有功者五人，高赫爲賞首。〔一〕張孟談曰：『晉陽之事，赫無大功，今爲賞首何也？』襄子曰：『晉陽之事，寡人國家危，社稷殆矣。吾羣臣無不有驕侮之意者，惟赫不失君臣之禮，是以先之。』〔二〕仲尼聞之曰：『善賞哉！襄子賞一人，而天下爲人臣者，莫敢失禮矣。』

〔三〕

或曰：仲尼不知善賞矣。夫善賞罰者，百官不敢侵職，羣臣不敢失禮。上設其法，而下無姦詐之心，如此則可謂善賞罰矣。使襄子於晉陽也，令不行，禁不止，是襄子無國，晉陽無君也，尙誰與守哉！今襄子於晉陽也，知氏灌之，曰：『寵生鼃，而民無反心，是君臣親也。』〔四〕襄子有君臣親之澤，操令行禁止之法，而猶有驕侮之臣，是襄子失罰也。〔五〕爲人臣者，乘事而有功則賞。今赫僅不驕侮，而襄子賞之，是失賞也。〔六〕明主賞不加於無功，罰不加於無罪。今襄子不誅驕侮之臣，而賞無功之赫，安在襄子之善賞也？故曰：仲尼不知善賞。

校釋 〔一〕高赫，識誤云：『赫，他書作敝。』集解云：『淮南汜論：人間訓，說苑復恩篇，漢書古今人表並

作赫，惟呂氏春秋孝行覽作赦。按赦卽赫聲近而譌，當依此訂正。史記趙世家作高共，徐廣云：「一作赫。」

〔二〕國家，趙本、凌本作國，茲從乾道本、迂評本、藏本。不有二字，各舊本作有不，茲依纂聞翼龜校改。纂聞云：「不有元作有不，依汜論訓正。」惟赫集解云：「各本赫下有子字，按子字不當有，御覽引無，今據刪。」呂覽作而不失君臣之禮者惟赫，亦無子字，是其證。纂聞云：「淮南子無子字。」先傳校云：「先字動詞，與大學舉而不能先之先同。」

〔三〕仲尼，識誤云：「王渭曰：此因學紀聞所謂事在孔子後，孔鮒已辨其妄者也。」纂聞云：「晉陽之圍，在周定王十六年，距孔子卒二十七年，而云仲尼聞之，誣妄亦甚。」

〔四〕使謂假使也。曰竈生龜，集解云：「乾道本作曰竈生龜，拾補曰作穴。盧文弨云：穴，舊本作曰，龜，藏本作龜。顧廣圻云：今本曰作穴，龜作龜。按此當依趙策作曰竈生龜，說苑權謀篇同，太玄經窮上九亦曰曰竈生龜，蓋本於彼也。先慎案龜與龜，曰與曰，並形近而誤，據盧顧校改。」纂聞云：「穴宜作沈。晉語：沈竈產龜，民無畔意，注：沈竈，懸釜而炊也，產龜，龜生於竈，音注：龜與蛙同。」今按迂評本、趙本、凌本俱作穴竈生龜，茲從集解改穴爲曰。

〔五〕失罰，乾道本脫失字，茲從迂評本、趙本、凌本。

〔六〕爲人臣，迂評本無爲字，茲從乾道本、趙本、凌本。乘事，翼龜云：「周禮夏官棄人，乘其事，試其弓弩，注：

鄭司農云：乘計也。失賞。宋本注云：「臣有不驕，僅合臣禮，非有善可賞也。」

晉平公與羣臣飲，飲酣，乃喟然歎曰：「莫樂爲人君！惟其言而莫之違。」師曠侍坐於前，援琴撞之，公披衽而避，琴壞於壁。公曰：「太師誰撞？」師曠曰：「今者有小人言於側者，故撞之。」公曰：「寡人也。」師曠曰：「啞，是非君人者之言也！」左右請塗之，公曰：「釋之，以爲寡人戒。」

〔三〕

或曰：平公失君道，師曠失臣禮。夫非其行而誅其身者，君之於臣也。非其行而陳其言，善諫不聽，則遠其身者，臣之於君也。〔四〕今師曠非平公之行，不陳人臣之諫，而行人主之誅，舉琴而親其體，是逆上下之位，而失人臣之禮也。夫爲人臣者，君有過則諫，諫不聽則輕爵祿以待之，此人臣之禮義也。今師曠非平公之過，舉琴而親其體，雖嚴父不加於子，而師曠行之於君，此大逆之術也。〔五〕臣行大逆，平公喜而聽之，是失君道也。故平公之迹，不可明也。使人主過於聽而不悟其失，師曠之行，亦不可明也。〔六〕使姦臣襲極諫而飾弑君之道，不可謂兩明，此謂兩過。故曰：平公失君道，師曠亦失臣禮矣。〔七〕

校釋 〔一〕飲字，迂評本不重，茲從乾道本。趙本、凌本、喟然歎聲。莫樂謂其樂無可比者。論語云：「予無

樂於爲君，唯其言而莫予違也。」援琴猶言用琴也。衽，翼霏云：「左傳注：裳際。」

〔一〕太師翼毳云：「樂官長。」誰撞倒文，猶言撞誰也。啞宋本注云：「歎息之聲。」釋詞云：「啞與惡同，不然之詞也。」

〔二〕塗字，各舊本作除。拾補云：「除當作涂。淮南齊俗訓作欲塗。」傳校云：「拾補謂除當作涂是。說文段注：古道塗，塗暨皆作涂，是則涂者涂之借字也。」按塗，謂塗壞壁也，作塗是，茲據淮南改。釋之猶言置之，謂不塗壞壁也。

〔四〕君字上者字，各舊本無。讀記云：「依下句例，當有者字，」茲據補。善諫謂委曲諫說也。

〔五〕親翼毳云：「近也。」輕爵祿。讀云：「謂辭爵祿以待君之悟也。」待字，集解云：「當作去。」讀記云：「當爲持字之誤，持謂執持。」術字，翼毳云：「或曰當作行。」

〔六〕兩明也之明字，趙本凌本作行，迂評本上作行，下作明，茲從乾道本。拾補云：「藏本、張本作明，下同，馮云行宜作明。」過於聽，謂不聽也。

〔七〕極諫，謂諫說至極也，如兵諫之類，與善諫相反。此謂乾道本、藏本作此爲，茲從迂評本。趙本、凌本。集解云：「爲謂同字。」

齊桓公時，有處士曰小臣稷，桓公三往而弗得見。〔一〕桓公曰：「吾聞布衣之士，不輕爵祿，無以易萬乘之主，萬乘之主，不好仁義，亦無以下布衣之士。」於是五往，乃得見之。〔二〕

或曰：桓公不知仁義。夫仁義者，憂天下之害，趨一國之患，不避卑辱，謂之仁義。故伊尹以中國爲亂，道爲宰干湯，百里奚以秦爲亂，道爲虜于穆公。皆憂天下之害，趨一國之患，不辭卑辱，故謂之仁義。〔一〕今桓公以萬乘之勢，下匹夫之士，將欲憂齊國，而小臣不得見，是小臣之忘民也，忘民不可謂仁義。〔二〕仁義者，不失人臣之禮，不敗君臣之位者也。是故四封之內，執禽而朝，名曰臣。臣吏分職受事，名曰萌。今小臣在民萌之衆，而逆君上之欲，故不可謂仁義。〔三〕仁義不在焉，桓公又從而禮之，使小臣有智能而遁桓公，是隱也；宜刑。若無智能，而虛驕矜桓公，是誣也；宜戮。〔四〕小臣之行，非刑則戮。桓公不能領臣主之理，而禮刑戮之人，是桓公以輕上海君之俗教齊國也，非所以爲治也。故曰：桓公不知仁義。

校釋

〔一〕小臣稷翼毳云：「小臣，姓，稷名。周禮有小臣官，世是官，後爲姓，如司馬、司寇是也。」

〔二〕布衣翼毳云：「鹽鐵論：古者庶人耄老而後衣絲，其餘則麻枲而已，故命曰布衣。」按布衣，謂庶人不在官者。易纂聞云：「亦輕也。」山曰：韓詩外傳作輕。下謂禮之也。

〔三〕兩干字，各舊本誤作于。集解云：「乾道本虜上無爲字。顧廣圻曰：以中國爲亂句絕，下句同。兩干字當作干。藏本今本虜上有爲字。先慎按：有爲字是，今據補。道由也，道爲虜于穆公，由爲虜于穆公。難二篇，伊尹自爲宰干湯，百里奚自爲虜于穆公，自亦由也，是其證。于，卽干之誤。」按作干是，茲據改。廣纂聞云：「奴

隸也。』[△]宰[△]新釋云：『庖人也。』

〔四〕欲字、迂評本作與、趙本、凌本作與欲、茲從乾道本。識誤云：『藏本欲作與、今本欲與兩有、皆誤。』得見各舊本作行見。集解云：『行當作得。』茲據改。是字、各舊本無。集解云：『小上當脫是字。』茲據補。

〔五〕四封猶言四境。執禽各舊本作執會。補箋云：『會當作禽、形近而譌。周禮春官、以禽作六摯、以等諸臣、孤執皮帛、卿執羔、大夫執雁、士執雉、庶人執鵠、工商執鷄、此執禽之義。顯學篇、吾必使執禽而朝、卽此會爲禽譌之明證。韓策、男爲臣、女爲妾、執禽而隨諸御、亦執禽連文。』按纂聞翼毳亦均謂會字當作禽、茲據改。

〔六〕宜刑二字、乾道本、迂評本無、茲從趙本、凌本。宋本注云：『德修而隱、不爲臣用、故宜刑也。』識誤云：『今本有宜刑二字、依下文當有、舊注未譌。』翼毳云：『管子法禁篇、遁上而遁民者、聖王之禁也。』

〔七〕領翼毳云：『禮樂記、領父子君臣之節、注、領、治理也。』

靡笄之役、韓獻子將斬人、卻獻子聞之、駕往救之、比至、則已斬之矣。〔一〕卻子因曰：『胡不以徇？』其僕曰：『曩不將救之乎？』卻子曰：『吾敢不分謗乎？』〔二〕

或曰：卻子之言、不可不察也、非分謗也。韓子之所斬也、若罪人、則不可救、救罪人、法之所以敗也、法敗則國亂。〔三〕若非罪人、則勸之以徇、是重不辜也、重不辜、民所以起怨者也、民怨則國危。〔四〕

郤子之言，非危則亂，不可不察也。且韓子之所斬，若罪人，郤子奚分焉？斬若非罪人，則已斬之矣，而郤子乃至，是韓子之謗已成，而郤子且後至也。^{〔五〕}夫郤子曰：『以徇』，不足以分斬人之謗，而更生徇之謗，是郤子之言，非分謗也，益謗也。^{〔六〕}昔者紂爲炮烙，崇侯惡來又曰：『斬涉者之脛也，』奚分於紂之謗？^{〔七〕}且民之望於上也甚矣，韓子弗得，且望郤子之得之也。今郤子俱弗得，則民絕望於上矣。^{〔八〕}故曰：郤子之言，非分謗也，益謗也。且郤子之往救罪也，以韓子爲非也，不道其所以爲非，而勸之以徇，是使韓子不知其過也。夫下使民望絕於上，又使韓子不知其失，吾未得郤子之所以分謗者也。^{〔九〕}

校釋 〔一〕靡笄之役，宋本注云：『晉伐齊也，靡笄，山名。』翼龜云：『見左成十二年。』^{〔比至〕}及至也。

〔二〕徇，翼龜云：『胡不者，勸辭。』史記司馬穰苴傳，以徇三軍，注：徇，行示也。

〔三〕言之之字，各舊本無，按依下文句例宜有，茲據補。則不之則字，乾道本脫，茲從迂評本。趙本、凌本。

〔四〕則勸之則字，趙本、凌本作而，茲從乾道本。迂評本、藏本勸之以徇四字，各舊本重，翼龜云：『作四字

疑衍。』纂聞據刪茲從之。集解以則字下脫不可二字，仍重勸之以徇四字，於文亦通。重不辜，宋本注云：『斬既不辜，徇又不辜，是重不辜也。』

〔五〕郤子且之子字、趙本、凌本脫，茲從乾道本、迂評本、藏本。

〔六〕是郤子之言，非分謗也。益謗也。十二字。乾道本、藏本作『是子言分謗也』。六字。迂評本、趙本、凌本子作何。識誤云：『按句有誤。』平議云：『此當作是郤子之言，非分謗也，益謗也。今脫六字，則文義不明。下文云故曰郤子之言，非分謗也，益謗也，正與此應，可以據補。』按平議說是，茲據補。

〔七〕又曰之曰字，翼彞云：『或曰：曰當作日。』斬涉者。宋本注云：『此助爲虐，更益謗也。』纂聞云：『尙書割朝涉之脛，孔傳：冬月見朝涉水者，謂其脛耐寒，斬而視之。』

〔八〕弗得宋本注云：『謂斬不辜也。』且望二字，迂評本作將，茲從乾道本、趙本、凌本。宋本注云：『望郤子正韓子之過。』

〔九〕不道猶言不言也。望絕。集解、纂聞、翼彞俱謂當依上文作絕望。

桓公解管仲之束縛而相之。管仲曰：『臣有寵矣，然而臣卑。』公曰：『使子立高國之上。』管仲曰：『臣貴矣，然而臣貧。』公曰：『使子有三歸之家。』管仲曰：『臣富矣，然而臣疏。』於是立以爲仲父。〔一〕霄略曰：『管仲以賤爲不可以治貴，故請高國之上；以貧爲不可以治富，故請三歸；以疏爲不可治親，故處仲父。管仲非貪，以便治也。』〔二〕

或曰：今使臧獲奉君令，詔卿相，莫敢不聽，非卿相卑而臧獲尊也，主令所加，莫敢不從也。今使

管仲之治，不緣桓公，是無君也；國無君不可以爲治。若負桓公之威，下桓公之令，是臧獲之所以信也。奚待高國、仲父之尊而後行哉！^{〔三〕}當世之行事，都丞之下徵令者，不辟尊貴，不就卑賤。^{〔四〕}故行之而法者，雖巷伯信乎卿相；行之而非法者，雖大吏詘乎民萌。今管仲不務尊主明法，而事增寵益爵，是非管仲貪欲富貴，必闇而不知術也。故曰管仲有失行，霄略有過譽。^{〔五〕}

校釋

〔一〕解束縛謂管仲由魯縛送於齊，而桓公釋其罪也。高國二貴族，三歸謂市租，解詳外儲說左

下。

〔二〕霄略，迂評注云：『齊大夫。』治貴各舊本作治國。識誤云：『王涓曰：國當作貴。按說苑云：賤不能臨貴，則此國作貴是。』茲據改。

〔三〕臧獲奴婢賤稱，解詳難勢篇。詔纂聞云：『告命之也。』不緣，宋本注云：『謂擅出其令，故曰不緣也。』

〔四〕行事都丞，宋本注云：『二官雖卑，奉命徵令，亦不以尊即避，卑即就也。』下徵令，蓋謂推行徵斂之令也。

〔五〕巷伯，纂聞云：『詩：鄭箋：巷伯，奄官。』信乎，讀爲伸乎。詘乎，猶言屈於也。

韓宣王問於膠留曰：『吾欲兩用公仲、公叔，其可乎？』^{〔一〕}膠留對曰：『昔魏兩用樓翟而亡西河，楚兩用昭景而亡鄢郢。今君兩用公仲、公叔，此必將爭事而外市，則國必憂矣。』^{〔二〕}

或曰：昔者齊桓公兩用管仲、鮑叔，成湯兩用伊尹、仲虺。夫兩用臣者，國之憂，則是桓公不霸，成湯不王也。潛王一用淖齒，而身死乎東廟；主父一用李兌，減食而死。〔一〕主誠有術，兩用不爲患；無術，兩用則爭事而外市，一用則專制而劫殺。〔四〕今留無術以規上，使其主去兩用一，是不有西河、鄢郢之憂，則必有身死減食之患，是穆留未有善以知言也。〔五〕

校釋 〔一〕曰字，各舊本無。纂聞云：『曰字，依說林補。』茲從之。

〔二〕樓翟，宋本注云：『樓緩、翟璜也。』識誤云：『樓翟，樓鼻翟強也，事見魏策。』集解云：『樓翟，說林上作犀首張儀。』昭景宋本注云：『楚之二姓。』外市，宋本注云：『與鄰國交私，以市己利，故曰外市也。』

〔三〕身字，乾道本、迂評本、趙本、凌本作手，茲從王本。拾補云：『手字譌。』集解云：『按盧說是，下則必有身死減食之患，身死，卽指潛王而言。明手爲身之誤。拾補作身，今從之。』減食而死，謂餓死也。纂聞云：『秦策，李兌用趙，減食主父，百日而死。』

〔四〕誠字，乾道本、藏本無，茲從迂評本、趙本、凌本。爭字，乾道本、趙本誤重，茲從迂評本、凌本。一用，各舊本無用字。識誤云：『一下，當有用字。』茲據補。

〔五〕規，纂聞云：『規箴。』未有，集解云：『有當作爲。』釋詞云：『有，猶爲也。孟子，人之有道也，言人之爲道也，爲有一聲之轉，故爲可訓爲有，有亦可訓爲爲。』

難二

釋題 本篇原爲第十五卷、第三十七篇。題解見難一篇，茲不贅。

提要 本篇主旨在藉古事之辨難，以發揮法家之說：（一）刑當無多，不當無少；（二）賞無功則民偷幸，不誅過則民不懲；（三）避禍須無爲無見；（四）五霸能成功，君臣俱有力；（五）以形名收臣，以度量準下，故使人不佚；（六）人多未必爲寵貨；（七）用衆之道，在於信賞必罰，不在於親犯矢石。

考證 本篇體例，與難一篇全同。難一篇既確出於韓子，故本篇亦出於韓子，從無疑者。本篇各節之論點，多自法家理論出發；惟第三節以鄭長者「體道無爲無見」之言，駁「仲尼以文王爲智」之說，則其論點又自道家理論出發也。意者韓子思想，本雜有道家言歟！

景公過晏子曰：『子宮小近市，請移子家豫章之圃。』^{（一）}晏子再拜而辭曰：『且嬰家貧，待市食而朝暮趨之，不可以遠。』^{（二）}景公笑曰：『子家習市，識貴賤乎？』是時景公繁於刑，晏子對曰：『踴貴而屢賤。』景公曰：『何故？』對曰：『刑多也。』景公造然變色，曰：『寡人其暴乎！』於是^{（三）}刑五。

或曰：晏子之貴踴，非其誠也，欲便辭以止多刑也，此不察治之患也。^{（四）}夫刑當無多，不當無

少，無以不當聞，而以太多說，無術之患也。〔五〕敗軍之誅，以千百數，猶北且不止。卽治亂之刑，如恐不勝，而姦尙不盡。〔六〕今晏子不察其當否，而以太多爲說，不亦妄乎！夫惜草茅者，耗禾穗；惠盜賊者，傷良民。今緩刑罰，行寬惠，是利姦邪而害善人也，此非所以爲治也。〔七〕

校釋 〔一〕豫章圖名。識誤云：『與左傳不合。』

〔二〕且字。集解云：『且當作臣。』釋詞云：『且，發語詞也。』纂聞云：『山曰：左傳有君之先臣容焉，臣不足以嗣之，於臣侈焉等語，故曰且以承上文，晏子同，此失刪耳。』集釋云：『且猶夫也，提示之詞也。釋詞謂且爲發語詞，失之。』

〔三〕踊。集解云：『卽踊之俗字。』按踊爲殉葬之物，踊貴，謂死者之多也。死者既多，則需屨者少，故又曰屨賤。造然。集解云：『造，讀爲蹴。』翼義云：『忠孝篇，其容造焉，字彙補引之，造音戚。周禮注，驂，讀爲造次之造，音注，驂音戚。是古造、戚音同。晏子春秋作愀，大戴禮，靈公造然失容，注，驚慘貌，家語作愕然，新書作戚，新序作蹴。』

〔四〕貴字上，疑脫言字。誠眞也。非其誠，謂非眞言踊貴也。便辭猶言藉辭、託辭也。

〔五〕當，讀去聲。宋本注云：『亂國重典，豈惡多刑，在當與不當耳，不在多少。苟不當，雖少，猶以爲多也。』無以猶言不以也。

〔六〕北且二字、乾道本作且、迂評本、藏本作北、茲從趙本、凌本、北、敗北也。〔補〕云：『北、背、敗三字，同屬邦母，爲同聲通用字。』不勝謂恐刑不勝亂也。

〔七〕惜愛惜也。纂聞云：『管子、草茅不去，則害禾穀；盜賊不誅，則傷良民。』

齊桓公飲酒醉，遺其冠，恥之，三日不朝。管仲曰：『此非有國之恥也，公胡不雪之以政？』公曰：『善。』因發倉困賜貧窮，論囹圄出薄罪，處三日而民歌之，曰：『公乎！公乎！胡不復遺其冠乎！』

或曰：管仲雪桓公之恥於小人，而生桓公之恥於君子矣。〔一〕使桓公發倉困而賜貧窮，論囹圄而出薄罪，非義也，不可以雪恥使之而義也。桓公宿義，須遺冠而後行之，則是桓公非行義，爲遺冠也。是雖雪遺冠之恥於小人，而亦生宿義之恥於君子矣。〔四〕且夫發困倉而賜貧窮者，是賞無功也；論囹圄而出薄罪者，是不誅過也。夫賞無功，則民偷幸而望於上；不誅過，則民不懲而易爲非。此亂之本也，安可以雪恥哉！〔五〕

校釋 〔一〕遺冠失冠也。

〔二〕胡不二字、迂評本作何故其不，乾道本、趙本、凌本作胡其不，茲依集解校刪。集解云：『其字、據御覽、事類賦引刪，意林亦無其字。』善字上、乾道本衍胡其二字，茲從迂評本、趙本、凌本、倉困、迂評本作困倉，茲

從乾道本趙本、凌本、困、康之圖者。罔圖獄也。其冠集解云：『各本無其字及公乎公三字，據藝文類聚、御覽引補，意林冠上亦有其字。』

〔三〕小人集解云：『小人以遺冠爲恥，君子以遺義爲恥。』

〔四〕以雪恥而使之義，傅校云：『以、因也。』宿義纂聞云：『見義不爲無勇也，遺冠而後行之，是宿留其義也。』繆稱訓、文王聞善如不及，宿不善如不祥。字曰宿，如宿諾之宿。『非行義之非字，各舊本在爲字下。讀記云：『非字當在行義上。本云：則是桓公非行義，爲遺冠也。』下云：生遺義之恥於君子，即承此言。盧校云：非字衍。顧校云：行義當作遺義，皆失之。』按讀記說是，茲據乙生、宿義三字，乾道本作遺義，迂評本、趙本、凌本作遺宿義。識誤云：『藏本同，今本遺下有宿字，誤，亦下當有生字。』按宿字不誤，宿義連文，上文可證。亦下當有生字是，生宿義與雪遺冠相對爲文，又承上文而言，茲據識誤改遺爲生。

〔五〕儉幸，宋本注云：『遺冠得賜，常望遺冠。』

昔者文王侵孟、克、莒，舉豐，三舉事而紂惡之。〔一〕文王乃懼，請入洛西之地，赤壤之國，方千里，以解炮烙之刑，天下皆說。仲尼聞之曰：『仁哉文王！輕千里之國，而請解炮烙之刑。智哉文王！出千里之地，而得天下之心。』〔二〕

或曰：仲尼以文王爲智也，不亦過乎？夫智者知禍難之地而辟之者也，是以身不及於患也。〔

三使文王所以見惡於紂者，以其不得人心耶？則雖索人心以解惡可也。紂以其大得人心而惡之已，又輕地以收人心，是重見疑也，固其所以桎梏囚於羑里也。〔四〕鄭長者有言：『體道無爲，無見也。』此最宜於文王矣，不使人疑之也。仲尼以文王爲智，未及此論也。〔五〕

校釋 〔一〕孟豐集解云：『各本孟作孟，豐作鄧。王引之云：孟爲孟字之誤也。竹書紀年，帝辛三十四年，

周師取耆及邶。書大傳，文王受命，二年伐邶。史記周本紀，文王敗耆國，明年伐邶。作孟者，借字耳。顧廣圻云：克，今本作堯，誤。鄧，他書又作豐。先慎案：孟爲孟之誤，堯爲克之誤。御覽八十四引正作侵孟，克萬舉豐，今據改。』按集解說是，茲從之。

〔二〕赤壤國字解云：『猶言美土也。』以解集解云：『各本以下有請字。按此承上請入洛西之地而言，不當有請字。淺人以下文請解炮烙之刑，遂於此誤加請字。今據藝文類聚引刪。』纂聞云：『兩用請字，左傳隱八年，宋以幣請於衛，請先相見；昭元年，犯請於二子，請使女擇焉，字法同。』說與悅同。

〔三〕辟與避同。

〔四〕解惡謂釋紂惡文王之心也。已字，各舊本屬下讀。按已宜屬上讀。釋詞云：『已，語終辭也。』書洛誥曰：公定予往已。已爲語終之詞，則與矣同義。連言之，則曰已矣。論語曰：始可與言詩已矣，是也。重讀平聲。固釋詞云：『猶乃也。』桎梏刑具，在足曰桎，在手曰梏。羑里，翼壽云：『史記注，河內湯陰有羑里城。』

〔五〕體道謂體會道之實也。道之實，在於無爲無見。鄭長者，言又見外儲說右下。

晉平公問叔向曰：『昔者齊桓公九合諸侯，一匡天下，不識臣之力也？』〔一〕叔向對曰：『管仲善制割，賓胥無善削縫，隰朋善純緣衣成，君舉而服之，亦臣之力也？君何力之有！』〔二〕師曠伏琴而笑之。公曰：『太師奚笑也？』〔三〕師曠對曰：『臣笑叔向之對君也。凡爲人臣者，猶炮宰和五味而進之君，君弗食，孰敢強之也？臣請譬之，君者壤地也，臣者草木也，必壤地美，然後草木碩大，亦君之力也，臣何力之有！』〔四〕

或曰：叔向、師曠之對，皆偏辭也。夫一匡天下，九合諸侯，美之大者也，非專君之力也，又非專臣之力也。〔五〕昔者宮之奇在虞，僖負羈在曹，二臣之智，言中事，發中功，虞曹俱亡者，何也？此有其臣而無其君者也。且蹇叔處虞而虞亡，處秦而秦霸，非蹇叔愚於虞而智於秦也，此有君與無君也。〔六〕向曰：『臣之力也，』不然矣。昔者桓公宮中二市，婦閭二百，被髮而御婦人，得管仲，爲五伯長，失管仲，得豎刁，而身死蟲流出尸不葬，以爲非臣之力也，且不以管仲爲霸，以爲君之力也，且不以豎刁爲亂。〔七〕昔者晉文公慕於齊女而忘歸，咎犯極諫，故使得反晉國。〔八〕故桓公以管仲合，文公以舅犯霸，而師曠曰：『君之力也，』又不然矣。凡五霸所以能成功名於天下者，必君臣俱有力焉，故曰叔向、師曠之對，皆偏辭也。〔九〕

校釋 「一」君^{△△△}之力也四字、乾道本、迂評本、趙本、凌本俱無、茲從集解校補。拾補云：「孫詒穀云：文選四

子講德論注引作臣之力邪、君之力邪。此脫四字。」職誤云：「職下當有君之力也四字也、讀爲邪、新序四作乎。」集解云：「張榜本有君之力也四字、今據補。御覽六百二十一引作君之力臣之力。」

「二」制^{△△△}割^{△△△}新釋云：「制、裁也、詩東山、制彼衣裳、割、裂也。」削^{△△△}縫^{△△△}宋本注云：「言損益若女工剪削彌縫。」

補箋云：「削、亦縫也。荀子臣道篇、有補削而無搖拂、呂覽行論篇、莊子方削袂、燕策、身自削甲札、諸削字皆縫、舊注失之。」純^{△△△}緣^{△△△}宋本注云：「言增飾若女工之純緣也。」

「三」伏^{△△△}琴^{△△△}謂偃琴也。

「四」炮^{△△△}宰^{△△△}謂膳人也。力也之也^{△△△}字、乾道本、趙本、凌本無、茲從迂評本、張本。按治要引本節文有異。

「五」偏^{△△△}辭^{△△△}謂一偏之辭也。專^{△△△}翼^{△△△}云：「猶獨也、晉語、是則文王非專教誨之力也。」

「六」處^{△△△}虞^{△△△}虞亡^{△△△}愚於虞之三虞^{△△△}字、乾道本、趙本作干、凌本作于、茲從迂評本。平議云：「干、卽虞也。莊子刻意篇、夫有干越之劍、釋文引司馬云：干、吳也。荀子勸學篇、干越夷貉之子、楊倞注：干、越、猶言吳越。淮南子原道篇、干越生葛絺、高誘注亦云：干、吳也。是吳有干名、而虞與吳古同聲而通用。桓十年、左傳正義云：譜云：虞姬姓也。武王克商、封虞仲之庶孫、以爲虞仲之後、虞中國爲西吳、後世謂之虞公。然則虞之始封、本爲西吳、蓋以別於荆蠻之吳。因春秋經傳皆作虞、而西吳之名廢矣。漢書地理志、河東郡大陽、吳山在西、上有吳城、

周武王封太伯後於此，是爲虞公。夫虞之故城，得稱吳城，是虞卽吳也。吳得稱干，則虞亦得干也。蹇叔處干，卽處虞也。』翼云：『山氏曰：蹇叔疑百里奚誤呂覽，百里奚處乎虞而虞亡，處乎秦而秦霸，運命論百里奚在虞而虞亡，在秦而秦霸。按史記淮陰侯傳，信曰：百里奚居虞而虞亡，居秦而秦霸，非愚於虞而智於秦也，用與不用，聽與不聽也。』與無君三字，乾道本、趙本、凌本作與無臣，迂評本作而無臣。識誤云：『臣當作君。』翼云：『或曰：臣當作君，言虞亡秦霸，秦有其君而虞無其君也。』按與作而誤，臣作君是，茲據改。』

〔七〕婦閭，謂宮女之居室也。纂聞云：『東周策，齊桓公宮中七市，女閭，七百，國人非之。注，閭，里中門也，爲門市於官中，使女子居之。』被髮，謂不束髮，不戴冠也。五伯，卽五霸，謂齊桓、晉文、秦穆、宋襄、楚莊也。五伯以齊桓爲最先，故曰長伯。字集解誤作百，茲仍從各舊本。尺集解云：『當作戶。』且將也。爲霸爲亂，集釋云：『爲猶而也。』

〔八〕忘乾道本、趙本、凌本作亡，茲從迂評本。張本。識誤云：『藏本作忘是也。』新釋云：『左傳、重耳及齊桓公妻之，有馬二十乘，公子安之，卽此事也。』極諫，謂盡言直諫也。得反二字，乾道本、趙本、凌本作得，茲從迂評本。

〔九〕合謂會盟諸侯也。以舅之以字，乾道本脫，茲從迂評本。趙本、凌本。

齊桓公之時，晉客至，有司請禮，桓公曰：『告仲父』者三。而優笑曰：『易哉爲君！』曰仲父，二

曰仲父。』〔一〕桓公曰：『吾聞君人者勞於索人，佚於使人。吾得仲父已難矣，已得仲父之後，何爲不易乎哉？』〔二〕

或曰：桓公之所應優，非君人者之言也。桓公以君人爲勞於索人，何索人爲勞哉？伊尹自以爲宰于湯，百里奚自以爲虜于穆公。〔三〕虜，所辱也；宰，所羞也；蒙羞辱而接君上，賢者之憂世急也。然則君人者，無逆賢而已，索賢不爲人主難。〔四〕且官職所以任賢也，爵祿所以賞功也。設官職，陳爵祿，而士自至，君人者奚其勞哉！使人又非所佚也。人主雖使人，必以度量準之，以形名參之。以事遇法，則行不遇於法，則止；功當其言，則賞，不當則誅。以形名收臣，以度量準下，此不可釋也。君人者，不佚哉！〔七〕索人不勞，使人不佚，而桓公曰：『勞於索人，佚於使人』者，不然。且桓公得管仲又不難，管仲不死其君而歸桓公，鮑叔輕官讓能而任之，桓公得管仲又不難，明矣。〔六〕已得管仲之後，奚遽易哉！〔七〕管仲非周公旦，周公旦假爲天子七年，成王壯，授之以政，非爲天下計也，爲其職也。夫不奪子而行天下者，必不背死君而事其讎；背死君而事其讎者，必不難奪子而行天下；不難奪子而行天下者，必不難奪其君國矣。〔八〕管仲，公子糾之臣也，謀殺桓公而不能，其君死而臣桓公，管仲之取舍，非周公旦亦以明矣。然其賢與不賢，未可知也。〔九〕若使管仲大賢也，且爲湯武，湯武桀紂之臣也，桀紂作亂，湯武奪之。今桓公以易居其上，是以桀紂之行，居湯武之上，桓公危矣。〔一〇〕

若使管仲不肖人也，且爲田常。田常，簡公之臣也，而弑其君。今桓公以易居其上，是以簡公之易居田常之上也。桓公又危矣。管仲非周公且以明矣，然爲湯武與田常，未可知也。爲湯武，有桀紂之危；爲田常，有簡公之亂也。〔一〕已得仲父之後，桓公奚遽易哉！若使桓公之任管仲，必知不欺己也，是知不欺己之臣也。然雖知不欺己之臣，今桓公以任管仲之專，借豎刁、易牙、蟲流、出尸而不葬。桓公不知欺主與不欺主已明矣，而任臣如彼其專也，故曰桓公闇主。〔二〕

校釋 〔一〕禮待客之禮。三宋本注云：『有司三請，皆曰告仲父。』優宋本注云：『俳優，樂者名。』

〔二〕已得乾道本、趙本、凌本無已字，茲從迂評本。

〔三〕應優答優人之言也。以爲平議云：『兩以字，皆衍文。自由也，言由爲宰以干湯，由爲虜以干穆公也。』難一篇，故伊尹以中國爲亂，道爲宰干湯，百里奚以秦爲亂，道爲虜干穆公，道亦由也，與此一律。『集解云：』凡連言以爲者，皆是複語，以亦爲也。』

〔四〕逆賢，乾道本作道賢，茲從迂評本。趙本、凌本、纂聞云：『逆，迎也，或云逆，謂拒之。』翻補云：『道字疑當作道。』按逆，謂逆拒也。

〔五〕所佚猶言可佚也。所訓爲可，解詳釋詞。必以乾道本作必，茲從迂評本。趙本、凌本、藏本、準，謂衡量也。形名各舊本作刑名。下同，按刑爲形之借字，恐滋誤解，茲俱改之。以形名參之，謂綜核名實也。以事集解云：

『以字當衍』集釋云：『以、猶若也。』遇纂聞云：『猶合也。』

〔六〕且桓公得之得字，乾道本脫，茲從迂評本。趙本、凌本、職誤云：『今本有得字，依下文當有。』

〔七〕奚遽纂聞云：『又見五靈篇。遽、渠、詎、巨、距，蓋古字通，義皆訓豈。奚遽、何渠、豈渠、庸遽，皆重語，猶言何其也。』按纂聞之說，蓋本於釋詞，參閱釋詞遽字條。

〔八〕假爲天子謂攝政也。授之以政，謂歸政也。不奪迂評本。趙本、凌本作不難奪，茲從乾道本。職誤云：『藏本同，今本不下有難字誤。』子纂聞云：『山曰：子指成王。洛誥：周公曰：朕復子明辟。』行猶言治也。讀記云：『行當爲得字之誤，下同。』君國猶言君之國也。

〔九〕亦以明矣，然其賢與不賢十字，各舊本無。集解云：『張榜曰：當云：非周公旦亦以明矣，然其賢與不賢，未可知也。』盧文弨曰：未字衍。先慎按：張說是，未上當有脫文。茲據張說補。

〔一〇〕且將也。湯武二字，乾道本不重，茲從迂評本。趙本、凌本、職誤云：『今本重，按依下文當重。』

〔一一〕以明趙本、凌本作亦以明，茲從乾道本。迂評本、職誤云：『藏本同，今本有亦字誤。』集解云：『以當作已。』按以與已通，不必改字。集釋云：『以、猶亦也，以亦一聲之轉，故以亦二字可互訓。』

〔一二〕奚遽趙本、凌本誤作奚處，茲從乾道本。迂評本、職誤云：『藏本同，今本有亦字誤。』集解云：『當爲唯之誤，惟唯古通用，此承上啓下之詞。』按雖字不誤，雖與下今字相呼應，雖謂其雖然如此也，今謂其乃今不然也，集解又疑今字無

義失之。集釋以雖字爲誰之借字，未可從。借字，迂評本、凌本誤作惜，茲從乾道本、趙本。借，謂假借也。不葬，乾道本誤作『作葬』。茲從迂評本。趙本、凌本按不葬，猶言未葬也。已明集釋云：『以猶亦也，字或作已。』

李克治中山，苦陘令上計而入多。李克曰：『言語辯，聽之說，不度於義，謂之寃言。無山林澤谷之利而入多者，謂之寃貨。君子不聽寃言，不受寃貨，子姑免矣。』

或曰：李子設辭曰：『夫言語辯，聽之說，不度於義者，謂之寃言。』辯，在言者說，在聽者言。非聽者也，則辯非說者也。『三』所謂不度於義，非謂聽者必謂所聽也。『四』聽者，非小人，則君子也。小人無義，必不能度之義也；君子度之義，必不肯說也。夫曰『言語辯，聽之說，不度於義』者，必不誠之言也。『五』入多之爲寃貨也，未可遠行也。李子之姦弗蚤禁，使至於計，是遂過也。無術以知而入多，雖倍入，將奈何！『六』入多者，穰也。舉事慎陰陽之和，種樹節四時之適，無早晚之失，寒溫之災，則入多。不以小功妨大務，不以私欲害人事，丈夫盡於耕農，婦人力於織紝，則入多。務於畜養之理，察於土地之宜，六畜遂，五穀殖，則入多。『七』明於權計，審於地形，舟車器械之利，用力少，致功大，則入多。利商市關梁之行，能以所有致所無，客商歸之，外貨留之，儉於財用，節於飲食，宮室器械，周於資用，不事玩好，則入多。『八』入多，皆人爲也。若天事風雨時，寒溫適，土地不加大，而有豐年之功，則入多。人事、天功、二物者皆入多，非山林澤谷之利也。夫無山林澤谷之利入多，因謂之寃貨者，無術之言。

也。
〔九〕

校釋 〔一〕[△]李克各舊本作李兌，下同。纂聞云：『克、元作兌，寫者誤。外儲說左下、翟璜曰：臣薦李克而中山治是也。免弑主父，與此別。』扎遼云：『蒲阪園據文選劉逵注引李克書校改此文，郅瑯御覽一百六十一引史記，亦以此爲李克書，今史記無此文。又案此難諸篇，比雜舉古書之文而難之。李克書，卽漢書藝文志儒家李克七篇之佚文，劉逵所引未全，可以此補之。』按作克是，茲據改。苦陘[△]令[△]苦陘[△]縣名，令縣令也。上計[△]翼[△]云：『周禮小宰職，歲終則令羣吏致事，注：使齋歲盡文書來至，若今上計；疏：漢之朝集使，謂之上計吏，謂上一年計會文書及功狀也。』解詁云：『師古云：上計者，奉上戶口錢穀之數也。』入[△]多[△]謂收入多也。〔二〕言語二字，一作語言，義同，茲改爲一律。辯字，乾道本、凌本作辨，茲從迂評本、趙本文選注引亦作辯。辯、辨二字原義有別，後人混用，遂致不分耳。各舊本以『言語辯聽之說』六字連讀，誤。識誤云：『言語辯句絕，說讀爲悅，』是。纂聞扎遼以此六字連讀，致聽字不可解，乃據文選注引改聽爲聰，未可從。集解云：『聽字不誤，選注作聰，形近而誤，玩下自知。』宛言[△]扎遼云：『文選魏都賦注引李克書曰：言語辯聰之說而不度於義者，謂之膠言。按廣雅釋詁云：膠，欺也，方言云：膠，詐也，此李克書膠字之義。宛言、膠言，義兩通，當各從本書。』昭二十一年左傳云：小者不宛，杜注：宛，細不滿。蓋宛本爲空虛不充滿之言，引申之，凡虛假不實者，通謂之宛。宛言者，虛言不可信以爲實。下文宛貨者，虛貨不可恃以爲富也。舊注釋爲苟且，蓋讀爲佻儻。

字，於義不切。』子字、乾道本作之，茲從迂評本、趙本、凌本，免謂免官也。

〔三〕則辯非說者也。六字、乾道本無，茲從迂評本、趙本、凌本。藏誤云：『藏本今本也，下有此六字，按此不當有。』今按無此六字，則於文意不完。辯在言者，設在聽者，謂辯與不辯，在言者之言如何，悅與不悅，在聽者之聽如何也。言非聽者也，則辯非說者也。二句，乃申說上二句，謂言者既非聽者，則辯者亦非悅者矣。蓋以言者無所謂悅，聽者無所謂辯也。

〔四〕所聽謂所聽之言也。

〔五〕度之義猶言授之於義也。不誠猶言不然也，僞也。

〔六〕遠行猶言久行也。之姦之之字，應作於字解。釋詞云：『之，猶於也。諸之一聲之轉，諸訓爲於，故之亦訓爲於。』遂過迂評本作遂禍，茲從乾道本。知謂知姦，知過也。雖倍入將奈何六字，各舊本在『入多者穰也』句下。按倍入，猶言悖入也。雖倍入將奈何六字，正承『無術以知而入多』而言。若問以入多者穰也五字，則上下文意不甚相屬矣。但『入多者穰也』五字，移於『奈何』下，則上下文俱通，故今乙之。傳校云：『倍入解爲悖入，甚是。倍，背也。說文言部諄字下云：亂也，從言，孛聲，或從心。按悖可訓亂，並可訓背，倍悖背三字同聲相轉也。』

〔七〕穰宋本注云：『豐多也。』慎纂聞云：『順通。』私字上，乾道本衍和字，茲從迂評本、趙本、凌本、藏本。

集解云：『私和二字形近而誤衍。』

〔八〕[△]機械翼義云：『械器之總名，機械如桔槔翻車之類。』[△]關梁謂關塞與橋梁無阻絕，所以便交通也。
周翼義云：『班周典引，不屬於用，注周備也。』

〔九〕[△]人爲猶言人事，與天功相對而言。纂聞云：『以上所說入多之事，皆出於人爲。』[△]言字，乾道本誤作害，茲從迂評本，趙本凌本。

趙簡子圍衛之郛郭，犀楯犀櫓，立於矢石之所不及，鼓之而士不起。〔一〕簡子投枹曰：『烏乎，吾之士數弊也！』〔二〕行人燭過免胄而對曰：『臣聞之，亦有君之不能耳，士無弊者。』〔三〕昔者吾先君獻公并國十七，服國三十八，戰十有二勝，是民之用也。獻公沒，惠公即位，淫衍暴亂，身好玉女，秦人來侵，去絳十七里，亦是人之用也。〔四〕惠公沒，文公受之，圍衛取鄆，城濮之戰，五敗荆人，取尊名於天下，亦此人之用也，亦有君不能耳，士無弊也。簡子乃去楯櫓，立矢石之所及，鼓之而士乘之，戰大勝。簡子曰：『與吾得革車千乘，不如聞行人燭過之一言也。』〔五〕

或曰：行人未有以說也，乃道惠公以此人是敗，文公以此人是霸，未見所以用人也；簡子未可以速去楯櫓也。〔六〕嚴親在圍，輕犯矢石，孝子之所愛親也；孝子愛親，百數之一也。〔七〕今以爲身處危而人尙可戰，是以百族之子於上，皆若孝子之愛親也，是行人之誣也。〔八〕好利惡害，夫人之

濟得也。賞厚而信，人輕敵矣；刑重而必，人不北矣。〔九〕長行徇上，數百不一人喜利畏罪，人莫不然。將衆者不出乎莫不然之數，而道乎百無一人之行，行人未知用衆之道也。〔一〇〕

校釋 〔一〕郭郭城外大郭，隋書郭郭不修，是此二字連文之證。集解以郭宜依呂覽貴直篇改爲附，未

可從。〔二〕郭郭皆古戰時防身之具，以犀皮爲之，故曰犀楯犀楯。犀皮甚堅，故集解云：『犀堅也。』矢石皆古戰時攻敵之具。翼雩云：『文選閑居賦：『礮石雷駭，激矢竄飛。』注：『礮石，今之拋石也。』范蠡兵法：『飛石重二斤，爲機發，行三百步。』後漢堅鐔傳注：『石謂發石以投人也。』墨子：『備城者積石百枚，重十鈞已上者。』不字，各舊本無。拾補云：『所下脫不字。』集解據增，茲從之。彭謂擊鼓令士卒前進也。

〔二〕枹音孚，擊鼓杖也。烏乎與鳴乎同。數弊，呂覽作邀弊。按數音朔，數弊猶言甚疲也。

〔三〕免胄軍禮，謂免去其胄，猶今言脫帽。不能，宋本注云：『但君不能用之耳。』士字，乾道本脫，茲從迂評本。趙本、凌本。

〔四〕是民之用，猶言用此民也。淫衍猶言淫亂也。翼雩云：『詩及爾游衍，傳衍溢也。』玉女纂聞云：『呂子注：美女也。』來字，乾道本、趙本、凌本作恣，茲從迂評本。絳纂聞云：『晉都。』按去絳十七里，謂秦兵迫近晉都也。

〔五〕受字，乾道本、趙本、凌本、迂評本作授。識誤云：『授當作受。』集解云：『按張榜本作受，今據改。』茲

從之。尊名翼龜云：『霸諸侯之名也。』有字下、乾道本衍士字，茲從迂評本、趙本、凌本。弊也。上文作弊者。集釋云：『也猶者也，也與者爲互文。』與與其同，猶言如也，解詳釋詞。革車，謂兵車也。

〔六〕道言也是敗是霸。集釋云：『是猶而也。』未見猶言未知也。楯櫓，集解云：『乾道本楯作脅。顧廣圻云：藏本、今本脅作楯。先慎案上文云簡子乃去楯櫓，此卽承上而云作楯字是，茲據改。』

〔七〕嚴親，纂聞云：『易曰：家有嚴君，父母之謂也。故曰嚴親。謂父親見圍，爲孝子者奮救不顧死也。』所愛，識誤云：『王渭曰：所下當有以字。』百一，宋本注云：『犯難救親，百人無一人，言孝稀也。』

〔八〕是以迂評本作是欲以，茲從乾道本。百族，猶言雜姓也。於上二字，趙本、凌本作愛於上，迂評本作於愛上，茲從乾道本。識誤云：『藏本同，今本有愛字誤。』

〔九〕夫人翼龜云：『左傳注猶人人也。』必字下，乾道本衍失字，茲從迂評本、趙本、凌本。北字，乾道本誤作比，茲從迂評本、趙本、凌本。按北，謂敗北也。

〔二〇〕長行翼龜云：『猶高行也。管子：孝者，人之高行也。謂孝考百善之長也，以此高行徇君上之事也。』不一人，謂甚少也。人字，乾道本、藏本誤作失，茲從迂評本、趙本、凌本。將讀去聲，將衆，謂帥衆也。出翼龜云：『猶由也。』莫不然之數，謂信賞必罰也。道乎，猶由於也。一人，乾道本、趙本、凌本誤作失人，茲從迂評本。拾補云：『失字譌。』用字，乾道本脫，茲從迂評本、藏本、趙本、凌本。

難三

釋題 本篇原爲第十六卷、第三十八篇。題解見難一篇。

提要 本篇主旨在批評古事古言，以闡明法家之說：（一）隱惡須罰，告姦當賞；（二）不可以聽臣之飾言而多假之資；（三）不使臣侵君，妾擬后，庶危適，臣偶君；（四）惠民、選賢、與節財，不如知下明；（五）盡聰明、勞智慮，不如因物以治物，因人以知人；（六）治國須任勢自持；（七）不可以飾行定賞罰；（八）法莫如顯，術不欲見。迂評云：『禁姦在法，察姦在術，凡八章，皆借前事以明人主不可無法術也。』

考證 本篇體例與前二篇同，理論亦不出於法家，出於韓非，殆無可疑。惟本篇有引證老子之言者，如以『太上、下知有之』批評孔子懷惠之說；又如以『以智治國，國之賊也』批評子產察姦之術，由此可證法家取資道家言以充實其理論也。

魯穆公問於子思曰：『吾聞龐桐氏之子不孝，其行奚如？』（一）子思對曰：『君子尊賢以崇德，舉善以勸民，若夫過行，是細人之所譏也，臣不知也。』（二）子思出，子服厲伯入見，問龐桐氏子。子服厲伯對曰：『其過三，皆君之所未嘗聞。』自是之後，君貴子思，而賤子服厲伯也。（三）

或曰：魯之公室，三世劫於季氏，不亦宜乎！明君求善而賞之，求姦而誅之，其得之一也。（四）故

以善聞之者，以說善同於上者也；以姦聞之者，以惡姦同於上者也。此宜賞譽之所及也。〔五〕不以姦聞，是異於上而下比周於姦者也。此宜毀罰之所及也。今子思不以過聞，而穆公貴之，厲伯以姦聞，而穆公賤之。人情皆喜貴而惡賤，故季氏之亂成，而不上聞，此魯君之所以劫也。〔六〕且此亡王之俗，鄒魯之民自以爲美，而穆公獨貴之，不亦倒乎？〔七〕

校釋 〔一〕子思翼義云：「孔子孫，名伋，字也。」龐桐氏識誤云：「桐氏論衡非韓篇作攔是。按氏是同字，桐當依論衡作攔。子書無桐字。史記酷吏傳云：『濟南睢氏，漢書音義云：音小兒癩病也，卽此姓。』龐當是其里也。」

〔二〕勸字，乾道本作觀，茲從迂評本。趙本、凌本識誤云：「藏本今本觀作勸，論衡作勸。按此以觀爲是，觀示也。」今按孔叢子亦作勸，勸民乃一成語，茲不從識誤。細人卽小人也。識也，識讀爲誌，也與者同。

〔三〕問字，乾道本脫，茲從迂評本。趙本、凌本識誤云：「藏本今本有問字。」集解云：「論衡亦有問字。」君之識誤云：「之字當依論衡作子。」按君稱穆公，若之作子，則爲泛稱君子，於文義不合矣。

〔四〕三世猶言三代。纂聞云：「昭、定、哀。」一謂求善與求姦之法相同也。

〔五〕說迂評注云：「音悅。」惡讀去聲。及字，乾道本、迂評本作力，茲從趙本、凌本。識誤云：「藏本今本作及。」集解云：「按作及是，下此宜毀罰之所及也，正作及。」斟補云：「按力者加之壞字，所加與下所及」

對文。』宋本注云：『聞善聞姦，俱當賞也。』

〔六〕上聞二字，迂評本、藏本作止，茲從乾道本、趙本、凌本。

〔七〕亡王謂亡國之王也。翼彘云：『國語：此一王四伯云云，皆亡王之後；又云：皆亡王之爲也。』鄒字，各舊本作取。翼彘云：『井子章曰：取，鄒音通是。』國字解改取爲鄒，茲從之。鄒魯爲儒家之發源地，其民多以隱惡爲美德而成俗，適與法家告姦之說相反，故韓子斥爲『亡王之俗』也。

文王出亡，獻公使寺人披攻之蒲城，披斬其袪，文公奔翟。惠公卽位，又使攻之惠賁，不得也。〔一〕及文公反國，披求見公曰：『蒲城之役，君令一宿，而汝卽至；惠賁之難，君令三宿，而汝一宿，何其速也？』〔二〕披對曰：『君令不二，除君之惡，惟恐不堪；蒲人、翟人，余何有焉？今公卽位，其無蒲翟乎？且桓公置射鉤，而相管仲，公乃見之。』〔三〕

或曰：齊晉絕嗣，不亦宜乎！桓公能用管仲之功，而忘射鉤之怨，文公能聽寺人之言，而棄斬袪之罪，桓公、文公能容二子者也。〔四〕後世之君，明不及二公；後世之臣，賢不如二子。以不忠之臣，事不明之君，君不知，則有燕操、子罕、田常之賊；知之，則以管仲、寺人自解，君必不誅，而自以爲有桓、文之德。是臣讎君而明不能燭，多假之資，自以爲賢而不戒，則雖無後嗣，不亦可乎！〔五〕且寺人之言也，直飾君令而不貳者，則是貞於君也。死君復生，臣不愧，而後爲貞。今惠公朝卒，而暮事文公，寺人

貳何如〔六〕

校釋 〔一〕出亡纂聞云：「避驪姬之難也。」寺人卽宦官也。祛翼彘云：「袂也。」翟翼彘云：「隗姓之國。」惠寶識誤云：「當依左傳作清濱。」不得纂聞云：「文公先逃，故不得殺。」

〔二〕一宿三宿猶言一日三日也。

〔三〕二字，迂評本作貳，茲從乾道本。按二、貳字同，不二，謂如令而行，不稍變易也。惟字，乾道本脫，茲從迂評本。趙本、凌本、識誤云：「職本，今本有惟字。」集解云：「左傳亦有惟字。」不堪猶言不能也。何有，宋本注云：「適時君爲蒲翟之人，無臣之分，則何有焉？」其無蒲翟乎，猶言乃非蒲翟矣。其可訓乃，無可訓非，詳釋詞，乎可訓矣，詳集釋。置射鉤，翼彘云：「漢書鄧都傳集注，置釋也，解也。管仲嘗射桓公，中帶鉤。」

〔四〕者也，迂評本作也，茲從乾道本。趙本、凌本。

〔五〕以字，乾道本在事字上，茲從迂評本。趙本、凌本。燕操宋本注云：「子之也。」纂聞云：「山曰：操，公孫操也。趙世家，惠文王二十八年，燕將成安君公孫操殺其王，索隱曰：其王，卽惠王也。」按燕操，非子之，乃公孫操也。翟君乾道本無君字，茲從迂評本。趙本、凌本。資謂資藉也。戒謂戒備也。

〔六〕直釋詞云：「特也，但也。」直飾，謂但以君令不貳爲飾詞耳。復字，迂評本無，乾道本、趙本、凌本作後。後字，乾道本作復，茲從迂評本。趙本、凌本。識誤云：「乾道本復後互誤。」茲據乙翼彘云：「晉語，死人復生。」

不悔，生人不愧，貞也。史記趙世家：死者復生，生者不愧。山氏曰：左傳使死者反生，生者不愧乎其言，則可謂信矣。」

人有設桓公隱者曰：『一難，二難，三難，何也？』桓公不能射，以告管仲。〔一〕管仲對曰：『一難也，近優而遠士，二難也，去其國而數之海，三難也，君老而晚置太子。』桓公曰：『善。』不擇日而廟禮太子。〔二〕

或曰：管仲之射隱，不得也。士之用，不在近遠。而俳優侏儒固人主之所與燕也，則近優而遠士，而以爲治，非其難者也。夫處勢而不能用其有，而徒不去國，是以一人之力禁一國；以一人之力禁一國者，少能勝之。〔三〕明能照遠姦而見隱微，必行之令，雖遠於海，內必無變。然則去國之海，而不劫殺，非其難者也。〔四〕楚成王置商臣以爲太子，又欲置公子職，商臣作亂，遂弑成王。公子宰，周太子也，公子根有寵，遂以東周反，分而爲兩國。此皆非晚置太子之患也。〔五〕夫分勢不二，庶孽卑，寵無藉，雖處老老，晚置太子可也。然則晚置太子，庶孽不亂，又非其難者也。〔六〕物之所謂難者，必借人成勢，而勿使侵害己，可謂一難也。貴妾不使二后，二難也。愛孽不使危正適，專聽一臣而不敢偶君，此則可謂三難也。〔七〕

校釋

〔一〕隱，謂隱語，猶今謎語也。設隱，即提出謎語也。射字，乾道本、趙本、凌本誤作對，茲從迂評本、藏

本傳校云：「射對也，乃同聲爲訓。漢書蕭望之傳，以射策甲第爲郎，顏注：射之言投射也，則是射策卽對策也。乾道本等蓋以訓釋之字改本有之字耳。」翼毳云：「射中之也，言解也。」

〔一〕三也字與者通。優優俳也。數之海讀云：「屢游海上也。」不擇日翼毳云：「山氏曰：不字衍。或曰：不擇日，欲其速，不及歷吉日也。」

〔三〕射隱解詁云：「占隱語也。」讀云：「猜謎也。」燕謂燕處也。弩字乾道本、趙本、凌本誤作世，茲從迂評本。拾補云：「張本作勢。」識誤云：藏本作勢，是也。其有纂聞云：「謂勢也。」

〔四〕遠於海謂遠游在海上也。

〔五〕商臣纂聞云：「見內儲下。」宰集解云：「六微篇宰作朝，說見上。」東周乾道本、趙本、凌本作東州，茲從迂評本。識誤云：「州讀爲周，見六微篇。」

〔六〕分勢不二謂分權不相擬敵也。庶孽庶子也。寵無藉謂所寵愛者不得假借權勢也。耄老乾道本誤作大臣，茲從迂評本。趙本、凌本者字各舊本無，茲依纂聞補，取與上文一律也。

〔七〕物纂聞云：「事也。」使字乾道本、趙本、凌本無，茲從迂評本。拾補云：「使字脫，張本有。」二后集解云：「猶並后也。」按二與貳同，謂不使貴妾與后相敵也。偶字乾道本、藏本誤作隅，茲從迂評本。趙本、凌本集解云：「隅、偶形近易譌。詩：抑維德之隅，劉熊碑作偶，是二字古人已有誤者。此隅當作偶。」纂聞云：「偶、

耦同，敵也。』

葉公子高問政於仲尼，仲尼曰：『政在悅近而來遠。』魯哀公問政於仲尼，仲尼曰：『政在選賢。』齊景公問政於仲尼，仲尼曰：『政在節財。』^{〔一〕}三公出，子貢問曰：『三公問夫子政一也，夫子對之不同，何也？』^{〔二〕}仲尼曰：『葉都大而國小，民有背心，故曰政在悅近而來遠。魯哀公有大臣三人，外障距諸侯四鄰之士，內比周而以愚其君，使宗廟不掃除，社稷不血食者，必是三臣也，故曰政在選賢。』^{〔三〕}齊景公築雍門，爲路寢，一朝而以三百乘之家賜者三，故曰政在節財。』^{〔四〕}

或曰：仲尼之對，亡國之言也。葉民有倍心，而說之悅近而來遠，則是教民懷惠，惠之爲政，無功者受賞，而有罪者免，此法之所以敗也。法敗而政亂，以亂政治敗民，未見其可也。^{〔五〕}且民有倍心者，君上之明有所不及也。不紹葉公之明，而使之悅近而來遠，是舍吾勢之所能禁，而使與下行惠以爭民，非能持勢者也。^{〔六〕}夫堯之賢，六王之冠也。舜一徙而成邑，而堯無天下矣。^{〔七〕}有人無術以禁下，特爲舜而不失其民，不亦無術乎？明君見小姦於微，故民無大謀；行小誅於細，故民無大亂。此謂『圖難者於其所易也，爲大者於其所細』也。^{〔八〕}今有功者必賞，賞者不德君，力之所致也；有罪者必誅，誅者不怨上，罪之所生也。民知誅賞之皆起於身也，故疾功利於業，而不受賜於君。^{〔九〕}太上，下知有之，』此言太上之下民無說也，安取懷惠之民？上君之民無利害，說以悅近來遠，亦

「舍已。」^{〔一〇〕}哀公有臣外障距，內比周，以愚其君，而說之以選賢，此非功伐之論也。選其心之所謂賢者也。使哀公知三子外障距，內比周，則三子不一日立矣。哀公不知選賢，選其心之所謂賢，故三子得任事。^{〔一一〕}燕子噲賢子之而非孫卿，故身死爲僂。夫差智太宰嚭而愚子胥，故滅於越。魯君不必知賢，而說以選賢，是使哀公有夫差燕噲之患也。^{〔一二〕}明君不自舉臣，臣相進也；不自賢功，功相間也。論之於任，試之於事，課之於功，故羣臣公正而無私，不隱賢，不進不肖，然則人主奚勞於選賢？^{〔一三〕}景公以百乘之家，賜而說以節財，是使景公無術知侈儉之施，而獨儉於上，未免於貧也。有君以千里養其口腹，則雖桀紂不侈焉。齊國方三千里，而桓公以其半自養，是侈於桀紂也。然而爲五霸冠者，知侈儉之施也。^{〔一四〕}爲君不能禁下而自禁者，謂之劫；不能飾下而自飾者，謂之亂；不能節下而自節者，謂之貧。明君使人無私，以詐而食者必禁，力盡於事，歸利於上者必聞，聞者必賞，汙穢私者必知，知者必誅。^{〔一五〕}然故忠臣盡忠於公，民士竭力於家，百官精剋於上，侈倍景公，非國之患也。然則說之以節財，非其急者也。^{〔一六〕}夫對三公，一言而三公可以無患，知下之謂也。知下明則禁於微，禁於微則姦無積，姦無積則無背心。知下明則公私分，公私分則朋黨散，朋黨散則無外障距，內比周之患。知下明則見精沐，見精沐則誅賞明，誅賞明則國不貧。故曰一對而三公無患，知下之謂也。^{〔一七〕}

校釋 〔一〕葉公纂聞云：『荀子注、葉公、楚大夫、沈尹戌之子，名諸梁，字子高。楚僭稱王，其大夫稱公，葉

音攝。』魯字各舊本無，茲依纂聞補。翼龜云：『後漢書注、鹽鐵論注、並引韓子哀上有魯字。』

〔二〕三公即葉哀、景纂聞云：『三公出三字衍文，此非一時之事也。』一謂三人所問相同也。

〔三〕三人纂聞云：『說苑無大字，家語同，注孟孫、叔孫、季孫三人。障距猶言壅塞也。其君趙本、凌本作於

君，茲從乾道本、迂評本。血食亦稱血祭，謂以牲血享祭社稷也。

〔四〕雍門纂聞云：『齊城門名。戰國時有雍門子周，蓋居此地，因以爲姓。』路寢臺名。纂聞云：『晏子春

秋、景公爲路寢之臺，令吏佻其期日而不趣。要略訓：齊景公作爲路寢之臺，一朝而以三千鍾饋。注：鍾，十斛，

饋賜也。』三百乘翼龜云：『大傳作百乘。三百乘，采地也。大夫曰家，言因一旦之歡娛，而賜大夫之采地者

三人也。』纂聞云：『三字衍，說苑無之。』按下文亦無三字，茲姑仍之。

〔五〕葉字、乾道本、趙本、凌本作恐，茲從迂評本、張本。倍字、上文作背，二字通。說字上、乾道本衍誠字，茲從

迂評本、趙本、凌本。說之下文作說以，按之猶以也，解詳集釋。而有集解作則有，茲仍從各舊本。政亂，乾道本

脫政字，茲從迂評本、藏本、趙本、凌本。

〔六〕紹明、迂評本、凌本紹作咎，茲從乾道本、趙本。扎迤云：『紹、當作詔，謂詔告之以尙明之義，紹詔形聲並

相近。』纂聞云：『紹、繼也，繼而明之，一作咎誤。管子、周聽近遠以續明，注：遠近之事周而聽之，則其明不絕

也。又七命繼明代照，注周易曰：大人以繼明。『翼彘云：』太史公自序：能紹明世，又云：太公孫、吳王子能紹而明之。』按作紹是，謂君明不及者，臣須紹而明之也。下字乾道本作不，迂評本、趙本、凌本作天下，識誤云：『藏本同，今本不作天下二字。按不字當作下，形近誤，今本添天字，誤甚。』按無天字是，茲據刪。

〔七〕六王纂聞云：『堯、舜、禹、湯、文、武六王，堯居其首。』一徙而成邑，纂聞云：『元作一徙而成邑，包一作危，傳寫誤耳。管子：舜一徙成邑，二徙成都，三徙成國，又見史記。』翼彘云：『今世說：陸麗京嘗閱韓非子，至一徙而成邑，曰：是一徙而成邑也。』按作一徙而成邑是，茲據改。

〔八〕有人或人也。爲舜纂聞改舜爲堯，茲仍從各舊本。翼彘云：『爲，猶學也，今無術以禁下，持傲舜之惠以懷其民。』難者乾道本無者字，茲從迂評本、趙本、凌本。傅校云：『國難者於其所易，爲大者於其所細二語，見老子。』

〔九〕德字乾道本作得，茲從迂評本、趙本、凌本。識誤云：『得當作德。』誅賞乾道本、趙本、凌本作誅罰，茲從迂評本。識誤云：『罰當作賞。』疾字趙本、凌本作習，茲從乾道本、迂評本。識誤云：『藏本同，今本疾作習，誤。』按疾與急通，謂在事業上急求功利也。本節所言，與外儲說左下第一節及右下第二節互相發明。

〔一〇〕下知各舊本作下智，茲依老子原文改。老子王弼注云：『大人在上，居無爲之事，行不言之教，萬物作焉而不爲始，故下知有之而已，言從上也。』民無說也，猶言民無悅者。上民字，迂評本、張本無，茲從

乾道本、趙本、凌本、舍已與舍矣同，謂不必以『說近來遠』爲說也。

〔一〕功伐猶言功績。此非功伐之論也，謂選賢之說非論功伐也。三子指孟孫、叔孫、季孫。

〔二〕子噲，迂評本無子字，趙本、凌本作王噲，茲從乾道本。職誤云：『藏本同，今本子作王，誤。』孫卿職誤云：『荀卿也，其事未詳。』日知錄云：『荀之爲孫，如孟卯之爲芒卯，司徒之爲申徒，語言之轉也。按荀卿，名況，字卿，戰國時趙人，曾游齊官楚，著有荀子，爲儒家大師，韓非、李斯乃其弟子也。智愚謂以太宰嚭爲智而任之，以子胥爲愚而去之也。』

〔三〕賢功功相四字，乾道本、藏本作賢功自，茲從迂評本、趙本、凌本。職誤云：『下臣字當作功，實上當脫選字，今本重功字誤。』纂聞云：『賢功，以有功者爲賢也。有度篇：明主使法擇人，不自舉也；使法量功，不自度也。相薦相從，卽用法也。』

〔四〕知侈儉之施五字，乾道本、作使智口之侈，迂評本、趙本、凌本作以享厚樂。職誤云：『藏本智下不空一字，今本使智口之侈作以享厚樂，誤。按句有誤，當云無術以知富之侈，作智者，同字也。』讀記云：『願校文義俱未安，疑當作無術知侈儉之施，上下文正相應。』按讀記說是，茲據改。施也，各舊本作地也。讀記云：『知侈儉之地，文義難通。地，蓋施字之誤，言侈儉各有所施也。下篇云：臣主之施分也。高誘淮南汜論注云：施，宜也，卽此施字之義。』按作施是，茲據改。

「一五」禁下而三字、迂評本無，茲從乾道本、趙本、凌本、飾纂聞云：「山讀爲飭。」翼龜云：「飾當作飭，整也。」按飾飭二字，在古書中多混用，如飭令亦作飾令是也。能節各舊本無能字，茲從纂聞補。集解云：「依上文，不下當有能字。」必禁各舊本無必字，茲依纂聞補。

「一六」然故釋詞云：「是故也。公字上，乾道本衍方字，茲從迂評本、藏本、趙本、凌本、精尅宋本注云：『精廉尅己。』」

「一七」禁於微三字、乾道本不重，茲從迂評本、趙本、凌本、識誤云：「按此當重。」無背心知下明六字、各舊本作無比周無比周。讀記云：「積姦指民言，比周指臣言，義不相屬。且既云無比周，又云無外障距內比周之患，於文複矣。疑比周本作背心。自知下明至此，對葉公言之也。無比周則公私分，本作知下明則公私分，自此至之患，對哀公言之也。下文所云，則對桓公言之。故總結之曰：一對而三公無患，知下之謂也。悉心玩索，文義自明。上文云民有背心，此云無背心，即承上言之。背字上下相距太疏，則與比周二字相似，故無背心誤作無比周。又涉上下句例而誤重之如是。兩事混而爲一，而葉公之無患，缺而不具，顧校遂以爲誤漏矣。」按讀記說是，茲據改。精沐扎遂疑當爲精悉。讀云：「謂精明如洗也。」纂聞云：「沐，謂無壅蔽也。管子沐路傍之樹枝，使無尺寸之陰。此謂其所察見精細沐盡也。」翼龜云：「太玄終，鬼社輟哭，或得其沐，注沐，潔也。」

鄭子產晨出，過東匠之閭，聞婦人之哭，撫其御之手而聽之，有間，遣吏執而問之，則手絞其夫者也。〔一〕異日，其御問曰：『夫子何以知之？』子產曰：『其聲懼。凡人於其親愛也，始病而憂，臨死而懼，已死而哀。今哭已死，不哀而懼，是以知其有姦也。』〔二〕

或曰：子產之治，不亦多事乎？姦必待耳目之所及而後知之，則鄭國之得姦者寡矣。不任典成之吏，不察參伍之政，不明度量，恃盡聰明，勞智慮，而以知姦，不亦無術乎？〔三〕且夫物衆而智寡，寡不勝衆，故因物以治物。下衆而上寡，寡不勝衆，故因人以知人。〔四〕是以形體不勞而事治，智慮不用而姦得。故宋人語曰：『一雀過羿，羿必得之，則羿誣矣。以天下爲之羅，則羿不失矣。』〔五〕夫知姦亦有大羅，不失其一而已矣。不修其羅，而以己之胷察爲之弓矢，則子產誣矣。老子曰：『以智治國，國之賊也。』其子產之謂矣。〔六〕

校釋

〔一〕東匠，乾道本、迂評本作東匠，茲從趙本、凌本、張本。識誤云：『論衡、東作東。閭作宮。』翼龜云：

『東匠，街名，蓋子產所宅，論語、東里子產。』按東東形近而誤，匠字疑爲里之譌。撫讀云：『謂使御者暫輟其馬也。』翼龜云：『曲禮、撫僕之手，鄭注、撫、小止之。』手絞，識誤云：『論衡絞作殺。』翼龜云：『手猶親也，絞、縊也。』

〔二〕其聲懼，翼龜云：『論衡作其聲不慟。』

〔三〕姦必二字，乾道本倒，茲從迂評本。趙本、凌本、集解云：『論衡非韓篇，正作姦必。』典成宋本注云：『典主也，謂因事而責成之。』翼龜云：『典成，猶典刑也。家語：刑、劓也。劓，成也。周禮大司寇：凡庶民之獄訟，以邦成弊之。注：邦成，謂若今時決事比也。疏：舊法成事品式，若今律，其有斷事，皆依舊事斷之；其無條，取比類以決之，故云決事比也。又趙策：愚者暗於成事。鹽鐵論注引鄙語曰：不知爲吏，視已成事。秦紀：丞相諸大臣皆受成事，依辦於上。』斟補云：『按成卽獄訟之成。周禮調人云：凡有鬥怒者成之；方士云：司寇聽其成於朝；質人云：掌成市之貨賄牛馬珍異；是平折爭訟謂之成。典成之吏，卽主平折獄訟之吏也，舊注非。』參伍猶言多方考察，解詳八經篇第四節。盡字，乾道本作毒，茲從迂評本。趙本、凌本、集解云：『論衡亦作盡。』

〔四〕衆各舊本於上衆字下有『智不足以徧知物』七字，於下衆字下有『者言君不足以徧知臣也』十字。平議云：『此舊注傳寫，誤入正文，而又有錯誤，遂參差而不可讀矣。』按平議說是，茲據刪。故字下，乾道本衍則字，茲從迂評本。趙本、凌本、因物纂聞云：『謂參伍比類以察事之情也。』翼龜云：『文子：夫君者不出戶以知天下者，因物以識物，因人以知人也。』治字，纂聞作知，茲仍從各舊本。

〔五〕羿字，乾道本趙本不重，茲從迂評本。凌本按莊子述此語，亦重羿字。誣宋本注云：『羿雖善射，見雀未必一一得之，故曰誣也。』荀子大略篇云：『不能而居之，誣也。』羅捕鳥之網，亦名罟。

〔六〕其羅各舊本作其理。新釋云：『理，治獄官也。』按依上文宜作羅，茲改之。智與胸同。新釋云：『膺也，

親也。

秦昭王問於左右曰：『今時韓魏孰與始強？』左右對曰：『弱於始也。』『今之如耳、魏齊，孰與曩之孟嘗、芒卯？』對曰：『不及也。』王曰：『孟嘗、芒卯率強韓魏，猶無奈寡人何也！』左右對曰：『甚然。』〔一〕中期伏悲而對曰：『王之料天下過矣。』〔二〕夫六晉之時，知氏最強，滅范、中行而從韓、魏之兵以伐趙，灌以晉水，城之未沈者三板。〔三〕知伯出，魏宣子御，韓康子爲驂乘。知伯曰：『始吾不知水可以滅人之國，吾乃今知之。汾水可以灌安邑，絳水可以灌平陽。』〔四〕魏宣子肘韓康子，康子踐宣子之足，肘足接乎車上，而知氏分於晉陽之下。今足下雖強，未若知氏；韓、魏雖弱，未至如其晉陽之下也。此天下方用肘足之時，願王勿易之也。』〔五〕

或曰：昭王之問也有失，左右中期之對也有過。凡明主之治國也，任其勢，勢不可害，則雖強天下無奈何也，而況孟嘗、芒卯、韓、魏能奈我何！〔六〕其勢可害也，則不肖如如耳、魏齊及韓、魏，猶能害之，然則害與不侵，在白恃而已矣。奚問乎？自恃其不可侵，則強與弱奚其擇焉？夫不能自恃，而問其奈何也，其不侵也幸矣。〔七〕申子曰：『失之數而求之信，則疑矣。』其昭王之謂也。知伯無度，從韓、魏宣而圖以水灌滅其國，此知伯之所以國亡而身死，頭爲飲杯之故也。〔八〕今昭王乃問孰與始強，其畏有水人之患乎？雖有左右，非韓、魏之二子也，安有肘足之事？而中期曰：『勿易。』此虛言。

也。且中期之所官，琴瑟也，絃不調，弄不明，中期之任也。此中期所以事昭王者也。中期善承其任，未
慊昭王也，而爲所不知，豈不妄哉！^{〔九〕}左右對之曰：『弱於始，』與『不及，』則可矣；其曰『甚然，』
則諛也。申子曰：『治不踰官，雖知不言。』今中期不知而尙言之，故曰昭王之間有失，左右中期
之對皆有過也。^{〔一〇〕}

校釋 ^{〔一〕}孰與釋詞云：『猶何如也。』^{△△△△}如耳，魏齊纂聞云：『索隱如耳，魏大夫，魏策注，魏齊，魏相。』[△]孟

嘗乾道本，趙本，凌本作孟常，茲從迂評本。拾補云：『常，張本作嘗，下同。』纂聞云：『索隱孟字，嘗，邑名。按常
嘗通，孟嘗君自齊之魏，魏昭王相之。』[△]芒卯，魏將。

〔二〕中期迂評本作鍾期，茲從乾道本，趙本，凌本。期又作旗，茲改爲一律。伏瑟，集解云：『各本作推琴，御
覽四百八十九引作伏瑟，今據改。』茲從之。識誤云：『史記魏世家云：中旗憑琴。』索隱云：『按戰國策作推
琴，春秋後語中旗伏琴，而韓子作推瑟，說苑作伏琴，文各不同。按索隱引此作瑟，是也。推當作馮，馮伏同字。
難二篇云：師曠伏琴而笑之。』[△]料纂聞云：『策注，料，量也。』

〔三〕六晉翼彙云：『晉六卿，聖堅羣輔錄，趙襄子、范昭子、智襄子、荀文子、魏襄子、韓簡子，此六族世爲晉
卿，並有功名，實弱晉，號曰六卿。』而從二字，集解據御覽說苑改爲又率，茲仍從各舊本。集釋云：『按王改
非也。而與又同義，從與率同義。御覽作又率者，則據說苑以改韓子耳。古謂率曰從，故趙策作知伯從韓魏』

兵以攻趙，文與韓子同。又齊策昔吳王夫差以強大爲天下先，強襲郢而棲越，身從諸侯之君，亦謂身率諸侯之君也。』板纂聞云：『策注板高二尺。』

〔四〕御驂翼翬云：『國策作韓康子御，魏桓子驂，宣當作桓。在中爲御，左右爲驂。』安邑纂聞云：『高誘云：魏桓子邑。』平陽纂聞云：『高誘云：韓康子邑。』

〔五〕肘纂聞云：『策注不敢正語，以肘策之。』踐謂以足躡之也。分纂聞云：『韓、魏、趙分其地。』足下纂聞云：『齊策張丐見魯君曰：臣來弔足下。劉黃裳曰：古之國君亦稱足下，與今大不侔矣。按樂毅書亦稱燕惠王以足下也。』如其下纂聞依史記國策說苑補在字，茲仍從各舊本。按如其猶如於也。其可訓於，解詳集釋。易謂輕視也。

〔六〕強天下謂合天下之強，莫奈我何。能奈迂評本作其奈，茲從乾道本、趙本、凌本。

〔七〕如字、乾道本、趙本不重誤，茲從迂評本、凌本。則字、乾道本無，茲從迂評本、趙本、凌本。夫不能三字、乾道本誤作失在不，茲從迂評本、趙本、凌本。

〔八〕疑纂聞云：『不察於理，徒信人言，反取疑惑之道也。』其國迂評本作人國，茲從乾道本、趙本、凌本。集解云：『其拾補作人。盧文弨云：其字譌。先慎案盧說非，其指韓魏言，卽上汾水灌安邑，絳水灌平陽也。』

〔九〕畏乎二字、迂評本作未也，茲從乾道本、趙本。按其畏有水人之患乎，謂昭王之所以問者，豈畏有

以水滅人國之患乎？二子指康子、宣子。懽讀云：『謂未能滿於昭王之心也。』翼云：『莊子養生主，猶未足以懽其願，釋文懽足也。』

〔一〇〕踰官官守有定，越其所守，是謂踰官，尙猶也。

管子曰：『見其可，說之有證；見其不可，惡之有形。賞罰信於所見，雖所不見，其敢爲之乎？』
見其可，說之無證；見其不可，惡之無形。賞罰不信於所見，而求所不見之外，不可得也。〔二〕

或曰：廣廷嚴居，衆人之所肅也；晏室獨處，曾史之所慢也。觀人之所肅，非得情也。〔三〕且君上者，臣下之所爲飾也。好惡在所見，臣下之飾姦物以愚其君必也。明不能燭遠姦，見隱微而特以觀飾行，定罰賞，不亦弊乎！〔四〕

校釋 〔一〕管子之言，見管子權修篇說讀爲悅，管子作喜，證管子作徵，義同。形管子作刑，古通用。纂聞云：『形實也，謂必施誅罰以示憎惡之實也。』其敢猶豈敢也。管子注云：『所見之處，賞罰既信，則所不見懼而從教，不敢爲非也。』

〔二〕外字，意不甚明，宜依管子作爲之化。

〔三〕晏室，迂評本作宴室誤，茲從乾道本、趙本、凌本。纂聞云：『晏，闇也。梁紀、簡文曰：弗欺晏室，又謝方明雖闇室未嘗有惰容。』曾史，傅校云：『莊子、陸德明音義云：曾史，曾參史鮒也，曾參行仁，史鮒行義。』慢字，

乾道本作優，茲從迂評本、趙本、凌本。識誤云：『優慢古字通用。』得字，乾道本作行，誤。茲從迂評本、趙本、凌本。按非得情也，謂不得其情實也。

〔四〕特字，各舊本作待之。按之字衍，待爲特之爲，但也。若作待之，宜屬上讀，而意亦不甚明，故茲刪改之。
弊翼龜云：『當作蔽。』按弊蔽二字古通用。

管子曰：『言於室，滿於室；言於堂，滿於堂，是謂天下王。』〔一〕

或曰：管仲之所謂言室滿室，言堂滿堂，非特謂遊戲飲食之言也，必謂大物也。人主之大物，非法則術也。法者，編著之圖籍，設之於官府，而布之於百姓者也。術者，藏之於胷中，以偶衆端，而潛御羣臣者也。故法莫如顯，而術不欲見。〔二〕是以明主言法，則境內卑賤莫不聞知也，不獨滿於室，用術，則親愛近習，莫之得聞也，不得滿室。而管子猶曰：『言於室滿室，言於堂滿堂，』非法術之言也。

校釋 〔一〕管子之言，見管子牧民篇。管子無兩於字，天下作聖。滿謂室或堂內之人皆聞其言也。

〔二〕大物，翼龜云：『周語班先王之大物，注：大物，謂隧也。隧，先王之法也。管子霸言，是貪大物也。注：大物，謂大寶之位。荀子賦篇，爰有大物，注：夫人之大者，莫過於禮，故謂之大物也。是古人指禮法以爲大物也。』
 編著謂法須定爲成文也。設之官府，布之百姓，謂法須公布也。此僅就法之形式言，至就法之實質言者，則見於定法篇。偶斟補云：『按偶與耦同，即參耦之耦也。淮南要略訓，耦百變，許注：耦，通也。此云偶衆端，猶彼』

云耦百變也。『今按爾雅釋詁合也，注謂對合也，又胖合也。衆端猶言諸事也。纂聞云：『內儲衆端參觀』術不欲見按法家所謂術有形名之術，見定法篇；有參伍之術，見八經篇；其他言術者尙多，而此言術不欲見，特與法對比立論耳，非法家之術盡如此也。

難四

釋題 本篇原爲第十六卷第三十九篇。題解見難一篇。

提要 本篇主旨在反復辨難古事，以闡明法家之說：（一）臣主須各守其分；（二）君須明而知微，嚴而無赦；（三）人主怒須當罪，誅須不逆人心，未可以怒，則不可有怒之色；未可以誅，則不可有誅之心；（四）人主用人，忌用所愛而不真實。

考證 本篇體例，與前三篇稍異。集解云：『前三篇皆一難，此篇先立一義以難古人，又立一義以自難前說，其文皆出於韓子。』

按本篇體例，與難勢篇同。其出於韓子，在文字與思想上俱無可疑。

衛孫文子聘於魯，公登亦登。叔孫穆子趨進曰：『諸侯之會，寡君未嘗後衛君也。今子不後寡君一等，寡君未知所過也。子其少安！』孫子無辭，亦無悛容。穆子退而告人曰：『孫子必亡，臣而不後君，過而不悛，亡之本也。』^{（一）}

或曰：天子失道，諸侯代之，故有湯武；諸侯失道，大夫代之，故有齊晉。臣而代君者，必亡，則是湯武不王，齊晉不立也。^{（二）}孫子君於衛，而後不臣於魯。臣之君也，君有失也，故臣有得也。不命亡於

有失之君，而命亡於有得之臣；不察魯不得誅衛大夫，而衛君之明不知不悛之臣，孫子雖有是二也，巨以亡？〔四〕其所以亡其失，所以得君也。〔五〕

或曰：臣主之施分也。臣能奪君者，以得相踦也。故非其分而取者，衆之所奪也；辭其分而取者，民之所予也。〔六〕是以桀索嶠山之女，紂求比干之心，而天下離；湯身易名，武身受罵，而海內服；趙宣走山，田氏外僕，而齊晉從。〔七〕則湯武之所以王，齊晉之所以立，非必以其君也，彼得之，而後以君處之也。今未有所以得，而行其所以處，是倒義而逆德也。倒義，則事之所以敗也；逆德，則怨之所以聚也，敗亡之不察何也！〔八〕

校釋 〔一〕孫文子、翼、毳云：『衛卿，孫林父也。』聘禮諸侯使大夫問於諸侯曰聘。登、纂聞云：『左傳杜注、禮、登階，臣後君一等。』未嘗後。纂聞云：『杜注、敵體並登。』一等二字，迂評本無，茲從乾道本。趙本、凌本。少安謂稍徐也。

〔二〕悛、纂聞云：『杜注、改也。』臣字，乾道本作亡臣，茲從迂評本。藏本、趙本、凌本。集解云：『亡臣，卽下所以亡其失，所以得君也；亡讀若忘，孫子自忘己尙爲臣，故與魯君並行而不違。』按亡字涉上文誤重，不必解爲忘，文義亦明。

〔三〕諸代字，各舊本誤作伐。識誤云：『伐當作代，代之代爲君也，下文盡同。』纂聞改伐爲代，茲從之。

晉各舊本倒。集解云：『晉齊當依上文作齊晉。』茲據乙。按齊謂田齊，晉謂三晉，以田氏代齊，三卿分晉也。

〔四〕臣之君也，猶言臣而君者之字可訓而解。詳集釋。命集解云：『命與言通。書大禹謨，咸聽朕命，墨子

兼愛下作咸聽朕言，可證古人命言二字相通。此謂穆子不言衛君有失之得亡，而言衛臣有得之必亡，是

謂不明。』不察猶言不知也。識誤以此二字屬上讀，絕句，茲仍從舊讀。是二也。猶言此二者。纂聞云：『是二

謂不臣不悛也。』巨字，迂評本、趙本、凌本脫，乾道本作臣。識誤云：『藏本同，今本無臣字，誤。按臣當爲巨，巨

詎同字。』按識誤說是，茲據改。巨以亡，猶言豈得以不臣不悛而亡乎？

〔五〕其失二字，迂評本、趙本、凌本無，茲從乾道本。識誤云：『藏本同，今本無亡其二字，誤。亡句絕，下七字

爲一句。』集解云：『其所以亡，謂亡其爲臣也；其失所以得君，謂失其爲臣之禮，故得爲其君也。』按此亡

字讀爲忘，是其失二字，宜屬上讀。謂孫子所以忘其不臣之失，正其所以得爲君也。

〔六〕施分施，宜也，誼也，分讀去聲，謂名分也。相踦，謂權重足以相傾也。纂聞云：『趙策，踦重，鮑注作觔，云

角一俯一仰曰觔，言有一重也。亡徵篇，必其治亂，其強弱相踦者也，與此同。』辭迂評注云：『分所當得，辭

而後取。』

〔七〕嶧山，纂聞云：『汲冢紀年，桀伐嶧山，得女二人，曰琬，曰琰。桀愛二女，斲其名乎苕華之玉。按嶧山，蓋

卽有嶧，見十過篇。』比干，翼義云：『比干諫紂，三日不去，紂怒曰：吾聞聖人之心有七竅，剖而觀之。』易名

識誤云：『未詳。』集解云：『路史、桀殺關龍逢，湯聞而歎，使人哭之，桀怒，囚湯於夏臺，已而得釋。』以下文受書事例之，當卽此事。『纂聞云：『說苑、湯困於呂，按名呂字相似，疑此爲湯身困呂之訛。』翼彙云：『夏桀名履癸，湯亦名履，蓋以是抵罪易名，如衛文公更名之類也。韓子近古，或有所傳矣。』晉纂聞云：『羈字訛，見喻老篇。』補箋云：『受書指武王受羈於王門而言。呂覽、趙策、尸子、竹書紀年皆作羈，而本書獨作晉者，疑晉亦有羈誼也。』宣字、各舊本作𠵽。識誤云：『𠵽當作宣。左傳、宣子未出山而復，是其事也。』按作宣是，茲據改。田氏乾道本無氏字，茲從迂評本、趙本、凌本。識誤云：『藏本同，今本田下有氏字誤，此當有成字。卽田成子去齊，走而之燕，負傳隨鳴夷子皮事也，見說林上篇。』

〔八〕得之謂得民心也。處之謂處君位也。

魯陽虎欲攻三桓，不克而奔齊。景公禮之。鮑文子諫曰：『不可。陽虎有寵於季氏，而欲伐季孫，貪其富也。今君富於季孫，而齊大於魯，陽虎所以盡詐也。』景公乃囚陽虎。〔一〕

或曰：千金之家，其子不仁，人之急利甚也。桓公五霸之上也，爭國而殺其兄，其利大也。臣主之間，非兄弟之親也。劫殺之功，制萬乘而享大利，則羣臣孰非陽虎也。〔二〕事以微巧成，以疏拙敗。羣臣之未起亂也，其備未具也。羣臣皆有陽虎之心，而君上不知，是微而巧也。陽虎以貪欲攻上，知於天下，是疏而拙也。必使景公加誅於拙虎，是鮑文子之說反也。〔三〕臣之忠詐，在君所行也。君明而

嚴，則羣臣忠；君懦而闇，則羣臣詐。知微之謂明，無赦之謂嚴。不知齊之巧臣，而誅魯之罪亂，不亦妄乎！〔四〕

或曰：仁貪不同心，故公子目夷辭宋，而楚商臣弑父，鄭去疾予弟，而魯桓弑兄。五伯兼并，而以桓律人，則是皆無貞廉也。〔五〕且君明而嚴，則羣臣忠。陽虎爲亂於魯，不成而走，入齊而不誅，是承爲亂也。君明，則知誅陽虎之可以濟亂也，此見微之情也。語曰：『諸侯以國爲親。』君嚴，則陽虎之罪不可失，此無赦之實也。則誅陽虎，所以使羣臣忠也。未知齊之巧臣，而廢明亂之罰，責於未然，而不誅昭昭之罪，此則妄矣。〔六〕今誅魯之罪亂，以威羣臣之有姦心者，而可以得季孟叔孫之親，鮑文之說，何以爲反？〔七〕

校釋 〔一〕奔齊，迂評本、趙本、凌本重齊字，茲從乾道本。識誤云：『藏本、今本重齊字，誤。』鮑文子翼說云：『齊卿鮑國也。』伐字，各舊本作伐於。集解云：『伐下衍於字。』茲據刪。

〔二〕不仁，謂不親睦也。上猶言冠也，首也。功字，迂評本作禍，茲從乾道本。趙本、凌本按功猶今言結果也。〔三〕起難，謂作亂也。以貪欲攻上，知於天下九字，各舊本作貪於天下以欲攻上。讀記云：『此當云：陽虎以貪欲攻上，知於天下，是疏而拙也，與上文羣臣皆有陽虎之心，而君上不知，是微而巧也，文義相對。今本傳寫錯亂，又奪知字，則義不明。』按讀記說是，茲據改。必字，乾道本、凌本、趙本作不，茲從迂評本。因必誤爲

不字，故識誤云：『誅下當有脫文，本云：不使景公加誅於齊之巧臣，而使加誅於拙虎，下文不知齊之巧臣，其證也。』

〔四〕無赦各舊本作無救，救，下同。集解云：『救字，拾補無。盧文弨云：救字衍，今據刪。』茲從之。罪亂各舊本作成亂。按成亂二字不成義，下文作罪亂，茲據改。讀云：『罪亂，罪人也。』

〔五〕不同心，謂或仁，或貪，人各不同也。辭，宋謂辭宋位也。纂聞云：『宋桓公病，太子茲甫讓其庶兄目夷。目夷辭曰：能以國讓，仁孰大焉？臣不及也，且又不順，遂走而退。』事出左傳。商臣翼彘云：『事見內儲。』予弟謂讓君位於弟也。纂聞云：『史記、鄭靈公見殺，鄭人欲立其弟去疾，去疾讓其庶兄公子堅，堅立，是爲襄公。此云予弟不同。』弑兄，謂桓公弑隱公也。桓補箋云：『謂齊桓公也。五伯行兼并之術，原尚功利。桓公雖爲五伯之上，亦非純德。若以桓公殺兄之事，律天下之人，則天下無貞廉之士矣。上文以桓公爭國殺兄，度羣臣皆爲陽虎，此處正所以駁之，則桓字係指桓公明矣。王先慎謂桓上當有三字。按三桓與五伯無涉，其失一也。三桓與上文桓公不相銜，其失二也。三桓在此前無承，後無所冒，其失三也。』按纂聞、翼彘亦均謂桓爲桓公，茲不具引。

〔六〕承爲亂，謂任陽虎在齊爲亂也。讀云：『齊受魯亂。』知誅二字，乾道本作誅知，茲從迂評本。趙本、凌本、集解云：『趙本作知誅誤，誅字句，知屬下。』按『君明』與『君嚴』兩段對比立論，若依集解所說，則

『君明』一段未免割裂矣。濟亂謂救亂止亂也。明亂讀云：『亂臣之彰彰者。』

〔七〕而可猶又可也。纂聞云：『三桓畏惡陽虎，而齊誅之，則三桓必德齊而親之也。』反正之對，猶言非也。前節以鮑文子之說爲反，而此則謂其不反也。

鄭伯將以高渠彌爲卿，昭公惡之，固諫不聽。及昭公卽位，懼其殺已也，辛卯弑昭公而立子亶也。君子曰：『昭公知所惡矣。』公子圉曰：『高伯其爲戮乎！報惡已甚矣。』〔二〕

或曰：公子圉之言，不亦反乎？昭公之及於難者，報惡晚也。然則高伯之晚於死者，報惡未甚也。明君不懸怒，懸怒則臣懼罪，輕舉以行計，則人主危。〔一〕故靈臺之飲，衛侯怒而不誅，故褚師作難，食龍之羹，鄭君怒而不誅，故子公弑君。〔三〕君子之舉『知所惡』，非甚之也，曰知之若是其明也，而不行誅焉，以及於死，故曰『知所惡』以見其無權也。〔四〕人君非獨不足於見難而已，或不足於斷制，今昭公見惡，稽罪而不誅，使渠彌含憎懼死以徼幸，故不免於殺，是昭公之報惡不甚也。〔五〕

或曰：報惡甚者，大誅報小罪。大誅報小罪也者，獄之至也。獄之患，故非在所以誅也，以讎之衆也。〔六〕是以晉厲公滅三卻，而欒中行作難；鄭子都殺伯咺，而食鼎起禍；吳王誅子胥，而越句踐成霸。則衛侯之逐鄭靈之弑，不以褚師之不死，而子公之不誅也，以未可以怒而有怒之色，未可誅而

有誅之心。^{〔七〕}怒其當罪，而誅不逆人心，雖懸奚害？夫未立有罪，卽位之後，宿罪而誅，齊胡之所以滅也。君行之臣，猶有後患，況爲臣而行之君乎？誅旣不當，而以盡爲心，是與天下爲讎也，則雖爲戮，不亦可乎！^{〔八〕}

校釋

昭公翼毳云：『鄭伯、莊公也。昭公太子忽也，時猶爲太子。』子夏拾補云：『宣左傳桓十七年傳』

作壹，此因形近而譌。下公子圉傳作達，亦然。』高伯卽高渠彌。

〔二〕報惡猶言報怨，惡讀去聲。未甚，乾道本趙本凌本無，茲從迂評本。按此謂昭公報惡未甚，非謂高伯故曰高伯晚於死。高伯之所以晚於死者，以昭公見惡，稽罪而不誅也。下文是昭公之報惡不甚也，卽承此而言，可證。懸怒謂怒而不誅也。宋本注云：『有怒不行，且舉之，故曰懸怒。』懼罪，乾道本藏本脫懼字，茲從迂評本。趙本凌本輕舉謂妄動也。計謂希求作亂以免罪之計也。

〔三〕褚師纂聞云：『左傳衛侯爲靈臺於藉圃，與諸大夫飲酒焉。褚師聲子執而登席，公怒，辭曰：臣有疾。公愈怒。褚師出，公執其手曰：必斷而足。褚師遂作亂，衛侯出奔宋。』鼃首元，似鼃而大，頭有磊塊。纂聞云：

楚獻鼃於鄭靈公，子公謂子家曰：吾食指動，必食異味。及入朝，見淮鼃羹，相視而笑。公問其故，具以實告。公召子公，獨弗予羹，怒染其指於鼎，嘗之而出。公怒，欲殺子公，子公與子家謀弑靈公。事在左宣四年。

〔四〕舉迂評注云：『舉者，論也。』讀云：『舉猶曰也。』曰知之猶言知之……也。故曰乾道本藏本脫曰

字，茲從迂評本、趙本、凌本。無權謂無權宜之術也。

〔五〕難讀去聲。稽留也。稽罪，謂當罪而不即誅也。

〔六〕至猶言極也。讀記、翼、翫均疑至字當作患，未可從。故……以故與固通，以與已通，謂獄之患，固非在所已誅也，乃在誅一不當，則人不自安，而讐之者衆也。

〔七〕三郤事，見內儲說下，又見左成十七年傳。子都事，識誤云：『未詳。』新釋云：『子都，子突也，鄭厲公名，忽之弟也。詩云：不見子都，乃見狂且。山有扶蘇，爲刺忽之詩，蓋謂忽不能容弟耳。伯咺，卽史記鄭世家伯父原也。左傳謂之原繁，厲公復入鄭時殺之，事見左莊十四年傳。』食鼎新釋云：『謂原伯設鼎享王耳。厲公之卒，原伯蓋有隱謀，惟書籍未聞，未能詳考，姑存疑可也。』而子公，纂聞云：『而猶與也。』

〔八〕怒其迂評本作怒之，茲從乾道本、趙本、凌本。按其猶若也，詳見釋詞。未立謂未即位以前，指昭公爲太子時惡高伯也。宿罪，讀云：『猶宿怨也。』齊胡纂聞云：『楚語：齊騶馬繻以胡公入於貝水，注：騶馬繻，齊大夫，胡公、齊太公玄孫之子胡公靖也。胡公虐馬繻，馬繻殺胡公。按騶馬，養馬之官，見詩，繻其名也。齊世家：胡公立，哀公之母弟山怨胡公，乃與其黨襲攻殺胡公，繻蓋山之黨也。』盡謂盡誅，不問當否也。

衛靈公之時，彌子瑕有寵於衛國，侏儒有見公者，曰：『臣之夢踐矣。』公曰：『奚夢？』夢見竈者，爲見公也。『公怒曰：『吾聞見人主者夢見日，奚爲見寡人而夢見竈乎？』』侏儒曰：『夫

日兼照天下，一物不能當也。人君兼照一國，一人不能壅也。故將見人主而夢日也。夫竈，一人煬焉，則後人無從見矣。或者一人煬君邪？則臣雖夢竈，不亦可乎？公曰：『善。』遂去雍鉏，退彌子瑕，而用司空狗。^(二)

或曰：侏儒善假於夢以見主道矣。然靈公不知侏儒之言也。去雍鉏，退彌子瑕，而用司空狗者，是去所愛而用所賢也。鄭子都賢慶建而壅焉，燕子噲賢子之而壅焉。^(三)夫去所愛而用所賢，未免使一人煬己也。不肖者煬己，不足以害明；今不加知而使賢者煬己，則必危矣。^(四)

或曰：屈到嗜芰，文王嗜菖蒲菹，非正味也。而二賢尚之，所味不必美。晉靈侯說參無恤，燕噲賢子之，非正士也。而二君尊之，所賢不必賢也。^(五)非賢而賢用之，與愛而用之同實。誠賢而舉之，與用所愛異狀。^(六)故楚莊舉孫叔而霸，商辛用費仲而滅，此皆用所賢而事相反也。燕噲雖舉所賢，而同於用所愛。衛奚距然哉？則侏儒之未見也。^(七)君壅而不知其壅也，已見之後，而知其壅也，故退孽臣，是加知之也。曰：『不加知，而使賢者煬己，則必危。』而今已加知矣，則雖煬己，必不危矣。

八

校釋 「一」靈公，乾道本、趙本、凌本無公字，茲從迂評本。識誤云：『藏本公字是也，七術篇有。』龍字下，七術篇有專字，屬下讀踐字。乾道本、趙本、凌本誤作淺，茲從迂評本。踐，謂事與夢合也。爲見公猶言以見公。

也。集釋訓爲字猶口語中之却，未可從。聞見各舊本無見字。集解云：『拾補有七術篇有，今據補。』茲從之。

〔二〕當纂聞云：『策作蔽，義同。』煬謂當竈口而炙燥也。解詳內儲說上。雍鉏識誤云：『趙策作雍疽。』

集解云：『孟子衛策作癰疽，說苑至公篇作雍雎，皆音近通借。』纂聞云：『人物考：雍，姓，又名渠。按孔子世家：衛靈公宦者雍渠，卽雍雎也。左傳襄二十六年：雍鉏獲殖綽，注：雍鉏，孫氏臣也。按其年代，卽此人也。』

豈以初事孫氏，後以宦者嬖於靈公耶？司空狗纂聞云：『史狗也，史朝之子文子，見左傳襄二十九年。』

〔三〕見猶示也，明也。傳校云：『見，現之本字，讀去聲，系硯切。廣韻：露也。易：見龍在田。淮陰侯傳：情見勢屈，』

顏注：見，顯露也。所賢纂聞云：『不以功伐課試，而徒用其心之所謂賢者也。』慶建人名識誤云：『未詳。』

〔四〕賢者煬已。趙本、凌本已字作主，乾道本作主己，迂評本作己。按作己字是，因形近而誤爲己，主字蓋

注文而誤入正文者。己猶之也，上文用主字，故此用己字以代之。必危二字，乾道本誤作賢，茲從迂評本、趙

本、凌本。識誤云：『藏本，今本賢作必危二字，按依下文是也。』

〔五〕屈到翼龜云：『楚卿屈蕩子子夕也。芟，菱也，嗜芟事，見國語。』菖蒲菹，纂聞云：『呂覽注：菖本之菹

也。按周禮：醢人有昌本之菹，注：昌蒲根，切之四寸爲菹。說文：菹，酢菜，和酢以漬菜也。』參無恤纂聞云：『史

記：晉靈公六年，禦秦師，范無恤御戎，豈此人耶？字曰侯，字宜作公。』

〔六〕賢用二字，迂評本、趙本、凌本作用，茲從乾道本。識誤云：『藏本同，今本無下賢字誤。』同實各舊本

作同賢。識誤於同字絕句，並謂下狀字衍。纂聞云：『實作賢誤。』按作實是，同實與異狀，相對爲文，茲據纂聞改。

〔七〕孫叔乾道本、趙本、凌本作叔孫，茲從迂評本。識誤云：『叔孫當作孫叔。』翼彙云：『孫叔，卽孫叔敖也。』奚距集解云：『拾補奚下有獨字，距作詎。』識誤云：『距，讀爲遽。』按距與巨、鉅、詎、遽諸字同，奚距猶言何也，詳見釋詞。未見乾道本誤作未可見，茲從迂評本、趙本、凌本。

〔八〕日不之曰字，乾道本誤作日，茲從迂評本、趙本、凌本。識誤云：『臧本同，今本日作日誤。』按曰字不誤，猶言也，所以稱引上文，故承之以『不加知』云云。今已乾道本、趙本、凌本作今以，茲從迂評本。按已以二字通。

第五卷

內儲說上——七術

釋題 本篇原爲第九卷、第三十篇。儲說取義如何？宋本註云：『儲、聚也，謂其所說皆人君之內謀，故曰內儲說。』史記索隱云：『明君執術以御臣下，利之在己，故曰內。』翼彙云：『儲、恃也，揚雄傳注有儲畜以待所用也；說者篇中所云其說在云云之說也，謂所以然之故也。言此篇儲若是之說，以備人主之用也。儲說一篇分爲內外，內篇又分爲上下，外篇分爲左右，左右復各分爲上下，內外左右上下，非有他義，以簡編重多故耳，猶老子經分上下，莊子篇分內外也。內篇上說七術之義，故曰內儲說上七術，下皆倣此。』按以上三家，以翼彙所說爲是。儲說六篇爲一整篇，內外左右上下只標名篇次，無他義。說如墨辯中『以說出故』之說，謂以事例說明理論也。儲說，謂彙集事例說明各種主術之理論，以備人主之用也。

提要 本篇主旨，在先提示人主所用之七術，卽衆端參觀、必罰明威、信賞盡能、一聽責下、疑詔詭使、挾知而問、例言反事，再用事例挨次說明之。先立說，後舉例，結構緊嚴，其體裁蓋取諸墨辯之經與說也。

考證 儲說均爲一種墨辯體，又與後世連珠體相似，故有人以儲說爲連珠之濫觴。迂評注云：『各段

隱括含涵，先陳事例，後貫事實，簡約可誦。以後班固、賈逵、傅毅遂爲連珠體，此其濫觴矣。『傳玄連珠序云：『按文章緣起以爲連珠始於揚雄，據北史、李先傳則尙始於韓非子，班固等特仿其體而爲之耳。』纂聞云：『儲說、古人或謂連珠。楊升菴外集云：北史李先傳：魏帝召先讀韓子連珠二十二篇；韓非書中有連語，先列其目，後著其解，謂之連珠。據此，則連珠之體，兆於韓非，任昉文章緣起謂連珠始於揚雄，非也。』內外儲、最先著錄於史記，出於韓非，從少疑者。但至近人，則爲說不一：胡適云：『外儲說左上似乎還有一部分可取，其餘的便不可深信了。』（見中國古代哲學史）容肇祖云：『內外儲說八篇，爲縱橫或游說家言混入於韓非子書中者。』（見古史辨第四冊、韓非的著作考）彼二人雖懷疑然未提出證據，尙未能認爲定論。梁啓超、要籍解題及其讀法，以內外儲說爲韓非子書中之次要諸篇，斯爲得之。惟儲說各篇均有經有傳，是否俱出於韓非，則又有二說：點勘云：『內外儲說，其篇首之所謂經，韓子之文也；其後雜引古事，乃爲『韓學』者之所爲，以解韓子之書者也。其南面篇末說在商君之內外而鐵受重盾而豫戒也，下以云云，其文與儲說相類，彼後無古事爲之疏釋，知此疏釋者，非韓子自爲也。至外儲說左鄭縣人乙子妻，孔子御坐於哀公，簡主謂左右車席甚美，費仲說紂，齊宣王問匡倩，桓公問置吏數條，不見於經，則經有脫文也。』陳千鈞云：『吳說是。惟解經者或韓子自爲之，以便人君之觀覽，亦未可知也。』（見學術世界一卷一期韓非子書考）按經與傳均聯繫甚緊，傳固所以解經，而經亦有言及傳者，如『其說在』、『其患在』

『等是經爲綱要，傳爲解說，不可分離，當俱出韓子一人之手。不過傳中間有所謂『一日』云云者，則爲出於韓子後學所爲，殆無疑義也。』

主之所_レ用也，七術所察也，六微。〔一〕七術：一曰衆端參觀，〔二〕二曰必罰明威，〔三〕三曰信賞盡能，〔四〕四曰一聽責下，〔五〕五曰疑詔詭使，〔六〕六曰挾知而問，〔七〕七曰倒言反事，〔八〕此七者，人主之所_レ用也。

校釋 〔一〕七術謂人主所用以御臣之術有七種也，卽本篇所言。六微詳下篇內儲說下。

〔二〕衆端宋本注云：『端，直也；欲求衆直，必參驗而聽觀也。』集解云：『注誤。凡末紀緒皆曰端。中庸執其兩端，詩載驅序箋：故猶端也，疏並云：端，謂頭緒也。此謂頭緒衆多，則必參觀；否則誠不得聞，而爲臣壅塞矣。若訓爲直，則與下文不合。』按以直爲『端』，固誤；而以頭緒衆多釋『衆端』，亦誤。衆端之端，與論語『攻乎異端』之端，同義。衆端參觀，猶言參合衆人之說，不偏聽一人之言也。

〔三〕必罰謂依法施罰，絕不寬縱也。必罰，乃所以示法之威嚴而不可犯，故曰『必罰明威。』

〔四〕信賞謂依法行賞，絕不失信也。信賞，乃所以鼓舞臣下竭盡材能，以爲國家，故曰『信賞盡能。』

〔五〕一聽責下宋本注云：『專聽一理，必有失；責下不一能，則不明。』集解云：『注未明晰。』補箋云：『一聽者，一一聽之也。後文吹竽節云：好一一聽之，卽其義也。大戴禮衛將軍文子篇：則一諸侯之相也，盧注：』

一皆也。荀子勸學篇：「可以爲法則，楊注：一皆也。呂氏春秋貴直篇：「若此乎？高注：一猶皆也。一訓爲皆，咸爲一一也。史記孟嘗君傳：「與文等；後漢書盧植傳：「請謁希爵，一宜禁塞；兩一字，亦謂一一也。並可作此句之例證。舊注不能以經與說相勘，而曰專聽一理，失之。」按法家以爲臣下有言責，又有不言之責，必責臣下陳言，是謂「責下」。如何「責下」？則必須用「一聽」之術，即使每人分別陳言而聽之，以察其材能如何也。「一聽」之義，舊注誤，補箋是，讀與翼義所釋，與補箋同，不具引。

〔六〕疑詔翼義云：「詔，命也。疑詔，使下疑其所詔也。」宋本注解爲「疑危而制之」，未可從。參閱傳五卽知。譏使與詭使篇之詭使義不同。宋本注云：「譏詭而使之，則下不敢隱情也。」卽其義。

〔七〕挾知纂開云：「以我所知，而佯問之。」

〔八〕倒言謂倒置他人之言而反說之，所以察姦情也。反事謂就所事之相反者而爲之，所以飾真情也。宋本注云：「或倒其言，或反其事，則姦情可得而盡也。」

經一參觀——〔一〕觀聽不參，則賊不聞；〔二〕聽有門戶，則臣壅塞；〔三〕其說在〔四〕侏儒之夢見竈；〔五〕哀公之稱「莫衆而迷」；〔六〕故齊人見河伯；〔七〕與惠子之言「亡其半」也；〔八〕其患在豎牛之餓叔孫；〔九〕而江乙之說荆俗也；〔一〇〕嗣公欲治不知，故使有敵；〔一一〕是以明主推積鐵之類，而察一市之患；〔一二〕

校釋 「一」參觀三字，乾道本作「參觀一」，在節後，茲依迂評本置於節首，以醒眉目，下倣此。各舊本於經後有「右經」二字，今刪之，但於每節首冠以經字，以別於傳，下五篇均倣此。參觀參合而觀之，猶言兼聽也。

〔二〕不參宋本注云：「謂偏聽一人，則誠者莫告。」翼龜云：「觀行聽言，不互相參，則其實情不上聞也。」
〔三〕門戶讀云：「謂君所聽信唯一人，猶家所出入唯一門也。」按此謂人君聽言，若專由一人傳達，如門戶之必由然，則其人傳達與否可以意爲之，而下情遂無由上達，故曰「壅塞」。

〔四〕說在二字，在墨辯中常連用，此與同義。墨子經上云：「說，所以明也。」又小取篇云：「辯者……以辭抒意，以說出故。」說，乃墨辯中之一專門名詞，而韓子襲用之者，蓋謂以事例證明理論也。在字，乾道本脫，茲從迂評本。

〔五〕侏儒亦作朱儒，短小人也。宋本注云：「侏儒夢竈，言有一人煬，則後人不見，此譏靈公偏聽子瑕。」

〔六〕莫衆而迷，猶言事不與衆謀，則不知所措也。宋本注云：「哀公言謀事無衆故迷，孔子對舉國盡黨季孫，與之同辭，是一國爲一人，公之迷宜矣。」按注中辭字，乾道本作亂，茲從道藏本。

〔七〕河伯古稱黃河之神，曰河伯。宋本注云：「齊王專信一人，故被人誑以大魚爲河伯。」

〔八〕惠子，卽惠施，戰國時宋人，與莊子同時，善辯，著有惠子一篇，漢書藝文志列之於名家類，已佚。其學

說大略，詳莊子天下篇。宋本注云：『惠子言君之謀事，有半疑，有半不疑，今皆稱不疑，則雷同朋黨，故曰亡其半。』按乾道本注：『有半不疑，』僅作『有半，』拾補以有半二子衍，茲依解詁增不疑二字。

〔九〕豎牛[△]宋本注云：『叔孫專聽豎牛，故身餓死，而二子戮亡也。』

〔一〇〕江乙[△]乾道本作江乞，茲從迂評本。纂聞云：『山曰：說苑新序並作江乙，楚策注：江乙，魏人，後乃事楚。』宋本注云：『荆俗不言人惡，故白公得以爲亂。』而翼彘云：『猶與也。』

〔一一〕嗣公[△]嗣君也。呂氏春秋注：『衛平侯之子也，秦貶其號曰君。』不知宋本注云：『謂不知治之術也。』敵纂聞云：『使其貴勢匹敵以相參也。』宋本注云：『嗣公恐其貴臣妾壅己，故更貴臣妾以敵之。彼得敵，適足以成其朋黨，爲壅更甚。』

〔一二〕推積鐵之類^{△△△△}猶言依積鐵以備矢之事而類推之，則人主必須有防姦之術。一市之患^{△△△△}猶言衆口鑠金也。

經二必罰。——愛多者，則法不立，威寡者，則下侵上。是以刑罰不必，則禁令不行。〔一〕其說在

董子之行石邑，與子產之教游吉也。〔二〕故仲尼說隕霜，而殷法刑棄灰，將行去樂池，而公孫鞅重

輕罪。〔三〕是以麗水之金不守，而積澤之火不救。〔四〕成讜以太仁弱齊國，〔五〕卜皮以慈惠亡魏

王。〔六〕管仲知之，故斷死人；嗣公知之，故買胥靡。〔七〕

校釋 「一」多愛者必寬縱，故法無由立；寡威者必鬆懈，故下得侵上。

「二」董子，即董闕，戰國時人。宋本注云：「董子至石邑，象深澗以立法，故趙國治也。」子產姓公孫，名僑，字子產，春秋時人，以猛治鄭，頗有改革，與管仲同爲法家之先驅。宋本注云：「子產教游吉，令法火以嚴斷。」

「三」仲尼，孔子字。宋本注云：「仲尼對哀公言隕霜不殺草，則以宜殺而不殺故也。」將行，迂評注云：「官名。」宋本注云：「將行以樂池不專任以刑賞之柄，故去之。」纂聞云：「史記、惠文君七年，樂池相秦，注池音他，正義云：樂音岳，池徒河反。又趙武靈王十一年，使樂池送公子職於燕。圓案大人賦：使勾芒其將行兮，顏注：領從者也。」重輕罪，謂重刑輕罪也。宋本注云：「公孫鞅以爲輕罪尙不能犯，則無由犯重罪，故先重輕罪。」

「四」麗水，水名。竊麗水之金，雖定有重罪，然猶被竊而不能守者，蓋以刑罰不必也。積澤，地名。宋本注云：「魯之積澤，火焚而人不救，則以不行法故也。」

「五」成驩，各舊本俱作成歡。拾補云：「歡後作謹。」識誤云：「說文：顧作驩，歡、驩字同。」集解云：「歡、驩、謹三字古通用。禮記、樂記鼓鼗之聲，謹注或爲歡。驩爲馬名本字。孟子：驩如，荀子：大略篇：夫婦不得不驩，皆以驩爲歡樂字。驩、歡、謹、音義並同，故通用。春秋文公六年：晉侯驩，公羊作謹，史記作歡，是其證。」今於經傳

皆用驢字，以歸一律。宋本注云：『成驢以齊王太仁，知其必弱齊國。』

〔六〕卜皮宋本注云：『卜皮以魏王慈惠，知其必亡其身也。』

〔七〕斷死人讀云：『斷、斬也。』按斷死人，猶言戮尸也。宋本注云：『管仲知治國當嚴禁人之厚葬，不用

命者戮其尸。』胥靡犯人也。買胥靡，猶言懸賞緝拿逃犯也。宋本注云：『嗣公亦知國當必罰，有胥靡逃之

魏，以一都買而誅之。』翼彘云：『楊倞荀子注云：胥靡刑徒人也，胥、相，靡繫也，謂鎖相連相繫，漢書所謂銀

鐺者是也。師古曰：聯繫使相隨而服役之，猶今囚徒以鎖連枷也。莊子庚桑楚篇釋文引崔注：胥靡，腐刑也。

賈誼傳徐注：胥靡，腐刑。愚爲胥靡中亦時有腐刑者，是胥靡以腐刑故得入宮闈也。』

經三信賞。——〔一〕賞譽薄而謾者，下不用賞譽。厚而信者，下輕死。〔二〕其說在文子稱若獸

鹿。〔三〕故越王焚宮室，而吳起倚車轅。〔四〕李悝斷訟以射，宋崇門以毀死。〔五〕勾踐知之，故式怒

鼃；昭侯知之，故藏弊袴。〔六〕厚賞之使人爲賁，諸也，婦人之拾蠶，漁者之握鱸，足以效之。〔七〕

校釋 〔一〕信賞二字，各舊本俱作賞譽。按依篇首綱目及本節文義，宜作信賞，茲改之。

〔二〕謾宋本注云：『欺也。』用字下，乾道本衍也字，茲從迂評本藏本，不用猶言不肯用命也。輕死猶言

樂於效死也。

〔三〕文子漢書藝文志注稱爲老子弟子，與孔子同時。著書數篇，名文子，漢志列入道家類。又讀書志引

北魏李暹文子注，謂卽范蠡師計然，姓辛，名斬，字文子。本篇所言文子究爲何人，尙待考。若獸鹿，宋本注云：『獸鹿唯就薦草，猶人臣之歸恩厚也。』

〔四〕越王卽勾踐，焚宮室。宋本注云：『焚其宮室者，欲行賞罰於救火，以驗人之用命。』吳起，戰國初衛人，或稱魏左氏人，曾子弟子，初仕魯，繼仕魏，後仕楚，以兵家而兼法家，著有兵書，今存。倚車轅，側置車轅也。宋本注云：『賞移轅者，欲示其信而不欺也。』

〔五〕李悝，戰國初魏人，子夏弟子，相文侯，盡地力，造法經，以儒家而兼法家，著有李子，已佚。宋本注云：『欲人之善射，故其斷訟與善射者理也。』以毀死，謂因居喪毀瘠而至於死也。宋本注云：『崇門之人，居喪而瘠，君與之官，故多毀死者也。』

〔六〕知之，乾道本脫之字，茲從迂評本。式與軾通，車前橫木也。古男子立而乘車，有所敬則俛而憑式，故引申爲凡有所敬禮曰『式』。鼃亦作掘，古蛙字。宋本注云：『勾踐知勸賞可以詔人，故式怒鼃以求勇。』弊與敝同。集解云：『弊，今本作敝，誤。』

〔七〕賁，諸翼鼃云：『賁，孟賁，衛人；諸，專諸，吳人；皆古之勇士也。』鯁與鱸同。足以各舊本俱作是以。平議云：『是以效之，當作以是效之。效，明也；是，卽指婦人漁者而言；謂厚賞之下，可使人人爲賁，諸以婦人之拾鱸、漁者之握鯁，明之也。荀子正論篇故桀紂無天下，而湯武不弑君，由此效之也。楊注曰：效，明也，與此句法。』

正同，今誤作是以效之。舊注謂此得利忘難之效也，失其解矣。『按作『是以』誤作『以是』自較明，但是字疑爲足字形近而誤，作『足以』文義更明，茲改之。

經四、一聽——一聽，則愚智分；責下，則人臣參。『一』其說在索鄭與吹竽。『二』其患在申子之

以趙紹韓沓爲嘗試。『三』故公子汜議割河東，而應侯謀弛上黨。『四』

校釋 〔一〕分字與參字上，各舊本俱有不字，蓋以不解一聽與責下之義而誤增者。宋本注云：『直聽

一理，不反覆參之，則愚智不分；下之材能，一一責之，則人臣不得參雜。』此注既沿不字之誤，又誤解『一

聽』與參字，絕不可從。補箋云：『分當作紛，廣雅釋詁：紛，亂也；言一一聽之，則智愚不亂也。』此說可勉解

上句，但下句仍不可通，未可從。纂聞以兩不字均爲必字之誤，意是而詞非。翼龍以一字上脫不字，責字上

脫無字，亦意是而詞非。今刪不字，詞意俱明。此謂人主一一而聽，則人臣之愚智可別；人主督責臣下陳言，

則人臣俱行陳言，而可供人主之參合矣。參如參聽、參議之參，在人主爲參聽，在人臣則爲參議。參者，猶謂

人臣言者不僅一人也。八經篇云：『聽不一……則智愚不分；聽不參，則無以責下。』與此意同而詞異。蓋

一爲正說，一爲反說也。此之所以衍不字者，或即緣彼而誤增耳。

〔二〕竽音于，笙類樂器，三十六簧，長四尺二寸。吹竽，索鄭二事，皆一聽責下之例，詳見下傳。

〔三〕趙紹韓沓集解云：『國策作趙卓韓鼂。』嘗試猶言試探也。宋本注云：『申子爲趙請兵，先令趙紹

韓齊嘗韓君，知其意然後說，終成其私也。」

〔四〕河東宋本注云：「韓王欲割河東，以構三國，此非計也，公子汜激君行之。」弛亦作弛，同字。宋本注云：「應侯謀弛上黨，亦非計也，秦王從之。」

經五、詭使。——數見久待而不任，姦則鹿散；〔一〕使人問他，則不鬻私；〔二〕是以龐敬遠公大夫，而戴謹詔視輶車，周主亡玉簪，商太宰論牛矢。〔三〕

校釋 〔一〕鹿散宋本注云：「謂人數見於君，或復久待，雖不任用，外人則謂此得主之意，終不敢爲姦，如鹿之散。」翼壽云：「鹿善散善聚，故以爲喻也。」

〔二〕鬻私宋本注云：「謂使人雖知其所爲，陽若不知，更試以他事，或問之他人，則不敢鬻其私矣。」鬻猶售。」

〔三〕還召還者，詔視使視也。牛矢牛糞也。宋本注云：「龐敬使市者不爲姦，故還公大夫而警之。戴謹欲知奉箭者，更使視輶車。周主故亡玉簪，以求神明之譽也。太宰詭論牛矢，以求聽察之名也。」按龐敬還公大夫爲「數見久待而不任」，卽「疑詔」之例。其餘三事，則爲「使人問他」，卽「詭使」之例。

經六、挾知。——〔一〕挾知而問，則不知者至；〔二〕深知一物，則衆隱皆變；〔三〕其說在昭侯之握一爪也。〔四〕故必審南門而三鄉得；〔五〕周主索曲杖而羣臣懼；〔六〕皮使庶子；〔七〕西門豹佯遺

轄。
〔七〕

校釋

〔一〕本節知字、各舊本俱誤作智。識誤云：『智、讀爲知，下同。』按篇首經文正作知，茲依纂聞、翼

龜一律校改。挾翼龜云：『懷也，藏也。』

〔二〕不知者至宋本注云：『挾己所知，而有所問，則雖不知者，莫不皆知也。』纂聞云：『韓昭侯知南門外黃犢食苗，下令禁之，而昭侯所不知之三鄉，舉而上之，是不知者至也。』

〔三〕深知一物則則字各舊本俱無。宋本注云：『於一物知之能深，則衆隱伏之物，莫不變而露見矣。』注中則字，蓋卽據正文而有者。札記云：『深當作探，物下脫則字。北堂書抄百四十一篇，引本篇西門豹章，未有故探之一物，則衆隱皆挾十字，卽承經文而言。』（今韓子無此十字，蓋偶脫耳。）其文知誤爲之，而探字不誤。下說自韓昭侯以下，皆權謀偵伺之事，故曰深知一物，若作深，則非其惜矣。翼龜云：『深、猶藏也。或曰：深當作探。難言篇：深知人情，深或作探。』按物下宜有則字，茲依札記校補。深字可通，深知一物，謂知一物甚審也。纂聞云：『物、事也。』伴亡爪，審南門，索曲杖，伴亡轄諸事，皆言深知，而非探知也。其可解爲探知者，僅卜皮一事耳。

〔四〕握爪宋本注云：『握爪伴亡，以驗左右之誠。』

〔五〕審字、乾道本脫，茲從迂評本。纂聞云：『審卽上文深知之義。』宋本注云：『必審南門之牛犯苗，而

三鄉之犯者，皆得其情實。」

〔六〕使字，各舊本俱作事。集解云：「事當作使。下文卜皮爲縣令，其御史汙穢而有愛妾，卜皮乃使少庶子佯愛之，以知御史陰情，正作使字，注作使庶子是也。」茲據改。

〔七〕佯字，各舊本俱作詳。識誤云：「說詳作佯，詳佯同字。」茲改爲佯，以便讀。輶車軸端之鍵也。宋本注云：「佯遺其輶，欲取清明之稱也。」

經七倒言。——倒言反事，以嘗所疑，則姦情得。〔一〕故山陽謾穆暨。〔二〕淖齒爲秦使，齊人欲爲亂，子之以白馬，子產離訟者，嗣公過關吏。〔三〕

校釋 〔一〕嘗猶言探也。宋本注云：「倒錯其言，反爲其事，以試其所疑也。」

〔二〕山陽各舊本俱作陽山。識誤云：「陽山當倒，詳後。」茲據乙謾欺也。穆乾道本作撈，茲從迂評本，道藏本纂聞云：「穆姓也，韓有穆留人間訓注暨小使也。」

〔三〕離訟者謂使訟者之兩造隔離，而分別審訊之也。關吏各舊本俱作關市。翼龜云：「市當作吏，」茲據改。

傳一——〔一〕衛靈公之時，彌子瑕有寵，專於衛國。〔二〕侏儒有見於公者，曰：「臣之夢踐矣。」公曰：「何夢？」對曰：「夢見竈，爲見公也。」公怒曰：「吾聞見人主者，夢見日，奚爲見寡人？」

夢見竈？』〔四〕對曰：『夫日兼燭天下，一物不能當也；人君兼燭一國，一人不能塞也。故將見人主者，夢見日。』〔五〕夫竈，一人燭焉，則後人無從見矣。〔六〕今或者一人有湯君者乎？則臣雖夢見竈，不亦可乎！』〔七〕

校釋 〔一〕傳一，乾道本、趙本僅作『一』，趙本於傳後有『右傳』二字，茲從迂評本。以下五篇均倣

此。傳對經言，經在前，傳在後，經言其要旨，傳言其事例。傳亦稱爲說，即所以疏釋經文者。經爲綱要，傳爲說明，猶春秋之有經有傳，亦猶墨辯之有經有說也。翼毳云：『經傳猶後世條目。後人云聖人之書曰經，賢人之書曰傳，本以春秋經傳爲仲尼、丘明之作，故又妄爲是說，不可爲經傳本義也。』儲說各篇之經與傳，是否均出韓子，考見前。

〔二〕彌子瑕衛靈公之幸臣，專擅也。

〔三〕踐字，乾道本誤作賤，茲從迂評本。讀云：『踐，言夢有驗也。』翼毳云：『左傳：亦晉之妖夢是踐。注：踐，厭也。王莽傳注：厭，當也。周語：克厭天心，注：厭，合也。又左傳：筮襲於夢，襲，亦合也。踐，即夢協之義。』

〔四〕日，翼毳云：『詩：柏舟傳：日，君象也。』

〔五〕燭，猶言照也。當猶言蔽也。國字下，乾道本衍人字，茲從迂評本。壅字，各舊本俱作擁。織誤云：『擁，當作壅。』按壅、壅同字，茲據改。宋本注云：『言一物不能蔽日之光，一人不能壅君之明。』

〔六〕煬宋本注云：『一人煬，則蔽竈之光，故後人不見之煬，然也。』集解云：『注之煬當作煬之。』札記云：『說文煬，炙燥也。淮南子俶真訓高注煬，炙也。王說殊誤。』纂聞云：『莊子煬者避竈，釋文煬，音揚。司馬彪云：對火曰煬。淮南子云：富人衣纂錦，貧人煬竈口。』按札記說是。此謂一人當竈而炙，則在後之人，無從見竈火之光矣。

〔七〕一人有宜作有一人煬君喻詞也。宋本注云：『此譏彌子瑕專壅蔽君之明也。』

魯哀公問於孔子曰：『鄙諺曰：莫衆而迷。今寡人舉事，與羣臣慮之，而國愈亂，其故何也？』

孔子對曰：『明主之問臣，一人知之，一人不知也；如是者，明主在上，羣臣直議於下。』今羣臣無不一辭同軌乎季孫者，舉國盡化爲一，君雖問境內之人，猶不免於亂也。』

一曰：〔四〕晏子聘魯，哀公問曰：『語曰：莫三人而迷。今寡人與一國慮之，魯不免於亂，何也？』

〔五〕晏子曰：『古之所謂莫三人而迷者，一人失之，二人得之，三人足以爲衆矣。故曰：莫三人而迷。今魯國之羣臣以千百數，一言於季氏之私人，數非不衆，所言者一人也，安得三哉！』

校釋 〔一〕鄙諺鄙俗之諺也。莫衆而迷，宋本注云：『舉事不與衆謀者，必迷惑。』按此卽『無衆則迷』之意。慮謀慮也。何字乾道本脫，茲從迂評本。

〔二〕一人知之，一人不知，宋本注云：『一人知之，一人不知，則得再三詳議。』按此注未得其解。下一人，

疑爲他人之誤。人臣陳言，常有忌諱。若僅令言者一人知之，而他人不知，則言者可無忌諱，故下文又云：『直議。』直議，卽謂無忌諱而言也。翼彞云：『明主之問臣，使人人各言事，而人人不相通言，君亦不漏其言於他臣，唯君與對者知之耳，故人人不相知也。』

〔三〕一辭同軌。纂聞云：『謂阿比也。』翼彞云：『一辭，謂如出一口也。兩轍之間曰軌。中庸：今天下車同軌，則軌是車廣之度也。言羣臣與季孫行事同跡，猶天下車廣之同度也。』乎與於同義。盡化爲一，謂全國阿比季孫，是全國之人盡變爲季孫一人也。宋本注云：『舉國既化爲一，則不得論其是非也。』猶字下，乾道本衍之人二字，茲從迂評本。

〔四〕一曰。猶言又云也。儲說各篇中間用『一曰』二字以另敘事，其所敘之事與前文略異，而詞較簡明。凡一曰以下之文，是否出於韓子，則有數說：翼彞云：『韓子記異聞也。』識誤云：『按一曰者，劉向校錄時所下校語也，凡本書一曰，皆同例。』按韓子之文，多言簡意賅，而『一曰』之文爲複出，當非韓子所自作，蓋韓子約取他書之詞而附贅於本書之中者也。一曰二字，或如識誤所言，爲劉向所下校語，而一曰二字以下之文，則未必亦出於劉向之彙集也。

〔五〕晏子名嬰，字平仲，相齊尙儉。世傳晏子春秋，蓋後人所假託者。乾道本作晏嬰子，茲從迂評本。哀公集解云：『王潤曰：晏子春秋哀作昭。』莫三人而迷，卽上文莫衆而迷。國語云：『三人爲衆。』

〔六〕一言皆言也，同言也。集解云：『謂衆口同聲也。』按一日以下所言，亦見於晏子春秋內篇問下第十三，但詞有異同。

齊人有謂齊王曰：『河伯，大神也，王何不試與之遇乎？臣請使王遇之。』〔一〕乃爲壇場大水之上，而與王立之焉。有間，大魚動，因曰：『此河伯。』〔二〕

校釋 〔一〕大神，集解云：『御覽八百八十二引大作水。』

〔二〕乃字，趙本、凌本脫，乾道本誤作遇，茲從迂評本、藏本、壇場翼彙云：『壇場也，場祭神道也；上如子在川上之上，濱也。』有間，猶言移時也。以大魚爲河伯，宋本注云：『直信一人言，故有斯弊。』

張儀欲以秦、韓與魏之勢伐齊，荆而惠施欲以齊、荆偃兵，二人爭之。〔一〕羣臣左右皆爲張子言，而以攻齊、荆爲利，而莫爲惠子言。王果聽張子，而以惠子言爲不可。攻齊、荆事已定，惠子入見。王言曰：『先生毋言矣，攻齊、荆之事果利矣，一國盡以爲然。』〔二〕惠子因說：『不可不察也。夫攻齊、荆之事也，誠利，一國盡以爲利，是何智者之衆也！攻齊、荆之事誠不利，一國盡以爲利，何愚者之衆也！』凡謀者，疑也；疑也者，誠疑——以爲可者半，以爲不可半。今一國盡以爲可，是王亡半也。劫王者，因亡其半者也。〔四〕

校釋 〔一〕偃兵，翼彙云：『偃，息也，寢也。戰國有寢兵之說，惠施以是說魏王也。』宋本注云：『以齊、荆

爲援，則秦、韓不敢加兵，故兵可偃也。」按惠、張所爭者，爲魏對齊、楚之和戰問題，張主攻，惠主和，所謂偃兵，卽和也。

〔一〕王言曰之言字，集解以爲衍，但言曰二字連文，在論語中亦有之，如「曾子言曰」是。言曰，卽白話『說道』爲一複詞，非衍也。

〔三〕因說之因字，翼、義纂聞以爲宜作曰，不知說有曰義，因說者，謂就王言而說之也。夫下攻字，各舊本俱無。翼、義云：『夫下脫攻字。』按有攻字是，茲據補。不字下乾道本衍可字，茲從迂評本、藏本。

〔四〕疑宋本注云：『有疑，然後謀。若誠有疑，則半可，半不可。無致疑之人，故亡其半。無人致疑，則大盜得恣其謀，田成、趙高成其篡殺者，無人致疑故也。』按凡事多利害參半，或見其利，或見其害，亦參半。今僅有見其利者，而無見其害者，是謂「亡其半」。劫主謂爲人臣所劫制之主也。此節宜參閱魏策。

叔孫相魯，貴而主斷。〔一〕其所愛者，曰豎牛，亦擅用叔孫之令。叔孫有子，曰壬，豎牛妬而欲殺之。因與壬游於魯君所，魯君賜之玉環，壬拜受之，而不敢佩，使豎牛請之叔孫。豈牛欺之曰：『吾已爲爾請之矣，使爾佩之。』壬因佩之。豈牛因謂叔孫：『何不見壬於君乎？』叔孫曰：『孺子，何足見也。』豈牛曰：『壬固已數見於君矣，君賜之玉環，壬已佩之矣。』〔二〕叔孫召壬見之，而果佩之。叔孫怒而殺壬。〔三〕壬兄曰丙，豈牛又妬而欲殺之。叔孫爲丙鑄鐘，鐘成，丙不敢擊，使豈牛請之叔孫。

豎牛不爲請，又欺之曰：『吾已爲爾請之矣，使爾擊之。』^{〔四〕}叔孫聞之曰：『丙不請而擅擊鐘，』怒而逐之。丙出走齊，居一年，豎牛爲謝叔孫。^{〔五〕}叔孫使豎牛召之，又不召而報之曰：『吾已召之矣。丙怒甚，不肯來。』叔孫大怒，使人殺之。二子已死，叔孫有病，豎牛因獨養之，而去左右，不內人曰：『叔孫不欲聞人聲，』因不食而餓死。^{〔六〕}叔孫已死，豎牛因不發喪也，徙其府庫重寶空之，而奔齊。^{〔七〕}夫聽所信之言，而子父爲人僂，此不參之患也。^{〔八〕}

校釋

〔一〕叔孫魯大夫三家之一，名豹，諡穆子，專擅魯政，故曰「主斷」。纂聞曰：「主其斷制。」

〔二〕豎牛新釋云：「叔孫所宿庚宗婦人所生子也，後爲叔孫小臣，故曰豎牛。」所新釋云：「處也，謂公宮。」豎牛曰三字，乾道本、迂評本無，茲從趙本、凌本。

〔三〕殺壬、仲壬也。左傳云：「逐仲壬奔齊，」與此言殺壬者異聞。

〔四〕已爲迂評本無已字。集解云：乾道本已爲二字作已字。顧廣圻云：「藏本以上有爲字，今本作已爲。」先慎案此與上文吾已爲爾請之矣句法一律，作已爲者是也。御覽五百七十五引正作已爲，茲據改。按乾道本作以字不誤，以與已通，但不應脫爲字耳。

〔五〕丙孟丙也。居一年猶言越一年也。爲謝爲孟丙關說也。此非真爲孟丙關說，乃欲藉之以害孟丙耳。

〔六〕丙讀爲納，不內人，謂不准他人入見也。因字，乾道本脫，茲從迂評本。餓死，乾道本作殺死，茲從迂評

本。

〔七〕集解云：『事見左昭四年傳。』

〔八〕僂與戮通，爲人僂，謂爲豎牛所戮也。不參，謂專聽豎牛之言，而不兼聽他人之言以相參驗也。

江乙爲魏王使荆，謂荆王曰：『臣入王之境，聞王之國俗，曰：君子不蔽人之美，不言人之惡，誠有之乎？』王曰：『有之。』『然則若白公之亂，得無危乎？』『誠得如此，臣免死罪矣。』〔二〕

校釋 〔一〕得字下，乾道本有庶字，茲從迂評本。白公，翼彘云：『然則以下，江乙辭也。白公事，見喻老篇。』

〔纂聞云：』然字上，楚策有江乙曰三字。策注：白公，太子建子勝。哀十六年，建以讒奔鄭，鄭人殺之，勝請伐鄭，子西不從，勝怒殺子西，劫惠王。』宋本注云：『不言人惡，則白公得成其姦謀，故危也。』

〔二〕免死罪，宋本注云：『有惡不言，何罪之有。』

衛嗣公重如耳，愛世姬，而恐其皆因其愛重而壅己也，乃貴薄疑以敵如耳，尊魏姬以耦世姬，曰：『以是相參也。』〔一〕嗣公知欲無壅，而未得其術也。夫不使賤議貴，下必坐上，而必待勢重之鈞也，而後敢相議，則是益樹壅塞之臣也，嗣公之壅乃始。〔二〕

校釋 〔一〕嗣公，各舊本作嗣君，下同。集解云：『君當作公。嗣公，衛平侯之子，秦貶其號爲君。非此書未入秦作，必不從秦所貶爲稱。且上經嗣公欲治不知，不作君，當爲公之誤。荀子王道篇注引此正作公。』按

韓子原文作嗣公，當如集解所說，其所以又作嗣君者，蓋此書在秦時爲秦人所改耳。茲復改爲嗣公，以歸一律。如耳，新釋云：「魏人而仕衛者。外儲說右：如耳說衛嗣公。史記魏世家：如耳見魏君。」世姬識誤云：「荀子注引世作泄，按世泄同字。」纂聞云：「泄，姓也，陳有泄冶。」薄疑纂聞云：「說山訓：薄疑說衛嗣君以王術。」呂氏春秋：衛嗣君欲重稅，薄疑止之。外儲薄疑謂趙簡主，蓋初居趙，後乃事衛。」魏姬集解云：「荀子注作魏妃。」耦纂聞云：「荀注作偶，耦猶敵也。」按耦猶言並也，如論語：長沮、桀溺耦而耕。」以是相參，謂以大臣兩重，后姬並敵之術，使人君得互相參合，而不爲其所壅蔽也。然大臣兩重，后姬並敵，只能使其相爭，不能使其相參，故下文云：「未得其術。」參閱八經，起亂節。

「必坐」，迂評本、凌本作偶，茲從乾道本。「必坐」之所以作偶者，蓋以不解必坐之義，乃以偶字與必同音而易之，又刪坐字耳。集解云：「必字衍文。賤議貴，下坐上，均承上夫不使來坐，即商君告坐之法。不使下坐上者，不使下與上告坐也。」八說篇：明君之道，賤得議貴，下必坐上，不待勢重之鈞也。此與八說相反，故云不使賤議貴，下坐上。凌本不知必字之誤，而改必坐爲偶，得其意而失其真矣。」按賤得議貴，下必坐上，爲法家用人之術，解詳八說篇。不使二字，貫下七字而言，謂不用賤得議貴，下必坐上之術也。此有必字，亦可通，不必刪。宋本注誤，不具引。勢重之鈞，即爲大臣兩重，后姬並敵也。讀云：「勢重，謂威權也。」纂聞云：「鈞，等也。謂無御下之術，而兩用之，使其敵耦，則彼將各立黨以欺主也，爲蔽更甚。」乃始集解云：「言乃自

此始。」

夫矢來有鄉，則積鐵以備一鄉；矢來無鄉，則爲鐵室以盡備之。備之則體不傷。〔一〕故彼以盡備之無傷，此以盡敵之無姦也。〔二〕

校釋 〔一〕鄉，宋本注云：「鄉，方也，有從來之方。」纂聞云：「山曰：孟子出入無時，莫知其鄉。物曰鄉，向同，下一鄉同。」積鐵，宋本注云：「謂聚鐵於身以備一處，卽甲之不全者也。」按積鐵卽謂以鐵聚爲屏蔽，而備矢所從來之一方面，不必強解爲不全之甲。鐵室，宋本注云：「謂甲之全者，自首至足，無不有鐵，故曰鐵室。」按鐵室卽謂以鐵爲室，如此則四面皆有屏蔽，不患矢從任何處來矣。盡敵，宋本注云：「言君亦當盡敵於臣，皆所以防疑，則姦絕也。」迂評注云：「言人臣盡術以欺君，君盡術以備之也。」

龐恭與太子質於邯鄲，〔一〕謂魏王曰：「今一人言市有虎，王信之乎？」曰：「不信。」〔二〕「二人言市有虎，王信之乎？」曰：「不信。」〔三〕「三人言市有虎，王信之乎？」王曰：「寡人信之。」龐恭曰：「夫市之無虎也明矣，然而三人言而成虎。今邯鄲之去魏也遠於市，議臣者過於三人，願王察之。龐恭從邯鄲反，竟不不得見。」〔三〕

校釋 〔一〕龐恭，譌誤云：「魏策恭作恭，姚校云：孫作恭。按恭字是新序亦作恭。下有有龐敬縣令也，當是一人。」纂解云：「事類賦二十引恭作共，古字通用。」太子，纂聞云：「魏策注，魏太子。」邯鄲，戰國、趙都

名。在今河北南部。

〔二〕不信。集解云：『御覽一百九十一，又八百二十七、八百九十一，事類賦二十，引不信二字並作不，下同。』

〔三〕議非議也。反與返同。按『三人言而成虎』與八經篇：『言以多信』互相發明。此節所言，亦見魏策。

傳（二）——董闕于爲趙上地守，〔一〕行石邑山中，見深澗，峭如牆，深百仞，因問其旁鄉，左右人嘗有入此者乎？〔二〕對曰：『無有。』曰：嬰兒、盲聾、狂悖之人，嘗有入此者乎？〔三〕對曰：『無有。』牛馬、犬彘，嘗有入此者乎？〔四〕對曰：『無有。』董闕于喟然太息曰：『吾能治矣。使吾法之無赦，猶入澗之必死也，則人莫之敢犯也，何爲不治？』〔五〕

校釋 〔一〕董闕于翼彙云：『趙簡子臣。』集解云：『藝文類聚九，又五十四，御覽卷六十九，又六百三十八引闕作安，按二字古通，說見難言篇。』上地蓋卽上谷，新釋以上地爲上郡，則非趙地矣。守官名，地方長官也。秦於郡縣設守、監尉三官，趙亦設守，由此可知。

〔二〕行巡行也。石邑，地名，屬上谷。見深澗，集解云：『各本作澗深，今據藝文類聚、御覽引改。』按文選卷三十六注引作深澗，無見字。澗，山谷也。翼彙云：『山夾水也。』峭峻峭也。仞，八尺也。旁鄉，左右旁鄉，謂深澗

之附近地方。左右，謂隨行之人員。集解云：『藝文類聚御覽引無旁字。按文選注引無旁鄉二字，左右下有人字。此皆以不解旁鄉之義而刪削者。』

〔三〕官聾，集解云：『各本官作癡，今據文選、永明九年策秀才文注引改。藝文類聚御覽引官作狂，亦誤。』在悖，猶言癡癲也。文選注引作狂勃，按勃，悖古字通用。

〔四〕牛，集解云：『藝文類聚引牛上重有字。按有當爲日之譌，此脫，上文正有日字，卽其證。藝文類聚上日字，亦作有。』

〔五〕喟然，太息之聲也。法字，乾道本、趙本誤作治，茲從迂評本、藏本、凌本及文選注引。治字下，各舊本俱衍之字。集解云：『盧文弨云：文選注引句上有又字，無之字。先慎按藝文類聚引亦無之字，今據刪。』

子產相鄭，病將死，謂游吉：『一』曰：『我死後，子必用鄭，必以嚴莅人。夫火形嚴，故人鮮灼；水形懦，故人多溺。子必嚴子之刑，無令溺子之懦。』二子產死，游吉不忍行嚴刑。三鄭少年相率爲盜，處於藿澤，將遂以爲亂。四游吉率車騎與戰，一日一夜，僅能尅之。游吉喟然嘆曰：『吾蚤行夫子之教，必不悔至於此矣。』五

校釋 〔一〕游吉，翼彞云：『鄭大夫子太叔。』

〔二〕莅字，迂評本、凌本作蒞，茲從乾道本、趙本。按莅亦作蒞，蒞蒞蒞三字通。翼彞云：『蒞，臨也。論語：不莊

以臨之，則民不敬，注：包曰：不嚴以臨之，則民不敬從其上。』新釋云：「莅，治也。」亦通。形，狀態也。形，儒下之故字。乾道本、趙本、凌本俱脫，茲從迂評本。藏本、刑字。乾道本作形，茲從迂評本。點勘云：「形或作刑，非是，此嚴形即上所謂火形嚴也。」此說亦通。

〔三〕子產上，各舊本俱有故字。拾補云：「故字衍。」茲據刪。不忍行，集解云：「乾道本作不肯。盧文昭云：張、凌本作不忍行。今據改。」按迂評本亦作不忍行。

〔四〕藎，澤有藎之澤也。藏本作藎，誤。翼壽云：「藎，音桓。」拾補云：「今左傳作藎，苻之澤，唐石經初刻，藎作藎，李義山詩：直是滅藎蒲，藎乃藎之省文。」集解云：「詩：小弁，藎葦淠淠，韓詩外傳作藎，是藎爲古文，藎爲今文也。」

〔五〕尅，亦作剋。蚤與早通。夫子即指子產。按此節所言亦見左傳昭二十，但詞有異同。

魯哀公問於仲尼曰：「春秋之記曰：冬十二月，實霜不殺菽，何爲記此？」〔一〕仲尼對曰：「此言可以殺而不殺也。夫宜殺而不殺，桃李冬實，天失道，草木猶犯干之，而況於人君乎！」〔二〕

校釋 〔一〕春秋之記，蓋謂春秋原本。集解云：「此所謂不修春秋也。」實與隕同，降也。霜降則草木凋謝，今不凋謝，故曰「不殺菽」。殺，猶言使之凋謝也。識誤云：「春秋經僖公三十三年菽作草。」集解云：「菽當作草。下文草木猶干犯之，承此而言，明菽爲草之譌。周之十二月，即今之十月，不應有菽，且菽亦不得。」

言可殺也。前經注引正作草，明注所據之本尙未誤。按春秋定元年冬十月隕霜殺菽，與此言殺菽同。菽，豆也，草本，亦可稱曰草，不能以下文有草字，即斷菽字譌。霜使草木凋謝，一如殺然，故曰殺。

〔二〕桃李，迂評本、凌本作梅李，茲從乾道本、趙本。誠誤云：「藏本桃作梅，按春秋經云：李梅實。」冬實冬日結實也。桃李結實，常在春夏之交，今冬日結實，是天時失常矣。人君迂評本、藏本作君人，茲從乾道本、趙本。凌本拾補云：「藏本人君作君人，倒。」宋本注云：「人君失道，人臣凌之者宜。」

殷之法，刑棄灰於街者。〔一〕子貢以爲重，問之仲尼。仲尼曰：「知治之道也。夫棄灰於街，必掩人；掩人，人必怒；怒則鬪，鬪必三族相殘也。〔二〕此殘三族之道也，雖刑之可也。且夫重罰者，人之所惡也；而無棄灰，人之所易也。使人行之所易，而無難其所難，此治之道也。」〔三〕

一曰：殷之法，棄灰於公道者，斷其手。子貢曰：「棄灰之罪輕，斷手之罰重，古人何太毅也？」曰：「無棄灰，所易也；斷手，所惡也。行所易，不關所惡，古人以爲易，故行之。」〔四〕

校釋 〔一〕刑棄灰集解云：「初學記二十引刑字在昔字下。」新釋云：「史記、李斯傳：商君之法，刑棄灰於道者，正義：棄灰於道者，黥也。今違警律有棄灰於街而罰辦之條。」

〔二〕掩人集解云：「初學記引掩作燔。」纂聞云：「正義：掩作燔。」宋本注云：「灰塵播揚，善掩翳人也。」翼說云：「乘其不備而覆之曰掩。韓詩外傳云：將入戶，視必下，不掩人不備也。」按棄灰之灰，蓋謂火灰，而

非灰塵。火灰有燼，足以傷人，故曰掩人。掩字疑當如正義作燼，因形近而誤。燼，燒也。灰燼足以燼人，故人必怒。三族，翼書云：『周禮小宗伯注：三族謂父子孫。』史記秦本紀注：張晏曰：父母兄弟妻子如淳曰：父族母族妻族。三說各異，蓋從鄭說爲是矣。』按三族相殘，猶言家門，謂被燼者之家與棄灰者之家互相殘殺也。

〔三〕重罰。迂評本作重罪，茲從乾道本。行之，集解云：『行，猶去也；之，猶其也。』下公孫鞅章正作去其所易。『札記云：』王說殊誤。上文云：無棄灰者，人之所易也。行其所易，卽指無棄灰言之，其義甚顯，豈得謂去其無棄灰乎？王又引公孫鞅章去其所易爲證，亦非。按彼文云：小過者，人之所易去也，使人去其所易，承小過言之。此文行之所易，承無棄灰言之。語雖相似，而文義自殊，不得以彼例此。』按札記說是。離集解云：『讀爲罹。』道下也。字，乾道本。趙本、凌本俱無，茲從迂評本。

〔四〕穀。宋本注云：『酷也。』不關所惡。集解云：『謂不入斷手之法也。』書大傳：雖禽獸之聲，亦悉關於律。注：關，猶入也。』讀云：『關，由也。』

中山之相，樂池，以車百乘使趙，選其客之有智能者以爲將行，中道而亂。〔一〕樂池曰：『吾以公爲有智能，而使公爲將行，中道而亂，何也？』〔二〕客因辭而去，曰：『公不知治，有威足以服之，而利足以勸之。』故能治之。今臣君之少客也。〔四〕夫從少正長，從賤治貴，而不得操其利害之柄。

而治之，此所以亂也。嘗試使臣：彼之善者，我能以爲卿相；彼不善者，我得以斬其首。何故而不治！

〔五〕

校釋 〔一〕中山，戰國時國名，地在今河北，爲魏所滅。使趙出使趙國也，使讀去聲。

〔二〕智能二字，各舊本俱作智。集解云：『依上文，智下脫能字。』茲據補。

〔三〕兩之字，趙本、凌本作人，茲從迂評本。乾道本、藏本於上之字下衍人字。

〔四〕少客，宋本注云：『言在客之少也。』纂聞云：『少客，猶言下客也。趙策：尊虞商以爲大客，少客，大客之反也。』山曰：少如太宰少宰之少。翼義云：孟嘗君傳所謂客之居下坐者也。

〔五〕從讀云：『自也。』得字，趙本作能，茲從乾道本、迂評本、凌本。識誤云：『藏本同，今本得作能，誤。』

公孫鞅之法也，重輕罪。重罪者，人之所難犯也；而小過者，人之所易去也。使人去其所易，而無離其難，此治之道。〔一〕夫小過不生，大罪不至，是人無罪而亂不生也。〔二〕

一曰公孫鞅曰：『行刑，重其輕者，輕者不至，重者不來，此謂以刑去刑。』〔三〕

校釋 〔一〕重罪二字，乾道本脫，茲從迂評本、趙本、凌本。

〔二〕無罪，宋本注云：『今重輕罪，輕罪易避，故能無罪而不生亂也。』

〔三〕公孫鞅曰以下，見商君書、斬令篇。輕者，指輕罪；重者，指重罪。宋本注云：『不犯輕罪，自然無重罪也。』

『以刑去刑，卽刑期無刑之意，謂重刑可使刑措不用也。』

荆南之地，麗水之中生金，人多竊采金。『一』采金之禁，得而輒辜磔於市，甚衆，壅離其水也，而人竊金不止。『二』夫罪莫重辜磔於市，猶不止者，不必得也。『三』故今有人於此曰：『予汝天下，而殺汝身，』庸人不爲也。『四』夫有天下，大利也，猶不爲者，知必死也。故不必得，則雖辜磔，竊金不止，知必死，雖予之天下，不爲也。『五』

校釋 〔一〕荆南，楚之南部也。麗水，蓋卽今麗江，在雲南麗江縣境內。采，與採同。

〔二〕得而輒，集解云：『得，謂獲其人也。』而，猶則也。輒，卽也。辜，磔也。翼毳云：『周禮掌戮：殺王之親者，事之，注：事之言枯也。』纂聞云：『荀子：斬斷枯磔，注：枯，棄市暴屍也；磔，車裂也。周禮以醢辜祭四方百物，注：謂披磔牲也。或者枯與醢辜義同歟。』壅離二字之義，各家所說不同。宋本注云：『又設防禁遮擁，令人離其水也。』識誤云：『離，讀爲離。』平議云：『此言辜磔其人，而棄尸於水之中流，爲積尸壅遏，遂至分流，是爲壅離其水，極言辜磔者之多也。』札記云：『黃先生云：離，讀爲遮遏之迺，漢鏡歌有壅離章，卽壅離二字之例，諸說皆失之。』翼毳云：『壅離，謂刑屍甚多，壅闕水流，而附離岸際也。』按壅字或當如宋本注作擁，故以遮擁解之。果如此，則擁離當從札記所說，卽遮迺，謂遮斷人行，使其不得入水采金也。

〔三〕不必得，宋本注云：『言犯罪者不必一一皆得，而有免脫者，則人幸其免脫而輕犯重罪。』

〔四〕人字各舊本俱無，茲從纂聞、翼龜補。纂聞云：「從山氏補人字，予與通。」山曰：「又見呂氏春秋。」

〔五〕死字下也字，各舊本在下文不得下，按依文義宜乙於上，茲乙之。雖予之三字，乾道本起本作則，茲

從迂評本、凌本。

魯人燒積澤，天北風，火南倚，恐燒國，哀公懼，自將衆，趣救火。〔一〕左右無人，盡逐獸，而火不救。

乃召問仲尼，仲尼曰：「夫逐獸者樂而無罰，救火者苦而無賞，此火之所以無救也。」哀公曰：「善。」

仲尼曰：「事急，不及以賞。〔二〕救火者盡賞之，則國不足以賞於人，請徒行罰。」〔三〕哀公曰：「善。」

是仲尼乃下令曰：「不救火者，比降北之罪；逐獸者，比入禁之罪。」令下未遍，而火已救矣。〔四〕

校釋 〔一〕燒纂聞云：「管子齊之北澤燒火，注：獵而行火曰燒。」倚宋本注云：「火勢南靡，故曰倚也。」

〔二〕國翼龜云：「謂城郭也。周禮注：國中、城郭中也。」將讀去聲，率也。趣，乾道本誤作輒，茲從迂評本、起本、凌

本。趣與趨同。火字下，各舊本俱有者字。平議云：「者字衍文，因下文三言救火者，而衍。」集解云：「藝文類

聚八十，御覽八百六十九，初學記二十，引無者字，今據刪。」

〔三〕無救翼龜云：「藝文類聚無作不。」以賞猶言用賞也。集解云：「事急不及以賞，謂事急不及與賞

也。詩：江有汜，擊鼓桑采，饒禮鄉射禮，大射儀箋注並云：以猶與也。藝文類聚：御覽引賞作罰，是不知以有與

義而妄改。下文請徒行罰，則此何得謂事急不及以罰乎？」

〔三〕賞於之賞字、趙本誤作當，茲從乾道本、迂評本、徒、僂也，與「徒法而無術」之徒字同義，迂評釋爲空，誤。罰字、各舊本俱作賞。集解云：「顧廣圻云：賞當依馮氏舒校改作罰。先慎案藝文類聚、御覽引並作請徒行罰，今據改。」

〔四〕比猶言援照也。入禁新釋云：「君所居者曰禁。」翼龜云：「周禮、山虞使民之民守其厲禁，又云：春秋之斬木，不入禁，注禁者虞衡守禽之厲禁也。」令下未遍集解云：「趙本作令未下遍，藝文類聚、初學記引正作令下未遍。」翼龜云：「事文類集、淵鑑類函作令下未遍。」按乾道本、迂評本、凌本俱作令下未遍，遍與徧同。

成驢謂齊王曰：「王太仁，太不忍人。」王曰：「太仁，太不忍人，非善名也。」對曰：「此人臣之善也，非人主之所行也。夫人臣必仁而後可與謀，不忍人而後可與近也；不仁則不可與謀，忍人則不可與近也。」王曰：「然則寡人安所太仁，安所不忍人？」對曰：「王太仁於薛公，而太不忍於諸田。」太仁薛公，則大臣無重；太不忍諸田，則父兄犯法。〔四〕大臣無重，則兵弱於外；父兄犯法，則政亂於內；兵弱於外，政亂於內，此亡國之本也。」

校釋 〔一〕成驢，誠誤云：「荀子、解蔽篇楊注引此成作戴，云蓋爲唐缺所逐奔之齊也，今按此非一人，楊說附會，失之也。」

〔二〕安所猶言何處也。下安所之所字，各舊本俱無，惟杭州四庫本有。集解云：『王渭曰：安下當有所字，』茲據補。

〔三〕薛公翼義云：『孟嘗君之父，靖郭君田嬰也，齊湣王三年封於薛。』諸田田齊之宗室也。

〔四〕無重宋本注云：『太仁，則縱之驕奢，不修德義，衆必輕之，故威不得重也。』集解云：『此謂齊王不裁抑薛公，則大臣得無重乎！無猶得無也，古書多如此。』士喪禮、筮宅辭曰：『無有後艱。』鄭注得無後有艱難乎！又卜葬日辭曰：『無有近悔。』鄭注得無近於咎悔乎！是其證。韓子一書皆不欲大臣重於君，故孤憤一篇，則曰：『人主愈弊，大臣愈重；再則曰：人主壅蔽，大臣專權；權即重也。』（說見說難篇）又曰：『萬乘之患，大臣太重，此即其義。』注謂威不得重，失其旨矣。下文云：『大臣無重，則兵弱於外者，即八姦篇所謂爲人臣者虛其國以事大國，而用其威，求誘其君，甚則舉兵以聚邊境，而制斂於內，薄者數納大使以震其君，使之恐懼之意。』按無重之無字，與無敵之無字同義；無重即莫重於此者，極言其權之重也。纂聞、翼義、新釋於此均誤，不具引，惟集解所說，庶乎近之耳。

魏惠王謂卜皮曰：『子聞寡人之聲聞亦何如焉？』〔一〕對曰：『臣聞王之慈惠也。』王欣然喜曰：『然則功且安至？』對曰：『王之功至於亡。』〔二〕王曰：『慈惠行善也，行之而亡，何也？』卜皮對曰：『夫慈者不忍，而惠者好與也。不忍，則不誅有過；好予，則不待有功而賞。有過不罪，無功受

賞雖亡不亦可乎」〔三〕

校釋 〔一〕惠王翼義云：「武侯之子，名懿。」卜皮新釋云：「魏臣，蓋子夏之後，下云卜皮爲縣令。」集

解云：「卜字，今局本均作十，誤。」聲聞迂評本，藏本作聲問，茲從乾道本。按問聞通，聲聞，卽聲譽也。

〔二〕且新釋云：「將也。」

〔三〕亡，翼聞云：「刑賞俱濫，招亡之道。」

齊國好厚葬，布帛盡於衣衾，材木盡於棺槨。〔一〕桓公患之，以告管仲曰：「布帛盡則無以爲幣，材木盡則無以爲守備，而人厚葬之不休，禁之奈何？」〔二〕管仲對曰：「凡人之有爲也，非名之則利之也。」〔三〕於是乃下令曰：「棺槨過度者戮其尸，罪夫當喪者。」〔四〕夫戮尸無名，罪當喪者無利，人何故爲之也！〔五〕

校釋 〔一〕衣衾翼義云：「孔安國孝經注，衣卽斂衣，衾被也。」棺槨亦作棺槨，斂尸爲棺，外棺爲槨。

〔二〕幣字，各舊本俱作蔽，茲從集解校改。集解云：「御覽五百五十五，又六百四十一，八百二十引並作幣，茲據改。」翼義云：「淵鑑類函葬條蔽作幣，是。」但仍依舊本作蔽，亦可通。讀云：「帝維之屬，軍中以遮敵望者。」纂聞云：「管子一馬，其甲七，其蔽五，注蔽，所以捍車馬也。」

〔三〕非名之則利之讀云：「謂非以此爲名，則以此爲利也。」

〔四〕當喪者，即主喪者，謂理喪之人也。纂聞云：『物曰：謂喪主也。』山曰：當，當通，甘泉賦：伏鈞陳使當兵。掌喪者，相喪禮者。新釋云：『當喪者，適子也。』

〔五〕戮尸，各舊本俱作戮死。翼義云：『死當作屍，古尸字似，故誤耳。』纂聞云：『尸，元作死，從山氏正。』按依上文『戮其尸』，此亦當作尸，茲據改。

衛嗣公之時，有胥靡逃之魏，因爲襄王之后治病。〔一〕衛嗣公聞之，使人以五十金買之，五反而魏王不予，乃以左氏易之。〔二〕羣臣左右曰：『夫以一都買一胥靡，可乎？』〔三〕公曰：『非子之所知也。夫治無小而亂無大，法不立而誅不必，雖有十左氏無益也；法立而誅必，雖失十左氏無害也。』〔四〕魏王聞之曰：『主欲治而不聽之，不祥。』因載而往，徒獻之。〔五〕

校釋 〔一〕嗣公，各舊本作嗣君，下同。集解云：『君當從經作公，說見上。』茲據改。襄王之后，宋本注云：『魏襄王之后也。』翼義云：『襄王，惠王之子，名嗣。』

〔二〕五反，猶言往返五次也。左氏、宋本注云：『都，邑名也。』

〔三〕一胥靡之一字，乾道本、趙本、凌本俱無，茲從迂評本。集解云：『盧文弨云：藏本有。先慎案：策作贖一胥靡，是有一字是，今據增。』

〔四〕公曰之公字，各舊本作王。識誤云：『王當從宋衛策作君。』茲依前例亦改爲公，以歸一律。嗣公未

嘗稱至，故不得以王稱之。治無小而亂無大。宋本注云：『若不治小者，則大亂起也。』讀云：謂治法不以小忽之，則無大亂。『纂聞云：』山曰：虞書：宥過無大，刑故無小。商書：爾惟德罔小，萬邦惟懷；爾惟否德罔大，墜厥宗。』按治無小，謂求治不可忽略小處也；亂無大，謂亂事非必起於大處也。此二語用詞雖異，而命意則同也。不必宋本注云：『當誅而不誅，故曰不必也。』

〔五〕徒獻宋本注云：『徒獻胥靡，不取都金。』

傳（三）齊王問於文子曰：『治國何如？』對曰：『夫賞罰之爲道，利器也。君固握之，不可以示人。若如臣者，猶獸鹿也，唯薦草而就。』〔一〕

校釋 〔一〕若如猶言至如，集解以『若如同義，如字涉上文而衍。』未可從。獸鹿，翼壽云：『鹿也，先云獸，後云鹿，如蟲蟻、鳥鳥，更無意義。』薦草，宋本注云：『獸鹿就薦草，人臣歸厚祿，故賞罰之利器，不可示人也。』纂聞云：『管子：薦草多衍，則六畜易繁也。注薦，茂草也。音子見反。莊子：麋鹿食薦，注稠草也。』

越王問於大夫種曰：『吾欲伐吳，可乎？』〔二〕對曰：『可矣。吾賞厚而信，罰嚴而必。君欲知之，何不試焚宮室？』〔三〕於是遂焚宮室，人莫救之。乃下令曰：『人之救火者，死，比死敵之賞；救火而不死者，比勝敵之賞；不救火者，比降北之罪。』〔四〕人之塗其體，被濡衣而赴火者，左三千人，右三
人，此知必勝之勢也。〔四〕

校釋 「一」種纂聞云：「吳越春秋、大夫種、姓文、名種、字子禽。」集解云：「乾道本種上有文字。盧文弨云：『凌本無文字。先慎案藝文類聚五十四、又八十、御覽六百三十八引無文字，今據刪。』按文字，趙本有，迂評本無。」

「二」知字，乾道本脫，茲從迂評本藏本，凌本、趙本。

「三」者死二字，各舊本多連讀。集解云：「者死當作死者。」纂聞、翼義均作死者，蓋從事文類集而改。按此死字宜屬下讀，義可通，不必乙降。北集解云：「趙本作北降，誤倒。」

「四」『人之』之字，集解云：「各本無，據藝文類聚引增。」塗其體謂以防火傷之藥水塗抹其體也。濡衣猶今救火衣，所以防水溼者。赴字，乾道本、趙本作走，茲從迂評本、凌本。

吳起爲魏武侯西河之守，秦有小亭臨境，吳起欲攻之，不去則甚害田者，去之則不足以徵甲兵。於是乃倚一車轅於北門之外，而令之曰：「有能徙此於南門之外者，賜之上田上宅。」人莫之徙也。及有徙之者，還賜之如令。俄又置一石赤菽於東門之外，而令之曰：「有能徙此於西門之外者，賜之如初。」人爭徙之。乃下令曰：「明日且攻亭，有能先登者，仕之國大夫，賜之上田上宅。」人爭趨之。於是攻亭，一朝而拔之。

校釋 「一」小亭，翼義云：「亭，塞上微亭。說文：『塞上亭，守烽火者也。』大學衍義補云：『班史武紀所謂城』」

障列亭，匈奴傳所謂建塞微起亭隧，是乃古人候望之所，今世所謂營堡墩臺之類也。害田者，宋本注云：『言小亭能爲田者害，故當去之。』甲兵，拾補云：『藏本倒。』按迂評本亦倒，茲從乾道本。翼彘云：『秦亭小，故不足起國中卒。』

〔二〕此於之於字，各舊本俱無。纂聞云：『從山氏補於字，』茲從之。還字，集解改爲遂，云：『各本遂作還。御覽二百九十六，六百三十八引還作遂，今據改。』按還，猶言速也，卽也。漢書董仲舒傳云：『此皆可使還至而立效者也，』卽其證。作還字是，不必改爲遂。

〔三〕菽於之於字，集解云：『各本無。按與上文倚一車轅於北門之外，文法一律，此脫於字，御覽引有，茲據補。』

〔四〕令字下，各舊本俱有大夫二字。集解云：『此涉下文而衍。御覽二百九十六及七百七十五、八百四十二，初學記二十七引並無二字，今據刪。』國大夫，翼彘云：『史記樊噲傳：賜爵國大夫，正義曰：爵第六級也。呂氏春秋有此語，國大夫作長大夫，注：長大夫，上大夫也。按周禮載師公邑注云：其上大夫如州長，然則國大夫乃公邑大夫，如州長耳。』上宅之上字，各舊本俱無。集解云：『按上文有能徙此南門之外者，賜之上田上宅，句法一律，此不當省。御覽事類賦引並有上字，今據補。』

李悝爲魏文侯上地之守，而欲人之善射也，乃下令曰：『人之有狐疑之訟者，令之射的中之。』

者勝，不中者負。』〔二〕令下，而人皆疾習射，日夜不休，及與秦人戰，大敗之，以人之善射也。〔三〕

校釋 〔一〕狐疑，新釋云：『謂難決之訟。』翼彙云：『漢書注：師古曰：狐之爲獸，其性多疑，每涉冰河，且聽且渡，故言疑者而稱狐疑。』的，宋本注云：『所射質。』中，讀去聲。

〔二〕疾，集解云：『讀爲亟。』善射，各舊本作善戰射。識誤云：『戰射當作善射。』集解云：『按戰字涉上文而誤衍，藝文類聚引無戰字，今據刪。』翼彙云：『善戰聲近，疑戰字誤衍。』

宋崇門之巷人，服喪而毀甚瘠，上以爲慈愛於親，舉以爲官師。〔一〕明年，人之所以毀死者，歲十餘人。子之服親喪者，爲愛之也，而尙可以賞勸也，況君上之於民乎！〔二〕

校釋 〔一〕上，讀云：『指宋君。』官師，古中士下士之別稱。翼彙云：『漢書賈誼上疏云：古者內有公卿大夫，外有公侯伯子男，然後有官師小史，延及小人。穆天子傳：百嬖人官師，注：官師，羣士號也。禮記云：官師一廟。莊子：外物篇云：演門有親死者，以善毀爵爲官師，其黨人毀而死者半。』

〔二〕歲，猶言一年也。所以之所字，疑衍。

越王慮伐吳，欲人之輕死也，出見怒龍，乃爲之式。〔一〕從者曰：『奚敬於此？』王曰：『爲其有成也。』〔二〕明年，人之請以頭獻王者，歲十餘人。〔三〕由此觀之，譽之足以勸人矣。〔四〕

一日：越王句踐見怒龍而式之，御者曰：『何爲式？』王曰：『龍有氣如此，可無爲式乎！』士人

聞之曰：『鼃有氣，王猶爲式，況士人之有勇者乎？』^{〔五〕}是歲，人有自剄死，以其頭獻者。故越王將復吳而試其教，燔臺而鼓之，使民赴火者，賞在火也；臨江而鼓之，使人赴水者，賞在水也；臨戰而鼓之，使人絕頭刳腹而無顧心者，賞在兵也。^{〔六〕}又況據法而進賢，其功甚此矣。^{〔七〕}

校釋 〔一〕[△]慮宋本注云：『謀也。』

〔二〕[△]氣怒氣也。集解云：『御覽九百四十九引氣作勇誤，下文正作氣。』

〔三〕[△]人之二字。趙本凌本無，乾道本、迂評本僅有之字。按上節『人之所以毀死者』與此句法同，之上當脫人字，茲據補。

〔四〕[△]譽宋本注云：『譽於勇，則人以頭獻。』集解云：『乾道本譽作毀。顧廣圻云：藏本、今本毀作譽，按當作敬，形近之誤，上文云奚敬於此。先慎案顧說非也。毀乃譽之譌，注不誤。御覽四百三十七引正作譽，茲據正。』按迂評本、趙本、凌本俱作譽，式即所以譽也。勸人乾道本、趙本、凌本作殺人，茲從迂評本。

〔五〕[△]況字下士字。趙本作於，茲從乾道本、迂評本。人下之字，乾道本、趙本、凌本無，茲從藏本、迂評本。

〔六〕[△]越字。乾道本誤作日，吳字又誤作吾，茲從迂評本。復翼龜云：『報也，將報會稽之怨。』試其教謂考驗其所教訓之成效如何也。墨子兼愛下云：『越王句踐好勇，教其士臣三年，以其知爲未足以知之也，焚舟失火，鼓而進之，其士偃前列，伏水火而死，有不可勝數也。』由此可知越王所教者，爲好勇也。鼓之猶言

令之前進也。古者行軍，進則擊鼓，退則擊金以爲號也。臨戰而鼓之之鼓之二字，各舊本俱無，翼叢云：『而下脫鼓之二字。』按依上文當有，茲據補。列音枯，剖也。

〔七〕功字，各舊本俱作助。識誤云：『助當作勸。』按助字當爲功字，以形近而誤，茲改之。

韓昭侯使人藏弊袴，侍者曰：『君亦不仁矣。弊袴不以賜左右而藏之。』〔一〕昭侯曰：『非子之所知也。吾聞之，明主愛一嘖一笑，嘖有爲嘖，而笑有爲笑。』〔二〕今夫袴，豈特嘖笑哉！袴之與嘖笑，相去遠矣，吾必待有功者，故藏之未有予也。』〔三〕

校釋 〔一〕不仁，翼叢云：『謂恠於財也。陽虎曰：爲仁不富；孫子云：愛爵祿百金，不知敵之情者，不仁之至也；皆鄙恠意也。仁字有與鄙字對言者，如董仲舒傳云：或仁或鄙。』

〔二〕之字，各舊本俱在主字下。纂聞云：『山曰：之字宜在聞下。』茲據乙愛愛惜也。嘖，新釋云：『同顰，蹙也。』翼叢云：『嘖笑，喜怒之小者，喜怒賞罰之小者，明主慎之，不妄爲也。』

〔三〕特猶言僅也。宋本注云：『嘖笑，尙不安爲，况弊袴豈可以無功而與乎？』相去二字，集解云：『各本無，今據御覽三百九十二、六百三十三引補。』藏，各舊本作收藏。集解云：『御覽無收字，今據刪。』

鱸似蛇，蠶似蠋。〔一〕人見鱸則驚駭，見蠋則毛起。〔二〕然而婦人拾蠶，漁人握鱸，利之所在，則忘其所惡，皆爲責諸。〔三〕

校釋 「一」蠋音蠋，害蟲。纂聞云：『郭璞云：蠋似蠶，大如指。』拾補云：『已見前，說林下篇此重出。』集解云：『此條見之於經，說林誤重。』

「二」毛起翼蠶云：『悚然毛豎也。』按人當驚駭時，則膚毛爲之而起，毛起猶言毛骨悚然也。

「三」賁諸各舊本多作孟賁。集解云：『按經及說林下篇並作賁諸，明孟賁爲賁諸之誤，今依張榜本改。』御覽八百二十五、九百三十三引正作賁諸。茲從之。宋本注云：『鱣蠶有利，故人握拾，皆有賁諸之勇。』

傳（四）——魏王謂鄭王曰：『始鄭、梁，一國也，已而別，今願復得鄭而合之梁。』「一」鄭君患之，召羣臣而與之謀，所以對魏。鄭公子謂鄭君曰：『此甚易應也。君對魏曰：以鄭爲故魏而可合也，則弊邑亦願得梁而合之鄭。』魏王乃止。「二」

校釋 「一」鄭、梁，纂聞云：『秦策注：新鄭、滎陽是時已爲韓，策凡言鄭者，韓也。魏都大梁，因稱梁。』已而別猶言既而分爲二國也。

「二」對新釋云：『答也。』按應亦答也。故魏舊魏也，謂鄭舊屬於魏也。弊邑之弊與敵通。

齊宣王使人吹竽，必三百人。南郭處士請爲王吹竽，宣王說之。「一」廩食以數百人。「二」宣王死，湣王立，好一一聽之，處士逃。

一日韓昭侯曰：『吹竽者衆，吾無以知其善者。』田嚴對曰：『一一而聽之。』「三」

校釋 「一」宜王翼云：『威王之子，名辟疆，令吹竽之時，必三百人共之。』南郭處士新釋云：『處士皆居南郭，而以南郭爲姓。左宣十七傳有南郭偃，哀六傳有南郭且于，荀子法行有南郭惠子，皆齊人也。』說讀爲悅。

「二」廩食以數百人集解云：『御覽五百八十一引作粟食與三百人等，北堂書抄一百十引與此同。』新釋云：『文選注引作粟食與三百人等。此廩食爲給祿，以同似，類也等也。』按廩食，謂由官廩供食也；以與已通。廩食以數百人，謂吹竽之人由官廩供食者已數百人，與南郭處士句別爲一句。文選注及御覽作『粟食與三百人等』者，蓋將上下二分句合爲一句，遂不得不加改易耳。新釋所說未可從。佩文韻府改以爲比，淵鑑類函更大爲改易字句，均由以兩句合爲一句，又不知以與已通而誤。

「三」田嚴集解云：『御覽引嚴作嚴。』翼云：『事文類集云：田嚴使一一吹之，乃知其濫也。』按成語所謂『濫竽充數』，蓋出於此。

趙令人因申子於韓請兵，將以攻魏。申子欲言之君，而恐君之疑已外市也，不則恐惡於趙。令趙紹韓沓賞試君之動貌而後言之，內則知昭侯之意，外則有得趙之功。二

校釋 「一」疑字上，乾道本趙本衍欲字，茲從迂評本。集解云：『盧文昭云：下欲字，張本凌本皆無，今據刪。』外市宋本注云：『爲外請兵，取其貨利，故曰市。』不新釋云：『否也。』惡讀去聲，纂聞云：『謂失趙之』

交也。」

〔二〕動貌。宋本注云：「許否之貌，必有變動，可得而知，故曰動貌。」按動貌，猶言意態也。得趙聞云：「謂得趙意，與之交善也。」

三國兵至函，秦王〔一〕謂樓緩曰：「三國之兵深矣，寡人欲割河東而講，何如？」〔二〕王召公子汜，割河東，大費也，免國於患，大功也。此父兄之任也。王何不召公子汜而問焉？〔三〕王召公子汜而告之，對曰：「講亦悔，不講亦悔。王今割河東而講，三國歸，王必曰：三國固且去矣，吾特以三城送之。」〔四〕不講，三國也入函，則國必大舉矣，王必大悔曰：不獻三城也。〔五〕臣故曰王講亦悔，不講亦悔。王曰：「爲我悔也，寧亡三城而悔，無危乃悔，寡人斷講矣。」〔六〕

校釋 〔一〕三國翼彙云：「齊、魏、韓也。」兵字，乾道本脫，茲從迂許本。趙本凌本函字，各舊本俱作韓，秦字，各舊本無。拾補云：「此見秦策，三國攻秦，入函谷，秦王謂樓緩曰云云，下公子汜作公子池。」識誤云：「藏本、今本、國下有兵字。此韓即函之譌，又脫谷字耳。下文亦當云三國人函谷。王上當依策有秦字。集解云：『顧說是。張本自三國以下均脫。』新釋云：『此韓同函，即秦策之函谷。秦策：東有肴，函之固，則函谷之單稱函者。』按韓字當如識誤所說爲函之譌，因聲同而誤。函，即函谷之簡稱，不必補谷字。韓字既應爲函字，則又當如識誤所說補一秦字，以明王爲何人。翼彙云：『戰國策：韓王作秦王是也。』史記田敬仲世家云：『

王二十六年，齊與韓、魏共攻秦，入函谷關焉。二十八年，秦與韓、魏河外以和。又秦世家：昭襄王十年，樓緩爲丞相；十一年，齊、韓、魏、趙、宋、中山五國共攻秦，至鹽氏而還。秦與韓、魏河外及封陵以和。十二年，樓緩免。魏世家：哀王二十三年，秦復與我河外及封陵以和。魏哀王二十三年，韓襄王十六年，是秦昭王十一年也。據是，則非韓王明矣。」

〔二〕河東，纂聞云：「策注：大河之東，非地名。」講，纂聞云：「策、吳注、講、媯同。」集解云：「策、高注、講成也。按春秋時人謂之成，戰國時人謂之講，其義一也。春秋時多背成，戰國時多反復，皆事後變計，不可謂講字本有是義。說文：講，和解也。」

〔三〕父兄，即指公族。割地講和，此乃大事，宜由公族議之，故曰「父兄之任。」

〔四〕特，宋本注云：「三國自去，又與之城，是徒以三城爲送，此悔之辭。」

〔五〕函字，各舊本俱誤作韓，識誤云：「策作三國入函谷，咸陽必危。」按韓當作函，說見前。大悔字下，乾道本、趙本有王字。拾補云：「王字衍。」識誤云：「王當作之。」按迂評本，凌本無王字，是茲從之。

〔六〕爲，纂聞云：「猶若也。如列子：說符篇：爲我死，王必封汝。呂氏春秋：長見篇：爲不能聽，字法同。下篇：爲近王，必掩口，亦然。」三城，纂聞云：「武遂與韓，封陵與魏，齊城與齊。武遂、封陵在河東，齊城無考。」悔，無二字，各舊本作無悔。拾補云：「無悔，舊倒譌。」集解云：「策作無危，咸陽而悔也。」茲依策校乙。斷講，策作決。

講。宋本注云：『言講事斷定。』

應侯謂秦王曰：『王得宛、葉、藍田、陽夏，斷河內，困梁、鄭，所以未王者，趙未服也。』^{〔一〕}弛上黨兵，而以臨東陽，則邯鄲口中虱也。^{〔二〕}王拱而朝天下，後者以兵中之。^{〔三〕}然上黨之安樂，其處甚劇，臣恐弛之而不聽，奈何？^{〔四〕}王曰：『必弛易之矣。』^{〔五〕}

校釋

『^{〔一〕}應侯新釋云：『范雎也，因封應，故號應侯。』宛、葉、藍田、陽夏，翼彘云：『史記穰侯傳秦昭王

十五年，取楚之宛、葉、藍田、陽夏，皆楚地。』斷河內，猶言截取河內也。翼彘云：『穰侯傳秦拔魏之河內。』梁、鄭，卽魏、韓，說見前。

『^{〔二〕}弛上黨兵而五字，各舊本原作『弛上黨，在一而已』六字。宋本注云：『廢上黨，棄一郡而已。』是『以弛』爲廢棄，『在一』爲一郡。纂聞云：『兵字，元作在一二字，字形似而誤分也。已以音同，遂衍已字，或不知已以通用，而妄剩以字也。弛，弛同，下文作弛易。荀子：『境內之事，有弛易齟差者矣。』弛，移通。按秦敗長平之軍，取上黨，發兵守之，應侯意欲移易其戍兵，以臨置之於東陽也。東陽，趙地，見初見秦。山曰：爾雅，矢弛矣。弛，易也。弛，蓋移徙之義。』翼彘云：『在一，疑有誤。舊說以棄一郡解在一，恐未是也。蓋似言願移圍上黨之兵，休士卒矣。而已二字下屬，已字誤衍。』按纂聞說是，茲據改。邯鄲，翼彘云：『趙都。』口中虱，宋本注云：『以守上黨之兵臨東陽，則邯鄲危如口中虱也。』纂聞云：『謂可一齧而盡也。』

〔三〕拱^{△△}集解云：「拱手也。」按此謂以兵臨東陽，則諸侯來朝，只須拱手應之，不必多戰力也。後者謂云：「後至者。」按此謂來朝之後至者。中讀去聲。宋本注云：「傷也。」

〔四〕其處^{△△△△}其劇宋本注云：「今上黨既安樂，而其處又煩劇，雖欲弛之，恐王不聽。」翼毳云：「其處二字，與甚劇字相似，疑誤衍。左傳行者甚衆，釋文甚本作其。史孟荀傳：劇子之言，應邵注作處子，是此二字古書往往相誤矣。」

〔五〕弛^{△△}易宋本注云：「謂移易其兵，以臨東陽，吾斷定矣。」翼毳云：「白起傳：武安君坑趙降卒四十萬人，趙人大震，明年韓趙恐，使蘇代厚幣說秦相應侯。於是應侯言於秦王曰：請許韓趙之割地以和，且休士卒，王聽之，割韓垣雍、趙六城以和。即是時事也。應侯受蘇代之賂，聽韓趙之請，因為韓趙游說，欲移易守上黨之兵，以緩韓趙之患也，而特以臨東陽為辭耳。」

傳（五）——龐敬，縣令也。遣市者行，而召公大夫而還之，立有間，無以詔之，卒遣行。〔一〕市者以爲令與公大夫有言，不相信，以至無姦。〔二〕

校釋 〔一〕龐敬新釋云：即上龐恭。市者猶今言採買。公大夫宋本注云：「亦遣爲市。」纂聞云：「市者，治市衆小吏也。公大夫，市者之長也。」翼毳云：「市者，治市有司也。公大夫，州長縣正之比。後漢書注：商君爲秦制爵二十級，七公大夫。傅子曰：公大夫，領行伍兵。」新釋云：「市者，市褚，市官，行巡也。公大夫，市官長。」

也，周禮地官有司市下大夫二人。』有字，乾道本、迂評本作以，茲從趙本、凌本、卒終也。宋本注云：『不命，卒遺去，俱不測其由也。』

〔二〕令縣令也。市者疑縣令使公大夫監察之，因不敢爲姦也。

戴驩、宋太宰，夜使人曰：『吾聞數夜有乘輜車至李史門者，謹爲我伺之。』使人報曰：『不見輜車，見有奉筭而與李史語者，有間，李史受筭。』〔三〕

校釋 〔一〕太宰，官名，總兼六官，爲天官之長，卽宰相或丞相也。輜車，拾補云：『荀子解蔽篇注引輜作輜，下同，伺作司，古字。』纂聞云：『車之有衣蔽者。』新釋云：『說文輜，臥車也。後以載喪，因爲喪車之稱。』李史，李理字古通，皋陶之後，世爲大理，以官命族爲理氏，亦作李氏。新釋云：『李史，治獄官也。管子法法：皋陶爲李。鵠冠子：王鈇治不踰官，使史李不誤，公布爲平，生者不喜，死者不怨。』

〔二〕奏筭，奉持也。筭，翼彘云：『說文，飯及衣之器也。曲禮云：凡以弓劍苞苴筭簞問人者。』按奉筭，猶言行賄也。宋本注云：『遺伺輜車，實伺奉筭，本令伺奉筭，彼當易其辭。』

周主亡玉簪，令吏求之，三日不能得也。周主令人求，而得之家人之屋間。周主曰：『吾知吏之不事事也，求簪三日不得之，吾令人求之，不移日而得之。』〔二〕於是吏皆聳懼，以君爲神明也。〔三〕

校釋 〔一〕知字，乾道本誤作之，茲從迂評本。事，宋本注云：『不事於臣之事也。』按下事字爲名詞，

上事字爲動詞。翼霏云：『呂氏春秋注：事治也；周禮注：事任也。』此卽上事字之義。不移曰謂不踰一日也。
 〔二〕驚懼。凌本作悚懼，茲從乾道本。迂評本：驚懼猶言驚畏也。君爲二字，各舊本作爲君纂聞云：『從山氏正，』茲據乙。

商太宰使少庶子之市，顧反而問之曰：『何見於市？』對曰：『無見也。』〔一〕太宰曰：『雖然，何見也？』對曰：『市南門之外甚衆牛車，僅可以行耳。』太宰因誡使者：『無敢告人吾所問於女。』因召市吏而誚之曰：『市門之外，何多牛屎？』〔二〕市吏甚怪太宰知之疾也，乃悚懼其所也。〔三〕

校釋 〔一〕商太宰，識誤云：『上文云戴驢，宋太宰，六微篇同，說林下篇：宋太宰貴而主斷，與此皆一人商宋也。』少庶子，纂聞云：『策高注：少庶子，官名。』顧反顧，乃也；反與返同，謂於其由市而返之時乃問之也。

〔二〕女與汝同，誚譏誚也。牛屎，集解云：『屎，經作矢是也，御覽八百二十七引正作矢。』傳校云：『屎之本字爲齒，屎矢皆齒之借字也。』

〔三〕所，集解云：『悚懼其所，卽悚懼其知也。下文吏以昭侯爲明察，皆悚懼其所，卽悚懼其明察也。所字卽承上爲義。禮記：哀公問：今之君子，午其衆以伐有道，求得當欲，不以其所；鄭注：所，道也。孔疏：言不以道而侵民，求其所得，必須稱己所欲，不用其養民之道。是句末所字，承上文爲義之證。』翼霏云：『其所，猶言己也。』

分位也。孟子云：「得其所哉！」呂氏春秋云：「四蛇得其所。」莊子說劍篇云：「劍士皆服斃其處也。」按關西方言以致力於一事爲所。書無逸云：「君子所其無逸。」又召誥云：「王敬作所。」悚懼其所，蓋謂兢兢業業以致力於所事也。

傳(六)——韓昭侯握爪，而佯亡一爪，求之甚急，左右因割其爪而效之。(一)昭侯以此察左右之不誠。(二)

校釋 「(一)爪新釋云：『指甲也。』效翼蠹云：『致也。』新釋云：『猶獻也。』

「(二)此字，乾道本趙本無，茲從迂評本、凌本、拾補云：『以下脫此字，張本有之。』字上，乾道本、趙本、凌本有臣字，茲從迂評本。『不誠』乾道本作不割，迂評本作誠不，茲從趙本、凌本。識誤云：『藏本臣作誠是也。』今本割作誠，按誠不句絕，不否同字也，割字當衍。平議云：『割字涉注文而衍，顧氏已訂正矣。』顧以誠不句絕，非也，誠不當作不誠。注云：割爪不誠，則所見本未倒也。下文云：以此知左右之不誠信，正與此一律。』集解云：『御覽引作以此察左右之不誠，今據刪改。』茲從之。

韓昭侯使騎於縣，使者報，昭侯問曰：『何見也？』對曰：『無所見也。』(一)昭侯曰：『雖然，何見？』曰：『南門之外，有黃犢食苗道左者。』昭侯謂使者：『毋敢洩吾所問於女。』(二)乃下令曰：『當苗時，禁牛馬入人田中，固有令，而吏不以爲事，牛馬甚多入人田中，亟舉其數上之，不得，將重』

其罪。』於是三鄉舉而上之。昭侯曰：『未盡也。』復往審之，乃得南門之外黃犢。吏以昭侯爲明察，皆悚懼其所，而不敢爲非。』

校釋 〔一〕侯字，乾道本脫，茲從迂評本、藏本、趙本、凌本、使騎讀云：『謂命騎士往縣巡視也。』報復命也。問字下迂評本有之字，茲從乾道本。拾補云：『藏本有之字。』

〔二〕犢，翼彞云：『牛子也。』道左，謂道之左邊也。翼彞云：『山氏曰：詩：生於道左，注：道東也。按周禮注：凡鄉內以入爲左右，鄉外以出爲左右。』洩字，迂評本作泄，茲從乾道本。洩、泄互通。

〔三〕固字，迂評本凌本作國，茲從乾道本。集解云：『固字，藏本作用，趙本作國，並誤。』按固有令，猶言原有禁令在前也。令字下，乾道本衍入字，茲從迂評本。

〔四〕三鄉，翼彞云：『越語云：四鄉地主正之，注：鄉方也。三鄉，東、西、北門之外也。』審，新釋云：『察也。』

周主下令索曲杖，吏求之數日不能得，周主私使人求之，不移日而得之，乃謂吏曰：『吾知吏不事事也。曲杖甚易得也，而吏不能得，我令人求之，不移日而得之，豈可謂忠哉！』吏乃皆悚懼其所，而以君爲神明。』

校釋 〔一〕曲杖，纂聞云：『蓋杖頭屈曲者。』易字下得字，各舊本俱無。翼彞云：『淵鑑類函杖條引易下有得字。』按此有得字是，茲據補。

卜皮爲縣令，其御史污濊而有愛妾，卜皮乃使少庶子佯愛之，以知御史陰情。」

校釋 「一」御史，迂評本、趙本、凌本作御史，茲從乾道本。識誤云：『藏本今本史作吏，下文同。按吏字誤也。』韓策云：『安邑之御史死。』新釋云：『御史治事吏也，掌獄訟者。周禮：王制：史以獄成告於正。』佯愛之，指愛妾。

西門豹爲鄴令，佯亡其車轡，令吏求之，不能得，使人求之，而得之家人屋間。」

校釋 「一」鄴令，新釋云：『史記：魏世家：文侯任西門豹守鄴，而河內稱治。』屋間，集解云：『此下疑有脫文，上經注云：欲取清明之稱也，當本此下說。』

傳（七）——山陽君相衛，「二」聞王之疑己也，乃僞謗穆暨以知之。」

校釋 「一」山陽，各舊本作陽山，茲據識誤校乙。衛字，乾道本、迂評本作謂，茲從趙本、凌本。識誤云：『藏本同，今本謂作衛。按衛當作韓，陽山當作山陽。戰國韓策有或謂山陽君曰：秦封君以山陽云云，可爲證。穆暨亦韓人，本書說林上及難一篇皆云：韓宣王謂穆留也。今本輒改爲衛，謬甚。』纂聞云：『衛，魏也。此時衛削弱屬魏，如一國，故謂魏爲衛，猶韓之稱鄭也。下篇使齊韓約而攻衛，又云：宋石衛將也，皆指魏言也。陽山君，疑山陽君，魏人也。齊策魏策皆有此人，注：山陽屬魏。』

「二」僞謗，猶言假誹也。宋本注云：『穆暨王之所愛，今僞謗之，必憤而言王之疑己也。』

淖齒聞齊王之惡已也，乃矯爲秦使以知之。〔一〕

校釋

〔一〕王字上迂評本有文字，茲從乾道本。拾補云：『藏本齊下有文字，或潛或汶而脫其旁。』翼

羣云：『王上一有文字，此疑闕字誤。』矯，纂聞云：『詐也，謂使私人詐爲秦使者，佯譏淖齒，則齊王必且以情告之。』

齊人有欲爲亂者，恐王知之，因詐逐所愛者，令走王知之。〔二〕

校釋

〔二〕詐逐，宋本注云：『王知逐所愛，則不疑其爲亂也。』令走王知之，謂令其逃赴王所，俾王知

其逐所愛也。平議以走字衍文，未可從。

子之相燕，坐而佯言曰：『走出門者何也？白馬也！』左右皆言不見，有一人走追之，報曰：『有。

』子之以此知左右之不誠信。〔一〕

校釋

〔一〕不誠信，藏本、迂評本作誠信不，茲從乾道本。趙本、凌本、宋本注云：『僞報有白馬，是不誠信。』

有與訟者，子產離之，而無使得通辭，倒其言以告而知之。〔二〕

校釋

〔二〕通辭，猶言接談也。倒其言，告謂倒置此言以告彼，又倒置彼言以告此，使其不得互爲隱

匿，因知其情實也。拾補云：『倒字，後十一卷中作到，乃古字，此亦當同。』纂聞云：『一本外儲說左上篇末有此節，使得作得使，倒作到，之作也；倒反也。』

衛嗣公使人爲客過關吏，關吏苛難之，因事關吏以金，關吏乃舍之。^{〔一〕}嗣公謂關吏曰：『某時有客過而所與汝金，而汝因遣之。』^{〔二〕}關吏乃大恐，而以嗣公爲明察。^{〔三〕}

校釋

〔一〕上三關吏之吏字，各舊本作市。翼繇云：『市宜作吏，下並同。』茲據校改。金字下各舊本有與字。拾補云：『與字衍，』茲據刪。職誤云：『因事關市以金與句絕，關吏乃舍之五字爲一句。』集解云：『因事關市句，以金與關吏句。關市蓋關吏之從者，與吏有別。以情事論，苛難之事，吏不便自爲之，故知有別也。此人僞事關市，因緣得通關吏，而與以金，文自明顯，後人失讀耳。』

〔二〕謂字，乾道本、趙本、凌本作爲，茲從迂評本。集解云：『拾補爲改爲謂。按爲謂古通，不誤。御覽八百二十七引爲作謂。』而所猶言汝處也。

〔三〕關吏，乾道本作關市，茲從迂評本。趙本、凌本、職誤云：『藏本同，今本市作吏誤，楊注引作市。』

內儲說下——六微

解題 本篇原爲第十卷第三十一篇。內儲說下四字，解詳前篇。六微二字，從前各家俱無注釋。按微與應通，說文：「應，司也；司，與伺通。」前漢郭解傳：「使人微知賊處，注微伺問之也。」史記、晉世家：「願公試使人之周，微考之，果使卻至於周。」微考之微，亦當作伺察可知。又按本篇篇首云：「六微……此六者，主之所察也。」則「六微」亦宜作「六察」解，謂人主所宜伺察者有六端也。

提要 本篇主旨，在以事類說明人主所宜伺察之「六微」，即權借、利異、似類、有反、參疑、廢置。先經後傳，挨次說明，體例與上篇全同。解詁云：「評林：此六事皆論權勢，乃韓子所學之原。」

考證 本篇與前篇原爲一篇，故凡關於前篇之考證，均可適用於本篇，茲不重贅。惟本篇有須特言者：（一）本篇名六微，然經傳於六微外，又有所謂「七廟攻」者，此蓋後人由廢置節誤分出者，茲仍合之。（二）本篇在元何休校本中與前篇合爲一篇，而自傳三鄭袖節至傳六荑弘節共佚二十八條，藏本因之亦佚，而宋本尙全，茲依之。

六微：一曰，權借在下，二曰，利異外借，三曰，託於似類，四曰，利害有反，五曰，參疑內爭，六曰，敵國廢置。——此六者，主之所察也。（一）

校釋 「一」權借在下，讀云：『下、臣也，謂以權借臣也。』按法家主張君主必須集勢，故以『權借在下』爲戒。『權借在下』，猶言大權旁落，或太阿倒持，此必須察者。利異外借，讀云：『謂君臣所利各異，而臣必借外權以自重也。』按人臣假借外援，則易侵君權，故須察之。託於似類，謂人臣假託相似之事，以欺主成姦也。人臣託於似類，則君權必爲其所竊，故須察之。利害有反，謂一事之起，有因而得利者，亦有因而受害者，是有反也。人主察其反者，則事起之真因即得，而不致爲人臣所欺也。參疑讀云：『謂臣下勢相耦者也。』敵國廢置，謂中敵國之計，而有所廢置也。

經一權借——「二」權勢不可借人上失其一下以爲百。「三」故臣得借則力多，力多則內外爲用，內外爲用則人主壅。「四」其說在老聃之言失魚也，是以故人富久語，而左右驚懷刷。「五」且患在胥僮之諫厲公，與州侯之一言，而燕人浴矢也。「五」

校釋 「一」權借二字，乾道本在節後，茲從迂評本置於節首。

「二」上失其一下以爲百，謂君失一分之權於臣，則臣即以爲得百分之權，而擅作威福也。易言之，卽謂君主大權，不可絲毫假借於臣。

「三」內外爲用四字，乾道本不重，茲從迂評本、藏本、趙本、凌本、翼彙云：『內外之官，爲權臣所用。』纂聞云：『外諸侯，內百官，皆爲之用。』按內，謂在中央之官，外，謂在地方之官，爲用，謂比附權臣也。

〔四〕失魚謂魚失於淵也。纂聞改失字爲夫，未可從。故人富久語而左右嚮懷刷，乾道本、迂評本、原作「人主久語而左右嚮懷刷」，茲從識誤校改。集解云：「張榜本、趙本刷作尉。」拾補云：「藏本作刷，凌本同。」北齊書、顏之推傳、觀我生賦云：祇夜語之見疑，寧懷尉之足恃。夜語當亦本此，今此作久語，未定孰是。刷本作尉，則尉字爲誤明矣。『識誤云：『以下當有故字，主當作富，見下文。刷，今本作尉誤。說文、刷本作尉，云拭也，蓋巾帨之屬可用以拭者。』平議云：『按顏賦，疑古本韓子久語作夕語，古人朝見謂之朝夕，見謂之夕。』按依傳文，宜從識誤於以下增故字，改主字爲富。久語可通，不必改爲夕語。翼毳纂聞以尉與慰同，未可從。嚮懷刷，謂以賜刷炫示於人也。補箋云：『懷賜也。下文懷左右刷，謂以刷賜左右也。廣雅釋詁：懷，歸也。歸，遺也。遺，予也。爾雅釋詁：予，賜也。則懷亦可訓爲賜矣。詩：匪風：誰將西歸，懷之好音，傳：懷，歸也。泮水：懷我好音，箋：懷，歸也。歸，並當讀爲論語歸孔子豚之歸。懷之好音，謂賜之好音也。懷我好音，謂賜我好音也。二懷字誼與此同。懷，訓爲賜，實借爲饋。禮記：緇衣：私惠不歸德，鄭注：歸，或爲懷。儀禮：聘禮記：夕，夫人歸禮，鄭注：今文歸作饋。卽懷、歸、饋相通之證。說文：饋，餉也。餉，予誼相近。』

〔五〕胥僮，晉厲公愛姬之兄，曾爲卿。諫字，乾道本誤作權，茲從迂評本、趙本、凌本。集解云：『按下文胥僮，長魚矯諫曰，又諫曰，諫字兩見，作諫者是。』一言翼毳云：『一口也，前篇云：一言於季氏之私是也。』而翼毳云：『猶與也。古書而訓爲與者，往往而有，儲說亦多，以下不悉注，當以義會。』

經二利異——君臣之利異，故人臣莫忠，故臣利立而主利滅。是以姦臣者召敵兵以內，舉外事以眩主，苟成其私利，不顧國患。〔一〕在說，在衛人之夫妻禱祝也。故戴歆議子弟而三桓攻昭公，公叔內齊軍，而翟黃召韓兵。〔二〕太宰嚭說大夫種，大成午教申不害，司馬喜告趙王，呂倉規秦，楚宋石遺衛君書，白圭教暴譴。〔四〕

校釋 〔一〕利異，翼龜云：『臣利者，私也；主利者，公也。私道勝則臣利立，公道塞則主利滅。』按『而主』之而字，與則字同義。集解云：『臣上故字衍。』

〔二〕內除，謂借外兵以除國內之政敵也。舉外事，謂從事國際之縱橫與攻戰也。眩，翼龜云：『惑亂也。』〔三〕夫妻，乾道本、趙本、凌本作妻夫，茲從迂評本。拾補云：『夫妻舊倒，今從張本，與後文同。』三桓，魯大夫孟孫、叔孫、季孫也。以其均爲魯桓公之後，故曰三桓。攻字，迂評本、凌本作劫，茲從乾道本。趙本、集解云：『攻，張榜本誤作公。』內字，讀爲納，謂使齊軍入境也。翟黃，識誤云：『說黃作璜，按黃璜同字。』

〔四〕大成午，各舊本俱作大成牛，茲從拾補校改。拾補云：『韓策、史記趙世家、漢書古今人名表俱作大成午，此牛字譌，後同。』集解云：『成，史作戊。通志氏族略四謂大戊氏，晉公子大戊之後，或謂殷太戊，後案徐廣史注云：戊一作成，與韓策及本書合，則作戊者形近而誤也。路史後紀十注又作郕，古字通。』司馬喜，集解云：『喜，策作熹。』規字，翼龜、纂聞俱云：『當作親。』按作規亦通。戰國策：『齊無天下之規。』注：『規』

猶謀也。規秦楚，即謂謀以秦、楚攻魏也。

經三、似類。——似類之事，人主之所以失誅，而大臣之所以成私也。是以門人捐水而夷射誅，濟陽自矯而二人罪，司馬喜殺爰寤而季辛誅，鄭袖言惡臭而新人劓，費無忌教鄒宛而令尹誅，陳需殺張壽而犀首走。——故燒芻廩而中山罪，殺老儒而濟陽賞也。〔三〕

校釋

〔一〕門人，集解云：「當作門者。」按門人即門者，不必改。翼彞云：公羊傳云：「開者何門人也。」

季辛誅之誅字，乾道本脫，迂評本作死，茲從趙本。凌本識誤云：「藏本同，今本此下有誅字。」按脫一字，未詳。爰、袁同字也。集解云：「按下文司馬喜與季辛惡，因令人殺爰寤，中山之君以爲季辛也，因誅之。」明此脫誅字，今據補。

〔二〕費無忌，集解云：「忘，下說作極。」左傳作極，史記侯表、楚世家、子胥傳、呂覽慎行篇、淮南人間訓、吳越春秋作忌，極、忘聲近通用。鄒宛，纂聞云：「鄒，史記左傳並作郤。焦氏筆乘云：春秋宣九年，晉郤缺，郤古鄒字，漢有郤正，晉有鄒超，鄒鑒。按趙策鄒疵謂智伯，注：鄒，勅黎反。元和姓纂：鄒姓，青陽氏之後。據此，則鄒與郤本自不同，焦氏合爲一，似誤，而韓子正作鄒，則未可非也。」

〔三〕廩，集解云：「下說作廩。」纂聞云：「說文：廩，芻藁之藏也。」

經四、有反。——事起而有所利，其尸主之有所害，必反察之。〔一〕是以明主之論也：國害則省

其神者臣害，則察其反者。^二其說在楚兵至而陳需相，黍種貴而廩吏覆。^三是以昭奚恤執販
僇侯譙其次，文公髮繞炙，而穰侯請立帝。^四

校釋「^二」其尸乾道本誤作其市，今從迂評本。趙本、凌本、識誤云：「藏本、今本市作尸，按句有誤。」集

解云：「按尸字不誤，尸主也；其尸主之，謂其君主之也。下文國害則省其利者，即指君言。」札記云：「王訓尸爲主是，謂其君主之非也。其借爲期，襄二十三年傳：其然，杜注：猶必爾也。哀十年傳：期死，非勇也。注：必也。漢書路溫舒傳：畫地爲獄，議不入，削木爲吏，期不對，顏注：猶必也。易繫辭：死期將至，釋文作其，云本作期，作其者，省形存聲耳。其尸主之，與必反察之，相對爲文。」今按其字指「事起」之事言，尸當如集解訓爲主。其尸主之，謂事起之利，依常情言，應歸於主其事者。如主其事者，因事起而有所害，則須察其因事起而有所利者，是謂「反察」，亦謂「察其反者。」集解以尸指君，纂聞改尸爲君，均未可從，蓋尸字汎言事主，可包君言，但非專指君也。

「^二」論謂論事也。省察也。一事之起，如國受害，則察其得利者爲何人；如此人受害，則察其他得利者又爲何人。如此，則事起之真因可得論矣。

「^三」覆翼譙云：「爾雅：覆、審察也。」按廩吏覆，謂查廩吏也。

「^四」僇侯上，乾道本有不字，茲從迂評本。識誤云：「藏本、今本無不字，按依說當作昭。」譙其次，纂聞云：

『譴責也。次謂其次當爲尙宰者。魏策：安邑之御史死，其次恐不得也。』繞炙，迂評本作燒炙，茲從乾道本。翼云：『楚兵至，秦種貴，執販茅三事，言國害。譴次，繞炙二事，言臣害；立帝一事，言事起有反也。』纂聞云：『秦立爲帝，則穰侯必益封，此亦有所利而爲之者耳。』

經五、參疑——參疑之勢，亂之所由生也，故明主慎之。〔一〕是以晉驪姬殺太子申生，而鄭夫人用毒藥，衛州吁殺其君完，公子根取東周，王子職甚有寵，而商臣果作亂。〔二〕嚴遂、韓廋爭，而哀侯果遇賊，田恆、闔止、戴驢，皇喜敵，而宋君、簡公殺。〔三〕其說在狐突之稱『二好』與鄭昭之對『未生』也。〔四〕

校釋 〔一〕參疑之勢，謂權勢相擬相參也；易言之，即以敵耦之勢相參也；析言之，即說疑篇所謂『內寵並后，外寵貳政』（按即大臣兩重）枝子配適，大臣擬主，亂之道也。參閱說疑篇末節，七術篇傳二、嗣公欲治不知，故使有敵節，八經篇起亂節。傳校云：『疑、僂之借字。說文：僂，僭也。段注：此僂之本義，與手部擬調度不同。曲禮：僂人必於其倫，注：僂猶比也。此引申之義也。按今僭僂、比僂，皆與度擬之擬不分。』

〔二〕完，纂聞云：『衛君名。』又云：『殺申生，用毒藥，殺君完，取東周，商臣亂五事，皆后妻過貴，庶孽得勢，因釀禍亂之證。』

〔三〕哀侯，集解誤作哀公，茲從各舊本，並與下傳文合。賊字，迂評本作罪，茲從乾道本、趙本、凌本。田恆，各

舊本俱作田常，以漢人避文帝諱而改，但下傳文仍作田恆，今一律用田恆，以復其舊。纂聞云：『哀侯、簡公、宋君三事，皆謂大臣兩重，權勢參敵，因致亂也。』

〔四〕二好，謂好內與好外也，詳下。纂聞云：『二好，宋生二事，皆論好色之弊。』

經六、廢置。敵之所務，在淫察而就靡人主不察，則敵廢置矣。故文王資費仲，而秦王患楚使，黎且去仲尼，而干象沮甘茂。是以子胥宣言而子常用，內美人而虞虢亡，佯遺書而婁弘死，用雞豹而鄒傑盡。參疑廢置之事，明主絕之於內，而施之於外，資其輕者，輔其弱者，此謂廟攻。參伍既用於內，觀聽又行於外，則敵僞得。其說在秦侏儒之告惠文君也。故襄疵言襲鄴，而嗣公賜令席。

校釋 〔一〕淫，察就靡集解云：『淫，亂也；靡，非也。人主之察既亂，則舉事皆非。』札記云：『按王說殊未安。就當作孰，形近而譌。本書難言篇：願大王熟察之，孰，即熟字。靡，讀爲摩。史記、蘇秦列傳：期年以出揣摩，索隱云：揣摩，本本揣摩，靡亦讀摩。江遽曰：揣，人主之情，摩而近之。說文：摩，研也；淫，浸淫隨理也。淫察就靡，謂敵國以計探國情，務爲反間，並敵國之事，王氏以屬之人主，誤矣。』今按就，成也；靡，猶言惡也。淫察就靡，謂敵國以計亂我之察，而成我之惡也。集解於字義似得之，而於句義則失之；札記於句義似得之，而於字義又失之，俱未可盡從。敵廢置，纂聞云：置，立也；謂我臣之用舍廢立，皆出於敵謀也。

〔二〕資費仲謂資費仲玉版，詳見喻老篇；資猶言給也，藉也。患楚使謂秦以楚使賢而患之也。仲謂齊以計使孔子不得爲政於魯也。沮甘茂謂阻止楚王扶助甘茂相秦也。纂聞云：「以上四事皆言敵國廢置之害。」

〔三〕宣言乾道本作宣王言，茲從迂評本。識誤云：「藏本、今本無王字。」纂聞云：「集韻：宣，揚也；揚言以沮賢者。」內美人乾道本脫人字，茲從迂評本。識誤云：「藏本、今本有人字。」按內、與納同。荻弘乾道本、趙本脫弘字，茲從迂評本。凌本拾補云：「宏字脫，張本有。」按弘、宏同字，下傳文及國語俱作弘，茲從之。猥各舊本俱作猥，俗字也，改從下傳文。猥音家，牡豕也。傑字，乾道本、迂評本作桀，茲從趙本。凌本按桀與傑通，下傳文作傑。

〔四〕自「參疑廢置之事」以下，各舊本俱別爲一節，標題「廟攻」，或「廟攻七」。拾補云：「此承上參疑廢置爲言，故不在六微中。」集解云：「經既明言六微，則不應有七字，此接上文而來，並不厭其標顯攻二字。」翼義云：「廟攻一章，總參疑、廢置二章也；六微外，不可有廟攻七題名也，疑後人所歸。」纂聞云：「六微之外，不宜有廟攻，山氏嘗疑之。案上總敘六微，止言六曰敵國廢置，而無廟攻之目。何升序云：六微內亡去三章，其廢置章亦有殘缺不全，而未嘗言及廟攻章。此蓋後人因章中有此謂廟攻之語，妄意割裂，以添此章名耳。今謹考正，以復舊章。」按纂聞說是，茲依之刪標題「廟攻」，並合其文於廢置節云。內外

內、謂國內、外、謂外國。參閱八經篇起亂節。翼毳云：『絕之於內者，不使敵行參疑廢置之事也；施之於外者，我以之施行於敵也。』資其輕者，謂助敵國之權輕者；輔其弱者，謂扶敵國之勢弱者。纂聞云：『此卽施參疑廢置於敵國之術也。』廟攻翼毳云：『周書大武解云：四攻者，注攻，謂奪其計使不成也；言論之廟堂之上，而攻乎千里之外，故曰廟攻。呂氏春秋云：修之廟堂之上，折衝千里之外；尉繚子云：廟勝之論；孫子云：廟算，皆同義。』

〔五〕參伍爲杜絕參疑廢置之術，詳見八經篇第四節。觀聽猶言偵察，所以施行參疑廢置於敵國之術。令縣令也。翼毳云：『侏儒、襄疵、嗣公三說，皆用間之事也。』席字，各舊本作蓆，蓆席雖通，但宜從傳文作席，茲改之。

傳一——〔一〕勢重者，人主之淵也；君者，勢重之魚也。〔二〕魚失於淵，而不可復得也；人主失其勢重於臣，而不可復收也。古之人難正言，故託之於魚。〔三〕賞罰者，利器也；君操之以制臣，臣得之以壅主。〔四〕故君先見所賞，則臣嚮之以爲德；君先見所罰，則臣嚮之以爲威。故曰：『國之利器，不可以示人。』〔五〕

校釋 〔一〕傳一迂評注云：『凡五事，皆言姦臣勢重而危國。』

〔二〕君者之君字，各舊本俱作臣。纂聞云：『君、元作臣，從山氏正。』翼毳云：『臣當作君。勢重者君座也，

若離此座則死，譬猶魚離水而死也。」茲據校正。

〔三〕正言明言也，與喻言相對。『託之於魚，』即爲喻言也。迂評注云：『老子曰：魚不可脫於淵。』

〔四〕壅字，各舊本俱作擁，茲從纂聞、翼龜校改。

〔五〕見與現同，示也。鬻售也。翼龜云：『喻老篇，上鬻作損，下鬻作益。』國字下九字，爲老子原文。集解云：

『喻老篇，國作邦，此作國，漢人改也。』

靖郭君相齊，與故人久語，則故人富，懷左右刷，則左右重。〔一〕久語，懷刷，小資也，猶以成富取

吏勢乎。〔二〕

校釋 〔一〕與故人趙本作故與人，茲從乾道本、迂評本、凌本。識誤云：『藏本同，今本與故作故與，誤。』

懷左右刷，賜左右刷也，解見上。集解云：『張榜本、趙本刷作尉，誤，下同，說見上。』

〔二〕成富取重，各舊本俱作成富二字。識誤云：『此下當有取重二字。』翼龜云：『佩文韻府四支引富

有重字。』傳校云：『宜從識誤作成富取重以總束上文，取如左傳取威定霸，孟子取食之重者之取，

茲依識誤增取重二字。』

皆厲公之時，六卿貴，胥僮長魚矯諫曰：『大臣貴重，敵主爭事，外市樹黨，下亂國法，上以劫主，
危者，未嘗有也。』公曰：『善。』乃誅三卿。〔一〕胥僮長魚矯又諫曰：『夫同罪之人，偏誅而

不盡是懷怨而借之閒也。』公曰：『吾一朝而夷三卿，予不忍盡也。』長魚矯對曰：『公不忍殺將忍公。』公不聽，居三月，諸卿作難，遂殺厲公，而分其地。』

校釋 〔一〕厲公晉景公子，名壽曼。景公時，晉始作六卿。按六卿本爲太宰、大司徒、大宗伯、大司馬、大司空、大司寇之總名。晉以六族世爲卿，而六卿又爲六族之稱。敵主讀云：『謂與主相抗也。』外市解詁云：『外交得利。』三卿新釋云：『卽三郤，郤錡、郤犇、郤至是。』

〔二〕同罪謂罪相同也。新釋云：『同共也，今律謂共同犯，如樂書中行偃是。』偏誅謂僅處罰一部分人也。問新釋云：『隙也。』

〔三〕夷，篡聞云：『滅也。』傳校云：『夷可訓平，平亦可訓滅，故夷可訓滅。』

〔四〕殺厲公篡聞云：『左成十八年春正月，晉殺其大夫胥僮，庚申晉弑其君州蒲。』晉語：長魚矯既殺三郤，請公殺欒書，中行偃不聽，乃奔翟，三月厲公弑，而分其地，此傳聞謬。』

州侯相荆，貴而主斷。〔一〕荆王疑之，因問左右，左右對曰：『無有，』如出一口也。〔二〕

校釋 〔一〕州侯，翼彘云：『楚襄王佞臣也。』史記辛莊諫襄王曰：『君王左州侯，右夏侯。』新釋云：『州，楚地名，在今湖北監利縣東北三十里。』史記楚世家考烈王元年納州於秦以平。主斷，篡聞云：『策注，謂其專決。』

〔一〕無有[△]纂聞云：『謂無專斷之事。』一口[△]謂衆口一辭，如出一口。翼彘云：『晏子春秋：景公射出質，堂上唱善，若出一口。孔叢子：衛君言計是非，而羣臣和者，如出一口。』

燕人無惑，故浴狗矢。〔二〕燕人，其妻有私通於士，其夫早自外而來，士適出，夫曰：『何客也？』其妻曰：『無客。』問左右，左右言：『無有。』如出一口。其妻曰：『公惑易也。』因浴之以狗矢。〔三〕一曰：燕人李季好遠出，其妻有私通於士，季突至，士在內中，妻患之。〔四〕其室婦曰：『令公子裸而解髮，直出門，吾屬佯不見也。』於是公子從其計，疾走出門。季曰：『是何人也？』家室皆曰：『無有。』季曰：『吾見鬼乎？』婦人曰：『然。』『爲之奈何？』曰：『取五牲之矢浴之。』季曰：『諾。』乃浴以矢。〔四〕一曰：浴以蘭湯。〔五〕

校釋 〔一〕無惑二字，集解改爲惑易，云：『按無惑則不浴矣，下文公惑易也，明無惑乃惑易之譌，今據

張榜本改。』按乾道本，迂評本，趙本，凌本俱作無惑，無惑實不誤。惑，惑疾也，迷惑之疾，謂精神失常也。古俗以惑疾乃爲鬼所迷，浴以狗矢，即可治之。翼彘云：『矢，糞也。千金方云：麀者，使人尿其面上可愈，此扁鵲法。』又云：牛馬屎絞取汁飲之，無新者，水和乾者，亦得以人溺解之。浴狗矢，蓋古遺法矣。『有感則浴狗矢，今燕人實無惑，而亦浴以狗矢，故曰：『故浴狗矢。』故故意也。試細讀下文，即可知浴矢之爲故意也。

〔二〕其妻纂聞云：『山曰：其猶之也。』士蓋謂公卿大夫士之士，乃古貴族之一種。翼彘云：『荀子：非相

篇云：處女莫不願得爲士，注：士者，未取妻之稱。易曰：老婦得其士夫。『惑易』纂聞云：『漢表平侯訴疾狂免，注：病狂而改易本性也。』讀云：『謂病惑而視聽變易也。』

〔三〕有私通各舊本俱作私有通。翼彙云：『山氏曰：私有倒。』茲據乙。突至。乾道本、迂評本作突之，茲從本。凌本集解云：『季好遠遊，今不期而返，出家室意計之外也，作至字是。』按之字，亦可作至字解，如詩云：『之死靡他』是。內中。新釋云：『內室之中也。』

〔四〕室婚。集解云：『藝文類聚引作妾。』讀云：『謂其奴之妻也。』公子。讀云：『公子指假夫。』翼彙云：『文選注引博物志曰：玉孫公子，皆古人相推敬之辭。』解髮。古人髮常結，解髮，卽解其結也。翼彙云：『被髮爲鬼形也。』皆曰。乾道本脫曰字，今從迂評本。趙本、凌本五姓。乾道本、趙本、凌本作五姓，今從迂評本。拾補云：『姓，一作性，藏本作性，似性之譌。』集解云：『御覽引正作性，今據改。』左昭十一年傳注：五姓，牛、羊、豕、犬、雞也。矢。宋本注云：『一云屎。』

〔五〕浴以蘭湯。識誤云：『此亦劉向校語。本卷上文云：矢，一云屎，下文共立，一云公子赫，皆同例，與舊注相混，而實非舊注也。今山海經、晏子春秋皆多如此云者，韓子當不止三條，殆經後人刪去之耳。』按凡本書言『一曰』或『一云』者，皆係後人所加而混入正文者，或出於劉向之前，或出於劉向之後，今已無從考定，識誤以其均爲劉向校語，只能謂之臆說耳。翼彙云：『蘭湯，以蘭草投湯，自清潔禱神，以拂不祥也。』

楚辭：浴蘭湯兮浴芳，初學記：采樹蘭香，祭者煮以沐浴，所謂浴蘭湯是也。」

傳二——「衛人有夫妻禱者，而祝曰：『使我無故，得百束布。』其夫曰：『何少也？』對曰：『益是，子將以買妾。』」

校釋 「二」傳二迂評注云：『凡十一事，皆言人臣挾外交以自重。』

「二」無故謂無緣無故，意爲不勞而獲，識誤云：『句絕，故與下文布韻。』束字上，乾道本衍來字，茲從迂評本。趙本、凌本、識誤云：『藏本今本無，此不當有。』集解云：『來，卽束字形近誤衍。藝文類聚、御覽引並無來字。』按五疋爲束，益是讀云：『多於此數也。』纂聞云：『夫妻異利，猶君臣之各務其便也。』

荆王欲宦子弟於四鄰，「戴歇曰：『不可。』」宦公子於四鄰，四鄰必重之。「三」曰：『公了出者重，重則必爲所重之國黨，則是教子於外市也不便。』「三」

校釋 「一」荆王纂聞云：『荆公，一作荆王，荆字誤，宜作魯；說林爲魯穆公黎鉏事。』

「二」宦公子識誤云：『二句，荆王之言也。上無曰字，古書多此例。』纂聞以此二句亦爲戴歇之言，改下曰字爲公字，今從識誤校讀。

「三」公子各舊本原作子，按依上文宜增公字，黨讀云：『謂黨其所宦之國也。』

魯孟孫、叔孫、季孫相戮，力劫昭公，遂奪其國，而擅其制。「二」魯三桓偪公，「三」昭公攻季孫氏，

而孟孫氏、叔孫氏相與謀曰：『救之乎？』叔孫氏之御者曰：『我家臣也，安知公家？凡有季孫與無季孫，於我孰利？』皆曰：『無季孫，必無叔孫。』『然則救之！』於是撞西北隅而入，孟孫見叔孫之旗入，亦救之，三桓爲一，昭公不勝，逐之，死於乾侯。^{〔四〕}

校釋 〔一〕相字下，纂聞从山氏補與字。戮力，纂聞云：『戮，僂通，并力也。』傳校云：『戮力，本應作勦力。

說文，戮力，并力也。段注，左傳國語，或云勦力同心，或云勦力一心，皆謂數人共致力。古書多有誤作戮者。按戮力周切，今音力竹切。俗又作努，纂聞謂戮僂通，僂亦係假借字。擅制，纂聞云：『山曰：制，政通。呂覽昨日之羊子爲制，左傳作疇，昔之羊子爲政。』翼彙云：『有度篇制不共門，管子作政不共門。』

〔二〕識誤云：『魯三桓上當有一日二字。』纂聞云：『案魯三桓僭以下，見左傳，疑脫一日二字。』僭公迂評本，趙本、凌本作僭，乾道本作公僭。識誤云：『藏本同，今本無公字，按此不當有。』集解云：『魯三桓僭四字不成句，公僭當作僭公，公，謂公室也。乾道本、藏本誤倒，今本不審而刪之，不可從。』茲依集解校乙。

〔三〕御者，迂評本無者字，茲從乾道本趙本。拾補云：『張、凌本無者字。』集解云：『御者，左昭二十五年傳作司馬慶辰。』有字下季字，乾道本脫，茲從迂評本。識誤云：『藏本，今本有下有季字。』

〔四〕撞，集解云：『撞，公闔也。』逐之，纂聞云：『三桓逐昭公也。昭公二十五年，公奔於齊；三十二年，公薨於乾侯。杜預云：乾侯，在魏郡斥邱縣，晉境內邑。』集解云：『逐，當爲遂之誤，之下當有齊字，事見左傳。』翼

《書》亦以『逐之』當作『逐之齊』。

公叔相韓而有攻齊，公仲甚重於王，〔一〕公叔恐王之相公仲也，使齊韓約而攻魏，公叔因內齊軍於鄭，以劫其君，以固其位，而信兩國之約。〔二〕

校釋 〔一〕公叔增讀云：『字伯嬰。』有攻齊，迂評本、趙本、凌本作有功齊，而以齊字屬下讀，茲從乾道

本。識誤云：『藏本、今本攻作功，按攻功皆當衍，讀以有齊句絕。』平議云：『爾雅、釋詁、攻、善也，有、讀爲又。相韓而有攻齊，謂相韓而又善齊也，下文云翟璜、魏王之臣也，而善於韓，其義相同。藏本趙本改攻爲功，失之。』纂聞云：『謂有得齊交之功也，與上文有得趙之功，意同。』按平議纂聞兩說均可通。公仲增讀云：『名朋，史策作侈。索隱云：後爲韓相國。』

〔二〕魏字，趙本作衛，茲從乾道本、迂評本、凌本。識誤云：『藏本同，今本魏作衛誤。』纂聞云：『衛、魏也。』鄭集解云：『卽韓也。說見說林上。』翼彙云：『鄭、韓都也。』

翟璜，魏王之臣也，而善於韓，乃召韓兵令之攻魏，因請爲魏王構之，以自重也。〔一〕

校釋 〔一〕翟璜，迂評本作翟黃，茲從乾道本。拾補云：『璜，藏本作黃，與前同。』纂聞云：『說苑、翟觸、字璜，魏文侯臣。』構集解云：『講也。』

越王攻吳王，吳王謝而告服，越王欲許之。〔一〕范蠡大夫種曰：『不可。昔天以越與吳，吳不受。

今天反夫差，亦天禍也；以吳予越，再拜受之，不可許也。」「三」太宰嚭遺大夫種書曰：「狡兔盡則良犬烹，敵國滅則謀臣亡。大夫何不釋吳而患越乎？」」「三」大夫種受書讀之，太息而歎曰：「殺之越，與吳同命！」」「四」

校釋 「一」越王即勾踐；吳王即夫差。謝而告服，新釋云：「告，請也，謂謝會稽之罪而請服。」

「二」反讀云：「報也。」集解云：「今天當作今若，」未可從。

「三」太宰嚭，新釋云：「即伯嚭，字子餘，吳越春秋作帛否，文選注引史記作伯喜，楚州犂之孫，奔吳而吳王闔廬以爲大夫，夫差立，任爲太宰。」釋吳患越，纂聞云：「釋，舍也，吳存則爲越患，謀臣猶見尊用也。」

「四」殺字，迂評本作烈，茲從乾道本、趙本、凌本。各舊本俱讀爲：「殺之，越與吳同命。」集解云：「殺，謂殺其使也；吳當作吾，文種自謂。」新釋云：「言己身殺於越，及越之舉吳，皆爲天之所命，不可強者，與同舉，拔也。」纂聞云：「殺，嚭也，下篇直躬正父，荆令尹曰殺之，同法。山曰：越世家，伍子胥傳皆云：殺太宰嚭，越與吳同命。」翼彙云：「此句似有脫誤。」按殺之越，宜句絕，謂己見殺於越，與吳見滅於越，同爲天所命也。以上各說，俱未可從。

大成午從趙謂申不害於韓曰：「子以韓重我於趙，請以趙重子於韓，是子有兩韓，我有兩趙。」

「一」

校釋

〔一〕午字、各舊本作牛。集解云：『牛乃午之誤，說見前。』茲據改。翼云：『策牛作午，史記趙成

侯三年，大成午爲相。』曰字下子字、各舊本無。翼云：『韓策曰下有子字。』集解云：『以字上當有子字，

下白圭相魏王條，子以韓輔我於魏，語意正同，此脫子字。』茲據補。

司馬喜、中山君之臣也，而善於趙，常以中山之謀，微告趙王。〔二〕

校釋

〔一〕常字、乾道本、趙本作嘗，茲從迂評本。藏本、凌本、集解云：『拾補嘗改常是也。』微告、纂聞云：

『微密也。』

呂倉、魏王之臣也，而善於秦、荆，微諷秦、荆，令之攻魏，因請行和，以自重也。〔二〕

校釋

〔一〕諷、翼云：『告也。』

宋石、魏將也，衛君、荆將也。兩國構難，二子皆將。〔一〕宋石遺衛君書曰：『二軍相當，兩旗相望，

一戰，戰必不兩存。此乃兩主之事也，與子無私怨，善者相避也。』〔二〕

校釋

〔一〕魏將、趙本作衛將，茲從乾道本、迂評本、凌本。識誤云：『藏本同，今本魏作衛，誤。』難讀去聲，

構難、猶言戰爭也。

校釋

〔一〕二軍、乾道本、迂評本作二君，茲從趙本、凌本。集解云：『君與軍音近，又涉上文而譌，當作軍。』相當、

纂聞云：『當猶敵也。』唯毋一戰，猶言止可不戰也。怨字下、迂評本有也字，茲從乾道本。善者、翼云：『外

儲說左下傳二云：齊桓公將立管仲，令羣臣曰：寡人將立管仲，善者入門而左，不善者入門而右，與是善者同義，言若善我言，則相避不與戰矣。」

白圭相魏，暴譴相韓。〔一〕白圭謂暴譴曰：『子以韓輔我於魏，我請以魏持子於韓，我長用魏，

人用韓。』〔二〕

校釋 〔一〕白圭新釋云：『魏文侯臣也。史記、鄒陽傳：白圭顯於中山，中山人惡之。魏文侯，文侯殺之以

夜光之璧。魏取中山，在文侯十七年，下逮孟子至梁之威七十三年矣。然則孟子所謂白圭，殆別爲一人歟！

〔二〕魏字下，乾道本有王字，茲從迂評本、趙本、凌本。識誤云：『藏本、今本無王字。』暴譴，暴聞云：『暴，姓也，秦

有暴鳶。又按說林篇：張譴相韓，豈即此人？』

〔三〕請字，乾道本、迂評本、趙本無，茲從藏本、凌本。持字，各舊本俱作待。札記云：『按待當作持。淮南子、覽

冥訓云：持以道德，輔以仁義。荀子、解蔽篇云：鮑叔甯戚、隰朋仁知且不蔽，故能持管仲，而名利福祿與管仲

齊。召公、呂望仁知且不蔽，故能持周公，而名利福祿與周公齊。揚注：持，扶翼也。』按札記說是，茲據改。我長

之我字，各舊本俱作臣。按白、暴俱爲魏、韓之相，不得稱臣，宜依大成午條改爲我字。

傳三——齊中大夫有夷射者，御飲於王，醉甚而出，倚於郎門。〔一〕門者別跪請曰：『王下無

意賜之餘瀝乎？』〔二〕夷射叱曰：『去刑餘之人，何事乃敢乞飲長者？』〔三〕別跪走退，及夷射去，

則跪因捐水郎門，雷下，類溺者之狀。〔四〕明日，王出而訶之曰：『誰溺於是？』則跪對曰：『臣不見也；雖然，昨日中大夫夷射立於此。』王因誅夷射而殺之。〔五〕

校釋 〔一〕夷射拾補云：『此卽左定二年邾莊公夷射姑事，而傳譌耳。』翼毳云：『夷射，邾大夫，見左傳，非齊中大夫也。邾，中音近，時已有中大夫爵，因誤耳。御，飲翼毳云：『御，侍也；邾，子爵也，言王者亦誤也。』郎門，廊門也。

〔二〕則跪集解云：『跪與危通，足也，說詳外儲說左下篇。』翼毳云：『則，斷足也，荀子勸學篇云：『蟹六跪而二螯，注，跪足也。』按則爲古刑名之一。此以則跪稱門者，卽以門者曾受則刑，故下文又稱之爲『刑餘之人。』餘瀝乾道本、迂評本、藏本作餘隸，茲從趙本、凌本。餘瀝猶言剩酒也。

〔三〕叱曰迂評本、趙本、凌本俱作曰叱。集解云：『乾道本叱曰二字誤倒，從張榜本改。』

〔四〕捐水猶言棄水也。審新釋云：『屋簷也。』溺便溺也。傳校云：『說文段注，溺而灼切。今人用爲休沒字，溺行而休廢矣。又用爲人小便之屢（省作尿）字。今按便溺字本應爲洩屢，溺爲尿之假借，便爲洩之誤字，俗遂相沿耳。』

〔五〕訶音呵，大言而怒也。誅集解云：『責也，與下文誅葭弘而殺之文句一例。』

魏王臣二人不善濟陽君，濟陽君因僞令人矯王命而謀攻己。王使人問濟陽君曰：『誰與恨？』

『對曰：『無敢與恨；雖然，當與二人不善，不足以至於此。』王問左右，左右曰：『固然。』王因誅二人者。』

校釋 「一」魏王臣二人猶言魏王之臣有二人者。此二人名，未詳。不足至此集解云：『故設疑詞。』左

右曰之曰字，迂評本、凌本無，茲從乾道本、趙本。

季辛與爰騫相怨，司馬喜新與季辛惡，因微令人殺爰騫中山之君以爲季辛也，因誅之。』

校釋 「一」微密也，暗也。

荆王所愛妾有鄭袖者，「一」荆王新得美女，鄭袖因教之曰：『王甚喜人之掩口也，爲近王，必掩口。』「二」美女入見，近王，因掩口。王問其故，鄭袖曰：『此固言惡王之臭。』及王與鄭袖，美女坐，袖因先誡御者曰：『王適有言，必亟聽從王言。』「三」美女前，近王甚，數掩口。王悻然怒曰：『劓之！』御者因揄刀而劓美人。』

一曰：魏王遺荆王美人，荆王甚悅之。夫人鄭袖知王悅愛之也，亦悅愛之甚於王，衣服玩好，擇其所欲爲之。王曰：『夫人知我愛新人也，其悅愛之甚於寡人，此孝子之所以養親，忠臣之所以事君也。』「五」夫人知王之不以己爲妬也，因謂新人曰：『王甚悅愛子，然惡子之鼻，子見王常掩鼻，則王長幸子矣。』「六」於是新人從之，每見王，常掩鼻。王謂夫人曰：『新人見寡人，常掩鼻，何也？』

曰：『不已知也。』王強問之，對曰：『頃嘗言惡聞王臭。』夫人先誠御者曰：『王適有言，必可從命。』御者因揄刀而劓美人。〔八〕

校釋

〔一〕荆王集解云：『張榜本、荆王以下至一曰並脫。趙用賢云：此以下近本俱脫失，今從宋本校定。』識誤云：『王甚喜人之掩口，至乃誅萇弘而殺之，藏本脫。』按近詳所據元何汴校本自此至誅萇弘二十八條全脫。鄭袖纂聞云：『楚世家：鄭袖者，楚懷王幸姬也。楚策吳注引周紫楚辭說云：鄭國之女，多美而善舞，鄭袖當是善舞，故名袖焉。袖者，所以舞也。』

〔二〕爲近王纂聞翼彙俱云：『爲猶苦也。』集解云：『爲當作若。』補箋云：『爲猶如也，見經傳釋辭，王說失之。』札記與補箋說同。

〔三〕御者翼彙云：『侍者也。』適釋詞云：『猶若也。』亟集解云：『亟、急同字。』

〔四〕悖然趙本、凌本作勃然，茲從乾道本。識誤云：『今本悖作勃，誤。按悖怫同字，後又多用怫。』今按勃，悖古亦通用。御者之者字，各舊本俱無，茲據集解纂聞補。揄音虞，纂聞云：『引也。』按揄刀，猶言抽刀也。

〔五〕子字下之字，各舊本俱無。集解云：『子下當有之字，此與下句文法一例。楚策正有之字，明此脫。』按纂聞亦云：『從策補之字。』茲從之。

〔六〕因謂乾道本作因爲，茲從趙本、凌本。集解云：『爲與謂古本通。趙本及御覽三百六七引作謂，後人

所改。」

〔七〕不己知拾補云：『己字疑衍。』識誤云：『戰國策云妾知也。』集解云：『己即人己之己，不己知也，言我不知也，故王強問之，正女子進譏常態，無不字則與下文王強問之句不合。策下作王曰雖惡必言之，與此不同，兩書不能強合，當各依本書爲是。』翼彙云：『或曰：己疑衍，又曰：之字之誤，古書之己往往而誤。』

〔八〕王臭集解誤作玉臭。纂聞云：『策注王蓋有臭疾。』可字集解云：『當作亟。』

費無極，荆令尹之近者也。〔一〕鄒宛新事令尹，令尹甚愛之。〔二〕無極因謂令尹曰：『君愛宛甚，何不一爲酒其家？』〔三〕令尹曰：『善。』因令之爲具於鄒宛之家。無極教宛曰：『令尹甚傲而好兵，子必謹敬，先亟陳兵堂下及門庭。』宛因爲之。令尹往而大驚曰：『此何也？』無極曰：『君殆去之，事未可知也。』〔四〕令尹大怒，舉兵而誅鄒宛，遂殺之。

校釋 〔一〕令尹新釋云：『謂子常。』近者翼彙云：『近習也。』

〔二〕鄒宛新釋云：『字子惡，時爲楚左尹，行直而和。』事纂聞云：『事者，非必臣之，如左傳莨弘事劉文公之比。』

〔三〕爲酒翼彙云：『置酒也，後漢書袁譚傳注爲猶置也。』

〔四〕君殆去之纂聞於殆字逗，訓殆爲危，未可從。拾補云：『殆當作急，吳越春秋作王急去之，王謂平王。』

『集解云：『事見左傳昭二十七年，時平王已死，吳越春秋誤作王殆，猶必也；君殆去之，謂君必去之也。』呂覽自知云：『座殆尙在於門，注殆必也，盧說非。』今按殆可作僅字解，君殆去之，猶言君只可去之而已。』

犀首與張壽爲怨，〔一〕陳需新入，不善犀首，因使人微殺張壽，魏王以爲犀首也，乃誅之。〔二〕

校釋 〔一〕犀首，纂聞云：『秦策注，犀首，公孫衍也，陰晉人。司馬彪曰：犀首，魏官名，若今虎牙將軍。』史記衍初相魏，張儀已卒之後，入相秦。下篇犀首抵罪於梁，走而入秦，謂此也。〔二〕爲怨，集解云：『爲，猶相也，上文季辛與爰騫相怨，句法正同。』

〔一〕新入，纂聞云：『自楚入魏。』平議云：『入字衍文，此與上文司馬喜新與季辛惡文法亦一律。』張壽，陳需識誤云：『張壽，張旄也，陳需田需也。大致與楚策所云張旄果令人要斬尙刺之爲一事，傳之不同也。』微殺，猶言狙擊也，暗殺也。誅，纂聞云：『誅云者，非必殺之。』新釋云：『誅，謂責也。』

中山有賤公子，馬甚瘦，車甚弊。〔一〕左右有私不善者，乃爲之請於王曰：『公子甚貧，馬甚瘦，王何不益之馬食？』王不許。左右因微令人夜燒芻廄，王以爲賤公子也，乃誅之。〔二〕

校釋 〔一〕弊，與敝通。

〔二〕於字，各舊本俱無。集解云：『請下當有於字，』茲據補。芻廄，識誤云：『廄，當依上文作廄。』魏有老儒，而不善濟陽君。〔一〕客有與老儒私怨者，因攻老儒殺之，以德於濟陽君曰：『臣爲

其不善君也，故爲君殺之。『濟陽君因不察而賞之。』

一曰：濟陽君有少庶子者，不見知，欲入愛於君。『齊使老儒掘藥於馬梨之山，濟陽少庶子欲以爲功，入見於君曰：『齊使老儒掘藥於馬梨之山，名掘藥也，實間君之國。君不殺之，是將以濟陽君抵罪於齊矣。臣請刺之。』』君曰：『可。』於是明日得之城陰而刺之。濟陽君還親之。』

校釋：『一』而字，趙本、凌本無，茲從乾道本。識誤云：『今本無而字，誤也。』

『二』不察，集解云：『謂不察客固有私怨也。』

『三』者字，乾道本作有，茲從趙本、凌本。於君下，各舊本有又者字。解詁云：『者字疑衍。』纂聞云：『山曰下者也誤。』按上有者字，此不當重，茲刪之。若不刪此者字，則宜如識誤所云：『少上有字當作之，』而上者字仍依乾道本本作有。少庶字，解詁云：『官名。』

『四』間，讀云：『謀也。』不殺，各舊本俱作殺。集解云：『殺之上，當有不字，無則義不可通。』茲據補。抵罪，纂聞云：『高注：抵，至也，又當也。此謂彼持魏國陰事歸告於齊，使濟陽君當罪也。』刺，新釋云：『私殺也。』

『五』城陰，新釋云：『城北也。』還字下，各舊本有益字，茲據集解刪。集解云：『益字疑衍。上文少庶子不見知，欲入見於君，是濟陽君初不親少庶子也。刺老儒，還親之，則親上不當有益字；還，音旋。』

傳四——陳需，魏王之臣也，善於荆王，而令荆攻魏。荆攻魏，陳需因請爲魏王行解之，因以荆

勢相魏。〔一〕

校釋 〔一〕行解猶行成也，亦猶議和也。集解云：『解和也，本書多用構字。』

韓昭侯之時，黍種常貴甚。〔二〕昭侯令人覆廩，廩吏果竊黍種而糶之甚多。〔三〕

校釋 〔一〕甚字，集解據藝文類聚八十五引改爲尠，有二字，茲仍從各舊本爲是。常翼云：『淵鑑作嘗。』

〔二〕覆廩猶言查廩也。集解云：『各本不重廩字，據藝文類聚引補。』茲從之。

昭奚恤之用刑也，有燒倉廩窮者，而不知其人。〔一〕昭奚恤令吏執販茅者而問之，果燒也。〔二〕

校釋 〔一〕昭奚恤新釋云：昭，姓，奚恤，名，楚宣王時爲令尹。窮字，各舊本俱作穿。識誤云：『穿當作窮。』

纂聞云：『字典引此而云穿音義未詳。山曰疑窮字誤。按荀子有困窮，注：窮，窘也，地藏曰窮，窮，匹貌切。』翼云：『穿，疑窮之訛。周禮考工記注：穿地曰窮，管子輕重篇云：里有積五窮。』茲據改。

〔二〕燒也，卽燒者，古也，字與者通用。集解云：『燒下疑有者字，蓋以不知此也，字卽作者解也。』

昭僖侯之時，宰人上食，而羹中有生肝焉。〔一〕昭侯召宰人之次而謂之曰：『若何爲置生肝

寡人羹中？』〔二〕宰人頓首服死罪，曰：『竊欲去尙宰人也。』〔三〕

一曰：僖侯浴，湯中有礫。僖侯曰：『尙浴免，則有當代者乎？』左右對曰：『有。』僖侯曰：『召而

來；』譙之曰：『何爲置礫湯中？』對曰：『尙浴免，則臣得代之，是以置礫湯中。』〔四〕

校釋 〔一〕昭信侯新釋云：『韓昭侯也，韓策及呂覽謂之昭釐侯，釐信聲轉通用。』宰人膳人也。

〔二〕次猶今言助手也。謂譙責也。若翼彘云：『汝也。』

〔三〕尙宰人猶言宰人長也。纂聞云：『輟耕錄：尙書、秦官，在殿中主發書，故云尙，猶主也。如尙方尙食之尙，並音時亮反，後世乃以尙書之尙訛爲辰羊反，韻書遂兩收之，當從其正義，不當從其訛音。又焦氏筆乘：秦置六尙，又有尙沐、尙席，古字少，故多省文以轉注，合周禮之言，則諸尙字皆古掌字省文。』

〔四〕尙浴掌浴者，免謂免職，代謂繼任。

晉文公之時，宰臣上炙，而有髮繞之。〔一〕文公召宰人而譙之曰：『女欲寡人之哽邪？奚爲以髮繞炙？』〔二〕宰人頓首再拜，請曰：『臣有死罪三：援礪砥刀，利猶于將也；切肉肉斷，而髮不斷，臣之罪一也。〔三〕援木而貫鬻，而不見髮，臣之罪二也。〔四〕奉炙爐炭，火盡赤紅，而炙熟而髮不焦，臣之罪三也。』堂下得微有疾臣者乎？』〔五〕公曰：『善。』乃召其下而譙之，果然，乃誅之。〔六〕

一曰：晉平公觴客，少庶子進炙而髮繞之，平公趣殺炮人，毋有反令。〔八〕炮人呼天曰：『嗟乎，臣有三罪，死而不自知乎！』〔九〕平公曰：『何謂也？』對曰：『臣刀之利，風靡骨斷，而髮不斷，是臣之一死也；桑炭炙之，肉紅白而髮不焦，是臣之二死也；炙熟，又重睫而視之，髮繞炙而目不見，是臣

之三死也。〔一〇〕意者堂下其有翳憎臣者乎？殺臣不亦蚤乎！〔一一〕

校釋 〔一〕晉字、各舊本無，茲據纂聞補。翼彙云：『一本有晉字。』宰臣即宰人。翼彙云：『晉乘匠作人，

事文類集同。』炙燒肉也。有字、各舊本無。集解云：『意林而下有有字，』茲據補。

〔二〕哽音梗，食物下咽哽塞曰哽。譙集解云：『藝文類聚十七引譙作誚，下同。』

〔三〕援礪砥刀猶言以石磨刀也。于將翼彙云：『劍名。』曰字下臣字，各舊本無。集解云：『據藝文類聚

補，』茲從之。

〔四〕援木而貫櫛猶言以木穿肉，蓋古炙肉法也。翼彙云：『禮、雜記云：畢以桑，畢，貫牲體木也。炙，籀文作

鑊，貫音串，象木串肉而火之形。』櫛塊切肉也，讀戀上聲。集解據藝文類聚、意林改木而二字爲錐，未可從。

〔五〕奉炙之炙、各舊本俱作熾。翼彙云：『藝文類聚、事文類集、淵鑑類函髮條熾作炙。』按作炙是，茲據

改。說文：『炙，炮肉也，從肉在火上。』是炙肉即今之烤肉也。奉，持也；奉炙爐炭，猶言置炙肉於爐炭之上也。

火字，集解據藝文類聚意林改爲肉字，未可從。火盡赤紅謂火力甚足也。焦字，各舊本作燒，茲從集解據藝

文類聚改。

〔六〕得微二字，乾道本作得財無微有五字，趙本、凌本作得無微三字。茲從集解校刪。識誤云：『今本無財

字，按句有誤。』雜志云：『無字，後人所加，得微即得無也。』邾風、式微傳云：微，無也。晏子春秋、雜篇：諸侯得微

有故乎？國家得微有事乎？莊子盜跖篇：得微往見跖耶？皆其證也。後人加無字於微字之上，而其義遂不可通矣。『集解云：『按王說是。藝文類聚引作堂下得微有嫉臣者乎？今據刪。疾嫉古通。』

〔七〕下字，集解云：『各本下上有堂字。按堂字衍，召其下，謂召其次也。藝文類聚引正無堂字，今據刪。』茲從之。

〔八〕觴客，謂以酒宴客也。趣讀爲促，如禮月令：乃趣獄刑，及史記項羽紀：數使使趣齊兵是。炮人，翼壽云：『卽庖人。』反如平反之反，反令謂不依原令行之，而再有所請令也。

〔九〕死而，集解云：『御覽八百六十三引作而死。』

〔一〇〕靡偃也；風靡骨斷，極言其刀之利也。桑炭以桑木爲炭也。翼壽云：『詩：樵彼桑薪，朱傳：桑薪，薪之善者，是桑炭亦炭之善者也。』紅白，翼壽云：『炙熟，色紅白。』新釋云：『肉由紅而白乃大熟。』重睫而視，謂凝視也。凡凝視時，則睫毛相重，故曰重睫。

〔一一〕翳，猶隱也。蚤，翼壽云：『早通。』集解云：『御覽引無翳字，蚤作枉。』

穰侯相秦而齊強，穰侯欲立秦爲帝，而齊不聽，因請立齊爲東帝，而乃能成也。〔一〕

校釋 〔一〕穰侯，新釋云：『魏冉也，史記有傳。』帝，纂聞云：『史表：秦昭十九年十月與齊潛王稱帝，十二月復皆稱王。』乃字，各舊本俱作不。識誤云：『不當作乃，』茲據改。

傳五 晉獻公之時，驪姬貴，擬於后妻，而欲以其子奚齊代太子申生，因患申生於君而殺之，遂立奚齊爲太子。〔一〕

校釋 〔一〕貴得寵也。擬匹敵也。驪姬本爲妾，因得寵而與后妻匹敵，是卽所謂「參疑」。『患廣韻云：「惡也。」集解翼毳俱云：「患當作惡。」纂聞並改爲惡，似可不必。

鄭君已立太子矣，而有所愛美女，欲以其子爲後，夫人恐，因用毒藥賊君殺之。〔二〕

校釋 〔一〕後謂儲君也。賊君猶言害君也。纂聞云：『西周策注：殺人不以其道曰賊。』

衛州吁重於衛，擬於君，羣臣百姓盡畏其勢重，州吁果殺其君而奪之政。〔三〕

校釋 〔一〕州吁，新釋云：『莊公寵妾所生子，州吁弑桓公而立事，見左隱四年傳。』奪之政，猶言奪其政也。

公子朝，周太子也，弟公子根甚有寵於君，君死，遂以東周叛，分爲兩國。〔四〕

校釋 〔一〕公子朝，識誤云：『難三篇：朝作宰。』史記周本紀云：威公卒，子惠公代立，乃封其少子於羣，以奉王，號東周惠公，卽其事，與此不同。纂聞云：『說疑篇：周威王身殺，國分爲二，豈卽此耶？又國語：王子朝，景王之長庶子也。左傳：王子朝據王城，曰西王，敬王居狄泉，曰東王，與此所記亦頗相類。』

楚成王以商臣爲太子，旣而又欲置公子職，商臣作亂，遂攻殺成王。〔五〕

一曰：楚成王以商臣爲太子，既欲置公子職。^{〔二〕}商臣聞之未察也，乃爲其傅潘崇曰：『奈何察之耶？』^{〔三〕}潘崇曰：『饗江芊而勿敬也。』^{〔四〕}太子聽之。江芊曰：『呼，役夫！宜君王之欲廢女而立職也。』^{〔五〕}商臣曰：『信矣。』潘崇曰：『能事之乎？』曰：『不能。』『能之諸侯乎？』曰：『不能。』『能舉大事乎？』曰：『能。』^{〔六〕}於是乃起宿營之甲而攻成王。成王請食熊蹯而死，不許，遂自殺。^{〔七〕}

校釋 ^{〔一〕}職翼義云：『商臣庶弟也。呂覽當務云：不可置妾之子，注置立也。』

^{〔二〕}一曰以下之辭，見左傳，但間有異同。王字下以字，各舊本無。集解云：『王下當有以字。』纂聞云：『從山氏補以字。』茲據增。

^{〔三〕}察猶言審也，明也。爲集解云：『謂字通。』

^{〔四〕}江芊杜注云：『成王妹，嫁於江。』新釋云：『史記以爲成王寵姬。』饗江芊，謂宴以飲食也。傳校云：『江芊或誤作江芊，芊，縣婢切，事見左傳文公元年，與芊形義皆殊。』

^{〔五〕}役夫杜注云：『呼，發聲，役夫，賤者稱。』

^{〔六〕}事之杜注云：『能事職不？』之諸侯，乾道本趙本作『爲之諸侯』，凌本作『行』。平議云：『爲字衍文。能之諸侯乎，言能適諸侯乎？左傳作能行乎，是其證。』纂聞云：『之適也，之上原有爲字，從山氏削。』

按無爲字是，茲據刪。舉大事，杜注：『謂弑君。』

〔七〕營，纂聞云：『宜作衛，音之誤也。左傳作宮甲。』按宿營之甲，卽近代所謂禁衛軍。熊蹯蹯與蹯通，熊蹯，熊掌也。杜注云：『熊蹯難熟，望久將有外救。』

韓廌相韓哀侯，嚴遂重於君，二人甚相害也。〔一〕嚴遂乃令人刺韓廌於朝，韓廌走君而抱之，遂刺韓廌而兼中哀侯。〔二〕

校釋 〔一〕韓廌，誠誤云：『說林上篇及韓策廌作傀，同字。哀侯，卽世家之烈侯，世本謂之武侯，戰國策及此謂之哀侯，各不同，事在三年，與世家之哀侯，非一人也。』

〔二〕中字，各舊本無。纂聞云：『從國策補。侯下一有亡字，蓋中訛亡，因誤倒也。』按趙本侯下衍亡字，兼下宜有中字，茲據增。

田恆相齊，闕止重於簡公，二人相憎而欲相賊也。田恆因行私惠以取其國，遂弑簡公而奪之政。〔一〕

校釋 〔一〕闕止，新釋云：『字子我，史記齊世家作監止。』纂聞云：『山曰：事見左哀六年及十四年。』戴驥爲宋太宰，皇喜重於君，二人爭事而相害也，皇喜遂殺宋君而奪其政。〔二〕

校釋 〔一〕皇喜，纂聞云：『他篇及諸書言子罕者，卽此皇喜也，說見二柄。』新釋云：『皇喜，子罕名也。』

說疑篇云：司城子罕取宋。左襄九傳：宋災，樂喜爲司城以爲政，注：樂喜，子罕也，宋賢大夫，與此異人。殺宋君，新釋云：『殺，放也，宋君謂昭公。新書、韓詩說苑、淮南子均未云昭公有被弑之事，說者以殺爲弑誤矣。孟子殺三苗於三危，虞書作竄，左昭元傳周公殺管叔而蔡蔡叔，注：蔡，放也，則殺或以蔡爲之。若昭公杵臼之被弑，係襄夫人使帥甸，事見左文公十六傳，而樂喜字子罕之爲司城，事見左襄九傳，且樂喜爲宋賢大夫，焉得有弑君之事？然則此宋君之爲昭公更明矣。』

狐突曰：『國君好內，則太子危；好外，則相室危。』〔二〕

校釋 〔一〕狐突，翼彘云：『字伯行，晉文公外祖父也。晉語：狐突諫曰：國君好艾，大夫殆；好內，適子殆。章注：好內，多嬖妾也，嬖妾專寵，故適子殆。好艾，多嬖臣也，嬖臣害正，故大夫殆。時狐突傅太子申生，獻公立驪姬爲夫人，而國多憂，狐突稱疾不出六年，故稱此古語。國語外作艾，聲之誤也。』

鄭君問鄭昭曰：『太子亦何如？』對曰：『太子未生也。』君曰：『太子已置，而曰未生，何也？』對曰：『太子雖置，然而君之好色不已，所愛有子，君必愛之，愛之則必欲以爲後，臣故曰：太子未生也。』

傳六——文王資費仲而遊於紂之旁，令之間紂而亂其心。〔二〕

校釋 〔一〕遊，乾道本作游，茲從趙本。凌本按：遊，游古通。讀云：『遊，遊說也。』間，乾道本、趙本作諫，茲從

凌本拾補云：『諫凌本作間。按顏氏家訓音辭篇穆天子傳音諫爲間，蓋穆天子傳道里悠遠，山川諫之下郭璞注也。今本乃改正文作間，注作間音諫，殊誤。此書亦是以諫爲間，凌本遽改作間，其誤亦同。』按間、反間也，諫爲間之同聲假借字，作間較便於讀，故茲仍從凌本。

荆王使人之秦，秦王甚禮之。〔一〕王曰：『敵國有賢者，國之憂也。今荆王之使者甚賢，寡人患之。』羣臣曰：『以王之聖賢，與國之資厚，願荆王之賢人，王何不深知之而陰有之？荆以爲外用也，則必誅之。』〔二〕

校釋 〔一〕之秦，適秦也。

〔二〕臣字下，乾道本、趙本有諫字，茲從凌本。與新釋云：『及也。』願字，疑有誤。讀云：『願當作患，聲之誤也。』纂聞卽據讀改爲患字。新釋云：『願，念也。』深知集解云：『猶言深結。』翼龜云：『左昭四年傳：公孫明知叔孫於齊，注：相親知也。』陰有集解云：『陰當作陽，字之誤也，陽與伴通。』翼龜云：『蒲阪氏曰：陰有之，東周策注：有言善之。按此疑脫善字，有音又，下文陰有善荆王左右。』點勘云：『陰有之，若隱然據以爲臣也，乃反間也，有或爲友字之誤。』按此不誤亦不脫。陰有，猶隱有也。荆使本爲荆王所有，而秦深結之，則可隱有之以行反間矣。外用，讀云：『爲敵國用。』新釋云：『外爲秦用。』

仲尼爲政於魯，道不拾遺，齊景公患之。黎且謂景公曰：〔一〕『去仲尼，猶吹毛耳。君何不迎之？』

以重祿高位，遣哀公女樂以驕熒其意。^{〔三〕}哀公新樂之，必怠於政，仲尼必諫，諫必輕絕於魯。^{〔三〕}景公曰：『善。』乃令黎且以女樂二八遣哀公，哀公樂之，果怠於政。^{〔四〕}仲尼諫，不聽，去而之楚。^{〔五〕}

校釋

〔一〕黎且，乾道本作黎且，茲從趙本、凌本。拾補云：『孫云：後漢書馮衍傳注引作黎鋤。』譏誤云：『上文作黎，下文作黎，黎是也，今本皆作黎，非。』史記、孔子世家作黎鋤。『集解云：『御覽四百七十八引作黎鋤，意林作黎且。』按黎、黎皆同音假借，茲從今本作黎，取其便讀耳。』

〔二〕哀公，拾補云：『哀字譌。後漢書引君何不遺魯君以女樂，此在定公時，云哀公皆誤。』集解云：『哀公，後漢注引同，明此韓非子傳聞偶誤，非字譌也。後漢注上作定，下作哀，不足爲據。』纂聞、翼肅亦以哀爲定之誤，茲姑仍之。驕熒，各舊本俱作驕榮，集解云：『王涓曰：榮當作熒，下文以榮其意同。』魏翼云：『榮當作熒，惑也。』纂聞云：『山曰：榮讀曰熒，惑也。家語：其談說足以飾邪榮衆，荀子作營，注營讀爲榮。』按榮本爲熒之同聲假借字，茲改爲熒，以便讀。

〔三〕新字，纂聞云：『一作必。』『諫必』之諫字下，拾補云：『後漢書注引有而不聽三字。』

〔四〕女樂歌伎也。二八，集解云：『各本二八字作六字。』盧文弨云：『意林亦作六，疑皆二八兩字之誤。』太平御覽五百七十一引家語作好女子二八，疑後人以史記之文改之。八十人太多，六人太少，卽非二八，亦是八。

人方成舞列。下管遺虞亦同。先慎案六字乃二八之誤。御覽四百七十八引正作二八，今據改。按左傳亦有女樂二八之文，茲從集解校改。

〔五〕去而之楚，集解云：『後漢注引作遂去三字，御覽引作去而之齊。』

楚王謂于象曰：『吾欲以楚扶甘茂而相之秦，可乎？』于象對曰：『不可也。』王曰：『何也？』曰：『甘茂少而事史舉先生。史舉上蔡之監門也，大不事君，小不事家，以苛刻聞天下，茂事之順焉。』惠王之明，張儀之辯也，茂事之取十官而免於罪，是茂賢也。』王曰：『相人敵國而相賢，其不可何也？』于象曰：『前時王使邵滑之越，五年而能亡越，所以然者，越亂而楚治也。』曰：『日者知用之越，今忘之秦，不亦太亟忘乎？』王曰：『然則爲之奈何？』于象對曰：『不如用共立。』王曰：『共立可相，何也？』對曰：『共立少見愛幸，長爲貴卿，被王衣，含杜若，握玉環，以聽於朝，且利以亂秦矣。』〔六〕

校釋

〔一〕于象拾補云：『史記甘茂傳作范蠡。徐廣云：蠡一作蠟。索隱云：戰國策一作蠓。今楚策作環。』

集解云：『文選注引于象作于象，于字形相近而誤。吳鼎云：宋槧一卷中前作于，後作干，查姓氏急就篇注，楚有于象，不誤。』

〔二〕楚扶甘茂相秦新釋云：『管子任法，鄰國諸侯能以其權置子立相，衰周時習也。』纂聞云：『謂以

楚之重，扶翊其人爲秦相也。』監門官署之守門者。周禮注：監門，門徒。新釋云：『坐門塾而教士，因稱監門。齊策：監門，閭里士之賤甚矣。』順纂聞云：『策注，謂不失其意。』

〔三〕惠王秦惠王也。辯字，乾道本、趙本作辨，茲從凌本。辯，謂能言也。翼彙云：『史記辨作好譖二字。』傅校云：『辯，說文、治也。段注，謂治獄也。俗多與辨不別，辨者，判也。按辯引申爲辯論字，辨之本義爲判別，俗多借爲辯論字。』取十官，猶言升官甚多也。

〔四〕相賢集解云：『賢上相字衍。』邵滑識誤云：『徐廣云：滑，一作涓，策無邵字。』集解云：『史記、甘茂傳、邵作召，賈誼新書亦作召，秦本紀作昭，楚策作卓，趙策作淖，召、昭、卓、淖，皆一聲之轉。李善文選過秦論注引此亦作召，召邵古通。』

〔五〕日者，補箋云：『漢書高帝紀：日者荊王兼有其地，卜式傳：日者北邊有興，韓延壽傳：日者燕王爲無道，顏俱注云：日者，猶言往日也。呂氏春秋：重言篇：日者臣望君之在臺上也，其誼亦同。集解謂日爲昔譌，失之。』兩忘字，乾道本、趙本作亡，凌本於兩字下無亡字。識誤云：『當如策作忘。』集解云：『按張榜本作忘，今據改。』茲從之。翼彙云：『亡，忘通，亟，急也。』

〔六〕共立，宋本注云：『一云公子赫。』識誤云：『策作公孫郝，史記云向壽，不同也。』王衣平議云：『王，當作玉。三國志魏文帝紀注云：舜承堯禪，被珍裘，玉衣，猶云珍裘也。古人於美好之物皆曰玉，食言玉食，衣

言玉衣，其義同也。此與下文之握玉環本同作玉，後人不解而臆改耳。翼龜云：『王、玉誤，列子曰：日獻玉衣，荀子：服五采，雜間色，重文繡，加飾之以珠玉。或曰：王衣，與王同衣，亦通。』今按國策云：『夫公孫郝之於秦王親也，少與之同衣，長與之同車，被王衣以聽事，真大王之相也，王相之，楚國之大利也。』據此，則王衣非誤矣。杜若新釋云：『香草，七發：擿流波，雜杜若。』按杜若爲多年生草。楚辭云：『採芳洲兮杜若。』玉環翼龜云：『禮經解：行則有佩環之聲。山海經右手操環，注：玉空邊等爲環。』按環爲圓形，玉環，玉製之手圈也。且猶將也。

吳攻荆，〔一〕子胥使人宣言於荆曰：『子期用，將擊之；子常用，將去之。』荆人聞之，因用子常而退子期也。吳人擊之，遂勝之。〔二〕

校釋 〔一〕攻字，乾道本誤作政，茲從趙本、凌本。

〔二〕子期，纂聞云：『公子結也，忘其實，故問之。子常，囊瓦也，柏舉之敗奔鄭。』

晉獻公欲伐虞、虢，〔一〕乃遣之屈產之乘，垂棘之璧，女樂二八，以熒其意，而亂其政。〔二〕

校釋 〔一〕欲字，乾道本、趙本無，茲從凌本。虞、虢，凌本無虢字，茲從乾道本、凌本。拾補云：『一本作欲伐虞，按經是虞、虢。』集解云：『御覽三百五、又四百七十八、五百六十八引作欲伐虞、虢，今據補。』

〔二〕乘，猶言馬也，四馬曰乘。屈與垂棘均地名，詳十過篇。二八，集解云：『各本二八字作六字，今據御覽。』

引改。』茲從之，說見上。熒字，各舊本俱作榮。集解云：『榮當作熒。』翼肅云：『淵鑑類函引榮作熒。』茲據改，詳上。

叔向之讒莨弘也，爲莨弘書，謂叔向曰：『子爲我謂晉君所與君期者，時可矣，何不亟以兵來？』因伴遺其書周君之庭，而急行去。周以莨弘爲賣周也，乃誅莨弘而殺之。』

校釋 〔一〕叔向集解云：『王渭曰：困學紀聞謂此時叔向死已久。先慎曰：說苑權謀篇記誅莨弘事，與本書略同，蓋古人相傳偶異也。』爲莨弘書，乾道本、趙本作爲書曰莨弘。拾補云：『爲書曰莨弘，今從凌本刪乙。』爲莨弘書，謂僞造一信，託名莨弘，以致叔向也。期，新釋云：『要約也。』

〔二〕伴遺故遺也。行去各舊本作去行。集解云：『行字當衍。』纂聞云：『疑宜作行去。』按作行去是，茲據乙而殺之。拾補云：凌本無此三字。集解云：『而殺之三字，句例見前，凌本妄刪。』

鄭桓公將欲伐鄆，〔一〕先問鄆之豪傑、良臣、辯智、果敢之士，盡舉其姓名，〔二〕擇鄆之良田賂之，爲官爵之名而書之，因爲設壇場郭門之外而埋之，繫之以雞豕，若盟狀。〔三〕鄆君以爲內難也，而盡殺其良臣。桓公襲鄆，遂取之。

校釋 〔一〕鄆職誤云：『他書，詹又作檜，會。』纂聞云：『韋昭曰：詹，妖姓，徐廣曰：在密縣。』

〔二〕舉其乾道本、趙本作與，迂評本、凌本作與其。拾補云：『張本無與字。』職誤云：『盡與，說苑權謀篇

作書其。『平議曰：『與當作舉。周官師氏：王舉則從，注曰：故書舉爲與，是其例也。襄二十七年左傳：仲尼使舉是禮也。釋文引沈云：舉，謂紀錄之也。然則盡舉姓名爲悉記錄其姓名矣。』按平議說是，茲據改。

〔二〕埋字，乾道本、趙本誤作理，茲從迂評本、凌本。爲設，纂聞改爲設爲，云：『孟子：設爲庠序學校以教之。』按爲字當讀去聲，爲設，卽謂爲書姓名，覺鷄豕而設壇場也。纂聞乙爲『設爲』，未可從。若盟狀，謂似盟誓之狀也。古者盟誓，殺牲歃血，以告誓於神明。覺之以雞豕，卽殺牲歃血也，亦謂之血祭。鄭假爲盟覺，以間鄭之君臣，故曰『若盟狀。』

秦侏儒善於荆王，而陰有善荆王左右，而內重於惠文君。〔一〕荆適有謀，侏儒常先聞之，以告惠文君。〔二〕

校釋 〔一〕秦字上，乾道本、趙本有七字，迂評本、凌本有傳七二字。此蓋以誤分所謂『廟攻』節而加者，茲俱刪之。有集解云：『讀爲又。』

〔二〕適猶言正也，剛也。

鄒令、襄疵陰善趙王左右，〔一〕趙王謀襲鄒，襄疵常輒聞而先言之。魏王、魏王備之，趙乃輟行。

〔二〕

校釋 〔一〕本節，迂評本、凌本在前節前，茲從乾道本、趙本。識誤云：『乾道本：藏本，此條在秦侏儒後，當

譌倒也。』集解云：『依經次，不誤，顧說非。』

〔二〕輒卽也。魏王二字，乾道本、趙本不重，茲從迂評本、凌本。拾補云：舊不重，張、凌本皆重。輒行各舊本作輒還。雜志云：『輒還當作輟行，言趙王知魏王之有備而止其行也。輟字既譌爲輒，後人不得其解，故改輒行爲輒還。不知上言趙謀襲鄴，則兵尙未出，不得言還也。』按雜志說是，茲據改。纂聞只改輒爲輟，而不改還字，未可從。

衛嗣公之時，有人於縣令之左右。〔一〕縣令發蓐，而席弊甚。嗣公還令人遺之席，曰：『吾聞汝今者發蓐，而席弊甚，賜汝席。』〔二〕縣令大驚，以君爲神也。

校釋 〔一〕嗣公各舊本作嗣君，茲從上經及下文改。縣令集解云：『各本脫縣字，據御覽七百九引補。』〔二〕發字上各舊本有有字。集解云：『有字衍，據御覽引刪。』茲從之。發蓐，發展也。蓐，坐臥之藉也。今通作褥。蓐以莞製者爲席，以藁製者爲薦。古者坐地有席，治事亦布席。經文原作蓐，蓐、蓆字通。發蓐，蓋卽展蓐而坐或臥也。纂聞云：『發起臥蓐也。墨子云：城上日一發蓐，令相錯發。』翼雋云：『晏子春秋：發蓐，傳傳薦。』還讀爲旋，卽也。

外儲說左上

釋題 本篇原爲第十一卷第三十二篇。集解云：『索隱云：外儲言明君觀聽臣下之言行，以斷其賞罰；賞罰在彼，故曰外也。』纂聞云：『外者，對內之辭，因以別篇，不必以在彼爲解。』按內外爲分篇之辭，本無他義，索隱望文爲說，未可從。餘詳內儲說上，不贅。

提要 本篇主旨，在以事例說明六種主術：（一）聽言觀行不可美其辯而賢其士；（二）聽言不以功用爲的之害；（三）國事不可仿效先王；（四）名利不可施於居學之士；（五）人主躬親而不責成之害；（六）積信而後可行法。迂評云：『凡六節，並連類比物，隱括成文。』

考證 外儲各篇體例，與內儲同，但無節目耳。外儲各篇之出於韓非，從無疑者。但本篇有佚文，如鄭縣人卜子妻買鼃節，僅見於傳，而不見於經，是也。又有衍文，如內儲說上子產離訟者，嗣公過關市兩節傳文。乾道本、迂評本、藏本俱複出於本篇篇末，茲從趙本、凌本刪之。

經一——「一」明主之道，如有若之應宓子也。「二」時主之聽言也，美其辯；其觀行也，賢其遠。「三」故羣臣士民之道言者迂弘，其行身也離世。其說在田鳩對荊王也。「四」故墨子爲木鳶，驅突築武宮。夫藥酒忠言，明君聖主之所獨知也。「五」

校釋「一」經一各舊本僅作一字，但有於經後標「右經」二字者，如迂評本、趙本、凌本，至乾道本藏本則無之。茲於節首均冠以經字，藉醒眉目。

〔二〕宓子乾道本、迂評本作密子，茲從趙本、凌本。識誤云：「藏本同，今本密作宓。按說作宓，宓、密同字。」翼龜云：「此經文，疑第五經文錯入，因下有明主字耳，解在傳宓子章。」

〔三〕時主各舊本俱作明主。翼龜云：「明，疑世之誤。」解詁云：「明，宜作暗，一曰明，恐時之誤。」纂聞亦以明字爲寫者誤，已改爲暗字。按明字確誤，改爲世、時、暗，均可通。茲改爲時，取其與明字形較近耳。美贊美也。遠讀云：「即所謂離世也。」按遠，謂迂遠、高遠，而不切時用也。翼龜云：「八說篇：尊遠功之行。」

〔四〕道言。翼龜云：「道言字對下行身字，則道是虛字，言是實字。」傳云：「今世之談也，皆道辯說文辭之言，孝經云：非先王之法言，不敢道，即道言義。或於道字下絕句，非。」迂弘、乾道本作迂弘，茲從迂評本。按迂，即迂本字。集解云：「弘與閔同。迂弘與下迂深閔大同義，離世，謂遠於事情。」纂聞云：「問辯篇：亂世之聽言也，以難知爲察，以博文爲辯，其觀行也，以離羣爲賢，以犯上爲抗。」

〔五〕藥酒。讀云：「藥也，古多用藥酒也。」忠言各舊本作用言。集解云：「用，張榜本作無。按用當作忠，下文忠言拂於耳，是其證。」傳校云：「用，宜作忠。中字古文作用，與用相似，故中誤爲用。中忠古通用。」按作忠是，茲據改。君字，趙本、凌本誤作在，茲從乾道本、迂評本、藏本。集解云：「明君聖主，當作知者明主，謂藥酒忠」

言、知者明主之所以獨知也，下說文是其證。『所』字，各舊本作以，纂聞、翼彙云：『以一作所。』按作所是，茲據改。

經二——人主之聽言也，不以功用爲的，則說者多棘刺，白馬之說，不以儀的爲關，則射者皆如羿也。〔一〕人主於說也，皆如燕王學道也；而長說者，皆如鄭人爭年也。〔二〕是以言有續察微難，而非務也；故秉、惠、宋、墨，皆畫策也。〔三〕論有迂深闊大，非用也；故魏、長、瞻、陳、莊，皆鬼魅也。〔四〕行有拂難堅確，非功也；故務、卞、鮑、介、墨翟，皆堅瓠也。〔五〕且虞慶詘匠而屋壞，范且窮工而弓折，是故求其誠者，非歸餉也不可。〔六〕

校釋 〔一〕儀的，集解云：『儀，準也，見周語注。』傅校云：『的，射的也。』關翼彙云：『貫，通儀禮、鄉射禮；不貫不釋，注貫猶中也。』

〔二〕長說，謂說而不休也。翼彙云：『長，常也，讀若長，戚戚之長。』

〔三〕續察，細察也。續察微難，猶言論理剖析入微也。務，猶用也。秉、惠、宋、墨，秉各舊本作李。識誤云：『李當作季，季良、惠施、宋鉗、墨翟也。』翼彙云：『李當作季。荀子、成相篇云：慎墨、季惠，百家之說，誠不詳，是也。』注或曰：季，即莊子云：季真之莫爲者也，又曰：季子聞而笑之。韓侍郎云：季梁也，列子曰：季梁，楊朱之友也。荀子楊倞注：或以爲李悝，李克皆非也。纂聞云：『李、李克，山曰：李悝也。圓謂荀注無適一之說，以此例彼，季乃李』

字訛。『讀云：『李、李聃也。』按纖察微難之言，即指辯者或名家之言。莊子、天下篇云：『桓團、公孫龍、辯者之徒，飾人之心，易人之意，能勝人之心，不能服人之心，辯者之囿也。』荀子、非十二子篇云：『好治怪說，玩琦辭，甚察而不急，辯而無用……是惠施、鄧析也。』史記云：『名家苛察、纖繞，使人不得反其意，專決於名，而失人情。』所謂『苛察』、『甚察』，以及『能勝人之心』，即本篇所謂『纖察微難而非務也。』此點既明，則下文所舉之人應爲辯者之流，自無疑義。李聃爲道家，季良、季梁，亦道家；李克即李悝，爲法家，俱非辯者，不能詆其爲『纖察微難』。故作李固誤，作季亦誤。依上文文義考之，李蓋秉字之誤，秉、公孫龍也。莊子、徐無鬼篇云：『莊子謂惠子曰：『儒、墨、楊、秉四，與夫子爲五。』成玄英、南華真經疏云：『秉者，公孫龍字也。』列子、釋文云：『公孫龍、平原君之客，字子秉，趙人。』公孫龍與惠施齊名，俱爲辯者，故知李字宜作秉。茲校改之。墨，非單指墨翟，乃統指近於辯者之墨者。此文云墨，而下文云墨翟，則此所謂墨，非單指墨翟明矣。莊子、天下篇云：『墨者……俱誦墨經，而倍誦不同，相謂別墨。以堅白同異之辯相訾，以簡偶不侔之辭相應。』此所謂『墨』，即彼『以堅白同異之辯相訾，以簡偶不侔之辭相應』之墨者而已。宋即宋鉞，與宋輕、宋榮子爲一人，考詳唐鉞之尹文和尹文子。（見清華學報）宋鉞之說，如『禁攻寢兵』，近於墨家；如『情欲寡淺』，近於道家；至其如何『上說下教』，則又近於名家或辯者。考辨云：『漢志小說家宋子十八篇，所以入小說家者何？莊子曰：以此周行天下，上說下教，雖天下不取，矻矻而不舍。又與尹文並稱。尹

文書入名家。名家者流，大率取譬相喻，務在衆曉。故漢志評小說家亦曰：「街談巷語，道聽途說者之所造，此宜與名家爲近。」荀子譏宋說，亦以入潤，攘矢爲譬。意宋子書多此類，所以歸之小說家，而實與當時名家辯士白馬非馬諸論相通也。劉晔新論九流篇云：「名家，宋鈰、尹文、惠施、公孫捷之類也。今按劉氏以宋鈰爲名家首稱，正與余論相合。六朝學者精研名理，猶知其義，後世則荒矣。」據此則知本篇以宋子之言亦爲纖察微難，與辯者同類，非無故矣。畫策繪有花彩之策也。

〔四〕迂深閎大蓋謂道家之說。先秦各家，其理論最爲迂深而且閎大者，當推道家。莊子云：「芴漠無形，變化無常。死與生與，天地並與。芒乎何之？忽乎何適？萬物畢羅，莫足以歸。……上與造物者遊，下與外生死，無終始爲友。其於本也，宏大而辟，深閎而肆。其於宗也，可謂稠適而上遂矣。」此即道家迂深閎大之論之一斑也。魏長瞻陳莊五字，各舊本原作「畏震瞻車狀」。識誤云：「畏當作魏，魏牟也。聲近誤。震當作處。瞻何？莊子讓王篇釋文云：瞻子，賢人也。淮南作詹車，當作陳，陳駢也。形近誤。狀皆當作皆狀。」新釋云：「震同慎，慎到也。車同處，即處子，史記劇子之言，劇即處。一曰車謂吁子也。」據上下文俱舉人名爲例證，而此獨云「畏震瞻車狀」，既與上下文例不合，又不成義。纂聞翼譌俱望文爲釋，殊不可從。識誤首疑其誤，可謂近之。查此五字致誤之由，蓋以漢初或兩晉六朝道家正盛之時，爲其宗師諱，故意改誤，而其形聲尙可尋耳。識誤以畏爲魏，車爲陳，是茲據改。漢志有公子牟四篇，田子二十五篇。公子牟即魏牟，田子即陳駢，皆

道家也。震字、識誤以爲當作處，按處子在漢志爲法家，未可從。新釋以爲當作慎，按慎子雖有道家思想，同時又有法家思想，韓子於他篇曾稱述之，不得於此篇又非之也。疑震當作長，長廬子也。漢志有長廬子九篇，亦道家，茲改之。狀當作莊，莊子也。漢志有莊子五十二篇，狀之爲莊，殆無疑義，茲改之。

〔五〕行有二字，各舊本作『言而』。識誤云：『當作行有。』翼毳云：『言字當作行。下文務、下、鮑、介、墨、行、事者，而非言語之人，是以知爲行字之誤。而當作有。』茲據改拂難堅，確謂雖犯難而仍堅貞也。確讀爲確，堅正也。務、下、鮑、介、墨、翟，識誤云：『務光、下、隨、鮑、焦、介之推也。墨翟二字有誤，或當作申徒狄。』集解云：『墨翟，卽田仲之譌，下說屈穀獻堅瓠於田仲，卽此。』按墨翟二字不誤，上文云墨，泛指辯者；此文云墨翟，乃專指墨子本人，所以多著一翟字者，卽恐讀者因上文而誤解耳。墨子之苦行，固有類於務、下、鮑、介之潔身也。〔六〕詘匠讀云：『謂詰匠使屈也。』按詘音屈，折服也。匠字下，各舊本有也字。集解云：『也字衍文，此與下句相對成文，不當有也字。』茲據刪。誠猶言眞實也。餉集解云：『下說作饒字同。』

經三——挾夫相爲則責望，自爲則事行。〔一〕故父子或怨讎，取庸作者進美羹。〔二〕說、在文公之先宣言，與句踐之稱如皇也。〔三〕故桓公藏蔡怒而攻楚，吳起懷瘡實而吮傷。〔四〕且先王之賦頌、鍾鼎之銘，皆播吾之迹，華山之博然也。〔五〕先王所期者，利也。所用者，力也。築社之諺，自辭說也。〔六〕請許學者而行宛曼於先王，或者不宜今乎？如是，不能更也。〔七〕鄭縣人得車輓也，衛人佐

弋也，卜子妻象弊褲也，而其少者也。〔八〕先王之言，有所爲小，而世意之大者，有所爲大，而世意之小者，未可必知也。〔九〕說在宋人之解書，與梁人之讀記也。故先王有郢書，而後世多燕說，夫不適國事，而謀先王，皆歸取度者也。〔一〇〕

校釋

〔一〕挾夫迂評本、趙本、凌本作夫挾，茲從乾道本。翼龜云：『挾，爾雅藏也，公羊傳注懷也。』夫釋詞云：『發聲也。』爲讀去聲。責望責難怨望也。自爲法家以人之自利心甚於利他心，故曰『相爲則責望，自爲則事行。』慎子云：『用人之自爲，不用人之爲我，則莫不可得而用矣。』又云：『人皆自爲而不能爲人，故君人者使其自爲用，而不使爲我用，』可與此互相發明。

〔二〕譙各舊本作譙。識誤云：『當依說作譙。』纂聞翼龜所說同，茲據改。父子本至親，然挾夫相爲，則或怨譙矣。庸與傭通。纂聞云：『取庸作，謂欲得傭作之功也。中山策吳注：此書取字，多爲與之善而得其心之義也，此取字亦然。』按欲取庸作，則進美羹，外似相爲，而實自爲也。

〔三〕如皇迂評注云：『臺名。』纂聞云：『如皇乃姑蘇二字殘缺而然。此二事皆名爲民，而實所以自爲也。』

〔四〕伐楚纂聞云：『名爲天子伐楚，而實自爲。』廖音抽，病愈也。讀云：『創廖則有實用，吳起懷此心，故吮傷，亦自爲也。』集解云：『實疑士之聲近而誤，懷廖士謂欲士之病愈也。』

〔五〕鍾字、古與鐘通用。播、迂評本、趙本、凌本作潘，茲從乾道本。識誤云：『播、藏本、今本作潘，他書又作番。』集解云：『播、潘、番，古字通用。』然也。各舊本俱作也。然字屬下讀。集解云：『然字當在也上，誤倒。』茲據乙按，然猶焉也，也猶耳也，詳見釋詞。頌銘、纂聞云：『賦頌箴銘之類，率皆稱頌過實，蓋有所爲而爲之耳。後世不知，而謂實有其事，猶人主好誇大者，爲人迹博箭，以欺後世耳。』

〔六〕自字、各舊本作目。集解云：『目乃自之誤，言晉文自辭說。』纂聞云：『自一作目，非。』按作自是，茲據改。自辭說，謂自爲辭說以資掩飾，而其真心，惟在用力求利耳。

〔七〕請許猶言試使也。學者蓋謂儒家。纂聞云：『學者所行，徒誦上世之頌語，不識救時之實務，所以失事宜也。』宛曼翼毳云：『宛、婉同，又與汗通。曼、謾、漫通，皆渺茫廣遠也。淮南子道應訓云：吾與汗漫期於九垓之外，注汗漫不可知也。』按此謂行先王不可知之說，則不宜於今也。更新釋云：『改也。』按不能更，謂不能因時制宜也。

〔八〕軛字、乾道本、迂評本作厄，茲從趙本、凌本。識誤云：『藏本同，今本厄作軛，按說作軛。』集解云：『厄、即軛之通借字。』弋字下也字、乾道本脫，茲從迂評本、趙本、凌本。象字、乾道本、迂評本、凌本作寫，趙本作爲。拾補云：『爲、寫俱譌，後作象，今定爲傍，傍即象字，謂仿象也。』茲從之，竟改爲象而猶與也，詳見釋詞。讀者讀云：『即傳侍長者飲事，而語意過簡，且傳買髓事，不見於經，或有缺文。』

〔九〕爲讀去聲，所爲卽所謂也。意意測也。小下之字，乾道本無，茲從迂評本、趙本、凌本。

〔一〇〕記字，下傳文亦作書。翼彘云：『宋人梁人之解讀，與原書意乖，猶學者謬解先王之書傳也，其談

說似合道理，然實非先王之旨也。』謀先王猶言謀於先王，卽稱頌先王之言以爲說也。新釋云：『謀，模也，

』則謀先王卽模仿先王之意，亦通。

經四——利之所在，民歸之名之所彰，士死之。〔一〕是以功外於法，而賞加焉，則上不能得所

利於下，名外於法，而譽加焉，則士勸名而不畜於君。〔二〕故中章胥己仕，而中牟之民棄田圃而隨

文學者，邑之半；平公腓痛足痺而不敢壞坐，晉國之辭仕託者，國之錘。〔三〕此三士者，言襲法，則官

府之籍也；行中事，則如令之民也；二君之禮太甚。〔四〕若言離法而行遠功，則繩外民也；二君又何

禮之禮之當亡。〔五〕且居學之士，國無事不用力，有難不被甲；禮之，則惰耕戰之功，不禮，則害主上

之法。〔六〕國安則尊顯，危則爲屈公之威，人主奚得於居學之士哉！故明主論李疵視中山也。〔七〕

校釋 〔一〕彰，表彰也。內儲說上篇云：『凡人之有爲也，非名之，則利之也，與此言民歸利，士死名，互相

發明。』

〔二〕外於法，猶言不合於法也。能字，乾道本誤作信，茲從迂評本、趙本、凌本。不畜，乾道本誤作下畜，茲從

迂評本、趙本、凌本。不畜之於君，謂士不爲君所畜也。畜，與孟子仰事俯畜之畜字義通。

〔三〕隨附從也。文學蓋謂儒家者。指中牟之民。不敢壞坐。翼彘云：『正坐也。』辭仕託。乾道本作辭仕記。趙本凌本作辭仕託慕。茲從迂評本。藏本平議云：『乾道本託誤作記。當從道藏本訂正。趙本託下有慕字。則由誤讀下文而衍也。下文曰：晉國之辭仕託。慕叔向者。國之鍾矣。此於託字絕句。仕。謂仕者。託。謂託者。左傳。衛子鮮出奔晉。託於木門。終身不仕。然則古人自有仕與託之兩途。凡託於諸侯者。君必有以養之。觀孟子可見。故曰辭仕託。蓋仕可辭。託亦可辭也。慕叔向者。自爲句。後人不達託字之義。誤以託慕連讀。遂於此文亦增入慕字耳。』翼彘云：『託。托。音通。憑依也。』鍾平議云：『鍾字無義。疑古本只作垂。莊子：其翼若垂天之雲。崔注曰：垂。猶邊也。其大如天。一面雲也。然則國之垂。猶云國之一面。與上文邑之半。文義一律。國之垂。猶邑之半。垂亦半也。今加金作鍾。則不可通矣。』今按淮南子云：『天下二垂歸之。』高注：『三分天下有其二。』是以三分之一爲垂也。翼彘云：『淮南子。雖割國之錙。錙以事人。禮儒行。雖分國如錙銖。莊子：累丸二而不墜。則失者錙銖。前漢楊雄傳：雖頗割其三垂。以贍齊民。按錙銖。錙。鍾。蓋古以爲分割之稱矣。鍾。八銖也。二十四銖爲兩。假以國爲兩。則鍾是三分之一也。』鍾爲本字。垂爲借字。均謂三分一也。平議所說未可從。〔四〕三十迂評注云：『中章。胥己。叔向。』襲法猶言合法。按法也。籍翼彘云：『常典也。趙策：國有固籍。又曰：子知官府之籍。鮑注：籍。猶令甲。吳注：固。故通。』中讀去聲。纂聞云：『適也。』如令。猶言依令也。之禮二字。疑當作禮之。

〔五〕離法猶言違法也。遠讀去聲，遠功、猶言無功也。繩外集解云：「繩墨之外。」新釋云：「法外也。」二君趙襄主、晉文公也。禮之當亡集解云：「乾道本不重禮之二字。顧廣圻云：藏本今本重，今據補。」翼龜云：「宜無禮之。按此四字疑注語。」今按迂評本亦重禮之二字，禮之當亡，爲不當禮而禮，則應危亡也。居學纂聞云：「即學士不仕者。六反篇：文學之士，遊居厚養。」翼龜云：「居，居士，學，學士。禮記：大學之教也，時教必有正業，退息必有居學。莊子：語仁義忠信，此遊居學士之所好也。」惰字下，各舊本有修字。翼龜云：「修字衍。」茲據刪。

〔六〕害字，各舊本作周。拾補云：「周，當是害之譌。」茲據改。翼龜云：「周，當作嘲，笑也，嘲也。」纂聞云：「周上疑脫不字。」迂評注云：「周，曲也。」

〔七〕威，集解云：「威，即畏，威畏同字。」翼龜云：「威，畏通，怯怖也。」奚何也。主字，乾道本、趙本、凌本作王，茲從迂評本。拾補云：「王，當作主。」

經五——詩曰：「不躬不親，庶民不信。」〔一〕說之以無衣紫，援之以鄭簡、宋襄，責之以尊厚耕戰。〔二〕夫不明分，不責誠，而以躬親泄下。〔三〕且爲下走，睡臥與夫揜弊微服。〔四〕孔丘不知，故稱猶孟，鄒君不知，故先自僂。明主之道，如叔向之賦祿，與昭侯之奚聽也。〔五〕

校釋 〔一〕不躬，翼龜云：「詩，節南山篇：鄭箋云：此言王之政不躬而親之，則恩澤不信於衆民矣。」

〔二〕說字上、各舊本有傳字，此蓋因傳文而衍者，茲刪之。援字，乾道本作緩，迂評本作授。藏本緩作綬，今本作子產，皆誤。宋襄二字連上讀。補箋云：『緩當作援，形近而譌。』按作援字是，茲據改。說之援之、責之、之三字，俱指上詩句言。說之以無衣紫，謂以無衣紫之說解詩也。援之以鄭簡、宋襄，謂以鄭簡、宋襄之事證詩也。援、引也，證也。責之以尊厚耕戰，謂依詩意而責之，則雖尊厚亦須耕戰也。集解云：『尊厚猶富貴，謂人君。』翼肅云：尊厚耕戰，謂人君處尊厚之勢而自耕戰也。

〔三〕夫更端之詞也，集解以夫字衍，未可從。明分謂確定職權也，分讀去聲。責誠，補箋云：『誠，借爲成。責成者，使臣下爲之，而君責其成功也。』詩：我行其野，成不以富，論語引成作誠。禮記經解：繩墨誠陳，鄭注：誠或作成。卽成誠通用之證。外儲說右下：人主者守法責成以立功者也，此卽誠讀爲成之明證。又功名篇近者結之以成，則又借成爲誠矣。『泄字，乾道本作位，趙本、凌本作蒞，茲從迂評本。集解云：『位、泄，古字通。』周禮注：故書位爲泄，泄亦爲位。』

〔四〕且爲下三字，乾道本脫，茲從迂評本。趙本、凌本、集解云：『走上當有且爲下三字。』下走卽下說景公釋車下走事，睡臥卽昭侯讀法睡臥事。與夫之夫字，乾道本、藏本誤作去，茲從迂評本。趙本、凌本、夫指事之詞也，詳見釋詞。『揜弊微服，識誤云：『按說不見此事。』今按弊與蔽通，揜蔽微服，蓋謂在上者改裝微行躬親訪事也。』

〔五〕僂讀云：『辱也。』賦祿各舊本作賦獵。翼云：『晉語：賦祿任功，注賦授也。山氏曰：獵當作祿，字音轉訛。晉語：叔向爲大夫，實賦祿。八姦篇：賦祿者稱其功。愚謂祿之爲獵，猶獨鹿之爲屬鏤也。』按作祿是，茲據改。

經六——小信成則大信立，故明主積於信，賞罰不信，則禁令不行。〔一〕說在文公之攻原，與箕鄭救餓也。是以吳起須故人而食，文侯會虞人而獵，故明主表信，如曾子殺彘也。〔二〕患在厲王擊警鼓，與李悝謾兩和也。〔三〕

校釋 〔一〕積，積累也。

〔二〕須，讀云：『待也。』表字，乾道本無，茲從迂評本。趙本、凌本、表、明也。翼云：『表，標也，立信爲望。』識誤云：『按有表字非，此當有尊字。』今按表字亦有尊之意，作表爲是。

〔三〕厲字上，乾道本、趙本、凌本有尊字，茲從迂評本。識誤云：『尊字當衍，上文所錯入也。』纂聞改尊字爲楚字。謾，翼云：『賈誼新書：期果言當謂之信，反信爲慢，慢謾音同。』兩和左右和也。翼云：『周禮以旌爲左右和之門，注：軍門曰和。今謂之壘門，立兩旌以爲之。徐鍇說文繫傳：華本音和，故今人謂華表爲和表。又云：表，雙立爲桓。漢法：亭表四角建大木，貫以方版，名曰桓表，縣所治兩邊各一，是華和桓三字古通用。又戰國策：襄水嚙其墓，見棺之前和，注：和，棺兩頭木。是以旌爲兩頭雙立之門也。』

傳一——〔一〕宓子賤治單父，有若見之，曰：『子何懼也？』宓子曰：『君不知不齊不肖，使治單父，官事急，心憂之，故懼也。』〔二〕有若曰：『昔者舜鼓五絃，歌南風之詩，而天下治。今以單父之細也，治之而憂，治天下將奈何乎？』〔三〕故有術而御之，身坐廟堂之上，有處女子之色，無害於治；無術而御之，身雖瘁懼，猶未有益。』〔四〕

校釋 〔一〕傳一，迂評注云：『凡五事，皆言學士善辯而無實用。』

〔二〕宓子賤，翼彘云：『孔子弟子，名不齊，單父魯邑。』君魯君，懼瘦也。不齊二字，乾道本趙本凌本迂評本俱作賤。集解云：『作賤誤，今據張榜本改。茲從之。』

〔三〕五弦琴也。翼彘云：『孔子家語，史記樂書並此下有之琴二字。』南風詩名，纂聞云：『家語載其詩曰：南風之薰兮，可以解吾民之愠兮！南風之時兮，可以阜吾民之財兮！』

〔四〕而御而猶以也，詳見釋詞。御，馭也，治也。有處女子之色，謂容態甚爲閑靜如處女也。翼彘云：『疑此經傳宜在第五經傳之首，何者？第一經言尚實用而詘虛辭也。而此章是有術之君不躬親下事之事，故以爲錯誤也。』

楚王謂田鳩曰：『墨子者，顯學也，其身體則可，其言多不辯，何也？』〔一〕曰：『昔秦伯嫁其女於晉公子，爲之飾裝從，衣文之媵七十人，至晉，晉人愛其妾，而賤公女。此可謂善嫁妾，而未可謂善

嫁女也。〔三〕楚人有賣其珠於鄭者，爲木蘭之櫃，薰以桂椒，綴以珠玉，飾以玫瑰，輯以翡翠。鄭人買其櫃，而還其珠。此可謂善賣櫃矣，未可謂善鬻珠也。〔四〕今世之談也，皆道辯說文辭之言，人主覽其文，而忘其用。〔五〕墨子之說，傳先王之道，論聖人之言，以宣告人。若辯其辭，則恐人懷其文，忘其用，直以文害用也。此與楚人鬻珠，秦伯嫁女同類，故其言多不辯。〔五〕

校釋 〔一〕田鳩翼云：「齊人學墨翟者，見呂氏春秋。漢志有田鳩子三篇，鳩作倅。顯學著名之學者也。」

〔二〕田鳩翼云：「齊人學墨翟者，見呂氏春秋。漢志有田鳩子三篇，鳩作倅。顯學著名之學者也。身體猶言身行也。體爲動詞，如言身體力行。集解以身體二字誤倒，未可從。莊子天下篇云：『墨翟其生也勤，其死也薄，日夜不休，以自苦爲極，曰不能如此，不足爲墨。』即謂其『身體則可』。也不辯謂無文飾也。集解云：『各本多下有而字。顧廣圻云：而字當衍。先慎案御覽五百四十一引無，今據刪。』茲從之。

〔三〕余伯新釋云：「秦穆公也。女謂懷嬴，晉公子，即重耳。晉語秦伯婦女五人，懷嬴與焉。此下云媵七人，與女五人之說異，蓋據後歸女納幣且逆之時言耳。爲字上各舊本有令晉二字。集解云：『御覽引無。』纂聞云：『衍文。』茲據刪。又翼云：『令晉之晉衍。』裝從各舊本以從字屬下讀，誤。裝同妝，謂嫁妝，從謂媵女。公羊傳：『諸侯娶一國，二國往媵之，以姪娣從。』是以姪娣送女爲媵，亦謂之從也。古以媵女爲妾，故又謂媵爲妾。衣文集解據御覽作文衣，茲仍從各舊本作衣文。衣讀去聲，衣文猶言衣錦也。

〔四〕木蘭翼云：「本草云：皮似桂而香，狀如楠，樹高數仞，去皮不死。薰以桂椒。集解云：『各本作薰。』

桂椒之櫝，今據藝文類聚八四御覽七百十三，又八百三十八百二十八初學記二十七引改。茲從之。按薰與熏通，灼也。桂椒皆香木。翡翠乾道本，趙本凌本作羽翠，茲從迂評本。集解云：『藝文類聚御覽引均作翡翠。』

〔四〕談也。猶言談者也。與者通，詳見釋詞。道動詞，道說也。辯說謂其說甚辯也。文辭謂其辭甚文也。覽其云：『鹽田屯曰：覽當作濫，亡徵篇濫於文麗而不顧其功。』忘其用各舊本作忘有用。按依上文「覽其」與下文「忘其」有字應爲其，蓋以形近而譌也。茲校正之。

〔五〕懷纂聞云：『愛也。』用直各舊本無用字，於直字絕句。讀云：『直實也。』誠誤云：『直上當有用字。』按依上文當有用字，茲據增直字，屬下讀，猶但也，特也，解詳釋詞。

墨子爲木鳶，三年而成，蜚一日而敗。〔一〕弟子曰：『先生之巧，至能使木鳶飛。』墨子曰：『吾不如爲車輓者巧也，用咫尺之木，不費一朝之事，而引三十石之任，致遠力多，久於歲數，今我爲鳶，三年成，蜚一日而敗。』〔二〕惠子聞之曰：『墨子大巧，巧爲輓，拙爲鳶。』

校釋 〔一〕木鳶，木製之鳶也，或如今之風箏。纂聞云：『蜚，古飛字。墨子公輸子削竹木爲鳶，成而飛之，三日不下，公輸子自以爲至巧。子墨子謂公輸子曰：子爲鳶也，不如翟之爲車輓也，須臾劉三寸之木，而任五十石之重，故所爲，功利於人，謂之巧，不功利於人，謂之拙。』

〔一〕吾字，乾道本、趙本、凌本無，茲從迂評本。拾補云：『張本有吾字。』輓音倪，大車輓端持衡者，輓與衡相附，而以鍵固之，曰輓。傳校云：『輓五兮反，輓端橫木，縛輓以駕牛者。車輓即車也。下文巧爲輓，則以輓爲車之代字。』咫八寸也，咫尺之木，謂甚短之木也。

宋王與齊王仇也，築武宮，謳癸倡，行者止觀，築者不倦。〔一〕王聞，召而賜之。對曰：『臣師射稽之謳，又賢於癸。』王召射稽使之謳，行者不止，築者知倦。王曰：行者不止，築者知倦，其謳不勝如癸美，何也？〔二〕對曰：『王試度其功，癸四板，射稽八板，擣其堅，癸五寸，射稽二寸。』〔三〕

校釋 〔一〕與猶爲也，讀去聲，解詳釋詞。與齊仇猶言爲齊仇也。武宮，講武之所，蓋猶今之講武堂。集解云：『張榜曰：蓋王偃時築以備齊。』癸，謳者名，蓋代名，非真名也。

〔二〕謳，勸力之歌也。又猶益也，愈也，更也。知倦，翼龜云：『知猶覺也。』不勝如猶不如也。集解云：『張榜本無勝字。』斟補云：『勝如二字當衍其一，故張榜本無勝字。』纂聞云：『勝如二字一意。楚策：夫梟之不勝不如五散亦明矣。』并曰：如字，宜移謳下。』

〔三〕度計也，量也。板，古以板築土爲牆，因以板計功。一板，長一丈，廣二尺，或曰廣一尺二寸。擣音的，翼龜云：『前漢史丹傳：擣也。』迂評注云：『入堅也。』解詁云：『言擣其築土堅密不能深入。』

夫良藥苦於口，而智者勸而飲之，知其入而已已疾也。忠言拂於耳，而明主聽之，知其可以致

功也。〔一〕

校釋 〔一〕而已已疾上已字、纂聞作能。下已字、拾補云：『當作己，集解從之。茲依各舊本仍作已已。按而已已疾，猶言能以止病也。釋詞云：『能、猶而也，能與而古聲相近，故義亦相通。墨子、天志篇：少而示之黑爲黑，多示之黑謂白；少能嘗之甘謂甘，多嘗之甘謂苦。韓詩外傳：貴而下賤，則衆弗惡也；富能分貧，則窮士弗惡也；智而教愚，則童蒙者弗惡也。能亦而也。』今按能而二字義既相通，能可作而解，則而亦可作能解矣。上引諸文，能而二字互用，卽其證。此文『而已』之而字，亦宜作能字解，已與以通。『而已』猶能以，與下文『可以』相對爲互文。已疾之已，作常義解，止也。翼龜云：『呂氏春秋：至忠，王之疾必可以已也。』注：已猶愈。此文已字爲動詞，與下文致功之致字相對，解集改爲己，未可從。

傳二——〔二〕宋人有請爲燕王以棘刺之端爲母猴者，必三月齋，然後能觀之。燕王因以三乘養之。〔三〕右御冶工言王曰：『臣聞人主無十日不燕之齋。今知王不能久齋，以觀無用之器也，故以三月爲期。凡刻削者，以其所以削必小。今臣治人也，無以爲之削，此不然物也，王必察之。』〔四〕王囚囚而問之，果妄，乃殺之。冶人又謂王曰：『計無度量，言談之士多棘刺之說也。』〔五〕

一曰：燕王好微巧，衛人請以棘刺之端爲母猴，燕王說之，養之以五乘之奉。〔五〕王曰：『吾試觀客爲棘刺之母猴。』客曰：『人主欲觀之，必半歲不入宮，不飲酒食肉，雨霽日出，視之晏陰之間，

而棘刺之母猴乃可見也。」^{〔六〕}燕王因養衛人，不能觀其母猴。鄭有臺下之治者，謂燕王曰：「臣爲削者也，諸微物必以削削之，而所削必大於削。今棘刺之端，不容削鋒，削鋒難以治棘刺之端。王試觀客之削，則能與不能可知也。」^{〔七〕}王曰：「善。」謂衛人曰：「客爲棘削之。」曰：「以削。」王曰：「吾欲觀見之。」客曰：「臣請之舍取之。」因逃。^{〔八〕}

校釋 ^{〔一〕}傳二迂評注云：「凡十一事，皆言虛詞無實用。」

^{〔二〕}棘刺翼毳云：「棘，木名，如棗，多刺。」^{〔端〕}謂棘刺之末尖也，其細殆甚如針尖云。母猴，纂聞云：「母猴，沐猴也。山曰：母沐通借。書牧誓、釋文、牧如字，徐一音茂，說文作母，字林音母，汲冢紀年作母野，可證。呂覽獨似母猴，母猴似人。漢書張晏傳注：沐猴，卽彌猴也。」^{〔翼毳〕}云：「淵鑑引母作沐。」^{〔齊〕}古者祭祀，必先齋戒，齋謂齊一心志也，字亦作齊。後世則以茹素爲齋。觀見也。三乘，纂聞云：「周禮四丘爲乘。管子方六里爲一乘之地也。一乘者四馬也。此云三乘五乘，蓋以乘地計俸祿也。」

^{〔三〕}冶工，乾道本誤作治工，茲从迂評本、趙本、凌本。纂聞云：「冶土、冶人，時爲右御。」^{〔言〕}猶謂也。燕與宴，通。飲酒也。詩云：「嘉賓式燕以敖。」^{〔削〕}在本文或作名詞解，卽謂刻刀，或作動詞解，刻木也。如下文「以削削之」，「上削」字爲名詞，下削字爲動詞。此文「所以削」，謂刻刀；下文「所削」，謂刻木。刻刀須較刻木爲小，然後可削，故曰「以其所以削必小」。「所削必大於削」，無以爲之削，謂治人不能製刻棘刺之小

刀也。不然物不是或不實之事也。

〔四〕治人又各舊本作治人，集解據御覽九百五十七引改爲治又。按治人爲一名詞，無人字於字義不完，增又字於文氣較密，茲並存之。計翼云：『文選、魏都賦注引計字作上之二字。』

〔五〕燕王二字，乾道本、迂評本、趙本、凌本俱脫，據集解校補。好微巧三字，集解據藝文類聚御覽引改作微巧術人四字，茲仍從各舊本。讀云：『微巧、纖微之巧。』請以二字：乾道本、趙本作『日能以』，迂評本、凌本作『有能以』，茲從集解據藝文類聚御覽引改。說讀爲悅奉與俸同。

〔六〕客曰二字，乾道本無，茲從迂評本、趙本、凌本。雨、霽、雨止也。晏陰，翼云：『漢書、郊祀志、晏溫，注、淳如曰：三輔謂日出清濟爲晏。呂氏春秋、仲夏紀云：晏陰，注、陰、微陰、微陰，謂日景也。凡至微者，非陰難察也。』纂聞云：『釋文、晏晚暮也。按晏如難三篇晏室獨處之晏，亦闇字意。』今按晏陰、陰也，晏陰之間，卽謂日光所不至之處也。

〔七〕臺下蓋鄭地名。爲削者，猶言製刀者。爲字，乾道本、趙本、凌本無，茲從迂評本。拾補云：『臣下張本有爲字。』識誤云：『藏本亦有。』削削二字，乾道本不重，茲從迂評本、凌本、趙本。削鋒、刀鋒也。削鋒二字，各舊本不重。點勘云：『削鋒下當重削鋒字。』按此二字宜重，蓋以古書於重文或不書，或作二，傳寫遂誤脫耳。茲據補。難以治棘刺之端七字，迂評本、凌本無，茲從乾道本、趙本。則字，各舊本無，茲依纂聞校補。

〔八〕客爲棘削之，猶言客試削棘刺也。拾補云：「此下多脫文，孫云：『文選魏都賦注引作客爲棘刺之端，何以理之？理本是治字，今此接削之二字，誤。』」識誤云：「削當作棘，之下當有母猴何以四字。」以削集解云：「以讀爲已。」觀見識誤云：「見字衍。」拾補云：「選注引作吾欲觀客之削也。」之舍讀云：「之往也。」兒說：「宋人善辯者也，持『白馬非馬』也，服齊稷下之辯者。」乘白馬而過關，則顧白馬之賦。故籍之虛辭，則能勝一國，考實按形，不能謾於一人。」

校釋 〔一〕兒說乾道本作見說，茲從趙本、凌本。識誤云：「按兒是也。兒說見呂氏春秋、君守篇、淮南人間訓。」翼龜云：「兒說，宋元王時人。」按兒說亦爲辯者之徒，曾爲宋大夫持執也，猶今言主張也。白馬非馬，本爲辯者公孫龍之論題，而兒說亦主張之，故曰「持白馬非馬也。」公孫龍子白馬論云：「白馬非馬，馬者所以命形也，白者所以名色也；命色者非命形也，故曰白馬非馬。」稷下史記、田齊世家、集解引劉向別錄云：「齊有稷門，城門也，談說之士期會於稷下也。」田齊世家云：「齊宣王喜文學游說之士，皆賜列第爲上大夫，不治而議論。稷下學士復盛，且數百千人。」據此，則稷下辯者亦不治而議論之稷下學士也。

〔二〕顧集解云：「視也。古人馬稅，當別毛色，故過關視馬而賦，不能辯也。」翼龜云：「前漢鼂錯傳：顧其功，注顧，顧也。顧，價也，反也。漢書季布傳：顧金錢，又後漢宦者傳：賤買十分雇一，注雇，謂購其價也。」按顧與

履通，猶今言納也。白馬過關，仍須納稅，不得謂『白馬非馬』也。

〔三〕籍設翼龜云：『籍，借也，謾欺也。』按籍之虛辭，猶言假借虛辭之語助也。於字，黃氏日抄引無。

夫新砥礪殺矢，殷弩而射，雖冥而妄發，其端未嘗不中秋毫也。〔二〕然而莫能復其處，不可謂善射，無常儀的也。〔三〕設五寸之的，引十步之遠，非羿逢蒙不能必全者，有常儀的也。〔四〕有度難而無度易也。有常儀的，則羿逢蒙以五寸爲巧，無常儀的，則以妄發而中秋毫爲拙。〔五〕故無度而應之，則辯士繁說，設度而持之，雖知者猶畏失也，不敢妄言。〔六〕今人主聽說，不應之以度，而說其辯，下度之以功，而譽其行，而不入關此人主所以長欺，而說者所以長養也。〔六〕

校釋 〔一〕殺矢翼龜云：『新如莊子若新發硎之新砥礪，謂磨而利之也。殺矢，矢名。周禮考工記，冶人

爲殺矢，注，殺矢，用諸田獵之矢也。蓋殺，言尖也。新磨此田獵之尖矢也。殷，引也。冥，通。』

〔二〕復，其處謂復中其已中之處也。纂聞云：『山曰：列子，鎬矢復沓，方矢復寓。毛詩，四矢反兮，注，反，復也。禮，射三而止，每射四矢，皆得其故處，此之謂復。』

〔三〕的，射質也。引，引弓也。步，度名。史記秦始皇紀云：數以六爲紀，六尺爲步。索隱云：管子，司馬法皆以六尺爲步，非獨秦制。又王制八尺爲步，今以六尺四寸爲步，步之尺數亦不同。集解云：『十步當作百步，』是以倍跬爲步，未可從。全字，集解云：『問辯篇作中。』

〔四〕逢蒙乾道本脫逢字，茲從迂評本、趙本、凌本。

〔五〕持字，纂聞以傳寫訛改爲待字，未可從。持，執也。執度以繩之也。知者之知字，讀爲智。

〔六〕說其辯悅其辯也。度下之字，譽上而字，乾道本無，茲從迂評本、趙本、凌本。而不入關，識誤云：「句絕。

藏本同，今本不度下有之字，譽上有而字，無而不入關四字，皆誤。上文云：不以儀的爲關，此其說也。」今按度下之字，譽上而字，與上句文法一律，宜有。而不入關四字，乃總結上二句，亦宜有。迂評本、趙本、凌本，蓋以不解其義而誤刪耳。而猶如也，若也，詳見釋詞。入關，猶言中的也。而不入關，謂人主聽說僅悅其辯，譽其行，則如射之不中的也。辭補云：「關如關石和鈞之關。周語：關石和鈞，韋注：關，衡也。關有衡訓，故上云儀的爲關，與功用爲的對文，此云不入關，與上文度功相應，猶言不中衡也。」

客有教燕王爲不死之道者，王使人學之。所使學者未及學而客死。王大怒，誅之；王不知客之欺已，而誅學者之晚也。夫信不然之物，而誅無罪之臣，不察之患也。且人所急，無如其身，不能自使其身無死，安能使王長生哉！〔一〕

校釋 〔一〕自使其身之身字，各舊本無。纂聞云：從『列子補身字』，茲據增。無死，無猶不也，詳見釋詞。鄭人有相與爭年者，一人曰：『吾與堯同年；』其一人曰：『我與黃帝之兄同年。』〔二〕訟此而不決，以後息者爲勝耳。〔三〕

校釋 「一」爭年，謂爭年齒之大小也。「一人曰吾與堯同年八字」，各舊本無，集解據御覽四百九十六，意林引增，茲從之。

「二」決藏本，趙本作訣，茲從乾道本。迂評本，凌本，纂聞云：「決，訣通。」息止也。集解云：「意林息作罷，案此謂皆無情理，故以辭長者爲勝。」

客有爲周君畫筴者，三年而成，君觀之，與髹筴者同狀，周君大怒。「一」畫筴者曰：「築十版之牆，整八尺之牖，而以日始出時，加之其上以觀。」「二」周君爲之，望見其狀，盡成龍蛇禽獸車馬萬物之狀備具，周君大悅。此畫筴之功，非不微難也，然其用與素髹筴同。「三」

校釋 「一」筴，乾道本，趙本，凌本作莢，茲從迂評本。拾補云：「莢，譌，下同，前作策，策筴同。」纂聞云：「筴，馬箠也。」髹，音休。集解云：「髹，本作髹。玉篇：髹，同髹。史記貨殖傳：木器髹者千枚，注：髹，漆也。漢書皇后傳：殿上髹漆，師古云：以漆漆物爲髹。今關東俗器物一再著漆者，謂之捐漆，捐，卽髹聲之轉。此謂所畫，不辨黑白，與漆筴同也。」

「二」版，與板同。翼彙云：「十版，高二丈。」牖，翼彙云：「說文：在牆爲牖，在屋爲牕。」加之，集解云：「加，筴於牆牖之上，以觀其畫也。」

「三」爲之，纂聞云：「如其言也。」按爲，猶如也，詳見釋詞。此畫筴三字，乾道本無畫字，趙本，凌本無此字，

茲從迂評本。素集解云：『未畫也。此言畫筴之用，何異素髹。』

客有爲齊王畫者，齊王問曰：『畫孰最難者？』曰：『犬馬最難。』『孰易者？』曰：『鬼魅最易。』

夫犬馬，人所知也，旦暮罄於前，不可不類之，故難。鬼魅，無形者，不罄於前，故易之也。〔二〕

校釋 〔一〕馬最難之最字，集解云：『各本無，據藝文類聚七十四，御覽七百五十，意林引補。』茲從之。

曰鬼上，迂評本有對字，茲從乾道本、趙本、凌本。

〔二〕罄，拾補云：『詩大明，倪天之妹，韓詩作罄，是罄倪同義。說文：倪，一訓聞見，蓋倪從見，是有見義。罄，罄本同以倪爲義，當爲朝夕見於前也。』集解云：『御覽引罄作睹，下同。』讀云：『罄，盡也，謂能盡觀其形狀也。』拾補云：『罄倪同義，倪有見義，其說是也。爾雅釋蟲，倪緼女，亦假倪爲罄。蓋見聲，殷聲之字，雙聲通用。罄於前者，猶言倪於前也，不罄於前亦然。』翼叟云：『罄當作繫，繫同。莊子：馬係於前，係亦與繫同。』不類，各舊本無不字。按依文義，無不字則意不明。類，似也。畫犬馬須似犬馬，而今言不可類之，豈其意爲不須似犬馬也？類上今增一不字，於意乃合。不可不類之，謂不可不似犬馬也。鬼魅無形，集解云：『各本魅作神，當依上文作魅。藝文類聚、御覽、意林引正作魅。』茲從之。

齊有居士田仲者，宋人屈穀見之。〔一〕曰：『穀聞先生之義，不恃仰人而食。今穀有巨瓠，堅如石，厚而無竅，獻之。』〔二〕仲曰：『夫瓠所貴者，謂其可以盛也。今厚而無竅，則不可以盛物，堅如石，

則不可以剖而斟。吾無以瓠爲也。』〔三〕曰：『然穀將欲棄之。今田仲不恃仰人而食，亦無益人之國，亦堅瓠之類也。』〔四〕

校釋 〔一〕田仲拾補云：『即陳仲子。』翼龜云：『陳田古音同。齊策趙威后曰：於陵仲子尚存乎？是其爲人也，上不臣於王，下不治其家，中不索交於諸侯，此率民而出於無用者，何謂至今不殺乎？』纂聞云：『荀子注：田仲處於陵，不食兄祿，辭富貴，爲人灌園，號曰於陵仲子。』屈穀拾補云：『文選：七命注：引穀作穀，下有往字，之下有謂之二字。』

〔二〕仰人拾補云：『仰字疑衍，選注引無。』集解據刪。今按仰猶望也。史記：衣食仰給縣官，淮南子：妻子老弱，仰而食之，又常語：仰人鼻息，諸仰字皆訓爲望。仰人而食，猶望人而食也。此仰字似與恃字複而實不衍，茲仍從各舊本。義猶今言主張也，主義也。巨瓠二字，各舊本作『樹瓠之道。』集解云：『選注引作巨瓠，按樹巨聲近而誤，當作巨，之道二字衍。』今按集解說是，茲據刪改。

〔三〕謂猶爲也，讀去聲，解詳釋詞。盛音成。以盛物各舊本作剖以盛物而任重七字。識誤云：『剖字當衍，任重二字涉下節而衍。』按選注無『剖』及『而任重』四字，茲據刪。堅如各舊本作如堅。識誤云：『當作堅如。』今按依上文及選注宜作堅如，茲據乙。斟各舊本作以斟。識誤云：『以字當衍。』今按上文既有以字，此不當又有以字，蓋涉上文而衍，茲據刪。斟音針，斟酒也。

〔四〕將欲二字，乾道本、趙本、凌本、迂評本作將以欲。集解據張榜本刪以欲二字。今按將欲二字連文，難一篇將欲憂齊國，可證欲字不衍。以字蓋涉上文而衍者，茲刪之。

虞慶爲屋，謂匠人曰：『屋大尊。』〔一〕匠人對曰：『此新屋也，塗濡而椽生，夫濡塗重而生椽，以橈椽任重塗，此宜卑。』〔二〕虞慶曰：『不然，更日久，則塗乾而椽燥，塗乾則輕，椽燥則直，以直椽任重塗，此益尊。』〔三〕匠人詘爲之而屋壞。〔四〕

一曰：虞慶將爲屋，匠人曰：『材生而塗濡，夫材生則橈，塗濡則重，以橈任重，今雖成，久必壞。』虞慶曰：『材乾則直，塗乾則輕，今誠得乾，日以輕直，雖久必不壞。』匠人詘作之，成有間，屋果壞。〔五〕

校釋 〔一〕虞慶翼云：『趙人、廖卿通、呂覽別類篇作高陽應、淮南人間訓作高陽應、大尊趙本、凌本、

乾道本、迂評本，作太尊，茲從藏本。拾補云：『嫌其太崇也。』讀云：『尊，崇通，高也。』按依下文文義，匠人謂

『宜卑，虞慶謂『益尊』，則大尊不宜作嫌其太崇解。大動詞，非狀詞，謂大之也，禮不自大其事，卽其例。大尊與下文益尊同義，猶言加高也。一作太者，古太太可通，因致誤耳。

〔二〕塗泥也，所以敷於屋上者，今以瓦爲之。濡，溼也。椽，音傳，布於梁上之木，所以承泥者，今謂之屋桷，生猶新也，與陳義相反。橈字，乾道本、趙本、凌本作橈，茲從迂評本。橈，木曲也。

〔三〕虞慶曰不然五字，乾道本藏本在『夫濡塗』上，茲從迂評本。趙本、凌本、更日猶言歷日也，更讀平

聲。

〔四〕訓纂聞云：『趙策、魏王聽此言也甚詘，注韻書詘辭塞也。』爲之猶如之，謂如其言而使辱益尊也。

〔五〕誠字、翼、毳云：『當作成。』按誠爲成之借字。

工人謂范且曰：『弓之折，必於其盡也，不於其始也。』〔一〕夫張弓也，伏檠三旬而蹈弦，一日犯機，是節之其始，而暴之其終也，焉得無折？〔二〕范且曰：『不然。伏檠一日而蹈弦，三旬而犯機，是暴之其始，而節之其盡也。』工人窮也，爲之弓折。〔三〕

校釋 〔一〕工人謂三字，各舊本無，而夫字下有工人二字。蓋以節首之三字竄在夫字下，以謂字無義，

遂刪之耳。今依文義乙工人二字於節首，並增謂字，而後此節可全讀矣。范且誠誤云：『范睢也，且睢同字。

』盡纂聞云：『山曰：猶終也。』

〔二〕伏檠纂聞云：『毛詩疏：檠者，藏弓定體之器，謂未成弓時，內於檠中也。釋文：檠，音景，弓匣也。』蹈弦

翼毳云：『施弦。』犯機新釋云：『犯，觸也，機，弩牙也，所以主弩之放發。』焉字，迂評本作乃，茲從乾道本。趙本、凌本。

〔三〕范且曰三字，乾道本作且張弓，茲從迂評本。趙本、凌本。集解云：『張本、趙本作范且曰，誤，此皆范且自謂，不應有曰字。』今按不然，上下之文爲兩意相反，當爲兩人之言，不宜視爲范且一人自謂。乾道本誤，

非趙本誤也。爲之猶如之，謂如范且之言以張弓也。

范且虞慶之言，皆文辯辭勝，而反事之情，人主說而不禁，此所以敗也。〔一〕夫不謀治強之功，而豔乎辯說文麗之聲，是却有術之士，而任壞屋折弓也。故人主之於國事也，皆不達乎工匠之構屋張弓也。〔二〕然而士窮乎范且虞慶者，爲虛辭其無用而勝，實事其無易而窮也。人主多無用之辯，而少無易之言，此所以亂也。〔三〕今世之爲范且虞慶者，不輟，而人主說之不止，是貴敗折之類，而以知術之人爲工匠也。工匠不得施其技巧，故屋壞弓折，知術之人不得行其方術，故國亂而主危。〔四〕

校釋 〔一〕反字上迂評本有不字，誤。反事之情，謂與事實相反也。

〔二〕豔字，迂評本、趙本、凌本作豔，茲從乾道本。豔與豔同，豔爲俗字。豔，欣羨也。傳校云：『豔，說文，好而長也，方言，美也。此處作動詞用。』却猶拒也。構字，乾道本、趙本、凌本作構，茲從迂評本。傳校云：『構，本應作葺。說文，葺，交積材也，象對交之形。淮南高注：構，架也。材木相乘駕也。段玉裁云：結葺當作此，今構行而葺廢矣。本部曰構，蓋也，義別。按說文無構字，構爲俗字，葺乃本字也。』

〔三〕爲……其識誤云：『爲虛辭逗，其無用而勝，句絕實事逗，其無易而窮也。句。以上，今失其讀。』補箋云：『爲，因也，其猶之也。言虛辭之無用而勝，實事之無易而窮也。顧說非是。』今按補箋說是。兩而字，皆轉

語詞，猶言反而也。無易謂不可變也。多少多猶言譽也，取也，少猶言毀也，舍也。

〔四〕說之悅之也。不上工匠二字，各舊本無。識誤云：『不上當有工匠二字。』纂聞翼說同，茲據補。

夫嬰兒相與戲也，以塵爲飯，以塗爲羹，以木爲戲，然至日晚必歸餽者，塵飯塗羹可以戲，而不可食也。〔一〕夫稱上古之傳頌，辯而不慤，道先王仁義，而不能正國者，此亦可以戲，而不可以爲治也。〔二〕夫慕仁義而弱亂者，三晉也；不慕仁義而治強者，秦也；然而秦強而未帝者，治未畢也。〔三〕

校釋 〔一〕戲遊戲也。塗泥也。戠音刺，切肉也。歸餽讀云：『餽，餉同，謂歸家而食也。』

〔二〕傳頌各舊本於傳字逗，頌字屬下讀，誤。點勘以傳頌二字連讀而逗，是茲從之。傳頌謂相傳之頌詞也，如周頌、商頌之類。上文經三云：『先王之賦頌，皆播吾之迹，華山之博也。』此頌字與彼頌字同義。慤與慤同，音據，質實也。不慤猶言無實也。道亦稱也。正新釋云：『治也。』

〔三〕三晉韓、趙、魏也。不慕下仁義二字，各舊本無。按依上文當有仁義二字，茲據增。秦強而三字，乾道本無，茲從迂評本。趙本凌本。治未畢翼說云：『治術未盡也。』

傳三——人爲嬰兒也，父母養之簡，子長而怨。子盛壯成人，其供養薄，父母怒而誚之。〔一〕子父至親也，而或譏或怨者，皆挾相爲，而不周於爲己也。〔二〕夫買庸而播耕者，主人費家而美食，調錢布而求易者，非愛庸客也，曰：如是耕者且深，耨者且熟云也。〔三〕庸客致力而疾耘耨，盡功而正

畦陌者，非愛主人也。曰：如是，羹且美，錢布且易云也。〔四〕此其養功力，有父子之澤矣，而必周於用者，皆挾自爲心也。故人行事施予，以利之爲心，則越人易和；以害之爲心，則父子離且怨。〔五〕

校釋 〔一〕簡慢忽也，猶薄也。長讀上聲，謂年長也。謂翼彘云：『謂古文譌字。方言：自關而西，秦晉之間，

凡言相責讓曰譌。』

〔二〕周孟子：『周於利者。』集注云：『周，足也。』翼彘云：『班固典引，但有浮華之詞，不周於用。』注：『周，備也。』按周，猶合也，不周於爲己，謂不合於爲己也。不周於用，謂不合於用也。本書他篇以周合二字連文，卽其證。

〔三〕買庸各舊本作賣庸。纂聞云：『買，元作買誤。五蠹篇：買庸而決寶。』物曰：『庸，傭通。』按作買是，茲據改播種也。費家讀云：『謂務美傭者之食，而不顧捐貲也。』調錢布而求易者，各舊本作調布而求易錢者。補箋云：『當作調錢布而求易者，錢字誤竄入下耳。漢書宣帝紀：調關東輕車銳卒，顏注：調，選也。易繫辭：險易，釋文引京注：易，善也。調錢布而求易，謂主人選擇錢布而求其良者以與庸也。易訓善，亦可訓爲良。墨子貴義篇：商人用一布市，不敢繼苟而讐焉，必擇良者。擇良與此『求易』同意。蓋錢布固有良否，故人擇之也。下文云：如是，羹且美，錢布且易云也，正承此言，卽此當作調錢布而求易之明證。』按補箋說是，茲據校乙。翼彘云：『日知錄：袁盎傳：調爲隴西都尉，此今日調官字所本。調有更易之意，猶琴瑟之更張，乃調

也。『調字解爲更易，亦通。古謂貨幣爲布，如泉布、刀布、貨布是。錢與布皆幣也。』釋詞云：『有非問答，而亦加曰字以別之者，語更端也。』本節兩曰字，宜作此意解。且熟云也。各舊本元作『熟耘也』三字。識誤云：『熟上當有且字，耘當作云。此與下文錢布且易云也句對，不知者改作耘字，誤甚。』按識誤說是，茲據增改。且猶將也。云也猶云爾也，謂不過如是而已。

〔四〕耕字下，各舊本有者字。識誤云：『者字衍，耕句絕。』茲據刪。功字，各舊本作巧。纂聞云：『功，元作巧，從井氏正，對上力字。』按下文云『養功力』，可證巧爲功之譌，茲據改。畦陌二字，乾道本作畦陌畦時，趙本、凌本作畦陌畦時，茲從迂評本。識誤云：『藏本同，今本下畦作畦，案非此之用，句當衍二字，未詳。』札遂云：『時當作埒。一切經音義引倉頡篇云：畦埒也，是其證。此畦埒二字，蓋注文，傳寫誤混入正文，遂複舛不可通耳。』按迂評本只作畦陌二字，可證札遂說是。畦畦田也，陌田間道也。正畦陌，猶言正經界也。

〔五〕必周二字，各舊本作心調。拾補云：『調，疑周。』集解云：『盧說是調，卽周之誤，上文不周於爲己，卽其證。』翼云：『調當作周。』按作周是，茲據改。心周二字連文，於義亦不甚洽。心字當爲必字，因形近而誤，茲亦校改。施予施與也。利之害之兩之字皆代名詞，猶言利他、害他也。越人古以越人爲異族，故凡喻疏遠而漠不關心者，皆以越人稱之，如言『越人視秦人之肥瘠』。此文亦以至親之父子與至疏之越人對言也。

文公伐宋，乃先宣言曰：『吾聞宋君無道，蔑侮長老，分財不中，教令不信，余來爲民誅之。』

校釋 〔一〕文公，藏誤云：『公當作王，宋當作崇，見說苑指武篇。』集解云：『經亦作文公，疑非文王伐

崇事。』中纂開云：『山曰：中，適也，均也。家語：衣冠中，動作慎。』

越伐吳，乃先宣言曰：『我聞吳王築如皇之臺，掘淵泉之池，罷苦百姓，煎靡財貨，以盡民力，余來爲民誅之。』

校釋 〔一〕淵泉之池，各舊本作深池，茲依集解據御覽一百七十七引改增。罷讀爲疲，煎靡猶今言浪

費也，與五蠹篇所謂『沸靡』同義。增讀云：『秦策：靡其財，注集韻：靡，糜同，壞也。墨子：輟民之事，靡民之財。

』荀子云：『無靡費之用。』按諸靡字，均有浪費之意。翼云：『煎靡，言財用之費，如釜鬻之煎沸糜爛物

也。』是亦以浪費爲義矣。來字，乾道本、趙本、凌本無，茲從迂評本、張本。

蔡女爲桓公妻，桓公與之乘舟，夫人蕩舟，桓公大懼，禁之不止，怒而出之。乃且復召之，因復更

之。〔二〕桓公大怒，將伐蔡。仲父諫曰：『夫以寢席之戲，不足以伐人之國，功業不可冀也，請無以

此爲稽也。』桓公不聽。〔三〕仲父曰：『必不得已，楚之菁茅不貢於天子三年矣，君不如舉兵爲天

子伐楚，楚服，因還襲蔡，曰：余爲天子伐楚，而蔡不以兵從，因遂滅之。』此義於名而利於實，故必

有爲天子誅之名，而有報讎之實。〔四〕

校釋 「一」蕩纂聞云：賈逵云：「搖也。」夫人，即謂蔡女。出古謂逐妻爲出。乃且乃猶而也，且猶又也。復

召齊桓公復召蔡女也。更嫁，改嫁也。蔡人復改嫁蔡女也。讀記云：「下復字涉上而衍。」

「二」仲父桓公尊呼管仲也。稽，迂評本、趙本、凌本作規，茲從乾道本。識誤云：「藏本、今本稽作規，誤。」平

議云：「稽字無義，疑當作指。漢書、河間獻王傳、文約指明，注云：指，謂意之所趨，若人以手指物也。字亦作旨，

孟子、告子篇：願聞其旨是也。齊桓公伐蔡，意在蔡姬，故管仲請無以此爲指也。稽，從冒聲，故得通借。禮記王

制篇：有旨無稽不聽，即尙書呂刑篇有稽無簡不聽之異文。然則稽旨通用，古有徵矣。道藏本改稽爲規，非

是集解云：稽字不誤。史記、樛里子甘茂傳、正義、漢書、賈誼傳、應劭注、司馬遷傳、顏注、荀子、王制篇、楊注，並云：

稽，計也。桓公之計在伐蔡，故管仲請無以此爲計也。語極明顯，俞氏謂稽字無義，失之考耳。按無以，猶勿

以也。

「三」菁茅，草名，亦稱苞茅。翼壽云：「管子：江淮之間，一茅而三脊，名曰菁茅。禹貢：荊州包匭菁茅。左傳：齊

數楚罪曰：爾貢包茅不入，王祭不共，無以縮酒。」因遂，乾道本、趙本、凌本作遂，茲從迂評本、張本。

「四」義於名，謂師出有名也。爲天子，乾道本無爲字，茲從迂評本、凌本。拾補云：「有下脫爲字，張、凌本有

而，有猶乃有也，而與乃通，解詳釋詞。凌本注云：「上三事，皆借名與師也。」

吳起爲魏將而攻中山，軍人有病疽者，吳起跪而自吮其膿，傷者之母立泣。「二」人問曰：「將

軍於若子如是，尙何爲而泣！』對曰：『吳起吮其父之創而父死，今是子又將死也，吾是以泣。』

校釋 「一」立泣拾補云：『立疑衍。』平議云：『立字不當有，蓋卽泣字之誤而衍者。』集解云：『上之』

字衍，盧俞說並誤，立下脫而字，今據藝文類聚五十九御覽四百七十七引改。』今按立字爲狀詞，所以狀泣者，可解爲立即之立，亦可解爲起立之立，非衍非誤，諸說未可從，茲仍依各舊本。

「二」若子汝子也。創迂評本。趙本作瘡，茲從乾道本。凌本創傷也。傳校云：『說文刃部云：刃，傷也。從刃從一。』又云：創，刃或從倉。段注：從刀，倉聲。凡刀創及創瘍皆作此。俗變作剗，作瘡，多用創爲剗。『吾字上各舊本有今字。集解云：『今字當衍。』纂聞說同，茲據刪。

趙主父令工施鉤梯而緣播吾，「一」刻疎人迹其上，廣三尺，長五尺，而勒之曰：『主父常遊於此。』

校釋 「一」鉤梯卽雲梯，亦稱鉤援，所以鉤引上高之具。緣攀緣也，謂循山而上也。播吾集解云：『播吾』

卽番吾，見史記趙世家。六國表又作郡吾。漢常山郡有蒲吾縣，蒲、番雙聲，字變，在今正定府平山縣東南。漢

書地理志云：縣有鐵山，一統志以爲卽房山，當卽主父令工施鉤梯處也。『纂聞云：『播吾，指常山也。』

「二」刻疎拾補云：『疎卽足之異文，足，足也。下人迹二字當本是注，誤入正文。』平議云：『疎當作疎，卽迹字也。迹，籀文作速，此變作疎，亦猶迹之變作跡也。古本韓子當作剗人疎其上，寫者依今字作迹，而疎字

失不刪去，遂誤倒在人字之上，又誤其字作疎也。『札記云：『按盧刪人迹二字，俞謂疎卽古迹字之衍而誤者，其說俱非。』刻疎當連讀，疎亦刻也。儀禮有司徹篇：『覆二疎匕於上。』鄭注云：『匕柄有刻飾者。』禮記明堂位篇：『殷以疏勺。』鄭注：『通刻其頭。』淮南子俶貞訓云：『犧尊，高注，猶疎鏤之尊。』西京賦：『交綺豁以疏寮。』薛綜注云：『疏，刻穿之也。』又注東京賦云：『疎鏤也。』魯靈光殿賦：『天窗綺疏。』張載注云：『疏，刻鏤也。』景福殿賦：『編以粹疏。』李善注：『謂繪五彩於刻鏤之中。』是刻疎義同，古人自有複語耳。明堂位：『周獻豆。』鄭注云：『獻，疏刻之。』說文疏，篇韻作疏，廣韻疏俗作疎，御韻疏亦作疎，釋文疎亦作疏。類篇云：『疎或作疎，音山於切，疎當作疎，字誤從束耳。』是疏疎字並同，疏正字，疎其別構，疎、疎又俗字之後出者耳。俞說疎字，見集韻，然韓子自作疎，不作疎。『傅校云：『說文云：部曰疏，通也，疋部曰疎，通也。』西京賦薛注：『疏，刻穿之也。』玉篇引月令：『其器疎以達。』今月令作疏，是疏、疎通用，並訓爲通，疎乃俗字。札記訓疎爲刻，亦與薛注合。刻疎乃複合動詞也。』按刻疎同義，札記說是，佩文韻府引改疎爲巨，實誤。勒刻也，如言勒碑。常翼龔云：『嘗通。』

秦昭王令工施鉤梯而上華山，以松柏之心爲博，箭長八尺，棊長八寸，而勒之曰：『昭王嘗與天神博於此矣。』〔一〕

校釋 〔一〕博，博奕也，上博字爲名詞，謂博具，下博字爲動詞，卽對博也。博本作博。說文云：『博，局戲也，六箸十二棊也。』簡博雅云：『博箸謂之箭。』由此可知本節所謂箭，蓋謂六箸，所謂棊，蓋卽謂十二棊也。

心即松柏之裏層，如俗言『樹心』是也。通用之節，葉無長至八尺或八寸者，此以昭王誇與天神博，故爲長大之博具耳。

文公反國至河，令：『籩豆捐之，席蓐捐之，手足胼胝，面目黧黑者後之。』〔一〕咎犯聞之而夜哭。公曰：『寡人出亡二十年，乃今得反國，咎氏聞之，不喜而哭，意不欲寡人反國邪？』〔二〕犯對曰：『籩豆所以食也，而君捐之；席蓐所以臥也，而君棄之；手足胼胝，面目黧黑，勞有功者也，而君後之。』〔三〕今臣與在後，中不勝其哀，故哭。且臣爲君行詐僞以反國者衆，臣尙自惡也，而況於君？』〔四〕再拜而辭。文公止之，曰：『諺曰：築社者，攜榘而置之，端冕而祀之。今子與我而取之，而不與我治之，與我置之，而不與我祀之焉？』乃解左驂盟於河。〔五〕

校釋 〔一〕文公晉重耳。反與返同。河黃河。命令也。拾補云：『孫云：文選鮑明遠東武吟注引令下有

曰字，可省。豆藏本作簋，下同。』集解云：『治要、御覽引均無曰字。』籩豆食具也。席蓐臥具也。捐棄也。黧黑乾道本無黑字，茲從迂評本、趙本、凌本、纂聞云：『秦策注、集韻、黧黑黃色，吳注、黧黑色，集韻誤。又荀子注、黧讀爲梨，謂面如凍梨之色也。選注作犂黑，治要作梨黑。』後謂行次在後也。

〔三〕咎犯翼壽云：『文公之舅狐偃，字子犯，咎、舅通。』乃今猶而也，解詳釋詞。咎氏乾道本、趙本、凌本作咎犯，迂評本無犯字，茲從治要校改。按咎氏即舅氏，此爲文公呼其舅，不宜逕稱爲犯。』意拾補云：『選注

引意下有者字。『按意猶抑也。釋詞云：『抑、詞之轉也。左傳注曰：抑、疑辭，常語也，字或作意。廣雅曰：意、疑也。』
〔三〕而君捐之四字，各舊本無。集解云：『盧文弨云：選注有。先慎案治要、御覽引亦有而君捐之四字，今據補。』茲從之。棄字，各舊本作捐。集解云：『今據選注治要改。』茲從之。

〔四〕與各舊本作有與。集解云：『盧文弨云：選注無有字。先慎案治要及御覽引並無，今據刪。』今按與猶以也，解詳釋詞。今臣與在後，謂今臣以在後也。若有有字，則義不可通矣。茲从集解校刪。於君下，集解云：『治要有乎字。』

〔五〕築社謂建築社廟也。詩小雅：以社以方，疏云：『社，五土之神，能生萬物者，以古之有大功者配之。杜預曰：在野爲社。』擗，識誤云：『藏本同，今本擗作擗。王渭曰：魏書古弼傳引此作擗，今按此同字耳，字書無擗字。』翼，毳云：『擗，褰同，曲禮云：暑毋褰裳，擗，揭衣也，內則云：不涉下擗，皆言無禮也。』纂聞改擗爲擗云：擗，擗其衣，非禮容也，築置之時，不得不然，以喻未反之日，多行詐僞，以求反國，亦權時宜也。一端，冕古之禮衣，禮帽。翼，毳云：『玉藻：諸侯玄端以祭，裊冕以朝。左傳：弁冕端委以治民，注：弁冕，冠也，端委，禮衣。』按古俗自天子以至庶人，皆可立社。當其築時，則工匠不得不褰裳揭衣以築之，置猶築也。及其既成，又以禮服祀之，蓋以時異而然耳。四『與我』之與字，當訓爲爲，讀去聲，解詳釋詞焉。乃二字，各舊本作焉，可連讀。集解云：『乃作可誤，治要作乃，今據改。』按焉字古可作乎解，詳見釋詞。後人不明此義，遂改乃爲可，與

焉連讀，失之。茲從集解校正。左騶，左車之馬也。盟於河，謂在河游誓不相棄也。

鄭縣人有得車軛者，而不知其名，問人曰：『此何種也？』對曰：『此車軛也。』俄又復得一，問人曰：『此是何種也？』對曰：『此車軛也。』問者大怒曰：『曩者曰車軛，今又曰車軛，是何衆也？此女欺我也！』遂與之鬥。^{〔一〕}

校釋 ^{〔一〕}何種讀云：『種，品也，物也。』補箋云：『何種，猶何物也。莊子至樂篇：種有幾，寓言篇：萬物皆種也，皆此義。』女與汝同。

衛人有佐弋者，鳥至，因先以其捲磨之鳥驚而不射也。^{〔二〕}

校釋 ^{〔一〕}佐弋，纂聞云：『秦紀：誅佐弋竭，百官表：秦時少府有佐弋，漢武帝改爲俠飛，掌弋射者。』捲，集解云：『方言：捲，謂之幘，郭注：卽肥幘也。』纂聞云：『井曰：捲，織布也。』翼龜云：『捲者，弓織轉卷之繩索也。』不射，謂鳥驚走，而不能射也。

鄭縣人卜子使其妻爲袴，其妻問曰：『今袴何如？』夫曰：『象吾故袴。』妻因毀新，令如故袴。

校釋 ^{〔一〕}卜子，乾道本、迂評本作乙子，茲從趙本凌本。識誤云：『今本乙作卜，誤，此猶言某乙也。』姦劫，弑臣云：春申君之正妻子曰甲，亦猶某甲。用人云：罪生某，禍生乙，可證。』集解云：『顧說非。北堂書鈔一百』

二十九御覽六百九十五引乙作卜，今據改。『今按卜爲姓，子其尊稱也。如作乙子，則當解爲某乙之子也。故袴乾道本無故字，茲從迂評本、趙本、凌本。識誤云：『藏本今本吾下有故字，按此不當有。』集解云：『御覽引作似無故袴，明乾道本脫故字，顧說非。北堂書鈔引正作象吾故袴，今據補。』妻各舊本作妻子，茲從集解據北堂書鈔引刪。纂聞云：『山曰：妻子，妻也。莊子載列子妻曰：妾聞爲有道者之妻子，皆得佚樂。魏晉以來，謂妻爲妻子，有所本也。』按此節原在文公反國節後。集解云：『依經次當在衛人佐弋後。』纂聞依經次移置於此，茲從之。』

鄭縣人卜子妻之市，買鼈以歸，過潁水，以爲渴也，因縱而飲之，遂亡其鼈。〔二〕

校釋 〔二〕卜子集解云：各本卜作乙。御覽六十三、又九百三十二引乙作卜，是以卜爲姓，今據改。』

茲從之。渴謂鼈渴也。識誤云：此條不見於經。』

夫少者侍長者飲，長者飲亦自飲也。〔一〕

一曰：魯人有自喜者，見長年飲酒不能醕，則唾之，亦效唾之。〔二〕

一曰：宋人有少者欲效善，見長者飲無餘，非堪酒飲也，而亦欲盡之。〔三〕

校釋 〔一〕少者翼云：『曲禮：長者舉未醕，少者不敢飲。今少者不達禮意，輒效長者之爲矣。』

〔二〕自喜謂自炫自驕也。纂聞云：『史記：景帝曰：魏其者，沾沾自喜耳。』集解云：『自喜二字，疑效善之。』

謂。『醕』曲禮注云：『盡爵曰醕。』按醕謂一飲而盡，即下文『飲無餘』之意，今謂之乾杯。唾之唾酒也。

〔三〕欲集解云：『各本欲上有亦字，御覽八百四十五引無，今據刪。』今按亦字，依文意宜在下欲字上，茲乙之。堪字，各舊本作斟。翼彞云：『山氏曰：斟，疑堪誤，言己不能醕而欲飲盡之也。』纂聞據改，茲從之。集解云：『非下九字，御覽引作亦自飲而盡之六字。』

書曰：『紳之束之。』宋人有治者，因重帶自紳束也。人曰：『是何也？』對曰：『書言之固然。』

〔一〕

校釋

〔一〕書翼彞云：『周書陰符之類，非尙書也。』治者，治猶習也，治者，即謂習書之人。重帶，重讀平

聲，謂雙帶也。紳束，札記云：『說文：申，下云：申也，七月陰氣成，體自申束。』段注引韓子申之束之句云：今本申

謂紳，申者引長，約者約結。按申束，雙聲聯縣字，申亦當訓束。許書說申字，從曰，自持也，則本以約束握持爲

義。廣雅釋詁：紳束也。疏證云：紳同申，引鄭注內則云：紳大帶，所以自紳約也。衛風有狐傳云：帶所以申束衣。

淮南子約車申轅，尚注：申束也。釋詁：神慎也，又云：治也。郝云：自治理與自申束，皆所以爲慎，義爲得之。韓子

此文上云：紳之束之，紳束，蓋以修身言，引申義也；下文重帶自紳束，紳束，即紳束約束，乃其本義。段氏以引

長釋上紳字，失其義。按此故事，謂誤解書意，猶今言『書獃子』也。

書曰：『既雕既琢，還歸其樸。』〔二〕梁人有治者，動作言學，舉事於文，日難之，顧失其實。人曰：

『是何也？』對曰：『書言之固然。』〔三〕

校釋 〔一〕書字，集解云：『當作記，涉上文而誤。下書言之固然，亦當作記言之固然。』經言宋人之讀書，與梁人之解記，若下不作記字，則經不分別言矣。『翼義云：『此文見莊子，又見文子道原篇、淮南原道訓。』老子曰：常德乃足，復歸於樸。』列子云：雕琢復樸。爾雅云：玉謂之雕，又謂之琢，是雕琢皆治玉之名，則樸字當從玉。』按樸，謂未雕末琢之本真也。

〔二〕動作，言學舉事於文，猶言一言一動，皆求其文也。文，雕琢也，文飾也。讀云：『動作輒說所學，舉事必文之也。』日難之，各舊本日作曰。識誤云：『曰當作日，人質切。』按作日字是，茲據改。日難之，謂其繁文縟節日益加難也。顧但也。

郢人有遺燕相國書者，夜書，火不明，因謂持燭者曰：『舉燭。』云而過書『舉燭。』『舉燭。』非書意也。〔二〕燕相受書而說之，曰：『舉燭者，尙明也，尙明也者，舉賢而任之。』燕相白王，王大悅，國以治，治則治矣，非書意也。今世學者，多似此類。〔二〕

校釋 〔一〕郢，楚都名，在今湖北江陵縣。集解云：『藝文類聚八十、白孔六帖十四、御覽五百九十五引郢作鄭。』云字，各舊本有，集解據藝文類聚、御覽刪，未可從。釋詞云：『云，語已詞也。』詩：聊樂我員，正義曰：云，員，古今字，助句辭也。大戴禮夏傳曰：蓋記時也。云，禮記曰：故聖人曰禮樂云是也。』按本節云字，卽此類語。

已詞。古人稱引他人之語，有殷以云字者，蓋示其語卽此而止，其用猶今之引號也。過書集解據藝文類聚，御覽引改，茲仍從各舊本。按過亦誤也，過書謂誤寫也。

〔二〕說之集解云：『說讀爲悅，誤甚。按說之謂解說，『舉燭』之意也。迂評注云：『說解也。』尙明翼。』云：『舉訓上，上尙通訓貴燭，照也，是燭有明義。故曰舉燭者，尙明也。』集解云：『藝文類聚御覽引尙作高。』白王謂以其說告王也。各舊本不重王字，惟迂評本旁注王字。集解據拾補增一王字，茲從之。學字上乾道本迂評本有舉字，茲從藏本趙本凌本。按後世譏學者牽強附會爲『郢書燕說』，卽本於此。

鄭人有欲買履者，先自度其足，而置之其坐。至之市，而忘操之，已得履，乃曰：『吾忘持度，反歸取之。』及反，市罷，遂不得履。人曰：『何不試之以足？』曰：『甯信度，無自信也。』〔二〕

校釋 〔一〕欲買二字，集解云：『各本作且置，御覽四百九十九、六百九十七、八百二十七引均作欲買，今據改。』今按且置二字亦通，且將也，置猶買也。纂聞云：『唐宋人謂收買曰置，然買義爲長。』今俗亦謂買爲置，蓋古義然歟。茲姑從集解，取其易曉耳。度量也，置之安放之也。坐與座通。

〔二〕至之至及也，之往也。操猶持也，攜也。持度之度字，猶今俗言『樣子』也。寧釋詞云：『說文寧，願詞也。徐鍇曰：今人言寧可如此，是願如此也。』無勿也。

傳四 王登爲中牟令，上言於襄王曰：『中牟有士曰中章，胥己者，其身甚修，其學甚博，君

何不舉之？』主曰：『子見之，我將以爲中大夫。』〔一〕相室諫曰：『中大夫，晉重列也；今無功而受，非晉國之故，君其耳，而未之目邪？』襄主曰：『我取登，既耳而目之矣；登之所取，又耳而目之，是耳目人終無已也。』〔二〕王登一日而見二中大夫，予之田宅。中牟之人棄其田耘，賣宅圃，而隨文學者，邑之半。〔三〕

校釋

〔一〕王登，識誤云：『王當作壬，呂氏春秋知度篇作任，壬任同字。』翼龜云：『王，壬字訛，任，姓也。左傳不敢與諸任齒，魏人有任章，秦人有任妄，見說林篇。又穀梁傳宋公壬臣卒，左氏公羊並作王臣，王壬字形相似易訛。日知錄王姓引此相證，失考。』中章二字，拾補云：『呂作瞻。』集解云：『中章，胥己二人名，下文一日而見二中大夫，是其證。呂作瞻，則爲一人誤。』以字，各舊本無。集解云：『爲上疑奪以字。』茲據補中大夫翼龜云：『戰國時官名，非春秋時上中下大夫之中大夫也。後世中大夫名始見於此，漢武改爲光祿大夫。』

〔二〕重列，纂聞云：『周語注，列，位次也。按重列，猶言要職也。晉國之故，各舊本作『晉臣之意。』拾補云：『呂覽作晉國之故。』識誤云：『臣當作國，意當作章。』按故，謂故法，猶言例也。茲依呂覽校改耳。目二字，本爲名詞，而在本節則用爲動詞，謂聞見也。終字，乾道本、趙本、凌本，茲從迂評本。拾補云：『絕，呂作終。』邑字，乾道本、迂評本無，茲從趙本、凌本。識誤云：『今本者下有邑字，按依上文當有。』

叔向御坐平公請事，公腓痛足痺，轉筋而不敢壞坐。^{〔一〕}晉國聞之，皆曰：『叔向，賢者，平公禮之，轉筋而不敢壞坐。』晉國之辭仕託慕叔向者，國之錘矣。^{〔二〕}

校釋 ^{〔一〕}御坐，讀云：『叔向侍坐平公而請事也。』^{〔二〕}腓，腓脛後肉，脚肚也。痺，手足不仁也。^{〔三〕}轉筋，纂聞云：『脚氣論：轉筋由脚弱所生也。』是以轉筋爲一種足病。按本節所謂轉筋，義未詳。古者席地而坐，故易致腓痛足痺，轉筋蓋謂互轉左右足而上下之，使其痛止痺愈歟！

^{〔二〕}錘字，趙本、凌本作錘，茲從乾道本、迂評本。錘義，解見上，茲不贅。集解以御覽三百七十二引韓子曰：『晉平公與唐彥坐而出云云，』爲此條，一曰佚文。而翼龜則謂誤以嵇康高士傳文爲韓子也。

鄭縣人有屈公者，聞敵恐，因死，恐已，因生。^{〔一〕}

校釋 ^{〔一〕}屈公，翼龜云：『如愚公威公類，撓屈怯懦，因名屈公，如今之綽號也。方言：凡尊老、周晉、秦、隴謂之公，或謂之翁。』已字，各舊本俱如字，惟集解誤作己，並謂上恐字下亦當有己字，尤非。按因死，非謂真死，乃謂因恐懼敵人幾至於死，極言其胆怯也。及其恐懼既止，又因而復生焉，已止也。

趙主父使李疵視中山可攻不也，還報曰：『中山可伐也，君不亟伐，將後齊燕。』^{〔一〕}主父曰：『何故可攻？』李疵對曰：『其君見好巖穴之士，所傾蓋與車以見窮閭隘巷之士以十數，伉禮下布衣之士以百數矣。』^{〔二〕}君曰：『以子言論，是賢君也，安可攻？』疵曰：『不然。夫好顯巖穴之士

而朝之，則戰士怠於行陳；上尊學者，下士居朝，則農夫惰於田。戰士怠於行陳者，則兵弱也；農夫惰於田者，則國貧也。兵弱於敵，國貧於內，而不亡者，未之有也。伐之不亦宜乎！
〔三〕主父曰：『善。』
舉兵而伐中山，遂滅之。〔四〕

校釋 〔一〕不與否同。亟急也。將後齊燕猶言恐齊燕先伐中山也。

〔二〕見好二字，識誤以爲當依下文作好顯，纂聞翼毳乙爲好見，俱未可從。按見好，猶言示以殷勤，而與之親近也。傾蓋蓋，卽今車棚，所以禦雨蔽日者。傾蓋，謂行道相遇，並車對話，兩蓋相切而下傾也。與車，猶言並車也。伉禮，謂以平等之禮相待也。傅校云：『伉，當也，見秦策高注，與抗同。』

〔三〕言論言爲名詞，論爲動詞，謂依李疵之言而論之也。行陳，迂評本、趙本、凌本作行陳，茲從乾道本。下陳字，乾道本迂評本無，茲從趙本、凌本。集解云：『御覽引作陣，陣卽陳字。』今按陳字讀爲陣，行陣，謂行列戰陣也。

〔四〕滅之各舊本作滅也，茲從纂聞。如之仍作也字，則宜於伐字逗，中山二字屬下讀。纂聞云：『之一作也。』趙武靈王二十一年攻中山，惠文王三年滅之。

傳五 齊桓公好服紫，一國盡服紫。當是時也，五素不得一紫，桓公患之，謂管仲曰：『寡人好服紫，紫貴甚，一國百姓好服紫不已，寡人奈何？』管仲曰：『君欲止之，何不試勿衣紫也！』

公曰『諾。』謂左右曰：『吾甚惡紫之臭。』於是左右適有衣紫而進者，公必曰：『少卻，吾惡紫臭。』於是日，郎中莫衣紫，其明日，國中莫衣紫，三日，境內莫衣紫也。〔三〕

一曰：齊桓公好衣紫，齊人皆好也。齊國五素不得一紫，齊王患紫貴。傳說王曰：『詩云：不躬不親，庶民不信。今王欲民無衣紫者，王請自解紫衣而朝。羣臣有紫衣進者，曰：盍遠，寡人惡紫臭。』是日也，郎中莫衣紫，是月也，國中莫衣紫，是歲也，境內莫衣紫。〔四〕

校釋 〔一〕紫，紫色也。素，白色也。五素，不得一紫，謂紫服貴於素服五倍以上也。得字，乾道本脫，茲從迂評本、藏本、趙本、凌本。

〔二〕欲止之，集解云：『乾道本無止之二字。顧廣圻云：藏本同，今本無欲字。按欲下有脫文。先慎案御覽三百八十九引欲下有止之二字，是也。今據補。又八百十四引無欲何不試四字，節文也。今本不審，並刪欲字，不可從。』今按迂評本無止之二字，趙本、凌本無欲止之三字，茲從集解校補。公曰諾三字，各舊本在『紫臭』下。按自『謂左右』至『紫臭』，蓋敘事之辭，不類管仲之語。今乙於『謂左右』上，則文意較明矣。且上文稱桓公爲君，下文又稱公，已顯示其非一人之言。纂聞依宋本標注，乙此三字於『惡紫之臭』下，茲不從。適有，猶若有也。適訓爲若，解詳釋詞。

〔三〕郎中，謂宮中，國中，謂都中。

〔四〕傳字、迂評本誤作傳，茲從乾道本、趙本、凌本。傳，謂太傅少傅也。請字、集解云：「乾道本作以。顧廣圻云：藏本同，今本以作請，案以上有脫文。先慎案以乃請之誤，依今本改。王請自解衣而朝，謂王朝時，請先解己之紫衣也，此句並無脫文。」今按迂評本作以，趙本、凌本作請，集解說是，茲從之。盍字、各舊本作益。纂聞云：「從字氏正，盍何不也。」按作盍較是，茲從之。寡入惡紫臭，各舊本無紫字。翼龜云：「臭上疑脫紫字。」今按依上文當有紫字，茲據補。

鄭簡公謂子產曰：『國小，迫於荆晉之間，今城郭不完，兵甲不備，不可以待不虞。』〔一〕子產曰：『臣閉其外也已遠矣，而守其內也已固矣，雖國小，猶不危之也，君其勿憂！』是以沒簡公身無患。〔二〕

一曰：〔三〕子產相鄭，簡公謂子產曰：『飲酒不樂，俎豆不大，鍾鼓竽瑟不鳴，寡人之事不一；國家不定，百姓不治，耕戰不輯睦，亦子之罪。子有職，寡人亦有職，各守其職。』〔四〕子產退而爲政五年，國無盜賊，道不拾遺，桃李蔭於街者莫有援也，錐刀遺道三日可反，三年不變，民無飢也。〔五〕

校釋 〔一〕不虞，猶言不意，謂意外之患也。

〔二〕閉，猶言拒，謂拒外患也。國小二字、集解云：「趙本誤倒，」茲從乾道本、迂評本。沒身，猶言終身也。猶不危之，讀記云：「當作猶之不危。」

〔三〕一曰二字、各舊本無。集解云：『患下當有一曰二字。』纂聞補此二字，茲從之。按此節所言，亦見說苑。〔四〕樂字下、各舊本有也字。集解云：『也字衍文。』纂聞刪，茲從之。鍾與鐘通之事，不一識誤云：『之下當有罪字，事上當有脫字，未詳。』集解云：『治要引尸子治天下篇，作寡人之任也，下子之罪，亦作子之任。』翼彞云：『說苑不一二字作也，是。』今按上下文義，宜從識誤校改，茲姑仍舊本。國家迂評本作國人，茲從乾道本、趙本、凌本。

〔五〕蔭謂枝葉茂盛而四垂成陰也。莫有猶言無有。集解據御覽、事類賦引剛有字，未可從。援也猶言攀折桃棗之枝葉或花果者也。與者通。援翼彞云：『高誘曰攀也。』三日可反謂雖越三日，尚可反歸主人。變字、集解云：『疑誤。』翼彞云：『管子黃帝之治也，置法而不變，使民安其法者也。』新釋以變爲凶荒之變，近是。飢也猶言飢者。迂評本飢字誤爲肌。纂聞改也字爲色，未可從。

宋襄公與楚人戰於涿谷上，宋人成列矣，楚人未及濟。〔一〕右司馬購強趨而諫曰：『楚人衆而宋人寡，請使楚人半涉，未成列而擊之，必敗。』〔二〕襄公曰：『寡人聞君子曰：不重傷，不擒二毛，不推人於險，不迫人於阨，不鼓不成列。今楚未濟而擊之，害義，請使楚人畢涉成陳，而後鼓士進之。』〔三〕右司馬曰：『君不愛宋民，腹心不完，特爲義耳。』公曰：『不反列，且行法。』右司馬反列，楚人已成列，攢陳矣，公乃鼓之。〔四〕宋人大敗，公傷股，三日而死。此乃慕仁義之禍。〔五〕夫必恃人主

之自躬親，而後民聽從，是則將令人主耕以爲食，服戰雁行也。民乃肯耕戰，則人主不泰危乎？而人臣不泰安乎？〔六〕

校釋

〔一〕涿谷新釋云：『左傳作泓，公羊作泓之陽，穀梁作泓水之上，涿谷，蓋泓水旁地之別名。寰宇記：鄆城北里許有泓水，卽宋楚戰處。鄆城在今河南柘城縣。』成列，軍隊之排比，以直爲行，以橫爲列。成列，謂陣式布列也。濟，渡河也。

〔二〕購強識誤云：『未詳。』左傳作公子目夷。半涉，謂半數渡河也。畢涉，謂全數渡河也。

〔三〕君子曰：迂評本，藏本無曰字，茲從乾道本。趙本，凌本，二毛謂老者髮有白也。不鼓不成列，左傳何注云：『軍法，以鼓戰，以金止，不鼓，不戰也，不成列，不成陣也。』

〔四〕腹心翼毳云：『詩云：赳赳武夫，公侯干城。』特爲義耳，特猶但也。點勘云：『爲，讀爲僞。』耳，猶而已也。反列，猶今言歸隊也。且讀云：『將也。』撰陣，謂結陣也，布陣也。

〔五〕死拾補云：『春秋：襄公之卒，在次年五月。』纂字下，各舊本有自親二字。集解云：『自親二字，涉下文而衍。』食字，各舊本作上。纂聞云：『山氏曰：上宜作下。』集解云：『上當作食。上經下，張本有此數句，蓋誤以說入經。然作耕以爲食，則張氏所見之本不作上，正可訂正上爲食之誤。』按作食是，茲據改。服戰，猶言從戎也。雁行，謂躬親從戎，如雁之排列而進也。泰，讀云：『與太同。』

齊景公游少海，傳騎從中來謁曰：『嬰疾甚，且死，恐公後之。』^{〔一〕}景公遽起，傳騎又至，景公趨駕煩且之乘，使騶子韓樞御之。^{〔二〕}行數步，以騶爲不疾，奪轡代之御，可數百步，以馬爲不進，釋車而走。^{〔三〕}以煩且之良，而騶子韓樞之巧，而以爲不如下走也。^{〔四〕}

校釋 〔一〕少海集解云：『卽勃海。』傳騎卽驛馬，所以傳命者，中都中也。謁，告也。嬰，晏嬰也。且死，將死也。後之，謂不及見也。

〔二〕趨字上，各舊本有曰字。按趨與趣同，促也。此爲記敘之辭，不應有曰字，茲刪之。煩且，纂聞云：『蓋良馬名。』集解云：『王涓曰：晏子春秋作繁駟，案此同字也。』騶子，猶今言馬夫。翼毳云：『騶，掌馬官名，韓樞善御者。』

〔三〕可，猶言約也。進字下，各舊本有盡字。平議云：『韓子古本當作以馬爲不盡，不盡卽不進也。列子終進乎不知也，張湛注：進當爲盡，是進與盡古通用。』詩文王篇：毛傳訓盡爲進，師古注漢書高帝紀曰：進字本作贅，又作驢，皆其例也。寫依本字作進，而失刪盡字，遂並失其讀矣。翼毳纂聞說同，茲據刪釋舍也。

〔四〕而騶子之而字，猶與也。

魏昭王欲與官事，謂孟嘗君曰：『寡人欲與官事。』^{〔一〕}君曰：『王欲與官事，則何不試習讀法？』昭王讀法十餘簡，而睡臥矣。王曰：『寡人不能讀此法。』夫不躬親其勢柄，而欲爲人臣所宜

爲者也，睡不亦宜乎！〔三〕

一曰：田嬰相齊，人有說王者曰：『終歲之計，王不一以數日之間自聽之，則無以知吏之姦邪得失也。』〔三〕王曰：『善。』田嬰聞之，卽遽請於王而聽其計，王將聽之矣。田嬰令官具押券斗石參升之計，王自聽計，計不勝聽，罷食後復坐，不復暮食矣。〔四〕田嬰復謂曰：『羣臣所終歲日夜不敢偷息之事也，王以一日聽之，則羣臣有爲勸勉矣。』〔五〕王曰：『諾。』俄而王已睡矣，吏盡揄刀削其押券升石之計，王自聽之，亂乃始生。〔六〕

校釋 〔一〕與讀爲預，謂干預也。孟嘗君纂聞云：『孟嘗君傳、齊湣王滅宋益驕，欲去孟嘗君，孟嘗君恐，乃如魏，魏昭王以爲相。』

〔二〕簡竹簡也。古者無紙，削竹爲簡，載書其上，因稱爲簡。

〔三〕計會計謂出納也。終歲之計猶今言決算也。間時間也。

〔四〕券押札多云：『商子定分篇，主法今之吏，謹其右券木押，以室藏之，此押券卽右券，木押、押與桷通，說文木部檢桷也。參升二字疑衍。』按押券蓋今收據之類，曾畫押者。參升纂聞云：『參，古累字，十黍爲累，小數之名。』翼龜云：『參疑區誤，參古作𠂔，酷似品字，因逸口歟。』罷食後謂朝食罷後也。

〔五〕有爲猶言有以勸勉也。

〔六〕掄、暴、聞云：『引也，一作儉非。』按本節各舊本在外儲說右下傳四，入齊則獨聞淖齒節後，茲依纂聞翼移置於此。

孔子曰：『爲人君者猶孟也，民猶水也，孟方水方，孟圓水圓。』〔一〕

校釋 〔一〕孟、翼云：『後漢書注、說文、杆飲器，音于方言，盃謂之孟。』集解云：『治要引尸子處道篇圖作圓。說文、圖、天體也，全也，周也，是圖爲正字。』

鄒君好服長纓，左右皆服長纓，纓甚貴，鄒君患之，問左右，左右曰：『君好服，百姓亦多服，是以貴。』〔二〕君因先自斷其纓而出，國中皆不服長纓，君不能下令以爲百姓服度以禁之，乃斷纓出以示民，是先戮以蒞民也。〔三〕

校釋 〔一〕纓字，各舊本不重，於皆服下逗，集解據御覽、事類賦引增，茲從之。纓，冠系也，所以結冠之組。〔二〕服度猶言服制也。乃字，乾道本誤作長，茲從迂、評本。趙本、凌本。釋詞云：『乃，轉語詞也。』戮，禮記鄒注云：『戮，猶辱也。』

叔向賦祿，功多者受多，功少者受少。〔一〕

校釋 〔一〕祿字，各舊本作獵，解見上。

韓昭侯謂申子曰：『法度甚不易行也。』〔二〕申子曰：『法者，見功而與賞，因能而授官，今君

設法度而聽。左右之請，此所以難行也。』昭侯曰：『吾自今以來，知行法矣，寡人奚聽矣？』〔二〕一日，申子請仕其從兄官，昭侯曰：『非所學於子也。聽子之謁，敗子之道乎？亡其用子之謁？』申子辟舍請罪。〔三〕

校釋 〔一〕不易乾道本、趙本、凌本脫不字，茲從迂評本。

〔二〕授字，各舊本作受。纂聞云：『授，元作受，誤。定法篇因任而授官，荀子量能而授官。』按古人授受均用受字，茲從纂聞改爲授者，取便讀耳。奚聽讀云：『不聽也。』

〔三〕日字，趙本、凌本誤作曰，茲從乾道本、迂評本。亡其與無同，猶抑也，轉語詞，解詳釋詞。謁請也。辟舍避舍也。

傳六 晉文公攻原，裹十日糧，遂與大夫期十日。至原十日，而原不下，擊金而退，罷兵而去。士有從原中出者，曰：『原三日即下矣。』〔一〕羣臣左右諫曰：『夫原之食絕力盡矣，君姑待之。』公曰：『吾與士期十日，不去，是亡吾信也。得原失信，吾不爲也。』遂罷兵而去。〔二〕原人聞曰：『有君如彼其信也，可無歸乎？』乃降公。衛人聞曰：『有君如彼其信也，可無從乎？』乃降公。孔子聞而記之曰：『攻原得衛者，信也。』〔三〕

校釋 〔一〕裹糧謂攜糧備食也。期十日謂以十日爲期攻下原城也。擊金爲古退兵之信號。十兵士原

中讀云：『原城中。』

〔二〕亡翼義云：『失也。』

〔三〕可無猶可不也。

文公問箕鄭曰：『救饑奈何？』對曰：『信。』公曰：『安信？』對曰：『信名，信事，信義。』信名，則羣臣守職，善惡不踰，百事不怠；信事，則不失天時，百姓不偷；信義，則近親勸勉，而遠者歸之矣。』

〔二〕

校釋 〔一〕饑字，各舊本作餓。纂聞云：『餓宜作饑。』按晉語作饑是，茲據改。信事，信義四字，各舊本無。

平議云：『信名之下，當有信事，信義四字。蓋文公曰安信，箕鄭告以信名，信事，信義，下乃一一申之也。今奪之，則文不備。』按晉語於『信於名』下，又有『信於令，信於事』二語，此不當脫，今從平議校補。

〔二〕信名，猶言信於名，謂使名與實不相爽也。晉語韋注云：『名，百官尊卑之號。』按凡有某官之名者，即循名而責其實，則百官自奉職矣。信事，猶言信於事，謂農事須謹守天時也。偷字，各舊本作踰，茲從纂聞校改。信義，猶言信於義也。周急爲義，故信於義，則近勸遠歸矣。

吳起出遇故人而止之食。故人曰：『諾。』期返而食。〔一〕吳子曰：『待公而食。』故人至暮不來，起不食待之。明日早，令人求故人，故人來，方與之食。〔二〕

校釋 〔一〕止猶留也。期返而食。乾道本、迂評本、藏本作『今返而御』。趙本、凌本作『令返而御』。茲姑從集解據御覽引改。按御猶待也。令返而御，謂故人令吳起返家而待也。

〔二〕吳起下集解據御覽增至暮二字，未可從。

魏文侯與虞人期獵，是日會天疾風，左右止，文侯不聽，曰：『不可以風疾之故而失信，吾不爲也。』遂自驅車往，犯風而罷虞人。〔一〕

校釋 〔一〕虞人，魏策注云：『掌山澤之官。』吳注：『孟子守苑囿之吏。』是日各舊本作明日。按魏策作是日，是茲據改罷罷免也。文侯往而虞人未至，故罷之。

曾子之妻之市，其子隨之而泣，其母曰：『女還，顧反，爲女殺彘。』〔一〕妻道市來，曾子欲捕彘殺之，妻止之曰：『特與嬰兒戲耳。』〔二〕曾子曰：『嬰兒非與戲也。嬰兒非有知也，待父母而學者也，聽父母之教。今子欺之，是教子欺也。』〔三〕母欺子，子而不信其母，非所以成教也。遂烹彘也。〔四〕

校釋 〔一〕女還，女與汝同，還，謂歸家也。顧反，顧爲接續詞，猶但也。而也，反與返同，謂母自市返家也。

〔二〕道字，各舊本作適。讀記云：『適，治要作道，當從之道。由也，謂由市來也。上文旣言曾子之妻之市，此不當更言適市，足明其誤。』按作道是，茲據改。

〔三〕非與戲，集解云：『非下，疑有可字。』釋詞補云：『非，猶不可也。』按二說均未可從。非與戲，謂父母

以其爲戲言，而嬰兒不以其爲戲言也。今字乾道本、藏本、迂評本作令，茲從趙本、凌本。

〔四〕母欺子子△△△△集解云：『各本母作父，不重子字，今據治要增改。』茲從之。所以各舊本作以按治要作所以是，茲據增。

楚厲王有警，爲鼓以與百姓爲戍；〔一〕飲酒醉，過而擊之也。民大驚，使人止之曰：『吾醉而與左右戲，過而擊之也。』民皆罷。居數月，有警，擊鼓而民不赴。乃更令明號，而民信之。〔二〕

校釋 〔一〕警邊患也。爲鼓猶言置鼓也。戍守邊也。集解據御覽、事類賦改戍字爲戒，並刪爲字以字，而以警鼓連文，未可從。

〔二〕過而擊之猶言誤擊鼓也。鼓有警乃擊，今無警而擊，是謂過矣。集解據御覽、事類賦刪『之也』二字，又於下文過字改爲而，均未可從。

〔三〕更令明號謂改定命令申明號令也。而猶而後也。

李悝警其兩和，曰：『謹警，敵人旦暮且至擊汝。』如是者再三，而敵不至。兩和解，而不信李悝。居數月，秦人來襲之，至幾奪其軍。此不信之患也。〔一〕

一曰李悝與秦人戰，謂左和曰：『速上，右和已上矣。』又馳而至右和曰：『左和已上矣。』左右和曰：『上矣。』於是皆爭上。其明年與秦人戰，秦人襲之，至幾奪其軍。此不信之患。〔二〕

校釋 「一」警，謂戒備也。懈而乾道本、迂評本、凌本作懈怠，茲從趙本之患。各舊本無之字，茲從翼磊增。
「二」日上矣三字，集解云：『涉上而衍，此言左右和聞李悝之言，於是皆爭上，明不應有日上矣三字。』
翼磊云：『日字當作已。』按日上矣三字，乃左右和答李悝之辭，非衍非誤，仍從舊本。

外儲說左下

釋題 本篇原爲第十二卷第三十三篇。下字、乾道本、迂評本、藏本脫，茲從趙本、凌本。集解云：「治要引有下字。」解詳內儲說上。

提要 本篇主旨，在以事例說明六種主術：（一）賞罰當於功罪，則人臣不德君，亦不怨上；（二）用人須恃勢恃術而不恃信；（三）人主不在所與居，在所與謀；（四）不聽左右之言，因能而授祿，錄功而與官；（五）人臣不可太侈太儉，而須公舉不相比周；（六）公室卑則忌直言，私行勝則少公功。

考證 本篇思想，合於韓非從無疑者。惟文有脫佚與錯入。如孔子御坐、趙簡子謂車席太美、費仲說紂、齊宣王問匡倩諸事，只見於傳，不見於經，此可證經文之有脫佚。又如孔子議晏嬰事，只見於經，不見於傳，此可證傳文之有脫佚。如傳四桓公問置吏於管仲及傳五鄭縣人賣豚事，既不見於經文，又與傳義不相連屬，此可證傳文之有錯入。此外如西門豹爲鄴令事，雖經、傳俱有，亦不無可疑。按「上計」爲漢制，而傳文有「上計」名色。戰國時或有上計制度，但是否名爲上計，尙待考。此其可疑者。

經一 以罪受誅，人不怨上，則危生子暴。〔一〕以功受賞，臣不德君，翟璜操右契而乘軒。〔二〕襄主不知，故昭卯五乘而履屨。〔三〕上不過任，臣不誣能，即臣將爲夫少室周。〔四〕

校釋 「一」不怨宋本注云「罪當故不怨也」一跖危以犯刑足之罪而得名蓋結號也『集解云「危讀爲跪，足也，詳下說。生字，乾道本、藏本作坐，迂評本作逃，茲從趙本、凌本。識誤云：『按依說當作逃。』集解云：『作生是也，與坐形近而誤。』讀云：『生活也。』

「二」不德宋本注云：『功當故不以爲德。』翟瑣集解云：『瑣下作黃，古今字通。』右契契券也，券分爲二，是爲左右契，亦稱左右券，各執其一以爲信。纂聞云：『韓策注，左契待合而已，右契可以責取。』按操左契而乘軒，謂有功當受乘軒之賞，如執右券之可責取也。

「三」不知宋本注云：『不知功當厚賞也。』履屬趙本、凌本作履屬，茲從乾道本、迂評本。集解云：『說文，屬從履省，喬聲，是屬爲正字，屬屬均別字，說作踳，古通。』宋本注云：『卯西卻秦，東止齊，功大矣，而王唯養之五乘，功大賞薄，猶富人而履屬也。』

「四」過任猶誤任，謂不善用人也。誣能謂以不能爲能，猶忌才也。卽與則通。夫字，各舊本作失。識誤云：『失當作夫，在爲字上，如字讀之。』集解云：『失字衍。顧讀卽臣將夫爲少室周，亦不成文。』按失字當爲夫，而在爲字下。釋詞云：『夫，指事之辭也。檀弓曰：予惡夫涕之無從也。左傳曰：公嗾夫獒焉，是也。』此夫字，卽與釋詞所言者同類，並非衍也。

經二——恃勢而不恃信，故東郭牙議管仲。二恃術而不恃信，故渾軒非文公。三故有術

之主，信賞以盡能，必罰以禁邪，雖有駁行，必得所利。〔三〕簡主之相陽虎，哀公問一足。〔四〕

校釋 〔一〕恃勢恃術，人臣貞信與否，多不可必，故人主須恃勢恃術以御之。

〔二〕渾軒集解云：『梁玉繩曰：即渾罕，非子產也。古軒、罕通，左傳罕虎、罕達，公羊並作軒。』

〔三〕駁行，宋本注云：『不貞白而駁難者。』翼毳云：『馬色不純曰駁，謂若陽虎后變行雖有不善，而亦有一長可用也。』

〔四〕一足，謂有一長即可也。

經三——失臣主之禮，則文王自履而矜。〔一〕不易朝燕之處，則季孫終身莊而遇賊。〔二〕

校釋 〔一〕失，纂聞作不失，茲仍從各舊本。禮字，各舊本作理，按依文義當作禮，茲改之。履，動詞，謂履之

也。集解以履上當有繫字，未可從。矜，宋本注云：『文王託言君所與者，皆其師，是矜過而飾非也。』

〔二〕朝燕，宋本注云：『朝當莊，燕當舒，今季孫一之，故終身莊而遇害也。』按經三有缺文，下傳文有孔

子御坐，趙簡子謂車席泰美，費仲說紂，齊宣王問匡倩四節俱不見於經，可證。因此本節文義即不甚明矣。

經四——利所禁，禁所利，雖神不行，譽所罪，毀所賞，雖堯不治。〔一〕夫爲門而不使入，委利而

不使進，亂之所以產也。〔二〕齊侯不聽左右，魏主不聽毀譽，而明察照羣臣，則鉅不費金，屏不用璧。

〔三〕西門豹請復治鄴，足以知之。〔四〕猶盜嬰兒之矜裘，與跖危子榮衣。〔五〕子綽左右盡去蟻

蠅安得無桓公之憂索官與宣王之患驪馬也〔六〕

校釋 〔一〕利所禁禁所利猶言所禁者而利之，所利者而禁之也。凡禁必須有害以隨之，而後禁可止；今反有利焉，則禁不可止矣，故曰『雖神不行』。譽所罪毀所賞毀譽須與賞罰相應，而賞者有毀，罰者有譽，則賞罰失其用矣。六反篇云：『名賞在乎私惡當罪之民，而毀害在乎公善宜賞之士，索國之富強，不可得也。』

〔二〕委利委棄置也。外儲說左上云：『利之所在，民趨之。』今置利於此，而不使進，猶之設門而不使入，是『禁所利』也，安得無亂乎產生也。

〔三〕毀譽二字，各舊本作譽者。讀記云：『譽者當作毀譽。下文注：屏用玉以魏主用毀故，當作以魏主用毀譽故，與此互證，足明其誤。』按作毀譽是，茲據改。鉅屏，纂聞云：『鉅者，屏者，猶言大者小者也，假設以爲人名。』費金下，各舊本有錢字。璧字上，趙本凌本有玉字，茲從乾道本。迂評本。宋本注云：『鉅費金，以齊王用左右故；屏用璧以魏主用毀譽故。』識誤云：『說無錢字，此當衍，舊注未譌。藏本今本璧上有玉字。按說無，舊注亦未譌，此所添誤。』今按無錢字是，茲從識誤校刪。費金、用璧、均謂賄賂。人主明察而不聽左右之請，則賄賂不得行矣。

〔四〕足知宋本注云：『初治鄴，不事左右，故君奪之；後治鄴，事之，君乃迎而拜，據此足知左右能爲國之

害。』

〔五〕矜裘榮衣宋本注云：『盜者子不恥其父盜，以父所盜衣矜人；明者兒不恥其父明，以明所著衣榮人；人所諂媚爲非猶是。』慕聞云：『以喻左右誹譽之失實也。』

〔六〕左右畫宋本注云：『左畫圓，右畫方，必不得俱成，喻用左右言，亦不能得賢也。』按此喻人主既須依法令以行賞罰，而又因左右之毀譽而變更，則不能爲治矣。去蟻驅蠅慕聞云：『以喻偏聽左右，而禁姦邪，則姦邪愈彰。』

經五——臣以卑儉爲行，則爵不足以勸賞；光寵無節，則臣下侵逼。〔一〕說在苗賁皇非獻伯，孔子議晏嬰。〔二〕故仲尼論管仲與叔孫敖，而出入之容變，陽虎之言見其臣也。〔三〕而簡主之應人臣也，失主術。〔四〕朋黨相和，臣下得欲，則人主孤；羣臣公舉，下不相和，則人主明。〔五〕陽虎將爲趙武之賢，解狐之公，而簡主以爲枳棘，非所以教國也。〔六〕

校釋 〔一〕勸賞乾道本、趙本、凌本作觀賞，茲從迂評本、張本。按賞字疑應在爵字下。

〔二〕獻晏宋本注云：『獻伯爲相，妻不衣帛，晏嬰亦然，故非其太儉逼下。』集解云：『孔子議晏嬰條，今奪。北堂書鈔一百二十九、御覽六百八十九、事類賦十二引韓子曰：晏嬰相齊，妻不衣帛，馬不食粟，當卽此條佚文。』

〔三〕出入之容變。集解云：『乾道本變作變。顧廣圻云：今本變作變，句有誤，未詳。先慎案變字是。陽虎入齊，其臣因之見於君，及其出也，皆不爲虎，是入則因之見，出則背之一出一入之間，其容遂變。陽虎之言見其臣也，此倒句而成文，順之爲陽虎之言見其臣，而出入之容變也。顧氏不知古書倒文成義之法而讀變字句絕，所以疑句有誤也，改從今本。』按迂評本、趙本、凌本俱作變，是茲從之。

〔四〕應字下，迂評本無人臣二字，茲從乾道本、趙本、凌本。應答也。集解云：『此謂簡子應陽虎樹枳棘則刺，樹枳棘橘柚則甘之言，爲失術也。下文云非所以教國也，卽承此失術言。』

〔五〕相和謂朋比爲姦也。

〔六〕趙武解狐。宋本注云：『此二人皆以公舉人，內不避親，外不避讐，虎之所舉，亦同之也。而簡主以其所舉害己，與樹枳棘者同，此反教人爲私也。』

經六——公室卑，則忌直言；私行勝，則少公功。〔一〕說在文子之直言，武子之用杖；子產忠諫，子國譙怒。〔二〕梁卓用法，而成侯收璽；管仲以公，而封人謗怨。〔三〕

校釋 〔一〕公室謂君主也。私行謂人臣之私恩私義也。

〔二〕子產忠諫，子國譙怒八字，乾道本脫，茲從迂評本、藏本、趙本、凌本。

〔三〕封人各舊本作國人。宋本注云：『仲不報封人之恩，唯賢是用，人怨謗也。』纂聞云：『封，元作國，從

傳文及舊注正。蓋封因音訛邦，又以義訛國耳。』按作封是，茲據改。封人，守衛封疆之官也。

傳一——孔子相衛，弟子子臬爲獄吏，別人足，所跖者守門。『二』人有惡孔子於衛君者，曰：『

仲尼欲作亂。』『三』衛君欲執孔子，孔子走，弟子皆逃，子臬從出門，跖危引之而逃之門下室中，吏

追不得。『四』夜半，子臬問跖危曰：『吾不能虧主之法令，而親跖子之足，是子報仇之時也；而子何

故乃肯逃我？我何以得此於子？』『五』跖危曰：『吾斷足也，固吾罪當之，不可奈何！然方公之治臣

獄也，公傾側法令，先後臣以言，欲臣之免也甚，而臣知之。』『六』及獄決罪定，公愾然不悅，形於顏色，

臣見又知之。『七』非私臣而然也，夫天性人心固然也。此臣之所以悅而德公也。』『八』孔子曰：『

善爲吏者樹德，不能爲吏者樹怨。概者，平量者也；吏者，平法者也；治國者不可失平也。』

校釋 〔一〕子臬，纂聞云：『據論語及左傳，無孔子相衛之事。蓋當是時孔慄作亂，逐出公輒，偶因同姓

謬傳聞耳。家語：季羔爲衛之士師，別人之足，俄而衛有嗣職之亂，季羔逃之，走郭門，是也。』傳校云：『子臬

卽論語子路使子羔爲費宰之子羔。』別跖，新釋云：『周制，別爲五刑之一，說文作跖，斷足之刑也。』

〔二〕惡，讀去聲。纂聞云：『惡，猶讎也。』仲尼二字，各舊本作尼，茲從纂聞補仲字。

〔三〕從出門，識誤云：『從當作後。說苑至公篇：子臬走郭門，郭門閉。』集解云：『從字不誤，出門當作後

門。呂氏春秋云：戎夷違齊如魯，天大寒而後門。後門與說苑門閉合，明出爲後之誤。』按從出門三字可通，

謂隨從諸逃者而出門也。逃之猶言逃於也。釋詞云：『之猶於也。諸之一聲之轉，諸訓爲於，故之亦訓爲於。』大戴禮養之內，不養於外，則是越之也；養於外，不養於內，則是疏之也。之亦於也，互文耳。』

〔四〕跼危。宋本注云：『跼者行步危，故曰跼危也。』平議云：『注說非，危乃跪之省文。古謂跼足者爲跼跪，內儲說下篇門者跼跪請曰，是其證也。呂氏春秋雜上篇，刖跪擊其馬而反之，孫星衍云：跪足也，此說得之。』集解云：『荀子勸學篇，蟹六跪而二螯，楊倞注：跪足也，韓子以刖足爲跼跪。據此，是楊所見韓子作跪也，跪訓爲足，又其一證。』仇字迂評本藏本作仇怨，茲從乾道本、趙本、凌本。

〔五〕治臣獄。乾道本、迂評本作獄治臣，趙本、凌本、張本作欲治臣。讀記云：『當作治臣獄，下文傾側法令云云，正治獄時事，張、趙本改獄爲欲，於文不安，不可從也。』按讀記說是，茲據乙。傾側法令，謂援引法令，求能曲全也。先後猶言助也。翼毳云：『周禮士師以五戒先後刑罰，毋使罪麗於民，注：先後猶左右也，助也。尙書和懌先後迷民，孔傳：先後，謂教訓也。後漢伏湛傳：實足以先後王室，注：先後，相導也。』免謂免於罪也。〔六〕慄與蹙通，愁貌，家語作慄。見字，讀記云：『當衍。上云而臣知之，此云臣又知之，知卽見也。說苑至公篇正作臣又知之，此衍見字，蓋注文錯入。』

〔七〕夫猶此也，解詳釋詞。

〔八〕孔子曰以下，各舊本在秦韓攻魏節下。集解云：『此下當接孔子曰云云，今錯簡在後，另爲一條。說』

苑此下接孔子聞之曰云云是也。『按纂聞已移置於本節末，是茲從之。』[△]概翼龜云：『平斗斛之本也。』

田子方從齊之魏，望翟黃乘軒騎駕出，方以爲文侯也，移車異路而避之，則徒翟黃也。〔一〕方

問曰：『子奚乘是車也？』曰：『君謀欲伐中山，臣薦翟角而謀得，果且伐之，臣薦樂羊而中山拔得

中山，憂欲治之，臣薦李克而中山治，是以君賜此車。』〔二〕方曰：『寵之稱功尙薄。』〔三〕

校釋 〔一〕田子方翼龜云：『名無擇。』之往也。軒騎宋本注云：『既乘軒車，又有輕騎。』翼龜云：『軒

大夫車。』異路猶言另一條路也。徒字，乾道本脫，茲從迂評本、藏本、趙本、凌本。宋本注云：『徒獨。』迂評注

云：『但也。』

〔二〕奚猶何爲也。是車此車皆指軒車。果且，乾道本、趙本、凌本作果，茲從迂評本、張本。集解云：『且將也，

此字當有。』按果且猶言既而也。憂纂聞云：『中山新附，人心易搖，欲使治之，而難其人，故憂慮之。』

〔三〕稱功翼龜云：『魏君寵異之，與其功伐相稱衡，則所賜尙薄矣。』

秦、韓攻魏，昭卯西說，而秦韓罷；齊、荆攻魏，卯東說，而齊荆罷。〔一〕魏襄王養之以五乘。〔二〕卯

曰：『伯夷以將軍葬於首陽山之下，而天下曰：夫以伯夷之賢，而以將軍葬，此其稱仁，是手足不掩

也。』〔三〕今臣罷四國之兵，而王乃與臣五乘，猶羸膝而履躡。〔四〕

校釋 〔一〕昭卯識誤云：『卽孟卯也。顯學篇、魏任孟卯之辯，難三篇、執與襄之孟嘗芒卯？』平議云：『

昭當作明，明卯卽孟卯也，又作芒卯。明、孟、芒古音俱同。孟卯之爲明卯，猶孟津之盟津，芒卯之爲明卯，猶民貳之爲民萌。今作昭者，蓋與明形似義同，因而致誤。

〔二〕五乘謂俸祿之數也。各舊本於五乘下有將軍二字。宋本注云：『養之以五乘，使爲將軍也。』職誤云：『五乘句絕，將軍二字當衍，涉下文而誤，舊注全謬。』集解云：『將軍疑爲之奉二字之譌，養之以五乘，文義未備，乘下脫之奉二字，寫者妄以將軍補之，注遂因譌字作解也。外儲說左上、養之以五乘之奉，文法正同，是其證。』按無之奉二字亦通，茲依職誤刪將軍二字。

〔三〕伯夷以將軍葬。纂聞云：『此策士假託之說，非實有此事也。謂己功大而賞祿薄，譬如伯夷節高而葬之以卑官，反足爲污耳。』此其稱仁四字，各舊本作與其稱仁，在賢字下。讀記云：『稱仁二字無義，伯夷不係乎稱與不稱也。與其稱仁，疑本作此其稱仁，在而以將軍葬下，與此其稱功，文義相對，兩稱字皆讀去聲，猶言衡量也。』按讀記說是，茲據乙改。手足不掩，新釋云：『謂其葬薄。』

〔四〕羸滕各舊本作羸勝。識誤云：『羸勝當作羸滕，形相近也。』集解云：『御覽八百二十九引羸作羸。』纂聞云：『羸宜作羸，滕元作勝誤。秦策羸滕履屨，注：羸倫進反，纏疊字通用。易羸其角，疏云：揭疊纏繞也。詩采芣云：邪幅在下，注：如今行滕也，偏束其脛，自足至膝，故曰在下。疏云：說文：滕，絨也，名行滕者，謂行而絨束之也。』按作羸滕是，茲據改。羸滕猶今言纏裹腿也。蹻，集解云：『蹻屬二字古今文通用。』纂聞云：『蹻、

經作屨，通。虞卿傳擔簦蹻，徐注，蹻，草屨也。『按羸膝屨蹻，均賤者之行裝，所以喻襄王之賞薄也。』

少室周者，古之貞廉潔慤者也，爲趙襄主力士，與中牟徐子角力，不若也，入言之襄主以自代也。『襄主曰：『子之處，人之所欲也，何爲言徐子以自代？』曰：『臣以力事君者也，今徐子力多，臣臣不以自代，恐他人言之而爲罪也。』』

一曰：少室周爲襄主驂乘，至晉陽，有力士牛子耕，與角力而不勝，周言於主曰：『主之所以使臣驂乘者，以臣多力也，今有多力於臣者，願進之。』』

校釋 〔一〕少室周，驂聞云：『少室，姓，周，其名。按山有太室、少室，用以別族。』慤，翼龜云：『質誠也。』力士，有膂力之士也，古者權貴以之爲侍衛。角力，校力也，猶今言比賽。

〔二〕處，驂聞云：『猶位也。力士，車右，與君同車，最爲親近，故人羨之。』罪，宋本注云：『有蔽賢之罪也。』

〔三〕驂乘，亦稱參乘，又稱陪乘。翼龜云：『驂乘，車右也。古者乘車，尊者居左，御者居中，選多力者爲車右，故曰驂，驂之言參也。』下驂乘，各舊本作騎乘。識誤云：『騎，當作驂，』茲據改。

傳二——齊桓公將立管仲爲仲父，〔一〕令羣臣曰：『寡人將立管仲爲仲父，善者入門而左，不善者入門而右。』東郭牙中門而立。公曰：『寡人立管仲爲仲父，令曰：善者左，不善者右，今子何爲中門而立？』牙曰：『以管仲之智，爲能謀天下乎？』公曰：『能。』『以斷爲敢行大事乎？』

公曰：『敢。』^{〔三〕}牙曰：『若知能謀天下，斷敢行大事，君因屬之以國柄焉；以管仲之能，乘公之勢，以治齊國，得無危乎？』^{〔四〕}公曰：『善。』乃令隰朋治內，管仲治外，以相參。^{〔五〕}

校釋 ^{〔一〕}爲仲父三字，各舊本無。纂聞云：『元脫此三字，說苑作立仲父。』按依文義宜有此三字，茲

據補。翼彙云：『父美稱，猶文王師太公望爲尙父也。』

^{〔二〕}善者不善者，謂以爲善者，或以爲不善者，猶今言贊成者或不贊成者。

^{〔三〕}以斷猶言以管仲之斷也，斷決事也，此爲牙語。

^{〔四〕}若知各舊本作君知。識誤云：『君當作若，知卽智字。』翼彙云：『君當作管仲二字。』按纂聞改君

爲若，與識誤說同，是茲據改。屬之以乾道本。趙本、凌本無以字，茲從迂評本。張本屬猶委也。之能乾道本、趙

本脫之字，茲從迂評本、凌本。

^{〔五〕}治內謂治內政，治外謂治外交。以相參，纂聞翼彙均云：『一無此三字。』按相參，謂分其勢以相牽

制也。

晉文公出亡，箕鄭挈壺餐而從，迷而失道，與公相失，飢而道泣，寢餓而不敢食。^{〔一〕}及文公反國，舉兵攻原而拔之。^{〔二〕}文公曰：『夫輕忍飢餒之患，而必全壺餐，是將不以原叛。』乃舉以爲原令。大夫渾軒聞而非之，曰：『以不動壺餐之故，知其不以原叛也，不亦無術乎！』^{〔三〕}故明主者，不恃

其不我叛也。恃吾不可叛也。不恃其不我欺也。恃吾不可欺也。〔四〕

校釋

〔一〕箕鄭翼毳云：『左傳國語箕鄭爲趙衰。』挈壺餐新釋云：『挈懸持也，壺餐以壺盛水和飯也。』泣字藏本作立。寢餓解詁云：『山云寢當作忍。增云：與寢同，言稍稍至餓也。』鳳卿按餓而至寢也，諸說皆非。』今按稍飢爲飢，甚飢爲餓。餓而至於寢，極言其餓也，猶病甚者之稱爲寢疾也。

〔二〕原字乾道本作用兌，茲從迂評本。趙本凌本扎蓬云：『用當爲周之誤，兌讀爲隧，謂六隧也。隧兌字通，詳老子戰國時已有文公請六隧之說，展轉傳譌，遂以文公伐原爲攻周之隧地。今本作原，則明人不知而妄改也。』集解云：『孫說非，用乃原之誤，兌乃克之誤。御覽二百六十六引作舉兵攻原，克而拔之，是其證。』

〔三〕渾軒鄭大夫渾罕也。知字乾道本趙本凌本作怙，茲從迂評本。纂聞云：『晉乘知作信。』

〔四〕恃吾乾道本脫恃字，茲從迂評本。趙本凌本。

陽虎議曰：『主賢明則悉心以事之，不肖則飾姦而試之。』〔一〕逐於魯，疑於齊，走而之趙，趙主迎而相之。左右曰：『虎善竊人國政，何故相也？』簡主曰：『陽虎務取之，我務守之。』〔二〕遂執術而御之，陽虎不敢爲非，以善事簡主，與主之強，幾至於霸也。

校釋 〔一〕而試之謂以飾姦試探其主也。而字可訓爲以，解詳釋詞。

〔二〕守[△]宋本注云：『我既守，則彼不能得利。』

魯哀公問於孔子曰：『吾聞古者有夔一足，其果信有一足乎？』孔子對曰：『不也，夔非一足也。夔者，忿戾惡心，人多不說喜也。』〔一〕雖然，其所以得免於人害者，以其信也。人皆曰獨此一足矣，夔非一足也，一而足也。』哀公曰：『審而是，固足矣。』〔二〕

一曰：哀公問於孔子曰：『吾聞夔一足，信乎？』曰：『夔，人也，何故一足？彼其無他異，而獨通於聲。堯曰：夔一而足矣，使爲樂正。故君子曰：夔有一足，〔三〕非一足也。』

校釋 〔一〕不與否同。說讀爲悅。

〔二〕獨此一足，獨猶僅也，但也。此一，謂信。本節足字有二義：一爲手足之足，一爲知足之足，宜隨文而審之。獨此一足，謂僅有一信即足矣。而是，集解云：『而，讀爲如。』

〔三〕彼其，其音記，語助也，解詳釋詞。彼其猶彼也。聲樂也。樂正，樂官名。有一足，乾道本一誤作之，茲從迂評本。趙本、凌本。

傳三——文王伐崇，至鳳黃虛，繫解，因自結。〔一〕太公望曰：『何爲也？』王曰：『君與處，上皆其師，中皆其友，下盡其使也。今皆先君之臣，故無可使也。』〔二〕

一曰：晉文公與楚戰，至黃鳳之陵，履繫解，因自結之。〔三〕左右曰：『不可以使人乎？』公曰：『

吾聞上君所與居，皆其所畏也；中君之所與居，皆其所愛也；下君之所與居，皆其所侮也。寡人雖不肖，先君之人皆在，是以難之也。」〔四〕

校釋 〔一〕文王，識誤云：「呂覽不苟篇云：武王至殷郊。」集解云：「帝王世紀亦云武王之事。」按此蓋傳聞之異耳。鳳，黃虛，纂聞云：「虛一作墟，同。黃，皇音通。治要作黃鳳墟。」鞶，繫，迂評本作鞶，係，茲從乾道本。集解云：「係，繫古通用。」翼，毳云：「說文，鞶，足衣也，係結束也。」按鞶，繫即今腳帶之類。

〔二〕上字，各舊本無。翼，毳云：「淵鑑類函引君上有上字。」識誤云：「君上當有上字。」按迂評本於皆字旁注上字，王本於皆字上有上字。上字以在皆字上爲是，茲從王本。上中下猶言上焉者、中焉者、下焉者，下同。今皆乾道本誤作今王，茲從迂評本。趙本、凌本、先君，解集誤作先王，茲從各舊本。先君，先代之君也，此節指先父言。

〔三〕一曰，集解云：「乾道本無一曰二字，在魯哀公後另爲一條。按以此條列文王伐崇後，方與經次相合，據今本乙。」今按迂評本、趙本、凌本、王本俱列此條於文王伐崇後，茲從之。

〔四〕畏，愛侮，纂聞云：「畏，謂嚴敬，愛，謂相友愛，侮，使役之材可侮弄者。」

季孫好士，終身莊，居處衣服常如朝廷。而季孫適懈，有過失而不能長爲也。故客以爲厭易已，相與怨之，遂殺季孫。故君子去泰去甚。〔一〕

一曰：南宮敬子問顏涿聚曰：『季孫養孔子之徒，所朝服與坐者以十數，而遇賊，何也？』

曰：『昔周成王近優侏儒以逞其意，而與君子斷事，是以能成其欲於天下。』今季孫養孔子之徒，所朝服而與坐者以十數，而與優侏儒斷事，是以遇賊。故曰：不在所與居，在所與謀也。』

校釋：「一」居字，迂評本作宮，茲從乾道本、趙本、凌本。適懈，謂偶怠也。厭易，厭惡而輕視也。去秦，去甚語。

見老子。

「二」一曰二字，各舊本無。集解云：「上當有一曰二字。趙用賢謂此不著經文中，不知此卽上條之異文，

脫一曰二字耳。」按集解說是，茲據補。孔子之徒，翼彘云：『謂冉有、季路，賊謂季氏家臣陽虎、囚季桓子，然

此言殺季孫非也。』

「三」逞，翼彘云：『快也。』是以各舊本無以字，茲依纂聞增。

「四」優侏儒，翼彘云：『優，俳諧戲笑者；侏儒，短小者，雜樂也。』

孔子御坐於魯哀公，哀公賜之桃與黍，哀公請用，仲尼先飯黍而後啗桃，左右皆掩口而笑。

哀公曰：『黍者，非飯之也，以雪桃也。』仲尼對曰：『丘知之矣。夫黍者，五穀之長也，祭先王爲

上盛果，菰有六，而桃爲下，祭先王不得入廟。今以五穀之長，雪果菰之下，是以上雪下也。丘以

爲妨義，故不敢以先於宗廟之盛也。』

校釋 「一」御坐集解據藝文類聚御覽引改爲侍坐按御猶侍也宜仍從各舊本不必改請用上集解

據家語藝文類聚增曰字按此爲敘事之辭不必贅以曰字茲仍從各舊本飯動詞食也啗情濫切亦食也

「二」雪翼云拭也禮內則云桃曰膽之注桃多毛拭治令青滑如膽爾雅翼云古人作履黏以黍米謂之黎其雪桃亦用黍以黍黏去桃毛也」

「三」五穀爲說甚多此蓋管子所謂黍稷菽麥稻也五穀以黍爲首故曰五穀之長上盛盛讀爲成翼云黍稷在器曰盛荀子禮論篇云饗尚玄尊而用酒醴先黍稷而飯稻粱是黍於饗祭爲上盛也果蓏翼云木實曰果草實曰蓏周禮注果棗栗之屬蓏瓜瓠之屬六果周禮籩人云饋食之簋其實棗栗桃乾榛榛實纂聞云左傳使巫以桃茢先祓殯疏云茢箒也桃鬼所惡也桃實之不得入廟豈以此故耶」

「四」以上雪下各舊本以字作從讀記云從當爲以因以誤爲从又寫爲從耳按作以是茲據改以上雪下猶言用上盛拭下品也先集解云先上當有桃字按此於意含有桃字於文則不必有因上文已明言也宗廟之盛卽指黍言

趙簡子謂左右曰「車席泰美夫冠雖賤頭必戴之屨雖貴足必履之」今車席如此太美吾將何屨以履之夫美下而耗上妨義之本也」

校釋 「一」趙簡子曰集解云：『各本無趙字，曰字，子作主，今據藝文類聚六十九，御覽七百九引補，』茲從之。貴賤謂物價之貴賤也。

「二」太美乾道本作大美，太大通何履之履，乾道本迂評本作履，趙本作履，凌本作履。宋本注云：『履所履席太美，則更無美履以履之也。』集解云：『依法，膠當作履，』茲據改。美下耗上，宋本注云：『言席美，則履又當美，履美，衣又當美，累美不已，則居上彌有所費也。』集解云：『注累字，張趙本作求。』按累字是累美，謂累進以求美也。

費仲說紂曰：『西伯昌賢，百姓悅之，諸侯附焉，不可不誅；不誅，必爲殷患。』「二」紂曰：『子言義主，何可誅？』費仲曰：『冠雖穿弊，必戴於頭；履雖五采，必踐之於地。今西伯昌，人臣也，修義而人向之，卒爲天下患，其必昌乎！人臣不以其賢爲其主，非可不誅也。且主而誅臣，焉有過？』「三」紂曰：『夫仁義者，上所以勸下也。今昌好仁義，誅之不可。』三說不用，故亡。「三」

校釋 「一」昌翼壽云：『文王名，紂賜文王斧鉞爲西伯。』患字，乾道本脫，迂評本藏本，張本作禍，茲從趙本、凌本。

「二」西伯乾道本、張本誤作西戎，茲從迂評本、趙本、凌本。人臣不乾道本作人人不，迂評本作夫人不，趙本凌本作人人欲。識誤云：『藏本同。下人字當作臣，今本不作欲誤。』按識誤說是，茲據改爲字，讀去聲。非

可不誅非、猶不也。不字、迂評本作必、誤、茲從乾道本、趙本、凌本。

〔三〕三說謂費仲說紂三次也。亡謂殷亡於周也。

齊宣王問匡倩曰：『儒者博乎？』曰：『不也。』王曰：『何也？』匡倩對曰：『博者貴梟，勝者必殺梟，殺梟者是殺所貴也，儒者以爲害義，故不博也。』〔二〕又問曰：『儒者弋乎？』曰：『不也。弋者，從下害於上者也，是從下傷君也，儒者以爲害義，故不弋。』〔三〕又問：『儒者鼓瑟乎？』曰：『不也。夫瑟以小絃爲大聲，以大絃爲小聲，是大小易序，貴賤易位，儒者以爲害義，故不鼓也。』宣王曰：『善。』仲尼曰：『與其使民詔下也，寧使民詔上。』〔三〕

校釋 〔一〕不與否同。博亦稱六博，又稱六箸。廣雅云：『箸，簋也，今名骰子。博以五木爲簋，有梟、盧、雉、犢、塞五者，爲勝負之采。』貴梟，翼說云：『梟，博采名。六博得梟者勝，故貴梟。』史記、魏世家：博之所以貴梟者，便則食，不便則止矣。注：博頭有刻爲梟鳥形者，擲得梟者合食其子，若不便則爲餘行也。殺梟，翼說云：『殺者，謂不便則棄爲餘行也，謂之殺者，博徒之語也。』按古博以梟采爲最貴，猶今骰子以六點爲最大也。博者得梟卽勝，因謂之殺梟，非真殺之也，言其得之耳。

〔二〕義字，乾道本脫，茲從迂評本、趙本、凌本。

〔三〕諂，宋本注云：『諂下則朋黨，諂上則尊敬。』按仲尼之語，纂聞翼說別爲一節，未可從此蓋著者引。

仲尼之語以斷匡情之對爲諂上也。本節所言，又見家語說苑，但以爲孔子對哀公語耳。

傳四——鉅者，齊之居士，屏者，魏之居士。齊魏之君不明，不能親照境內，而聽左右之言，故二子費金璧而求入仕也。〔一〕

校釋 〔一〕鉅字，乾道本、趙本、凌本作鉅，茲從迂評本、藏本、張本。集解云：『王渭云：困學紀聞引作鉅。先慎案：鉅並鉅子之誤。呂氏春秋去私篇有鉅子，高注：鉅姓是也。』按鉅鉅距巨四字古通用。鉅者，謂大者，猶言碩人。高注以鉅爲姓，失之。纂聞云：『呂覽墨者有鉅者腹辯，又云：墨者鉅子孟勝，鉅大也。莊子以巨子爲聖人。』按墨者之所謂鉅者，或鉅子，猶今言領袖或龍頭，與本節所言鉅者固有別也。居纂聞云：『弱也，寡力者。』山曰：張耳傳：吾王，屏王也。』居士未仕者。

西門豹爲鄴令，清剋潔慤，秋毫之端無私利也，而甚簡左右，左右因相與比周而惡之。〔一〕居期年，上計，君收其璽。〔二〕豹自請曰：『臣昔者不知所以治鄴，今臣得矣，願請璽復以治鄴，不當請伏斧鑕之罪。』〔三〕文侯不忍，而復與之。〔四〕豹因重斂百姓，急事左右。期年上計，文侯迎而拜之。豹對曰：『往年臣爲君治鄴，而君奪臣璽，今臣爲左右治鄴，而君拜臣，臣不能治矣。』遂納璽而去。文侯不受，曰：『寡人曩不知子，今知矣，願子勉爲寡人治之。』遂不受。〔五〕

校釋 〔一〕剋，趙本、凌本作剋，茲從乾道本、迂評本。按剋、剋同字。翼叢云：『剋，刻通，約也，謂自約己意。』史

記貨殖傳、清刻於已諾。『簡宋本注云：『不事左右也。』』

〔二〕期年一年也。上計翼龜云：『周禮、小宰職云：歲終則令諸吏致事。注：食齊歲盡，文書來至，若今上計。』

疏云：『漢之朝集使謂之上計吏，謂上一年計會文書及功狀也。』收璽與奪璽同，謂免官也。凡官有璽

爲信，任時頒之，免時收之。自上言之，爲收璽，自下言之，則爲納璽，故下文又云納璽。纂聞云：『魯語注：古者

大夫之印亦稱璽。』

〔三〕自請，乾道本脫請字，茲從迂評本、藏本、趙本、凌本。伏斧鑕，伏猶服也，受也，鑕亦作質，鍤也。古刑置人

於鍤，以斧斫之。斧鑕之罪，猶言死罪也。

〔四〕而猶乃也。與與璽也。

〔五〕不受，宋本注云：『不受豹所納之璽也。』纂聞云：『山曰：晏子春秋，說苑爲晏子治東阿事。』

齊有狗盜之子，與刖危子戲而相誇。〔一〕盜子曰：『吾父之裘獨有尾。』危子曰：『吾父獨冬

不失袴。』〔二〕

校釋 〔一〕狗盜，纂聞云：『史記、孟嘗君傳、客有能爲狗盜者，夜爲狗以入秦宮藏中。論衡、世有衣狗裘

爲狗盜者，人不覺知，假狗之皮毛，故人不意疑也。』刖字，集解云：『經作阴。按說文、阴，斷足之刑也，經典通

作刖。』

〔二〕尾拾補云：『狗盜像狗以入人家，故後有尾。』危識誤云：『危上當有別字。』獨冬不失袴，猶言無袴也，不失袴，猶言有袴也。古人以冬無袴，狀極貧之人，則危雖爲刑餘之人，然以充門者，仰食於公，猶得冬不失袴，故刑危子以爲榮也。宋本注謂刑足者不衣袴，平議謂冬字當爲終，纂聞於冬字下增憂字，俱誤。拾補云：『廢疾之人，上給其袴，故云然。』

子綽曰：『人莫能左畫方，而右畫圓也。』〔二〕

校釋 〔一〕纂聞云：『山曰：功名篇，右手畫圓，左手畫方，不能兩成。』

以肉去蟻，蟻愈多；以魚驅蠅，蠅愈至。〔一〕

校釋 〔一〕纂聞云：『山曰：此語又見呂覽功名篇。』

桓公謂管仲曰：『官少而索者衆，寡人憂之。』〔一〕管仲曰：『君無聽左右之請，因能而授祿，錄功而與官，則莫敢索官，君何患焉！』〔二〕

校釋 〔一〕案集解云：『御覽引注云：索，求也。』

〔二〕授字，各舊本作受。集解云：『意林受作授。』茲據改。錄翼龜云：『記也。』

韓宣王曰：『吾馬茹粟多矣，甚臞何也？寡人患之。』〔一〕周市對曰：『使騶盡粟以食，雖無肥，不可得也；名爲多與之，其實小，雖無臞，亦不可得也。主不審其情實，坐而患之，馬猶不肥也。』〔二〕

校釋 「一」王字、各舊本作子。集解云：「王渭曰：子字誤。」纂聞云：「王元作子，大夫不宜稱寡人，作子者誤，今從經文。」按作王是，茲據改。茹字、各舊本作菽。補箋云：「菽當爲茹，形近而譌。」說文：茹，飮馬也，方言：茹，食也。按作茹是，茲據改。廪，瘦也。

「二」騶馬夫。雖無纂聞云：「雖下藏欲字，下同。」翼彙云：「無上脫求字，下同。」按無猶不也，解詳釋詞。無肥，謂不肥也，無廪，謂不廪也。爲字、趙本、凌本作與，茲從乾道本。迂評本。釋詞云：「與、猶爲也，此爲字讀平聲。」韓子外儲說左篇曰：名爲多與之，其實少，言名爲多與之，而其實少也。按韓子原文當作與，今從乾道本。迂評本作爲者，取便讀耳。

桓公問置吏於管仲，「二」管仲曰：「辯察於辭，清潔於貨，習人情，夷吾不如弦商，請立以爲大吏。」登降肅讓，以明禮待賓，臣不如隰朋，請立以爲大行。「三」墾草勸邑，辟地生粟，臣不如甯戚，請立以爲大田。「四」三軍旣成陳，使士視死如歸，臣不如公子成父，請立以爲大司馬。「五」犯顏極諫，臣不如東郭牙，請立以爲諫臣。「六」治齊，此五子足矣，將欲霸王，夷吾在此。」「七」

校釋 「一」管仲二字，乾道本、趙本不重，茲從迂評本、凌本。識誤云：「此係上文未見。」翼彙云：「此條不關於經文，當在下文管仲相齊章首。」纂聞云：「此條經亡，蓋謂必如管仲之識人任材，然後左右欺罔之害始除矣。」按本節與管子小匡篇略同，蓋後人節取其詞而附之於此，故旣不見於經，又與上文文意

亦無所連繫也。

〔二〕弦商拾補云：『商字、新序雜事四、作寧，呂氏春秋勿躬篇、誤作章。』識誤云：『管子云賓須無。』大理翼龜云：『玉海、月令、孟秋命理、注理、治獄官也，有虞氏曰士，夏曰大理，周曰大司寇。』按大理、猶今司法官也。

〔三〕肅讓賓主相見之禮也。纂聞云：『新序、肅作揖。』山曰肅、揖通。曲禮、主人肅客而入。左傳、爲事之故，敢肅使者。杜注、肅手至地，如今擡，其義亦通。『大行翼龜云：』周禮、大行人掌大賓之禮及大客之儀，以親諸侯。』按大行、猶今外交官也。

〔四〕勑邑各舊本作仞邑。宋本注云：『仞、入也，所食之邑，能入其租稅也。』平議云：『仞、當作勑，謂勑造其邑也；作仞者、字之誤。舊注訓仞爲入，未詳其義。新序載此事正作勑邑，當據以訂正。』集解云：『管子小匡篇、仞解入，即舊注所本，俞氏失考耳。廣雅釋詁三、入、得也。』翼龜云：『仞、仞也，滿也。管子、史記並作入，舊說因訓入也。國策、蔡澤見逐章、墾草勑邑，注、勑、造也，義亦通。』纂聞云：『山曰：新序、仞作勑，是勑創通。圓按秦策大夫種爲越王墾草勑邑，注、墾、耕，勑、造也。物曰辟，亦墾闢。』安井衡云：『入、進也，墾治草野，進爲村邑。』（見管子纂詁）今按作勑，是茲據纂聞平議改。甯戚各舊本作甯武。拾補云：『武、戚字之譌，新序作戚。』識誤云：『呂氏春秋作邈。』集解云：『盧說是，管子亦作戚，戚有宿音，故通作邈。』纂聞云：『戚、元作武，』

寫者誤。』按作戚是，茲據改。立字，各舊本無，纂聞補，茲從之。大田翼詒云：『大司農，或曰田，古農字。』

〔五〕成陳二字，迂評本作陣，趙本、凌本作成陣，茲從乾道本。按陳音陣，古陣字。傳校云：『陳列之陳，後人假陳字爲之，陳行而陳廢矣。又軍陳之陳，後人別製陣字，陣行而陳廢矣。成陳之陣，卽陳之借字也。』公子成父，謚誤云：『呂氏春秋作王子城父。』集解云：『管子亦作王子城父，晏子春秋問上篇、新序四、又作成甫。成城父，甫，古字並通。魏王基碑以爲王子比干之後，明公爲王之誤。』立字，各舊本無，纂聞補，茲從之。大司馬翼詒云：『一萬二千五百人爲一軍。大司馬總司武事。』

〔六〕犯顏管子作犯君顏色，謂干犯人主之怒也。極諫迂評本作直諫，茲從乾道本。趙本、凌本極之爲言盡也，謂知無不言，言無不盡也。諫臣管子作大諫之官，猶後世之御史也。

〔七〕五子卽指上文所言五人。將欲管子作若欲。

傳五——孟獻伯相晉，〔一〕堂下生藿藜，門外長荆棘，食不二味，坐不重席，無衣帛之妾，居不粟馬，出不從車。〔二〕叔向聞之，以告苗賁皇。賁王非之，曰：『是屈主之爵祿以附下也。』〔三〕

一曰：孟獻伯拜上卿，叔向往賀，門有御車，馬不食禾。〔四〕向曰：『子無二馬二輿，何也？』〔五〕

獻伯曰：『吾觀國人尙有飢色，是以不秣馬；班白者多徒行，故不二輿。』〔六〕向曰：『吾始賀子之拜卿，今賀子之儉也。』向出語苗賁皇曰：『助吾賀獻伯之儉也。』苗子曰：『何賀焉！夫爵祿旂車，

所以異功伐，別賢不肖也。故晉國之法：上大夫二輿二乘，中大夫二輿一乘，下大夫專乘，此明等級也。^{〔七〕}且夫卿必有軍事，是故修車馬，比卒乘，以備戎事，有難則以備不虞，平夷則以給朝事。^{〔八〕}今亂晉國之政，乏不虞之備，以成節儉，以潔私名，獻伯之儉也可與又何賀！^{〔九〕}

校釋 「一」本舊本孟字作孟，晉字作魯。識誤云：『孟當作孟，孟者晉邑，杜預注太原孟縣是也。獻伯，晉卿，孟其食邑，以配諡而稱之，猶隨武子之比矣。魯當作晉。』按識誤說是，茲據改。

「二」重席謂席上有席也，重讀平聲。席字下，乾道本、趙本衍晉字，茲從迂評本、凌本。識誤云：『晉字上文所錯入也。』栗馬謂以粟飼馬也。從車謂從者之車，猶副車之類。

「三」屈字，各舊本作出。讀記云：『出，當訕之誤。』按出字蓋爲屈之壞字，茲改之。屈，猶言貶也，抑也。附下謂取悅於下也。

「四」御車各舊本無車字，連下讀。識誤云：『御下當有車字，』茲據補。

「五」二馬識誤云：『二字當作秣。』集解云：『御覽引作子無二輿，馬不食禾何也，與此異。』

「六」秣翼壽云：『飼也。』班字，王本作斑，茲從乾道本、迂評本。孟子作頌白，班、斑、頌三字音同字通。斑白，謂髮白斑斑然也；班白者，即謂老者。多字，乾道本誤作不，迂評本、藏本、凌本作『多以』，茲從趙本。按有以字亦通，多以徒行，謂多用步行也。

〔七〕旂車[△]乾道本趙本凌本作旂章，迂評本作旂車。按依下文輿乘之等級，以作車爲是，旂與車爲二事。翼[△]毳云：「旂、旗也。書畢門云：旌別淑慝，疏旌旗所以表識貴賤。」按車乘之多寡，亦所以表識貴賤也。異寡[△]聞云：「分也。」輿[△]乘新釋云：「輿，兵車也，乘常坐車也。」按古以一車四馬爲一乘。專[△]乘謂僅有一乘而無輿也。

〔八〕修字[△]乾道本迂評本趙本凌本俱作循。解詁云：「趙世楷本循作修，治也。朱子韓文考異云：唐人書修近循，故訛。」集解云：「王渭曰：循當作修。按作修是，茲據改。」比翼[△]毳云：「周禮司馬司右云：凡軍旅會同，合其車之卒伍，而比其乘，屬其右，注合比屬，謂次第相安習也。」按比猶言排次也。平夷[△]謂平時也。給朝事[△]解詁云：「國家無事，以供朝參之用。」

〔九〕節儉[△]乾道本作節，茲从迂評本趙本凌本。識誤云：「藏本今本節下有儉字，誤。按節上當有私字。」潔字[△]乾道本迂評本趙本作絜，茲從凌本。按潔絜同字，可與凌本注云：「猶言可乎也。」諱云：「與平音。」集解云：「此下當有孔子議晏嬰一事，說見上。」

管仲相齊，曰：「臣貴矣，然而臣貧。」桓公曰：「使子有三歸之家。」曰：「臣富矣，然而臣卑。」桓公使立於高國之上。曰：「臣尊矣，然而臣疏。」乃立爲仲父。孔子聞而非之，曰：「泰侈偪上。」〔三〕

一曰：管仲父出，朱蓋青衣，置鼓而歸，庭有陳鼎，家有三歸。孔子曰：『良大夫也，其侈偪上。』

校釋 「一」三歸，郭嵩燾云：『包咸論語註以三歸爲一娶三姓，史記管子傳註，漢書顏師古注，國策鮑

彪注皆用其說。說苑以爲臺名，至金仁山氏始據以爲稅法，固爲近之，而不能詳其義。此蓋管子九府輕重之法，當就管子書求之。山至數篇曰：則民之有三歸於上矣。三歸之名，實本於此。因考管子書，制國之用，在穀與幣相準以爲之經，而以正鹽筴綜而緯之，以次及金、鐵、竹、箭、羽、毛、齒、革、皮、幹、筋、角，凡天財所生，地利所在，皆量其出入之數，導民趨而赴之。下至北郭，屢纒唐園之微，亦使得專其利。國準篇曰：無用之壤，藏民之贏，其視尺寸之士之有餘隙，皆其利之所從生也。故觀管子書，多設法以罔民利，而其實使民歆其利，國家因而取贏焉。輕重乙篇曰：與民量其重，計其贏，民得其十，君得其三，盡此而已矣。其地圓篇量物之宜，度地篇去物之害，又此輕重諸篇之本計也。……其書所載計民之利，而歸之公，有十倍百倍侈大言之者，而以三爲率，輕重諸篇屢見焉。是所謂三歸者，市租之常例歸之公者也。桓公既霸，遂以賞管仲。漢書地理志：食貨志並云：桓公用管仲，設輕重以富民，身在陪臣而取三歸，其言較然明顯。韓非子云：使子有三歸之家。說苑作賞之市租。三歸之爲市租，漢書儒者猶能明之，此一證也。晏子春秋：辭三歸之賞，而云厚受賞以傷國民之義，其取之民無疑也，此又一證也。（養知書屋文集卷一，釋三歸。）『翼毳云：『三歸之家，三百乘之地也。信成藤吉曰：三歸者，三百乘之誤也。乘，歸篆文相似，故古傳寫論語者，誤乘作歸，又誤脫百字耳。三歸

字、左國不見，管子亦無一言及之，惟韓子、晏子有之。韓子所謂三歸之家，從劉氏之說以爲臺，則未有爲築臺而富之之理也。晏子所謂賞之以三歸，澤及子孫者，如以爲臺，則事豈可澤及子孫哉！秦漢之際，天下洵洵傳寫韓晏者，承論語之誤，未及正之。故劉氏有牽強之說，以誤後人矣。三歸爲三百乘之誤，吾於難篇知之。難篇云：景公築雍門爲路寢，一朝而以三百乘之家賜者三，是三百乘之家與三歸之家句法相同，後人泥管子有三歸之語，誤寫韓子耳。知晏子云三歸，亦爲三百乘之誤者。晏子外篇云：今爲夫子賞邑，通之子孫，與難下篇云欲爲夫子三歸，澤及子孫，亦事實相同。且下文有致車一乘而後止之語，此言三百乘之中，唯受一乘而後止也。如爲臺名，則此一句不可解，其爲誤明矣。荀子仲尼篇云：桓公與之書社三百，而富人莫之敢距也。論語云：魯伯氏駢邑三百。按管子之制，三十家爲一社。管子曰：方六里，一乘之地也，方一里，九夫之田也。又曰：二田爲一夫，三夫爲一家。然則方一里爲三家，方六里爲三十家，方六里爲社。又曰：方六里名之曰社。又曰：方六里爲一乘之地也，一乘者，四馬也，一馬，其甲七，其蔽五。是一社者，一乘之地，則三百社者三百乘也。荀子所謂立爲仲父，與之高國之位，皆與韓子同；與之書社三百事，即韓子所謂使有三歸之家，則三歸爲三百乘無疑矣。三百乘是可稱富，故荀子有富人文字。如是而後韓子所謂臣富矣句，始瞭然矣。管子之所以不儉者，過大夫之祿也。天子萬乘，諸侯千乘，大夫百乘，古之制也，而管子有三百乘，故孔子曰：『焉得儉。』按郭氏以市租稱三歸，而三百乘之說，亦可攝市租而言，似爲較勝。如不認字誤，則郭氏之言

自亦較舊說爲勝矣。

〔一〕高國爲齊之兩大貴族，世爲卿，位僅次於天子，今管仲得立於高國之上，則不卑矣。

〔三〕疏管仲非齊之公族，故云疏。而桓公尊爲仲父，卽所以示親也。秦侈太奢也。

〔四〕蓋衣新釋云：『蓋，車覆也，衣，輦也，所以衣車蓋者。周禮巾車卿乘夏綬，綬卽輦，謂衣也。』歸宋本注

云：『自朝歸，設鼓吹之樂。』翼彞云：『歸饋音通，非公退之謂也。論語詠而歸，釋文云：鄭本作饋。左傳云每

食擊鼓。呂氏春秋云：飲食必以鼓。淮南主術訓云：伐鼙而食，奏雍而徹。初學記鼓條：三禮曰：夏后足鼓，殷人

置鼓，周人懸鼓，注：置音植，亦作樹。此云置鼓而饋，謂每食奏樂也。』陳鼎陳列之鼎也。鼎爲食器，而管仲陳

之於庭，極言其奢也。

孫叔敖相楚，棧車牝馬，糲飯菜羹。〔一〕枯魚之膳，冬羔裘，夏葛衣，面有飢色，則良大夫也，其儉偏下。〔二〕

校釋 〔一〕棧車宋本注云：『柴車也。』纂聞云：『周禮士乘棧車，注：不革鞅而漆之也。』翼彞云：『竹

木所製之車也。』糲飯各舊本作糲餅。雜誌云：『餅當爲餅，餅與飯同，見玉篇廣韻。糲飯菜羹，猶言蔬食菜

羹耳。餅與餅字形相似，傳寫往往譌潤。初學記引正作糲飯。』集解云：『御覽八百四十九、又八百五十，北

堂書鈔一百四十四引均作糲飯，今據改。』按作飯是，茲從之。糲粗也，謂米不精。雜誌以糲飯爲蔬食，未可

從。

〔二〕羔裘以羔羊之皮爲裘也。則猶乃也。解詳釋詞。集解云：『上文管仲尼論管仲與孫叔敖，則孫叔敖以下皆孔子之言。偏上、偏下、文又相對，當連上爲一條，不提行。』按自孫叔敖至飢色，爲韓子敘事之辭，則字以下乃爲孔子之言，蓋則字疑有脫誤，遂若一人之言耳。

陽虎去齊走趙，簡主問曰：『吾聞子善樹人。』虎曰：『臣居魯，樹三人，皆爲令尹；及虎抵罪於魯，皆搜索於虎也。臣居齊，薦三人，一人得近王，一人爲縣令，一人爲候吏；及臣得罪，近王者不臣，縣令者迎臣執縛，候吏者追臣至境上，不及而止。虎不善樹人。』主俛而笑曰：『夫樹橘柚者，食之則甘，嗅之則香；樹枳棘者，成而刺人。故君子慎所樹。』

校釋 〔一〕樹人謂培植人才也。管子云：『一年之計，莫如樹穀；十年之計，莫如樹木；終身之計，莫如樹人。』

〔二〕令尹。集解云：『令尹二字誤。』纂聞云：『縣令官尹，與楚令尹別。物曰令尹，縣令也。』抵罪謂犯罪應受相當之罰也。候吏斥候之吏，所以守邊者，與迎送賓客之候人有別。

〔三〕俛。纂聞云：『俯同。』夫字，乾道本趙本、凌本無，茲從汪平本張本。集解於樹字下，據初學記、御覽增粗梨二字，脫嗅之則香四字，茲仍從各舊本。枳棘，刺木也。成而而猶則也。解詳釋詞。翼龜云：『魯無令尹，齊』

時不稱王，虎奔齊，齊不受，然此云居齊薦三人，皆非也，說苑爲是。

中牟無令，晉平公問趙武曰：『中牟，晉國之股肱，邯鄲之肩髀，寡人欲得其良令也，誰使而可？』
〔一〕武曰：『邢伯子可。』公曰：『非子之讎也。』曰：『私讎不入公門。』〔二〕公又問曰：『中府之令，誰使而可？』曰：『臣子可。』故曰：外舉不避讎，內舉不避子。〔三〕趙武所薦四十六人，及武死，各就賓位，其無私德若此也。〔四〕平公問叔向曰：『羣臣孰賢？』曰：『趙武。』公曰：『子黨於師人。』〔五〕向曰：『武立如不勝衣，言如不出口，然其所舉士也數十人，皆令得其意，而公家甚賴之。』
及武子之生也不利於家，死不託於孤，臣敢以爲賢也。〔七〕

校釋 〔一〕令，新釋云：『縣令也。』晉國各舊本作三國。宋本注云：『趙、齊、燕也。』按中牟爲晉地，平公不以其爲本國之股肱，而以其趙、齊、燕三國之股肱，殊不合理。且趙於是時尚未強，亦不得與齊、燕合稱三國也。解詁云：『增季布傳文帝曰：河東、吾股肱郡。長弘曰：三國可疑，按三當作吾。』評釋云：『按三恐晉誤。』今按三字當作晉，茲據改。股肱、肩髀皆喻其爲要地也。

〔二〕邢伯子，集解云：『各本邢作刑，據御覽二百六十六引改。』茲從之。翼義云：『左傳襄十八年，晉大夫有邢侯。』也。集解云：『猶邪，古通。』

〔三〕中府，纂聞云：『蓋卽內府，秦時趙高嘗爲中御府令。』外舉爲薦舉親屬以外之人也。內舉謂薦舉

親屬以內之人也。

〔四〕就賓位諱往弔武喪，在其家仍爲客，而不甚親密若私人也。私德謂私恩私情也。字迂評本無，茲從乾道本。趙本凌本集解於人字下據御覽初學記引補於其君三字，茲不從。集解云：「御覽引此下更有武薦白屋之士十餘家九字，初學記引有，又曰：趙武以薦白屋之士六十家十四字，與御覽略有增省，皆此佚文。」

〔五〕師人宋本注云：「向武之屬大夫。」評釋云：「鳳卿曰：師人猶宋時舉將也，新序作子黨於子之師也，師當作帥。帥人謂長也。」

〔六〕向曰二字各舊本無。集解云：「向曰二字今依拾補補。盧文弨云：二字脫，當有。」茲從之。不勝衣謂其體弱也。不出口謂其口訥也。其所集解云：「各本無其字，據御覽四百二引增。」茲從之。令字乾道本趙本凌本無，茲從迂評本藏本。拾補云：「令得其意，皆可以盡其材也。」

〔七〕及字集解據御覽改爲況字，茲仍從各舊本。按及猶若也，解詳釋詞。託於孤謂託孤也。身死而以其子託之於人是曰託孤。禮記檀弓云：「死不屬其子焉。」疏云：「謂臨死時，不私屬其子於君及朝廷也。」解狐薦其讎於簡主以爲相，其讎以爲且幸其釋己也，乃因往拜謝。狐乃引弓送而射之，曰：「夫薦汝公也，以汝能當之也。夫讎汝私怨也，不以私怨壅汝於吾君，故私怨不入公門。」

一曰解狐舉邢伯柳爲上黨守，柳往謝之，曰：『子釋罪，敢不再拜。』曰：『舉子，公也，怨子私也。』
子生矣，怨子如初！』〔三〕

校釋 〔一〕薦讎之事，先秦多有，如左傳王生惡張柳朔，言諸昭子，使爲柏人。史記晉世家祁奚舉解狐，說苑咎犯薦虞子羔爲西河守。說者以爲皆同事異傳，未可盡信也。釋放也，謂不以爲罪也。

〔二〕送字，集解據藝文類聚御覽引改爲迎字，茲仍從各舊本。按其讎往拜，狐未必先知，卽知而迎射，亦太不近情，故以仍作送爲是。或曰送當爲逆，拒也，亦通。擁字，各舊本作擁。拾補云：『擁當作擁，茲據改。』

〔三〕一曰二字，乾道本、迂評本無，茲從趙本、凌本。一曰以下之文，治要引有，但較詳如下：『解狐與邢伯柳爲怨，趙簡主問於解狐曰：孰可爲上黨守？對曰：邢伯柳可。簡主曰：非子之讎乎？對曰：臣聞忠臣之舉賢也，不避仇讎，其廢不肖也，不阿親近。簡主曰：善。遂以爲守。邢伯柳聞之，乃見解狐謝。解狐曰：舉子，公也，怨子私也。往矣，怨子如異日！』

鄭縣人賣豚，人問其價，曰：『道遠日暮，安暇語汝！』〔一〕

校釋 〔一〕遠字，乾道本、迂評本脫，茲從趙本、凌本。翼彞云：『史記伍子胥傳日暮途遠，是當時恐不及之辭，蓋古諺也。』集解云：『此條不見上經，疑南門篇文錯簡在此。』翼彞謂當在外儲說左上鄭縣人得車輓之後。纂聞移此節於左上鄭縣人買髓節後。按此節以移在左上傳四中爲是。賣豚者所答非所問，所

以喻學者之不識時務也。

傳六——范文子喜直言，武子擊之以杖，曰：『夫直議者，不爲人所容。無所容，則危身；非徒危身，又將危父。』^{〔一〕}

校釋 ^{〔一〕}范文子新釋云：『范文子名燮，晉大夫，武子名會，文子之父。』按武子用杖事，亦見晉語。曰：『字各舊本無，茲依點勘，纂聞補集解以夫字當作曰，未可從。』

子產者，子國之子也。子產忠於鄭君，子國譙怒之，曰：『夫介異於人臣，而獨忠於主，主賢明，能聽汝；不明，將不汝聽。』^{〔二〕}聽與不聽，未可必知，而汝已離於羣臣，離於羣臣，則必危汝身矣；非徒危己也，又且危父矣。』^{〔三〕}

校釋 ^{〔一〕}介異趙本注云：『言介然異於人臣也。』忠字，乾道本脫，茲從迂評本、藏本、趙本、凌本。

^{〔二〕}矣字，拾補云：『張本無。』翼義云：『左傳：鄭饒蔡司馬公子燮，鄭人皆喜，惟子產不順，子國怒之，韓子所傳，蓋卽此事異聞也。』

梁車新爲鄴令，其姊往看之，暮而後門，因踰郭而入，車遂刖其足。^{〔一〕}趙成侯以爲不慈，奪之璽而免之令。^{〔二〕}

校釋 ^{〔一〕}新字，集解據白孔帖十九引刪。拾補云：『前後俱無新字。』按新猶言初也。凡初蒞任者，好

立威以示信，故梁車刖其姊。新字宜有，茲仍從各舊本。後門二字，各舊本作後門閉，集解據白孔帖增改爲後至閉門，且云：『御覽四百九十二、五百一十七引作暮而門閉。』按韓子原文當僅作後門二字，後人因不解其義，遂增一閉字，改後門成一名詞，失其意矣。門，郭門，郭門早晚啓閉有定時，不及其閉前而至，因不得入，是謂後門。易言之，卽過門開之時也。纂聞云：『後、去聲。』呂覽戎夷違齊如魯，天大寒而後門。趙策：今日臣之來也，暮後郭門。注：郭門後至，不及其開時也。家語及毛萇詩傳所謂柳下惠嘔不逮門之女者，逮及也，不及門開時，故憐而止之舍焉。荀子大略云：柳下惠與後門者同衣而不見疑，後門者，不逮門之女也。』據此，則後門卽有門已閉之意在其中，閉字爲衍無疑，茲刪之。

〔二〕之字，與其通。奪之嘔而免之令，謂收其印而免其官也。

管仲束縛自魯之齊，道而飢渴，過綺烏封人而乞食焉，封人跪而食之，甚敬。〔二〕封人因竊謂仲曰：『適幸及齊不死而用齊，將何以報我？』曰：『如子之言，我且賢之用，能之使，勞之論，我何以報子！』封人怨之。〔三〕

校釋 〔一〕束縛，謂桓公初立，以管仲助公子糾而傷桓公，令魯縛送管仲於齊也。綺烏，蓋地名。集解云：『御覽八百四十九引作綺邑。』翼云：『邑，烏音近義通。』文選長笛賦：平陽鄆中，善汴鄆，聚邑之名也。服虔風俗文：營居曰鄆。『焉』字，各舊本作烏。纂聞云：『焉，元作烏，誤。』按烏當爲焉，形近而誤，茲據改。封人，翼

龜云：「守封疆者。」

「二」適猶若也。謂若幸而至齊不死，且秉齊之政也。將何以之以字、各舊本無。按依下文「我何以報子，」此亦宜有以字，茲據神能之、乾道本脫之字，茲從汪評本、趙本、凌本且將也。賢之用能之使勞之論三之字，語助，無義，但助倒文耳。此猶言用賢，使能論功也。

外儲說右上

釋題 本篇原爲第十三卷、第三十四篇。解詳內儲說上。

提要 本篇主旨在以事例說明三種主術：（一）勢不足以化則除之，此謂人主須極端任勢也；（二）好惡見則下有因，辭言通則臣難言，此謂人主須無爲，又須獨斷也；（三）大臣爲猛狗，左右皆社鼠，不殺其狗則酒酸，此謂人主須不避親貴，法行所愛也。

考證 本篇思想，合於韓非，從無疑者。惟考證以此篇言堂谿公見昭侯，而問田篇又言堂谿公見韓子，不免可疑。蓋韓昭侯卒於周顯王十一年，韓非卒於秦始皇十四年，相距有一百年，堂谿公似不能兩見云。按問田篇乃韓子後學所記，該篇所言堂谿公或係出於假託，亦未可知。卽非假託，亦以本篇較問田篇爲可信也。

經一——君所以治臣者三：一、勢不足，以化，則除之。師曠之對，晏子之說，皆舍勢之易也，而道行之難，是與走逐獸也，未知除患。〔一〕患之可除，在子夏之說春秋也：『善持勢者，蚤絕其姦萌。』故季孫讓仲尼以遇勢，而況錯之於君乎？〔二〕是以太公望殺狂矜，而藏獲不乘驥。〔四〕嗣公知之，故不駕鹿。〔五〕薛公知之，故與二樂博。〔六〕此皆知同異之反也。故明主之牧臣也，說在畜鳥。

校釋 〔一〕舍字、各舊本作合。識誤云：「合當作舍，形近誤。此舍與道、勢與行，皆相對。行，去聲讀之。難一

篇：釋庸主之所易，道堯舜之所難；又難二篇：不出乎莫不然之數，而道乎百無一之行，句例同。又用人篇：釋三易之數，而行一難知之心；五蠹篇：舍必不亡之術，而道必滅之事，句例皆同。按作舍是，點勘。纂聞已改爲舍字，茲從之。道集解云：「道，由也。行，如字，義順，不必讀去聲。」翼龜云：「道，說也。道桓文之事之道。」纂聞云：「執賞罰以制下則易，行慈惠以懷民則難。」子皆道說行惠之事，是舍易御之道也。按道字訓爲由或說，均可通，但此以訓由爲是。與走逐獸各舊本作與獸逐走，讀記云：「當作與走逐獸，與以古通用。與走逐獸者，以走逐獸也。」後說云：「今釋車輿之利，捐六馬之力，與王良之御，而下走逐獸，是其證。後人不知與之爲以，輒以意倒轉其文，則不成義。」按讀記說是，茲據乙。

〔二〕蚤翼龜云：「早通萌，草始生也。」纂聞云：「此二句，卽說存秋意。」

〔三〕讓猶責也。遇勢識誤云：「遇當作遏。」纂聞云：「遇，耦通，敵也。子路行私惠，季孫人臣也，猶恐其勢對耦於己，故讓責之，人主能行斯術，則孰敢行私惠乎！」按遇字誤，依傳文疑當作侵。錯與措通，施也。

〔四〕而猶與也。

〔五〕不字，乾道本誤作而，茲從迂評本、超本、凌本、張本。

〔六〕二樂拾補云：『疑樂作攣，下同。』平議云：『樂子，即蘭子也。樂與蘭音近。說文門部：蘭，妄入宮掖也，讀若蘭，即其例也。列子說符篇：宋有蘭子者，釋文云：凡人物不知生出者謂之蘭也。是蘭子之蘭，即蘭之引申義，故此書以樂爲之矣。』集解云：『說文：樂從繅聲，攣從樂聲，二字聲同。釋名：釋宮室：樂，攣也，其體上曲攣拳然也。易中孚：有孚攣如，一本作攣。是攣攣二字義通，故本書段樂爲攣。倉頡篇：攣，一生二子也。說文：攣，一乳兩子也。其言二樂者，謂昆弟皆來博也，則樂爲攣段借，仍當以雙生訓之，俞以樂爲蘭，失其旨矣。』翼云：『攣、攣同。太玄經：兄弟不攣，注重生爲攣。』按集解以樂爲攣之假借字，是。

〔七〕此指子夏以下諸人同異之反。翼云：『謂知臣主之利相反也。』國字解云：『異同，猶言利害也。』烏字，乾道本、迂評本、趙本、凌本作焉。集解云：『拾補作馬。按焉、馬二字，皆烏字形近而譌，說作烏不誤，今從張榜本作烏。』按作烏是，茲從之。

經二——人主者，利害之招穀也；射者衆，故人主共矣。〔一〕是以好惡見，則下有因，而人主惑矣；辭言通，則臣難言，而主不神矣。〔二〕說在申子之言『六慎』，與唐易之言弋也。〔三〕患在國羊之請變，與宣王之太息也。〔四〕明之以靖郭氏之獻十珥也，與甘茂之道穴聞也。〔五〕堂谿公知術，故問玉卮；昭侯能術，故以聽獨寢。明主之道，在申子之勸獨斷也。〔六〕

校釋 〔一〕招穀二字，各舊本作招穀。纂聞云：『山曰：招穀宜作招穀。圖案穀、鵠音訛，魏策：兵爲招質，招』

鵠質的也。補箋云：「軺讀爲招。呂氏春秋本生篇：萬人操弓共射一招，高注：招、埽的也。（埽與準同。）盡數篇：射而不中，反修其招，何益於中？」別類篇：射招者欲其中小也；高注並云：招、埽藝也。（藝與臬同。）此招字之誼。穀讀爲穀。管子小稱篇：羿有以感弓矢，故穀可得中也。尹注：穀，謂射質棲皮者也。孟子告子上：羿之教人射，必志於穀。莊子德充符：遊於羿之穀中。本書問辯篇：不以功用爲之的穀。諸穀字皆斯誼。蓋穀與正鵠之鵠，音相近也。以射者衆，句證之，軺穀當讀爲招穀明矣。按翼彘讀記均以軺穀爲招穀之誤，是茲據改。射翼彘云：「謂羣臣傲射君意而中之也。」共纂聞云：「下篇賞罰共則禁令不行；八說篇賞罰下共則威分。物曰共，謂與人臣共之。」

〔二〕因謂人臣因人主之好惡以爲姦也。通讀云：「謂漏。」難言纂聞云：「恐漏而取禍，故噤口也。」

〔三〕唐易識誤云：「易下說有鞠字。」翼彘云：「六慎與弋欲周密不見於外也。」

〔四〕國羊乾道本作國年，茲從迂評本。趙本凌本思翼彘云：「鄭君不謹言，宣王不慎行，故致此患也。」

〔五〕靖郭氏集解云：「氏當作君。」甘茂上各舊本有犀首二字。纂聞云：「依傳犀首二字衍。」按此二字不當有，茲據刪。集解云：「乾道本茂作戊。顧廣圻云：藏本今本作茂。按戊當作戊，戊茂同字也，古今人名

表作戊。先慎案漢表用古文作戊，本書例用今文作茂，今從藏本，說正作茂。」道穴聞謂由牆穴而聞之也。〔六〕能纂聞云：「善也。」以纂聞云：「山曰以已通。物曰聽堂谿而後獨寢也。」集解以以字當在能字

下，未可從。

經二——術之不行，有故；不殺其狗，則酒酸。夫國亦有狗，且左右皆社鼠也。人主無堯之再誅，與莊王之應太子，而皆有薄嫗之決蔡嫗也。如是，不能以教歌之法先揆之。〔一〕吳起之出愛妻，文之斬顓頊，皆違其情者也。故能使人彈疽者，必其忍痛者也。〔二〕

校釋 〔一〕決蔡嫗，謂取決於蔡嫗也。如是二字，各舊本作知貴。集解云：『知貴疑欲知之誤。』斟補云：『貴疑遺字之誤。』讀記云：『貴當爲實字之誤，知實謂知其情實。』翼龜云：『知貴不能四字疑有誤。』山氏曰：知貴，依傳當作如是，言如有國狗社鼠不能行術也。按依上下文意，知貴二字當爲如是之誤，茲改之。如是指上文而言，謂如『人主』云云，則不能以教歌之法先揆之。如是，不能四字，連下文爲讀，舊本絕句，或在貴字，或在能字，俱誤。

〔二〕違情，違字或作達，誤。茲從乾道本。迂評本。翼龜云：『達，依之反也，言拂於情而依於法也。荀子：性惡皆反於性而悖於情者也，注：悖，達也。』

傳一——賞之、譽之，不勸；罰之、毀之，不畏。四者加焉不變，則除之。〔一〕

校釋 〔一〕加字，迂評本誤作皆，茲從乾道本。則字下，乾道本。迂評本。趙本。凌本有其字。拾補云：『一本無則字。』集解云：『王潤云：其字衍。先慎案：張本無其字，今據刪。』茲從之。

齊景公之晉，從平公飲，師曠侍坐。始坐，景公問政於師曠曰：『太師將奚以教寡人？』師曠曰：『君必惠民而已。』中坐，酒酣，將出，又復問政於師曠曰：『太師奚以教寡人？』曰：『君必惠民而已矣。』景公出之舍，師曠送之，又問政於師曠。師曠曰：『君必惠民而已矣。』景公歸思未醒，而得師曠之所謂。公子尾、公子夏者，景公之二弟也，甚得齊民，家富貴，而民說之，擬於公室。此危吾位者也。今謂我惠民者，使我與二弟爭民邪？於是反國，發廩粟以賦衆貧，散府財以賜孤寡，倉無陳粟，府無餘財，宮婦不御，皆出嫁之，七十受祿米，鬻德施惠於民也。已與二弟爭民，居二年，二弟出走，公子夏逃楚，公子尾走晉。

校釋 〔一〕始坐二字，乾道本、趙本、凌本無，茲從迂評本、藏本、張本。師曠晉之樂師，能審音以占吉凶。太

師古樂官名。已字下，集解云：『以下文例之，當有矣字。』

〔二〕中坐，謂宴飲方半也。

〔三〕歸思未醒，集解云：『歸，謂歸其舍。未醒，承上酒酣言。寤寐思之，恍然有得，不待酒醒也。』所謂謂師

曠所謂『惠民』之意，卽下文是也。

〔四〕此字，傳校云：『指公子尾、公子夏。』說讀爲悅。

〔五〕賦予也。粟字，乾道本誤作栗，茲從迂評本、趙本、凌本。散府財，迂評本作散餘財，乾道本、趙本、凌本作

散府餘財。平議云：『餘字衍文。散府財與賦廩粟相對爲文，不當有餘字，涉下文府無餘財而衍。』按平議說是，茲據刪。○德猶言市惠也。施惠二字，乾道本、趙本、凌本倒，茲從迂評本。已字，迂評本凌本誤作不，茲從乾道本。趙本識誤云：『已讀爲以。』集解云：『已以古通。』民字，乾道本脫，茲從迂評本。趙本凌本。集解云：『無民字則句義不完。』

〔六〕尾夏拾補云：『子尾無出亡事，其子高彊，昭十年奔魯，遂奔晉。』集解云：『子夏，左傳作子雅，古雅夏通用。』纂聞云：『公子尾，公子高之子，公孫薑也；公子雅，公子欒之子，公孫竈也。二子皆齊惠公之孫，故晏子曰：二惠競爽猶可也。此云景公之弟，又云二弟出走，傳聞之謬也。』

景公與晏子游於少海，登柏寢之台，而還望其國曰：『美哉，泱泱乎，堂堂乎，後世將孰有此？』晏子對曰：『其田氏乎！』景公曰：『寡人有此國也，而曰田氏有之何也？』晏子對曰：『夫田氏甚得齊民，其於民也，上之請爵祿，行諸大臣，下之私大斗斛區釜以出貨，小斗斛區釜以收之。』殺一牛，取一豆肉，餘以食士，終歲布帛取二制焉，餘以衣士。故市木之價，不加貴於山澤之魚鹽龜鼈贏蚌，不加貴於海。君重斂，而田成氏厚施，齊嘗大飢，道旁餓死者不可勝數也，父子相牽而趨田氏者，不聞不生。故周齊之民相與歌之曰：『謳乎，其已乎！苞乎，其往歸田子乎！』詩曰：『雖無德與女，式歌且舞。』今田氏之德而民歌舞，民德歸之矣。故曰：『其田氏乎！』公泣。

然出涕曰：『不亦悲乎！寡人有國，而田氏有之，今爲之奈何？』晏子對曰：『君何患焉？若君欲奪之，則近賢而遠不肖，治其煩亂，緩其刑罰，振貧窮而恤孤寡，行恩惠而給不足，民將歸君，則雖有田氏，其如君何！』〔八〕

校釋 〔一〕柏寢，纂聞云：『左傳作路寢，史記與此同。封禪書：少君曰：此器，齊桓公十年，陳於柏寢，服虔云：地名，有事，墳曰晏子書。柏寢，臺名，正義云：括地志：在今青州千乘縣東北。』還望猶言回顧也。泱泱，言其大也。堂堂，言其盛也。

〔二〕田氏各舊本作田成氏。纂聞云：『田下元有成字，從正義刪，下七處同。此雖記者之辭，然晏子不宜稱陳恆諡。』按無成字是，茲一律據刪。有之二字，迂評本無，茲從乾道本。趙本、凌本。

〔三〕上之猶言大者，所以上待大臣。下之猶言小者，所以下待庶民。行諸，集解云：『二柄篇作行之。』按諸之同義，於也，解詳釋詞。斗斛區釜，翼龜云：『皆量名。十升曰斗，十斗曰斛，一斗六升曰區，六斗四升曰釜。』集解云：『左昭三年傳：齊舊四量，豆區釜鍾。四升爲豆，各自其四，以登於釜，釜十則鍾。』陳氏三量皆登焉，鍾乃大矣。以家量貸，而以私量收之。『貸字，乾道本、迂評本、趙本、凌本均誤作貨，茲從集解校正。』翼龜云：『貨當作貸。』周禮泉府注：貨者，謂從官借本賈也。』

〔五〕一豆，豆盛肉之器，一豆言其取者甚少也。禮記云：『觴酒豆肉，讓而受惡。』二制，翼龜云：『管子君

臣篇斗斛一量，丈尺一綽制。周禮內宰淳制注，故書淳爲敦，杜子春讀敦爲純，純謂幅廣也，制謂匹長。玄謂純制天子巡狩禮云：制幣丈八尺，純四狄與。按依此，二制是共三丈六尺也。說苑甯文子具絺紵三百製，將以送之。』

〔五〕羸蚌，羸蚌屬，通作螺。蚌，乾道本、趙本、凌本作蚌，茲從迂評本。下加字，乾道本、趙本、凌本無，茲從迂評本。翼，羸云：『加謂更加增也，言物價如在山海時。』

〔六〕周齊各舊本作周秦。識誤云：『秦當作齊，周遍也，謂遍齊國之人也。』按識誤說是，茲據改。謳乎，拾補云：『孫貽穀云：史記田敬仲世家，齊人歌之曰：謳乎采芑，歸乎田成子，此疑有誤。』平議云：『已當作芑。』昭十二年左傳：我有圃生之杞乎，從我者子乎，與此文義相似。史記載此歌正作芑，惟此本以謳苞爲韻，芑子爲韻。史記作歸乎田成子，歸與謳則非韻矣，當以此爲正。』翼云：『謳乎，猶鳴乎，其已衍文乎苞乎，當作采芑乎，芑，白梁栗也。』

〔七〕女，集解云：『晏子春秋女作汝，同字。』式，左傳、杜注云：『用也。』民字下，乾道本、趙本、凌本有之字，茲從迂評本。集解云：『之歌舞，當作歌舞之。』

〔八〕泫然，纂聞云：『禮記注，垂涕貌。』振，纂聞云：『救也，一作賑。』

或曰：景公不知用勢，而師曠；晏子不知除患，夫獵者託車輿之安，用六馬之足，使王良佐轡，則

身勞而易及輕獸矣。今釋車輿之利，捐六馬之足，與王良之御，而下走逐獸，則雖樓季之足無時及獸矣。託良馬固車，則臧獲有餘國者，君之車也。勢者，君之馬也。夫不處勢以禁誅，擅愛之臣而必德厚以與下齊行以爭民，是皆不乘君之車，不因馬之利，舍車而下走者也。故曰：景公不知用勢之主也，而師曠晏子不知除患之臣也。

校釋

〔一〕輕，謂獸疾走若甚輕者，捐，舍也。樓季，慕聞云：過秦論，樓季名緩，又見五蠹篇。翼，露云：

古之善走者，無時迂，評本作無能，茲從乾道本。趙本，凌本，讀云：謂無及獸之時也。

〔二〕擅愛，謂擅行惠愛也。下字，各舊本作天下。識誤云：天字衍。按識誤說是，茲據刪下，謂臣下也。齊行，謂君與臣之行相同也。如臣行惠，君亦行惠，是謂齊行民字。乾道本，趙本，凌本作名，茲從迂評本。識誤云：

藏本名作民是也，見本書難三篇。集解云：顧說是，拾補亦作民，今據改。舍字，乾道本無，集解據御

覽作釋，茲從迂評本。趙本，凌本，識誤云：一車字當衍，今本車上有舍字者非是。

〔三〕故字，集解誤作或，茲從各舊本。師曠下，乾道本衍不知二字，茲從迂評本。趙本，凌本。

子夏曰：『春秋之記臣弑君、子弑父者，以十數矣，皆非一日之積也，有漸而至矣。』〔一〕凡姦者行久而成積，積成而力多，力多而能殺，故明主蚤絕之。〔二〕今田常之亂，有漸見矣，而君不誅晏子，不使其君禁侵陵之臣，而使其主行惠，故簡公受其禍。故子夏曰：『善持勢者，蚤絕姦之萌。』

校釋 「一」兩弑字，乾道本、趙本、凌本作殺，茲從迂評本。而至之而字，乾道本、張本作而以，迂評本作以，茲從趙本。凌本識誤云：『藏本同，今本無以字，誤。』按而猶以也，解見釋詞。以字，蓋注文誤入正文者，識誤所說未可從。

「二」久而之而字，猶則也，解見釋詞；下兩而字亦同。

「三」萌，纂聞云：『草之始生曰萌。』

季孫相魯，子路爲郈令。『一』魯以五月起衆爲長溝，當此之爲，子路以其私秩粟爲漿飯，要作溝者於五父之衢而飡之。『二』孔子聞之，使子貢往覆其飯，擊毀其器，曰：『魯君有民，子奚爲乃飡之？』『三』子路怫然怒，攘肱而入，請曰：『夫子疾由之爲仁義乎？所學於夫子者，仁義也。仁義者，與天下共其所有，而同其利者也。今以由之秩粟而飡民，其不可，何也？』『四』孔子曰：『由之野也！吾以女知之，女徒未及也。女故如是之不知禮也！女之飡之，爲愛之也。夫禮，天子愛天下，諸侯愛境內，大夫愛官，職士愛其家，過其所愛曰侵。今魯君有民，而子擅愛之，是子侵也，不亦誣乎？』『五』言未卒，而季孫使者至，讓曰：『肥也起民而使之，先生使弟子止徒役而飡之，將奪肥之民邪？』『六』孔子駕而去魯，以孔子之賢，而季孫非魯君也，以人臣之資，假人主之術，蚤禁於未形，而子路不得行其私惠，而害不得生，況人主乎？以景公之勢，而禁田常之侵也，則必無劫弑之患矣。『七』

校釋 〔一〕郈纂聞云：『孔子世家，叔孫氏先墮郈。左傳注，東平無鹽縣東南有郈郡亭，按家語作蒲宰。』

〔二〕爲字，集解據御覽八百四十九引改爲時，茲仍從各舊本。翼云：『爲，謂作役時。國策，涇山之爲，注爲役也。』纂聞云：『齊語，遂使役官，注，役爲也。』秩粟猶言官祿也。煖飯，集解云：『粥也。』要讀爲邀，約也。五父翼云：『左傳注，五父，僞道名，在魯國東南。』飧與飧通，音孫，謂食以漿飯也。禮記玉藻注云：『飧，以飲澆飯也。』

〔三〕乃飧乃猶而也，解詳釋詞。

〔四〕怫然，怒貌。攘肱，猶言攘臂，謂奮起也。疾與嫉同，忌也。其字，集解云：『各本無，據御覽引補。』

〔五〕野，謂無禮也。徒猶乃也，解詳釋詞。女徒未及，謂汝乃未及知禮也，故與周通。

〔六〕讓責也。肥，季康子名。止字，集解云：『各本作令，據御覽引改。』茲從之。讀記云：『令，當作會，以草書相似而誤。』徒役，謂人役也。

〔七〕駕，乘車也。

太公望東封於齊，齊東海上有居士曰狂齋，華士昆弟二人者立議曰：『吾小臣天子，不友諸侯，耕作而食之，掘井而飲之，吾無求於人也，無上之名，無君之祿，不事仕而事力。』太公望至於營丘，使吏執殺之，以爲首誅。〔二〕周公旦從魯聞之，發急傳而問之，曰：『夫二子，賢者也，今日饗

國而殺賢者，何也？」^{〔三〕}太公望曰：『是昆弟二人立議曰：吾不臣天子，不友諸侯，耕作而食之，掘井而飲之，吾無求於人也，無上之名，無君之祿，不事仕而事力。彼不臣天子者，是望不得而臣也；不友諸侯者，是望不得而使也；耕作而食之，掘井而飲之，無求於人者，是望不得以賞罰勸禁也。且無上名，雖知不爲望用，不仰君祿，雖賢不爲望功。不仕則不治，不任則不忠。且先王之所以使其臣民者，非爵祿則刑罰也。今四者不足以使之，則望當誰爲君乎？不服兵革而顯，不親耕耨而名，又非所以教於國也。』^{〔四〕}今有馬於此，如驥之狀者，天下之至良者也。然而驅之不前，卻之不止，左之不左，右之不右，則臧獲雖賤，不託其足。臧獲之所願託其足於驥者，以驥之可以追利辟害也。今不爲人用，臧獲雖賤，不託其足焉。^{〔五〕}已自謂以爲世之賢士，而不爲主用，行極賢而不用於君，此非明主之所臣也，亦驥之不可左右矣，是以誅之。』^{〔六〕}

一曰：太公望東封於齊，海上有賢者狂喬，太公望聞之，往請焉，三卻馬於門，而狂喬不報見也，太公望誅之。^{〔七〕}當是時也，周公旦在魯，馳往止之，比至，已誅之矣。周公旦曰：『狂喬，天下賢者也，夫子何爲誅之？』太公望曰：『狂喬也，議不臣天子，不友諸侯，吾恐其亂法易教也，故以爲首誅。今有馬於此，形容似驥也，然馳之不往，引之不前，雖臧獲不託足以旋其軫也。』^{〔八〕}

校釋

〔一〕齊△△△海上謂齊東之海濱也。狂喬△△△華士識誤云：『論衡非韓篇，喬作譌，荀子宥坐篇，楊注引

此士作仕。集解云：「御覽六百四十五引商作獠，無者字。」立議議與義通；立議猶言建立學說而遵行之也。事仕猶言爲官也。

〔二〕營丘翼毳云：「齊都。」執殺猶言捕殺也。集解據御覽刪執下增而字，並刪執上吏字，茲仍從各舊本。

〔三〕急傳傳爲傳驛之馬與車，古所用以傳遞公文者，急傳猶今言快遞也。饗國響與享通，謂受國也。

〔四〕名謂官爵之名也。知讀爲智。不治不任，纂聞云：「治，治事，任，任職。」當釋詞云：「猶將也。」與孟子言人之不善，當於後患何之，當字同義。又非之非字，乾道本無，茲從迂評本、趙本、凌本。識誤云：「藏本今本又有非字，誤。」按無非字，則於意不合。蓋韓子以爲教於國，必須服兵革而顯，親耕耨而名，今不服兵革而顯，不親耕耨而名，則非所以教於國也。

〔五〕卻退也。辟與避同。

〔六〕已字，或作己，誤。茲從各舊本。已自謂云云，猶言此自謂云云也。釋詞云：「爾雅曰：已，此也。」莊子齊物論曰：「已而不知其然，謂之道。」已字承上文而言，言此而不知其然也。據此，則本節已字亦承上文而言也。

〔七〕卻馬謂使馬退而止也。

〔八〕比至猶言及至也。狂喬也。纂聞云：「也如參也魯之也。」按此也字，語助。集解以爲衍文，未可從。驥

集解云：『北堂書鈔引作義，二字古通。』易教謂變易教化也。託字上，乾道本衍許字，茲從迂評本、藏本。以旋二字，乾道本作於，迂評本、凌本作以施，茲從藏本、趙本。纂聞云：『旋一作施非。晉語注：還軫，猶旋車也，還音旋。字書：軫車前後兩端之橫木也。』

如耳說衛嗣公，衛嗣公說而太息。左右曰：『公何爲不相也？』公曰：『夫馬似鹿者，而題之千金。然而有千金之馬，而無千金之鹿者，馬爲人用，而鹿不爲人用也。』今如耳萬乘之相也，外有大國之意，其心不在衛，雖辯智亦不爲寡人用，吾是以不相也。』

校釋 〔一〕說上一字讀如字，游說也；下一字讀爲悅，謂嗣公聞其言而喜也。相讀去聲，謂相國也。

〔二〕馬似鹿者，翼義云：『埤雅引舊說相馬云：麋背麟腹，麋麟皆鹿屬，是馬似鹿者爲良馬也。』題謂品題價格也。各舊本有千金作有百金，無千金作無一金。讀記云：『按百金、一金皆當作一金，與上文語勢相承。因千金之馬，千誤作百，校者不考上文，輒改下句之千金爲一金，以順語勢，於是題之千金爲贅語矣。論衡引此正作天下有千金之馬，無千金之鹿，可據以訂正。集解改一金爲千金是已，而於百金之馬，反仍其誤，則過信讀書之失也。』按讀記說是，茲據改。

薛公之相魏昭侯也，左右有樂子者，曰陽胡，潘其於王甚重，而不爲薛公，薛公患之。於是乃召與之博，予之人百金，令之昆弟博，俄又益之人二百金。方博有間，謁者言客張季在門，公

怫然怒，撫兵而授謁者曰：『殺之，吾聞季之不爲文也。』^{〔一〕}立有閒，時季羽在側，曰：『不然。竊聞季爲公甚，顧其人陰未聞耳。』^{〔二〕}乃輟不殺客而大禮之，曰：『曩者聞季之不爲文也，故欲殺之，今誠爲文也，豈忘季哉！』^{〔三〕}告廩獻千石之粟，告府獻五百金，告騶獻良馬固車二乘，因令奄將宮人之美妾二十人并遺季也。^{〔四〕}欒子因相謂曰：『爲公者必利，不爲公者必害，吾曹何愛不爲公！因私競勸而遂爲之。』^{〔五〕}薛公以人臣之勢，假人主之術也，而害不得生，況錯之人主乎！

校釋

〔一〕薛公翼毘云：孟嘗君用文，故齊人欒與欒通，詐上陽胡潘翼毘云：陽胡潘其二人名。

〔二〕讀云：陽胡兄潘弟歟？按其字宜屬下讀。陽胡潘蓋陽胡陽潘之省文也。

〔三〕令之集解云：當作令其。按之猶其也，不必改字。予之令之益之之三字，俱指欒子言。人每人也。

〔四〕謁者猶言門者，所以傳命者。張季下乾道本、迂評本、趙本、凌本有之子二字。集解云：張榜本無之子二字，茲據刪。撫兵謂持兵器也。

〔五〕季羽識誤云：未詳。新釋云：一曰季羽謂張季黨也。翼毘以羽爲友字之誤，顧但也。陰翼毘云：物氏曰：史記仁爲人陰重不泄，注陰密也。言其人陰重不陽爲而密爲，故人無知者，因不爲耳。

〔五〕殺客纂聞云：客謂張季。客下而字，乾道本、趙本、凌本無，茲從迂評本、張本。

〔五〕廩謂廩吏。府謂庫吏。騶字下各舊本有私廐二字。按此二字蓋注文混入正文而衍者，茲刪之。騶謂廐吏也。奄將奄與閹同，宦豎也。將，纂聞云：「送也。」宮人疑宮中字誤。」

〔六〕因私集解云：「乾道本私作斯。按斯私二字聲近而誤，張榜本趙本作私是。攀子兄弟見薛公遺季，因私相勸勉爲薛公，斯字誤，今據改。」按迂評本亦作斯，因斯猶言因此，亦通。

夫馴鳥者，斷其下翎，則必恃人而食，焉得不馴乎？夫明主畜臣亦然，令臣不得利君之祿，不得無服上之名。夫利君之祿，服上之名，焉得不服？〔一〕

校釋 〔一〕者字，迂評本、凌本無，乾道本趙本作斷其下翎焉五字，茲依集解據御覽事類賦引改。下翎字爲翎，改斷其下翎焉爲者字。無服猶言不服也。不服，迂評本誤作不報，茲從乾道本。

傳二——申子曰：「上明見人備之，其不明見人惑之。其知見人飾之，不知見人匿之。其無欲見人，司之；其有欲見人，餌之。」故曰：「吾無從知之，惟無爲可以規之。」〔二〕

一曰：申子曰：「慎而言也，人且和女；慎而行也，人且隨女。」而有知見也，人且匿女；而無知見也，人且意女。女有知也，人且臧女；女無知也，人且行女。」故曰：「惟無爲可以規之。」

校釋 〔二〕六見字與現同。知，解詁云：「音智。」飾字，乾道本誤作惑，茲從迂評本。趙本、凌本司字，迂評本作伺，茲從乾道本。趙本、凌本按司古伺字，欲謂嗜欲也。

〔一〕規、窺、通、管子、君臣篇、大臣假於文、之、知、文、書、人、主、之、所、密、用、羣、下、不、得、妄、規。〔補箋云〕規、窺、殆、古、今、字、制、分、篇、其、務、令、之、相、規、其、情、者、也、同、誼。』

〔二〕而讀云：『汝也，下倣此。』和字各舊本作知。平議云：『知當作和，字之誤也。和與下隨字相爲韻，下文匿與意、臧與行，皆相爲韻。若作知，則首句失其韻矣。』翼龜云：『隨、古音情，與和字叶。列子：『慎爾言，將有和之；慎爾行，將有隨之。』管子：『人不倡不和，天不始不隨。』可證知當作和。』按作和是，茲據改。

〔四〕知見補箋云：『兩知字，涉下文衍。下文女有知也，女無知也，方言有知無知，則此衍二知字明矣。』按知讀爲智，見讀爲現，有智現無知見，與有知無知，其義有別。若刪見上二知字，則見者爲何，不得而知，故補箋所說未可從。意翼龜云：『如君子善謀，小人善意之意，揣度君謀也。』臧行讀云：『臧、藏同，正與行字對。』翼龜云：『臧行字，如論語用則行舍則藏之藏行。』

田子方問唐易鞠曰：『弋者何慎？』對曰：『鳥以數百目視子，子以二目御之，子謹周子陳。』

田子方曰：『善，子加之弋，我加之國。』鄭長者聞之曰：『田子方知欲爲陳，而不知所以』

爲陳，夫虛無無見者，陳也。』

一曰齊宣王問弋於唐易子曰：『弋者奚貴？』唐易子曰：『在於謹陳。』王曰：『何謂謹』

陳？』對曰：『鳥以數十目視人，人以二目視鳥，奈何其不謹陳也？故曰在於謹陳也。』王曰：『

然則爲天下何以爲此廩？今人主以二目視一國，一國以萬目視人主，將何以自爲廩乎？對曰：『鄭長者有言曰：夫虛無無爲而無見也，其可以爲此廩乎！』〔六〕

校釋 〔一〕田子方、魏文侯師。周讀云：『周密之也。』廩，翼彘云：『管子戒篇：桓公明日弋在廩，潘岳射

雉賦：飛鳴薄廩，注：廩，翳中飲食處，今俗呼翳名曰倉也。月令：網羅畢翳，注：翳，射者所以自隱也。』

〔二〕加翼彘云：『增韻：加，施也。』

〔三〕鄭長者集解云：『漢志：道家有鄭長者一篇云：六國時，先韓子，韓子稱之。師古注：別錄云：鄭人不知其名。袁淑真隱傳：鄭長者隱德無名，著書一篇，言道家事，韓非稱之，世傳是長者之辭，因以爲名。』纂聞云：

『鄭長者又見難二篇。』

〔四〕唐易子、識誤云：『漢書：占今人表中，上有唐易子，上文云：鞠，或其名。』

〔五〕何下其字，乾道本、趙本、凌本無，茲從迂評本、張本。

〔六〕王曰二字，迂評本脫，乾道本誤作故曰，茲從趙本、凌本。何以爲之爲字，趙本、凌本作異，茲從乾道本、迂評本。對曰二字，迂評本誤作聞之，茲從乾道本、趙本、凌本。

國羊重於鄭君，聞君之惡己也，侍飲，因先謂君曰：『臣適不幸而有過，願君幸而教之。臣請變更，則臣免死罪矣。』〔一〕

校釋 〔一〕適猶若也，解詳釋詞。

客有說韓宣王，宣王說而太息。左右引王之說之，以先告客以爲德。〔二〕

校釋 〔一〕說而說之，兩說字讀爲悅。引讀云：『舉也。』以先之以字，乾道本趙本凌本作曰，茲從迂評。

本拾補云：『秦本作以。』平議云：『引當作以，曰當作日，皆字之誤也。隸書以字或作日，因誤爲引矣。蓋因

客說宣王，宣王說而太息，故左右以王說之日先告客以爲德也。』讀記云：『曰當作因。』按作以是，平議

說誤。

靖郭君之相齊也，王后死，未知所置，乃獻玉珥以知之。

一曰：薛公相齊，齊威王夫人死，中有十孺子皆貴於王，薛公欲知王所欲立，而請置一人以爲

夫人。〔三〕王聽之，則是說行於王，而重於置夫人也；王不聽，是說不行，而輕於置夫人也。欲先知王

之所欲置，以勸王置之。〔四〕於是爲十玉珥，而美其一，而獻之。王以賦十孺子，明日坐視美珥之所

在，而勸王以爲夫人。〔五〕

校釋 〔一〕置讀云：『立也。』珥音耳，耳飾也。

〔二〕中字集解據御覽引刪，茲仍從各舊本。按中謂宮中也。孺子，寡聞云：『秦策注：孺子，婦人之美稱。貴

謂親幸。』按孺子，謂妾也。

〔三〕重輕謂以置夫人事，得見重或見輕於王也。勸字下，乾道本衍之字，茲從迂評本。藏本、趙本、凌本。

〔四〕賦分子也。浙四庫本作賜。坐視，纂聞云：『楚策無坐字，道應訓作因問。』物曰：坐視，嘿視也。

甘茂相秦惠王，惠王愛公孫衍，與之閒有所言，曰：『寡人將相子。』〔一〕甘茂之吏道穴聞之，以告甘茂。〔二〕甘茂入見王，曰：『王得賢相，臣敢再拜賀。』王曰：『寡人託國於子，安更得賢相？』對曰：『將相犀首。』王曰：『子安聞之？』對曰：『犀首告臣。』王怒犀首之泄，乃逐之。〔三〕

一曰：犀首，天下之善將也，梁王之臣也。秦王欲得之與治天下。犀首曰：『衍其臣人者，也不敢離主之國。』〔四〕居期年，犀首抵罪於梁王，逃而入秦，秦王甚善之。樗里疾，秦之將也，恐犀首代之將也，鑿穴於王之所常隱語者。俄而王果與犀首計曰：『吾欲攻韓奚如？』犀首曰：『秋可矣。』王曰：『吾欲以國累子，子必勿泄也。』犀首反走再拜曰：『受命。』〔五〕於是樗里疾已道穴聽之矣。郎中皆曰：『兵秋起攻韓，犀首爲將。』於是日也，郎中盡知之。〔六〕王召樗里疾曰：『是何匆匆也？何道出？』樗里疾曰：『似犀首也。』王曰：『吾無與犀首言也，其犀首何哉？』〔七〕樗里疾曰：『犀首也，羈旅新抵罪，其心孤，是言自嫁於衆。』王曰：『然。』使人召犀首，已逃諸侯矣。〔八〕

校釋 〔一〕閒有猶言偶有也。

〔二〕道穴。趙本、凌本誤作通穴，茲從乾道本、迂評本、藏本。按道穴，謂由牆隙得聞也。

〔三〕安何也。犀首，翼彘云：「官名，司馬彪曰：若今虎牙將軍。」公孫衍本在魏爲此官，故以此名稱之。

〔四〕善將，猶言良將也。梁王，卽魏王，衍其臣人者也。迂評本作衍人臣也，茲從乾道本、趙本、凌本，但乙人臣爲臣人。按其猶乃也，解詳釋詞。迂評本無其字，蓋以不解其字之義而誤刪耳。臣人各舊本誤作人臣，致使者字無義，茲乙之，則全句可通矣。主謂梁王也。

〔五〕隱語謂密談也。計猶謀也。奚如何如也。累委之謙詞也。反走謂退步也。

〔六〕矣字，乾道本作也，茲從迂評本、趙本、凌本。矣字下，集解據拾補增見字，茲仍從各舊本。月字，各舊本作日。集解云：「拾補作月。」盧文弨云：「日字譌。」顧廣圻云：「日當作月。」今依拾補改。茲從之。

〔七〕匈匈，纂聞云：「荀子：君子不爲小人匈匈也而輟行。」注：匈匈，喧嘩之聲也。道集解云：「由也，言人匈匈謂兵秋起攻韓，何由出此言也。」無與猶未與也。其犀首猶言殆犀首也。

〔八〕羈旅，謂旅居也。嫁讀云：「謂欲以此言求媚於衆也。」翼彘云：「嫁賈音通，爲是宜言，自賈於人。」逃諸侯，迂評本、趙本、凌本作逃入諸侯，茲從乾道本。逃諸侯，謂逃他國也。

堂谿公謂昭侯曰：「今有千金之玉卮，通而無當，可以盛水乎？」昭侯曰：「不可。」有瓦器而不漏，可以盛酒乎？」昭侯曰：「可。」對曰：「夫瓦器至賤也，不漏可以盛酒，雖有千金之玉

卮，至貴而無當，漏不可盛水，則人孰注漿哉！^{〔二〕}今爲人主而漏其羣臣之語，是猶無當之下卮也，雖有聖智，莫盡其術，爲其漏也。^{〔三〕}昭侯曰：『然。』昭侯聞堂谿公之言，自此之後，欲發天下之大事，未嘗不獨寢，恐夢言而使人知其謀也。^{〔四〕}

一曰：堂谿公見昭侯曰：『今有白玉之卮而無當，有瓦卮而有當，君渴將何以飲？』君曰：『以瓦卮。』^{〔五〕}堂谿公曰：『白玉之卮美，而君不以飲者，以其無當邪？』君曰：『然。』堂谿公曰：『爲人主而漏泄其羣臣之語，譬猶玉卮之無當也。』^{〔六〕}堂谿公每見而出，昭侯必獨臥，惟恐夢言泄於妻妾。

校釋 ^{〔一〕}堂谿，新釋云：『韓地，今河南西平縣有棠谿村，是其地。國策，韓之劍戟，出於棠谿。問田篇堂谿公謂韓子，卽此。』

^{〔二〕}通字，集解據御覽及拾補刪，茲仍從各舊本。按通猶言漏也。卮當，翼羈云：『卮，酒器。古今韻會引韓子玉卮無當，注無底也。徐曰：今俗猶有匡當之言。』盛讀爲成。

^{〔三〕}千字上，乾道本、趙本衍乎字，茲從迂評本。凌本、盛水、乾道本、趙本作乘水，茲從迂評本。藏本、凌本注漿，謂注入水漿也。

^{〔四〕}人主，乾道本、趙本、凌本作人之主，茲從迂評本。拾補云：『之字衍，張本無。』爲猶以也，解見釋詞，爲其漏謂以其漏也。

〔四〕夢言謂鑒詰也。

〔五〕以瓦卮謂用瓦卮也。纂聞云：『選注以作取。』

〔六〕也字。集解云：『各本無，據藝文類聚、御覽引補。』

申子曰：『獨視者謂明，獨聽者謂聰，能獨斷者故可以爲天下王。』〔一〕

校釋 〔一〕故字。迂評本無，茲從乾道本、趙本、凌本。按故猶則也，解詳釋詞。王字，乾道本、趙本、凌本作主，

茲從迂評本。識誤云：『主當作王，與上文明聰韻。』

傳三 宋人有酤酒者，升概甚平，遇客甚謹，縣幟甚高，然而不售，酒酸，怪其故，問其所知閭
以者楊倩。〔二〕倩曰：『汝狗猛邪？』曰：『狗猛則酒何故而不售？』曰：『人畏焉。或令孺子懷錢挈
樽而往，酤而狗逐而齧之，此酒所以酸而不售也。』夫國亦有狗，有道之士，懷其術而欲以明
其君之主，大臣爲猛狗，迎而齧之，此人主之所以蔽脅，而有道之士所以不用也。故桓公問管仲曰：『
治國最奚患？』〔三〕對曰：『最患社鼠矣。』公曰：『何患社鼠哉？』對曰：『君亦見夫爲社者乎？
掘木而塗之，鼠穿其間，掘穴託其中，燻之則恐焚木，灌之則恐塗墮，此社鼠之所以不得也。』〔四〕今
人君之左右，出則爲勢重，而收利於民，入則比周而蔽惡於君，內間主之情，以告外，外內爲重，諸臣
百吏以爲富，吏不誅則亂法，誅之則君不安，據而有之，此亦國之社鼠也。〔五〕故人臣執柄而擅禁，

明爲己者必利，不爲己者必害，此亦猛狗也。^{〔六〕}夫大臣爲猛狗，而斲有道之士矣；左右又爲社鼠而間主之情，人主不覺，如此主焉得無壅，國焉得無亡乎！^{〔七〕}

一曰：宋之酤酒者，有莊氏者，其酒常美。或使僕往酤莊氏之酒，其狗斲人，使者不敢往，乃酤他家之酒。問曰：『何爲不酤莊氏之酒？』對曰：『今日莊氏之酒酸。』故曰：不殺其狗則酒酸。^{〔八〕}

一曰：桓公問管仲曰：『治國何患？』對曰：『最苦社鼠。夫社，樹木而塗之，鼠因自託也；燠之則木焚，灌之則塗墮，此所以苦於社鼠也。今人君左右，出則爲勢重以收利於民，入則比周諂侮蔽惡以欺於君，不誅則亂法，誅之則人主危，據而有之，此亦社鼠也。^{〔九〕}故人臣執柄擅禁，明爲己者必利，不爲己者必害，亦猛狗也。故左右爲社鼠，用事者爲猛狗，則術不行矣。』^{〔一〇〕}

校釋 「一」酤，音沽，賣酒買酒俱謂之酤。升，概古以升斗計酒，概所以平升斗者。遇客謂招待顧客也。縣

幟，解詁云：『縣，懸同。』翼龜云：『幟，酒帘也，又謂之酒旗，卽酒家望子也。』^{△△}然而集解云：『各本作著然。盧

文昭云：著然，孫云：文選與滿公琰書注引作然而。先慎按藝文類聚九十四，御覽八百二十八引並作然而，

今據改。』問字，乾道本、迂評本誤作問，趙本、凌本無。拾補云：『問字脫，選注有意林同。』識誤云：『當作問，

韓詩外傳云：問里人，說苑晏子春秋同。』集解云：『盧願說是，藝文類聚御覽引並作問，今據補。』按問長

者，謂問里之老者。

〔二〕狗字上曰字，迂評本、藏本、張本無，茲從乾道本、趙本、凌本、邪猶也也，解詳釋詞。孺子，童子也。齧與齧同，瓦壺，所以盛酒也。乾，集解云：『拾補乾下旁注，訛字按說文無訛字。乾，齧也，齧，噬也。下文趙本亦誤作訛。』

〔三〕明字，拾補云：『文選注引作輔。』識誤云：『明字是。韓詩外傳七云：欲白萬乘之士，白明也。荀子外傳多言白，其義皆同。』集解云：『顧說是。藝文類聚御覽引正作明。』纂聞云：『明謂曉諭也。』仲曰之曰字，乾道本無，茲從迂評本、藏本、趙本、凌本、最字，迂評本無，茲從乾道本。

〔四〕爲社，猶言立社也。古以二十五家爲一社，社樹木以祀土神，是爲私社，猶今土地廟。論語：『哀公問社於宰我，宰我对曰：夏后氏以松，殷人以柏，周人以栗。』朱注：『三代之社不同者，古者立社，各樹其土之所宜木以爲主也。』塗，謂以采色塗之於木也。阯，通作阯，音豕，崩也。

〔五〕間，謂伺察間隙也。富，翼龜云：『內外爲勢重，受諸臣百吏之賂以爲富。』集解謂富當作輔，纂聞改富爲害，俱未可從。不安，據識誤云：『不當作所。晏子春秋云：則爲人主所案據腹而有之；說苑云：則爲人主所察據腹而有之。案安同字，察即案形近譌。又按依二書，此而上當脫腹字。』纂聞云：『腹，覆字訛，韓詩外傳作君又并覆而有之。』今按不字是，據下宜依識誤增腹字。據腹而有之，謂左右竊據腹心之地而有之也。

〔六〕擅禁，謂擅爲禁令也。禁字下，乾道本衍禦字，茲從迂評本、藏本、趙本、凌本。

〔七〕而乾而聞之而字、猶以也。解詳釋詞情下。趙本凌本有矣字，茲從乾道本。迂評本、讖誤云：『藏本今本情下有矣字，誤。』

〔八〕佗家、藏本作他家，他佗字通。

〔九〕一曰二字、乾道本、迂評本無，茲從趙本、凌本。讖誤云：『藏本、今本桓上有一曰二字，按有者是也。』樹木各舊本作木。補箋云：『社下當有樹字，轉寫脫去，上文云樹木而塗之，即其證。』按有樹字是，茲據補。

〔一〇〕集解云：『說本晏子春秋內篇問上，桓公、管仲作景公、晏子。』

堯欲傳天下於舜，舜諫曰：『不祥哉！孰以天下而傳之於匹夫乎！』堯不聽，舉兵而誅殺鯀於羽山之郊。〔一〕共工又諫曰：『孰以天下而傳之於匹夫乎！』堯不聽，又舉兵而流共工於幽州之都。於是天下莫敢言無傳天下於舜。仲尼聞之曰：『堯之知舜之賢，非其難者也；夫至乎誅諫者，必傳之舜，乃其難也。』〔二〕

一曰：不以其所疑，敗其所察，則難也。〔三〕

校釋 〔一〕鯀、禹父。誅殺、讖誤云：『依下句當衍殺字。』集解云：『下句誅字乃流字之誤，不得據以爲例。誅殺、誅罪而殺之也，殺字非衍文。』

〔二〕流字、集解云：『各本作誅，據御覽六百四十五引改，尙書孟子並作流。』幽州、迂評本無州字，茲從

乾道本、趙本、凌本。

〔三〕察疑之反，謂明也。

荆莊王有茅門之法，曰：『諸臣大夫諸公子入朝，馬蹏踐雷者，廷理斬其輻，戮其御。』〔一〕於是太子入朝，馬蹏踐雷，廷理斬其輻，戮其御。太子怒，入爲王泣曰：『爲我誅戮廷理！』〔二〕王曰：『法者，所以敬宗廟，尊社稷，故能立法從令，尊敬社稷者，社稷之臣也，焉可誅也？夫犯法廢令，不尊敬社稷者，是臣乘君，下尙校也。臣乘君則主失威，下尙校則上位危，威失位危，社稷不守，吾將何以遺子孫！』〔三〕於是太子乃還走，避舍露宿三日，北面再拜請死罪。

〔一〕楚王急召太子，楚國之法，車不得至荝門，天雨，廷中有潦，太子遂驅車至於荝門，廷理曰：『車至荝門，非法也。』太子曰：『王召急，不得須無潦。』遂驅之，廷理舉戈而擊其馬，敗其駕，太子入爲王泣曰：『廷中多潦，驅車至荝門，廷理曰：非法也，舉戈擊臣馬，敗臣駕，王必誅之。』〔四〕王曰：『前有老主而不踰，後有儲君而不屬，是真吾守法之臣也。』乃益爵二級，而開後門出太子，勿復過。〔五〕

校釋 〔一〕茅門，扎遙云：『下作荝門，說苑至公篇與此略同，亦作茅。按茅門，卽雉門也。說文雉部，雉，古文作𡩂，或省作弟，與茅形近而誤。史記魯世家，築茅闕門，卽春秋定二年經之雉門兩觀也。諸侯三門，庫、雉、

路。外朝在雉門外。茅門之法，廷理掌之，卽周禮秋官朝士掌建邦外朝之法也。天子諸侯四朝皆有廷士，士理字通。『集解云：』孫說茅卽弟之誤是也，御覽六百三十八引正作弟可證。『蹠與蹄同。』說文云：『屋簷前雨流下也。』轉翼龜云：『車前曲木。』

〔二〕怒集解云：『太子怒廷理之執法也。』入爲猶言入謂也。爲我迂評本作必爲我，茲從乾道本、趙本、凌本。

〔三〕乘君謂乘君之勢也。纂聞訓乘爲陵，未可從。尙校拾補云：『尙、上同，就疑當作陵。說苑至公篇作下陵上。』集解云：『此當作下校尙，傳寫誤倒耳。下校尙謂下亢上也。秦策足以校於秦矣，高誘注校猶亢也。說苑乘作棄，校作陵，皆劉向所易，未可據。』纂聞云：『尙、上同。管子不敬宗廟，則民乃上校。朱長春云：謂爭而犯上也。』

〔四〕潦積水也。車至茆門各舊本作車不得至茆門。茆門，迂評本作茅門。集解云：『至茆門三字當重。』按此不得二字，因涉上文衍，茲刪之，不必重至茆門三字也。須無潦謂待水乾也。父音殊，兵器也。

〔五〕儲主卽太子也。屬謂依附也。屬字下乾道本、趙本有矜矣二字，茲從迂評本、凌本。拾補云：『矜矣二字衍。』集解云：『北堂書鈔有矜矣二字。矜與賢聲相近，古通假。文子上仁篇矜與賢韻。矜矣猶賢矣，此楚王贊美廷理也。書大禹謨傳自賢曰矜。朱駿聲說文通訓定聲矜下云：矜借爲賢，亦通。』

衛嗣君謂薄疑曰：『子小寡人之國，以爲不足仕邪？寡人力能仕子，請進爵以子爲上卿。』乃進田萬頃。〔一〕薄子曰：『疑之母親疑，以疑爲能相萬乘，所不寃也。〔二〕然疑家巫有蔡嫗者，疑母甚愛信之，屬之家事焉。疑智足以書家事，疑母竊以聽疑也。然已與疑言者，亦必復決之於蔡嫗也。故論疑之智能，以疑爲能相萬乘而不寃也；論其親，則母子之間也；然猶不免議之於蔡嫗也。〔三〕今疑之於人主也，非子母之親也；而人主皆有蔡嫗，人主之蔡嫗，必其重人也；重人者，能行私者也。夫行私者，繩之外也；而疑之所言，法之內也。繩之外，與法之內，難也不相受也。』〔四〕

一曰：衛君之晉，謂薄疑曰：『吾欲與子皆行。』薄疑曰：『嫗也在中，請歸與嫗計之。』〔五〕衛君自請薄嫗，薄嫗曰：『疑，君之臣也，君有意從之，甚善。』衛君曰：『吾以請之嫗，嫗許我矣。』〔六〕薄疑歸言之嫗也，曰：『衛君之愛疑奚與嫗？』嫗曰：『不如吾愛子也。』〔七〕衛君之賢疑奚與嫗也？曰：『不如吾賢子也。』〔八〕嫗與疑計家事已決矣，乃更請決之於卜者蔡嫗。今衛君從疑而行，雖與疑決計，必與他蔡嫗敗之，如是則疑不得長爲臣矣。』〔七〕

校釋 〔一〕小動詞，謂小之也。邪字各舊本作則，屬下讀。讀記云：『則當爲邪，屬上讀之。邪字俗書作耶，

因誤爲則耳。』按作邪是，茲據改。

〔二〕親疑猶言愛疑也。萬乘謂大國也。所不寃寃云：『所當作而寃，細也，不寃，謂力有餘也。司馬法、力

欲究大藏禮、布諸天下而不究。」

〔三〕屬之猶言託之也。以書各舊本作以信言。識誤云：『信字當衍。』按信字蓋涉上文而衍，茲據刪。讀記謂疑母二字當乙在信字下，亦通。

〔四〕重人謂有勢之人也。繩之外猶言法之外也。所言二字，乾道本脫所字，茲從迂評本、藏本、趙本、凌本。相受猶言相容也。

〔五〕皆行偕行也。纂聞云：『孟子：予及女皆亡。朱本作偕。毛詩：與子偕行。』

〔六〕薄嫗二字，乾道本不重。茲從迂評本、藏本、凌本。以請以與已通。

〔七〕愛疑乾道本、藏本無愛字，茲從迂評本、藏本、趙本、凌本。奚與猶奚如何如也，解詳釋詞與字條。更字，乾道本、趙本無，茲從迂評本、凌本。

夫教歌者，使先呼而詘之，其聲反清徵者，乃教之。〔一〕

一曰：教歌者先揆以法。疾呼中宮，徐呼中徵，疾不中宮，徐不中徵，不可謂教。〔二〕

校釋 〔一〕調翼垂云：『屈曲，謂轉音聲也。』反纂聞云：『反者，變濁爲清，變宮爲徵之謂也。』識誤謂反當作及，未可從。

〔二〕法翼垂云：『謂律。』謂集解云：『爲謂古通用。』

起，衛左氏中人也，使其妻織組，而幅狹於度，吳子使更之。其妻曰：『諾。』及成，復度之，果不度。吳子大怒，其妻對曰：『吾始經之而不可更也。』吳子出之，其妻請其兄而索入。其兄曰：『吳子爲法者也，其爲法也，且欲以與萬乘致功，必先踐之妻妾，然後行之，子毋幾索入矣。』其妻之弟又重於衛君，乃因以衛君之重請吳子，吳子不聽，遂去衛而之荆也。〔四〕

一曰：吳起示其妻以組，曰：『子爲我織組，令之如是。』組已就而效之，其組異善。〔五〕起曰：『爲組，令之如是，而今也異善，何也？』其妻曰：『用財若一也，加務善之。』吳起曰：『非語也。』歸，其父往請之，吳起曰：『起家無虛言。』〔六〕

校釋 〔一〕左氏纂聞云：『衛地。』組，絲條，綬屬。度，組寬及長之數也。經，經緯之經。讀云：謂組之闊狹，在組之多少也。

〔一〕出謂出妻也。索入，謂妻既出而求復入也。入字，乾道本脫，茲從迂評本、趙本、凌本、臧本。

〔三〕且欲將欲也。踐行也。毋幾，集解云：『謂毋望索入也。』史記晉世家：『毋幾爲君，呂不韋傳，則子無幾得與長子，索隱云：『毋幾，猶望也。』此文語意正與相同。』

〔四〕又重猶言有勢也。釋詞云：『有，又古同聲，故又通作有，有亦通作又。』集解云：『又，讀爲有。』

〔五〕效，補箋云：『廣雅釋詁：效，考也，驗也。效，効，古通用。』外儲說右：『下效，駕馭中，問田篇，何以効之，皆斯誼。』

『纂聞云：『效呈致也，』亦通。

〔六〕今也。迂評本無也字，茲從乾道本。異善猶言特善也。財與材通。讀云：『謂料也。』若一如一也。翼龜云：『謂鈞也。』加務猶言加工也。語翼龜云：『當爲吾言二字，言非吾所命也。』衣歸集解據御覽作衣而歸，茲仍從各舊本。按衣讀去聲，謂使之衣組而歸母家也。

晉文公問於狐偃曰：『寡人甘肥周於堂，卮酒豆肉集於宮，壺酒不清，生肉不布，殺一牛徧爲國中，一歲之功盡以衣士卒，其足以戰民乎？』〔一〕狐子曰：『不足。』文公曰：『吾弛關市之征，而緩刑罰，其足以戰民乎？』狐子曰：『不足。』文公曰：『吾民之有喪資者，寡人親使郎中視事，有罪者赦之，貧窮不足者與之，其足以戰民乎？』〔二〕狐子對曰：『不足。此皆所以慎產也，而戰之者殺之也。民之從公也，爲慎產也，公因而逆殺之，失所以爲從公矣。』〔三〕曰：『然則何如足以戰民乎？』狐子對曰：『令無得不戰。』公曰：『無得不戰奈何？』狐子對曰：『信賞必罰，其足以戰。』公曰：『刑罰之極安至？』對曰：『不辟親貴，法行所愛。』文公曰：『善。』明日，令田於圃陸，期以日中爲期，後期者行軍法焉。〔四〕於是公有所愛者，曰顓頊，後期，吏請其罪，文公隕涕而憂。〔五〕吏曰：『請用事焉。』遂斬顓頊之脊，以徇百姓，以明法之信也。而後百姓皆懼，曰：『君於顓頊之貴重如彼甚也，而君猶行法焉，況於我則何有矣。』〔六〕文公見民之可戰也，於是遂興兵伐原，克之，伐衛，東其

遂成衡雍之義。一舉而八有功，所以然者，無他故異物，從狐偃之謀，假顓頊之脊也。^{〔八〕}

校釋

〔一〕狐偃，新釋云：『即咎犯。』周於堂謂遍於堂也。周字上疑脫不字。卮酒，豆肉猶言酒肉也。集

字上亦疑脫不字。壺酒，乾道本、迂評本誤作壺酒，茲從趙本、凌本。集解云：『壺當作壺，形近而誤。』翼，翼云：

『女子酒激而不飲，方言激，清也。激亦作澄。按酒在壺中，清濁分而寒謂之清。』布，集解云：『左傳注，布，陳

也。』翼云：『布當作希，希，晞也。周禮疏云：水希曰數者，希乾也。列子：酒未清，希未晞，言人衆故酒希早盡。

』按酒肉俱以食人，故壺酒不消，生肉不布，謂無積藏也。偏爲乾道本、趙本、凌本作偏於，茲從迂評本偏爲

國中，謂殺牛盡以爲都中之民也。爲讀去聲。功，集解云：『謂女工。』

〔二〕喪，讀云：『有喪資者，不貧之家，其資足以舉喪者也。其無喪資者，攝在下貧窮不足者中也。』歸

中官名。視事謂弔之也。

〔三〕慎，產，扎，遼云：『慎，讀爲順，產與生義同字通。迎，毅，迎常爲逆。慎，產者，言文公所言皆是順其生之事，

逆殺者，言戰爲逆而殺之之事，順逆生殺，文正相對也。』逆字，各舊本作迎，茲依扎、遼校改。

〔四〕辟，讀爲避。田，田獵也。期，以猶言約以也。

〔五〕憂，集解云：『不行法則失信，行法則失貴重之臣，故憂而不決。』

〔六〕脊纂聞云：『腰斬者伏鎧上，故曰斬脊。』顧頡事與左傳所記大異。徇與殉通。

〔七〕東其畝纂聞云：『左傳注五鹿衛地。案呂覽作東衛之畝，注使衛耕者皆東其畝，以遂晉兵也。又左傳使齊之封內盡東其畝，注使魏畝東西行，晉之伐齊，循魏東行易也。』集解云：『商君書賞刑篇東衛之畝，與呂覽合，蓋相傳有此事耳。』陽識誤云：『陽，即陽樊，勝虢未詳。』反之陴，集解云：『王渭曰：呂覽反鄭之陴，高注反獲，獲鄭之陴。先慎曰：晉語伐鄭，反其陴，高注反撥也。陴，城上女垣，與呂覽注異。國語此注上引賈侍中唐尚書說，蓋此注亦本前儒，雖未明其人，較反覆之義爲長。』纂聞云：『之，猶其也。』集解以之爲其誤，未可從。罷宋國纂聞云：『楚圍宋，爲解之。』還與猶言旋與也。城濮翼韜云：『衛地，戰在左，倍二十八年。』

〔八〕成字，各舊本作城，茲從集解據拾補改。義纂聞云：『謂推尊周室，取義名也。』左傳：甲午至衡雍，作王宮於踐土。呂覽尊天子於衡雍，注：晉侯率諸侯朝天子於衡雍。衡雍，踐土，今之河陽。八有功翼韜云：『伐原，伐衛，攻陽，勝虢，伐曹，圍鄭，救宋，戰楚也。』

夫淫疽之痛也，非刺骨髓，則煩心不可支也；非知是，不能使人以半寸砥石彈之。〔一〕今人主之於治亦然，非不知有苦則安，欲治其國，非知是，不能聽聖智而誅亂臣。〔二〕亂臣者，必重人，重人必人主所甚親愛也，人主所甚親愛也者，是同堅白也。〔三〕夫以布衣之資，欲以離人主之堅白

所愛，是猶以解左髀說右髀者，是身必死而說不行者也。^{〔四〕}

校釋 〔一〕[△]痠音縫，癰也。[△]知是各舊本作如是，識誤云：「如當作知，下同。」茲據改。翼龜云：「非深知刺骨髓之已痛，不能忍痛使醫刺之也。」[△]砥石纂聞云：「石針之砥礪者。」[△]彈謂割治也。

〔二〕[△]國字、乾道本脫，茲從迂評本、趙本、凌本。

〔三〕[△]亂臣二字、乾道本不重，茲從迂評本、趙本、凌本。同堅白補箋云：「墨子經上、堅白不相外也。此言人主與其所甚親愛者，若堅白之不可離耳。」

〔四〕[△]猶以二字、乾道本作以，趙本凌本作猶，茲從迂評本。纂聞云：「如支解之解。」迂評注云：「人主之於重人，猶左右髀也，今說右髀曰必解左髀去患，右髀必不聽。」說文：「髀股外也。」

外儲說右下

釋題 本篇原爲第十四卷第三十五篇。下字、乾道本迂評本脫，茲從趙本凌本。解詳內儲說上。

提要 本篇主旨，在以事例說明五種主術：（一）人主不可與臣下共賞罰；（二）君正賞罰，然後可圖治強，臣盡死力，然後可獲爵祿；（三）勿信游士之言，嚴禁擬似之事；（四）治吏不治民，守法責成以立功；（五）因事之理，有術以御，則不勞而成。

考證 本篇思想，合於韓非，從無疑者。惟文有錯入，如傳四中各舊本有田嬰相齊一節，與前後文既不相屬，又不見於經四中，蓋外儲說左上傳五魏昭王欲與官事節所錯入也。又傳一所記『一曰』之文，較他篇特多，當有後人所增益者在焉。

經一——賞罰共，則禁令不行。何以明之？明之以造父於期。^{〔一〕}子罕爲出處，田恆爲園池，故未君簡公弑。^{〔二〕}患在王良造父之共車，田連成藪之共琴也。^{〔三〕}

校釋 〔一〕共宋本注云：『令臣操之，故曰共也。』按法家以勢須集於君主，故反對『賞罰共。』商君書權修篇云：『權者，君之所獨制也。』明之二字，乾道本、趙本不重，茲從迂評本、凌本。造父於期，宋本注云：『既善馭馬，又能忍渴，及出處趨飲，遂不能制。』

〔二〕出彘宋本注云：「子罕行罰，一國畏之，因彘君亦威分出彘之類也。」
賞人歸之，因弑簡公，亦德分圃池之比也。圃池宋本注云：「田恆擅行」

〔三〕共車共琴宋本注云：「王造誠能御車，使共操轡則馬不蹇。田成信善琴，使共操彈，則曲不成。君臣共賞罰，亦猶是也。」

經二——治強生於法，弱亂生於阿。君明於此，則正賞罰而非仁下也。〔一〕爵祿生於功，誅罰生於罪。臣明於此，則盡死力而非忠君也。〔二〕君通於不仁，臣通於不忠，則可以王矣。〔三〕昭襄知主情而不發五苑。〔四〕田鮪知臣情，故教田章，而公儀辭魚。〔五〕

校釋 〔一〕阿阿私也。宋本注云：「法曲則亂。」而字乾道本無，茲從迂評本。藏本、趙本、凌本仁下二字，迂評本、趙本、凌本作不仁，茲從乾道本。識誤云：「今本仁下作不仁，誤。」

〔二〕非字乾道本無，茲從迂評本。趙本、凌本

〔三〕不仁謂君無私恩也。不忠謂臣無私忠也。集解云：「上欲治強，則必正法，故不仁。下欲爵祿，乃盡死力，故非忠君。」

〔四〕主情謂爲君之道，在正賞罰，不在行私愛也。發宋本注云：「應侯欲發蔬果以救飢人，昭侯以爲無功受賞，因止之也。」

〔五〕臣情謂爲臣之道，在求立功，不在私忠於上也。辭魚宋本注云：『以爲違法受魚，則失魚，故不受。』

經三——人主鑒於外也，而外事不得不成，故蘇代非齊王。〔一〕人主鑒於古也，而居者不適，故潘壽言禹情。〔二〕人主無所覺悟。〔三〕方吾知之，故恐同衣族，而況借於權乎？〔四〕吳章知之，故說以佯，而況借於誠乎？趙王惡虎目而塞。〔五〕明主之道，如周行人之卻衛侯也。〔六〕

校釋 〔一〕人主各舊本作明主者。纂聞云：『人元作明，寫者誤。』按依下文當作人主，者字衍，明字誤，

茲據刪改。鑒字，迂評本作覽，茲從乾道本。趙本、凌本鑒於外，謂以外國之事爲鑒也。外事不得不成，謂外使不得內援，則不能成事也。纂聞云：『四鄰之來使於我者，或失重人之意，則事必沮，不得成也。孤憤篇云：當塗之人擅事要，則內外爲之用矣。是以諸侯不因，則事不應，故敵國爲之訟矣。』

〔二〕古字，乾道本、趙本、凌本、張本作上，迂評本、藏本作士。識誤云：『上當作下。』集解云：『上字不誤，上謂上古也。蘇代非齊，潘壽言禹，一橫說，一豎說，兩事比勘，語極明顯。』按上與士字，皆古字之壞體，茲改之。鑒於古，謂以往古之事爲鑒也。居者，纂聞云：『謂處士所說，不順適重人之旨，則不得致富顯也。孤憤篇，學士不因則養祿薄禮卑，故學士爲之談矣。』

〔三〕無所覺悟，謂人主不悟鑒於外與鑒於古之非也。蓋外來之使或羈旅之士之言外事與古事者，多出於假託，別有用意，而人主反以爲鑒，是墮其術中而不悟矣。

〔四〕衣族各舊本作衣於族。纂聞云：「族上元衍於字，形似而衍。」茲據刪翼龜云：「於與音近。」注云：「方吾知人皆知己不與同服者共車，同族者共家，恐其因同而擅己，況君權可借臣乎？」識誤云：「衣於當作於衣，舊注未譌。」

〔五〕壅謂趙王爲平陽君所壅蔽也。

〔六〕行人所以接待外賓者，猶今交外官。宋本注云：「衛侯名辟疆，行人以辟疆與天子同號，故不令朝，改名然後納之。」

經四——人主者，守法責成，以立功者也。聞有吏雖亂而有獨善之民，不聞有民亂而有獨治之吏，故明主治吏不治民。〔一〕說在搖木之本，與引網之綱。〔二〕故失火之嗇夫，不可不論也。〔三〕故所御衛者，如造父之御驚馬。〔四〕是以說在椎鍛平夷，榜桲矯直。〔五〕不然，敗在淖齒用齊戮閔王，李兌用趙餓主父也。〔六〕

校釋 〔一〕獨善之民，謂窮則獨善其身之人也。宋本注云：「吏雖亂，賢人不改操，殷之三仁，夏之龍逢是也。」不治民，非謂真不治民也，乃謂人主不運治民，而使吏治之耳。宋本注云：「吏治則民治矣。」

〔二〕搖木引網，宋本注云：「搖木本則萬葉動，引網網則萬目張，吏正則國治矣。」

〔三〕嗇夫，翼龜云：「小臣之官，言以下所云操壺與操鞭之義，不可不論察也。」論也下，各舊本有「救

火者、吏操壺走火，則一人之用也；操鞭使人，則役萬夫。『二十二字。』識誤云：『此二十二字舊注誤入正文。』纂聞亦以此二十二字爲注文誤入正文而刪，茲從之。

〔四〕御術各舊本作遇術。按依下文『有術而御之無術而御之』，遇當爲御字，因聲同而誤，茲據改。御猶馭也，御術謂用事也。御驚馬，御字各舊本亦作遇，茲一併改之。驚字，趙本凌本作駕，迂評本作篤，茲從乾道本馬字下各舊本有『牽馬推車則不能進，代御執轡持筴則馬咸驚矣』十九字。識誤云：『此十九字舊注誤入正文。』纂聞亦以此十九字爲注文誤入正文而刪，茲從之。

〔五〕椎鍛爲平不夷之器。榜檠纂聞云：『荀子不能排檠則不能自正，注排檠輔正弓弩之器也。』

〔六〕敗在猶言患在也。

經五——因事之理，則不勞而成。故茲鄭之踞轅而歌，以上高粱也。〔一〕其患在趙簡主稅吏請輕重，薄疑之言國中飽，簡主喜而府庫虛，百姓餓而姦吏富也。〔二〕故桓公巡民而管仲相腐財怨女，不然，敗在延陵乘不能進，造父過之而爲之泣也。〔三〕

校釋 〔一〕轅車轅也，梁橋梁也。

〔二〕稅纂聞云：『謂令吏收稅也。』輕重謂稅率之輕重也。宋本注云：『主欲稅，吏問輕重，主不自定其輕重之節，曰勿輕重而已，吏因擅意，因以富。』中飽猶言貪污也。纂聞云：『中如字。上空國帑，下竭民產，而

姦吏居間致富也。」

〔三〕巡民謂巡視民間也。省省察也。腐財貨財之腐朽者。怨女女子之無夫者。敗字各舊本作則。纂聞云：「敗元作則，從上文正。」按宋本注云：「前礙飾，後礙錯，既不得前卻，遂旁而佚，造父見之泣，猶賞罰失必致敗也。」由此注可證則爲敗字之誤，茲依纂聞校改。

傳一

造父御四馬，馳驟周旋，而恣欲於馬者，擅轡筴之制也。然馬驚於出彘，而造父不能

禁制者，非轡筴之嚴不足也，威分於出彘也。〔一〕王子於期爲駙駕，轡筴不用，而擇欲於馬者，擅芻

水之利也。然馬過於圃池，而駙駕敗者，非芻水之利不足也，德分於圃池也。〔二〕故王良造父，天下

之善御者也，然而使王良操左革而叱咤之，使造父操左革而鞭笞之，馬不能行十里，共故也。〔三〕

田連成竅，天下之善鼓琴者也，然而田連鼓上，成竅擲下，而不能成曲，亦共故也。〔四〕夫以王良造

父之巧，共轡而御，不能使馬，人主安能與其臣共權以爲治？以田連成竅之巧，共琴而不能成曲，人

主又安能與其臣共勢以成功乎？〔五〕

一日：造父爲齊王駙駕，渴馬服成，效駕圃中，渴馬見圃池，去車走池，駕敗。〔六〕王子於期爲趙

簡主取道爭千里之表，其始發也，彘伏溝中，王子於期齊轡筴而進之，彘突出於溝中，馬驚駕敗。〔七〕

校釋

〔一〕造父纂聞云：「秦策：王良之弟子駕云：取千里馬，遇造父之弟子，造父之弟子曰：馬不千里。」

此書亦云造父爲齊王駙駕，疑造父春秋末善御者，王良同時之人也。然謂爲周穆王時人者，恐傳聞之誤耳。『四馬』文選注引作駟馬。四馬，謂一車四馬也。古人駕車，皆用四馬，兩服兩驂也。忒欲於馬四字，各舊本重。纂聞依文選注引刪，茲從之。宋本注云：『意所欲，馬必隨之。以轡筴專制之，故馬不違也。』出此讀云：『龔突出也。』宋本注云：『龔亦令馬可畏，故曰威分。』

〔二〕王子於期纂聞云：『文選注引作王子期。楊升菴外集韓子曰：王子期爲趙簡子御，子期、王良字也。左傳杜注，以王良爲郵無恤，未知孰是。然韓子去王良時近，或得真。圖按於字，語助，猶孟舍之爲孟施舍也。喻老篇亦作王子期。晉語注，郵無正，晉大夫郵良；又云伯樂，王良字。王褒傳顏注，參驗左氏及國語孟子，郵無恤，郵良，劉無正，總一人也。今考呂子高注，孫明，王良也；又云：王良，晉大夫孫無正，郵良也。字彙，博字注，古有博勞，善相馬。博勞，蓋伯樂音轉。覽冥訓注，王良，晉大夫郵無恤子良也，一名孫無正。合而觀之，皆一人也。一人而多異稱者，未見此比。』駙駕，謂掌副車之馬也。以馬駕車爲駙，故曰駙駕，亦曰副車。馬者之者字，各舊本無，茲從纂聞補駙駕敗之駕字，各舊本作馬。識誤云：『馬當作駕，』茲據改。

〔三〕革扎遼云：『革，勒，古字通。說文，勒，馬頭絡銜也。詩小雅蓼蕭，肇革冲冲，傳，革，轡首也。革，卽肇革，亦卽勒也。』

〔四〕之善之之字，各舊本無。集解云：『依上文善上有之字，』茲據補。集解云：『各本擬作轍，拾補引

孫貽穀云：文選舉賦注引作擲。顧廣圻云：當依選注引作擲。先慎案：說文：擲，一指按也。今據改。亦共之共字。乾道本脫。茲從迂評本。藏本：趙本：凌本。

〔五〕其臣共勢之其字。乾道本：趙本：凌本無。茲從迂評本。

〔六〕服成猶言習慣也。漢書鼂錯傳：服其水土，注：服，習也。宋本注云：『令馬忍渴百日服習之，故成也。』效駕猶言試車也。曲禮：僕展輪效駕，取貳綏跪乘，疏云：『僕先試車時，君猶未出，未敢依常而立，所以跪而乘之以爲敬。』

〔七〕取道取與趣同，道路也。取道猶言競馳也。翼龔云：『取，如論語進取之取。穀梁傳：輦者曰：所以鞭我者，其取道遠矣。』表，纂聞云：物曰表，標也。山曰表，猶外也。按：爭千里之表，謂遠道競馳也。麋伏之麋字，乾道本脫。茲從迂評本。藏本：趙本：凌本：齊本：爾雅釋言：疾齊壯也。注：齊，猶速也。按：齊轡，謂執轡與加鞭甚速也。

司城子罕謂宋君曰：『慶賞賜與，民之所喜也；君自行之，殺戮誅罰，民之所惡也。臣請當之。』宋君曰：『諾。』於是出威令，誅大臣，君曰：問子罕也。於是大臣畏之，細民歸之。處期年，子罕殺宋君而奪政。故子罕爲出彘，以奪其君國。〔二〕

校釋

〔一〕司城官名。賜與集解云：『與，當作予。說文：與，黨與也；予，推予也。義別。下文作予，二柄篇作予，』

不誤。』按予與二字通。當任也。

〔二〕處期年猶言居期年，謂經年也。子罕爲出彘，宋本注云：「罕用刑服國是猶出彘用威懼馬。」

簡公在上位，罰重而誅嚴，厚賦斂而殺戮民。田恆設慈愛，明寬厚。〔一〕簡公以齊民爲渴馬，不以恩加民，而田恆以仁厚爲圃池也。〔二〕

一曰：造父爲齊王駙馬，以渴服馬，百日而服成，請效駕齊王。王曰：「效駕於圃中。」造父驅車入圃，馬見圃池而走，造父不能禁。〔三〕造父以渴服馬久矣，今馬見池，驛而走，雖造父不能治。今簡公之以法禁其衆久矣，而田恆利之，是田恆傾圃池而示渴民也。〔四〕

一曰：王子於期爲宋君爲千里之逐，已駕，察手吻文且發矣，驅而前之，輪中繩引而卻之，馬掩迹拊而發之，彘逸出於寶中，馬退而卻，策不能進前也，馬驛而走，轡不能止也。〔五〕

一曰：司城子罕謂宋君曰：「慶賞賜予者，民之所好也；君自行之，誅罰殺戮者，民之所惡也，臣請當之。」於是戮細民而誅大臣，君曰：「與子罕議之。」居期年，民知殺生之命制於子罕也，故一國歸焉。故子罕劫宋君而奪其政，法不能禁也。故曰：子罕爲出彘，而田恆爲圃池也。〔六〕今令王良造父共車，人操一邊轡而入門閭，駕必敗而道不至也。令田連成竅共琴，人撫一絃而揮，則音必敗曲不遂矣。〔七〕

校釋 〔一〕田恆、乾道本、趙本、凌本作田成恆，茲從迂評本，下同。集解云：「經無成字，成乃其諡，此作成恆。」

恆複。設慈愛猶言施慈愛也。

〔二〕圃池。宋本注云：「以仁濟物，猶圃池也。」

〔三〕服成二字。乾道本、趙本、凌本誤重，茲從迂評本。集解云：「下服成二字當衍。」

〔四〕駢。集解云：「說文：駢，馬突也，字亦作駢。」纂聞云：「又作悍，扞，見五靈篇。」以法之以字，乾道本、趙

本、凌本無，茲從迂評本、藏本。

〔五〕察手吻文且發矣。集解云：「手當爲毛之誤。馬欲馳，其毛先豎，至今猶然。察毛吻文，謂察馬之毛與吻文也。漢書王褒傳：傷吻敝策而不進於行。說文：吻，口邊也。此言毛色動則吻不至於傷，是其所駕之馬本欲馳也，故下云且發矣，於期因拊而發之。」翼說云：「手吻者，善御者執轡如組，四馬之口齊合如一。荀子哀公篇：上車執轡，銜體正，是銜卽吻，體卽手也。發當作法，聲之誤也。」按手宜依集解改爲毛，發宜依翼說改爲法。文所以狀毛，謂毛順也。法所以狀吻，謂銜正也。輪中繩謂輪轉合度也。馬掩迹謂馬行後蹄掩前蹄之迹也。拊，音撫，擊也。寶，集解云：「溝寶也。」止字，乾道本、趙本、凌本誤作正，茲從迂評本。

〔六〕田恆。乾道本、趙本、凌本作田成常，迂評本作田恆，茲依經文作田恆。集解云：「常，拾補作恆。按常字漢人避諱改。」

〔七〕今字乾道本無，茲從迂評本。趙本、凌本、道翼壽云：『欲取道不能至也。』遂翼壽云：『猶成也。』

傳二——秦昭王有病，百姓里買牛而家爲王禱。公孫述出見之，入賀王曰：『百姓乃皆里買牛爲王禱。』王使人問之，果有之。王曰：『嘗之人二甲。』夫非令而擅禱者，是愛寡人也。夫愛寡人，寡人亦且改法而心與之相循者，是法不立，法不立，亂亡之道也。不如人罰二甲，而復與爲治。』

一曰：秦襄王病，百姓爲之禱，病愈，殺牛塞禱。郎中閻退、公孫衍出見之，曰：『非社獵之時也，奚自殺牛而祠社？』怪而問之，百姓曰：『人主病，爲之禱，今病愈，殺牛塞禱。』閻退、公孫衍說，見王拜賀曰：『過堯舜矣。』王驚曰：『何謂也？』對曰：『堯舜，其民未至爲之禱也。今王病而民以牛禱，病愈，殺牛塞禱，故臣竊以王爲過堯舜也。』王因使人問之，何里爲之，嘗其里正與伍老出二甲。閻退、公孫衍媿不敢言。居數月，王飲酒酣樂，閻退、公孫衍謂王曰：『前時臣竊以王爲過堯舜，非直敢諛也。堯舜病，且其民未至爲之禱也。今王病而民以牛禱，病愈，殺牛塞禱，今乃嘗其里正與伍老出二甲，臣竊怪之。』王曰：『子何故不知於此？彼民之所以爲我用者，非以吾愛之爲我用者也，以吾勢之爲我用者也。吾釋勢與民相收，若是，吾適不愛，而民因不爲我用也，故遂絕愛道也。』

校釋 〔一〕里古以二十五家爲一里。補箋云：「訾借爲貲。說文：訾，小罰，以財自贖。漢律：民不繇貲，錢二十二，是貲之本誼爲罰。訾之人二甲，謂罰其人出二甲也。下文不如人罰二甲，是其義也。漢書杜周傳：家訾累鉅萬矣。顏注：訾與貲同。地理志：高訾富人。顏注：訾與貲同。列子力命篇：訾兄弟也。殷釋文：訾當作貲。並訾貲通用之證。」翼彙云：「訾貲通。秦急攻伐，故罰出甲。齊語：制重罪贖以犀甲一戟。」之人集解云：「之，猶其也。人謂里人，非謂里中人人也。」

〔二〕「禱下者字」乾道本、趙本、凌本無，茲從迂評本、張本。循下者字，纂聞云：「宜作則，謂吾將舍法而以慈愛之心與民相從，則是法廢也。」

〔三〕寒禱集解云：「寒賽義同。史記封禪書：冬賽，索隱：賽謂報神福也。漢書：賽並作塞。」

〔四〕社臘翼彙云：「社，春秋祭土神也。臘，說文：冬至後三戌臘祭百神也。」奚自猶言何爲也。

〔五〕出二甲各舊本作屯二甲。補箋云：「按屯無罰訓，上先慎以屯爲卹，其說是也。里正、五老、均鄉官，蓋閭師之屬。屯者，人所聚之稱，廣雅：屯，聚也。是其證。屯二甲者，猶言每屯出二甲也。」補箋云：「屯當爲出，形近而譌，言罰其里正伍老，使出二甲也。既言訾，不得復言罰，則舊注訓屯爲罰非矣。既言里與伍，不得復言卹，則上先慎以屯爲卹亦非矣。」按補箋說是，茲據改，下同。

〔六〕非直猶言非實也。出字各舊本作屯，茲依補箋改，詳見前條。

〔七〕釋字、乾道本誤作適，茲從迂評本、臧本、趙本、凌本、平議云：『釋適聲近，又涉下句有適字，故乾道本誤爲適勢。顧氏謂適勢、適愛、相對，非是。』按釋勢、謂舍勢也。適不愛，謂一不愛也。

秦大饑，應侯請曰：『五苑之草蔬棗栗足以活民，請發之。』〔一〕昭襄王曰：『吾秦法使民有功而受賞，有罪而受誅。今發五苑之蔬果者，使民有功與無功俱賞也。〔二〕夫使民有功與無功俱賞者，此亂之道也。夫發五苑而亂，不如棄棗蔬而治。』

一曰：今發五苑之蔬蔬棗栗足以活民，是使民有功與無功爭取也。夫生而亂，不如死而治，大

夫其釋之。〔三〕

校釋 〔一〕苑，園囿也。草字，各舊本作草著。宋本注云：『謂草木著地而生也。』平議云：『著字衍文。蓋涉下文今發之蔬草者，而於草下衍者字，又因草字及下蔬棗字皆從草，遂又誤者爲著耳。注謂草木著地而生，殊爲曲說。』集解云：『俞說是。藝文類聚八十七，御覽四百八十六、九百六十四、九百六十五，事類賦二十六，初學記二十八引並無著字，草作果，無下果字。』茲依平議刪著字。橡字，各舊本作橡果，茲從藝文類聚刪果字。纂聞云：『橡，唐韻，櫟實也。』

〔二〕蔬果，乾道本、迂評本作蔬草，茲從趙本、凌本、集解云：『按作果者是也。下文蔬蔬棗栗，蔬蔬、草屬，棗栗、果屬，故此省文曰蔬果。若作草字，則偏而不備。下文棄棗蔬而治，卽其例。經注云：應侯欲發蔬果以救人，

蔬果二字本此，是注所見之本尚不誤，御覽引作蔬果。」

〔三〕今字，各舊本作令。纂聞云：『今作令誤。』按依上文令當作今，茲據改。使字，乾道本、趙本、凌本作用，茲從迂評本。集解於爭字上據藝文類聚增互字，茲不從。釋讀云：『謂舍置勿復言也。』

田鮪教其子田章曰：『欲利而身，先利而君；欲富而家，先富而國。』〔二〕

一曰：田鮪教其子田章曰：『主賣官爵，臣賣智力，故曰自恃無恃人。』〔三〕

校釋 〔一〕四而字，纂聞云：『汝也。』

〔二〕賣，纂聞云：『致智力取官爵，如市易然。難一篇，臣盡死力，以與君市；君垂爵祿，以與臣市。』故曰集解云：『各本無曰字，據御覽引補。』茲從之。

公儀休相魯，而嗜魚，一國盡爭買魚而獻之。〔一〕公儀子不受。其弟諫曰：『夫子嗜魚而不受者，何也？』對曰：『夫唯嗜魚，故不受也。夫即受魚，必有下人之色；有下人之色，則枉於法；枉於法，則免於相。免於相，此不必能致我魚，我又不能自給魚。』〔二〕即無受魚，而不免於相，雖嗜魚，我能長自給魚。』此明夫恃人不如自恃也。明於人之爲己者，不如己之自爲也。〔三〕

校釋 〔一〕公儀休，趙本、凌本作公孫儀，茲從乾道本。迂評本集解云：『白孔六帖九十八，御覽三百八十九、九百三十五，事類賦二十九引並作公儀休。淮南子道應訓作公儀子，高注：公儀休，故魯博士也。』

〔二〕弟集解云：『韓詩外傳與此同，淮南子作弟子誤。』即纂聞云：『猶若也，史記多此字法，一作既。』免於相三字，乾道本、趙本、凌本不重，茲從迂評本致字上，乾道本、趙本衍自給二字，茲從迂評本、凌本、張本致我魚謂國人獻魚，與自給魚相對爲義，不可再贅自給二字於致字之上。

〔三〕即無猶言若不也。

傳三——子之相燕，貴而主斷。蘇代爲齊使燕，燕王問之曰：『齊王亦何如主也？』〔一〕對曰：『必不霸矣。』燕王曰：『何也？』對曰：『昔桓公之霸也，內事屬鮑叔，外事屬管仲。桓公被髮而御，日遊於市。今齊王不信其大臣。』於是燕王因益大信子之。子之聞之，使人遺蘇代金百鎰，而聽其所使之。〔二〕

一曰：蘇代爲秦使燕，見無益子之，則必不得事而還，貢賜又不出，於是見燕王，乃譽齊王。燕王曰：『齊王何若是之賢也！則將必王乎？』蘇代曰：『救亡不暇，安得王哉？』燕王曰：『何也？』曰：『其任所愛不均。』〔三〕燕王曰：『其亡何也？』〔四〕曰：『昔者齊桓公愛管仲，置以爲仲父，內事理焉，外事斷焉，舉國而歸之。故一匡天下，九合諸侯。今齊任所愛不均，是以知其亡也。』〔五〕燕王曰：『今吾任子之，天下未之聞也。』於是明日張朝而聽子之。〔六〕

校釋 〔一〕主斷猶言專權也。燕字各舊本不重。按依文義宜重，茲補之。燕王名噲。

〔二〕管仲^{△△}乾道本脫管字，茲從迂評本趙本、凌本。蓋古衡名，通作溢，二十四兩也。聽其所使之謂任其用金也。集解云：『王渭曰：之字衍，國策無。』

〔三〕見新釋云：『知也。』貢[△]賜[△]讀云：『貢、貢秦，賜、賜代。』翼[△]龜云：『爾雅、貢、賜也。』不均[△]纂聞云：『謂不專任。』翼[△]龜云：『均、均禮也，言其任所愛大臣，不宜己均等也。』國策、魏王令惠施犀首之齊，鈞二子者，將測交也。注言恩禮之等也。均鈞通。』

〔四〕其亡^{△△}趙本、凌本作其任，茲從乾道本、迂評本。識誤云：『藏本同，今本亡作任，誤。』按下文亦以其亡二字連文，作亡是。

〔五〕置[△]翼[△]龜云：『立也。』一匡[△]論語注：『匡正也。』九合舉例補云：『范甯[△]穀梁傳注，謂鄭玄以兩鄆、兩幽、樛、貫、首戴、甯母、葵邱爲九合，不取北杏及陽穀。後漢書延篤傳注，以兩鄆、兩幽、樛、貫、首戴、甯母爲九合。宋翔鳳駁之，又謂鄭以合，則又去貫而數洮，近人盧文弨謂鄭以柯、及兩鄆、兩幽、樛、貫、首戴、甯母爲九合。宋翔鳳駁之，又謂鄭以柯、兩鄆、兩幽、樛、貫、首戴、甯母、葵邱爲九合。說各不同，不知九合猶言屢合，不必以九爲限，卽其數而強解之，非也。朱子易九爲糾，亦非也。左傳服虔注，以會戚、城棣、鄆、邢邱、戲、祖、虎牢、毫爲八合，蓋合會蕭魚爲九。晉語則作七合，孔、韋注不數戍陳與戍鄆。按左傳所言盟、戚，卽所以戍陳；會祖卽所以戍虎牢，不得析之爲二，當從國語七合爲確。左傳作九合者，與論語九合諸侯同類，亦虛數也。蓋九訓爲究，又爲極數，凡數之指其極者，

皆得稱之爲九，不必泥於實數也。」

〔六〕聞也。新釋云：「也同邪。」張朝纂聞云：「設朝也。」聽翼毳云：「專聽子之之所爲。」

潘壽謂燕王曰：「王不如以國讓子之。」〔一〕人所以謂堯賢者，以其讓天下於許由，許由必不受也，則是堯有讓許由之名，而實不失天下也。今王以國讓子之，子之必不受也，則是王有讓子之名，而與堯同行也。」於是燕王因舉國而屬子之，子之大重。〔二〕

一曰：潘壽，隱者，燕使人聘之。〔三〕潘壽見燕王曰：「臣恐子之之如益也。」王曰：「何益哉？」〔四〕對曰：「古者禹死，將傳天下於益，啓之人因相與攻益而立啓。今王信愛子之，將傳國子之，太子之人盡懷印，爲子之之人無一人在朝廷者。王不幸棄羣臣，則子之亦益也。」〔五〕王因收吏璽，自三百石以上皆效之子之，子之大重。〔六〕夫人主之所以鏡照者，諸侯之士徒也；今諸侯之士徒，皆私門之黨也。人主之所以自羽翼者，巖穴之士徒也；今巖穴之士徒，皆私門之舍人也。是何也？奪穢之資，在子之也。」〔五〕

一曰：燕王欲傳國於子之也，問之潘壽。對曰：「禹愛益而任天下於益，已而以啓人爲吏，及老而以啓爲不足任天下，故傳天下於益，而勢重盡在於啓也。已而啓與友黨攻益，而奪之天下，是禹名傳天下於益，而實令啓自取之也。此禹之不及堯舜明矣。」〔六〕今王欲傳子之，而吏無非太子之

人者也，是名傳之，而實令太子自取之也。『燕王乃收璽，自三百石以上皆效之子，子之遂重。』

校釋 一「隱者乾道本，迂評本藏本作闕者，茲從趙本、凌本。」

二「何益翼，翼云：『不知其爲人名，故問。』集解云：『問何以如益。』」

三「懷印，謂爲官有印在手也。爲字，趙本、凌本作璽，茲從乾道本、迂評本。識誤云：『藏本同，今本爲作璽誤。』按爲下當有吏字。集解云：『顧說非，爲字下屬讀于嬌反。』按爲字依上下文意宜作而。

四「三百石秩祿也。古以歲祿計官秩，故曰三百石。三百石以上，謂祿在三百石以上之官也。效之，猶言致之也。」

五「羽翼二字，乾道本、張本作淺嬀，茲從迂評本、趙本、凌本。集解云：『漢書張良傳：太子相四皓，高帝曰：羽翼已成，則殿穴之士，真人主之羽翼。淺嬀，字不辭，改從今本。』舍人、暴聞云：『私屬之官。』褫字，乾道本、迂評本誤作號，藏本誤作號，茲從趙本、凌本。集解云：『按作褫是也。說文：褫，奪衣也。易：訟卦，或錫之鞶帶，終朝三褫之。』侯果云：褫，解也。按奪褫之資，謂刑罰之權也。今刑法中仍有褫奪名色。」

六「已而猶言既而也。奪之猶言奪其也。」

七「子之二字，乾道本、趙本、凌本不重，茲從張本、迂評本。識誤云：『藏本重子之是也，策有。』」

方吾子曰：『吾聞之，古禮行不與同服者同車，居不與同族者共家，而況君人者乃借其權而』

外其勢乎！』〔二〕

校釋 〔一〕同服翼云：『君不與衣服之美與己齊等者同車，示人不擬於君也。禮坊記：君不與同姓同車，與異姓同車不同服，示民不嫌也。』居字各舊本無。識誤云：『不上當有居字。』茲據補外。纂聞云：『遺也。』

吳章謂韓宣王曰：『人主不可佯愛人，一日不可復憎；不可以佯憎人，一日不可復愛也。』〔二〕故佯愛佯憎之徵見，則諛者因資而毀譽之，雖有明主不能復收，而況於以誠借人也！』〔三〕

一曰：吳章曰：『人主不佯愛憎人；佯愛人，不得復憎也；佯憎人，不得復愛也。』〔三〕

校釋 〔一〕佯翼云：『誠之反也。一日異日也。』兩日字，迂評本、藏本誤作日，茲從乾道本、趙本、凌本。〔二〕復收謂撤回佯愛佯憎也。纂聞云：『邪通。』

〔三〕一曰以下之文，各舊本在前節『在子之也』句下，一曰二字作故。茲從纂聞改故字爲一曰二字，移置於本節之後。

趙王遊於園中，左右以免與虎而輟之，虎盼然環其眼。〔一〕王曰：『可惡哉，虎目也！』左右曰：『平陽君之目可惡過此，見此未有害也，見平陽君之目如此者，則必死矣。』其明日，平陽君聞之，使人殺言者，而王不誅也。〔二〕

校釋 「一」免字、乾道本、趙本、凌本作菟，茲從迂評本。翼龜云：「菟、免同。」輟止也，謂左右以免與虎，而趙王止之也。纂聞云：「井曰：以免示虎，而止不與之也。」之虎二字、集解云：「乾道本無，張本趙本作觀之。」顧廣圻云：觀之二字乃舊注誤入正文。先慎案御覽九百七，事類賦二十三引輟下有之虎之字，虎字屬下讀，今據增。按之虎二字、迂評本無，凌本作觀之，俱誤，茲從集解校補。盼字、乾道本趙本作盼，茲從迂評本。宋本注云：「環轉其眼以作怒也。」集解云：「王渭曰：盼當作盼。先慎曰：事類賦二十三引作盼，亦非。說文、盼，恨視貌。盼眄二字，形與盼近而譌。」

「二」平陽君翼龜云：「史記趙世家、惠文王二十七年封趙豹爲平陽君，注：惠文王母弟。按此趙王，卽惠文王之子孝成王也，平陽君者，孝成王之叔父也。」

衛君入朝於周，周行人問其號，對曰：「衛侯辟疆。」周行人卻之，曰：「諸侯不得與天子號。」衛君乃自更曰：「衛侯燮。」而後內之。仲尼聞之，曰：「遠哉！禁偪虛名，不以借人，況實事乎？」

『一』

校釋 「一」行人翼龜云：「周禮、大行人掌大賓之禮及大客之儀，以親諸侯。」兩衛侯字、各舊本作諸侯。集解云：「諸侯辟疆、諸侯燮，兩諸字，皆涉諸侯不得與天子同號句而誤，諸當作衛。」按史記衛世家注引翼龜書，正作衛侯，茲據改。

〔一〕辟疆宋本注云：『開辟疆土者，天子之號。』纂聞云：『自古天子未聞有名此者。春秋時有邴邴，戰國時有齊王田辟疆，亦未聞有議其僭也。』遠翼云：『禁其漸，故曰遠。凡遠者，嚴於未然而毋狎喪之意。論語浸潤之譖，膚受之愬，不行焉，可謂遠也已矣。』虛名宋本注云：『名辟疆，未必能辟疆，故曰虛也。』傳四——搖木者，一一攝其葉，則勞而不徧；左右拊其本，而葉徧搖矣。臨淵而搖木，鳥驚而高，魚恐而下。〔二〕善張網者，引其綱。若一一攝萬目而後得，則是勞而難；引其綱，而魚已囊矣。故吏者，民之本綱也，故聖人治吏不治民。〔三〕

校釋 〔一〕攝說文云：『引持也。』拊宋本注云：『擊動也。』本根也。高謂高飛也。下謂深入也。而葉而魚之兩而字與則字互用，猶則也，解詳釋詞。

〔二〕若字，乾道本作不，茲從迂評本。趙本、凌本、集解據御覽八百三十四引重一一攝萬目而後得八字。囊謂魚入網也。本綱下各舊本有者淵鑑類函引刪。治吏宋本注云：『治吏猶引綱，理人猶張目。』翼云：『後漢書百官志注：武王問太公，願聞治亂之要，太公曰：其本在吏。』

救火者，令吏挈壺囊而走火，則一人之用也；操鞭箠而趣使人，則制萬夫。是以聖人不親細民，明主不躬小事。〔一〕

校釋 〔一〕壺囊取水以救火之器也。走火猶言赴火也。趣纂聞云：『促也。』

造父方耨，見有子父乘車過者，^{〔一〕}馬驚而不行，其子下車牽馬，父下推車，請造父助之推車。
 造父因收器，綴而寄載之，援其子之乘，乃始檢轡持策，未之用也，而馬咸驚矣。^{〔二〕}使造父而
 能御，雖盡力勞身，助之推車，馬猶不肯行也。今使身佚，且寄載有德於人者，有術而御之也。^{〔四〕}
 國者，君之車也，勢者，君之馬也。無術以御之，身雖勞，猶不免亂；有術以御之，身處佚樂之地，又致
 帝王之功也。^{〔五〕}

校釋

〔一〕耨，耘田也，見字，乾道本、迂評本、藏本作得。趙本、凌本作時。平議云：得，當作見，因古得字作

尋，故得與見往往相混。史記趙世家：「趙孝成王九年，趙策得作見。」留侯世家：「果見穀城山下黃石，漢書
 見作得，並其證也。」趙本改得爲時，非是。顧氏疑得上有脫文，亦非也。按平議說是，茲據改。父下各舊本作
 父子二字，惟迂評本無父子推車四字，茲據纂聞改子爲下。助之各舊本作助我。翼龜云：「淵鑑類函御條
 我作之，」茲據改。

〔二〕器，謂耨具也。綴字，各舊本作輟。讀記云：「輟，當作綴。說文：綴，綴聯也。綴而寄載之，謂綴聯其田器而
 載之車上也。」下文云：「今使身佚且寄載，寄載別爲一事，明指田器言也。」按輟綴因形近聲同而誤，茲據改。
 子之纂聞改之爲父，茲不從。按援其子之乘，謂扶用其子之車也。言其子，則父卽在其中矣。咸驚，乾道本藏
 本作轡驚，趙本、凌本、迂評本作轡驚。按經中原有「執轡持策則馬咸驚矣」句，爲注文誤入正文者。此注

文當係取諸此節，故翼、羈、纂、聞、讀記俱謂宜依此注文校正。纂聞云：「咸、元作轡，從經注正。咸、驚、四馬齊進也。」此說是，茲從之。

〔四〕使身乾道本，迂評本誤倒，茲從藏本。趙本、凌本，身佚，謂不必推車也。寄載謂寄載耨器也。有德，謂造父代御，有功於其父子也。寄載有德，疑有脫文，當作寄載其器而有德。

〔五〕勞字，張本作使勞，迂評本作處勞，茲從乾道本。趙本、凌本，致字，藏本誤作制，茲從乾道本。迂評本、趙本、凌本。

椎鍛者，所以平不夷也，榜檠者，所以矯不直也。聖人之爲法也，所以平不夷，矯不直也。〔一〕

校釋 〔一〕椎鍛，翼、羈云：「說文，鍛，小冶也。蒼頡篇，椎也。」夷，纂聞云：「夷，亦平也。矯，正也。」

淖齒之用齊也，擢閔王之筋，李兌之用趙也，餓殺主父，此二君者，皆不能用其椎鍛榜檠，故身死爲戮，而爲天下笑。〔二〕

一日入齊，則獨聞淖齒，而不聞齊王；入趙，則獨聞李兌，而不聞趙王。故曰：人主者，不操術，則威勢輕，而臣擅名。〔三〕

一日武靈王使惠文王莅政，李兌爲相，武靈王不以身躬親殺生之柄，故劫於李兌。〔三〕

校釋 〔一〕擢，拔也。翼、羈云：「辱也。」

〔一〕擅名謂名在臣而不在君也。

〔三〕武靈王上各舊本有田嬰相齊一節，與本節意旨不相屬，茲依纂聞移於外儲說左上。魏昭王欲與官事節後。

傳五 茲鄭子引輦上高梁而不能支。茲鄭踞輶而歌，前者止，後者趨，輦乃上。〔一〕使茲鄭無術以致人，則身雖絕力至死，輦猶不上也。今身不至勞苦而輦以上者，有術以致人之故也。〔二〕

校釋 〔一〕引輦猶言引車也。支，纂聞云：「橋勢隆起，不可支持。」

〔二〕至死，藏本、趙本、凌本誤作致死，茲從乾道本。迂評本、張本。

趙簡主出稅者，吏請輕重。〔一〕簡主曰：「勿輕勿重，重則利入於上，若輕則利歸於民，吏無私利而止矣。」〔二〕

校釋 〔一〕出稅者，集解據御覽六百二十七引刪者字，茲仍從各舊本。纂聞云：「令吏出行，收其賦稅。」

〔二〕止字，各舊本作正。翼云：「正當作足。古文正字作正，足字作正，相似故誤耳。」纂聞讀記則以正當爲止，茲從之。

薄疑謂趙簡主曰：「君之國中飽。」簡主欣然而喜，曰：「何如焉？」對曰：「府庫空虛於上，百姓貧餓於下，然而姦吏富矣。」〔一〕

校釋 「一」中翼云：『薄疑所謂國中者，非國內也；中者，上中下之中也。薄疑欲發簡子之問，故爲是言也。簡子以爲中外之中，故喜也。』

齊桓公微服以巡民家，人有年老而自養者，桓公問其故。對曰：『臣有子三人，家貧無以妻之，備未及反。』桓公歸，以告管仲。管仲曰：『畜積有腐棄之財，則人飢餓；宮中有怨女，則民無妻。』桓公曰：『善。』乃論宮中有婦人而嫁之，下令於民曰：『丈夫二十而室，婦人十五而嫁。』

〔三〕

一曰：桓公微服而行於民間，有鹿門稷者，行年七十而無妻。桓公問管仲曰：『有民老而無妻者乎？』管仲曰：『有鹿門稷者，行年七十矣，而無妻。』桓公曰：『何以令之有妻？』管仲曰：『臣聞之上，有積財，則民必匱乏於下；宮中有怨女，則有老而無妻者。』桓公曰：『善。』令於宮中女子未嘗御出嫁之，乃令男子年二十而室，女年十五而嫁，則內無怨女，外無曠夫。〔四〕

校釋 「一」微服猶言便衣也。自養，讀云：『自炊也。』按自養，謂不賴子養也。及字，乾道本無，茲從迂評本。趙本、凌本、傳校云：『備未及反，謂其三子傭而未及反也。』

〔二〕管仲二字，乾道本不重，茲從迂評本。趙本、凌本。

〔三〕論字，集解據御覽引改爲諭字，茲仍從各舊本。按論，如論功論罪之論。婦人，蓋謂未婚之女。民曰之

曰字趙本凌本作也茲從乾道本迂評本識誤云藏本同今本作也誤。室謂娶妻也。

〔四〕民字乾道本趙本凌本作民臣茲從迂評本曠人謂無妻之男也。

延陵卓子乘蒼龍挑文之乘。〔一〕鈎飾在前錯鑲在後馬欲進則鈎飾禁之欲退則錯鑲貫之馬因旁出。〔二〕造父過而爲之泣涕曰古之治人亦然矣夫賞所以勸之而毀存焉罰所以禁之而譽加焉民中立而不知所由此亦聖人之所爲泣也。〔三〕

一曰延陵卓子乘蒼龍與翟夾之乘前則有錯飾後則有利鑲進則引之退則策之馬前不得進後不得退遑避而逸因下抽刀而刎其脚。〔四〕造父見之而泣終日不食因仰天而歎曰策所以進之也錯飾在前引所以退之也利鑲在後今人主以其清潔也進之以其不適左右也退之以其公正也譽之以其不聽從也廢之民懼中立而不知所由此聖人之所爲泣也。〔五〕

校釋 〔一〕蒼龍纂聞云月令天子駕蒼龍注八尺以上爲龍。按蒼龍猶言蒼色大馬也挑文平議

云挑當讀爲翟下文乘翟文之乘注云馬有翟之文是也挑從兆聲與翟相近故翟通作挑尙書顧命篇王乃洗龜水鄭讀挑爲濯詩大東篇挑挑公子韓詩挑作嬈爾雅釋魚蜃小者挑衆家本挑作濯並其例也書注不知挑卽翟之假字而訓爲雕飾誤矣。集解云俞說是御覽七百四十六八百九十六引挑作桃拾補律挑以孫爲譌非也挑挑並翟之假借。按翟文謂馬毛之文如雉羽也。

〔二〕鈎飾翼霓云：『周禮疏、鈎、婁頷之鈎也。』補箋云：『飾、當借爲勒。說文、勒、馬頭絡銜也。莊子馬蹄篇、前有概飾之患、而後有鞭筴之威、釋文引司馬注、飾、排銜也。司馬注正讀飾爲勒、是其證也。』錯鑿纂聞云：『脩務訓、不待冊鑿而行、按錯、冊、並宜讀爲策。汜論訓作策鑿、注、鑿、端頭歲也。列子釋文引許慎云、鑿、馬策端有利鋒、所以刺不進也。』貫之猶言刺之也。

〔三〕毀譽法家以爲毀譽須與賞罰相應、今毀譽與賞罰相反、則民不知所措矣。

〔四〕錯飾纂聞云：『錯、宜作鈎、又疑鎬字訛。汜論訓注、鎬、口中央鐵、大如雞子中黃、所以制馬口也。』有利之有字、乾道本脫、茲從趙本、凌本進字、乾道本作筴進、趙本凌本作筴、茲從王本。誠誤云：『筴字衍、藏本今本無進字、此誤刪。』下謂下車也。其脚馬脚也。

〔五〕而泣、乾道本、趙本、凌本無而字、茲從張本、王本。

第六卷

說林上

釋題 本篇原爲第七卷第二十二篇。索隱云：『說林者，廣說諸事，其多若林，故曰說林也。』迂評云：『說文，說，誘也，以言諭人，使從己也。戰國之時，以遊說相高，故韓子採而成篇，名曰說林，則說亦多術而不苦貧矣。』

提要 本篇主旨在集遊說之故事於一篇。每一故事爲一節，而爲說不同，要皆可益人神智，戰國崇尚遊說之產品也。

考證 梁啓超云：『說林二篇，似是預備作內外儲說之資料。』（要籍解題及其讀法）按說林之言，近於戰國策，蓋韓子之讀書雜錄也。

湯以伐桀，而恐天下言己爲貪也，因乃讓天下於務光。而恐務光之受之也，乃使人說務光曰：『湯殺君，而欲傳惡聲於子，故讓天下於子。』務光因自投於河。〔一〕

校釋 〔一〕以集釋云：『已同。』而恐務光此而字宜訓爲又，與上而字之訓爲然者有別，纂聞云：『淮

南子高注：務光，湯時隱士。列子云：昔者堯舜僞以天下讓許由、善卷，而不失天下。此言一出，而莊周、劉安輩述之，湯讓務光，武讓伯夷，皆戰國之訛言也。『惡聲猶言惡名，傳惡聲，謂湯藉讓天下，以嫁其殺君之惡名於務光也。』

秦武王令甘茂擇所欲爲於僕與行，孟卯曰：『公不如爲僕。公所長者使也，公雖爲僕，王猶使之於公也。公佩僕，而爲行事，是兼官也。』

校釋

「僕與行各僞本作僕與行事」平議云：「事字衍文。下文曰：公佩僕，而爲行事，是僕與行爲」

官名，言佩僕之璽，而爲行之事也。讀者誤以行事連讀，遂於此文亦增事字矣。按平議說是。茲據刪翼壽云：『國語注：近臣，謂驂僕之屬也。書序疏：與君同車，最爲親近。故春秋隨侯寵少師，以爲車右。漢書文帝帝趙同，命之爲御。孟子：未嘗與之言行事也。注：行事，使事也。』依此，則僕爲近臣，行謂使臣也。孟卯纂聞云：『外儲作昭卯，秦紀：芒卯。素隱曰：魏將，譙周曰：孟卯也。』兩使字，上讀去聲，下讀上聲。謂公長於使事，則雖爲僕，仍使公爲行也。纂聞云：『始皇紀注：璽，印信也。古者尊卑共之。月令曰：固封璽。左傳曰：季武子璽書追而與之。此諸侯大夫印稱璽也。』

子圉見孔子於商太宰，孔子出，子圉入，請問客。太宰曰：『吾已見孔子，則視子猶蚤蝨之細者。』吾今見之於君，子圉恐孔子貴於君也，因謂太宰曰：『君已見孔子，亦將視子猶蚤蝨也。』太宰

可弗復見也。〔二〕

校釋 〔一〕商太宰國字解云：『商謂宋國，宋爲商後，故云太宰，宰相也。』^{△△△}請問客讀云：『客指孔子，謂問孔子如何也。』[△]見本節所用見字有二義，如『子圍見孔子於商太宰』及『吾今見之於君』，均謂引見也；如『吾已見孔子』、『君已見孔子』、『復見』，均謂晤見也。[△]謂字，乾道本、趙本誤作請，茲從迂評本、凌本。集解云：『各本謂作請，緣上文請字而誤。御覽九百五十一引作謂，今據正。』^{△△△△△}君已見孔子，亦將視子趙本君誤作已，茲從乾道本、迂評本、凌本。乾道本、趙本重孔子二字，茲從迂評本、凌本。趙本視子誤作視之。茲從乾道本、迂評本、凌本。拾補云：『已，張凌本作君，凌本不重孔子，藏本、凌本之作子。』[△]識誤云：『今本下子字作之，誤。按孔子二字不當更有。』^{△△△△△}視子猶蚤蚤謂輕視也。

魏惠王爲曰里之盟，將復立於天子。彭喜謂鄭君曰：『君勿聽。大國惡有天子，小國利之。若君與人不聽，魏焉能與小立之？』〔二〕

校釋 〔一〕曰里，^{△△}識誤云：『曰，韓策作九。』按曰里，地名。復立於集解云：『立於二字當衍，策無。』趙本注云：『復立，更置也。』纂聞云：『策吳注，大事記引韓非子云：戰國策所載，與此同。但止言魏王，而不言惠王。所謂將復立天子者，是時七國既稱王，不以周爲天子也。盟，不知何年，附載於觀慎王三年，魏惠王薨之前。』[△]翼義云：『策注，赧王四十二年，馬犯請梁城周，有復之之語，正此二十三年，復復其尊。』[△]正曰：按周紀復

之之文，謂許梁以鼎事，言將復尊周室也。『按復立，猶言復尊也。此謂六國稱王以後，魏與諸侯會於白里，欲復尊周爲天子也。』彭喜、鄭君識誤云：『彭策作房，鄭君策作韓王。按房當是旁之誤，彭旁同字也。鄭卽韓也。韓策有謂鄭王曰章；本書七術篇魏王謂鄭王曰：又困梁、鄭；六微篇公叔因內齊軍於鄭，皆可證也。』惡集解云：『烏路反。』若字，迂評本、凌本無，茲從乾道本、趙本。大小集解云：『策大小下並有國字。』晉人伐邢，齊桓公將救之。鮑叔曰：『太蚤。邢不亡，晉不敵；晉不敵，齊不重。且夫持危之功，不如存亡之德大。君不如晚救之以敵晉，其實利待邢亡而復存之，其名美。』桓公乃弗救。〔一〕

校釋 〔一〕邢，翼云：『姬姓國。』纂聞云：『春秋莊三十一年，狄犯邢，次年齊人救邢。此云晉人者，蚤，蚤通持，纂聞云：『荀子注，持扶翊也。』其實各舊本作齊實。集解云：『齊當爲其之誤，下其名美，此言其實利，明不當作齊。』按作其是，茲據改名美。各舊本作名實，美。識誤云：『實字衍。』按無實字是，茲據刪。子胥出走，邊候得之。子胥曰：『上索我者，以我有美珠也；今我已亡之矣，我且曰子取吞之。』候因釋之。〔二〕

校釋 〔一〕子胥，識誤云：『燕策云張丑。』集解云：『吳越春秋作伍子胥，與此同。』纂聞云：『史表、楚平王七年，伍員奔吳。』邊候，守邊之斥候也。集解云：『候，吏也，吳越春秋作關吏，欲執之。』且猶將也。釋，吳越春秋作舍，謂釋放也。

慶封爲亂於齊，而欲走越。其族人曰：『晉近，奚不之晉？』慶封曰：『越遠，利以避難。』族人曰：『是心也，居晉而可；不變是心也，雖遠越，其可以安乎？』〔一〕

校釋 〔一〕慶封篡聞云：『史記齊景公三年，慶封爲亂奔魯，遂奔吳。事詳襄二十八年左傳。』之往也，是心謂作亂之心也。

智伯索地於魏宣子，魏宣子弗予。任章曰：『何故不予？』宣子曰：『無故請地，故弗予。』〔二〕任章曰：『無故索地，鄰國必恐。彼重欲無厭，天下必懼。君予之地，智伯必驕而輕敵，鄰邦必懼而相親。以相親之兵，待輕敵之國，則智伯之命不長矣。』周書曰：『將欲敗之，必姑輔之；將欲取之，必姑予之。君不如予之，以驕智伯。且君何釋以天下圖智氏，而獨以吾國爲智氏質乎？』君曰：『善。』乃與之萬戶之邑，智伯大悅。因索地於趙，弗與；因圍晉陽，韓魏反之外，趙氏應之內，智氏自亡。〔三〕

校釋 〔一〕宣子識誤云：『宣策作桓，說苑權謀篇作宣。』集解云：『十過篇作宣，與此同。』任章識誤云：『說苑權謀篇作任增，按魏策與此同，古今人表中中有任章。』集解云：『淮南人間訓作任登，登增聲近。本書外儲說左上作王登，王卽壬之誤，任壬古通。章登蓋一人而二名耳。』請地集解云：『請當爲索，上下文並作索，策亦作索。』

〔二〕重欲篡聞云：『策注重猶多也。』智伯迂評本作智氏，茲從乾道本、趙本。拾補云：伯、張、凌本作氏。』

集解云：『策亦作氏。』周書集解云：『王應麟疑此爲蘇秦所讀周書陰符之類。』翼彙云：『玉海引通史云：周書與尚書相類，卽孔子刊約百篇之外，凡爲七十一章。』姑予迂評本、凌本作姑與，茲從乾道本、趙本。集釋云：『姑本作故，先也。』釋字、迂評本、凌本作惜，誤，茲從乾道本、趙本。纂聞云：『策注，何舍此而不爲？』按釋舍也，猶言不也，何釋以天下圖智氏，猶言何不以下圖智氏也。質集解云：『的也，存韓篇，則秦必爲天下兵質矣，義正同。』纂聞云：『質謂智氏之鋒聚於魏也。』吳注與之以地，猶質也。鮑注作資云：舍此不圖，適足爲智氏來伐之資也，皆非。』自亡集解云：『策自作遂，說苑亦作遂。』讀記云：『自乃因之誤。』集釋云：『自猶卽也，遂亦卽也。』按此以從策作遂爲是，遂終也，於是也。

秦康公築臺三年，荆人起兵，將欲以兵攻齊。任妄曰：『饑召兵，疾召兵，勞召兵，亂召兵。』君築臺三年，今荆人起兵，將攻齊，臣恐其攻齊爲聲，而以襲秦爲實也，不如備之。戍東邊，荆人輟行。〔一〕

校釋

〔一〕召兵，召如召禍之召，致也。此謂饑饉、疾疫、勞役、內亂，皆足招致敵國之兵也。築臺三年，則民

勞矣，故任妄恐齊兵襲秦。聲，新釋云：名也。戍，謂以兵防守也。輟行，或作輒行。雜志云：輒當爲輟，輟止也。言荆人知秦之有備，而止其行也。後魏文侯借道於趙章云：必將輟行，是其證矣。』

齊攻宋，宋使臧孫子南求救於荆，荆王大悅，許救之甚勸。臧孫子憂而反，其御曰：『索救而得，今子有憂色，何也？』臧孫子曰：『宋小而齊大，夫救小宋而惡於大齊，此人之所憂也，而荆王說，必

以堅我也。我堅而齊敵，荆之所利也。臧孫子乃歸，齊人拔五城於宋，而荆救不至。^{〔一〕}

校釋

「〔一〕」荆王各舊本無王字，茲從纂聞依宋策補。勸字，各舊本作歡。識誤云：「歡當從策作勸，高注勸力也。」按勸歡形近而誤，纂聞依策改爲勸，茲從之。惡字，迂評本、凌本作患，茲從乾道本。趙本、纂聞云：「惡猶仇也，或作患，非。」

魏文侯借道於趙而攻中山，趙肅侯將不許。趙刻曰：「君過矣。魏攻中山而弗能取，則魏必罷，罷則魏輕，魏輕則趙重。魏拔中山，必不能越趙而有中山也。是用兵者魏也，而得利者趙也。君必許之。許之而大勸，彼將知君利之也，必將輟行。君不如借之道，示以不得已也。」^{〔二〕}

校釋

「〔一〕」而攻猶以攻也。肅侯、纂聞云：「策無肅字，魏文、趙肅相去殆六十年，宜作烈侯爲正。」刻字、識誤云：「趙策作利。」罷、纂聞云：「音疲。」許之二字，乾道本不重，茲從迂評本。趙本、凌本、大勸二字，各舊本作大歡。識誤云：「藏本今本重許之，策有歡當從策作勸。」纂聞云：「歡謂示喜色也。」按歡字當爲勸之誤，上節許救之甚勸，亦誤作歡，茲依策改。大勸猶言甚力也。

鴟夷子皮事田成子，田成子去齊，走而之燕。鴟夷子皮負傳而從，至望邑。子皮曰：「子獨不聞涸澤之蛇乎？澤涸，蛇將徙，有小蛇謂大蛇曰：『子行而我隨之，人以爲蛇之行者耳，必有殺子。』不如相銜負我以行，人必以我爲『神君』也。」^{〔二〕}乃相銜負以越公道而行，人皆避之，曰：「神君也。」今子美

而我惡，以子爲我上客，千乘之君也；以子爲我使者，千乘之卿也。子不如爲我舍人。」田成子因自傳而隨之，至逆旅，逆旅之君待之甚敬，因獻酒肉。」

校釋

〔一〕鴟夷子皮，識誤云：『墨子非儒篇，乃樹鴟夷子皮於田常之門，卽其事也。說苑臣術篇，陳成子謂鴟夷子皮。』纂聞云：『春秋末，稱鴟夷子皮者有三：一、楚之賢人，說苑云：鴟夷子皮日侍於屈春，是也；一、齊之商人，詭稱范蠡變姓名者，太史列之貨殖傳，是也；又一、卽田氏之黨人也。汜論訓，私門成黨，而公道不行，故使田常、鴟夷子皮得成其難，注殺簡公之難也。』傳、迂評注云：『信也，以繒帛爲之，出入關合信。』翼毳云：『周禮司關，凡所達貨財，則以節傳出之。如淳曰：兩行書繒帛，分持其一，出入關合之，乃得適，謂之傳。又古今注，凡傳皆以木爲之，長五寸，書符信於上，又以一板封之，皆封以御史印章，所以爲信也。若今過所矣。』澤涸集解云：『各本作涸澤，誤倒。』藝文類聚九十六，御覽九百三十三，事類賦二十八引作澤涸，今據乙。穀子下，集解依事類賦引補者子二字，茲仍從各舊本。札記云：『按各本無者子二字，乃韓子原文，御覽、類聚引無者字，亦是，惟誤重子字耳。』韓子文本必有殺子，言子行而我隨之，必有殺子者，不如相負，負我以行也者，字省略，古書此例甚多。』相衡負翼，翼毳云：『凡蟲之負行者，兩喙相衡而負，故曰相衡負也。』人必乾道本無必字，茲從迂評本。凌本、拾補云：『人下脫必字。』集解云：『藝文類聚、御覽、事類賦引有必字。』神君、札記云：『屢見史記封禪書，韓子亦云神君，是其語已久。』

「二」而行二字、乾道本無，茲從迂評本、趙本、凌本。識誤云：『藏本、今本道下有而行二字，按不當有。』集解云：『而行二字不當省，藝文類聚、御覽、事類賦引亦有。』使者纂聞云：『使令之人，卽下舍人之類也。』舍人翼龜云：『師古曰：舍人，親近左右之通稱，後遂爲私屬官號。』逆旅翼龜云：『韋昭曰：旅客也，逆客而舍之也。』君字纂聞云：『宜作父，逆旅之父見下。』翼龜云：『君父二字篆文相似而誤。』

溫人之周，周不納客。問之曰：『客耶？』對曰：『主人。』問其巷而不知也，吏因囚之。君使人問之曰：『子非周人也，而自謂非客，何也？』對曰：『臣少也誦詩曰：普天之下，莫非王土；率土之濱，莫非王臣。今君天子，則我天子之臣也。豈有爲人之臣，而又爲之客哉？故曰主人也。』君使出之。『二』

校釋 「二」之周往周也。耶，識誤云：『周策無問之曰客四字，耶作卽，非姚校一本同此者是。』巷，各舊

本作巷人，茲從集解。集解云：『各本巷下衍人字，周策無，此涉上文而誤，御覽六百四十二引此無人字，茲據刪。』率，土纂聞云：『毛詩小雅北山篇，普作溥，策注普，徧率，循也。』翼龜云：『率，通作循，猶云周迴也。濱，猶上也，如海濱曰海上也。』出，翼龜云：『出之於獄也。』

韓宣王謂樛留曰：『吾欲兩用公仲、公叔，其可乎？』對曰：『不可。晉用六卿而國分，簡公兩用田成、闕止而簡公殺，魏兩用犀首、張儀而西河之外亡。』今王兩用之，其多力者樹其黨，寡力者借外權，羣臣有內樹黨以驕主，有外爲交以列地，則王之國危矣。『三』

校釋 「繆留」識誤云：「繆、韓策作繆，按繆、繆同字，本書難一篇作繆。」纂聞云：「策注：「繆、繆。」吳注：繆居尤反。漢有繆氏，通鑑大事記作繆。山曰：又見內儲。」犀首謂公孫衍也。集解云：「難一篇犀首，張儀作樓翟，餘亦不同。」纂聞云：「吳注：大事記、魏惠後十三年，張儀相魏，魏不事秦。秦以公孫衍代相，儀留魏四歲，後說襄王，久之乃去。二人更迭用，衍相儀留，猶兩用也。」

「借外權」猶言借外援，謂借外國之勢以爲援助也。有字。識誤云：「策作或，按或有同字。」驕主下，乾道本有內字，茲從迂評本趙本、凌本。識誤云：「此衍內字，策無。」列地各舊本作削地。雜志云：「削地，當爲列地。列，古裂字。良九三曰：良其限，列其資，大戴禮曾子天圓篇曰：割列，禮、管子五輔篇曰：博帶黎，大袂，列。荀子哀公篇曰：兩騶，列，兩服入廐，裂，分也，言借外權以分地也。韓策作或，外爲交，以裂其地，是其明證。列字，本作削，形與削相似，因誤爲削。說文：削，分解也，從刀，肖聲；製，繒餘也，從衣，削聲。今九經中分列之字多作裂，未必非後人所改。此列字若不誤爲削，亦必改爲裂矣。」按雜志說是，茲據改。

紹續昧醉寢，而亡其裘。宋君曰：「醉足以亡裘乎？」對曰：「桀以醉亡天下。康誥曰：毋彝酒。紹續者，常酒也；常酒者，天子失天下，匹夫失其身。」

校釋 「紹續」集解云：「御覽四百九十七引續作緇，無寐字。」纂聞云：「紹續，複姓，希姓錄收此。」亡裘謂遺失裘衣也。康誥上各舊本有而字。拾補云：「而字，孫云衍。」茲據刪集解云：「今在酒誥中，楊

子法言問神篇云：昔之說書者，序以百，而酒誥之篇俄空焉，今亡夫。是漢時已無酒誥，而康誥亦有佚文。後人纂輯酒誥，並康誥佚句亦併錯入，當據此訂正。『者常酒拾補云：『者字，舊誤在上，弊酒下，孫移正。』集解云：『孫移是，今從之。常酒，謂常飲酒也。』

管仲、隰朋從桓公伐孤竹，春往冬反，迷惑失道。管仲曰：『老馬之智可用也。』乃放老馬而隨之，遂得道。行山中無水，隰朋曰：『蟻冬居山之陽，夏居山之陰。蟻壤一寸，而仞有水。』乃掘地，遂得水。〔一〕以管仲之聖而隰朋之智，至其所不知，不難師於老馬與蟻。今人不知以其愚心而師聖人之智，不亦過乎？〔二〕

校釋 〔一〕從桓公伐孤竹集解云：『各本桓上有於字，伐上有而字。意林及御覽四百九十事類賦三十引並無於字而字，今據刪。』道行二字，或連讀屬上，茲分屬上下讀。翼毳云：『行字屬下句讀，非道行道也，行，行路也。管子問篇，關者，諸侯之陬隧也，而外財之門戶也，萬人之道行也。讀得道而往者，非也。』陽陰翼毳云：『山南曰陽，冬煖；山北曰陰，夏涼。』一寸而仞集解依意林及御覽卷三十七，又九百四十七事類賦引刪一字仞字，茲仍從各舊本。翼毳云：『月令廣義作蟻壤寸而有水，事文類聚亦無仞字，爾雅翊作蟻壤守而有水，壤守，即土封也，似亦有味。然李德裕蚍蜉賦，驗守壤而得泉，用此事也，未知孰是。』纂聞云：『謂蟻封高一寸，則其下深仞必得水也。』

「二」而隰朋釋詞云：「而猶與也，及也，而與聲之轉。」而師乾道本脫師字，茲從迂評本、趙本、凌本。識誤云：『藏本、今本有師字』

有獻不死之藥於荊王者，謁者操之以入。中射之士問曰：『可食乎？』曰：『可。』因奪而食之。王大怒，使人殺中射之士。中射之士使人說王曰：『臣問謁者曰：可食，臣故食之，是臣無罪，而罪在謁者也。且客獻不死之藥，臣食之，而王殺臣，是死藥也，是客欺王也。夫殺無罪之人，而明人之欺王也，不如釋臣。』王乃不殺。

校釋 「一」謁者纂聞云：『楚策注，謁者，掌賓客受事也。』操字，迂評本誤作躁，茲從乾道本、趙本、凌本。操，持也。中射，翼云：『史記陳軫傳云：中射，索隱曰：謂侍御之官也。詳十過篇。』臣問謁曰，集解云：『楚策三，重謁者二字，是也，此脫。』

田駟欺鄒君，鄒君將使人殺之。田駟恐，告惠子。惠子見鄒君曰：『今有人見君，則眡其一目，奚如？』君曰：『我必殺之。』惠子曰：『瞽兩目眡，君奚爲不殺？』君曰：『不能勿眡。』惠子曰：『田駟東欺齊侯，南欺荊王，駟之欺人，瞽也，君奚怨焉？』鄒君乃不殺。「二」

校釋 「一」眡字，集解云：『御覽三百六十六引作矐，下同，注云：大叶切，閉目也，蓋卽韓子舊注。玉篇，矐，閉一目也，本此爲訓，眡爲目旁，毛義稍隔。』纂聞云：『釋文，眡本作眡，瞬目也。』勿，猶不也。東欺各舊本作

東慢，茲從集解。識誤云：『慢讀爲謾。』集解云：『藝文類聚、御覽引慢並作欺，是也。下駟之欺人，正承此欺字言，明不當作慢，今據改。』瞽也，謂如瞽也。集解云：『瞽以閉目爲常，駟以欺人爲常，習與性成，又何尤焉？』
魯穆公使衆公子或宦於晉，或宦於荆。犁鉏曰：『假人於越而溺子，越人雖善遊，子必不生矣。失火而取水於海，海水雖多，火必不滅矣；遠水不救近火也。今晉與荆雖強，而齊近，魯患其不救乎？』
『(一)』

校釋 「一」宦字、或作官。集解云：『欲結援晉楚，故使公子宦焉。』犁鉏、纂聞云：『犁黎音近，史記作犁鉏，內儲黎且去仲尼，卽此人也，豈初事齊，復適魯歟？』假，借也。遊，翼彘云：『游通，浮行水上也。』山曰：此喻又見難勢、用人。』

嚴遂不善周君，周君患之。馮沮曰：『嚴遂相，而韓傀貴於君，不如行賊於韓傀，則君必以爲嚴氏也。』
『(二)』

校釋 「一」周君二字、各舊本不重。拾補云：『周君二字當重，』茲從之。不善周君，謂惡周君也。馮沮，識誤云：『卽周策之馮且也，沮且同字。』嚴遂，識誤云：『事與本書六微篇及韓策不同。』纂聞云：嚴遂、韓人，姓嚴，名遂，字仲子，史記、或書韓嚴，或書韓遂，乃其疎也。』行賊，蓋謂暗殺也。

張譴相韓，病將死，公乘無正懷三十金而問其疾。居一月，君問張譴曰：『若子死，將誰使代子？』

「答曰：『無正重法而畏上，雖然，不如公子食我之得民也。』張譴死，因相公乘無正。」

校釋 「一」公乘，纂聞云：「宦姓也，魏文侯臣有公乘不仁，見說苑。」君字，各舊本作自，集解依御覽引

於自上補公字，纂聞加韓王二字，茲依拾補改。

樂羊爲魏將而攻中山，其子在中山，中山之君烹其子而遺之羹，樂羊坐於幕下而啜之，盡一杯。文侯謂堵師贊曰：「樂羊爲我故，而食其子之肉。」答曰：「其子而食之，且誰不食？」樂羊罷中山，文侯賞其功而疑其心。「二」孟孫獵得麋，使秦西巴持之歸，其母隨之而啼，秦西巴弗忍而與之。孟孫適至而求麋，答曰：「余弗忍，而與其母。」孟孫大怒，逐之。居三月，復召以爲其子傅。其御曰：「曩將罪之，今召以爲子傅，何也？」孟孫曰：「夫不忍麋，又且忍吾子乎？」故曰：巧詐不如拙誠。樂羊以有功見疑，秦西巴以有罪益信。「三」

校釋 「一」而字，集解云：「治要御覽六百四十五，初學記十七引無而字，中山策亦無，說苑貴德篇而作以。」按而猶以也，詳見釋詞。啜，集解云：「藝文類聚七十三，御覽初學記引啜並作饗，淮南人間訓作啜三杯。」纂聞云：「策注，啜，飲也。」堵師贊，職誤云：「堵，魏策作堵，姚校云：後語作堵。」纂聞云：「堵師，姓也。春秋有堵師比，策作觀師贊，春秋後語與此同。」而食之且誰，集解云：「而，猶尚也，且，猶其也。」罷，集解云：「吳語章注，罷，歸也，謂樂羊歸自中山也。」

「持之歸」集解云：「各本作載之持歸，語重複。蓋一本作載之歸，一本作持之歸，校者誤合爲一。又誤乙持字於之字下耳。」治要、藝文類聚六十六、御覽八百二十二引無載字，說苑亦無，今據改。淮南子作持歸烹之。其母謂麀之母也。適至集解云：「各本適作歸，案歸至二字複，今據藝文類聚御覽引改。淮南子作孟孫歸求麀安在。」集釋云：「適，方也。」將集釋云：「猶則也。」下西巴二字，乾道本、趙本倒，茲從迂評本、凌本。集解云：「按上兩云西巴，此誤，治要正作西巴，今據改。」

曾從子善相劍也。衛君怨吳王，曾從子曰：「吳王好劍，臣相劍者也。臣請爲吳王相劍，拔而示之，因爲君刺之。」衛君曰：「子之爲是也，非緣義也，爲利也。吳強而富，衛弱而貧，子必往。吾恐子爲吳王用之於我也。」乃逐之。「一」

校釋「一」之爲各舊本作爲之，茲依纂聞乙補箋云：「當作之爲，轉寫誤倒，言子之爲此事也，非緣義，乃爲利耳。」逐之，乾道本脫之字，茲從迂評本、趙本、凌本。識誤云：「藏本今本逐下有之字。」

紂爲象箸而箕子怖，以爲象箸必不盛羹於土鍬，則必犀玉之杯。玉杯象箸必不盛菽藿，則必旄象豹胎。旄象豹胎，必不衣短褐而舍茅茨之下，則必錦衣九重，高臺廣室也。稱此以往，則天下不足矣。聖人見微以知明，見端以知末，故見象箸而怖，知天下不足也。「二」

校釋「二」而字，乾道本、趙本無，茲從迂評本、凌本。集解云：「按喻老有，御覽七百六十引亦有。」必不

……士銅乾道本趙本無必字，茲從迂評本、凌本。各舊本銅作簋，茲從集解。集解云：「喻老有必字，簋作簋，御覽七百五十九引同，今據改。」短褐，纂聞云：「短宜作短，荀子、豎褐注、僮豎之褐，亦短褐也。齊俗訓：短褐不掩形，列子：朕衣則短褐，釋文：短，音豎。方言：複襦也。說文：粗衣也。又敝布襦也。又檐揜短者曰短揜，有作短褐者，誤。又案墨子鄰有短褐，宋策作短褐，注：豎使之褐，吳注：一本短褐，姚注引韓文考異：短，一作短，方云：貨殖傳用短字，董彥遠、洪慶善皆辨古無短褐字，賈誼、禹貢、貨殖傳、班彪、劉平、張衡傳凡六見。班彪論漢書作短，又選則用下管切，是唐儒兩用之，故少陵以長纓爲對。而史記孟嘗傳、國策、墨子語皆傳寫之誤。今案國策短一作短，史記士不得短褐，司馬貞亦音豎。班彪王命論短字，韋昭曰：當作短。又淮南子巫馬期纓衣短褐，高誘無說，未必皆傳寫之誤。柳子厚亦嘗用之，安知韓公之必不然乎？兩存以俟知者。圓案作短者非，齊俗訓短褐不完，高誘云：楚人謂袍爲短，褐，大布也，謂高誘無說者，失考。」舍茅茨，集解云：「喻老作食於茅屋。」纂聞云：「屋蓋曰茨，以茅覆屋也。」明字，各舊本作萌。識誤云：「萌當作明。」纂聞依山氏正，茲從之。不足二字，迂評本、凌本作之不足，茲從迂評本、凌本。不足，謂不足滿其無窮之欲也。

周公旦已勝殷，將攻商蓋。辛公甲曰：「大難攻，小易服，不如服衆小以劫大。」乃攻九夷，而商蓋服矣。」

校釋 「一」商蓋集解云：「江聲曰：商奄也。」叢錄云：「蓋當是奄字之譌。」纂聞云：「墨子：周公旦東

處於商蓋，孟子、周公誅紂伐奄，注：奄，東方無道之國，又左傳祝鮀說伯禽始封事曰：因商奄之民，注：商奄，國名。又周紀正義云：魯爲大庭氏之故國，又是商奄之地。翼彘云：『左昭九年傳及武王克商，蒲姑、商奄，吾東土也。奄，疑蓋之別名。蓋奄皆訓覆，一義二字，猶荆楚一木二名也。』史記吳世家：公子蓋餘，左傳作掩餘，可見蓋之爲奄矣。周伐奄事，書序云：成王東伐淮夷，遂踐奄，又破斧。周公東征，四國是皇。傳云：四國，管、蔡、商、奄，然則商蓋二國名也。墨子路史並爲一國，蓋小國附近而若一，故兼稱矣。『辛公甲集解云：『即辛甲，周太史，見左襄四年傳。』一曰：辛尹，晉語所謂文王訪於辛尹者也。』翼彘云：『竹書紀年：帝辛三十九年，大夫辛甲出奔周。漢志有辛甲二十九篇，注：紂臣，七十五諫而去，周封之。』九夷纂聞云：『馬融曰：東方之夷有九種也。』

紂爲長夜之飲，懼以失日，問其左右，盡不知也，乃使人問箕子。箕子謂其徒曰：『爲天下主，而一國皆失日，天下其危矣。一國皆不知，而我獨知之，吾其危矣。』辭以醉而不知。〔一〕

校釋

〔一〕長夜飲，翼彘云：『殷紀評林考要云：紂爲淫樂，以百二十日爲一夜，謂之常夜飲，車行酒，騎

行炙，醉而忘其日辰。』甲子論衡云：傳語紂爲長夜之飲，言坐在深室之中，閉窗舉燭，故曰長夜。『懼字，各舊本誤作懼。』識誤云：『懼當作懼。』纂聞改爲娛，茲從識誤改。懼以失日，謂飲酒懼樂而忘時日之爲何日也。徒字，集解云：『御覽四百九十七引作從。』

魯人身善織屨，妻善織縞，而欲徙於越。或謂之曰：『子必窮矣。』魯人曰：『何也？』曰：『屨爲履之也，而越人跣行；縞爲冠之也，而越人被髮。以子之所長，游於不用之國，欲使無窮，其可得乎？』

〔一〕

校釋

〔一〕履縞集解云：『說文：履，履也，履，足所依也，是履爲足踐之通稱。禮王制正義云：生絹曰縞。鄭注：殷尚白而縞衣裳，是周以前衣裳皆用縞。玉藻：縞冠素紕，既祥之冠也，則周人惟冠用縞耳。』爲是也。爲可訓是，詳見集釋。履爲履之也，縞爲冠之也，猶俗語履是足穿的，縞是頭戴的。

陳軫貴於魏王，惠子曰：『必善事左右。夫楊、橫樹之卽生，倒樹之卽生，折而樹之又生。然使十人樹之，一人拔之，則無生楊矣。夫以十人之衆，樹易生之物，而不勝一人者，何也？樹之難，而去之易也。子雖工自樹於王，而欲去子者衆，子必危矣。』〔一〕

校釋

〔一〕陳軫識誤云：『魏策云：田需按田陳同字，軫當依策作需。』樹植也。卽字，集解云：『策作則，二字通。』則無生楊矣。迂評本、凌本則作卽，茲從乾道本、趙本。乾道本、趙本無矣字，茲從迂評本、凌本。集解云：『矣字策亦有。』夫以乾道本、趙本作至以，茲從迂評本、凌本。工猶善也。

魯季孫新弑其君，吳起仕焉。或謂起曰：『夫死者始死而血已血而衄，已衄而灰，已灰而土，及其土也，無可爲者矣。今季孫乃始血，其毋乃未可知也。』吳起因去之晉。〔一〕

校釋 「一」而衄[△]乾道本無而字，茲從迂評本、趙本、凌本。識誤云：「藏本今本有而字。」集解云：「按依上

下文當有而字。衄乃衄之俗字。廣雅：衄，縮也。又衄之假借。說文：衄，下云：朔而月見東方謂之縮衄。衄衄並音女六反，義相近，故通用。此言人血盡則皮肉皆縮。」翼彘云：「後漢段熲傳注：傷敗曰衄。」讀云：「衄，死血也。」按衄謂敗血，此言人見殺則有血，血變爲衄，衄變爲灰，灰變爲土，卽無可爲矣。集解以縮釋衄，未可從。及字、迂評本、趙本、凌本誤爲反，茲從乾道本。

隰斯彌見田成子田成子與登臺四望，三面皆暢，南望，隰子家之樹蔽之。田成子亦不言。隰子歸，使人伐之，斧離數創，隰子止之。其相室曰：「何變之數也？」隰子曰：「古者有諺曰：知淵中之魚者不祥。夫田子將有大事，而我示之知微，我必危矣。不伐樹，未有罪也；知人之所不言，其罪大矣。」乃不伐也。「二」

校釋 「一」暢謂無所掩蔽也。斧離數創，集解云：「離，割也，見儀禮士冠禮注。數音所矩反，言斧割其樹，創未多也。」纂聞云：「謂斧析其樹已創斷數處也。」數，集解云：「急也。」纂聞云：「集韻：數音速，賈生傳注：數，速也。」大事二字，迂評本、凌本作事事大三字，茲從乾道本、趙本。

楊子過於宋東之逆旅，有妾二人，其惡者貴，美者賤。楊子問其故。逆旅之父答曰：「美者自美，吾不知其美也；惡者自惡，吾不知其惡也。」楊子謂弟子曰：「行賢而去自賢之心，焉往而不美。」

〔一〕

校釋

〔一〕楊子集解云：『莊子山木篇、楊作陽，釋文、司馬云：陽朱也。按楊陽二字古通，本書自作楊，下楊朱之弟及此皆作楊，東之當依莊子作宿於下，重逆旅字。』行集解云：『音下孟反，去音起呂反。』

衛人嫁其子而教之曰：『必私積聚，爲人婦而出，常也；其成居，幸也。』其子因私積聚，其姑以爲多私而出之。其子所以反者，倍其所以嫁。其父不自罪於教子非也，而自知其益富。今人臣之處官者，皆是類也。〔一〕

校釋

〔一〕衛人纂聞云：『汜論訓作宋人。』出謂出妻也。成居集解云：『書益稷鄭注：成，猶終也。周語：成，德之終也。終與同居，未可必也。』反字，迂評本、凌本作自反，茲從乾道本、趙本。拾補云：『反上脫自字，張凌本有。』集解云：『御覽五百四十一引此正同，張凌本涉下文而衍自字耳。』自知，識誤云：『知，讀爲智。』纂聞云：『知音智，以其子多得財爲智也。又見呂覽。』今字，乾道本誤作令，茲從迂評本、趙本、凌本。是類，謂人臣處官而貪污，猶教子多私之類也。

魯丹三說中山之君而不受也，因散五十金，事其左右。復見，未語，而君與之食。魯丹出而不反舍，遂去中山。其御曰：『及見，乃始善我，何故去之？』魯丹曰：夫以人言善我，必以人言罪我。未出境，而公子惡之曰：『爲趙來閒中山，』君因索而罪之。〔一〕

校釋 「一」及字、乾道本、迂評本作反，茲從趙本、凌本。識誤云：『藏本今本反作及。』集解云：『及反形相近，又涉上文而誤，今據改。御覽引及見二字作交。』

田伯鼎好士而存其君，白公好士而亂荆，其好士則同，其所以好士之爲則異。公孫支自刑而尊百里，豎刁自宮而諂桓公，其自刑則同，其所以自刑之爲則異。慧子曰：『狂者東走，逐者亦東走，其東走則同，其所以東走之爲則異。故曰：同事之人，不可不審察也。』「二」

校釋 「一」所以好士之爲各舊本無好士之三字。集解云：『以下當有好士之三字。此謂其好士則同，其所以好士之爲則異。下文其自刑則同，其所以自刑之爲則異；其東走則同，其所以東走之爲則異，與此語句一律，明此脫好士之三字。淮南時則訓注爲故也。』按纂聞亦補好士之三字，茲從之。支字各舊本作友。拾補云：『友當作支。』集解云：『盧說是，左傳作枝，枝支同字。』纂聞改作支，茲從之。所以自刑乾道本、趙本無以字，茲從迂評本、凌本。慧子拾補云：『慧惠同。』狂字迂評本、趙本、凌本作往，茲從乾道本。

說林下

釋題 本篇乾道本、趙本、凌本屬第八卷第二十三篇，而迂評本、藏本則與前篇合爲一篇。按本篇與前篇體例相同，分爲上下者，以篇幅繁耳。

提要 本篇要旨在條說故事三十餘項，而爲說不同，與前篇同，要亦足以益人神智也。

考證 本篇篇目及篇首伯樂教二人相踈馬至三蝨相與訟十六條，藏本無，蓋沿元何荊本而佚。茲依乾道本、趙本、凌本而補足之，且依古本分爲上下篇云。至本篇是否出於韓非，則詳見前篇，不贅。

伯樂教二人相踈馬，相與之簡子廐觀馬。一人舉踈馬，其一人從後而循之，三撫其尻，而馬不踈，此自以爲失相。〔一〕其一人曰：『子非失相也。此其爲馬也，踈肩而腫膝。夫踈馬也者，舉後而任前，腫膝不可任也，故後不舉。子巧於相踈馬，而拙於任腫膝。』夫事有必歸，而以有所腫膝而不任，智者之所獨知也。惠子曰：『置猿於柙中，則與豚同。』故勢不便，非所以逞能也。〔二〕

校釋 〔一〕伯樂，翼、雋云：『晉大夫郵無恤，伯樂其字也。左傳杜注：王良也。按淮南諸書以伯樂、王良爲二人，且爲秦穆公臣者，並非。』舉踈馬，其一人六字，乾道本重，茲從迂評本、趙本、凌本。識誤云：『今本無此六字，按有者衍也。』集解以此六字當在下文，自以爲失相上，未可從。讀云：『舉，謂就馬羣而指命之也。』

纂聞云：『漢武帝詔馬或奔蹏注、聲類曰蹏、蹏也，杜計切。』按一人舉蹏馬，謂其中之一人指某馬之後足能蹏也。循翼龜云：『謂旋繞往來也。』此謂此人也。失相謂相馬而過也。

〔二〕踳肩增讀云：『短肩也，踳，音倭。』腫膝謂馬膝大者，舉後而任前，謂蹏馬舉後足而着前足於地，猶

能立也。腫膝之馬不能僅賴前足而立，故曰腫膝不可任。任，腫膝三字，乾道本作任在腫膝而不任拙於腫膝，茲從迂評本、趙本、凌本。識誤云：『乾道本任下有在腫膝而不任拙於八字，按有者衍也。』平議云：『乾道本錯誤不可讀。疑韓子原文本作子巧於相蹏馬，而拙於在腫膝。在者，察也。蓋徒知其爲蹏馬而不能察知其爲腫膝之不可任也。補箋云：『任，亦有察誼。』呂覽察今篇，此任物亦必悖矣，任物，謂察物也。淮南人間訓，知人之所爲，知人之所行，則有以任於世矣，任於世，謂察於世也。楚辭，精色內白，類可任兮，類可任，猶言類可觀，觀與察同誼也。史記夏本紀，禹乃行相地宜所有以貢，河渠書則云任土作貢，任土，即行相地宜所有之意，是任亦察也。並任有察誼。任，訓察，其本字疑當爲覲。說文，覲，察視也。或爲覲，說文，覲，內視也。任，覲，覲古音並相近。俞樾謂任爲在誤，失之。』

衛將軍文子見曾子，曾子不起，而延於坐席，正身於奧。文子謂其御曰：『曾子，愚人也哉！以我爲君子也，君子安可毋敬也？以我爲暴人也，暴人安可侮也？曾子不僂，命也。』

校釋 〔一〕延，翼龜云：『魯語注，延，進也。曲禮注，延，導之也。又高紀，謝之延上坐。』正身於奧，集解據御

覽引於身下補見字，茲仍從各舊本。集解云：『說文：奧，宛也。室之西南隅，謂藏室之尊處也。己處於尊，客坐於旁，故文子以爲侮而不敬也。』翼云：『曲禮：爲人子者，居不主奧，疏：主猶坐也。室中西南隅謂之奧。正身坐如尸，卽主也。賈誼新書：尋常之室，無奧剽之位，則父子不別，奧，上位也，剽，末位也。荀子注：剽，末也。』
翼云：『辱也。』命字，纂聞云：『宜作卒，形之誤也，卒，卽幸字。』

鳥有翮翯者，重首而屈尾，將欲飲於河，則必顛，乃銜其羽而飲之。人之所有飲不足者，不可不索其羽也。〔一〕

校釋 〔一〕翮翯，拾補云：『文選阮嗣宗詠懷詩：周周尙銜羽，李善注引此亦作周周。』識誤云：『翮周同字，集韻云：翮，弱羽者，卽此。』

鍾似蛇，蠶似蠋。人見蛇則驚駭，見蠋則毛起。漁者持鍾，婦人拾蠶，利之所在，皆爲賁諸。〔二〕

校釋 〔一〕鍾，集解云：『卽鐺段字。』持字，集解云：『事類賦二十九引作取，下七術篇作握。』賁諸，內儲作孟賁。翼云：『賁，孟賁，衛人，諸，專諸，吳人，皆古之勇士。言利之所在，忘其所驚駭，而皆爲孟賁專諸之勇矣。』

伯樂教其所憎者，相千里之馬，教其所愛者，相駑馬。千里之馬時一，其利緩；駑馬日售，其利急。此周書所謂『下言而上用者惑也。』〔一〕

校釋 「一」千里之馬時一、集解據藝文類聚御覽引作以千里之馬時一有，茲仍從各舊本。按時一、謂

不常有也。惑扎遼云：『此所引蓋逸周書佚文。淮南子汜論訓云：昔者周書有言曰：上言者下用也，下言者上用也；上言者常也，下言者權也。高注：用，可否相濟也。常，謂君常也。權，謀也。謀度事宜，不失其道。兩文同出一原，而意旨皆不甚明晰。以高說推之，似謂上言而下用之者，爲事之常；下言而上用之者，則爲權時暫用。權與常相對爲文。故文子道德篇亦云上言者常用也，下言者權用也，卽隱襲淮南書語，尙得其指。此云下言而上用者惑也，惑古字與或通用，或亦不常用之言，與淮南子文子言權略同。韓子引之者，以况千里馬時一其利緩，猶下言上用之不可爲常耳。』補箋云：『讀惑爲或是，此謂卑下之言，而適用於上流社會者，乃時或用之，不可常用也。』

桓赫曰：『刻削之道，鼻莫如大，目莫如小。鼻大可小，小不可大也；目小可大，大不可小也。舉事亦然，爲其後可復者也，則事寡敗矣。』「二」

校釋 「一」桓赫職誤云：『未詳，或桓當是杜也。』爲其後各舊本作爲其不，茲依集解據張榜本改。拾補謂不字衍，纂聞改不爲必，均未可從。按爲猶如也，爲其後可復，謂如事後可復按者也。

崇侯惡來知不適紂之誅也，而不見武王之滅之也；比干子胥知其君之必亡也，而不知身之死也。故曰：崇侯惡來知心而不知事，比干子胥知事而不知心。聖人其備矣。」「二」

校釋 〔一〕適集解云：『書大傳一注、適得也。按訓適爲得，未洽。適當讀爲敵，猶言犯也，知不適紂之誅，謂知不犯紂之誅責也。』知事集解云：『崇侯惡來二人竊見紂心之喜怒，而不明國事興廢，比干子胥二人能料國事之成敗，而不知己之生死。』

宋太宰貴而主斷，季子將見宋君。梁子聞之曰：『語必可與太宰三坐乎？不然，將不免。』季子因說以貴生而輕國。〔二〕

校釋 〔一〕三坐，識誤云：『三讀爲參，高誘注戰國策云：參，三人並也。』纂聞云：『三坐，宋君、太宰、季子同坐也。』貴生，各舊本作貴主。識誤云：『主當作生，呂氏春秋有貴生，卽其義。宋君貴重其生，輕賤其國，則太宰長擅宋，故參坐而無惡於太宰矣。』按作生是，茲據改。

楊朱之弟楊布，衣素衣而出，天雨，解素衣，衣緇衣而反，其狗不知而吠之。楊布怒，將擊之。楊朱曰：『子母擊也，子亦猶是。曩者使女狗白而往，黑而來，子豈能毋怪哉！』

校釋 〔一〕緇，翼龔云：『黑色。』女與汝同。

惠子曰：『羿執珧持扞，操弓關機，越人爭爲持的，弱子扞弓，慈母入室閉戶，故曰：可必，則越人不可必，則慈母逃弱子。』〔二〕

校釋 〔一〕執珧持扞，各舊本珧作鞬。雜志云：『鞬，爲馬頸韉，非射所用。鞬當爲決，決誤爲決，後人因誤

爲鞅耳。決，謂鞅也，箸於右手大指，所以鉤弦也。扞，謂鞅也，或謂之拾，或謂之遂，箸於左臂，引以扞弦也。故曰：執決持扞，操弓關機。衛風芄蘭篇：童子佩鞅，毛傳曰：鞅，決也。小雅車攻篇：決拾既伏，毛傳曰：決，鉤弦也，拾，遂也。周官繕人掌王之用弓弩矢箠，矰戈抉拾，鄭注：引鄭司農云：抉，謂引弦彊也，拾，謂鞅扞也。鄉射禮：袒決遂，鄭注曰：決，猶關也，以象骨爲之，箸右大擘指，以鉤弦關體也；遂，射鞅也，以韋爲之，箸左臂，所以遂弦也。內則云：右佩決捍，賈子春秋曰：丈夫釋決軒，決決並與決同，捍軒並與扞同。關機，翼肅云：『關，彎通，引滿也，說文：主發謂之機，外儲，一曰犯機。』纂聞云：『機，弩牙也。』扞弓，各舊本作扞弓，雜志云：『扞弓當作扞弓，扞字从于，不从干，扞弓，引弓也。說文：𢇛，滿弓有所嚮也，字或作扞。大荒南經：有人方扞弓射黃蛇，郭注曰：扞，挽也，音紆。呂覽壅塞篇：扞弓而射之，高注：扞，引也。淮南原道訓：射者扞烏號之弓，高注：扞，張也。弱子扞弓，則矢必妄發，故慈母入室閉戶。若作扞禦之扞，則義不可通。今本呂覽淮南扞字皆誤扞，惟山海經不誤，則賴有郭音也。』按作扞是，茲據改。

桓公問管仲曰：『富有涯乎？』答曰：『水之以涯，其無水者也；富之以涯，其富已足者也。人不能自止於足而亡，其富之涯乎？』〔一〕

校釋 〔一〕仲曰：各舊本無曰字，茲依纂聞補。涯，集解云：『說文：厓，下云：山邊也，又崖，高邊也，皆有邊義。新附云：涯，水邊也，水至於邊，則無水矣，是涯爲水之止境。許書收韓子而無涯字，疑有脫文。』以涯，集釋云：

「以猶至也及也。」富之乾道本作以富之，茲從迂評本。趙本、凌本而亡二字，或屬下讀，而讀亡爲忘，誤。按亡謂死亡，謂人不知足而死，與貪夫殉財之意相似。

宋之富賈有監止子者，與人爭買百金之璞玉，因佯失而毀之，負其百金，而理其毀瑕，得千溢焉。事有舉之而有敗，而賢其毋舉之者，負之時也。」

校釋 「一」負，扎遼云：「負其百金者，謂償其值百金，負猶後世言陪也。韓詩外傳：子產之治鄭一年，而負罰之過省。魏書刑法志云：盜官物一備五，私物一備十。通鑑宋紀胡三省三注云：備，陪償。今人多云陪，備，負陪，聲近字通，今俗作賠，古無此字。」理瑕，纂聞云：「攻玉曰理，玉病曰瑕。」溢字，迂評本、趙本、凌本作鎰，茲從乾道本。識誤云：「今本溢作鎰，誤。」按二十四兩曰溢。事有猶言事或也。時，纂聞云：「謂舉事者或有始敗而終利者，人見其始敗，乃以無舉者爲賢，不知此乃聰慧如監止子者償百金得千鎰之時也。」札記訓時爲是，未可從。

有欲以御見荆王者，衆騶妒之，因曰：「臣能擻鹿。」見王，王爲御，不及鹿，自御及之。王善其御也，乃言衆騶妒之。」

校釋 「一」騶，翼彙云：「左傳使訓羣騶知禮，周禮注：每廐爲一閑，有趨馬十八人。」擻，拾補云：「音窳，旁擊也。」翼彙云：「擻，微通，封禪文：微麋鹿之怪獸，微，遮也，能要擊鹿之技也。」

荆令公子將伐陳，丈人送之曰：『晉強，不可不慎也。』公子曰：『丈人奚憂？吾爲丈人破晉。』丈人曰：『可，吾方廬陳南門之外。』公子曰：『是何也？』曰：『我笑句踐也，爲人之如是其易也，己獨何爲密密十年難乎？』〔一〕

校釋 〔一〕公子集解云：『左傳哀十六年，楚公孫朝帥師伐陳，杜注：子西子，此言公子，當即公孫朝。』將讀去聲，謂統兵也。廬，纂聞云：『凶居也。』集解云：『公子方伐陳，丈人即爲廬於南門之外，較公子所說爲更易矣。』翼龜云：『左傳廬於曹，注：廬，舍也。此謂吾方寄止其地而觀子之取敗矣。』爲人，纂聞云：『爲，猶如也。』己字，迂評本、趙本、凌本作已誤，茲從乾道本。集釋云：『其，彼也，字或作己。』左傳夫己氏，又引詩彼己之子，己當訓彼，讀渠之切。纂聞云：『己，指句踐也。』密密，纂聞云：『密如忠孝篇，愧密之密，密密，謂密勿勤苦也。』山曰：越語，范蠡曰：夫十年謀之，而一朝棄之，其可乎？斟補云：『按密勉一聲之轉，密密，猶詩密勿。』詩小雅，十月之交，黽勉從事，漢書劉向傳引作密勿，顏注：猶黽勉也，是其誼。』

堯以天下讓於許由，許由逃之，舍於家人，家人藏其皮冠。夫棄天下而藏其皮冠，是不知許由者也。〔二〕

校釋 〔一〕家人新釋云：『稼人，謂農家。』藏其皮冠，蓋恐許由竊之也。纂聞云：『代醉引唐子西云：許由不受堯之天下，逃諸逆旅，逆旅人疑其竊皮冠，此雖寓言，然人誠見相遠，奚啻天壤，其不知心者，往往類』

此。」

三蝨相與訟，一蝨過之，曰：『訟者奚說？』三蝨曰：『爭肥饒之地。』一蝨曰：『若亦不患臘之至而茅之燥耳，若又奚患？』於是乃相與聚嘬其母而食之。羸人乃弗殺。

校釋 〔一〕相字上，集解據御覽引增食羸二字，茲仍從各舊本。若亦不患臘之至而茅之燥耳，集解云：

『說文：臘，冬至後三戌，臘祭百神。詩：汝墳，釋文：楚人名火曰燥耳。讀爲耶。言若不患臘祭之日，至而人之燥以茅耶？』纂聞云：『燥，宜作燠，若汝也。臘，祭名。秦紀正義：十二月臘日也。音盧。盍反。莊子：濡需者，豕蝨是也。擇疏鬣，自以爲廣宮大宮，奎蹄曲隈，乳間股脚，自以爲安室利處，而不知屠者之一旦鼓臂，布草操煙火，而已與豕俱焦也。』翼壽云：『後漢楊敞傳：歲時伏臘，烹羊炰羔，茅膏類以茅燭去羸毛而炮之也。耳當作耶。』按臘日，卒則烹羸而燥以茅，寄食於羸之蝨亦隨之俱斃，故一蝨問三蝨曰：汝亦不以臘之至與茅之燥爲患耶？而猶與也，燥謂火烈也。聚嘬其母，集解據御覽引改母爲身，茲仍從各舊本。纂聞云：『嘬，苦怪反，孟子注：相與食之也。斃者，蝨所由生，故謂之母。』臘，翼壽云：『少肉。』

蟲有蝮者，一身兩口，爭相齧也，遂相殺，因自殺。人臣之爭事而亡其國者，皆蝮類也。

校釋 〔一〕蝮字，乾道本作就，趙本、凌本作虺。宋本注云：『或作虺。』趙本注云：『或作虺。』拾補云：『虺，皆非，據顏氏家訓勉學篇改正作虺，下虺字當併改。』識誤云：『古今字詁林，亦古之虺字，舊注當云』

或作虺，藏本今本皆作虺。王潤云：洪興祖楚辭注引及柳子厚天對亦作虺也。集解云：『御覽九百五十一引正作虺字。』翼彙云：『佩文、虺作虺，慧琳音義蛇虺注引同，蛇注、虺一身兩口，頭尾相似。按博古圖蟠虺，或作 \cup ，或作 ∞ ，即已篆文 ∞ ，已蛇也。蓋兩頭蛇或謂之虺。』按作虺是，茲據改。爭相齧也，遂相殺，因自殺十字，迂評本藏本爭下有食字，趙本、凌本相殺作相食，集解據顏氏家訓作爭食相齧遂相殺也八字，茲從乾道本。

宮有塋，器有滌，則潔矣。行身亦然，無滌塋之地，則寡非矣。〔一〕

校釋 〔一〕滌 \triangle 塋 \triangle 翼彙云：『釋名、塋、亞也，先泥之，以灰飾之也。滌，謂以漆流洒器也。人而日日修潔，至於無滌塋之地，則其過寡矣。非讀爲知四十九年之非之非。』

公子糾將爲亂，桓公使使者視之。使者報曰：『笑不樂，視不見，必爲亂。』乃使魯人殺之。〔二〕

校釋 〔一〕視 \triangle 不見 \triangle 翼彙云：『大學、心不在焉，視而不見。此與白公貫頤不知同事。』

公孫弘斷髮而爲越王騎，公孫喜使人絕之，曰：『吾不與子爲昆弟矣。』公孫弘曰：『我斷髮，子斷頸而爲人用兵。我將謂子何！』周南之戰，公孫喜死焉。〔三〕

校釋 〔一〕公孫弘 \triangle 纂聞云：『中山策吳注、按戰國有兩公孫弘，一在齊爲孟嘗君見秦昭王者，一在山，與漢平津爲三韓子所言，又一人也。』斷髮 \triangle 中原諸國蓄髮，與越俗斷髮不同。今公孫弘以周人而從越

俗，是謂以夷變夏，故公孫喜恥之。周南纂聞云：『周之南界，即伊闕也。史記、韓信王三年，使公孫喜率周魏之師攻秦，秦敗我二十四萬，虜喜於伊闕。』

有與悍者鄰，欲賣宅而避之。人曰：『是其貫將滿矣，子姑待之。』答曰：『吾恐其以我滿貫也，遂去之。故曰：物之幾者，非所靡也。』

校釋 「一」貫纂聞云：『字曰尙書，商惡貫盈，左傳使疾其民，以盈其貫，將可殪也。注：貫，猶習也。』矣字，迂評本、凌本作也，乾道本趙本作也，遂去之，故（趙本故作或）曰勿之矣。識誤云：『也當作矣。』集解云：『也遂去之，故曰勿之八字，涉下文而複衍，御覽一百八十引無，今據刪。』茲從之。去之，乾道本、趙本無之字，茲從迂評本、凌本、拾補云：『之字，張本有。』集解云：『御覽引有之字。』幾靡迂評注云：『幾，危也，靡，隨也。』翼龜云：『易云：君子見幾而作，不俟終日，又云：幾事不密，虞注：幾，初也。靡，讀若旗旂靡之靡。詩王風行邁靡靡，傳：靡靡，猶遲遲也。荀子不苟篇：靡之假之，注：猶緩之急之也。言物之幾微初發者，非所優游遲緩也。』

孔子謂弟子曰：『孰能導子西之釣名也？』子貢曰：『賜也能。』乃導之，不復疑也。孔子曰：『寬哉！不被於利，絜哉！民性有恆。曲爲曲，直爲直，子西不免。』白公之難，子西死焉。故曰：直於行者，曲於欲。』

校釋 「一」導翼翼云：『要略訓注、導、諫也。公孫弘傳、誠飾詐欲以釣名、顏師古注、釣、取也、若釣魚之謂也。』被猶言蔽也。絮與潔通。子西不免上各舊本有孔子曰三字。纂聞以此三字衍、茲據刪。集解以上文孔

子曰爲子西曰、蓋不知此孔子曰三字爲衍文也。直於行曲於欲、猶言無欲則剛也。

晉中行文子出亡、過於縣邑。從者曰：『此裔夫、公之故人、公奚不休舍、且待後車。』文子曰：『吾嘗好音、此人遺我鳴琴、吾好珮、此人遺我玉環、是不振我過者也、以求容於我者、吾恐其以我求容於人也。』乃去之。果收文子後車二乘、而獻之其君矣。

校釋 「一」文子纂聞云：『荀寅也、史記晉定公二十二年奔齊。』裔夫翼翼云：『書胤征、裔夫馳、注、主

幣之官。秦制、鄉有裔夫、職獄訟、收賦稅、漢有虎牢裔夫、所職不同、皆小臣之官。』鳴琴翼翼云：『梁元帝纂要、古琴名、有鳴簾、自鳴、傅玄琴賦序、齊桓公有鳴琴、曰號鐘、楚莊王有鳴琴、曰繞梁、宋玉風賦、中有鳴琴焉、臣援琴而鼓之。韓詩外傳、子賤治單父、彈鳴琴。』不振各舊本無不字。纂聞云：『補不字、說苑、是不非吾過者也、振、救也。荀子、武侯曰、天使夫子振寡人之過也、注、振、舉也。』纂聞云：『振上脫不字。孔子家語王肅注、引作是以不振吾過、自容於我者也。』集解云：『孟子趙注、振、揚也。』按有不字是、茲依纂聞補。

周趨謂宮他曰：『爲我謂齊王曰：以齊資我於魏、請以魏事齊。』宮他曰：『不可。是示之無魏也、齊王必不資於無魏者、而以怨有魏者。公不如曰：以王之所欲、臣請以魏聽王。齊王必以爲有魏也。』

也。必因公，是公有齊也，因以齊有魏矣。」

校釋 「一」周赧[△]迂[△]評注云：「魏人。」識誤云：「赧、魏策作肖，按又作霄，皆同字。」宮他[△]纂聞云：「東周策高注、周臣。」無魏有魏，謂於魏無權或有權也。纂聞云：「西周策，是公有秦也，注有謂得其意。楚策、韓公叔有齊魏，注得二國之援也。」以齊有魏各舊本作以有齊魏。識誤云：「有齊當作齊有，策云以齊有魏也，可證。」按識誤說是，茲據乙。

白圭謂宋大尹曰：「君長自知政，則公無事矣。今君少主也，而務名，不如合荆賀君之孝也，則己不奪公位，而大敬重公，則公常用宋矣。」「一」

校釋 「一」大尹[△]各舊本作令尹翼彘云：「戰國策作大尹，是也。宋無令尹，左哀二十六年杜注大尹近官有寵者。」纂聞依策改爲大尹，茲從之。長[△]讀去聲，動詞；君長[△]謂君成長也。知政[△]猶言主政也。無事[△]迂評注云：「謂失權也。」不奪公位[△]翼彘云：「策作不奪太后之事，蓋太后聞政而大尹攝事也。」尹[△]宋纂聞云：「策注見用於宋。」

管仲、鮑叔相謂曰：「君亂甚矣，必失國。齊國之諸公子，其可輔者，非公子糾，則小白也。與子人一事一人焉，先達者相收。」管仲乃從公子糾，鮑叔從小。國人果弑君，小白先入爲君，魯人拘管仲而效之，鮑叔言而相之。故諺曰：「巫咸雖善祝，不能自祓也；秦醫雖善除，不能自彈也。」以管仲之

聖而待鮑叔之助，此鄙諺所謂『虜自賣裘而不售，士自譽辯而不信』者也。」

校釋 「一」人事讀云：『人猶各也。』先達乾道本誤作相達，茲從迂評本、趙本、凌本。識誤云：『藏本今

本上相字作先。』按先達謂首先顯達也，效猶致也。巫咸翼龜云：『巫咸見書，又楚辭，巫咸將夕降兮，注，巫

咸，古神巫，當殷中宗之世。』秦醫乾道本作養秦醫，茲從迂評本、趙本、凌本。識誤云：『藏本今本無養字，按

未詳。』集解云：『按養字涉上下文善字而誤衍，此與上巫咸書祝對文，不當有養字。』斟補云：『按養即

下秦字誤義之文，秦醫如和緩是。』纂聞云：『秦醫謂扁鵲也。史記，扁鵲者，渤海郡鄭人，姓秦氏，名越人。秦

策吳注，周禮釋文引史記云：姓秦，名少齊，越人。今史記無少齊字，恐釋文爲是，彼時所見本未缺也，越人似

非名字。圓按繆稱訓駱醫以治病，注，駱醫，越醫也，則知秦少齊爲駱越之人明矣。正義云：家於盧國，因號盧

醫。酉陽雜俎，盧城之東，有扁鵲冢云：魏時針藥之士，以卮脂禱之，所謂盧醫也。圓謂盧醫即駱醫之音轉耳。

「除……彈翼龜云：『除，治也。方言，病愈者或謂之除。彈，以砭臧彈也。六反篇，彈，瘞者痛。』纂聞云：『秦策，

扁鵲請除，注，欲去其病也。』山曰：外儲，不能使人以半寸砥石彈之。』虜自賣裘，纂聞云：『索隱曰：虜，奴隸也。

虜自賣裘，謂奴隸賣裘則人以爲贓物而不買也。』

荆王伐吳，吳使沮衛馮融犒於荆師，荆將軍曰：『縛之，殺以戮鼓。』問之曰：『汝來，卜乎？』答

曰：『卜。』『卜吉乎？』曰：『吉。』荆人曰：『今荆將以女釁鼓，其何也？』答曰：『是故其所以吉也。』

吳使人來也，固視將軍。將軍怒，將深溝高壘；將軍不怒，將懈怠。今也將軍殺臣，則吳必警守矣。且國之下，非爲一臣卜。夫殺一臣，而存一國，其不言吉何也！且死者無知，則以臣擊鼓無益也；死者有知也，臣將當戰之時，臣使鼓不鳴。『荆人乃不殺也。』〔一〕

校釋

〔一〕歷融、漸補云：『融由一聲之轉，歷融即左傳昭五年厥由。』荆將軍，乾道本、迂評本作而將

軍，茲從趙本、凌本。識誤云：『今本而作荆。』乎曰，占三字，乾道本無，茲從迂評本、趙本、凌本。識誤云：『藏本、

今本有乎曰吉三字。』將以乾道本、趙本作將欲，茲從迂評本、凌本。拾補云：『欲，張凌本作以。』其何也？集

釋云：『其猶是也。』是故集釋云：『猶是則也。』使人迂評本、凌本作使臣，茲從乾道本、趙本。固視將軍，乾道

本、趙本作固視將軍怒，茲從迂評本、凌本。拾補云：『怒字衍。』擊鼓謂古戰時殺牲以祭，以血塗鼓也。翼

云：『說文：擊，血祭也。周禮：擊龜、注：擊者，殺牲以血之神之也。司馬法：血於鼙鼓者，神戎器也。』

知伯將伐仇由，而道難不通，乃鑄大鐘遺仇由之君。仇由之君大說，除道將內之。赤章曼枝曰：

『不可。此小之所以事大也，而今也大以來，卒必隨之，不可內也。』仇由之君不聽，遂內之。赤章曼

枝因斷轂而驅，至於齊七月，而仇由亡矣。〔二〕

校釋

〔一〕仇由，識誤云：『戰國策作公由，注：或作仇首，史記樗里子傳作仇猶，首者，首之誤。本書說林

上篇作仇由，同此。吳師道引此由作繇。呂覽權勳篇作夙繇，高繇注：或作仇會，夙、女之誤也，當互正。說文云：

臨淮有去猶縣，漢書地理志同。『道難不通』集解云：『呂覽作而無道也，難不二字疑衍其一。』札記云：『說文難，險也，險下云：阻難也。本書姦切弑臣篇云：乘舟之安，持機之利，則可以水絕江河之難矣，言可以水絕江河之險也。』楚辭九歌云：路險難兮獨後來。文選陸士衡君子行云：人道嶮而難，嶮同險，險難義同。道難不通，卽道險不通也。王疑有衍文，非。史記樗里子列傳正義引韓子此文，作道險難不通，明二字不衍。『說讀爲悅，除道猶今言修路也。』內讀爲納。赤章蔓枝識誤云：『蔓，呂氏春秋作蔓。』集解云：『枝，御覽五百七十五引作之。』纂聞云：『正義章作草。』卒必，乾道本作卒以，茲從迂評本。趙本、凌本。識誤云：『藏本今本以作必，呂氏春秋作必。』斷穀纂聞云：『高誘云：山中道狹，故斷車穀而行去也。』翼龜云：『周禮考工記，行澤者欲短穀，行山者欲長穀。短穀則利，長穀則安。是短穀疾利，故斷之也。』七月識誤云：『月當作日，呂覽云至衛七日。』集解云：『御覽引作十月。』札記云：『史記注引作十九日。』

越已勝吳，又索卒於荆而攻晉。左史倚相謂荆王曰：『夫越破吳，豪士死，銳卒盡，大甲傷。今又索卒以攻晉，示我不病也，不如起師與分吳。』荆王曰：『善。』因起師而從越。越王怒，將擊之。大夫種曰：『不可。吾豪士盡，大甲傷，我與戰必不克，不如賂之。』乃割露山之陰五百里以賂之。〔一〕

校釋 〔一〕倚相纂聞云：『見左昭十六年，至此五十八年。荆王，惠王也。』大甲翼龜云：『被大甲中式程者。漢書刑法志，魏氏武卒衣三屬之甲，服虔曰：作大甲三屬，竟人身也。史記仲尼弟子傳，重甲困於晉，穰

侯傳、魏氏悉其百縣勝甲以上成大梁，是大甲、重甲、勝甲皆同。』與字、趙本作以，茲從乾道本、迂評本、凌本。拾補云：『以張本作與。』識誤云：『藏本同，今本與作以，誤。』按與分吳，謂與越分吳地也。從越謂越索卒，而楚鮮從之，不以攻晉，而以攻越也。露山，竄聞云：『蓋在江淮之間，史記越滅吳而不能正江淮之北，楚東侵，廣地至泗上。』按露山之陰，謂露山以北之地也。

荆伐陳，吳救之，軍間三十里，雨十日，夜星。左史倚相謂子期曰：『雨十日，甲輯而兵聚，吳人必至，不如備之。』乃爲陳，陳未成也，而吳人至，見荆陳而反。左史曰：『吳反覆六十里，其君子必休，小人必食。我行三十里擊之，必可敗也。』乃從之，遂破吳軍。』

校釋 〔一〕軍間三十里，謂兩軍相距三十里也。星，識誤云：『說苑指武篇云：雨十日，十夜晴。按星正字作姓，說文：雨而夜除星見也。集韻有姓、晴、曜三文。』集解云：『姓，星疊韻，古文本通用。星，毛詩：星言夙駕，韓詩云：星者，精也，精，今晴字。漢書天文志：孟康注：曜，精明也，韋昭注：精，清明也。郭璞爾雅釋天注：曜，雨止無雲也。是曜、姓、精，皆今之晴字，而詩作星，與本書同，明古文通用星字。』甲輯而兵聚，謂甲冑集而未衣，兵器積而未執也。陳陳二字，均讀爲陣，下同。反覆，迂評本、凌本作反復，茲從乾道本、趙本。按反復與反復義同，謂來回也。君子，小人，新釋云：『君子，謂軍吏，小人士卒也。』按吳越春秋：乃發君子六千以與吳戰，注：君子，謂君所子養有恩惠者。又見國語。依此則君子與小人，蓋師旅之種別也。

韓趙相與爲難，韓索兵於魏曰：『願借師以伐趙。』魏文侯曰：『寡人與趙兄弟，不可以從。』趙又索兵攻韓，文侯曰：『寡人與韓兄弟，不敢從。』二國不得兵，怒而反。已乃知文侯以構於己，乃皆朝魏。」

校釋 〔一〕韓索兵各舊本作韓子索兵。識誤云：『子字衍，策無。』纂聞依策刪子字，茲從之。構，識誤云：『策作講，按構講同字。』按構與媾同，謂和解也。

齊伐魯，索讒鼎，魯以其賸往。齊人曰：『賸也。』魯人曰：『眞也。』齊人曰：『使樂正子春來，吾將聽子。』魯君請樂正子春。樂正子春曰：『胡不以其眞往也？』君曰：『我愛之。』答曰：『臣亦愛臣之信。』」

校釋 〔一〕讒鼎，識誤云：『呂覽審己篇、新序節士篇云岑鼎。』纂聞云：『左傳、讒鼎之銘曰：昧且丕顯，後世猶怠，注讒鼎名。』翼垂云：『新書作岑鼎，明堂位作崇鼎。左傳疏、服虔曰：疾讒之鼎，一云讒地名，禹鑄九鼎於甘讒之地。按讒讒音通，讒字亦作鏐，是鏐岑崇三字相似，故諸書謬誤耳。蓋爲地名者似是矣。』賸字，乾道本、趙本作雁，茲從迂評本、凌本。按賸雁同字，假物也。也齊人曰各舊本無人字，茲從纂聞補。樂正子春，識誤云：『呂覽、新序云柳下季。』愛之，乾道本作愛之信，茲從迂評本、凌本。牛議云：『信字衍文。』君曰我愛之者，指鼎言，君固愛鼎，不愛信也。涉下句而衍信字，則義不可通。』

韓咎立爲君未定也，弟在周，周欲重之，而恐韓之不立也。蔡毋恢曰：『不若以車百乘送之，得立，因曰爲戒，不立，則曰來效賊也。』

校釋 〔一〕在周，慕聞云：『韓策韓世家皆云在楚。』吳注、大事記、韓世家襄王十二年太子嬰死，公子咎、

公子蟻貳爭爲太子。蟻貳質於楚，楚欲內之，遂圍雍氏，蟻貳遂不得歸韓，韓立咎爲太子。國策與世家所載，

參錯重複，不可詳考。韓之各舊本作韓咎，茲依策改咎爲之。戒，纂聞云：『謂以車乘爲途中戒備。』效，集

解云：『致也。』按咎弟得立，則謂以車乘爲戒，示惠於咎弟；咎弟不得立，則咎弟爲咎之賊，因而致之，以德

於咎，是立與不立，兩皆有辭矣。集解以咎弟爲咎，誤。

靖郭君將城薛，客多以諫者。靖郭君謂謁者曰：『毋爲客通。』齊人有請見者曰：『臣請三言而已，過三言，臣請烹。』靖郭君因見之。客趨進曰：『海大魚，因反走。靖郭君曰：『請聞其說。』客曰：『臣不敢以死爲戲。』靖郭君曰：『願爲寡人言之。』答曰：『君聞大魚乎？網不能止，繳不能挂也，蕩而失水，螻蟻得意焉。今夫齊，亦君之海也。君長有齊，奚以薛爲？君失齊，雖隆薛城至於天，猶無益也。』靖郭君曰：『善。』乃輟不城薛。

校釋 〔一〕靖郭君，乾道本作靖郭君曰，茲從迂評本、趙本、凌本。識誤云：『今本無曰字，齊策無，新序雜事同，將作欲。』集解云：『御覽一百九十二引無曰字。』翼譌云：『靖郭君，孟嘗君父，田嬰也。』城薛，謂封

於薛而營城以居也。謁者謂門者。三言翼翬云：『三字也，如老子五千言。』聞字，策作不聞。繳不能絀，翼翬云：『戰國策淮南新序皆作釣不能牽。繳弋射也，絀，挂同。淮南子飛鳥不動，不挂罔羅也。』蕩纂聞云：『莊子吞舟之魚，鴈而失水，則蟻能苦之。策注蕩放也，言自放肆。』長讀平聲，謂長久也。隆纂聞云：『高也，墨子城爲隆五十丈。』輟不拾補云：『城上不字衍，齊策無。』識誤云：『新序作罷民弗城薛也。』集解云：『此當各依本書。輟乃輒之譌，本書輟輒多互亂。御覽一百九十二引乃不城薛，蓋不審輟爲輒之誤，而誤刪之也。』按輟，止也，止不城薛，亦通。

荆王弟在秦，秦不出也。中射之士曰：『資臣百金，臣能出之。』因載百金之晉，見叔向曰：『荆王弟在秦，秦不出也，請以百金委。』叔向受金，而以見之晉平公曰：『可以城壺丘矣。』平公曰：『何也？』對曰：『荆王弟在秦，秦不出也，是秦惡荆也，必不敢禁我城壺丘。若禁之，我曰爲我出荆王之弟，吾不城也。彼如出之，可以德荆，彼不出，是卒惡也，必不敢禁我城壺丘矣。』公曰：『善。』乃城壺丘。謂秦公曰：『爲我出荆王之弟，吾不城也。』秦因出之。荆王大說，以鍊金百鎰遺晉。〔一〕

校釋 〔一〕荆王弟集解云：『說苑權謀篇云楚公子午。』出謂釋放也。委字，乾道本、趙本作委叔向，茲從迂評本、凌本。纂聞云：『委，謂以事相託也。』城謂據爲己有，而營城以守之也。壺丘，乾道本、迂評本作壺丘，茲從趙本、凌本。集解云：『說苑正作壺丘。左傳、彭城降晉，晉人以宋五大夫在彭城者，歸寘諸瓠丘，注：瓠

丘、皆地河東東垣東南有帝丘。『德荆乾道本作得荆，茲從迂評本、趙本、凌本。斟補云：『得當作德，言示德於荆也，得爲段字。』鍊金白鑑識誤云：『藏本鍊作諫，鑑作溢，按作溢是也。諫當作練，練鍊同字也。』集解云：『御覽同，藏本誤不可從。淮南子：秦以一鑑爲一金而重一斤，漢以一斤爲一令。以百鑑鍊金遺晉，語自可通，毋庸改字。』纂聞云：『鍊金，卽鑠金，詳見五蠹篇。』

闔廬攻郢，戰三勝。問子胥曰：『可以退乎？』子胥對曰：『溺人者一飲而止，則無遂者，以其不休也，不如乘之以沈之。』〔一〕

校釋 〔一〕闔廬、翼毳云：『吳王光也，郢、楚都。』遂者乾道本作逆者，迂評本、趙本、凌本作溺者。識誤云：『藏本今本逆作溺，按所改誤也，逆當作遂，形近之誤。十過篇云：不可遂，又云：子其遂之。』按作遂是，茲據改。遂者二字宜重，謂溺人而使至於死也。沈之，翼毳云：『以溺人爲喻，故曰沈之。』

鄭人有一子將宦，謂其家曰：『必築壞牆，是不善人將竊。』其巷人亦云：『不時築，而人果竊之，以其子爲智，以巷人告者爲盜。』〔二〕

校釋 〔一〕鄭集解云：『說難篇作宋。』宦纂聞云：『言宦游他適也。』時築集釋云：『時，猶卽也。』

十過

釋題 本篇原爲第三卷第十篇。十過者，謂人主有十事之失，足以危身亡國也。

提要 本篇主旨，在以古事證明小忠、小利、行僻、好音、貪愎、耽於女樂、離內遠遊、不聽忠臣、內不量力、國小無禮之十過。篇首總揭十過之目，次分節以古事疏述之，體例頗似儲說。所述古事，多見他書，如小忠節，又見飾邪篇、左傳成十六年；呂覽權勳篇、淮南子人間訓、說苑敬慎篇；小利節，又見左傳僖二年及五年、公羊傳、穀梁傳、呂覽權勳篇、淮南子人間訓、新序善謀、行僻節，又見左傳昭四年；好音節，又見論衡感虛篇；貪愎節，又見國語、國策、淮南子人間訓、說苑權謀篇；女樂節，又見韓詩外傳、呂覽不苟篇、史記秦本紀、說苑反質篇；離內遠遊節，又見說苑正諫篇；不聽忠臣節，又見呂覽貴公及知接、管子戒篇、列子力命、莊子徐無鬼、淮南子精神訓、說苑權謀、史記齊世家；內不量力節，又見國策、國小無禮節，又見左傳、國語、呂覽上德篇、淮南子人間訓、道應訓、史記晉世家。詳見解詁及國字解。

考證 梁啓超云：『十過篇有庸鄙語，頗類管子中之一部分，是否出於非手，不能無疑。』（見要籍解題及其讀法）迂評云：『語多枝冗，不及左氏遠矣。』容肇祖以好音節漫引傳說，爲弗能必而據之。劉汝霖以本篇意少辭費，不聽忠臣節所述管仲之事與難一篇所論者衝突，因斷爲僞作。詳見考證要之，本篇

旨趣大體與韓非思想似無不合，然語多枝冗，則不能令人無疑也。

十過：一曰，行小忠，則大忠之賊也。二曰，顧小利，則大利之殘也。三曰，行僻自用，無禮諸侯，則亡身之至也。四曰，不務聽治，而好五音，則窮身之事也。五曰，貪復喜利，則滅國殺身之本也。六曰，耽於女樂，不顧國政，則亡國之禍也。七曰，離內遠遊，而忽於諫士，則危身之道也。八曰，過而不聽於忠臣，而獨行其意，則滅高名爲人笑之始也。九曰，內不量力，外恃諸侯，則削國之患也。十曰，國小無禮，不用諫臣，則絕世之勢也。〔三〕

校釋 〔一〕賊殘二字義同，猶言害也。僻翼毳云：『偏僻也。』至字纂聞訓爲極云：『其極必至亡身。』

讀記云：『至疑主字之誤。莊子養生主音義云：養生以此爲主也。此文義與彼同。』

〔二〕聽治猶言親政，謂考察治情也。翼毳云：『周禮大宰四曰官常，以聽官治。又曰：王砥治朝則贊聽治。』

音集解云：『音字下文有不已二字。』復翼毳云：『戾也。』按復謂剛復也。耽猶言沉溺也。女樂歌伎也。

〔三〕內纂聞云：『國內，忽略也。』絕世猶言絕後也。論語繼絕世書傳惟暴德之人，故絕世無後。翼毳云：『荀子彊國篇注世謂繼也。周禮注父死子立曰世。呂刑苗民無辭於罰，乃絕厥世。』

奚謂小忠？昔者楚共王與晉厲公戰於鄢陵，楚師敗，而共王傷其目。〔一〕酣戰之時，司馬子反

渴而求飲，豎穀陽操觴酒而進之。子反曰：『嘻，退，酒也。』豎穀陽曰：『非酒也。』子反受而飲之。子反之爲人也，嗜酒而甘之，弗能絕於口，而醉。共王欲復戰，令人召司馬子反，司馬子反辭以心疾。共王駕而自往，入其幄中，聞酒臭而還，曰：『今日之戰，不穀親傷，所恃者司馬也。而司馬又酒如此，是亡楚國之社稷，而不恤吾衆也。不穀無與復戰矣。』於是還師而去，斬司馬子反以爲大戮。故豎穀陽之進酒，不以讎子反也，其心忠愛之，而適足以殺之。故曰：行小忠，則大忠之賊也。

校釋

〔一〕奚謂猶言何謂也。共王，翼彘云：『莊王之子，名審。』纂聞云：『魏錡射王，中其左目。』鄢陵

翼彘云：『左傳杜注，鄢地，今屬潁川郡。』

〔二〕酣戰謂戰事正烈也。司馬統軍之司令，以官爲姓也。豎穀陽，豎一作豎，謂侍僮也。纂聞云：『豎、豎同。』楚語注，穀陽，子反之內豎也。高誘曰：豎，小使也。人間訓，呂覽作陽穀。翼彘云：『左傳穀陽豎，周禮內豎注，豎，不冠者之官名。』觴酒，謂觴與酒也。翼彘云：『吳語，觴酒豆肉，注，觴，爵名。呂覽作黍酒。』嘻字，呂覽作訾。釋詞云：『訾與訾同。說文，訾，苛也，苛與呵同。』翼彘云：『史記廉頗傳注，嘻，乃驚而怒之辭。』豎穀陽曰：非酒也。七字，乾道本脫，茲從迂評本、趙本、凌本。識誤云：『藏本有，今本穀上又有豎字。按本書飾邪篇有此句，而無酒字。』集解云：『呂覽有此七字，此脫。』

〔三〕甘謂甚嗜也。翼彘云：『書五子之歌，甘酒嗜飲，孔傳，甘嗜無厭足。』而醉猶言以醉，謂嗜酒而至於

醉也。復戰集解云：『飾邪篇復戰下有而謀事三字，此脫。』

〔四〕帷軍中帳幕也。不殺纂聞云：『高誘曰：不殺，不祿也。人君謙以自稱也。』老子云：『貴以賤爲本，高以下爲基，是以侯王自謂孤寡不殺。』親傷猶言身傷也。亡，識誤云：『當作忘，飾邪篇同。』按各舊本俱作亡，古與忘通，詳見釋詞。恤字，乾道本誤作言。茲從迂評本。趙本、凌本、斟補云：『按言係率訛，淮南人間訓作是亡，楚國之社稷而不率吾衆也，是其證。』按作恤是，恤謂愛惜也。無與二字，乾道本、迂評本、趙本、凌本均作無。拾補云：『與字脫，藏本有。呂覽淮南皆有，飾邪篇亦有。』集解云：『說苑與作以，義同。』按與猶言以也，詳見釋詞。無與復戰，謂不殺既傷，司馬又醉，無所恃以復戰也。如無與字，則無字當作不字解，義較遜。〔五〕不猶言非也，詳見集釋。讎字，纂聞云：『淮南子作欲禍。』按讎猶言害也。

奚謂顧小利？昔者晉獻公欲假道於虞以伐虢，荀息曰：『君其以垂棘之璧與屈產之乘，賂虞公，求假道焉，必假我道。』君曰：『垂棘之璧，吾先君之寶也；屈產之乘，寡人之駿馬也。若受吾幣，不假之道，將奈何？』荀息曰：『彼不假我道，必不敢受我幣。若受我幣而假我道，則是寶猶取之內府，而藏之外府也；馬猶取之內廐，而著之外廐也。君勿憂。』君曰：『諾。』乃以垂棘之璧與屈產之乘，賂虞公，而求假道焉。虞公貪利其璧與馬，而欲許之，宮之奇諫曰：『不可許。夫虞之有虢也，如車之有輔，輔依車，車亦依輔，虞虢之勢正是也。若假之道，則虢朝亡，而虞夕從之矣。不可，願勿』

許。』〔三〕虞公弗聽，遂假之道。荀息伐虢克之，還反處三年，興兵伐虞，又克之。〔四〕荀息奉馬操壁而報獻公，獻公說曰：『璧則猶是也，雖然馬齒亦益長矣。』故虞公之兵殆而地削者，何也？愛小利而不虞其害。故曰：顧小利，則大利之殘也。〔五〕

校釋 〔一〕虞虢翼義云：『虞太王之子虞仲之後也。虢王季之子虢叔之後也。』荀息翼義云：『晉大

夫荀叔也。左傳杜注：屈地生良馬，垂棘出美玉，故以爲名。四馬曰乘。自晉適虞，途出於虞，故借道。』幣本爲帛，古多用以爲贈品，引申爲賁賜賄賂之物，統稱曰幣。周禮：賁幣，注：玉馬皮帛也。假之道，翼義作假我道，茲仍從各舊本。傳校云：『按之猶彼也，猶言假彼以道也。』

〔二〕內府外府庫藏曰內府，外府則庫藏之在外者。周禮所謂內外府，唐時所設內外府，與此義別。

〔三〕輔翼義云：『兩旁夾車木也。呂覽高注：車牙也，輔頰也。左傳輔車相依，杜注：輔，牙車也。蓋泥於前有唇亡門塞之語，而爲此說，然非是也。』正是集釋云：『猶適是也。』願猶言望也，請也。

〔四〕克之還反四字，迂評本、凌本作而還，趙本作而還反，乾道本作之還反。識誤云：『藏本同，今本之還作而還誤，反字當在與字上，讀下屬。公羊傳云：還四年，反取虞，何休注：還復往，故言反。此出於彼也。四年者，并伐虢之年數之。穀梁傳云：五年，不合。本書喻老篇云：還反滅虞，亦可證。』平議云：『伐虢下，脫克字，下云又克之，正承此而言。呂覽權勸篇：荀息伐虢克之，還反伐虞，又克之，是其證。』集解云：『淮南人間訓與呂』

同，此之上脫克字，趙本改之爲而，屬下爲句，非是。反字當依顧移興字上，與呂覽淮南合。『按有克字是，茲據平議補還反二字爲複詞同義，還反處三年，謂伐虢而還反之後三年也。』

〔五〕操壁猶言持壁也。猶是翼毳云：『穀梁傳注言如故。』馬齒翼毳云：『馬以齒占歲，故謂馬年爲齒。曲禮齒路馬者有誅，疏齒年也。』按長讀上聲，馬齒益長，謂馬老也。兵殆猶言兵危也，兵敗也。虞字拾補云：『藏本作慮。』

奚謂行僻？昔者楚靈王爲申之會，宋太子後至，執而囚之，狎徐君，拘齊慶封。〔一〕中射士諫曰：『合諸侯，不可無禮，此存亡之機也。』昔者桀爲有戎之會，而有緡叛之，紂爲黎丘之蒐，而戎狄叛之，由無禮也。君其圖之。〔三〕君不聽，遂行其意。居未期年，靈王南遊，羣臣從而劫之，靈王餓而死乾溪之上，故曰行僻自用，無禮諸侯，則亡身之至也。〔四〕

校釋 〔一〕申翼毳云：『左傳注申在鄧州南陽縣三十里。』按爲申之會，謂會盟諸侯於申地也。會字乾道本趙本誤作命，茲從迂評本凌本拾補云：『命字譌。』狎宋本注云：『輕侮之也。』慶封翼毳云：『齊大夫。』

〔二〕中射士宋本注云：『官有上中下。』識誤云：『本書說林上下皆有中射之士，射他書又作謝。呂覽去有篇云中謝，細人也。』史記張儀列傳索隱云：『蓋侍御之官。此與左昭四年傳言椒舉不同。』扎遂云：『呂』

覽高注、中謝、官名也。謝與射通，字當以射爲正，蓋卽周禮夏官之射人也。楚策亦有中射之士，鮑注：射人之在中者。鮑不引周禮，似謂能射之人在中者，與余說微不同。中射者，射人之給事宮內者，猶涓人之在內者，謂之中涓，庶子之在內者，謂之中庶子矣。周禮：射人與太僕並掌朝位，又大喪與僕人遷尸。禮記檀弓云：扶君、卜人師扶右，射人師扶左。鄭注：卜，當爲僕，聲之誤也。僕人，射人，皆平時贊正君服位者，是射人與僕人爲官聯，故後世合二官以爲侍御近臣之名，曰僕射。漢書百官公卿表云：僕射，秦官，古者重武，官有主射以督課之，此義尙與古合。李涪刊誤引孔衍則云：僕射，小官，扶掖左右者也。此因後世僕射字音夜而爲之說，不足據也。『集解云：』係說是，舊注謂官有上中下，誤。『翼彞云：』中，若中謁之中。儀禮：燕禮，射人納賓，注：射人爲擯者也。』合會合也。

〔三〕有戎、有緡，宋本注云：『皆國名。』翼彞云：『左傳：戎作仍，古今韻會，仍字注，古今人表有仍君。集韻或作緡，亦有作戎。竹書紀年：帝癸十一年，會諸侯於仍。』釋詞云：『有，語助也，一字不成詞，則加有字以配之，如虞、夏、殷、周皆國名，而曰有虞、有夏、有殷、有周是也。』按有戎有緡之有字，亦此類也。黎丘，拾補云：『史記楚世家作黎山，左但云黎。』纂聞云：『黎丘，東夷國名。文選注：呂覽曰：梁國之北，地名黎丘。』蒐，春獵也。戎狄，拾補云：『左傳史記俱作東夷。』識誤云：『蒐下，當依史記左傳補而東夷叛之，幽王爲太室之盟二句，此上下二事各脫其半也。』

〔四〕期，一年也。纂聞云：『申會在魯昭四年，乾谿之難在十三年，此云未期年誤。』

奚謂好音？昔者，衛靈公將之晉，至濮水之上，稅車而放馬，設舍以宿。夜分而聞鼓新聲者而說之，使人問左右，盡報弗聞。〔一〕乃召師涓而告之曰：『有鼓新聲者，使人問左右，盡報弗聞，子爲我而寫之。』師涓曰：『諾。』因靜坐撫琴而寫之。師涓明日報曰：『臣得之矣，而未習也，請復一宿習之。』〔二〕靈公曰：『諾。』因復留宿，明日而習之，遂去之晉。晉平公觴之於施夷之臺，酒酣，靈公起曰：『有新聲，願請以示。』平公曰：『善。』乃召師涓，令坐師曠之旁，援琴鼓之。〔三〕未終，師曠撫止之曰：『此亡國之聲，不可遂也。』平公曰：『此奚道出？』〔四〕師曠曰：『此師延之所作，與紂爲靡靡之樂也。及武王伐紂，師延東走，至於濮水而自投。故聞此聲者，必於濮水之上。先聞此聲者，其國必削，不可遂。』平公曰：『寡人所好者音也，子其使遂之。』師涓鼓究之。平公問師曠曰：『此所謂何聲也？』〔五〕師曠曰：『此所謂清商也。』公曰：『清商，固最悲乎？』師曠曰：『不如清徵。』公曰：『清徵可得而聞乎？』師曠曰：『不可。古之得聽清徵者，皆有德義之君也。今吾君德薄，不足以聽。』平公曰：『寡人之所好者音也，願試聽之。』師曠不得已，援琴而鼓。一奏之，有玄鶴二，八道南方來，集於郎門之堦，再奏之而列，三奏之，延頸而鳴，舒翼而舞。音中宮商之聲，聲聞於天。平公大說，坐者皆喜。〔六〕平公提觴而起，爲師曠壽，反坐而問曰：『音莫悲於清徵乎？』師曠曰：『不如清角。』

平公曰：『清角可得而聞乎？』師曠曰：『不可。昔者黃帝合鬼神於泰山之上，駕象車而六蛟龍，畢方並鎔，^{〔七〕}蚩尤居前，風伯進掃，雨師灑道，虎狼在前，鬼神在後，騰蛇伏地，鳳皇覆上，大合鬼神，作爲清角。今吾君德薄，不足聽之，聽之將恐有敗。』^{〔八〕}平公曰：『寡人老矣，所好者音也，願遂聽之。』師曠不得已而鼓之，一奏之，有玄雲從西北方起，再奏之，大風至，大雨隨之，裂帷幕，破俎豆，墜廊瓦，坐者散走。^{〔九〕}平公恐懼，伏於廊室之間。晉國大旱，赤地三年。平公之身遂癘病，故曰不務聽治，而好五音不已，則窮身之事也。^{〔一〇〕}

校釋

〔一〕之管謂適晉也。濮水翼龜云：『陳地，說文水出東郡濮陽，南入鉅野。』稅車猶言稅駕也。翼

龜云：『文選西征賦注引作稅馬而牧，史記李斯傳索隱：稅駕猶解駕，言休息也。』夜分夜半也。纂聞云：『荀子注：分半也。』新聲謂新樂也。說讀爲悅。

〔二〕師涓纂聞云：『衛樂太師殷紂使師涓作新淫聲，師涓乃師延之誤，因并及之。』按姓譜云：『古者掌樂之官曰師，因以爲氏。』師涓、師延、師曠三人皆以官爲氏，而涓、延、曠乃其名也。我字各舊本無，茲依集解補。集解云：『史記樂書論衡紀妖篇御覽五百七十九引有我字。』纂聞云：『文選注引爲下有我字。』撫琴樂書作援琴，按撫、按也，援、取也。寫新釋云：『放敷也，淮南本經雷震之聲可以鐘鼓寫也。』按史記秦始皇本紀云：『秦每破諸侯，寫放其宮室，作之咸陽，注放效也。』寫放連文，故寫亦可訓放也。習新釋云：『

謂熟練也。』復再也，又也。

〔三〕觴本爲爵名，因引申爲宴飲之辭。觴之，猶言宴之也。施夷拾補云：『似卽左傳所云虢祁之宮。』識誤云：『史記夷作惠。正義曰：一本虢祁之堂。』集解云：『御覽引作虢祁之臺，事類賦十一引虢祁二字倒。』翼毳云：『左傳杜注，虢祁地名。劉歆遂初賦，過下虢而歎息兮，悲平公之作臺。水經注，斷梁城，卽上虢亭。是虢有上下，猶屈有南北也。施夷，虢祁聲音相近，因轉訛耳。周禮釋文，蟻音夷。』起曰：『雜志云：『舊本曰上行公字，今據論衡刪。』識誤云：『起下有脫字。』集解云：『史記無起公三字，彼刪起字，此衍公字，惟論衡不誤。顧氏不知公字衍文，故疑有脫字，今依王刪。』鼓字，趙本凌本作撫，茲從乾道本，迂評本拾補云：『藏本撫作鼓。』集解云：『按撫字涉下文而誤。史記論衡均作鼓，御覽藝文類聚四十一引此亦作鼓。』

〔四〕撫止，謂按其手而止之也。遂集解云：『竟也，謂終曲。』奚道二字，各舊本倒。雜志云：『此道奚出，本作此奚道出。道者，由也，言此聲何由出也。』史記作是何道出，論衡作此何道出，皆其明證。孤憤篇，法術之士奚道得進？晏子春秋雜篇，景公問魯昭公曰：『君何年之少而棄國之早，奚道至於此乎？』呂覽有度篇，客問季子曰：『若雖知之，奚道知其不爲私？』史記趙世家，簡子曰：『此其母賤，翟婢也，奚道貴哉？』義並與此同。今作此道奚出者，後人不知道字之義，而妄改之耳。』按雜志說是，茲據乙。

〔五〕與紂猶言爲紂也。釋詞云：『與，猶爲也，讀去聲。秦策，或與中期說秦王，言爲中期說秦王也。楚策，番

與子出兵矣，言吾爲子出兵也。『晉語注及水經注與紂均作爲紂，可證此與字與彼同。靡靡謂樂聲淫靡也。究竟也。讀云：『謂終其曲。』曠字，乾道本誤作涓，茲從迂評本。趙本、凌本。

〔六〕清商，商爲五聲之一，清商謂商聲之清者。五音爲宮、商、角、徵、羽，以清濁高下分之。如宮爲最下最濁，商次下，次濁，角在清濁高下之間，徵次高，次清，羽最高最清。詳見文獻通考。得聽各舊本無得字。集解云：『藝文類聚引聽上有得字。』札記云：『按有得字是，論衡紀妖篇亦有得字。』茲據補。二八翼龜云：『八隻二列也。』按二八謂十六也。道宋本注云：『從也。』堉宋本注云：『棟端也。』拾補云：『郎、廊同。堉與禮記喪大記中屋履危之危同。』禮記注云：『危，棟上也。』集解云：『藝文類聚九十作道南方來，集郭門之屬。事類賦引道作自，郎作郭，堉作邑。御覽五百七十九引堉作邑，又九百一十六引作廟門之屬。論衡作郭門之上危。按郭爲郎之誤，廟爲廊之誤，邑屬並危之誤。本書作堉，疑本是上危二字，校者誤改併爲一字。』史記魏世家：『瘞因上屋騎危，危在上，故曰上危，卽後世所謂屋山，俗稱屋脊。』而列拾補云：『而下風俗通聲音篇有成字。』集解云：『御覽九百十六引作再奏成行而列。』按列卽謂成行而列也。舒翼翼龜云：『文選注引作攢翼。廣雅釋詁：攢，張也。』按舒亦張也。說讀爲悅。

〔七〕壽謂以滴頌祝其長壽也。反坐，乾道本、趙本作反，茲從迂評本。凌本、拾補云：『坐字脫。藏本、凌本有。』藏誤云：『有坐字是也，史記有。』集解云：『論衡亦有。』黃帝拾補云：『黃藏本、張本作皇，文選赭白馬。』

賦引亦作皇，古通用。『泰山集解據論衡、藝文類聚、御覽引作西泰山，茲仍從各舊本。象車翼毳云：』論衡作象輿，玉海引家語山出器車，注出銀瓮丹甌之器及象車。後漢書注引崔駰東巡頌駕太一之象車。宋符瑞志：王者至孝，則出象車，山之精也。又孔叢子：楚昭王以安車象飾，因宰予以遺孔子；楚辭：雜瑳象以爲車，皆謂以象牙飾車也。而六集解云：『論衡事類賦並無而字。』按文選注引亦無而字。畢方，宋本注云：『神名。』翼毳云：『淮南汜論訓：木生畢方，注畢方，木之精也。山海經：章峩之山有鳥焉，其狀如鶴，一足赤文青質而白喙，名曰畢方。』鎔集解云：『論衡作輅。』纂聞云：『齊策注：鎔，車軸專鍵也。羽獵賦：蚩尤並轂，注引此文作並轂。』按鎔與輅通，並鎔並轂，均謂兩車並行也。

〔八〕進掃，識誤云：『進當作迅。』集解云：『論衡御覽引並作進，無作迅者，顧說非。事類賦引作清途，疑後人改之，非韓子原文也。』按文選應璩書作掃途，淮南道應訓作掃塵，風伯、風神也。雨師、雨神也。騰蛇，汪評本、藏本作騰蛇，茲從乾道本、趙本、凌本。纂聞云：『騰，騰通。古書騰騰互用，難勢篇亦作騰。爾雅：騰，騰蛇，注龍類，能起雲霧而遊其中也。』吾君各舊本作主君。識誤云：『主當作吾。』纂聞依上文改爲吾君，茲從之。翼毳云：『後漢儒林傳注引無主字，足下有以字，藝文類聚同。按主君，大夫之稱也，平公霸主，師曠豈以主君稱之，今本有主字者誤。』

〔九〕一奏之乾道本、趙本作一奏而，茲從汪評本、藏本、凌本。集解云：『而猶之也，作之者，殆以意改。』玄

雲集解云：『樂書作白雲。論衡、藝文類聚、御覽引無玄字，北堂書鈔引有。』俎豆皆古禮器，俎用以薦牲，豆用以盛醴醢，苴醬滯物。集解云：『樂書作飛。』

「一〇」廊室集解云：『樂書作廊屋。』翼彘云：『風俗通作側室。』赤地纂聞云：『焦氏筆乘：古人謂空盡無物曰赤，如赤地、赤貧、赤族是也。』翼彘云：『後漢臧宮傳：旱蝗赤地，注謂在地之物皆盡也。』癰病各舊本作癰病。拾補云：『癰、癰字之譌，宋本作癰。』識誤云：『癰正字作癰，說文：罷病也。』集解云：『論衡、藝文類聚一白引作癰，今據改。』茲從之。翼彘云：『癰當作癰。淮南覽冥訓：平公癰病，注：癰病，篤疾。周禮小司徒注：癰疾，謂癰病也。』

奚謂貪復？昔者智伯瑤率趙韓魏而伐范中行滅之，反歸休兵數年，因令人請地於韓，韓康子欲勿許。段規諫曰：『不可不與也。夫智伯之爲人也，好利而驚復，彼來請地而弗與，則移兵於韓必矣。君其與之。與之彼狃，又將請地他國，他國且有不聽，不聽則智伯必加之兵。如是，韓可以免於患而待其事之變。』康子曰：『諾。』因令使者致萬家之縣一於智伯。智伯說，又令人請地於魏，魏宣子欲弗與。趙蔭諫曰：『彼請地於韓，韓與之。今請地於魏，魏弗與，則是魏內自強而外怒智伯也。如弗予，其措兵於魏必矣，不如予之。』宣子曰：『諾。』因令人致萬家之縣一於智伯。智伯又令人之趙，請蔡皋狼之地，趙襄子弗與。智伯因陰約韓魏，將以伐趙。襄子召張孟談而告之，曰：『夫

智伯之爲人也，陽親而陰疏，三使韓魏而寡人不與焉，其措兵於寡人必矣。今吾安居而可？」（三）

張孟談曰：「夫董閼子，簡主之才臣也，其治晉陽，而尹鐸循之，其餘教猶存，君其定居晉陽而已矣。」

君曰：「諾。」乃召延陵生，令將車騎，先至晉陽。君因從之。君至而行其城郭及五官之藏，城郭不

治，倉無積粟，府無儲錢，庫無甲兵，邑無守具。（四）襄子懼，乃召張孟談曰：「寡人行城郭及五官之

藏，皆不備具，吾將何以應敵？」張孟談曰：「臣聞聖人之治藏於民，不藏於府庫，務修其教，不治城

郭，君其出令，令民自遺三年之食，有餘粟者入之倉；遺三年之用，有餘錢者入之府；遺有奇人者，使

出城郭之繕。」君夕出令，明日倉不容粟，府無積錢，庫不受甲兵。居五日，而城郭已治，守備已具。（五）

君召張孟談而問之，曰：「吾城郭已治，守備已具，錢粟已足，甲兵有餘，吾奈無箭何！」張孟談曰：「

臣聞董子之治晉陽也，公宮之垣，皆以荻蒿楷楚牆之，其高至于丈，君發而用之，有餘箭矣。」於是

發而試之，其堅則雖菌簴之勁，弗能過也。（六）君曰：「吾箭已足矣，奈無金何！」張孟談曰：「臣聞

董子之治晉陽也，公宮令舍之堂，皆以鍊銅爲柱，君發而用之。」於是發而用之，有餘金矣。號令

已定，守備已具，三國之兵果至，至則乘晉陽之城，遂戰三月，弗能拔，因舒軍而圍之，決晉陽之水以

灌之，圍晉陽三年。（七）城中巢居而處，懸釜而炊，財食將近，士大夫羸病。襄子謂張孟談曰：「糧食

匱，財力盡，士大夫羸病，吾恐不能守矣。欲以城下，何國之可下？」張孟談曰：「臣聞之，亡弗能存，危

弗能安，則無爲貴智矣。君釋此計者，臣請試潛行而出，見韓魏之君。」〔八〕張孟談見韓魏之君，曰：「臣聞唇亡齒寒，今智伯率二君而伐趙，趙將亡矣，趙亡則二君爲之次。」二君曰：「我知其然也。雖然，智伯之爲人也，蠱中而少親，我謀而覺，則其禍必至矣。爲之奈何？」張孟談曰：「謀出二君之口，而入臣之耳，人莫之知也。」〔九〕二君因與張孟談約二軍之反，與之期日。夜遣孟談入晉陽，以報二君之反於襄子。襄子迎孟談而再拜之，且恐且喜。二君以約遣張孟談，因朝智伯而出，遇智過於轅門之外。智過怪其色，因入見智伯，曰：「二君貌將有變。」君曰：「何如？」曰：「其行矜而意高，非他時之節也，君不如先之。」〔一〇〕君曰：「吾與二君約謹矣，破趙而三分其地，寡人所以親之，必不我欺。兵之著於晉陽三年，今日暮將拔之，而嚮其利，何乃將有他心？必不然，子釋勿憂，勿出於口。」明旦，二主又朝而出，復見智過於轅門。智過入見曰：「君以臣之言告二主乎？」君曰：「何以知之？」曰：「今日二主朝而出，見臣而其色動，而視屬臣，此必有變，君不如殺之。」君曰：「子置勿復言。」智過曰：「不可，必殺之，若不能殺，遂親之。」〔一一〕君曰：「親之奈何？」智過曰：「魏宣子之謀，臣曰趙蔑，韓康子之謀，臣曰段規，君其與二子約，破趙國，因封二子者各萬家之縣一。如是，則二主之心可以無變矣。」智伯曰：「破趙而三分其地，又封二子者各萬家之縣一，則吾所得者少，不可。」智過見其言之不用也，出因更其族爲輔氏。〔一二〕至於期日之夜，趙氏殺其守隄之吏，而決其水。

智伯軍。智伯軍救水而亂，韓魏翼而擊之，襄子將卒犯其前，大敗智伯之軍，而擒智伯。智伯身死，
國分爲三，爲天下笑。故曰：貪悞好利，則滅國殺身之本也。〔一三〕

校釋

〔一〕瑤宋本注云：『智伯名。』范中行纂聞云：『趙策吳注、范氏、士會之後，荀林父將中行，後因以官爲氏。』按范、中行與智、趙、韓、魏俱世爲晉卿，號稱六卿。欲字，迂評本作將欲，茲從乾道本。趙本、凌本。驚。趙本作驚悞，茲從乾道本。凌本、迂評本。識誤云：『藏本同，今本驚作驚，誤。戰國策作驚，吳師道引此亦作驚。』按驚與傲同。作驚，義似長。漢書匈奴傳注：『驚，狼也。』驚悞，猶言貪悞也。狙。宋本注云：『習也，得地於韓，將生心他求也。』補箋云：『說文，狙，犬性驕也。與之彼狙，謂與之彼驕也。舊注不切。』按狙如左傳「莫敖狙於蒲騷」之狙，將自用也。』之狙，謂狙於請地於韓，又將請地他國也。且有猶若有也，詳見集釋。

〔二〕魏宣子各舊本不重魏字。識誤云：『宣上當從策更有魏字。』纂聞云：『補一，魏字。此及國策說苑作宣，他書皆作桓，故策注改爲桓。』按魏字當重，茲依策。補。趙。蔣纂聞云：『策注，魏人。淮南子作任登，說苑任增，魏策說林任章，其人異而言同。』如弗。迂評本作如是弗與，茲從乾道本。趙本、凌本。其措兵，集釋云：『其猶則也。』措字，凌本作錯，茲從乾道本。趙本、迂評本。按措錯字通，措兵猶言加兵也。不如予之四字，乾道本無，茲從迂評本。趙本、凌本。集解云：『有此四字是也，策有。』曰字，各舊本無，茲從纂聞。補。集解云：『宣子下當有曰字。』上。康子曰諾，文法正同，此脫，策有曰字。』

〔三〕蔡泉狼、冀、雲云：『策注：蔡非趙地，泉狼屬西河。補曰：恐名同。漢志西河郡有泉狼縣，又有蘭縣，蔡或蘭字訛。』張孟談纂聞云：『國語張談注：趙襄子之幸也。此云張孟談者，蓋配字而呼之。』親字，各舊本作規。識誤云：『規當從策作親。』纂聞已依策改爲親字，是茲從之。三使謂智伯三遣使於韓、魏，而不一遣使於趙，故下又云『寡人不與焉。』纂聞云：『與晉預。』安居猶言何居也，何如也。

〔四〕董關於集解云：『難言篇闕作安，說詳彼。』纂聞云：『闕本音遏，平聲爲家，他書多作安于。』尹鐸宋本注云：『安于之屬大夫。』集解云：『循、遵也，謂尹鐸治晉陽仍遵董安于之治也。』國語趙簡子使尹鐸治晉陽，則安于死，尹鐸繼之，非尹鐸爲安于屬大夫也。策鐸作澤誤，國語作鐸。生字，識誤云：『策誤作王。』將字，各舊本作將軍。拾補云：『軍字衍。』識誤云：『策無。』纂聞云：『車上元衍軍字，從游俠傳集解所引刪。』按將車騎即將軍也，軍字不當有，茲據刪。將讀去聲。行新釋云：『巡也。』五官纂聞云：『此云五官之職，五靈篇云犯五官之禁。戰國五官之制未聞。齊策五官之計，吳注案記曾子問諸侯出命，國家五官而後行，注五官五大夫典事者，此說差爲近之。又曲禮天子之五官，司徒、司馬、司空、司士、司寇。』

〔五〕藏於民，各舊本作藏於臣。識誤云：『臣當作民。』纂聞云：『山曰：臣當作民，音之誤也。淮南子、西門豹對魏文侯曰：今王欲爲霸，臣故稽積於民。』遺有奇人，迂評本、凌本無遺字，茲從乾道本趙本。拾補云：『有上藏本無遺字。』識誤云：『遺下有脫文，藏本刪遺字，非也。』按遺猶言留也，謂令民自留幾人以治家，

而以其餘之人治城郭也。因遺下有脫文，而其意遂不明矣。宋本注云：「奇，餘也，謂閒人，奇音羈。」或以餘子釋奇人，未可從。繕翼云：「說文補也。珠叢，凡治故造新，皆謂之繕。」不容不受纂聞云：「謂其充盈。」無積集解云：「當作不容。」讀云：「謂府無復積錢之所。」

〔六〕荻蒿桔楚牆之識誤云：「句絕。蒿，讀爲橐，荻，策作狄，桔，策作苦，皆同字。」纂聞云：「荻，荻葦屬，爾雅、蕭荻注，卽蒿。楚，荻也。」翼云：「荻蒿，二草，桔楚，二木，皆可爲矢。」按以荻蒿桔楚牆之，謂植荻蒿桔楚等草木以爲牆也。其高二字，各舊本作有桔蒿。識誤云：「有桔二字當衍，策無，今俗本策反依此增入，誤甚。」集解云：「顧說是，御覽引有桔二字作其，今據改。」按藝文類聚亦作其。高字或爲蒿之坏體。有桔蒿至於丈，謂有桔與蒿至於丈也。茲姑依集解改之。有餘箭矣四字，各舊本無。集解云：「按下文有餘金矣，文法正同，疑此後人據策文刪。」事類賦御覽引有有餘箭矣四字，今據補。〔南籊乾道本作菌餘，迂評本藏本凌本作菌幹，茲從趙本。纂聞云：「書孔傳，籊籊，美竹也。策作籊籊。」補箋云：「菌借爲籊，幹當作輅，形近而誤。輅借爲籊，說文，籊，籊籊也。籊，籊籊也，古文作籊。淮南子本經訓，松柏菌露，高注，菌露，竹莞也。書禹貢，惟籊籊桔鄭注，籊籊，聆風也。說文桔下引作惟籊籊桔，卽輅籊通用之證。籊籊合二字爲一名，此不宜單用籊字，則幹爲輅，審矣。」

〔七〕令舍集解據御覽改爲公舍，茲仍從各舊本。翼云：「令舍，縣令之舍也。後漢書光武紀，生光武於

縣舍注、皇考以令舍不顯，開宮後殿，居之而生。『質』纂聞云：『策注、質、礎也。按質、礎同。說林訓注、礎、柱下石礎也。』三國纂聞云：『智氏、韓魏。』乘翼云：『謂蟻附而攻之。』舒軍、乾道本脫舒字，茲從迂評本、藏本、趙本、凌本、纂聞云：『舒軍，謂移營舒開，不迫城也，久圍者然。』

〔八〕羸瘦也。下猶言降也。釋字、各舊本作失。集解云：『失當爲釋之誤，者字衍。策作君釋此計，勿復言也。』按作釋是，茲據改者，猶也也。釋此計者，謂舍降人之計也。

〔九〕二君、韓魏之君，即韓康子、魏宣子也。次猶言續也。『識誤云：『策作麓，按當讀爲怛。史記王翦傳、夫秦王怛而不信人，徐廣曰：怛一作粗，即此字。』而覺猶言如覺也。之知二字、迂評本作知之，茲從乾道本、趙本、凌本、識補云：『之知、藏本作知之，策同。』按莫之知爲倒句，與論語莫我知也夫同例，猶言莫知之也。

〔一〇〕二軍、各舊本作三軍。集解云：『三當作二。軍指韓魏之軍，趙既被圍，不待約也。』期日謂以某日爲約期也。二君、迂評本、凌本作三軍，茲從乾道本、趙本、拾補云：『二君、三本俱作三軍。』于襄子三字、乾道本無，茲從迂評本、趙本、凌本、以識誤云：『讀爲已。策脫去二君以約遣五字。遂誤屬張孟談於下句，當依此訂正。』智過、集解云：『說苑貴德篇作智果，古今人表作智過，顏注即智果。』纂聞云：『策注、智過、智伯之族。國語注、智過、晉大夫。』轅門、古者行軍，以車爲藩，其出入之處，仰車以轅相向表門，謂之轅門。後世又稱衙署之外門爲轅門。其上曰字、迂評本、趙本、凌本無，茲從乾道本。集解云：『張榜本其上無曰字。』按此曰

字宜有，所以記智過之言也。行意集解云：『二字互誤，策作其志矜，其行高是也。本書志多作意。』纂聞云：『內懷叛謀，蔑視智氏，行步驕矜，志氣高傲也。』節讀云：『禮節也。』翼義云：『周語注，節體也。』按非他時之節，謂其禮貌不似往時也。先讀先發制人也。

〔一〕我戮各舊本作侵欺，拾補云：『侵當作我。』茲據改。纂聞云：『策注，箸謂附其城。』嚮字，策作義，拾補云：『嚮義通。』按義又與享同。視屬纂聞云：『焦氏筆乘，屬注通，視屬，即注視也。』

〔二〕宣康集解云：『宣字，獻字，皆後人所加，智過言時不應有也。』纂聞云：『宣康二說，皆恐非當時之言。』其與二子各舊本作與其二君，集解云：『與其二字倒，策作君其二子約是也。』按二君亦當依策作二子，謂趙段規也。茲依策乙改。更其族謂更改其姓氏也。翼義云：『左傳疏，族者，屬也，與其子孫共相聯屬，其旁支別屬，則各自立氏。釋例曰：別而稱之謂之氏，合而言之則爲族。』

〔三〕殺其翼義云：『其指智氏。』翼而擊之，纂聞云：『策注，左右夾擊。』智伯之軍，迂評本、藏本、凌本作智氏之軍，茲從龍道本、趙本。

奚謂耽於女樂者？戎王使由余聘於秦，穆公問之曰：『寡人嘗聞道而未得目見之也。願聞古之明主得國樂國常何以？』由余對曰：『臣嘗得聞之矣，常以儉得之，以奢失之。』〔一〕穆公曰：『寡人不辱而問道於子，子以儉對寡人何也？』由余對曰：『臣聞昔者堯有天下，飲於土簋，飲於

土錮，其地南至交趾，北至幽都，東西至於日月之所出入者，莫不賓服。〔一〕堯禪天下，虞舜受之，斬山木而財之，削鋸修之迹，流漆墨其上，輸之於宮，以爲食器，諸侯以爲益侈，國之不服者十二。〔二〕舜禪天下，而傳之於禹，禹作爲祭器，墨漆其外，而朱畫其內，綬帛爲茵，蔣席額緣，觴酌有采，而樽俎有飾，此彌侈矣，而國之不服者三十三。〔三〕夏后氏沒，殷人受之，作爲大路，而建九旒，食器雕琢，觴酌刻鏤，四壁聖墀，茵席雕文，此彌侈矣，而國之不服者五十三。君子皆知文章矣，而欲服者彌少，臣故曰儉其道也。〔四〕由余出，公乃召內史廖而告之，曰：『寡人聞鄰國有聖人，敵國之憂也。今由余，聖人也，寡人患之，吾將奈何？』內史廖曰：『臣聞戎王之居，僻陋而道遠，未聞中國之聲。君其遺之女樂，以亂其政，而後爲由余請期，以疏其諫。彼君臣有間，而後可圖也。』〔五〕君曰：『諾。』乃使內史廖以女樂二八遺戎王，因爲由余請期。戎王允諾，見其女樂而說之，設酒張飲，日以聽樂，終歲不遷，牛馬半死。由余歸，因諫戎王，戎王弗聽。由余遂去之秦。秦穆公迎而拜之上卿，問其兵勢與其地形，既以得之，舉兵而伐之，兼國十二，開地千里。故曰耽於女樂，不顧國政，則亡國之禍也。〔七〕

校釋 〔一〕戎王拾補云：『王宋本作主，下同。』集解云：『秦本紀作王。』常何以迂評本、凌本作何以，

乾道本、趙本作何常以，茲依纂聞乙、纂聞云：『元作何常以，寫者誤。說苑作常何以，當亦常字訛。』翼彞云：『孟子人恆趙，又云國恆亡，朱注恆常也，猶言大率也。』

〔一〕不辱。纂聞云：『忘其不肖。』簋。纂聞云：『秦紀注：呂靜云：飯器謂之簋。如淳云：銅、飯器之屬，瓦器也。』按：銅字秦始皇紀作形，土簋土銅，謂土製之飯器也。交趾。幽都。翼。堯典：申命羲叔，宅南交。申命和叔，宅朔方，曰幽都。墨子：古者堯治天下，南撫交趾，北降幽都，東西至日所出入。新釋云：『交趾，今安南也，幽都，幽州也。』按：堯時聲勢不如是之大，所謂南至交趾，北至幽都云云者，蓋後世之傳說，而非當時之事實也。寶服。國語云：『侯衛寶服，』謂古諸侯以服貢寶見於王者也。

〔二〕禪字。識誤云：『說苑作釋，下文亦云舜釋天下。』按：作禪是，釋字蓋禪之形近而誤者。財字。識誤云：『說苑作裁，同字。』集解云：『御覽七百五十六引作材，財、裁、材三字並同。』削鋸修之。迹。識誤云：『說苑作消，銅鐵修其刃，猶漆墨也。按此文削鋸是也。淮南子本經訓：無所錯其剗，剗，削鋸也。高注：削，兩刃勾刀也，讀稍頭之稍，其下未詳。說苑即出於此，而傳寫互有誤，仍各依本書。』翼。路史作削鑠修之迹。考工記：築氏爲削，注：今之書刀，鋸，鐵葉爲齟齬，其齒一左一右，以片解木石修字，疑當在削鋸上。按依翼。乙爲修削鋸之迹，文義俱順，似爲近之。而集解據御覽改之爲其，未可從，即作其字解，古之其互通，亦不必改也。流漆墨。宋本注云：『流，布也。』纂聞云：『墨，黑字訛。說苑作猶漆黑，路史作流髹。按流猶並髹音訛，髹漆對上削鋸。』按流猶言塗也，謂塗漆與墨於其上也。

〔四〕墨漆。各舊本作墨染。雜誌云：『染，當爲漆，謂黑漆其外也。俗書漆字作染，因譌爲染。御覽四百九十

三引此正作漆，說苑亦作漆。『集解云：』按王說是，御覽七百五十六引同，今據改。『茲從之。』
『說苑』綴作繒。『讀云：』通雅：『綴，無文之帛也。』
蔣草所制之席也。席與蓆同。額，乾道本作頗緣，茲從迂評本。趙本、凌本、識誤云：『藏本同，今本頗作額，誤。』
頗緣，謂其緣邪裂之。說苑無此一句，有褥字，連茵字讀，當有誤，仍各依本書。『纂聞云：』額，如帳額。孝文紀正義引晉刑法志：『布其衣裾，而無顏緣。』宋策：『宋王爲無顏之冠，注冠不覆額。』顏義同。世呼扁額，或亦稱顏主術訓：『越席不緣。』按纂聞所釋較識誤爲長。蔣席額緣，謂蔣席有額與緣以爲飾也。觴酌讀記云：『酌，讀爲勺，古通用。』纂聞云：『說苑：』觴勺有彩。翼毳云：『觴，卮也，酌斗柄也。采，文采也。』樽俎翼毳云：『樽，酒器，俎，載牲之器。』三十三識誤云：『說苑作三十有二，下文亦作五十有二。』集解云：『御覽四百九十三引作三十二，與說苑合。』

〔五〕大路迂評本作大輅，茲從乾道本、趙本、凌本。集解云：『御覽引路作輅，字通。』新釋云：『周禮：五路有大路，九旒卽九游。凡旗之正面曰繅，亦曰旛，亦曰旂，連綴兩邊者曰游。大常十二游，旂九游，旗七游，旗六游，旄四游。荀子禮論：天子大路越席，龍旗九旒。』聖墀翼毳云：『聖，色土也。墀，說文：涂地也。徐曰：階上地也。聖墀，謂以白土飾墀也。』識誤云：『四，當作白，白壁與聖墀對文也。說苑作四壁四維。』按四壁爲句主，聖墀爲謂語，而非對文，識誤未可從。服集解云：『趙本作亡，誤。』

〔六〕內史廖識誤云：『他書皆同，韓詩外傳作內史王繆，繆廖同字，王蓋姓也。』集解云：『顧說是，說苑尊賢篇作王子廖。』按內史官名，廖人名也。道遠識誤云：『道當依說苑作遼。』請期乾道本作請其，茲從迂評本。趙本、凌本識誤云：『乾道本藏本期作其謫，說苑作期。』札記云：『請問也，求也。襄二十四年傳，且請期，杜注，請會期。昭十四年傳，請期五日，謂請給限五日。此文請期，殆請緩期歸國之謂。下文云：戎王許諾，許其遲歸也。王先慎訓請爲告歸期，非是。』諫識誤云：『說苑作問，史記秦本紀亦作問，皆當讀問爲諫。』叢錄云：『按以疏其諫，謂以疏其諫諍也。秦本紀作以疏其間，是涉下文問字而譌。』

〔七〕內史各舊本無內字。識誤云：『史上當有內字。』據史記有內字，茲據補。二八識誤云：『說苑作三九，韓詩外傳作二列，史記與此同。』集解云：『藝文類聚五十九引作三人，誤。』纂聞云：『晉語注，女樂，今伎女也。八人爲佾，備八音也。左傳注，十六人也。』半死讀云：『不逐水草之利，故牛馬半死也。』翼霏云：『匈奴傳，其畜之所多，則馬牛羊，逐水草遷徙。唐書，太宗貞觀二年，北頡利政亂，鄭元璿使還，言於上曰：戎狄興衰，專以羊馬爲候。』按西戎乃游牧民族，而戎王終歲聽樂，不以游牧爲事，故其牛馬半死也。拜之集釋云：『之猶爲也。』既以纂聞云：『以已同。』則字各舊本無。集解云：『亡上當有則字，上文有。』按有則字是，茲據補。

奚謂離內遠遊？昔者田成子遊於海而樂之，號令諸大夫曰：『言歸者死。』顏涿聚曰：『君遊

樂之，奈臣有圖國者何？君雖樂之，將安歸？田成子曰：『寡人布令曰：言歸者死，今子犯寡人，援戈將擊之。』顏涿聚曰：『昔桀殺關龍逢而紂殺王子比干，今君雖殺臣之身，以三之臣言爲國，非爲身也。延頸而前曰：『君擊之矣。』君乃釋戈，趣駕而歸，至三日而聞國人有謀不內田成子者矣。田成子所以遂有齊國者，顏涿聚之力也。故曰：離內遠遊，則危身之道也。』

校釋

〔一〕田成子，集解云：『說苑正諫篇作齊景公。按說林上篇有鳴夷子皮事田成子，田成子去齊，走而之燕事，當卽此。』顏涿聚，集解云：『涿聚，說苑作燭鄒，晏子春秋外篇作燭鄒，古今人表作燭離，本或作燭離。集韻類篇，離音聚。按涿與燭，聚與離，趨鄒形聲相近，古本通用。左哀二十三年傳，又作顏庚。』臣有迂評，本作人有，茲從乾道本、趙本、凌本。拾補云：『藏本臣作人。』援纂聞云：『取也。』

〔二〕以三之以，猶與也。以三之，謂顏涿聚與關龍逢比干合爲三仁也。延頸，伸頸也。趣駕，纂聞云：『趣音促。』不內，不納也。成子，集解云：『趙本作子成，下同，皆誤。』則，集解云：『上文則上有而忽於諫句，此脫。』

奚謂過不聽於忠臣？昔者齊桓公九合諸侯，一匡天下，爲五伯長，管仲佐之。〔一〕管仲老，不能有事，休居於家。桓公從而問之曰：『仲父家居有病，卽不幸而不起，政安遷之？』管仲曰：『臣老矣，不可問也。雖然，臣聞之，知臣莫若君，知子莫若父，君其試以心決之。』〔二〕君曰：『鮑叔牙如何？』管仲曰：『不可。夫鮑叔牙爲人，剛愎而上悍，剛則犯民以暴，愎則不得民心，悍則下不爲用，其心不

懼，非霸者之佐也。」^{〔三〕}公曰：「然則豎刁何如？」管仲曰：「不可。夫人之情，莫不愛其身。公妬而好內，豎刁自獷以爲治內，其身不愛，又安能愛君？」^{〔四〕}曰：「然則衛公子開方何如？」管仲曰：「不可。齊衛之間，不過十日之行，開方爲事君，欲適君之故，十五年不歸見其父母，此非人情也。其父母之不親也，又安能親君乎？」^{〔五〕}公曰：「然則易牙何如？」管仲曰：「不可。夫易牙爲君主味，君之所未嘗食，惟人肉耳，易牙蒸其子首而進之，君所知也。人之情，莫不愛其子，今蒸其子以爲膳於君，其子弗愛，又安能愛君乎？」^{〔六〕}公曰：「然則孰可？」管仲曰：「隰朋可。其爲人也，堅中而廉外，少欲而多信。夫堅中則足以爲表，廉外則足以大任，少欲則能臨其衆，多信則能親鄰國，此霸者之佐也。君其用之。」君曰：「諾。」居一年餘，管仲死，君遂不用隰朋，而與豎刁、刁泄事三年，桓公南游堂阜，豎刁率易牙、衛公子開方及大臣爲亂，桓公渴餒而死南門之寢，公守之室，身死三月不收，蟲出於戶。故桓公之兵橫行天下，爲五伯長，卒見弑於其臣而滅高名，爲天下笑者，何也？不用管仲之過也。故曰：過而不聽於忠臣，獨行其意，則滅其高名爲人笑之始也。」^{〔七〕}

校釋 〔一〕九合或訓爲九會，或訓爲糾合，或訓爲屢合，其說不一，詳見外儲說篇。一匡翼雋云：「匡

叛亂者而統一之，論衡作一正天下。」新釋云：「匡，正也。天子微弱，桓公率諸侯以尊周室，是一正天下也。」

『五伯，即五霸，謂齊桓、晉文、秦穆、宋襄、楚莊五人先，後稱霸也。五伯本非同時，然以桓公居先，故曰五伯長。』

管仲論語云：『桓公九合諸侯，不以兵車，管仲之力也。』

〔二〕即釋詞云：『猶若也。』即不幸，管子戒篇作若不幸，是即與若同義。『起字下，乾道本、趙本有此病二字，茲從迂評本、凌本。按管子戒篇起下亦有此疾二字。遷管子戒篇作移。政安遷之，謂管仲死後，政事將移於何人也。』

〔三〕夫字，乾道本、趙本無，茲從迂評本、凌本。拾補云：『鮑上脫夫字，各本皆有。』上悍，迂評本作上捍，茲從乾道本、趙本、凌本。拾補『悍，藏本作捍，下同。』集解云：『倉頡篇，悍，桀也。荀子大略篇注，悍，兇戾也。捍爲捍禦之捍，非此義，藏本誤。』讀云：『上，尙同。』按上悍，謂以兇戾相尙也。懼字，迂評本作具，茲從乾道本、趙本、凌本。拾補云：『懼，藏本、張本作具。』集解云：『懼字是。』按其心不懼，謂剛愎上悍而無戒慎恐懼之心也。

〔四〕自獫，宋本注云：『虧勢也。』纂聞云：『二柄篇作自宮，難一篇同。家語史記、墳羊、國語說苑、獫羊，王肅唐固皆云雌雄未成者。字又作獫，易釋文、劉云：豕去勢曰獫。』

〔五〕衛公子，乾道本、趙本無衛字，茲從迂評本、凌本。拾補云：『衛字脫，各本有。』識誤云：『藏本有衛字，是也。』何如識誤云：『乾道本如下衍曰字。』按迂評本、趙本、藏本、凌本均無曰字，茲從之。齊衛迂評本誤作齊魏，茲從乾道本、趙本、凌本。欲適君之故，集解云：『故字疑衍，欲字當在之字下，難一篇作適君之欲，是也。』

其證。此因欲字誤倒在上，後人遂於之下加故字耳。『讀記云：』欲與故當互易，其文云開方爲事君故，適君之欲。』又安各舊本無安字。集解云：『以上下文例之，又字下當有安字。』按此脫安字，茲據補。

〔六〕主味膳人之職也。子首迂評本、趙本、凌本作首子，茲從乾道本說詳二柄篇。

〔七〕堅中廉外中指心言，外指行言。堅中廉外，謂心貞而行廉也。表標也，表率也。遂終也。與讀云：『與之以政。』堂阜新釋云：『左傳杜注齊地，東莞蒙陰縣西北有夷吾亭是也。』餒餓也。寢宮寢也。公子之室，翼

罷云：『管子小稱篇、四子作難，圉公一室，不得出。公守之室者，圉公一室也。或以公守室名。周禮內宰注，守

宿衛者。此謂非常宿衛之室。呂覽蒙衣袖而死乎壽宮。』

奚謂內不量力？昔者秦之攻宜陽，韓氏急，公仲朋謂韓君曰：『與國不可恃也，豈如因張儀爲

和於秦哉？因賂以名都，而南與伐楚，是患解於秦，而害交於楚也。』公曰：『善。』乃警公仲之

行，將西和秦。楚王聞之懼，召陳軫而告之曰：『韓朋將西和秦，今將奈何？』陳軫曰：『秦得韓之都

，驅其練甲，秦韓爲一，以南鄉楚，此秦王之所以廟祠而求也，其爲楚害必矣。』王其趣發信

臣，多其車，重其幣，以奉韓曰：『不穀之國雖小，卒已悉起，願大國之信意於秦也。』因願大國令使者入

境，視楚之起卒也。韓使人之楚，楚王因發車騎陳之下路，謂韓使者曰：『報韓君言弊邑之兵，今將

入境矣。』使者還報，韓君大悅，止公仲。公仲曰：『不可。夫以實告我者，秦也；以名救我者，楚也。

聽楚之虛言，而輕誣強秦之實禍，則危國之本也。韓君弗聽，公仲怒而歸，十日不朝。宜陽益急，韓君令使者趣卒於楚，冠蓋相望，而卒無至者。宜陽果拔，爲諸侯笑。故曰：內不量力，外恃諸侯者，則國削之患也。〔四〕

校釋 〔一〕宜陽、韓地。纂聞云：『韓襄王四年，秦使甘茂攻我宜陽，明年拔之，斬首六萬。然公仲請和事，

史策載在宣惠王十六年，而發端作秦韓戰於濁澤，與此異。公仲朋識誤云：『朋策誤作明，當依此訂，他書又作馮。』翼毳云：『史記韓世家索隱曰：公仲，韓相國，名侈。按侈朋字相似，當有一誤。』害交宋本注云：『秦害交於楚也。』翼毳云：『謂嫁害於楚。』

〔二〕警宋本注云：『飭戒也。』集解云：『警策作倣，字同。』一字，迂評本、趙本、凌本作而，茲從乾道本。識誤云：『藏本同，今本一作而，屬下誤，當句絕。策作今又得韓之名都，一史記同，上文皆作以一名都。』練甲猶言精兵也。鄉國字解云：『向同。』廟祠謂禘於宗廟也。翼毳云：『策作禘祠，周禮注：求福曰禘，得求曰祠。』〔三〕趣發猶言速發也。纂聞云：『趣，促也。』信臣讀云：『使臣也。』翼毳云：『丹鉛總錄：越絕糧，告糶於吳，使素忠爲信云云，古謂使者曰信。』纂聞云：『使所親任之臣以奉致者，蓋欲韓之信其事也。過秦論：信臣精卒，淮陰侯傳：令齊王使其信臣招所亡城。楊升菴外集：申屠剛傳：遣信人馳至長安。劉虞傳：道路壅塞，信命竟不可通。其曰信人，可信任之人。劉虞傳：滅去人字，謂信人之命，猶不可通也。晉人語尙簡省，直以信

爲使者。一信意策作肆意。宋本注云：「信，申也。」按仲意於秦，猶言不屈意以求和秦也。下路下道也。云：「楚之北道。」弊邑，敝同，敝邑，猶言敝國也。

〔四〕告字，誠誤云。策同，姚校云：告一作困。今按告當作苦，形近之誤。史記作伐。一點勘云：「告當是害之坏字。」輕誣，雜誌云：「此言韓王聽虛言而輕實禍，則輕下不得有誣字，誣即輕之誣。」策及史記韓世家俱無誣字，是其證也。今作輕誣，強秦之實禍者，一本作輕，一本作誣，後人誤合之耳。凡從巫從巫之字，傳寫往往譌溷，說見經義述聞。大戴禮：喜之而觀其不誣下。纂聞云：「誣，猶言侮也。」按凡以無爲有，或以有爲無者，俱謂之誣。輕誣，猶言輕視，謂強秦之禍乃實有者，而輕以爲無，是輕誣也。誣字非譌，非衍，雜誌未可從。趣卒，謂催促出兵也。冠蓋，纂聞云：「使者冠蓋相望於道，往來頻也。」

奚謂國小無禮？昔者，晉公子重耳出亡，過於曹，曹君袒裼而觀之，釐負羈與叔瞻侍於前。叔瞻謂曹君曰：「臣觀晉公子，非常人也，君遇之無禮，彼若有時反國而起兵，卽恐爲曹傷。君不如殺之。」曹君弗聽。釐負羈歸而不樂，其妻問之曰：「公從外來，而有不樂之色，何也？」負羈曰：「吾聞之，有福不及，禍來連我。今日吾君召晉公子，其遇之無禮，我與在前，吾是以不樂。」其妻曰：「吾觀晉公子，萬乘之主也，其左右從者，萬乘之相也，今窮而出亡，過於曹，曹遇之無禮，此若反國，必誅無禮，則曹其首也。子奚不先自貳焉？」負羈曰：「諾。」乃盛黃金於壺，充之以餐，加璧其上，夜令人

遣公子。公子見使者，再拜受其餐，而辭其璧。公子自曹入楚，自楚入秦。入秦三年，秦穆公召羣臣而謀曰：『昔者，晉獻公與寡人交，諸侯莫弗聞。獻公不幸離羣臣，出入十年矣。其嗣子不善，吾恐此將令其宗廟不祓除，而社稷不血食也。如是弗定，則非與人交之道。吾欲輔重耳而入之晉，何如？』羣臣皆曰：『善。』公因起卒，革車五百乘，疇騎二千，步卒五萬，輔重耳入之于晉，立爲晉君。〔三〕重耳卽位三年，舉兵而伐曹矣。因令人告曹君曰：『懸叔瞻而出之，我且殺而以爲大戮。』又令人告釐負羈曰：『軍旅薄城，吾知子不違也。其表子之閭。吾卽以爲令，令軍勿敢犯。』曹人聞之，率其親戚而保釐負羈之閭者七百餘家。此禮之所用也。故曹小國也，而迫於晉楚之間，其君之危猶累卵也，而以無禮蒞之，此所以絕世也。故曰：國小無禮，不用諫臣，則絕世之勢也。〔四〕

校釋

〔一〕重耳翼彘云：『獻公之子，獻公信嬖妾驪姬之讒，殺太子申生，又且殺羣公子，故重耳出亡，

十餘年返國，是爲文公。』曹君翼彘云：『曹共公也，令重耳相楊而觀其狀。』國語云：『曹公聞其骭脅，欲觀其狀，止其舍，諜其將浴，設微薄而觀之。』叔瞻纂聞云：『鄭文公臣，叔瞻伯，呂子作被瞻，此云諫曹君者，蓋曹亦有觀骭脅之事，因誤混耳。』喻老篇：『叔瞻諫鄭君，則與諸書合矣。』晉語：『文公誅觀狀以伐鄭。』又云：『叔詹曰：天禍鄭國，使淫觀狀。』賈逵云：『鄭復效曹，觀公骭脅之狀，故伐之。』卽猶則也。傷纂聞云：『害也。』

〔二〕連我宋本注云：『君有福未必及己，其禍之至，當連我也。』與纂聞云：『音預。』武纂聞云：『左傳注，

別異於曹也。『按貳謂貳心，負羈以曹臣而陰遺文公以金璧，是有貳心也。』乃盛各舊本無乃字。『集解云：拾袖有。』盧文弼云：『乃字脫。』餐當飧，下同。今依拾補增。『按有乃字是，茲從之。』盛讀平聲。

〔三〕離羣臣讀云：『謂死也。』出入猶言上下也，內外也，左右也，大率也。出入十年，謂十年上下也。其嗣子乾道本無其字，茲從迂評本。趙本、凌本、識誤云：『藏本、今本嗣上有其字。』纂聞云：『自獻公死，十年內外之間，奚齊悼子見弑而惠公立，亦不君也。』祓除，集解誤作拔除，茲仍從各舊本。『翼壽云：『周語：敬其祓除，注：祓除猶掃除也。』血食，血祭也。說文：血祭所薦牲血也。』革車，翼壽云：『兵車也。』疇騎，宋本注云：『疇等也，言馬齊也，皆精妙也。』解詁云：『師古曰：家業世相傳爲疇。』疇騎，疇職之騎士，其精可知也。』翼壽云：『疇騎同伍相保，精練之騎。齊語：同伍之人，人與人相疇，家與家相疇，管子作人與人相保。』楚語：臣能自壽也，注：壽保也。疇，壽通，荀子君疇，新序作尹壽，又與壽通。王逸楚辭注：四人爲儔。』

〔四〕懸讀云：『謂縛之也。』纂聞云：『山曰：縶也。』且殺而猶言將殺之也。薄城，猶言攻城也。『集解云：薄，迫也。』不違，集解云：『謂知不背吾也。』翼壽云：『汲冢周書注：違，畔也。』斟補云：『按違，卽他往，猶去國，亦曰違國。』讀記云：『違，去也，言知子之賢，必不肯去國也。』按違訓背，義較長。表，表異也。表子之閭，謂表異釐負羈之閭里也。書云：『表厥宅里。』而保猶言以保也。

第七卷

主道

釋題 本篇原爲第一卷、第五篇。名爲主道者，以本篇所言皆爲君之道也。

提要 本篇主旨、在以道家無爲之道，建立法家爲君之道。迂評注云：『通篇論御臣之術，純是老氏作用。』又云：『人君惟虛靜無爲而羣臣各效其職，不敢擅權而壅蔽其上。此是一片文字，篇內用韻俱古體。』全篇論爲君之道有三要點：一守虛靜，二合形名，三正賞罰，蓋貫通道、名、法三家以爲言也。

考證 本篇爲有韻之論著。梁啓超云：『主道多用韻，文體酷似淮南子。』（見要籍解題）胡適以本篇爲另一派法家所作。（見中國古代哲學史）考證更以本篇似出於漢初道家，其論據爲本篇所言虛靜之旨，近於司馬談所論『撮名法之要，以虛無爲本，以因循爲用』之道家，及班固所論『清虛以自守，卑弱以自持』之道家。按虛靜無爲之說，原出於道家。但道家以之說明道體，而法家則取以爲君術。此在申不害、慎到等已啓其端。至韓非集法家之大成，則其思想體系，實未嘗舍君主無爲之說，而別有所建立也。故僅就此點而言，不能遽斷本篇非出於韓非。況本篇所言者，除虛靜外，尚有形名與賞罰，此則法家所

重者也。總之，本篇思想，雖有取於道家，然其歸趨仍屬法家，實與韓非之言無所不合；惟文體用韻，與他篇不類，究不出於韓非，不能無疑耳。

道者，萬物之始，是非之紀也。是以明君守始，以知萬物之源；治紀，以知善敗之端。^{〔一〕}故虛靜以待之，令名自命也，令事自定也。虛則知實之情，靜則知動者正。^{〔二〕}有言者自爲名，有事者自爲形，形名參同，君乃無事焉，歸之其情。^{〔三〕}故曰：君無見其所欲，君見其所欲，臣將自雕琢；君無見其意，君見其意，臣將自表異。^{〔四〕}故曰：去好去惡，臣乃見素；去智去舊，臣乃自備。^{〔五〕}故有智而不以慮，使萬物知其處；有行而不以賢，觀臣下之所因；有勇而不以怒，使羣臣盡其武。^{〔六〕}是故去智而有明，去賢而有功，去勇而有強，羣臣守職，百官有常，因能而使之，是謂習常。^{〔七〕}故曰：寂乎其無位而處，謬乎其莫得其所，明君無爲於上，羣臣竦懼乎下。^{〔八〕}明君之道，使智者盡其慮，而君因以斷事，故君不窮於智；賢者效其材，君因而任之，故君不窮於能；有功則君有其賢，有過則臣任其罪，故君不窮於名。^{〔九〕}是故不賢而爲賢者師，不智而爲智者正。臣有其勞，君有其成功，此之謂賢主之經也。^{〔一〇〕}

校釋 「一」道本爲道家名萬物所由成之理，而法家取之以爲君人南面之術，卽所謂『主道』是

也。老子云：『有物混成，先天地生。寂兮寥兮，獨立而不改，周行而不殆，可以爲天下母。吾不知其名，字之曰

道。一又云：『道常無爲而無不爲。』解老篇云：『道者、萬物之所然也，萬物之所以成也。』宋本注云：『物從道生，故曰始。』紀宋本注云：『是非因道彰，故曰紀。』按紀猶言準則也。守始翼龜云：『謂體道也。體道則虛靜，虛靜則明，明則物來自應，故知萬物之源。』治紀猶言修明準則，亦謂體道也。善敗猶言善惡，與上文是非爲互文。道爲是非之紀，則治紀即可以知是非之端緒也。宋本注云：『得其紀，其端可知也。』

〔二〕待之各舊本作待令。按令字當作之。揚雄篇云：『虛而待之，彼自以之。』呂覽謹聽篇云：『愔易平靜以待之，使夫自得之。』管子白心篇云：『靜身以待之，物至而名自治之。』虛靜以待之，與以上所引同義，而彼皆作待之，可證此作待令之誤。若作待令，應爲臣待令，而非君待令，與上下文義不合矣。纂聞補箋札記俱以令字爲衍文，亦通，茲不具引。名事纂聞云：『即形名也。言者、名也，事者、形也。二柄篇：審合形名者，言不異事也。』按有言者自爲名，而令名自命也。有事者自爲形，即令事自定也。知動者正平議云：『知字當作爲，靜則爲動者正，猶下文云不智而爲智者正，涉上句而誤作知，於義不可通。』集解云：『俞說是者字，張榜本作之。』按者諸古通，諸之古通，故者之亦可展轉互訓。集釋云：『者猶之也。』即引此句爲例。動謂事，正謂是非，與下文不智而爲智者正之正字義有別。靜則知動者正，猶言靜則知事之是非也。

〔三〕參同猶言相合，謂綜覈名實也。翼龜云：『說文同合會也。形名參同者，使名當其實，實當其名也。』無事猶言無爲，謂不躬親爲之，而令言者自爲名，事者自爲形，人主但操形名以衡之而已。情謂本真歸之。

其情猶言使言者事者反於本真也。

〔四〕無見無與勿通。讀云：「見猶示也。」將自二字、各舊本作自將。拾補云：「自將二字疑倒，當與下文一律。」翼堯云：「自將倒措。王氏合雅、張之象鹽鐵論注、淵鑑類函、帝王總裁並作將自是。」纂聞據乙，茲從之。雕琢翼堯云：「務外飾也。君若欲人佞己，則羣臣飾外諂諛；君若欲人莫違，則羣臣忌諱爲暗。」表異謂自矜材能，示異於人，以求迎合意旨也。

〔五〕素讀云：「謂本真，卽雕琢之反也。」纂聞云：「二柄篇舊注：君無好惡，則臣無因爲僞，其誠素自見矣。」翼堯云：「國策注：素，慤通，誠也。莊子：素也者，謂其無所與雜也。」智舊二字、各舊本互易。雜誌云：「去舊去智，本作去智去舊。惡素爲韻，舊備爲韻。舊古讀若忌。大雅蕩篇：殷不用舊，與時爲韻。召閔篇：不尙有舊，與里爲韻。管子牧民篇：不恭袒舊，與備爲韻，皆其證也。後人讀舊爲巨救反，則與備字不協，故改爲去舊去智。不知古音，智屬支部，備屬之部，兩部絕不相通。自唐以後，始濶爲一類。此非精於三代兩漢之音者，不能辨也。」翼堯云：「去舊去巧也。舊故也。管子：恬愉無爲，去智與故。原道訓：不設智故，注：智故，巧飾也。假真訓：不以曲故是非相尤，注：曲故，曲巧也。」舉正云：「智故同誼，實古人之恆言。管子去智與故，卽此文之去智與舊，易故爲舊者，與備協韻也。」按雜誌說是，茲據乙。智謂智巧，舊猶今言經驗。或疑舊字爲奮或賢之誤，未可從。自備謂君既去智去舊，而無所因，則臣不得不自爲名自爲形也。

〔六〕不以慮。纂聞云：『井曰：不用智也。』處翼義云：『猶言分位也。』纂聞云：『處，所同義。外儲子之處，人之所欲也。兵略訓：諸侯沮膽其處。內儲：乃悚懼其所也。論語：雅頌各得其所。左傳：不如早爲之所。又曰：患不孝，不患無所。荀子：天下曉然皆知其所。』行賢集解云：『當作有賢而不以行，與有智而不以慮，有勇而不以慮，文法一律，下文去智去賢去勇，不作去行，是其證。』按行，當讀去聲，有行之謂賢，故有行即有賢也，去賢即去行也。不以賢，讀云：『不自賢也。』按此賢字爲動詞，猶言矜也，與去賢之賢字義有別。不以賢，謂不矜其行也。若依集解改爲有賢而不以行，則所謂不以行者，義不可解矣。怒爲逞勇之表見，不以怒，謂人君不逞其勇也。武亦勇也。

〔七〕去。宋本注云：『去君智，則臣智自明。去君賢，則臣事自功。去君勇，則臣武自強。』按此謂君不用其智，而令羣臣各效其智，則集思廣益，可以明見一切。君不矜其賢，而令羣臣各盡其能，則羣策羣力，可以建立大功。君不逞其勇，而令羣臣各盡其武，則衆志成城，可以比勝稱強。習常二字，初見於老子。老子云：『見小曰明，守柔曰強。用其光，復歸其明，無遺身殃，是謂習常。』按習與襲通，有反復遵循之意。老子以道爲常道，德爲常德，則其所謂常者，有不變之義。習常者，即反復遵循此不變之道也。至於本篇則以『羣臣守職，百官有常，因能而使之』爲主道之常則；習常，即反復遵循此常則也。

〔八〕寂寥。識誤云：『寥，讀爲寥，正字作應。』說文云：『空虛也。』翼義云：『老子：寂兮寥兮，注：無形體也。』

按寂謂靜，謬謂虛，虛靜體道，則無處所可見也。竦懼，翼毳云：「竦、竦同。苦孔傳：怵惕、竦懼也。」慧琳引字書云：「竦懼、戰慄也。」乎字，迂評本、藏本、凌本作於，茲從乾道本。趙本按乎，猶於也。

〔九〕窮，纂聞云：「能用衆智，能役衆能，何窮之有？」效字，乾道本、趙本、凌本作敕，迂評本作効。拾補云：「敕，一作效。」纂聞云：「效，呈見也。」解詁云：「効，致也，効首虜之効。舊刊効作敕，訛。」按效爲正字，効爲俗字。效，如效力、效忠、效命之效。作敕者，以形近而誤也。君不窮於名，乾道本、趙本、君作君子，茲從迂評本。凌本、拾補云：「子字衍。」識誤云：「藏本無子字，是也。」翼毳云：「名，聲譽也。」

〔一〇〕師，正宋本注云：「君雖不賢，爲賢臣之師，爲臣之正。」翼毳云：「周禮鄉師黨正注，師、正皆長也。師之言帥也，正之言政也。師非師弟之帥也。」舉正云：「爾雅釋詁：正，長也。廣雅釋詁：正，君也。故舊注云爲臣之正也。」智者，乾道本、趙本作上智者，茲從迂評本。凌本、拾補云：「爲下衍上字。」識誤云：「藏本無上字，是也。」集解云：「張榜本亦無。」成功，宋本注云：「君取臣勞以爲己功。」集解云：「依文義，文勢讀之，無功字爲是。正成經，又相均也。據舊注，則所見本已衍功字。」經，宋本注云：「常法也。」

道在不可見，用在不可知。虛靜無事，以闇見疵見而不見，聞而不聞，知而不知。〔一〕知其言以往，勿變勿更，以參合閱焉。官置一人，勿令通言，則萬物皆盡。〔二〕函其跡，匿其端，下不能原，去其智，絕其能，下不能意。〔三〕保吾所以往而稽同之，謹執其柄而固握之，絕其望，破其意，毋使人欲之，不

謹其閉，不固其門，虎乃將存。不慎其事，不掩其情，賊乃將生。〔四〕弑其主，代其所，人莫不與，故謂之虎處其主之側爲姦匿，問其主之忒，故謂之賊。〔五〕散其黨，收其餘，閉其門，奪其輔，國乃無虎，大不可量，深不可測，同合形名，審驗法式，擅爲者誅，國乃無賊。〔六〕是故人主有五壅：臣閉其主，則主失明；臣制財利，則主失德；臣擅行令，則主失制；臣得行義，則主失名；臣得樹人，則主失黨。此人主之所以獨擅，非人臣之所以得操也。〔七〕

校釋 〔一〕道用老子云：「道之爲物，惟恍惟惚，是道之體不可見也。」又云：「道常無爲，而無不爲。」

是道之用不可知也。人主體道之體，用道之用，則無所形於外，人臣卽無從測識矣。以闇見疵，集解云：「人不知虛靜之道，反以其闇而疵之。」按集解說誤。闇如闇，然而日彰之闇，謂隱晦，疵謂瑕，謂以君之隱晦，乃能見臣之瑕，疵也。纂聞云：「君去智巧，深自箱晦，則可以察彼態度，觀其疵瑕也。」譬之如居闇室者，內能見外，而使彼不可見我也，矜而自用，則羣臣匿情飾行，雕琢表異，無不爲矣。觀行篇，鏡無見疵之罪，齊策，齊貌辨之爲人也多疵，注，病也，謂過失。三而字，猶如也，謂見如不見，聞如不聞，知如不知，是之謂闇，是之謂隱晦。君能如此，則人臣之眞態畢現矣。其言，臣言，知其言，循名也。以往猶言以後也。參合卽參合形名，謂責實也。閔焉，說文云：「一曰察也，出門者察而數之也。」徐曰：春秋大閱，簡車馬也，具數一一數之也。『書多方』

克閱于乃邑謀介，疏謂簡閱其事。據此則閱者，猶言考覈也。焉，猶之也，代名詞，指『其言』而言。纂聞云：『人君聽臣言之後，必令其言前後相符，名實互當，勿得變更以容詐也。參驗合考，閱其當否，以斷功罪，君之職也。』置字，各舊本作有。識誤云：『揚雄篇有作置。』按作置是，茲據改。通言漏言也。解詁云：『每官置一監，以爲耳目，羣臣不能通言，相爲比周。』盡，宋本注云：『各令守職，勿相通，情既相猜，則自盡矣。』按此以盡爲盡職，未可從。集韻盡悉也。萬物皆盡，謂萬事之真情畢露也。

〔三〕函字，乾道本、趙本作函掩，茲從迂評本、凌本。拾補云：『掩字疑是注。』識誤云：『則萬物皆盡函，句絕，舊讀函屬下誤。』扎遂云：『函當爲函，函俗作函，形近而誤。爾雅釋詁：函，疾也。皆當以函掩其跡爲句，顧讀非，盧校尤誤。』按說文：函，容也。前漢禮樂志注：函，包也。班固敘傳注：函，讀與含同。又鎧甲謂之函，書信亦謂之函，皆有含藏之意，故函可訓爲掩。拾補疑掩字爲注文誤入正文，極是。若依識誤，以函字屬上讀，於義不可通，而依扎遂以函爲函之誤，於文亦爲贅，以函其跡匿其端與去其智絕其能，均三字爲文也。原，集解云：『當作緣，緣，因也。掩跡匿端，則下無所因，以侵其主，不能緣與下不能意同義，原緣聲近而誤。二柄篇云：人主不掩其情，不匿其端，而使人臣有緣以侵其主，作緣字，是其證。』按作原，亦通。會韻原，推原也。前漢薛宣傳注：原，謂尋其本也。管子戒篇注：原，察也。不能原，卽謂不能推測也。意，解詁云：『臆通，度也。管子：君子善謀而小人善意，注善以意度之。』

〔四〕吾字疑爲其之誤。保其所以往，謂持其所已過者而稽同之。稽考也，同合也，謂循名責實也。柄權也。賞罰之權，不可借人，故須固握之。宋本注云：『執柄固，則人意望絕也。』望字，乾道本作能望，趙本凌本作能，茲從迂評本。拾補云：『張本作能望，亦衍能字。』識誤云：『藏本同，今本無望字誤，此當衍能字。』閉門之孔也，閉與門皆以喻君權。宋本注云：『權柄不固，則篡國之虎因而存矣。』

〔五〕弑代二字，迂評本作擅逼，茲從乾道本。凌本代其所，謂代主位也。姦匿各舊本作姦臣。雜志云：『臣當爲匿字之誤，匿讀爲隱，謂居君側而爲姦隱也。逸周書大戒篇：克禁淫謀，衆匿乃墜，衆匿即衆隱。管子七法篇：百匿傷上威，百匿即百隱。明法篇：比周以相爲匿，明法解：匿作隱。漢書五行志：朔而月克東方謂之仄隱，書大傳：作側匿，是匿與隱，古字通。主所與虎爲韻，側匿忒賊爲韻，皆作臣，則失其韻矣。』按作匿是，茲據改。間字，各舊本作聞。雜志云：『聞，蓋閒之譌，閒，伺也。』纂聞云：『閒，元作聞，寫者誤耳。忒，謂過失也。外儲內閒主之情以告外。管子：姦邪在主之側者，不能勿惡也，惟惡之，則必候主閒而日夜危之。』

〔六〕餘，職誤云：『當作與，下文輔虎共韻也。』點勘云：『餘讀若與，韻與下輔虎叶。』讀云：『餘，不黨者也，收不黨者以爲君之黨也。』輔，謂黨與也。翼，彘云：『姦臣相依爲姦，猶車依輔，輔依車也，故分其勢，弱其力。』同合，猶參合也。形名，各舊本作刑名。翼，彘云：『史記張敖傳注引劉向別錄曰：申子學號曰形名者，循名以責實也。字或作刑，當讀爲形。漢書張敖傳注說者云：刑，刑家名，名家也，即太史公所論六家之二也，』

非。』按形刑二字古雖通，然爲免誤解計，今改爲形，上文亦作形名，形實也。

〔七〕閉其主，謂閉塞其主之耳目，使不通下情也。纂聞云：『如魯三桓外障距諸侯四鄰之士，內比周以愚其君之類。』臣制財利，謂財權在臣而不在君也。纂聞云：『如齊田氏上請爵祿以予羣臣，下大斗斛以貸百姓之類。』擅行令，謂專權也。纂聞云：『亡微篇，出軍命將太重，邊地任守太尊，專制擅命，徑爲而無所請者，可亡也。』行義猶言施惠也。纂聞云：『八姦篇，散公財以悅民人，行小惠以取百姓，使朝廷市井皆勸譽己，以塞其主而成其私也。』樹人猶言樹黨也。纂聞云：『亡微篇，大臣專制，樹羈旅以爲黨。詭使篇，大臣官人，比周不法，行威利在下，則主卑而大臣重矣。』

〔八〕失明，趙本、乾道本作失位，茲從迂評本、凌本。失德，集解云：『德當作得，與上財利相應，此緣聲同而誤。』讀記云：『德當作惠，惠誤爲惠，因誤爲德耳。惠與位制爲韻。失名，乾道本作失明，茲從迂評本、藏本、趙本。讀記云：『明當爲萌，本書多用萌爲民氓字，失萌與失黨義正相類，萌黨亦爲韻。』藏本趙本明作名，乃以意改之。』

人主之道，靜退以爲寶，不自操事，而知拙與巧；不自計慮，而知福與咎。〔一〕是以不言而善應，不約而善會，言已應，則執其契；事已會，則操其符。符契之所合，賞罰之所生也。〔二〕故羣臣陳其言，君以其言授其事，以其事責其功。功當其事，事當其言，則賞；功不當其事，事不當其言，則誅。明君之

道，臣不得陳言而不當。是故明君之行賞也，曖乎如時雨，百姓利其澤；其行罰也，畏乎如雷霆，神聖不能解也。故明君無偷賞，無赦罰。賞偷，則功臣墮其業；赦罰，則姦臣易爲非。是故誠有功，則雖疏賤必賞；誠有過，則雖近愛必誅。疏賤必賞，近愛必誅，則疏賤者不息，而近愛者不驕也。

〔六〕

校釋 〔一〕靜退，翼龜云：『老子云：清靜爲天下正。又云：我有三寶，持而寶之：一曰慈，二曰儉，三曰不敢爲天下先。』韓子學原於老子，故以靜退爲寶。按靜退卽謂人主不自操事計慮，而任人臣爲之也。集解疑靜退當作虛靜，未可從。

〔二〕而善應，乾道本脫而字，茲從迂評本。趙本識誤云：『藏本今本而下有言字。』翼龜云：『老子不言而善應，不召而自來。管子心術篇：不言之言，應也。應也者，以其出爲之入者也。執其名，務其應。』呂覽審應篇：『有此語，言人主以人臣所出之言，入之於耳，以其言爲之名，執其名，責其實。』按應，動詞，答也。善，狀詞。臣言而君以不言答之，是之謂善應。非謂君絕不言也，乃謂僅就臣所言者而令之如其言以爲之耳。會字，各傳本作增。平議云：『增字不可通，兩增字疑皆會字之誤。不言而善應，語本老子。不約而善會，亦卽老子善結無繩約而不可解也。善會，猶善結也。會，誤作會，又誤爲增耳。』集解云：『約當作事。言已應，事已增，正承上言之，增讀如簪，與上應爲韻。俞改增爲會，迂曲不可從。』按平議說是，纂聞亦改增爲會，茲從之。若作增，義

實不可解也。契符翼彘云：『契所執以責人者，符所兩相合以取信者。此喻以其言授其事，以其事實其功也。』

〔三〕以其事三字，乾道本作事以，迂評本、趙本作以事。識誤云：『藏本今本作以事，按當作以其事。』集解云：『二柄篇作專以其事實其功。』按識誤說是，茲據增改。不得乾道本無得字，茲從迂評本、趙本。拾補云：『得字脫，藏本有。』識誤云：『此句下有脫文。』讀記云：『此有脫句。據二柄篇當作臣不得越官而有功，不得陳言而不當，承上文功當其事，事當其言而言。』

〔四〕暖，識誤云：『讀爲愛。』讀云：『暖，藹同。』翼彘云：『文選褚淵碑文：暖有餘暉，注：暖，溫貌。莊子：暖然似春。楚辭：揚雲霓之旖繆兮，韻會：藹，音變，雲與暖同，雲貌。』畏，讀云：『威同。』解猶言免也。

〔五〕偷，翼彘云：『苟且也，猶言妄也。申鑒：明君不妄賞，非徒愛其財也，賞妄行焉，則善不勸矣。』墮與情通，解也。禮云：『民氣解墮，』是其證。姦臣迂評本作姦人，茲從乾道本、趙本。拾補云：『臣，張本作人。』易爲非，纂聞云：『輕犯罪也。』

〔六〕誅字下，疏賤必賞四字各舊本無。『識誤云：此句下有脫文。』集解云：『此下當有疏賤必賞四字。』翼彘云：『張之象鹽鐵論注引有此四字。』纂聞據補，茲從之。

揚摧

釋題 本篇原爲第二卷第八篇，揚摧二字，各舊本作揚權。宋本注云：『揚，謂舉之使明也；權，謂量事設謀也。』迂評注云：『揚，明揚也，闡揚人君用權之事。』孫貽穀云：『文選蜀都賦劉逵注：韓非有揚摧篇。今按作權誤，注說非。』識誤云：『廣韻：揚摧，都凡也。』文選李善注云：『許慎：淮南子注：揚摧，粗略也。』斟補云：『權，舊作較，謝靈運山居賦：揚較以揮，自注云：韓非有揚較，是其證。較摧，古通，別本作摧，因訛爲權。』按作摧是，茲據改。揚摧，猶言綱要，謂人主治國御臣之要義也。

提要 本篇主旨，略與主道篇相同，在以道家之說，發明人君治國御臣之術。全篇舊分爲兩大節，篇首至『上下和調』爲第一節，言君臣不同道：君執要，臣來效；君操名，臣效形；自聽言之道以下爲第二節，言聽言須虛靜參伍，御臣須信賞罰，散黨與。

考證 本篇爲有韻四言體，較主道篇更爲整齊。在思想上雖應用道家之理以說明主術，然其歸結，仍屬法家也。梁啓超云：『揚摧多用韻，文體酷似淮南子。』（見要籍解題及其讀法）胡適云：『揚摧又另是一派法家所作。』（見中國哲學史）按本篇文字思想最與主道篇相近，而與他篇不類，是否出於韓非不能無疑。然韓非之思想體系，亦有道家成分，故又不能謂本篇思想與韓非全相反也。

天有大命，人有大命。^{〔一〕}夫香美脆味，厚酒肥肉，甘口而病形；曼理皓齒，說情而損精。故去甚泰，身乃無害。^{〔二〕}權不欲見，素無爲也。事在四方，要在中央，聖人執要，四方來效，虛而待之，彼自以之。^{〔三〕}四海既藏，道陰見陽，左右既立，開門而當。^{〔四〕}勿變勿易，與二俱行，行之不已，是謂履理也。^{〔五〕}夫物者有所宜，材者有所施，各處其宜，故上下無爲。使雞司夜，令狸執鼠，皆用其能，上乃無事。^{〔六〕}上有所長，事乃不方，矜而好能，下之所欺。辯惠好生，下因其材，上下易用，國故不治。^{〔七〕}

校釋 「^{〔一〕}大命謂自然之數，非人力所能變易者。」宋本注云：「晝夜四時之候，天之大命；君臣上下之節，人之大命也。」

「^{〔二〕}美字，札記云：『當作臭，形近而譌，香臭與脆味對。』厚酒，翼龜云：『前漢曹參傳，參輒飲以醇酒，注醇酒不澆，謂厚酒也。』病字，乾道本、趙本、凌本作疾，茲從迂評本。識誤云：『藏本疾作病是也。』李善七發注，引此作病。』曼理，纂聞云：『呂覽，靡曼皓齒，注：靡曼，細理弱肌，美色也；皓齒，謂齒如瓠犀也。』按漢書司馬相如傳，鄭女曼姬，注：曼者言其色理曼澤也。理，肌理也；曼理，謂肌之美。皓，白也；皓齒，謂齒之美。曼理皓齒，統指美女也。說集解云：『讀爲悅。』損字，乾道本、趙本、凌本作捐，茲從迂評本。拾補云：『捐，孫貽穀云：意林及文選七發注皆作損。』宋本注云：『香肥，所以甘口也，用之失中則病形。皓曼，所以說情也，耽之過度則損精；賢才所以助理也，用之失宜則危君也。』去甚，乾道本誤作去泰甚，茲從迂評本。藏本、趙本、凌本、按去甚

去泰，語本老子。物極必反，甚泰則過其極，故須去之。

〔三〕權集解云：『用人之權，不使人見，虛以應物，不必自爲。執要以觀其效，虛心而用其長，即權不見，素無爲之理。廣雅釋詁：素，空也。』素字，迂評本作見素，茲從乾道本、趙本、凌本。拾補云：『見素聯文，無爲也三字爲句。主道篇：臣乃見素，二柄篇：羣臣見素，見素者，顯其誠也。』國字解云：『素，猶常也。』是素無爲即老子所謂『常無爲』，亦通。四方，宋本注云：『四方，謂臣民中央，謂主君。』要翼毳云：『素問注：要，樞紐也。莊子：要在於主，詳在於臣。』按要，猶言綱領也。效，纂聞云：『致也，謂羣臣各以其言與事貢致於君也。』以，宋本注云：『用也，君但虛心以待之，彼則各自用其能也。』

〔四〕藏謂四方來效之事，已藏於君心也。道集解云：『由也，由陰見陽，謂由一己之虛靜，以見四海之動。』陰陽，即謂動靜，或以君臣釋之，或以刑德釋之，俱未可從。左右，宋本注云：『謂左輔右弼也。君臣既通，輔弼之臣斯立，如此則同類相從，同聲相應，四方賢才畢來矣。君但開門而當之，無所遮擁也。當，受也。』按左右泛指羣臣，非僅謂輔弼。左右既立，謂羣臣已效其言與事，斯開門而受之，不加以閉拒也。上文虛而待之，即開門而當之義。

〔五〕二字，疑爲之字之誤。與之俱行，猶言任其自然也。纂聞云：『主道篇：知其言以往，勿變勿更，以參合閱焉，即是此意。』履理，履踐履也，理，道也，履理猶言體道也。解老云：『道者，萬物之所然也，萬理之所稽也。』

理者：成物之文也，道者：萬物之所以成也。故曰：道、理之者也。』又云：『夫緣道理以從事者，無不能成。』

〔六〕司夜翼毳云：『莊子見卵而求時夜。說苑猶雞之視夜。文選擬古詩：譬彼伺晨鳥。注：尸子曰：使雞伺晨時視伺，司用字不同，而各有味。雞栖曰埭，亦取時夜之義。』狸翼毳云：『鹽鐵論注引作貓。狸善捕鼠，故名野貓。又貓一名家狸，性相類，故互相名也。爾雅翼貓條：其色有似狸者，通謂之狸。說苑：騏驥驟騏，一日千里，然使捕鼠，曾不如百錢之狸。』

〔七〕不方平議云：『上有所長，是失其爲上之道。事乃不方，猶言無方也，謂不得其方也。』翼毳云：『左閱二年授方，注方，百事之義也。人主有所長，矜而自用，則羣臣見其矜心，各匿本性，卑諂求容，故百事失宜矣。』矜寡聞云：『矜而自用，好勝智能，代臣操事，則反爲臣所欺蔽也。』主道篇：去其智，絕其能，下不能意。』翼毳云：『好矜其能者，必喜人佞己也，故稱譽過於實，而不自知。』辯惠好生翼毳云：『辯，辯口也，惠，慧通小智也。好生，謂婦人之仁，不忍姦佞之人而赦其罪也。商子說民篇：辯惠，亂之贊也，慈仁，過之母也。材質性也。謂下因上辯慧好生之材性以爲姦也。』易用宋本注云：『上代下任，下操上權，則國不治。』

用一之道，以名爲首。名正物定，名倚物徙。故聖人執一以靜，使名自命，令事自定。〔一〕不見其宋，故素正。因而任之，使自事之；因而予之，彼將自舉之；正與處之，使皆自定之。〔二〕上以名舉之，不知其名，復修其形，形名參同，用其所生。二者誠信，下乃貢情。〔三〕謹修所事，待命於天，毋失其要。

乃爲聖人。〔四〕聖人之道，去智與巧，智巧不去，難以爲常，民人用之，其身多殃；主上用之，其國危亡。〔五〕因天之造，反形之理，督參鞠之，終則有始。〔六〕虛靜以後，未嘗用己。凡上之患，必同其端，信而勿同，萬民一從。〔七〕

校釋 〔一〕用一，宋本注云：「一謂道，可以常行古今莫二者，其唯正名乎？故曰以名爲首。」翼龜云：「用一謂執要也，要道莫二，故謂之一。曰用一，曰執要，曰執一，變文耳。」之字，乾道本脫，茲從迂評本。趙本、凌本倚偏也，側也，名倚物徙，猶言名不正則事不定也。自命，謂使陳言者自命其名，行事者自定其形也。

〔二〕采，拾補云：「趙氏云：不見其采，是聖人靜以自居，韜匿光采，臣下以故守素而趨於正，此說是也。」纂聞云：「主道篇去好去惡，臣乃見素去舊，臣乃自備采，文采謂好惡智舊之類。」故對補云：「按下故素正，與主道篇臣乃見素詞符，故卽乃也。上文國故不治，亦與國乃不治同。」任翼龜云：「因其陳言而任之，下不得不盡力其職事，所謂使名自命也。」予翼龜云：「因陳言當否，而予以賞罰，則善敗自舉，所謂令事自定也。」正與說文云：「正，是也，从止，一以止。」注：「守一以止也。」釋詞云：「與猶以也。」正與處之，猶言守一以處之。所守之一爲何，卽上文所謂用一，執一，亦卽正名也。

〔三〕修字，識誤云：「當作循，注未譌。」纂聞云：「依注修循字訛。唐人書循如修，故古書多相混訛耳。」宋本注云：「形事也，循事以求名，則其名可知也。」用其所生，翼龜云：「謂用賞罰也。主道篇言已應，則執

其契事已會，則操其符。符契之所合，賞罰之所生也。『二者宋本注云：謂形名也。參同則用其人，是謂誠信也。』貢謂陳見也。『按舊注未洽。誠信，猶言若信也。謂形名二者若相符合，則臣下自表見其真情也。』

〔四〕謹修所事，謂循名責實，命猶言結果；天猶言自然。言循名責實，則自然有其結果也。要謂人君虛靜以待，循名責實，而不親爲其事也。

〔五〕常謂道也。宋本注云：『夫智巧在，必背道而行詐，故須去之。』翼云：『智窮於所不知，巧窮於所不能。今官事常有，而智巧不常有也。以不常有之智巧，欲治常有之官事，難爲繼之道也。故曰難以爲常。』

〔六〕因反纂聞云：『因天之道，任自然也。反形之理，循名案實也。大體篇：不以智累心，不以私累己，寄治亂於法術，託是非於賞罰，不逆天理，不傷性情，此即因道反理者也。』物曰：反復也。『督參鞠宋本注云：督考參驗鞠盡之。』纂聞云：『督責參考，推窮事情，即形名參同也。』有始纂聞云：『山曰：有音又。物曰：謂其用不窮也。』

〔七〕虛靜以後，各舊本作虛以靜後，茲依纂聞乙。宋本注云：『常當虛靜以後人，未嘗用己而先唱。』纂聞云：『靜以元作以靜，寫者淆次。』山曰：後宜作待。上文虛而待之，主道篇：虛靜以待。按後先之反也。即待字意，何必改作！凡上趙本作凡人，又或作凡主，茲從乾道本。辻評本：凌本端宋本注云：『謂所陳事之首也。臣之陳事，不擇可否，每皆同之，則是偏聽而致患也。』一從宋本注云：『其陳事者且當信之，無遂與同，然』

後擇其善者，以之施教，則萬民齊一而隨從。『按舊注未洽。一從、猶言俱服也。同謂君所事者與臣相同也。信而勿同，謂君但信任責成，而不與臣同爲其事，則萬民俱服矣。』

夫道者，弘大而無形，德者，覈理而普至。至於羣生，斟酌用之，萬物皆盛，而不與其事。『一』道者，下周於事，因稽而命，與時死生，參名異事，通一同情。『二』故曰：道不同於萬物，德不同於陰陽，繼不同於出入，和不同於燥濕，君不同於羣臣。『三』凡此六者，道之出也，道無雙，故曰：一。是故明君貴獨道之容。『四』君臣不同道，下以名禱，君操其名，臣效其形，形名參同，上下和調。『五』

校釋

〔一〕道德，乃道家之宇宙論，非儒家之倫理說也。翼堯云：『老子：大象無形。管子：心術篇：以無爲之謂道，舍之之謂德，故道之與德無閒，故言之者不別也。閒之理者，謂其所以舍也。又云：理也者，明分以諭義之意也。道之在物曰理，明驗事實曰覈。普，徧也，至猶流也。徧流，謂無所不施也。羣生，翼堯云：『即謂萬物也。大道若水徧流，萬物斟酌用之，小取小利，大取大利，百姓日用而不知。國語：韋注：斟酌也，酌，行也。』盛補箋云：『借爲成。秦策：成橋，史記：春申君傳作盛橋；史記：封禪書：成山，漢書：郊祀志作盛山，即成盛通用之證。』按商子斡令篇以盛知謀，以盛勇戰，本書飭令篇盛作成，亦可證盛成通用。此當讀成，與寧叶，謂萬物由道而成也。老子云：『道生之，德畜之。』又云：『大道汎兮，其可左右，萬物恃之而生而不辭，功成不名有，衣養萬物而不爲主。』即此文所謂『萬物皆盛，而不與其寧』也。翼堯云：『井曰：萬物生於道，各致其盛，』

而不復與萬物同事也。』

〔二〕周徧也，普至也。道爲物之精，事爲道之形。凡事之中，莫不有遺存焉，故曰道者下周於事。稽勣補云：『按因稽而命之而字，疑天誤，卽上文所謂待命於天也。』按稽、留也，猶言寄也。解老篇云：『道者，萬理之所稽也。……萬物各異理，而道盡稽萬物之理，故不得不化；不得不化，故無常操。無常操，是以死生氣稟焉，萬智斟酌焉，萬事興廢焉。』諸稽字均宜訓爲寄。因稽而命，謂道寄於事物中各有其分，因其分不同而命曰某事某物。命者，名也。事物中所寄之道既有其分，而非無限，則不能常存，是謂與時死生。莊子秋水篇云：『道无終始，物有死生。』死生，宋本注云：『猶廢興也。』死生二字，各舊本倒。譌誤云：『生死當作死生，生與下文情韻，舊注未譌。』按譌誤說是，纂聞已乙，茲從之。通一翼龜云：『莊子齊物論，唯達者知通爲一。又云：恢詭譎怪，道通爲一。子華子通於一，萬事畢。』按一，謂道也。此言以名參之，則萬事各相異；以道通之，則其情均相同也。猶言散之於事，則爲萬殊；合之於道，則爲一理也。

〔三〕不同，纂聞云：『道生萬物，德成陰陽，衡知輕重，繩正出入，和均燥濕，君制羣臣，皆由其不同於彼也。』和，翼龜云：『爾雅釋樂，大笙謂之和，小者謂之和，注和十三簧者，所以調聲律也。聲音從時氣燥濕，說苑奉使篇，天有燥濕，絃有緩急，宮商移徙不可知。』君字，乾道本誤作君子，茲從迂評本。趙本、凌本。

〔四〕六者，翼龜云：『併道而言之，言六者同出於道，而分異其號耳。』宋本注云：『六者皆自道生，故曰』

道之出也。『獨道』二字，蘇聞翼分屬上下讀，誤。按獨道，即謂道惟一而無雙也。君與臣不同道，故明君貴獨道之容。『老子云：孔德之容，惟道是從。』莊子云：『宋鈃尹文語心之容，命之曰心之行。』諸容字義同，謂容狀也。宋本注云：『道以獨爲容。』

〔五〕職求也。宋本注云：『下當陳其名，言以職於君。』調，乾道本，趙本作調也，茲從迂評本，凌本拾補云：『一無也字，是。』識誤云：『同調韻，與詩車攻五章合。』

凡聽之道，以其所出，反以爲之入。故審名以定位，明分以辯類。〔一〕聽言之道，容若甚醉，臂乎齒乎，吾不爲始乎？齒乎，臂乎，俞惜惜乎！〔二〕彼自離之，吾因以知之，是非輻湊，上不與構。〔三〕虛靜無爲，道之情也；參伍比物，事之形也。參之以比物，伍之以合虛，根幹不革，則動泄不失矣。〔四〕動之溶之，無爲而改之，喜之則多事，惡之則生怨，故去喜去惡，虛心以爲道舍。〔五〕上不與共之，民乃寵之；上不與義之，使獨爲之。〔六〕上固閉內局，從室視庭，咫尺已具，皆之其處，以賞者賞，以刑者刑。〔七〕因其所爲，各以自成，善惡必及，孰敢不信。規矩既設，三隅乃列。〔八〕

校釋 〔一〕出入補箋云：『出，謂言也，名也，入，謂功也，形也。此謂以其言責其功，以其名責其形也。』呂覽審屬篇，以其出爲之入，以其言爲之名，取其實以責其名，可作此句義疏。主道篇，羣臣陳其言，君以其言授其事，以其事責其功，又本篇君操其名，臣效其形，形名參同，上下和調，並與此句同意。舊注誤。『辯，察聞云：』

『辨通，別也。』宋本注云：『審察其名，則事位自定；明識其分，則物類自辯。』

〔二〕容字、各舊本作溶。宋本注云：『溶、閒漫之貌。凡聽言者，欲闡以招明，愚以求智，故閒，然若甚醉者，則言者自盡而敷奏也。』平議云：『此溶字當爲容，言其容有似乎醉也。下文動之溶之，此溶字當爲搭。說文手部、搭、動搭也。動之溶之，即動之搭之也。動搭亦作動容。孟子盡心篇、動容周旋中禮，是也。疑古本兩溶字皆止作容，一爲容貌之容，一爲動容之容，傳寫增水旁，因失其義矣。』按溶若宜作容若，茲據改。惛纂聞云：『昏通。』宋本注云：『脣齒可以發言語也，吾不爲始，則彼自爲始；吾愈惛惛，彼愈昭昭。』

〔三〕離。宋本注云：『謂分析其所言，彼既分析，吾遂知之。』翼毳云：『左傳昭元年、設衛離服，注、離、陳也。』輻湊與輻輳同。宋本注云：『所陳之言，或是或非，如輻之湊，皆發自下情，上不與之爲構也。構、結也。』集解云：『構、講古通，謂解釋也。臣下是非，君並聽之，不爲調解。注訓構爲結，似非。』按構謂附會以成之也。

〔四〕參伍。宋本注云：『參、三也，伍、五也。』纂聞云：『荀子注、參伍猶錯雜也。繫辭傳、參伍以變，綜錯其數。』按參伍，謂多方考察也。合虛纂聞云：『荀子注及周易本義引作合參。楊升菴外傳、比物合虛，皆參伍考之，以知物之虛實也。荀注誤引，朱子又自荀注見之，原不自韓非子出也。物曰虛者，道也。』翼毳云：『參、參錯也，伍、交互也；比、比類也，合、偶合也。物有形也，虛、無形也。言有形之物，參錯之，以比類相準；無形之物，交互之，以偶合可數矣。顧寧人日知錄反以作合參爲是者，誤。』按比物，即今論理學上所謂類比法，合虛與歸納

法相似。動泄舉正云：『詩民勞，俾民憂泄，箋：泄猶出也。發也，出發亦動也。舊注非。』翼毳云：『文選注：融泄，動貌。』纂聞依山氏改爲動溶，云：『一根幹，喻法數也。法數，治國之本也。君能循之，不亂以私智巧辯，則其動靜得宜，無所失也。動溶，猶動靜也。』山曰：『原道訓：動溶無形之域，而翱翔忽區之上。』

〔五〕動之溶之，翼毳云：『之字，足句之辭，無義例也。』左傳：『童謠有之曰：鸛之鵒之，公出辱之，當言鸛鵒，而文句不足，故添之字耳。』倂貞訓：『若夫至人，則動溶於至虛，而游於滅亡之野，溶，從容閒暇之意。』按纂聞訓：動溶爲動靜，平議以動溶爲動搭，二說相反，而意俱可通。改翼毳云：『化也。』莊子：『處無爲而物自化。』戰國策：『子胥入江而不改，史記作不化，可見改爲化矣。』秦紀：『黔首改化。』纂聞云：『老子：我無爲而民自化。』故字趙本無，茲從乾道本。迂評本：『凌本：道舍。』宋本注云：『去善惡以虛其心，則道來止。故爲道舍。』翼毳云：『管子：虛其欲，神將入舍，掃除不潔，神乃留處。』莊子：『唯道集虛，虛者心齋也。』解老篇：『爲之欲之，則德無舍。』

〔六〕寵，宋本注云：『謂下之爲事，上不與共之，則臣得自專，其事必成，故得受其榮寵也。』翼毳云：『上不與臣共事，則民尊寵而敬服之。外儲：賞罰共，則禁令不行。』按上不與共之，謂上無爲，而不與臣共爲也。無爲則無敗，而民乃尊寵之矣。如上與臣共爲，則事不能無效，民反輕易之矣。義集解云：『讀爲議。』獨爲翼毳云：『猶專任也。』

〔七〕內局，翼毳云：『局者，關戶之木，喻內情也。術不欲見，故固閉之。』文子：『內欲不出，謂之局，外邪不入，謂之固。』

之閉。從室視庭，謂我能視彼，而不使彼視我也。』按固閉內屬，喻虛靜無爲也。從室視庭，謂道陰見陽也。咫尺乾道本。趙本、陵本作參咫尺，茲從迂評本。補箋云：『參字涉上文參伍字而衍之。當作知，聲之誤也。八姦篇諸侯之不聽，注諸侯知我不聽用其臣，可見注者所見本必作知，卽本書知譌爲之之證。咫尺已具，皆知其處者，謂人主從室視庭，咫尺之差，具列目前，而人主皆知其處也。』按咫尺喻法度，之字不誤，猶言往也，歸也。謂法度已具，則羣臣皆歸其原位，而不相踰越也。

〔八〕信。宋本注云：『所爲善惡，既各自成，善必及賞，惡必及刑，刑賞不差，誰敢不信。』三隅翼義云：『規矩、喻法度也。凡方物，正其一隅，則餘三隅皆自正矣。淮南子：經營四隅，還反於樞，注隅，猶方也。八經篇：名號賞罰、法令、三隅。』按論語云：『舉一隅不以三隅反，則不復也。』三隅名詞，蓋源於此，猶言其他也。法度爲一隅，法度已立，則其他無不俱正矣。

主上不神，下將有因；其事不當，下改其常。〔一〕若天若地，是謂累解。若地若天，孰疏孰親？能象天地，是謂聖人。〔二〕欲治其內，置而勿親；欲治其外，官置一人，不使自恣，安得移并？〔三〕大臣之門，多一人。凡治之極，下不能得。周合形名，民乃守職；去此更求，是謂大惑。〔四〕猾民愈衆，姦邪滿側。故曰：毋富人而貸焉，毋貴人而逼焉，毋專信一人而失其都國焉。腓大於股，難以趣走。〔五〕主失其神，虎隨其後。主上不知，虎將爲狗。主不蚤止，狗益無已。〔六〕虎成其羣，以弑其母。爲主而無臣，奚國

〔七〕主施其法，大虎將怯，主施其刑，大虎自寧。法刑苟信，虎化爲人，復反其眞。〔八〕

校釋 〔一〕神宋本注云：『神者隱而莫測其所由者也。既不神，故可測，則可因，故曰下將有因也。』纂聞云：『因其好惡也。』改字，各舊本作考。宋本注云：『主事不當，則下以常理考之，所以較其非。』補箋云：『考當作改。蓋改譌爲攷，攷變爲考也。舊注不識其誤，曲爲解，失之。』按補箋說是，茲據改。謂上爲事不當，則下改易其常度矣。

〔二〕累解宋本注云：『天地高厚不可測者也。君用意如天地，則上因下考之累可解也。』平議云：『累解乃疊韻字，古人常語也。荀子富國篇則和調累解，累解與和調並言，可知其義。楊注以爲嬰累解釋，非也。儒效篇解果其冠，楊注說苑蟹螺宜禾爲證。然則累解猶蟹螺矣。古語雖不盡可通，而累解二字平列，則確然無疑。舊注之失，與楊注同。』舉例云：『累解卽蟹螺也。彼从虫而此否者，書有繁簡，蟹螺累解語有倒順耳。說苑以蟹螺汙邪對文，則蟹螺猶平正也。』馬敘倫古書疑義舉例校錄云：『累解二字同義。累之本字作衆，說文云：增也。一曰衆，十黍之重也，與解不相應。疑衆與觶聲同部，借爲觶。說文：觶，佩角銳端，可以解結，引申有解義。管子白心：觶解不可解而後解，正觶解連文。』天地宋本注云：『天無私覆，地無私載，故無疏無親也。象天地之高厚而無私也。』

〔三〕內翼義云：『內官，左右郎中之類也。置而弗親，謂雖置其人而不借誠親昵之，是乃無私也。如是則

內肅，內肅則無社鼠之患矣。補箋云：『內，謂宮中也。二柄十過難一，諸篇並言豎刁自宮爲桓公治內，卽其證。桓公置豎刁而親之，致有身死蟲流出戶而不葬之患，故曰置而勿親也。』舊注失之。『外』宋本注云：『謂百官之政也。欲令官政不失，則每官置一人焉。夫兩雄必爭，官有二人，適足以增其猜競。故一人則專而不恣，豈有移易并兼之事。』按外，謂外官。官置一人，謂一人不兼官，一官不兼事，如此則治不踰官矣。

〔四〕多人，宋本注云：『臣門多人，威權在之故也。』得宋本注云：『神隱不測，故下不能得之。治道無踰此者，故曰治之極也。』斟補云：『按得當作德，八姦篇在不使人臣私其德。』按不能得，謂不得多人也。周合識誤云：『周當依主道篇作同。』翼毳云：『王逸楚辭注、周合也。』形名各舊本作刑名，茲依本書例改之。宋本注云：『形名不差，則民守職，此治之至要者也。去至要而不用，非惑而何也！』

〔五〕貸，宋本注云：『君之富臣，更從臣貸；君之貴臣，更令臣逼。此倒置之徒，不識理道者也。』讀記云：『貸爲貸之借字，與逼國爲韻。說文：貸，從人求物也。舊注亦讀貸爲貸，貸，施也，與貸義別。』按三而字，猶言至於也。謂勿使臣太富至於貸下作福焉，勿使臣大貴至於逼上作威焉，勿專信一人至於失其都國焉。信，宋本注云：『專信一人，則勢聚焉，故失其都。』腓翼毳云：『脛後肉也。趣，趨通。釋名：疾行曰趨，疾趨曰走。左傳：末大必折，尾大不掉。』宋本注云：『臣重於君，難以爲理。』

〔六〕失神，宋本注云：『謂君可測知，則臣能爲虎，隨後以伺其隙。』爲狗，札記云：『按釋詞，爲猶有也。孟

子將爲君子焉，將爲小人焉。趙注：爲有也。此文虎將爲狗，言虎將有狗也。虎將有狗者，喻權臣將招致徒黨。下文狗益無已，虎成其羣，正承此言之。舊注訓爲爲若，非。蚤止猶言早禁也。

〔七〕母宋本注云：『即君也。臣既朋黨相益，則是虎成羣也。虎既成羣，君必見弑。』無臣宋本注云：『臣皆爲虎，故曰無臣也。臣無則國亡，故曰奚國之有。』三守篇云：『人臣有不敢忠主，則國爲亡國矣，是謂國無臣也。』

〔八〕寧纂聞云：『謂安分守己，而無覬覦心也。』苟信各舊本誤作狗信，茲從集解據拾補改。拾補云：『苟誤作狗。』識誤云：『信讀爲申，申與下文人眞韻。』集解云：『此謂君苟申其刑法，則臣昔之爲虎者，皆反其眞而爲人矣。反其眞，指臣言，舊注謂君君臣臣，誤。』

欲爲其國，必伐其藂；不伐其藂，彼將聚衆。〔一〕欲爲其地，必適其賜；不適其賜，亂人求益。〔二〕彼求我予，假仇人斧，假之不可，彼將用之以伐我。〔三〕黃帝有言曰：『上下一日百戰。』下匿其私，用試其上；上操度量，以割其下。〔四〕故度量之立，主之寶也；黨與之具，臣之寶也。臣之所不弑其君者，黨與不具也。故上失扶寸，下失尋常。〔五〕有國之君，不大其都；有道之臣，不貴其家。有道之君，不貴其臣；貴之富之，備將代之備，危恐殆，禍乃無從起。〔六〕內索出圉，必身自執其度量。厚者虧之，薄者靡之，虧靡有量，毋使民比周，同欺其上。〔七〕虧之若月，靡之若熱，簡令謹誅，必盡其罰。〔八〕毋弛而

弓，一棲兩雄。一棲兩雄，其鬪嘯嘯。豺狼在牢，其羊不繁。一家二貴，事乃無功。夫妻持政，子無適從。^{〔一〕}爲人君者，數披其木，毋使木枝扶疏；木枝扶疏，將塞公園。私門將實，公庭將虛。主將壅國，^{〔二〕}數披其木，無使木枝外拒；木枝外拒，將逼主處。數披其木，毋使枝太本小；枝太本小，將不勝春風；不勝春風，枝將害心。公子既衆，宗室憂吟。^{〔三〕}止之道，數披其木，毋使枝茂；木數披，黨與乃離。掘其根，木乃不神。填其淵，毋使水清。^{〔四〕}探其懷，奪之威，主上用之，若電若雷。^{〔五〕}

校釋 「一」爲翼，龔云：「論語能以禮讓爲國，皇疏爲黔治也。」蔡字，各舊本作聚。識誤云：「聚讀爲聚，下句同，蔡與下文衆韻。」叢錄云：「按上下文皆合韻。此當作欲爲其邦，必伐其聚，不伐其聚，彼將聚衆。邦衆合韻，邦字避漢諱改，叢古字作衆，因譌爲聚。」按上兩聚字，當作衆，茲據改。宋本注云：「聚，謂朋黨交結，伐之者所以離散其朋黨也。」

「二」地。宋本注云：「地，亦國也，欲治其國，必令賜與適宜。」平議云：「呂覽重己篇，故聖人必先適欲，高注，適，適節也。管子禁藏篇，故聖人之制事也，能節宮室，適車輿以實藏，是適與節同義，必適其賜者，必節其賜也，舊注失其義。」翼云：「地，井地。孟子，始雖莫善於勸，周禮司勸，掌六鄉實地之法，以等其功，注，賞地，賞田也。適，等也。節也。賜，難篇云：一朝而以三百乘之家賜者三，是也。」按地，謂采地，必適其賜，謂賜采地，須與功等相稱也。仇人，迂，許本作求人，茲從乾，道本，趙本，凌本，拾補云：「仇，一本作讎。」按仇讎字通。宋本注

云：『亂人求益而與之，則是以斧假仇人也。』假之不可猶言不可借之，以可我韻而倒句。

〔四〕百戰纂聞云：『主利在見功而爵祿，臣利在無功而富貴，上下異利，故百戰也。』試試探也。上操乾道本誤作下操，茲從迂評本、趙本、凌本、割謂矯正也。

〔五〕寶宋本注云：『度量立，可以割斷下，故爲主之寶。黨與具，可以奪君位，故爲臣之寶。』扶寸趙本誤作扶寸，茲從乾道本、迂評本、凌本、集解云：『意林、扶作膚。』纂聞云：『焦氏筆乘、扶讀爲膚。公羊傳、膚寸而合，注、側手爲膚，按指爲寸。』山曰：投壺注、鋪四指曰扶。一尋常、翼義云：『八尺曰尋，倍尋曰常。』宋本注云：『上於度量，少有所失，下之得利已數倍多矣。』

〔六〕都謂采地之都也。纂聞云：『山曰：左傳、都城過百雉，國之害也。先王之制，大都不過參國之一，中五之一，小九之一。』宋本注云：『大其都，臣將據以叛國。』家宋本注云：『大夫稱家。』之臣疑當作之君。備字、誠誤云：『當作彼，舊注誤。』按備字不誤，猶言恐也，謂使臣既貴且富，則恐其代之也，與下文備危恐殆之備字同義。太子宋本注云：『太子者，君之副貳，國之重鎮，今欲備其危殆，必速置之，則禍端自息矣。』

〔七〕內索出。翼義云：『入則索內宄，出則禦外姦也。禮記哀公問：內以治宗廟之禮，出以治直言之禮。潘安仁射雉賦：內無固守，外不交戰。不言入而言內，不言外而言出，皆互文耳。』索、搜也。秦始皇紀、關中大索十日。周禮、方相氏以索室毆疫。說文、索、入家搜也。是索字有內求之義也。圍禦通，詩、外禦其侮，是圍字有外禦

『喻吏之貪殘者。』牟纂聞云：『柵也。』山曰：『繁讀爲蕃，息之蕃。』羊翼云：『羊喻民，民羊皆可收養者，故以爲喻也。』二貴宋本注云：『二貴爭出命，服役者不知誰從，故事無功也。』適從宋本注云：『夫唱婦隨者，禮之正也。今夫妻爭持其政，故子不知所從也。』纂聞云：『大臣擬主，則下惑貳，不知誰從也。』左傳：『一國三公，吾誰適從。』

〔一〇〕披木宋本注云：『木，喻臣也，披爲落其枝也。數落木枝者，喻數削黜臣之威勢也。』纂聞云：『秦策：木實繁者披其枝，注：披，折也。』扶疏迂評本趙本凌本作扶疎，茲從乾道本。按疏疎字通。翼云：『扶疏，枝葉盛貌。』說文：『扶疏，四布也。』公閭宋本注云：『謂臣威權覆主，充塞公閭。』按公閭謂公家之里門，所以喻君也。壅圍各舊本作壅圍。宋本注云：『圍，圍也。』識誤云：『圍當作圍，圍與下文拒處韻。』纂聞云：『依舊注，圍字訛，注圍圍倒。』千至私人之門，不一至主之庭，則將比周壅蔽以圍繞其君也。按作圍是，茲據改。壅圍猶言壅蔽也。拒宋本注云：『謂枝之旁生者也。』春風讀云：『風，叶心吟。』纂聞云：『山曰：春多風，呂覽：春之德，風也，不必以恩賞爲解。』按春風至則萬物生，其枝大者其葉必多，枝大葉多，則風一吹，根拔本倒矣，故曰不勝春風，枝將害心。枝喻臣，本與心喻君也。宗宰宋本注云：『謂大宗適子家也，庶子既衆，勢凌適子，故憂吟也。』吟字迂評本趙本凌本作吟，茲從乾道本。翼云：『吟，古吟字，歎也。』

〔一一〕不數披迂評本趙本凌本作木枝數披，茲從乾道本。識誤云：『藏本同，今本木下衍枝字。按三字

句，上文數披其本凡四見，披離韻。『根字，各舊本作根本。拾補云：『或曰根本二字當倒，與韻合。』識誤云：『掘其根三字句，與上文同，本字衍，根神韻。』按本字不但與韻不合，且於義亦不洽，因根可言掘，而本不可言掘也。秦策：『削株掘根，無與禍鄰，彼僅言根，可證此衍本字，茲據識誤刪。』淵字，各舊本作洶淵。平議云：『洶字，蓋亦衍文。舊注不釋洶字，是舊本未衍也。此處三句，皆上句三字，下句四字，今衍洶字，非其舊也。』按洶字不當有，茲據刪。淵，喻匿姦之所，今填塞之，則姦無可匿，猶水之不得清也。集解云：『定之方中，淵與人協，楚詞：清與人協，風賦：清亦與人協，詩：燕燕，淵與身人協，楚詞：卜居：清與身人協，詩：猗嗟，清與成正協，易：訟，淵與成正協，則淵清古自爲韻，顧疑有誤，非也。』

「二三」奪之補箋云：『之，猶其也。探其懷奪之威者，謂人主奪權柄於重臣之懷中而自用之也。內儲說下：遂殺簡公而奪之政，外儲說左下：奪之璽而免之令，奪之皆奪其也。』選註云：『探其懷，謂探知大臣之實情，奪其威，謂剝奪大臣之威權也。』電雷宋本注云：『威不下分，則君命神而可畏，故若雷電也。』

大體

釋題 本篇原爲第八卷、第二十九篇。篇首有大體二字，因取以名篇。選註云：『大體，謂所以治天下之大體。』

提要 本篇主旨在因天命，持大體，使人無離法之罪，魚無失水之禍，蓋一篇近於道家之法家言也。

考證 考證以本篇有守成理，因自然，法如朝露，純樸不散之語，疑爲漢初道家言。

古之全大體者，望天地，觀江海，因山谷，日月所照，四時所行，雲布風動，不以智累心，不以私累已，寄治亂於法術，託是非於賞罰，屬輕重於權衡，不逆天理，不傷情性，不吹毛而求小疵，不洗垢而察難知，不引繩之外，不推繩之內，不急法之外，不緩法之內。〔一〕守成理，因自然，禍福生乎道法，而不出乎愛惡，榮辱之責，在乎已，而不在乎人。故至安之世，法如朝露，純樸不散，心無結怨，口無煩言。故車馬不疲弊於遠路，旌旗不亂於大澤，萬民不失命於寇戎，雄駿不創壽於旗幟，豪傑不著名於圖書，不錄功於盤盂，記年之牒空虛。故曰：利莫長於簡，福莫久於安。〔二〕使匠石以千歲之壽，操鈎，視規矩，舉繩墨，而正太山，使責育帶干將而齊萬民，雖盡力於巧，極盛於壽，太山不正，民不能齊。故曰：古之牧天下者，不使匠石極巧，以敗太山之體；不使責育盡威，以傷萬民之性。因道全法，君子樂

而大姦止。澹然閒靜，因天命，持大體，故使人無離法之罪，魚無失水之禍。如此，故天下少不可。」

校釋「一」古之全大體者，拾補云：「孫詒穀云：文選四子講德論注引作古之人君大體者。」集解云：

「治要御覽四百二十九引與本書同，選注誤不可從。」智字，集解云：「御覽引作欲。」私字，集解云：「治要作心。」

「二」成理，選註云：「成猶定也。」煩言，翼毳云：「左傳嘖有煩言，注：煩言，忿爭。」至安，乾道本作致至安，茲從迂評本。趙本，凌本，純樸，乾道本作純璞，茲從迂評本。趙本，凌本，創謬，翼毳云：「駿俊音同，字彙補引創作戕，幢作旌，釋名：創，戕也。韓延壽傳：晉灼注：幢，旌幢也。顏注：幢，麾也。此謂舉旗之勇士，不賊害其命於戰陣也。」盤盂，纂聞云：「呂覽注：盤盂之器，皆銘其功也。」記年之牒，翼毳云：「如竹書紀年類，三代世表云：余讀謬記。」

「三」匠石，選註云：「匠人，名石，莊子：匠石運斤成風。」鉤，翼毳云：「所以爲曲也，莊子：直者中繩，曲者中鉤。」干將，古利劍名，離法猶言違法也。少不可，迂評本，凌本作無不治，趙本作少不治，茲從乾道本。識誤云：「藏本同，今本可作治誤。」

上不天，則下不徧覆；心不地，則物不畢載。太山不立好惡，故能成其高；江海不擇小助，故能成其富。故大人寄形於天地，而萬物備；歷心於山海，而國家富。「一」上無忿怒之毒，下無伏怨之患。上

下交順，以道爲舍。故長利積，大功立，名成於前，德垂於後，治之至也。〔二〕

校釋 〔一〕天地翼毳云：『天，謂無私如天覆而無外也，地，謂受垢而不辭卑也。』畢字、各舊本作必，茲

依集解據治要改。小助翼毳云：『細流也。』成其富，謂水多也。

〔二〕寄形於天地，謂形如天之徧覆，地之畢載也。歷心於山海翼毳云：『治要歷作措，言立心如太山不讓土壤，江海不擇細流也。』順字、乾道本作撲，趙本作璞，茲從迂評本、凌本。

觀行

釋題 本篇原爲第八卷第二十四篇。篇中有觀行二字，因取以名篇。觀行者，謂以道法觀人之行也。

提要 本篇分爲二節，首節言以道正己，末節言因可勢，求易道。

考證 本篇旨趣，近於道家。以道正己，道家言也；因可勢，求易道，亦道家言也。據此則本篇是否出於韓非，蓋不無可疑矣。

古之人，目短於自見，故以鏡觀面；智短於自知，故以道正己。鏡無見疵之罪，道無明過之惡。目失鏡，則無以正鬚眉；身失道，則無以知迷惑。〔一〕西門豹之性急，故佩韋以自緩；董安于之心緩，故佩弦以自急。故以有餘補不足，以長續短之謂明主。

校釋 〔一〕鏡無集解云：『各本鏡上有故字，涉上文而衍。藝文類聚七十、御覽七百十七、初學記二十引並無故字，今據刪。』惡字集解云：『各本作怨，藝文類聚、御覽、初學記引作惡，今據改。』翼義云：『漢書注、淵鑑類函怨並作惡，非。』

〔二〕自緩集解云：『各本作緩已，藝文類聚二十三、御覽三百七十六引緩已作自緩已。按自字是，佩韋

以自緩，與佩弦以自急，文法正同，已字誤衍。御覽四百五十九，意林引並作自緩，無已字，今據改。『纂聞云：』任昉序文，夷雅之體，無待韋弦，注引作自緩。『按已字當爲己之誤，緩己猶言緩之，亦通，茲姑依集解。』
△安于集解云：『治要安作闕，說見難言篇。』心緩集解云：『意林心作性，是。』翼龜云：『後漢書第五倫傳注，心作性。』章紘纂聞云：『李善曰：韋，皮繩，喻緩也；弦，弓弦，喻急也。』有餘，趙本無有字，茲從乾道本，迂評本，凌本，拾補云：『脫，張本有。』識誤云：『藏本同，今本無有字，誤。』集解云：『藝文類聚二十三，御覽四百五十九引以上有能字，是，藝文類聚御覽並有有字。』翼龜云：『治要淵鑑有有字。』

天下有信數三：一曰，智有所不能立；二曰，力有所不能舉；三曰，強有所不能勝。故雖有堯之智，而無衆人之助，大功不立；有烏獲之勁，而不得人助，不能自舉；有賁育之強，而無法術，不得長勝。故勢有不可得，事有不可成。故烏獲輕千鈞而重其身，非其身重於千鈞也；勢不便也。離朱易百步而難眉睫，非百步近，而眉睫遠也，道不可也。『二』故明主不窮烏獲以其不能自舉，不困離朱以其不能自見，因可勢，求易道，故用力寡，而功名立。時有滿虛，事有利害，物有生死，人主爲三者發，喜怒之色，則金石之士，離心焉。聖賢之測淺深矣。故明主觀人，不使人已難，明於堯不能獨成，烏獲之不能自舉，賁育之不能自勝，則觀行之道畢矣。『三』

校釋 〔一〕信數，謂必然之理也。烏獲，翼龜云：『古之有力者，勁健也。荀子子道篇，雖有國士之力，不能

自舉其身，非無力也，勢不可也。『賁[△]翼[△]云：『孟賁、夏育，皆古之勇士。』長勝[△]各舊本作長生。札記云：『長生當作長勝。』上文云強有所不能勝，下文云賁育之不能自勝，是其證。』按作長勝是，茲據改。勢有乾道本，趙本作世有，茲從迂評本。凌本集解云：『治要作勢。』按勢字是，作世者，聲近而誤耳。離朱[△]集解云：『治要朱作婁，下同。』翼[△]云：『離朱，離婁也，古之明目人。禮檀弓：邾婁、釋文：邾人呼邾聲曰婁。』

〔二〕可勢易道集解云：『此言因其可得之勢，求其易行之道也，即承上勢不便，道不可而言。』金石之士[△]謂忠誠之士也。測淺深矣[△]。乾道本、趙本測作撲，茲從迂評本。拾補云：『張凌本撲作撲。』按測淺當逗，聖賢之測淺深矣，謂聖賢之推測淺事，常深入一層以爲說也。或以淺深二字連讀，而以闕見深淺釋之，未可從。已難[△]各舊本作觀已或觀己。札記云：『不使人觀己，當作不使人已難。蓋難字先誤爲觀，淺學者因改已觀爲觀己，使成文義，而不知其仍無當也。』上文云：不窮烏獲以其不能自舉，不困離朱以其不能自見，因可勢，求易道，即不使人以難之義。』按作已難是，茲據改，已與以通。烏獲之乾道本、趙本無之字，茲從迂評本。凌本拾補云：『獲下脫之字，張凌本有。』自勝下[△]各舊本有以法術三字。翼[△]云：『是三字疑衍。』按以法術三字於文不屬，疑舊注誤入，茲刪之。

第八卷

解老

釋題 本篇原爲第六卷、第二十篇。解老者、解釋老子道德經也。經文簡約，本篇詳釋其義，爲老子傳注之祖。

提要 本篇主旨、在依老子之文，以闡釋其義。所釋之文，雖不盡依老子原文之次第，亦未盡取老子全文而釋之，然其所釋者，多合於老子之旨，爲治老子者所必讀。章炳麟國故論衡原道上云：『凡周秦解故之書，今多亡佚，諸子尤寡。老子獨有解老喻老二篇，後有說老子者，宜據韓非爲大傳而疏通證明之。解老、喻老未嘗雜以異說，蓋其所得深矣。』

考證 自司馬遷以韓非之學歸本於黃老，舊日論者遂多信本篇出於韓非本人。迂評云：『申韓之學，出於老氏，故作解老』，卽其一例。但近人漸有疑之者，如胡適謂本篇爲另一人所作，（見中國古代哲學史）容肇祖更詳證其不出於韓非：（一）本篇釋老子虛無恍惚之道，而五蠹篇則非『微妙之言』，『忠孝篇非』『恍惚之言，恬淡之學』，是相反也。（二）五蠹篇非『重生之士』，而本篇則稱『重生者』，是又相

反也。(三)五蠹篇主張『論世之事，因爲之備』而本篇則主張『貴虛靜而重變法』是又相反也。總之，本篇爲道家說，而非法家說，不無可疑，詳見考證。

德者，內也，得者，外也。『上德不德』言其神不淫於外也。神不淫於外則身全，身全之謂德，德者得身也。『一』凡德者，以無爲集，以無欲成，以不思安，以不用固。爲之欲之，則德無舍；德無舍，則不全用之思之，則不固；不固則無功，無功則生於德。『二』德則無德，不德則有德。故曰：『上德不德，是以有德。』(三)

校釋 『一』德說文云：『德者，外得於人，內得於己也。』讀云：『蓋以德取義於得，故且分德得於內外，而言德而不見其得也。』淫，纂聞云：『長門賦：神悅悅而外淫，注：廣雅曰：淫，浮也。』德德二字，集解據御覽七百二十引改作得得，茲仍從各舊本。翼毳云：『藝文類聚引二德字皆作得，非。禮鄉飲酒義：德也者，得於身也。故曰：古之學道術者，將以得身也，是故聖人務焉。』

『二』集成解詁云：『集，謂不散也。集成互文，無營爲之心，則德行集成。』安固纂聞云：『不思則虛，不用則靜，虛靜則安，安則守固，外誘之私，不能引之。』無舍，集解云：『舍，止也，無舍言不能安其止。』解詁云：『無舍，言神淫於外也。』按無舍，猶言不集也。德以無爲集，今爲之欲之，則德不集矣。無功，纂聞云：『爲欲思用，以德爲務，則無集成之功。』則生於德，迂評本、凌本無則字，趙本於作有，茲從乾道本。拾補云：『藏本、張本

有作於。『識誤云：『今本於作有，誤。』按無功則生於德，蓋謂所以無功者，由於欲有所得於外也。

〔三〕德則無德，謂有所得於外，則無所得於內也。纂聞云：『以德爲務，反失其德。』不德則乾道本作不得則在，迂評本、趙本、凌本作不德則在。拾補云：『在字疑衍。』識誤云：『藏本今本得作德。』集解云：『按作德是，今據改。在字衍，張榜本無，今據刪。』按纂聞亦刪在字，茲從之。不德則有德，謂無所得於外，乃能有所得於內也。上德不德，是以有德，乃老子三十八章語。本篇凡用『故曰』二字以下之文，皆老子原文。老子王弼注云：『上德之人，惟道是用，不德其德，無執無用，故雖德而無德名也。』彼以名實分釋德字，與此以內外分釋德字者，實有異也。

所以貴無爲無思爲虛者，謂其意無所制也。夫無術者，故以無爲無思爲虛也。夫故以無爲無思爲虛者，其意常不忘虛，是制於爲虛也。虛者，謂其意無所制也。今制於爲虛，是不虛也。〔一〕虛者之無爲也，不以無爲爲有常。不以無爲爲有常，則虛，虛則德盛，德盛之謂上德。故曰：『上德無爲，而無不爲也。』〔二〕

校釋 〔一〕虛翼義云：『虛者，寂然不動也。易繫辭：无思也，无爲也，寂然不動。荀子：人生而有知，知而有志，志也者，藏也。然而有所謂虛，不以所以藏害所將受，謂之虛。』制新釋云：『文選張景陽雜詩注引此，制謂縛束也。』故以集解云：『說文：故使爲之也。靈臺清靜，自然而虛。若無道術之人，有意爲虛，所謂故也。』

翼龜云：『淮南齊俗訓：常欲在於虛，則有不能爲虛矣。若夫不爲虛而自虛，是所慕而不能致也。』無所各舊本作所無。拾補云：『所無疑倒。』按依上文當作無所，茲據乙。

〔二〕常老子云：『道可道，非常道。』『常德不忒，復歸於無極。』『道常無爲。』本篇云：『夫物之一在一亡，乍死乍生，初盛而後衰者，不可謂常。唯夫與天地之剖判也俱生，至天地之消散也不死不衰者，謂常。』據此則所謂常者，即指道或德之恆性言也。體道無爲，而又忘無爲之爲常道，是謂『不以無爲爲有常。』易言之，即行在無爲，而意不在無爲者，始爲真虛也。上德猶言至德也。無不爲也。集解云：『德經、河上公、王弼本，不作以，葉夢得不作非，傅奕本無無字。各本無末也字，按此篇及喻老每條末也字矣，字多非老子文。』

仁者，謂其中心欣然愛人也。其喜人之有福，而惡人之有禍也，生心之所不能已也，非求其報也。故曰：『上仁爲之，而無以爲也。』〔一〕

校釋 〔一〕欣然翼龜云：『喜貌。』禍字，迂評本誤作福，茲從乾道本、趙本、凌本。生心，翼龜云：『猶云性也。於文生心爲性，天命之謂性。人之於仁心，出於自然，而不能已者也。』孟子：仁，人心也。『無以爲猶言無所爲也。以，可訓所，詳見集釋。』魏源老子本義訓以爲用，未洽。

義者，君臣上下之事也，父子貴賤之差也，知交朋友之接也，親疏內外之分也。臣事君宜，下懷

上宜，子事父宜，賤敬貴宜，知交朋友之相助也宜，親者內而疏者外宜。義者，謂其宜也。宜而爲之，故曰：『上義爲之，而有以爲也。』〔一〕

校釋 〔一〕事也。迂評本、凌本事作禮，茲從乾道本。趙本也字，各舊本無，茲依纂聞補。接變也。下懷上宜，各舊本無宜字。識誤云：『此下當有宜字。』集解云：『按拾補有宜字，今依增。』茲從之。纂聞云：『懷，歸也。』按此懷字如書黎民懷之，論語少者懷之之懷。賤字，乾道本誤作衆，茲從迂評本。趙本、凌本、識誤云：『藏本今本衆作賤。』宜而爲之，猶言宜乃爲之也，而可訓乃，詳見釋詞。有以爲，猶言有所爲也，爲讀去聲。

禮者，所以貌情也。羣義之文章也。君臣父子之交也。貴賤賢不肖之所以別也。〔一〕中心懷而不諭，故疾趨卑拜而明之；實心愛而不知，故好言繁辭以信之。禮者，外飾之所以諭內也。故曰：禮以貌情也。〔二〕凡人之爲外物動也，不知其爲身之禮也。衆人之爲禮也，以尊他人也，故時勸時衰。君子之爲禮，以爲其身，以爲其身，故神之爲上禮。上禮神而衆人貳，故不能相應。不能相應，故曰：『上禮爲之，而莫之應。』〔三〕衆人雖貳，聖人之復恭敬，盡手足之禮也不衰。故曰：『攘臂而仍之。』〔四〕

校釋 〔一〕貌情。乾道本、趙本作情貌，茲從迂評本。凌本、拾補云：『情貌倒，從張本作貌情。』集解云：『按盧說是，作情貌者，涉下條禮爲情貌也而誤。貌與飾同義。荀子大略篇：文貌情用，相爲表裏。文貌，卽文飾也。禮記月令疏引定本：飾謂容飾也，容飾卽容貌也。下文禮者外飾之所以諭內也，內指情言，飾卽貌也。御覽

五百四十二引作禮者所以飾貌情也。貌上更有飾字，蓋校者旁注飾字以釋貌義，刊書者失刪，亦見飾貌二字古通，而作情貌者誤，今據乙。羣義之文章，謂人羣相與，各有其義，因爲禮文以飾其義也。纂聞云：『山曰：禮記，三年之喪何也？曰：稱情而立文，因以飾羣，別親疎貴賤之節，而弗可損益也。』君臣翼義云：『曲禮，君臣上下父子兄弟，非禮不定。』

〔二〕諭翼義云：『文選古詩，幸有弦歌曲，可以喻中懷，喻與諭通。』故疾趨。乾道本故作其，茲從迂評本。趙本、凌本、集釋云：『其猶故也。』而明之。集解據御覽改作以明之，茲仍從各舊本。按而猶以也，詳見釋詞。而明之與下以信之，而以互文。外飾，乾道本、趙本誤作外節，茲從迂評本。凌本故曰識誤云：『當衍曰字，按此及喻老凡故曰之下必引老子文，其不然者，卽有誤也，今皆正之。』纂聞云：『此故曰者，重言上文，非引老子也。』

〔三〕動。纂聞云：謂誘惑。其爲身翼義云：『其爲倒，宜作爲其身。』按爲當讀去聲。時勸時衰，謂衆人之於禮，有應則爲之，無應則不爲也。翼義云：『時者，常之反也。禮本爲身而作矣，衆人不知，而以爲尊他人，故不能常之也。』君子之乾道本作君子以，茲從迂評本。趙本、凌本、集解云：『按作之者，是也。以字涉下文而誤，上文衆人之爲禮，與此君子之爲禮相對，明此不當作以。』神謂誠一不二也。翼義云：『爾雅，神，慎也。風俗通，神者，信也。此謂上禮不爲無人而怠也。』貳謂衆人之爲禮時勸時衰而不始終如一也。

〔四〕復讀云：『反復也。』翼義云：『復、如克己復禮之復，猶履也。』手足之禮，翼義云：『禮玉藻，足容重，手容恭。祭統，手足不苟動，必依於禮。』攘臂而仍之，凌本注云：『仍，就也，奮而就之，驅而納之于禮也。』識誤云：『經典釋文，仍作扔，傳本及今德經皆作仍。』集解云：『仍，王弼作扔。說文，仍，因也，扔，亦因也，仍扔字異義同。』本義云：『攘，古讓字，扔，古通作仍字，言再推讓而就之也。』翼義云：『攘臂而仍之，猶言拂衣而從之也。玉篇，除袂出臂曰攘，心憤發而氣勇也。』按攘臂而仍之，謂奮臂而起以就之，蓋執禮益恭也。

道有積，而積有功；德者，道之功。功有實，而實有光；仁者，德之光。光有澤，而澤有事；義者，仁之事也。事有禮，而禮有文；禮者，義之文也。〔一〕故曰：『失道而後失德，失德而後失仁，失仁而後失義，失義而後失禮。』〔二〕

校釋 〔一〕而積各舊本作而德。識誤云：『德當作積。』按作積是，茲據改。實有光，翼義云：『孟子，充實之謂美，充實而有光輝之謂大。易，篤實光輝，日新其德。』

〔二〕而後失拾補云：『凡而後下，俱不當有失字。』識誤云：『傳本及今德經無下失字。』劉師培校老子云：『據韓非子，則今本脫四失字。老子之旨，蓋言道失而德從而失，德失而仁從而失，仁失而義從而失，義失而禮從而失也。』按莊子知北游篇亦有此數句，而無而後下之四失字，與老子同。今依本節之釋文考之，蓋謂道爲德之本，德爲仁之本，仁爲義之本，義爲禮之本。本失，則其末亦隨之而失之矣。故曰：『失道

而後失德，失德而後失仁，失仁而後失義，失義而後失禮。』是而後下之四失字，不可無也，拾補所說未可從。

禮，爲情貌者也。文，爲質飾者也。夫君子取情而去貌，好質而惡飾。夫恃貌而論情者，其情惡也；而論質者，其質衰也。何以論之？和氏之璧，不飾以五采；隋侯之珠，不飾以銀黃。其質至美，物不足以飾之。『一』夫物之待飾而後行者，其實不美也。是以父子之間，其禮樸而不明，故曰：『禮，薄也。』『二』凡物不並盛，陰陽是也；理相奪予，威德是也。實厚者貌薄，父子之禮是也。由是觀之，禮繁實必衰也。然則爲禮者，事通人之樸心者也。『三』衆人之爲禮也，人應則輕歡，不應則責怨。今爲禮者，事通人之樸心，而資之以相責之分，能毋爭乎？有爭則亂，故曰：『夫禮者，忠信之薄也，而亂之始也。』

校釋：『一』情貌拾補云：『此爲情貌，與前文自別。』好惡二字，均應讀去聲，纂聞、翼義釋爲美惡，誤。情惡此惡字讀平聲，須纂聞云：『待也。』五采，謂青黃赤白黑也。隋侯、翼義云：『隋，隨同。淮南子注：隨侯，漢中國，姬姓諸侯也。隨侯見大蛇傷斷，以藥傅而塗之，後蛇於夜中銜大珠以報之，因曰隨侯之珠。論衡：隨侯以藥傅珠，精耀如真。』銀黃，纂聞云：『銀黃，蓋一種寶物，如珊瑚、琅玕類。景福殿賦：點以銀黃，燦以琅玕。李善云：黃，謂黃金，非也。銀黃與琅玕對，知是一物，非謂銀與黃金也。廣絕交論：早結銀黃。漢書：武帝以璽書責樓』

船將軍楊僕曰：懷銀黃，垂三組，誇鄉里。山海經集獲之水，其陽多丹粟，其陰多銀黃；又云：卑塗之山，其陰多銀黃。楊慎補注：銀黃，漢代用以爲佩，唐太宗賜房玄齡銀黃帶，宋人小說云：其物貴於黃金。楊說近之，但銀黃帶不昉於漢，戰國有之。說苑魯仲連謂田單曰：今將軍東有掖邑之封，西有滎上之寶，金銀黃帶，馳騁乎滎澠之間，佩黃金印，垂銀黃帶，言其貴盛也。唐本草載黃銀，李時珍綱目收之金部，因引瑞物圖及泊宅編，白氏六帖等爲證。不知黃銀、本銀黃字倒誤。所引諸書，元作銀黃，無一作黃銀者。李氏強誤倒作黃銀，以飾其說耳。自此之後，觀本草者，或謂銀類，或謂卽黃銅，愈說愈失，故爲詳之。

〔二〕其禮樸乾道本無樸字，迂評本、凌本作具禮，茲從趙本。識誤云：『今本禮下有樸字，按句有誤，未詳。』集解云：『按樸而不明，卽下文實厚者貌薄之意，無樸字則文不成義，改從今本。』按其禮樸而不明，謂父子之禮簡質，不必以繁文明之也。禮薄也。識誤云：『句有誤。』集解云：『顧氏謂曰下必引老子文，故疑誤，不知此卽老子夫禮者忠信之薄也，所以亦用故曰以明之，非必盡引老子成文而不節也。下文是謂深其根，固其柢，本書無是謂二字。善建者不拔，本書僅云拔之類是也。又有增多其字以足義者，是謂道紀，本書作道理之者也。喻老篇子孫以其祭祀世世不輟，而老子元文作子孫祭祀不輟是也。此既云禮薄也，下又申明故曰夫禮者忠信之薄也，正與下文故曰道之華也，又申之以故曰前識者道之華也，故曰迷，又申之以故曰人之迷其日故以久矣，故曰重積德，又申之以故曰蚤服，是謂重積德，故曰無不克，又申之以故曰。』

無不克則莫知其極，同類。』

〔三〕陰陽易理以陰陽相待而變，陰盛則陽衰，陽盛則陰衰，消息盈虛，循環不已，故此以陰陽爲物不並盛之例證。威德謂恩威也。恩勝則傷威，威勝則傷恩，故曰理相奪予。威所以奪也，恩所以予也。實必各舊本作實心。集解云：『禮繁者實衰，與實厚者貌薄對文，心字不當有此緣下文樸心而衍。』讀記云：『心乃必字之誤，』茲據改。事通人之樸心。讀云：『謂以鑿混沌之竅爲務也。』按事務也，通猶開也。事通人之樸心，猶言務斲喪人之本性也。集解釋通人爲衆人誤。

〔四〕輕歡識誤云：『歡當作勸，上文云時勸時衰。』按歡字不誤，輕歡猶言輕喜也。而資之猶言又假之也。也字識誤云：『傳本及今德經皆無，下道之華也同。』乎字識誤云：『今德經無，傳本作也。』集釋云：『乎猶也也，論衡自然篇乎作也。』

先物行，先理動之謂前識。前識者，無緣而妄意度也。〔一〕何以論之？詹何坐，弟子侍，有牛鳴於門外。弟子曰：『是黑牛也，而白題。』詹何曰：『然是黑牛也，而白在其角。』使人視之，果黑牛，而以布裹其角。以詹子之術，嬰衆人之心，華焉殆矣。故曰：『道之華也。』〔二〕嘗試釋詹子之察，而使五尺之愚童子視之，亦知其黑牛，而以布裹其角也。故以詹子之察，苦心傷神，而後與五尺之愚童子同功，是以曰：『愚之首也。』故曰：『前識者，道之華也，而愚之首也。』〔三〕

校釋 「一」前識謂智也。妄字、各舊本作忘，茲依纂聞翼義改。集解云：「忘與妄通。左傳哀二十七年注、言公之多忘，釋文忘本又作妄。莊子盜跖篇故推正不忘耶，釋文忘或作妄。此忘妄古通之證。無緣而妄意度，謂無所因而以意忖度之也。用人篇去規矩而妄意度，是其證。」

「二」詹何纂聞云：「列子注詹何蓋隱者也，楚人以善釣聞於國。」有牛乾道本脫有字，茲從迂評本。趙本凌本識誤云：「藏本今本有有字。」集解云：「御覽八百九十九事類賦二十二引並有有字。」白題集解據御覽事類賦引作白在其題，茲仍從各舊本。按題謂額也，御覽事類賦題作蹠，誤。嬰纂聞云：「櫻同，莊子老聃曰汝慎勿櫻人心。」華焉殆矣，謂虛華不實而有害也。

「三」舊集釋云：「猶若也，假設之詞也。」釋詹子之察謂舍詹子之明察也。是以曰識誤云：「句有誤，當衍以曰二字。」集解云：「是以二字不誤。與故字同用。上文故曰道之華也，此言是以曰愚之首也，語正相同，皆本老子文，變故言是以者，避下故曰以成文也。」首也識誤云：「今德經無也字，傳本有，與此合，首皆作始。」

所謂大丈夫者，謂其智之大也。所謂「處其厚不處其薄」者，行情實而去禮貌也。所謂「處其實不處其華」者，必緣理不徑絕也。所謂去彼取此者，去禮貌徑絕而取緣理情實也。故曰「去彼取此」。

校釋「不處」^{△△}識誤云：「今德經下處字作居，非，傳本與此合，下不處其華同。」按處、居二字義同。緣

理謂因道也。徑絕^{△△}集解云：「即妄意度也。徑絕與經絕同義，解見下文。」按徑絕謂智或前識，即上文所謂

無緣而妄意度也。徑絕與緣理義相反，緣理有緣，而徑絕則無緣矣。禮貌^{△△}各舊本無禮字。識誤云：「去下當

有禮字。」按依上文當有禮字，茲據補。去禮貌徑絕，謂去禮智也。情實^{△△}各舊本作好情實。識誤云：「當衍好

字。」茲據刪。按取緣理情實，即謂取道德也。本義云：「其以厚薄華實爲言者，蓋道猶木之實，生理在中，胚

胎未發，既生之後，則德其根，義其枝，禮其葉，而智其華也。道實智華，實實而華虛，德根禮葉，根厚而葉薄。故

曰禮者忠信之薄，前識者道之華。而大丈夫寧守此道德之厚實，而去彼禮智之華薄也。」

人有禍則心畏恐，心畏恐則行端直，行端直則思慮熟，思慮熟則得事理。行端直則無禍害，無

禍害則盡天年，得事理則必成功，盡天年則全而壽，必成功則富與貴。全壽富貴之謂福。而福本於

有禍，故曰：『禍兮，福之所倚，』以成其功也。〔一〕

人有福則富貴至，富貴至則衣食美，衣食美則驕心生，驕心生則行邪僻而動棄理。行邪僻則

身死妖，動棄理則無成功。夫內有死天之難，而外無成功之名者，大禍也。而禍本生於有福，故曰：

『福兮，禍之所伏。』〔二〕

夫緣道理以從事者，無不能成；無不能成者，大能成天子之勢尊，而小易得卿相將軍之賞祿。

大異道理而妄舉動者，雖上有天子諸侯之勢尊，而下有倚賴，陶朱卜祝之富，猶失其民人，而亡其財資也。衆人之輕棄道理而易妄舉動者，不知其禍福之深大，而道闊遠若是也。故諡人曰：『孰知其極。』〔三〕

校釋 〔一〕全而壽富與貴纂聞云：『與讀曰而。』集釋云：『而猶與也。』按而與二字可以互訓，詳見釋詞。此宜訓與爲而，而猶且也，又也。全而壽謂全且壽也。富與貴謂富且貴也。富貴乾道本、趙本無貴字，茲從迂評本、凌本。拾補云：『脫，張本有。』識誤云：『藏本有貴字，是也。』集解云：『依上文應有，今據補。』倚集解云：『因也。老子明皇陸希聲本無之字。』以成其功也。纂聞云：『重解因禍慎事，遂得成功之義。或曰：此五字衍文，以老子無之也。』

〔二〕至則乾道本脫則字，茲從迂評本、凌本。識誤云：『藏本有則字，是也。』集解云：『御覽四百七十二引亦有則字。』則行乾道本脫行字，茲從迂評本、趙本。識誤云：『今本則下有行字，依下文當補。』集解云：『御覽引有行字。』難讀去聲。本生集解云：『上福本於有禍，與此對文，不當更有生字，此緣上生字而誤衍。』按本與生同義，生字宜刪，或依此謂上文福本於有禍當增生字，未可從。伏集解云：『明皇陸希聲本無之字。』

妄字、迂評本、凌本作忘，茲從乾道本、趙本。下字、乾道本誤作天下，茲從迂評本、趙本、凌本。識誤云：『藏本、

今本無天字。『倚頓』史記作倚頓。貨殖傳云：『倚頓用鹽鹽起，與王者埒富。』孔叢子云：『倚頓、魯之窮士也，耕則常饑，桑則常寒，聞朱公富，往而問術焉。朱公曰：子欲速富，當畜五特。於是乃適兩河，大畜牛羊於猗氏之南，十年之間，其息不可計，貨擬王公，馳名天下，以興富於猗氏，故曰倚頓。』陶朱、貨殖傳云：『范蠡既雪會稽之恥，變名易姓，適齊爲鴟夷子皮，之陶爲朱公。朱公以爲陶，天下之中，諸侯四通，貨物所交易也。乃治產積居，與時逐，而不責於人。故善治生者，能擇人而任時，十九年之中，三致千金，再分散與貧交疏昆弟，此所謂富好行德者也。後年衰老而聽子孫，子孫修業而息之，遂至巨萬。故言富者皆稱陶朱公。』卜祝識誤云：『末詳。』集解云：『卜祝疑爲十倍之譌。』讀云：『豈卜祝多福歟，抑別有所指歟？』纂聞云：『卜、姓也有卜商、卜皮，或木叔音轉，列子有富人端木叔者，子貢之世也。』極、謂物極必反也。老子云：『反者，道之動。』又云：『萬物並作，吾以觀復。』老子之意，蓋謂物各有其極，至其極則變爲反矣。故曰禍兮福所倚，福兮禍所伏，孰知其極，卽謂無人能知禍極而爲福，福極而爲禍之道也。老子云：『持而盈之，不如其已。』又云：『保此道者，不欲盈。』盈亦謂極也。

人莫不欲富貴全壽，而未有能免於貧賤死夭之禍也。心欲富貴全壽，而今貧賤死夭，是不能至於其所欲至也。凡失其所欲至之路而妄行者之謂迷，迷則不能至於其所欲至矣。今衆人之不能至於其所欲至，故曰『迷』。衆人之不能至於其所欲至也，自天地之剖判以至於今，故曰『人

之迷也，其日故以久矣。」〔一〕

校釋 〔一〕禍也。猶言禍者欲至之路。各舊本無之字，茲依纂聞補述。集解云：「與失路等，下故曰拔，與此句例同。」于今，迂評本、凌本無于字，茲從乾道本、趙本。拾補云：「于字，張本無。」其日故以久矣。迂評本、凌本脫日字，茲從乾道本、趙本。識誤云：「今德經人作民，無也字矣字，傳本與此合，故皆作固，皆無以字。」集解云：「王弼作人，與此同。陸希聲、趙孟頫本作民，迷其日固以久矣。」纂聞云：「故以固已通。」

所謂方者，內外相應也，言行相稱也。所謂廉者，必生死之命也，輕恬資財也。所謂直者，義必公正，心不偏黨也。所謂光者，官爵尊貴，衣裘壯麗也。〔一〕今有道之士，雖中外信順，不以諂窮誘墮；雖死節輕財，不以侮罷養貧；雖義端不黨，不以去邪罪私；雖勢尊衣美，不以夸賤欺貧。〔二〕其故何也？使失路者而肯聽習問知，即不成迷也。今衆人之所以欲成功而反爲敗者，生於不知道理，而不肯問知而聽能。衆人不肯問知而聽能，而聖人強以其禍敗適之，則怨衆人多而聖人寡，寡之不勝衆數也。今舉動而與天下爲讎，非全身長生之道也，是以行軌節而舉之也。〔三〕故曰：「方而不割，廉而不剝，直而不肆，光而不耀。」〔四〕

校釋 〔一〕內外，迂評本、凌本作外內，茲從乾道本、凌本。內外相應，謂心口如一也。稱，集解云：「副也，昌證反。」必生死之命，集解云：「謂能死節。」翼義云：「必，說文，分極也。賈誼新書，克行遂節，謂之必。按生死

稟於天者也，知窮達之分者，死不苟辭，生不苟取，卽克行遂節也。『輕恬集解云：『恬，淡也。』心字，乾道本作公心。趙本作立心，茲從迂評本。凌本識誤云：『今本公作立，當衍此字。』

〔二〕誹窮謗墮各舊本作誹謗窮墮，誹一作非，字通。札記云：『疑當作誹窮謗墮，與下侮罷羞貪，去邪罪私，夸賤欺貧，文同一例。窮有曲義，說文：窮極也，物極則反，故又訓爲曲。周禮大宗伯：侯執信圭，伯執躬圭，論語鄉黨正義引江南儒者解云：直者爲信，其文綳細；曲者爲躬，其文麤略，義或然也。躬窮字通，正義正讀躬爲窮。凡物之不正者，皆得謂之窮奇，其字或作窮曲，或作窮屈，或云曲窮，單言之，或謂之屈，或謂之窮，其義一耳。王先慎引曲禮言不惰，今阮本作惰，孔疏云：言不惰者，惰訛不正之言。朱駿聲謂字本作墮，字林：墮山之施長者，通作隋惰。窮隋皆反對信順而言，故曰雖中外信順，不以誹窮謗墮也。』按札記說是，茲據乙方爲信順，不方爲窮隋。不以己之信順，而非人之窮隋，是謂方而不割。罷食讀云：『廉之反。』纂聞云：『罷，罷弱不任事者，賢之反也。荀子：無國而不有賢士，無國而不有罷士。又云：賢能不待次而舉，罷不能不待頃而廢。說苑：實者進以顯榮，罷者退而勞力。墨子：我罷不肖，我從事不疾。齊語：罷士無伍，注：罷，病也，無行曰罷，罷如字。』義端趙本作異端，茲從乾道本。迂評本凌本識誤云：『藏本同，今本義作異誤，端正也。』夸與誇通。欺纂聞云：『山曰：猶陵也。漢高功臣頌：形可以暴，志不可陵，注：陵，欺也。』

〔三〕聽習問知識誤云：『王潤曰：習當作能，見下文。按下文二能字，或本皆作習，而後人改之耳。知如字。』

讀云：『謂聽於慣習之人而問於知識之士也。』適識誤云：『讀爲謔。』數纂聞云：『理也。』集解讀數爲索角反，誤。天下乾道本，迂評本，凌本作天下之，茲從趙本。按之下或脫人字，謂與天下之人爲讎也。軌節識誤云：『句有誤。』集解云：『行，謂己之所行，軌節，即方廉直光，舉之，謂以此正衆人也。呂覽自知，所以舉過也，注舉猶正也，是其證。』翼毳云：『賈誼新書，緣法循理謂之軌，伏羲誠必謂之節。』按行軌節而舉之，謂節制其行而爲之，使不過於方廉直光也。此句義與上文相反，而啓下文，集解訓舉爲正，未可從。

〔四〕劇，乾道本，趙本作穢，茲從迂評本，凌本。識誤云：『藏本穢作穢，今德經作害，傳本作劇，經典釋文云：劇，河上作害，淮南子道應訓引亦作劇。今按藏本乃以他本老子改耳，韓子自作穢，上文云：不以侮罷羞貪，即不穢之義。』集解云：『按王弼注，劇，傷也，不以清廉劇傷於物也。即死節輕財，不以侮罷羞貪之義。劇，穢聲近而誤，非韓子本作穢也。』翼毳云：『割，劇皆謂芒利傷物也。方言：凡草木刺人，自關而東，或謂之刺。』叢錄云：『穢是劇字之譌。禮記聘義：廉而不劓，義也。荀子榮辱篇：廉而不見劓者，貴也。楊子法言：廉而不劓，行也。此所引是老子之文，王弼本作廉而不劓，河上公本作廉而不害，害亦與劓義相近。』按此當作劓，禮記鄭注云：『劓，傷也。』廉而不劓，謂不以己之廉而傷人也。肆，恣肆也，蓋即論語所謂訐以爲直之類。直而不肆，即上文雖義端不黨，不以去邪罪私之謂也。王弼注云：『以直導物，令去其僻，而不以直激沸於物也，所謂大直若曲也。』耀，集解云：『說文無耀字，河上公作曜，傳本作耀。』王弼云：『以光鑑其所以迷，不以』

光照求其隱隱也，所謂明道若昧也。」

聰明睿智，天也；動靜思慮，人也。人也者，乘於天明以視，寄於天聰以聽，託於天智以慮。故視強則目不明，聽甚則耳不聰，思慮過度則智識亂。目不明，則不能決黑白之分；耳不聰，則不能別清濁之聲；智識亂，則不能審得失之地。目不能決黑白之色，則謂之盲；耳不能別清濁之聲，則謂之聵；心不能審得失之地，則謂之狂。盲則不能避晝日之險，聵則不能知雷霆之害，狂則不能免人間法令之禍。〔一〕書之所謂「治人」者，適動靜之節，省思慮之費也。所謂「事天」者，不極聰明之力，不盡智識之任。苟極盡，則費神多；費神多，則盲聵悖狂之禍至，是以嗇之。嗇之者，愛其精神，嗇其智識也。故曰：「治人事天莫如嗇。」〔二〕

校釋 〔一〕智識迂評本作智失，茲從乾道本。趙本、凌本分字，集解云：「當依下文作色。」晝日讀云：「謂白日避險也。」纂聞云：「山曰：呂子重己篇亦有此論。」

〔二〕書集解云：「謂德經。」任纂聞云：「猶用也。」嗇凌本注云：「嗇者，有餘不盡用之意。」莫如識誤云：「傳本及今德經如皆作若，經典釋文作如，同此。」集解云：「趙孟頫本亦作如。」

衆人之用神也，躁躁則多費，多費之謂侈。聖人之用神也，靜靜則少費，少費之謂嗇。嗇之爲術也，生於道理。夫能嗇也，是從於道而服於理者也。衆人離於患，陷於禍，猶不知退，而不

人雖未見禍患之形，虛無服從於道理，以稱蚤服。故曰：『夫謂蚤，是以蚤服。』

校釋 〔一〕躁、纂聞云：『釋名：躁，燥也。物燥則動而飛揚。』爲術、乾道本、趙本作謂術，茲從迂評本、凌本。

拾補云：『謂、張本作爲。』集解云：『爲謂古通，俗人妄改。』蚤也，也與者通。離、集解云：『罹也。』禍患、迂評

本作患禍，茲從乾道本、趙本。拾補云：『禍患二字，張、凌本倒。』以稱、猶言因曰也。纂聞云：『以上疑脫是字。』

夫謂蚤，是以蚤服。拾補云：『張本謂作惟，以作謂。凌本服作復，上下句皆同。王弼本作復，釋文復音服。』識

誤云：『傳本及今德經謂皆作惟，今德經以作謂，傳本與此合。』集解云：『凌本作復者，用老子誤本改也。』

上文從於道而服於理，又云：不服從道理，又云：虛無服從道理，即解老子蚤服之義。服從之服字，當作服，更

無疑義。知韓子所見德經本作服，不作復也。困學紀聞卷十引老子服作復，並引司馬公朱文公說云：不遠

而復，謂王弼本作早服，而注云：早服，常也，亦當作復。據此則王弼本仍作服，與本書合。宋儒據釋文爲訓，未

檢韓子也。凌氏依誤本老子改本書，非是。集釋云：『謂、猶惟也，以、猶謂也。』

知治人者，其思慮靜；知事天者，其孔竅虛。思慮靜，則故德不去；孔竅虛，則和氣日入。故曰：『重

積德。』夫能令故德不去，新和氣日至者，蚤服者也。故曰：『蚤服是謂重積德。』〔二〕積德而後神

靜，神靜而後和多，和多而後計得，計得而後能御萬物，能御萬物則戰易勝敵，戰易勝敵而論必蓋

世，論必蓋世，故曰：『無不克。』無不克，本於重積德，故曰：『重積德則無不克。』戰易勝敵，則兼有

天下論必蓋世，則民人從進兼天下，而退從民人，其術遠，則衆人莫見其端末。莫見其端末，是以莫知其極。故曰：『無不克，則莫知其極。』〔二〕

校釋 〔一〕則故德各舊本無則字。集解云：『故上當有則字，故舊也。』按依下文當有則字，茲據補重。

讀平聲。是謂識誤云：『今德經及傳本是謂皆作謂之。』集解云：『河上公作是謂，與此合。』

〔二〕和翼義云：『大學靜而后能安，安而后能慮，慮而后能得。諡法和好不爭曰安，是和亦有安意。』而論必而猶則也。克字，集解云：『河上公作剋，下同。』按克剋二字通。退從民人謂退而民人從也。端末，乾道本脫末字，茲從迂評本、趙本、凌本。識誤云：『藏本今本端下有末字。』

凡有國而復亡之，有身而復殃之，不可謂能有其國，能保其身。夫能有其國，必能安其社稷；能保其身，必能終其天年，而後可謂能有其國，能保其身矣。夫能有其國，保其身者，必且體道。體道則其智深，其智深則其會遠；其會遠，衆人莫能見其所極。〔一〕唯夫體道能令人不見其事極，不見其事極者，爲能保其身，有其國。故曰：『莫知其極，則可以有國。』〔二〕

校釋 〔一〕兩復字，各舊本作後。讀記云：『兩復字皆後字之誤，此反起下文之詞，玩下文自明。』按作復字是，茲據改。體道，纂聞云：『體者，身行也。』翼義云：『體，履也。詩衛風：體無咎言，禮坊記引體作履。易：君子體仁，足以長人。論語：未見蹈仁死者也。三略：道者，人之所蹈。可見體之爲履矣。』會，如心領神會之會，謂

智之所極也。

〔二〕唯夫體道各舊本僅有唯夫二字。戴誤云：『能上當有體道二字。』集解云：『顯說是。』按無體道二字，則文義不完，茲據補。其事極者爲能乾道本，趙本無其字，能字，茲從迂評本。凌本拾補云：『張本有。』莫知其極四字，各舊本重拾補云：『複莫知其極四字，疑衍。』按今老子不重此四字，茲據刪。則字，識誤云：『今德經及傳本皆無。』

所謂『有國之母。』母者，道也；道也者，生於所以有國之術，所以有國之術，故謂之『有國之母。』夫道以與世周旋者，其建生也長，持祿也久，故曰：『有國之母，可以長久。』〔一〕樹木有曼根，有直根。直根者，書之所謂柢也；柢也者，木之所以建生也；曼根者，木之所以持生也。德也者，人之所以建生也；祿也者，人之所以持生也。今建於理者，其持祿也久，故曰：『深其根。』體其道者，其生日長，故曰：『固其柢。』柢固則生長，根深則視久，故曰：『深其根，固其柢，長生久視之道也。』〔二〕

校釋 〔一〕母母者，翼云：『下母字疑衍。』生於所以，迂評本脫以字，茲從乾道本。趙本、凌本，術所以，斟補云：『按下所以上當補生于二字。』周旋者，趙本者作也，茲從乾道本。迂評本、凌本。

〔二〕曼根，讀云：『曼，長也，謂橫根也。亦有蔓義。』翼云：『曼根，細根也。文選七發注：曼，輕細也。』直根者，各舊本無直字。平議云：『根上當有直字。上云有曼根，有直根，此云直根者，下云曼根者，蓋承上而分釋。』

之韓子之意，以老子所謂深根固柢者，根卽曼根，柢卽直根也。今奪直字，失其旨矣。按平議說是，纂聞亦補直字，茲從之。柢，識誤云：『今德經柢作蒂，傳本作柢，與此合。經典釋文云：柢亦作蒂，今按蒂字非此之用。』木之所以持生，乾道本迂評本脫以字，茲從趙本、凌本。識誤云：『今本所下有以字，依下文當補。』集解云：『按依上文亦有以字。』深其根固其柢，識誤云：『傳本及今德經皆無兩其字也，字深上有是謂二字。』集解云：『是謂二字，本韓子節去，彼以是謂承上文，此以故曰二字代之，顧說非。』久視纂聞云：『呂覽重己篇、荀子榮辱篇、家語賢君篇、說苑修文篇並有長生久視語，非後世必以神仙爲言之比也。高誘云：視活也。』

工人數變業，則失其功；作者數搖徙，則亡其功。一人之作，日亡半日，十日則亡五人之功矣。萬人之作，日亡半日，十日則亡五萬人之功矣。然則數變業者，其人彌衆，其虧彌大矣。凡法令更則利害易，利害易則民務變，民務變之謂變業。故以理觀之，事大衆而數搖之，則多敗傷；烹小鮮而數撓之，則賊其澤；治大國而數變法，則民苦之。是以有道之君，貴虛靜而重變法。故曰：『治大國者，若烹小鮮。』

校釋 「一」數猶言屢也。變業，改業也。作者，亦謂工人也。解詁云：『作，儲也。』搖徙，新釋云：『動移也。』按搖徙，謂工作變動不定，纂聞改徙爲徒，訓徙爲役，未可從。功矣，集解云：『治要無矣字。』虧損也。易改易。

也，猶言異也。下民字，各舊本無，茲依集解纂聞據治要增。民務變，謂民業改易也。

〔二〕事纂聞云：役也。澤字，集解據治要改爲宰，茲仍從各舊本。集解云：『按澤字誤，當作澤。割烹，宰夫之職。當烹時而頻數撓亂，則宰夫不能盡其烹飪之功，是謂賊害其宰。宰與宰隸形相似，因誤爲宰。淺人不審，妄加水旁作澤耳。治要引作宰，明唐本韓子不誤。』翼龜云：『鮮，生魚也。撓，擾也。賊其澤，言糜亂失光澤也。』虛靜而重，集解云：『各本無虛字，而作不。按不字誤，重猶難也。貴虛靜而難變法，文曲而有致，作不則率然矣。治要、藝文類聚五十四、御覽六百三十八引靜上並有虛字，不作而，茲據補改。』按重變法，猶言不輕改變法令也。者，若識誤云：『傳本及今德經皆無者字。』集解云：『治要有者字。』凌本注云：『治國者，擾之則民亂，烹鮮者，撓之則味變。治大如烹小，靜以治之而已。』

人處疾則貴醫，有禍則畏鬼。聖人在上，則民少欲；民少欲，則血氣治而舉動理；血氣治而舉動理，則少禍害。夫內無痠疽痺痔之害，而外無刑罰法誅之禍者，其輕恬鬼也甚。故曰：『以道莅天下，其鬼不神。』〔一〕治世之民，不與鬼神相害也。故曰：『非其鬼不神也，其神不傷人也。』鬼祟疾人之謂鬼傷人，人逐除之之謂人傷鬼也。民犯法令之謂民傷上，上刑戮民之謂上傷民。民不犯法，則上亦不行刑；上不行刑之謂上不傷人。故曰：『聖人亦不傷民。』〔二〕上不與民相害，而人不與鬼相傷。故曰：『兩不相傷。』民不敢犯法，則上內不用刑罰，而外不事利其產業。上內不用刑罰，而外

不事利其產業，則民蕃息。民蕃息而畜積盛，民蕃息而畜積盛之謂有德。凡所謂崇者，魂魄去而精神亂，精神亂則無德。鬼不崇人，則魂魄不去；魂魄不去，則精神不亂。精神不亂之謂有德。上盛畜積，而鬼不亂其精神，則德盡在於民矣。故曰：『兩不相傷，則德交歸焉。』言其德上下交盛，而俱歸於民也。（三）

作鬼祟也疾人。趙本作鬼不祟也疾人。識誤云：『也字衍，鬼祟疾人四字爲一句讀，與下文民犯法令同。又按人逐除之，上刑戮民，句例皆同。』集釋云：『也猶之也。』按無也字是，茲據纂聞刪。鬼祟疾人，猶言鬼害人也。傷民，識誤云：『傳本及今德經民皆作人，按韓子自作民。』集解云：『上當有非其神不傷人句，惟趙孟頫本無，疑刊本書者從誤本老子刪之也，河上公、王傳本並有。』

〔三〕事務也。不事利其產業，謂不務取民之產業以爲利也。新釋云：『事利產業，所謂沒收，周禮名曰奪。』蔣思講義云：『繁殖也。』畜與蓄通。祟，鬼神附人爲禍之謂祟。魂魄，翼毳云：『左傳疏，附形之靈爲魄，附氣之靈爲魂。』去則乾道本，迂評本，趙本作去而，茲從凌本。按而猶則也，詳見釋詞。則德交歸，識誤云：『傳本及今德經則皆作故。』集解云：『兩上並有夫字。』集釋云：『則猶故也。』言其德以下十三字，似爲注文，誤入正文者，國字解刪之，可從。

有道之君，外無讎怨於鄰敵，而內有德澤於人民。夫外無怨讎於鄰敵者，其遇諸侯也有禮義；內有德澤於人民者，其治人事也務本。遇諸侯有禮義，則役希起；治民事務本，則淫奢止。〔一〕凡馬之所以大用者，外供甲兵，而內給淫奢也。今有道之君，外希用甲兵，而內禁淫奢，上不事馬於戰鬥，逐北而民不以馬遠通淫物，所積力唯田疇，積力於田疇，必且糞溉。故曰：『天下有道，却走馬以糞也。』〔二〕

校釋「一」也有各舊本作也外有。識誤云：「外字當衍，八字爲一句。」纂聞刪外字，茲從之。務本謂務農也。役謂戰事也。

「二」事馬猶言用馬也。遠通淫物，乾道本、迂評本、凌本作遠淫通物，茲從趙本。識誤云：「今本作通淫，誤。」集解云：「按顧說非。禮王制疏，淫謂過奢侈。是淫物，奢侈之物，謂不以馬遠致奢侈之物也。若作遠淫通物，則不辭矣。下文得於好惡，汙於淫物，淫物連文，是其證。」田疇纂聞云：「說文，疇，耕治之田也。蔡邕曰：穀田曰田，麻田曰疇。」積力於田疇，五字，乾道本無，茲從迂評本、凌本。識誤云：「藏本有，今本於仍作唯。」按今本謂趙本也。却走馬以糞也。本義云：「糞，傳奕作播，古字通。張衡西京賦，卻走馬以糞車，張協七命亦用糞車。朱子及吳澄並稱之，謂車郊協韻。然韓非子、淮南子、鹽鐵論引此並無車字，河上王弼諸本皆同，故仍其舊。」識誤云：「傳本糞作播，與各本全異。又傳本及今德經皆無也字，喻老篇無。」翼彙云：「鹽鐵論注引許慎曰：卻，止也。糞，田也。止馬不以走，但以田，行至德之效也。」講義云：「走馬，傳馬也。」按却走馬以糞，謂不用馬於逐北，而用馬於播種也。

人君無道，則內暴虐其民，而外侵欺其鄰國。內暴虐，則民產絕；外侵欺，則兵數起。民產絕，則畜生少；兵數起，則士卒盡。畜生少，則戎馬乏；士卒盡，則軍危殆。戎馬乏，則牝馬出；軍危殆，則近臣役。馬者，軍之大用，郊者，言其近也。今所以給軍之具於牝馬近臣，故曰：「天下無道，戎馬生於郊矣。」

校釋 〔一〕人君迂評本、凌本作人君者，茲從乾道本、趙本。識誤云：『藏本君下有者字。』道字、乾道本誤重，茲從迂評本、趙本、凌本。識誤云：『乾道本重道字，譌。』畜生謂家畜動物也。數起，謂屢起，與上文希起相反。牝馬各舊本作將馬。識誤云：『將當作牝，形近之誤。』鹽鐵論未通云：當此之時，卻走馬以糞。其後師旅數發，戎馬不足，牝牝入陣，故駒犢生於戰地，即本於此也。他書又作字。史記平準書云：而乘字牝者，擯而不得聚會。下文於將馬近臣，誤同。解詁云：『將馬謂主將之馬，言民間馬乏，不能給軍用，則必仰給主將之廐馬也。』翼龜云：『戎馬兵賦之所出，徵於農者也。將馬國中六閑之所畜。周禮司馬校人掌王馬之政，辨六馬之屬：種馬一物，戎馬一物，齊馬一物，道馬一物，田馬一物，駕馬一物。按戎馬乏則給五馬也。』茲依識誤改將爲牝。

〔二〕之具於牝馬各舊本牝作將，茲依識誤改。各舊本於具字逗，茲依纂聞於之字逗。纂聞云：『之宜作者，具謂將馬近臣取具足也。』集解云：『牝馬近臣，非軍中之用，今因乏殆，故並及之。』按之猶者也，詳見集釋，不必改。戎馬生於郊矣。識誤云：『傳本及今德經皆無矣字，喻老無。』按戎馬乃遠征之具，今生於城郊，是國危也。本書以近臣爲郊，似有未洽。

人有欲則計會亂，計會亂而有欲甚，有欲甚則邪心勝，邪心勝則事徑絕，事徑絕則禍難生。〔二〕

由是觀之，禍難生於邪心，邪心誘於可欲，可欲之類，進則教良民爲姦，退則令善人有禍。姦起則上侵弱君，禍至則民人多傷。然則可欲之類，上侵弱君，而下傷人民。夫上侵弱君，而下傷人民者，大罪也。故曰：『罪莫大於可欲』。『二』是以聖人不列於五色，不淫於聲樂，明君賤玩好而去淫麗。『三』

校釋 『二』計會國字解云：『謂思慮也。』而字，集解云：『依上下文當作則。』按而亦猶則也，不必改。

徑絕，乾道本、迂評本、趙本、凌本作經絕。拾補云：『二經字，張本作輕。』識誤云：『藏本二經字皆作輕。按經當作徑，上文必緣理，不徑絕也。陸行不緣理爲徑，周禮云：禁徑踰者是也。水行不緣理爲絕，爾雅云：正絕流曰亂，是也。藏本所改失之。』集解云：『經徑二字義同。易上經釋文廣雅釋言：經，徑也，釋名：徑，經也，言人之所經由也，二字疊訓。左傳：二十五年傳：趙衰以壺飧從徑，釋文：徑讀爲經，是經徑古通用。』按作徑是，茲據識誤改。

『二』可欲之類，解詁云：『謂五色聲樂之類。』進退猶今言積極消極也。教，集解云：『猶使也。』禍至，迂評本誤作禍民，茲從乾道本、趙本、凌本。罪莫，各舊本作禍莫。識誤云：『禍當作罪，與上文大罪也相承，喻老不誤，傳本及今德經皆作罪。據經典釋文：王弼老子無此句，非是。』按纂聞改爲罪，茲從之。

『三』引於各舊本無於字，茲依翼龜補。纂聞云：『山曰：引猶誘也。』按孟子云：『物交物，則引之而已，』引字義同。

人無羽毛，不衣則不犯寒。上不屬天，而下不著地，以腸胃爲根本，不食則不能活。是以不免於欲利之心。欲利之心不除，其身之憂也。故聖人衣足以犯寒，食足以充虛，則不憂矣。〔一〕衆人則不然，大爲諸侯，小餘千金之資，其欲得之憂不除也。胥靡有免，死罪時活。今不知足者之憂，終身不解。故曰：『禍莫大於不知足。』〔二〕

校釋

〔一〕犯寒平議云：『犯寒上當有足以二字，下文故聖人衣足以犯寒，是其證。』集解云：『俞說

非，此與下文不食則不能活句例正同，不當有足以二字。犯勝也。』著地纂聞云：『山曰：鼃錯傳，根著之類，

注，根著地者。』翼龜云：『日月星辰，上繫於地，草木金石，下著於地。惟人不然，非借他物，則不能生活矣。飲

食入腸胃，而氣輸乎腠理，若草木之吸收養分由根本而達於莖幹，故曰根本。』充虛猶言充饑也。纂聞云：

『呂覽，其爲飲食醯醢也，足以適味充虛而已矣。墨子，其爲食也，足以增氣充虛。』

〔二〕大…小猶言大者、小者。胥靡增讀云：『賈誼傳，傳說胥靡，徐注，腐刑；索隱胥，相靡，隨也，古者相隨坐，

輕刑之名。師古曰：言徒刑之人以鐵鑣相連係也。按內儲說上，衛胥靡爲魏襄王后治病，似當以徐義爲

長。』有免集解云：『有字當在罪字下，罪有時活，與終身不解，文義相對。』按有免是有，猶或也，詳見釋詞。

時活，謂或活也，時可訓或，詳見集釋。纂聞云：『謂囚徒之役於官者，期限滿則免除；死罪之人，或幸遇赦，惟

欲利之爲憂累也，沒世終身無解脫也。』

故欲利甚則憂，憂則疾生，疾生而智慧衰，智慧衰則失度量，失度量則妄舉動，妄舉動則禍害至，禍害至而疾嬰內，疾嬰內則痛，禍薄外則苦。〔一〕苦痛雜於腸胃之間，則傷人也。憊憊則退而自咎，退而自咎也生於欲利。故曰：『咎莫憊於欲得。』〔二〕

校釋 〔一〕則憂二字，各舊本作於憂。讀記云：『於當作則。』茲依纂聞、翼義改。解詁云：『於，猶言斯也。』

齊俗訓合於如性之於。〔疾嬰內謂內而為疾病所侵也。禍薄外謂外而為禍害所迫也。則苦二字上，乾道本、趙本重痛禍薄外四字，下重痛雜於腸胃之間七字，茲從迂評本、凌本，而補一苦字。拾補云：『張本不複痛禍薄外四字，苦下痛雜於腸胃之間七字衍。』識誤云：『痛禍薄外四字藏本不重。按此疾嬰內則痛為一句，禍薄外則苦為一句，下多複衍。』集解云：『按盧願說是，據藏本、張本刪四字，依拾補刪七字。』

〔二〕腸胃，識誤云：『當作內外。』憊字，識誤云：『今德經作大，非，傳本與此合。』集解云：『李約本憊作甚。說文：憊，痛也。古音甚憊同。』校詁云：『大字、傳、范本作憊，已約、龍、願、強諸本作甚。劉師培曰：解老喻老二篇引大均作憊。解老云：苦痛雜於腸胃之間，則傷人也。憊，憊則退而自咎，即釋此憊字之義也。憊與痛同，猶言禍莫痛於欲得也。老子古本亦必作憊，傳本猶然。今本作大，蓋後人以上語大字律之耳。馬敘倫曰：甚憊為憊，聲同侵類。說文：糲，重文作糲，是其例證。』纂聞云：『主術訓：兵莫憊於志，而莫邪為下，注：憊，利也。』得字，各舊本作利。識誤云：『傳本及德經利皆作得。按當作得，上文云：欲利，猶欲得也。又云：其欲得之憂不、』

也，仍作得，可證。喻老不誤。』按作得是，茲據改。

道者，萬物之所然也，萬理之所稽也。理者，成物之文也；道者，萬物之所以成也。故曰：『道理之者也。』〔一〕物有理，不可以相薄。物有理，不可以相薄，故理之爲物之制，萬物各異理。萬物各異理，而道盡稽萬物之理，故不得不化，不得不化，故無常操，無常操，是以死生氣稟焉，萬智斟酌焉，萬事興廢焉。〔二〕天得之以高，地得之以藏，維斗得之以成其威，日月得之以恆其光，五常得之以常其位，列星得之以端其行，四時得之以御其變氣，軒轅得之以擅四方，赤松得之與天地統，聖人得之以成文章。〔三〕道與堯舜俱智，與接輿俱狂，與桀紂俱滅，與湯武俱昌，以爲近乎遊於四極，以爲遠乎常在吾側。以爲暗乎？其光昭昭；以爲明乎？其物冥冥。而功成天地，和化雷霆，宇內之物，恃之以成。凡道之情，不制不形，柔弱隨時，與理相應。萬物得之以死，得之以生；萬事得之以敗，得之以成。道，譬諸若水，溺者多飲之，卽死，渴者適飲之，卽生。譬之若劍戟，愚人以行忿則禍生，聖人以誅暴則福成。故曰：『得之以死，得之以生，得之以敗，得之以成。』〔四〕

校釋 〔一〕所然猶言所以然也。墨子經上云：『法所若而然也。故所得而後成也。』經說上云：『小故有之，不必然，無之，必不然。大故有之，必然，無之，必不然。』又小取云：『辯者，摹略萬物之然，論求羣言之比。』按本篇所然之然字，與墨子所言者義同，集解謂『然可也』，未可從。稽，解詁云：『老子知此兩者亦稽式，』

王弼曰：稽同也。古今之所同則而不可廢。翼龜云：稽，讀會計之計。平準書：稽市物。李奇云：滿貯也。韋昭云：留待也。家語、禮記：古人以稽。王肅云：同也。鄭玄云：猶合也。道理之者也。識誤云：『句有誤，按自上文道者萬物之所然也以下，不見所解何文。詳老子第十四章有云是謂道紀，此當解彼也。紀，理也。』集解云：『顧說是也。道字逗，紀理義同，故道經作紀。韓子改爲理。』

〔二〕薄。集解云：『迫也。』讀云：『侵也。』萬物各異理五字，乾道本不重，茲從迂評本。趙本、凌本、識誤云：『藏本、今本重。』稽。集解云：『稽合萬物之理，不變則不通。』翼龜云：『凡理者，物物不同，而道者總合萬物爲一，故曰道盡稽萬物之理。化，謂自然調整也。無常操，謂道化爲萬物而無一定之形也。』翼龜云：『與時變化，故無一定之常度。』莊子齊物論：罔兩問景曰：『曩子行，今子止；曩子坐，今子起，何其無特操與？』氣稟翼龜云：『論衡：強壽弱夭，謂稟氣渥薄也。』按焉爲代名詞，指道言。物之或死或生，乃以稟賦於道者有多有少也。

〔三〕維斗。即北斗，所以爲天之綱維，故又名維斗。翼龜云：『莊子：維斗得之，終古不忒。』淮南子：帝張四維，運之以斗。北斗所繫，不可與敵。』讀云：『斗之所向必敗，故曰威也。』得之，謂得道也。五常，翼龜云：『莊子：天有六極五常。內經：五常之氣，太過不及，其發異也。』禮記注：五常，五行也。『按五常，蓋謂金木水火土五星有常位也。』列星，翼龜云：『端正也。』鹽鐵論：列星正，則衆星齊。尚書大傳：星辰有行，四時從之。文選：維詩：列宿

自成行，注列宿二十八宿也。『變氣翼龜云：』內經五日謂之候，三候謂之氣，六氣謂之時。管子聖人御正六氣之變。擅四方猶言制四方也。亦松翼龜云：『列仙傳赤松子神農時雨師也。』慕聞云：『淮南子作松誦字。』統字扎遄云：『疑當作終，言壽與天地同長也。終統二字篆文形相近而誤。』翼龜云：『釋名統緒也與天地統，言與天地相繼，如統緒終始也。易曰乃統天，楚辭與天地兮比壽，與此同義。』文章翼龜云：『謂禮樂刑政也。』解詁云：『制度文物。』

〔四〕接與翼龜云：『楚人接孔子之輿而歌者也。』其光乾道本無其字，茲從迂評本。趙本凌本識誤云：『藏本今本光上有其字。』情翼龜云：『實也，猶體用之體也。老子大制不割，大象無形，此言無體之體。』事字乾道本迂評本趙本凌本作物，茲從藏本。集解云：『物字緣上文而誤，依拾補改。』醫諸集解云：『意林諸作之。按諸之聲通義同，適謂適可而止也。即生迂評本凌本作則牛，茲從乾道本趙本按即則義同，詳見釋詞。故曰各舊本無曰字。集解云：故下當有曰字。得之以死四句，老子各本無，蓋佚文也。按有曰字是，茲據補。』

人希見生象也，而得死象之骨，案其圖以想其生也。故諸人之所以意想者，皆謂之象也。今道雖不可得聞見，聖人執其見功以處見其形，故曰『無狀之狀，無物之象』。

校釋 〔一〕想翼龜云：『宋景文筆記引想作相，按想之爲言相也，目有所觀相，而心思念形貌也。潘岳』

寡婦賦、心存兮目想、梁書文學傳、瞻想東都、屬懷南岳。按想謂推想或想像也。諸人猶言凡人也。翼說云：『淮南修務訓、諸人皆爭學之、注、諸衆也。』執其見功以處見其形、補箋云：『按見功、猶云成功也。處者、審度之誼。周語、目以處義、大戴禮、以其聲處其氣、又曰、聽其聲處其氣。呂覽、察其情處其形。淮南子、援黑白而示之、則不處焉。相地形處次舍。論衡、惡則處凶妖之禍。諸處字、皆審度之誼。此王念孫說。』按上見字讀爲現。道雖視之不見、聽之不聞、搏之不得、而聖人即道已現於物之功、亦可審度而知道之體也。無物校詁云：『老子、道明、鄧、蘇、張、純、林、吳、董、危、周、釋、大、諸本物作象。』馬敘倫曰：『淮南道應訓、徐鍇說文解字、繫傳引同此。按老子惚兮恍兮、其中有象。恍兮惚兮、其中有物。物象對言、即據此文無物之象而來。』王注欲言無邪而物由以成、欲言有邪而不見其形。故曰無狀之狀、無物之象也。』

凡理者、方圓、短長、麤靡、堅脆之分也。故理定而後可得道也。故定理有存亡、有死生、有盛衰。夫物之一存一亡、乍死乍生、初盛而後衰者、不可謂常。惟夫與天地之剖判也俱生、至天地之消散也、不死不衰者、謂常。『一』而常者無攸易、無定理。無定理、非在於常所、是以不可道也。聖人觀其玄虛、用其周行、強字之曰道、然而可論、故曰：『道可道、非常道也。』『二』

校釋

『一』麤靡、讀爲粗。讀云：『靡、細也。』後字下、迂評本、藏本有物字、茲從乾道本、趙本、拾補云：『張、凌本有。』道字有二義、曰道、曰常道、當作道德之道解、曰可得道、曰不可道、曰可道、當作言字解、然而可論、

即其證也。定理迂評本、凌本無定字，茲從乾道本、趙本。存一亡猶言忽存忽亡也。俱字、乾道本、迂評本藏本作具，茲從趙本、凌本。識誤云：「今本具作俱，誤。」集解云：「俱字是。」謂常者乾道本、趙本作謂常者，茲從迂評本、凌本。拾補云：謂常下者字衍。張凌本俱無。識誤云：「藏本者字在而常下，是也。謂常二字句絕，屬上而常者三字逗屬下，今本兩常下各有者字，誤。」

〔二〕無攸易。集解云：「謂無所變易也。」無定理猶言無定形也。常所迂評本、凌本無所字，茲從乾道本、趙本。拾補云：「所字衍，張、凌本俱無。」識誤云：「藏本無所字。」王渭云：常字句絕。補箋云：「常下有所字，是也。常所猶言定處也。上文道以爲近乎遊於四極，以爲遠乎常在吾側，即非在於常所之義。莊子知北遊篇所謂道惡乎在？莊子曰：无所不在，亦非在於常所之義。周行校詁云：『謂道無所不在也。』強字，識誤云：『傳本第二十五章云故強字之曰道，與此合，今道經無故強二字，非也。』校詁云：『老子約本有強字，傳本、范本有故強二字。』劉師培曰：今本脫。牟子理惑論引亦強字，是東漢本尙未脫。按莊子則陽郭注亦有強字，以理而推，大既強名，則道亦強字，字上有強字者是也。可論道隱無名，不可言說。今強立道之名，則可資以言說矣。然此可資言說之道，乃道之名，而非道之實。故曰道可道，非常道也。道可道，乾道本、趙本作道之可道，茲從迂評本、凌本。識誤云：『傳本及今道經無之字，也字。』

人始於生，而卒於死。始之謂出，卒之謂入。故曰：『出生入死。』人之身三百六十節，四肢九竅，其

大具也。四肢與九竅，十有三。十有三者之動靜，盡屬於生焉，屬之謂徒也。故曰：『生之徒，十有三。』至其死也，十有三具者，皆還而屬之於死，死之徒亦十有三。故曰：『生之徒，十有三；死之徒，十有三。』凡民之生生，而生者固動，動盡則損也；而動不止，是損而不止也。損而不止，則生盡。生盡之謂死，則十有三者皆爲死死地也。故曰：『民之生，生而動，動皆之死地，亦十有三。』是以聖人愛精神而貴虛靜。此甚大於兕虎之害。夫兕虎有域，動靜有時，避其域，省其時，則免其兕虎之害矣。民獨知兕虎之有爪角也，而莫知萬物之盡有爪角也，不免於萬物之害，何以論之？時雨降集，陂野閒靜，而以昏晨犯山川，則風露之爪角害之。事上不忠，輕犯禁令，則刑法之爪角害之。處鄉不節，憎愛無度，則爭鬥之爪角害之。嗜欲無限，動靜不節，則瘞疽之爪角害之。好用其私智，而棄道理，則網羅之爪角害之。兕虎有域，而萬害有原，避其域，塞其原，則免於諸害矣。凡兵革者，所以備世也。重生者，雖入軍，無忿爭之心；無忿爭之心，則無所用救害之備。此非獨謂野處之軍也。聖人之遊世也，無害人之心，無害人之心，則必無人害；無人害，則不備人。故曰：『陸行不遇兕虎。』入山不恃備以救害，故曰：『入軍不備甲兵。』遠諸害，故曰：『兕無所投其角，虎無所錯其爪，兵無所容其刃。』不設備，而必無害，天地之道，理也；體天地之道，故曰：『無死地焉。』動無死地，而謂之『善攝生』矣。

校釋

〔一〕出生入死。本義云：『天下惟生死二者，出乎生則入乎死矣，二者聽人之自擇，而人之生也動之死地，皆去生而就死者也。』吳澄曰：『出則生，入則死。出謂自無而見於有，入謂自有而歸於無。』莊子云：『萬物皆出於機，入於機。』又云：『其出不訢，其入不詎。』又云：『有乎出，有乎入，皆以出爲生，入爲死。』四肢九竅，十有三各舊本於三字下有者字。集解云：『者字緣下而衍。』茲據刪。按九竅，謂眼耳鼻口七陽竅與下部前後二陰竅。生之徒，十有三。乾道本、趙本、凌本作生之徒也，十有三者，迂評本無也，字有者字。拾補云：『徒下出字，一本無，三下者字衍。』識誤云：『德經無也字，者字。按本書之例，當作故曰生之徒，十有三也。』集解：『也者二字皆衍。』茲據刪。按老子三言『十有三』，而本書以四肢九竅釋之，似不甚洽。王弼云：『十有三，猶云十分有三分也。』較爲得之。凌本注云：『徒，類也。』『生之徒，十有三』，謂得其生者十之三也。『之徒，十有三』，謂不得其生者十之三也。『民之生，生而動，動皆之死地，亦十有三』，謂求生而反死者又十之三也。

〔二〕至其二字。乾道本脫其字，茲從迂評本、趙本、凌本。識誤云：『藏本、今本無其字。』

〔三〕動則損各舊本作動盡則損。札記云：『盡字涉下生盡而衍。此謂一動即損，下文而動不止，是損不止也，正承此言之。』死死地，迂評本不重死字，茲從乾道本、趙本。拾補云：『下死字衍，凌本不重。』集解云：『盧說誤，見下。』按上死字爲動詞，下死字爲形容詞。原文『動皆之死地』，以之字爲動詞，而此則

死字爲動詞也。亦字各舊本作之。識誤云：『傳本之作亦，餘盡與此合。德經作人之生，動之死地，十有三也。上文云：凡民之生，而生者固動；又云：皆爲死死地也。生生與死死相對，所以解此文之生生也，可見韓子自如此。』集解云：拾補、王弼本之作亦，今據拾補改。『虛靜各舊本作處靜，茲從纂聞改。』

〔四〕此甚大於兕虎之害。纂聞云：『此句上宜有不愛精神而貴虛靜八字。』翼毳云：『此八字疑宜移網羅之爪角害之下乃順。省猶察也。免其猶免於也。其可訓於，詳見集釋。』昏晨謂朝夕也。風露乾道本、迂評本作兕虎，茲從趙本、凌本不節猶無度也。瘞字上乾道本衍虛字，茲從迂評本、趙本、凌本。識誤云：『藏本今本無虛字。』

〔五〕無害人之心五字，乾道本不重，茲從迂評本、凌本。識誤云：『藏本重，是也。』兕虎集解云：『河上、王弼本作虎兕，傳本、趙本與此合。』入山識誤云：『山當作世。』備甲兵迂評本作被甲兵，茲從乾道本、趙本。拾補云：『張凌本備作被。』識誤云：『藏本作被，德經作避，傳本作被。經典釋文云：被皮彼反。按藏本以他本老子改耳，韓子自作備。』集解云：『備被義同。廣雅釋詁：備，具也。史記絳侯世家：集解張揖注：被，具也。故本書作備，王弼本作被。甲兵以在己者言，明作備作被二字並通。河上本作避，聲之誤也。』

〔六〕措字，老子一作措，二字通。容字，乾道本、迂評本作害，茲從趙本、凌本。識誤云：『今本作容，德經亦作容。』集解云：『釋名：容，用也，合事宜之用也，害乃容字形近之誤。』刃字，或作刀，誤。體謂體會也。焉字，識誤

云：『今德經無，傳本有，與此合。』

愛子者慈於子，重生者慈於身，貴功者慈於事，慈母之於弱子也，務致其福，務致其福，則事除其禍；事除其禍，則思慮熟，思慮熟，則得事理，得事理，則必成功，必成功，則其行之也不疑，不疑之謂勇，聖人之於萬事也，盡如慈母之爲弱子慮也，故見必行之道，見必行之道，則其從事亦不疑，不疑之謂勇，不疑生於慈，故曰：『慈故能勇。』〔一〕

校釋

〔一〕務致其福四字，乾道本、趙本不重，茲從迂評本、凌本、拾補云：『張本重。』識誤云：『藏本重。』是也。『見必行之道』五字，乾道本不重，茲從迂評本、趙本、凌本、識誤云：『藏本、今本重。』則其各舊本作則

明其集解依張榜本刪明字，茲從之。

周公曰：『冬日之閉凍也不固，則春夏之長草木也不茂。』天地不能常修，常費而況於人乎！故萬物必有盛衰，萬事必有弛張，國家必有文武，官治必有賞罰，是以智士儉用其財則家富，聖人愛寶其神則精盛，人君重戰其卒則民衆，民衆則國廣，是以舉之曰：『儉故能廣。』〔二〕

校釋

〔一〕長讀上聲。財字，迂評本、凌本作材，茲從乾道本、趙本、重戰謂鄭重用兵也。舉纂聞云：『不也。』

凡物之有形者，易裁也，易割也。何以論之？有形則有短長，有短長則有大小，有大小則有方圓，有方圓則有堅脆，有堅脆則有輕重，有輕重則有白黑，短長、大小、方圓、堅脆、輕重、白黑之謂理，理定

而物易割也。故議於大庭而後言則立，權議之士知之矣。^{（一）}故欲成方圓而隨其規矩，則萬事之
不敢爲天下先，則事無不事，功無不功，而議必蓋世，欲無處大官，其可得乎！處大官之謂爲成
事長，是以曰『不敢爲天下先，故能爲成事長。』^{（二）}

校釋

〔一〕議於大庭，謂在大庭之中，與多人議事也。後言則立，集解云：『後言者，集議而後斷之。』補

箋云：『立當作夫，形近而譌。』按與多人議事，則發言有先後。倉卒先言，則易爲後言者所破；而審慎後言，
則其議易立也。此之謂後言則立。或於後言絕句，未可從。權議之士，猶云善言之士也。權、權衡，權衡其利害
而後議之，是謂權議。

〔二〕隨其迂評本、凌本作隨於，茲從乾道本、趙本。計會謂權衡也。謂爲集解云：『爲字衍，謂爲一也，謂下
不當更有爲字。』按爲字不衍，讀平聲，說見下。是以曰各舊本作是以故曰。集解云：『此當衍故字，或衍是
以字。上文或作是以曰，或作故曰，是其證。』按無故字是，茲據刪。爲成事長，識誤云：『傳本及今德經皆無
爲字，事皆作器，經典釋文作器，韓子自作事。』平議云：『事器異文，或相傳之本異，或彼涉上文事無不事
句而誤，皆不可知。至故能下有爲字，則當從之。蓋成器二字相連爲文。襄十四年左傳：成國不過半天子之
軍，杜注：成國、大國。昭五年傳：皆成縣也，成縣亦謂大縣。老子：天下神器不可爲也。爾雅：釋詁，神、重也。神器爲

重器，成器爲大器，二者並以天下言。質言之，則止是不敢爲天下先，故能爲天下長耳。『按本書以『處大官』釋『爲成事長』，亦訓成爲大，與平議說合。爲成事長，猶言爲大事之長也。

慈於子者，不敢絕衣食；慈於身者，不敢離法度；慈於方圓者，不敢舍規矩。故臨兵而慈於士吏，則戰勝敵；慈於器械，則城堅固。故曰：『慈於戰則勝，以守則固。』『夫能自全也，而盡隨於萬物之理者，必且有天生。天生也者，生心也。天下之道，盡之生也，若以慈衛之也，事必萬全，而舉無不當，則謂之寶矣。故曰：『吾有三寶，持而寶之。』』

校釋 〔一〕慈於戰則勝，識誤云：『傳本及今德經於皆作以，傳本戰作陣，與各本全異。』集解云：『傳本勝作正。按王注，相慈而不避於難，故勝也，是晉時本作勝，傳本誤。於當作以，慈字逗，老子慈上有夫字。』集釋云：『於猶以也。』校詁云：『戰字，或作陳，勝字，或作正。道德經集注引王弼注作正，今注作勝，實非弼注之真。以陳則正，言以慈列陳，則行陳正也。』

〔二〕天生，識誤云：『德經六十七章云：天將救之，此解彼也，當是韓子所引有不同，今不詳。』生心，翼龜云：『猶云性也。』補箋云：『生心當爲性字之譌。蓋性古有作恚者，若慚之作慙，轉寫誤延爲生心耳。天生也者，性也，與中庸天命之謂性，孟子生之謂性，荀子性者天之就也，皆同意。性誤爲生心，則不可通矣。』盡之，集解云：『盡下之字，訓爲往，天下之道皆往，生於其心，是以慈衛之也。』按之猶其也，此謂天下之道。

盡其生也，猶以慈衛之也。集解所說未可從。寶之集解云：「河上王弼本吾作我，寶之作保之，陸希聲、趙孟頫作保而持之，傳本與此合。」纂聞云：「保寶古字通，史記九鼎寶玉。」校詁云：「廣雅釋詁：寶，道也。檀弓：仁親以爲寶，鄭注：寶謂善道可守者。六十二章：道者善人之寶，是老子以寶爲道。此言我有三道，持而寶之也。」

書之所謂『大道』也者，端道也；所謂『貌施』也者，邪道也；所謂『徑』也者，佳麗也；佳麗也者，邪道之分也。『朝甚除』也者，獄訟繁也。獄訟繁則田荒，田荒則府倉虛，府倉虛則國貧，國貧而民俗淫侈，民俗淫侈則衣食之業絕，衣食之業絕則民不得無飾巧詐，飾巧詐則知采文，知采文之謂『服文采』。『獄訟繁，倉廩虛，而有以淫侈爲俗，則國之傷也，若以利劍刺之，故曰『帶利劍』。諸夫飾智故以至於傷國者，其私家必富，私家必富，故曰『資貨有餘』。國有若是者，則愚民不得無術而效之，效之則小盜生。『由是觀之，大姦作則小盜隨，大姦唱則小盜和，竽也者，五聲之長者也，故竽先則鍾瑟皆隨，竽唱則諸樂皆和。今大姦作，則俗之民唱，俗之民唱，則小盜必和，故『服文采，帶利劍，厭飲食，而資貨有餘者，是之謂盜竽矣。』」〔四〕

校釋 〔一〕端道猶言正道也。貌施，職誤云：「德經作惟施是畏，此未詳。」雜誌云：「施，讀爲迤，迤，邪也。言行於大道之中，唯懼其入於邪道也。下文云：大道甚夷，而民好徑，河上公注：徑，邪不正也，是其證矣。說文、

迪、髮行也。引禹貢東邁北會於匯。孟子雖婁篇、施從良人之所之。趙注、施者邪施而行，丁公著音迪。淮南齊俗篇去非者、非批邪施也。高注、施、微曲也。要略篇、接徑直施。高注、施邪也。是施與迪通。『錢大昕潛研堂文集云：『施古音斜字。史記賈生列傳、庚子日施兮。漢書作斜，斜邪音義相同也。』集解云：『貌、飾也。下文所謂飾巧詐也。』補箋云：『此解老子唯施是畏之施字，則貌字不當有。蓋涉上文而衍。』按貌字既爲老子原文所無，又與本節上下文不貫，宜刪。徑字、各舊本作徑大。集解云：『德經、大道甚夷，而民好徑，河上公云：徑、邪不平正也。此大字衍。』按徑如論語行不由徑之徑，大字蓋涉上文而衍，茲據刪。佳麗。集解云：『謂服文采。』纂聞云：『國策、宮他曰：佳麗好玩。漢嚴安疏、佳麗珍怪，順於耳目。此謂好徑趨利，必務佳麗也。』翼雲云：『曹植詩、佳麗殊百城，注、國策曰：趙佳麗之所出也。高誘曰：佳、大也。麗、美也。』補箋云：『依文義佳麗爲歧徑別名，可斷言也。佳、疑借爲𡗗，說文、𡗗頭髮散𡗗態也。廣雅釋詁、袞、𡗗也。麗、疑借爲邁。說文、邁、行邁邁也。段若膺曰：邁、邁、縈紆貌。蓋歧徑爲道之邪曲縈紆者，故謂之𡗗邁。古時字少，韓子乃以佳麗爲之。佳、𡗗皆从圭聲，邁从麗聲，並音近通用。王先慎說失之。』按以文采或美色釋佳麗，不如補箋之說較切也。

〔二〕朝甚除。謂宮殿甚爲壯麗也。而韓子以訟獄繁釋之，似未洽。意者韓子以訟獄繁，則賄賂多，而宮殿乃得以之大爲修治也。校詁云：『陸希聲曰：觀朝闕甚修除，牆宇甚雕峻，則知其君好土木之功，多嬉遊之娛矣。』田荒識誤云：『德經作田甚蕪，經典釋文蕪音無。』府倉虛識誤云：『德經作倉甚虛。』服文采集

解云：王弼河上公本采作綵，傅本與此合。按采綵二字通，服文采，謂衣錦繡，而此以飾巧詐，知采文釋之不洽。

〔二〕而有[△]斟[△]補[△]云：有亦又段。帶[△]利[△]劍[△]，謂佩劍以示威武，而此以國之傷也，若以利劍刺之，釋之，不洽。智[△]故[△]補[△]箋云：智巧也。呂覽論人篇，去巧故，高注，巧故，僞詐也。淮南子主術篇，上多故則下多詐，高注，故，巧也。晉語，多爲之故，韋注，謂多計術，皆故有巧誼之證。管子心術篇，去智與故。莊子刻意篇，去知與故。荀子王制篇，幽險詐故。楚策，奚恤得事公，公何爲以故與奚恤，客曰：非用故也。淮南子原道訓，偶嗟智故，不設智故，道應訓，不以故自持，本經篇，懷機械巧故之心。鶡冠子近迭篇，倍言負約，各將有故。諸故字皆巧詐之誼。資[△]貨[△]拾[△]補云：資，老子作財。識誤云：資貨，下文作貨資，傅本作貨財，今德經作財貨，非。無[△]猶[△]不[△]也，不得無術而效之，謂不得不設巧詐以效尤也。

〔四〕作[△]則[△]乾[△]道[△]本[△]脫[△]則[△]字[△]，茲從[△]迂[△]評[△]本[△]，趙[△]本[△]，凌[△]本[△]，竽[△]翼[△]龜[△]云：筆[△]類[△]，周[△]禮[△]注[△]，三[△]十[△]六[△]筭[△]。鍾[△]字[△]，迂[△]評[△]本[△]，趙[△]本[△]，凌[△]本[△]作[△]鐘[△]，茲從[△]乾[△]道[△]本[△]。集[△]解[△]云：鐘[△]，古[△]通[△]用[△]鍾[△]。厭[△]與[△]鑒[△]通[△]，厭[△]飲[△]食[△]，謂[△]飲[△]食[△]鑒[△]飲[△]也。盜[△]竽[△]，識[△]誤[△]云：故[△]下[△]當[△]有[△]曰[△]字[△]，德[△]經[△]無[△]而[△]者[△]之[△]矣[△]，四[△]字[△]，竽[△]作[△]夸[△]，今[△]按[△]韓[△]子[△]自[△]作[△]竽[△]。集[△]解[△]云：乾[△]道[△]本[△]資[△]貨[△]作[△]貨[△]資[△]，據[△]道[△]藏[△]本[△]，拾[△]補[△]校[△]，張[△]凌[△]本[△]乙[△]，上[△]文[△]正[△]作[△]資[△]貨[△]，不[△]誤[△]。夸[△]字[△]無[△]義[△]，當[△]依[△]此[△]訂[△]正[△]。纂[△]聞[△]云：楊[△]升[△]菴[△]外[△]集[△]，老[△]子[△]盜[△]誇[△]，諸[△]本[△]亦[△]皆[△]作[△]誇[△]，今[△]據[△]韓[△]子[△]改[△]作[△]竽[△]。韓[△]子[△]說[△]有[△]證[△]，又[△]與[△]餘[△]字[△]韻[△]叶[△]。且[△]韓[△]去[△]老[△]不[△]遠[△]，當[△]得[△]其[△]真[△]，故[△]宜[△]從[△]之[△]。校[△]詁[△]云：竽[△]，釋

名釋樂器，所以導衆樂也。正與韓子所言相合。竽爲衆樂之導，故老子謂姦盜之導爲盜竽。按盜竽爲喻詞，猶言盜之長也。人之能服文采，帶利劍，厭飲食，而資貨有餘者，皆飾智故以盜取於人民，而愚民遂亦起而效尤，是上以盜導下，猶樂以竽爲導也。

人無智愚，莫不有趨舍。恬淡平安，莫不知禍福之所由來。得於好惡，怵於淫物，而後變亂。所以然者？引於外物，亂於玩好也。恬淡有趨舍之義，平安知禍福之計，而今也玩好變之，外物引之，引之而往，故曰『拔』。『一』至聖人不然，一建其趨舍，雖見所好之物不能引，不能引之謂『不拔』。一於其情，雖有可欲之類，神不爲動，神不爲動之謂『不脫』。爲人子孫者，體此道以守宗廟，宗廟不滅之謂祭祀不絕。『一』身以積精爲德，家以資財爲德，鄉國天下皆以民爲德。今治身，而外物不能亂其精神，故曰『修之身，其德乃真』。真者，德之固也。治家者，無用之物不能動其計，則資有餘，故曰『修之家，其德乃餘』。治鄉者，行此節，則家之有餘者益衆，故曰『修之鄉，其德乃長』。治邦者，行此節，則鄉之有德者益衆，故曰『修之邦，其德乃豐』。莅天下者，行此節，則民之生莫不受其澤，故曰『修之天下，其德乃普』。『一』修身者，以此別君子小人；治鄉治邦莅天下者，各以此科，適觀息耗，則萬不失一。故曰『以身觀身，以家觀家，以鄉觀鄉，以邦觀邦，以天下觀天下，吾奚以知天下之然也，以此』。〔四〕

校釋

〔一〕趨舍謂趨利也。

也。忱字、迂評本誤作怪，茲從乾道本、趙本、凌本。翼龜云：

「忱，誘也。」管子心

術篇：人迫於惡，則失其所好；忱於所好，則忘其所惡。淫物者，凡百尤物，珍玩無用之器也。變亂謂不知禍

福之所由來也。人當恬淡平安之時，莫不知禍福之所由來，而迫於好惡，誘於淫物，則不知之矣。引纂聞云：

「誘也。」拔字、迂評本、藏本誤作校，茲從乾道本、趙本、凌本。集解云：「此與上故曰迷同例。」

〔二〕至字、或讀屬上，誤。一於其情，謂其情專一不二也。宗廟二字、乾道本不重，茲從迂評本、趙本、凌本。藏

誤云：「藏本、今本重宗廟，按此不當重。傳本及德經絕皆作輟，經典釋文、不輟、張劣反，喻老篇作輟。」

〔三〕積精謂保養精神也。修之身，藏誤云：「今德經之下有於字，非，傳本無，與此合，下四句同。淮南子道

應訓引此句亦無餘字。」按老子本無於字者甚多，周易集解、詩序正義引亦無於字。德之固，各舊本作慎

之固。補箋云：「慎當爲惠，蓋古時惠亦作愼，若慙亦作慙之例，愼譌爲慎也。說文：惠，外得於人，內得於己也，

从直从心。惠，即道德本字。真者，惠之固也，正解老子其德乃真之真。若作慎，則不可通矣。佚周書常訓篇：民

生而有習有常，以習爲常，以常爲慎，慎亦惠字之譌，與此同。易繫辭：恆，德之固也，與此句法同。」按作德是，

茲據改。治家者，各舊本無者字。集解云：「者字依拾補引馮校增。」茲從之。乃餘，各舊本作有餘。拾補云：「有、

老子作乃，當據改，與上下文一例。」藏誤云：「有當作乃，涉上下文而誤。」按乃字，老子本或作有，或作能，

茲依王弼本作乃。邦字，藏誤云：「今德經作國，非，傳本作邦，與此合。」集解云：「作國者，漢人避諱改也，邦

與豐均。『普字、識誤云：『傳本作溥，按溥普同字也。』

〔四〕各以此科適觀息耗纂聞云：『廣雅、科、條也。謂隨鄉國天下之條，以觀其德長豐普之多少也。文子、息耗減益，過於不訾。』翼彙云：『息耗、猶消長也。董仲舒對策、察天下之息耗。易、君子道長，小人道消。』以鄉觀鄉四字、乾道本脫，茲從迂評本、凌本。識誤云：『藏本有此句，德經亦有。』然也。以此識誤云：『今德經奚作何，非傳本作奚，與此合也，皆作哉。』校詁云：『此言吾何以知天下一切得失存亡乎？皆由道以知之也。此道也。』

喻老

釋題 本篇原爲第七卷第二十一篇。迂評云：「比事連類，以明老氏之言。」翼云：「喻老者，取喻釋老子之言也。」按解老以義釋老子，喻老以事釋老子，此其大別。然解老中間亦有以事喻者，喻老中間亦有以義釋者，蓋爲說明之便耳。

提要 本篇主旨，在以事例說明老子之旨。老子言簡意賅，不易通曉，而本篇以事例喻之，則易於領會。又所釋之文，多出於節取，且未盡依老子原文次第。有解老已解，而本篇又喻之者，然大多則爲解老所未及者。喻意多甚切合老子之旨，爲攻老子者所必讀。但亦間有不合於老子之旨者，宜加分辨也。

考證 本篇既名爲喻老，則道家之意味多，法家之意味少。因此胡適謂本篇爲另一人所作。（見中國代哲學史大綱）容肇祖謂爲黃老或道家言混入韓非子書中者。（見考證）而梁啟超則仍認本篇爲本書中次要之一篇，以韓非哲學根本思想歸本於黃老也。（見要籍解題及其讀法）要之，本篇與前篇均在發明老子，不類純法家言，或非韓非所作也。

天下有道，無急患，則遽傳不用。故曰：『却走馬以糞。』天下無道，攻擊不休，相守數年不已，甲生蠅蝨，薦雀處帷幄，而兵不歸。故曰：『戎馬生於郊。』『翟人有獻豐狐玄豹之皮於晉文公，

文公受客皮而歎曰：『此以皮之美自爲罪。』夫治國者，以名號爲罪，徐偃王是也；以城與地爲罪，虞虢是也。故曰：『罪莫大於可欲。』智伯兼范，中行而攻趙不已，韓魏反之，軍敗晉陽，身死高梁之東，遂卒被分，漆其首以爲淩器。故曰：『禍莫大於不知足。』^{〔一〕}虞君欲屈產之乘，與垂棘之璧，不聽宮之奇，故邦亡身死。故曰：『咎莫憯於欲得。』邦以存爲常，霸王其可也；身以生爲常，富貴其可也。不以欲自害，則邦不亡，身不死。故曰：『知足之爲足矣。』^{〔三〕}

校釋

「^{〔一〕}則字下、各舊本有曰靜二字。」識誤云：『曰當作日。』翼龜云：『曰靜二字衍，與下文不離位曰靜相涉而錯出。』按此二字不當有，茲據刪。生蠚蝨，纂聞云：『汜論訓注，不離體也。按甲冑不離體，則生蠚蝨，謂久戰也。處帷幄，纂聞云：『帷、幕也，處猶巢也。』翼龜云：『周禮注，在旁曰帷，四合象宮室曰幄。』按帷幄爲軍用帳幕，鸛雀巢於帷幄，謂兩軍對壘甚久也。

「^{〔二〕}豐狐玄豹。」纂聞云：『莊子、豐狐文豹，說苑封狐玄豹。按左傳晉悼公四年，無終子嘉父使孟樂如晉，因魏莊子納虎豹之皮，此云文公，傳聞異耳。』翼龜云：『山海經，玄狐蓬尾，注蓬，叢也。說苑曰：蓬狐文豹之皮，今本蓬作封。蓋封豐蓬三字通。毛詩有芄者狐，芃音蓬。又云有狐綏綏，何楷云：綏，通作綏，冠結之餘，散而下垂者，謂之綏，狐尾之垂似之。』以名以城，迂評本、凌本作則以名，則以城，乾道本作以名，則以城，茲從趙本。拾補云：『張本者下有則字。』識誤云：『今本以城上無則字，誤。按則讀爲卽，藏本並上句亦添則字，非』

也。』集解云：『按藏本張凌本即沿乾道本下則字而誤增，以城與地爲罪，承夫治國者言之，亦不當有則字，顧說非。』徐偃王翼彞云：『水經注：徐偃王治國，仁義著聞，欲舟行上國，乃導溝陳蔡之間，得朱弓矢，以爲得天瑞，遂因名爲號，自稱徐偃王，江淮諸侯服從者三十六國。周王聞之，命楚伐之，偃王愛民不鬥，遂爲楚敗。』兼兼并也。高粱迂評本、凌本作高良，茲從乾道本、趙本。纂聞云：『左傳注：高粱，晉地，在平陽楊氏縣西南。人間訓：智伯死乎高粱之東。』滲器亦作洩器，滲洩字通。集解云：『說苑建本篇作酒器。說文：滲，浸沃也，浸沃若今人之滲麵。士虞禮：明齊滲酒，鄭注：明齊，新水也，言以新水滲釀此酒也。滲器，即釀酒之器。淮南道應訓：作飲器，飲器亦酒器也。左傳行人執榼承飲，造於子重。褚少孫補大宛傳：飲器，韋注：榼，榼也，皆爲酒器。後人不識滲字本義，遂以晉語少滲於豕牢而得文王之滲釋之。』

〔三〕爲常猶言爲度也。王字，乾道本脫，茲從迂評本、趙本、凌本。識誤云：『藏本、今本霸下有王字。』集解云：『此與富貴其可也，相對成文，不當少一字，今據補。有國者不務廣土，先圖自立，邦基既定，故可霸王。』可字，翼彞云：『詮言訓作寄，宜從之。常存常生，亦已足矣，霸王富貴，其餘事也。』集解云：『不求於外，先修其內，身體無恙，故可富貴。』不以欲各舊本作不欲。讀記云：『欲上疑脫以字，不以欲自害，即知足爲足之義。』按有以字是，茲據補。矣字，識誤云：『今德經無，傳本有，與此合，皆作知足之足常足。』

楚莊王既勝晉于河雍，歸而賞孫叔敖，孫叔敖請漢間之地、沙石之處。楚邦之法，祿臣再世而

收地，惟孫叔敖獨在此，不以其邦爲收者，瘠也。故九世而祀不絕。故曰：『善建不拔，善抱不脫，子孫以其祭祀，世世不輟。』孫叔敖之謂也。〔一〕

校釋

〔一〕晉字，各舊本作狩。翼云：『狩字，藝文類聚淵鑑類函作晉是也。』纂聞云：『晉字，元作狩，

從下文及人間訓正之。史記莊王十七年敗晉師於河上，遂至衡雍而歸。高誘云：莊王敗晉苟林父之師於

鄆，鄆，河雍地也。『漢間之地，纂聞云：『寢邱，漢固始縣。按人間訓，滑稽傳，呂覽並爲孫叔敖死後封其子事。』

其邦，識誤云：『邦，讀爲封。』瘠，翼云：『謂磽确之地。』不識誤云：『德經兩不上皆有者字，無以其世世

四字。』

制在己曰重，不離位曰靜。重則能使輕，靜則能使躁。故曰：『重爲輕根，靜爲躁君。』故曰：『君子終日行，不離輜重也。』〔一〕邦者，人君之輜重也。主父生傳其邦，此離其輜重者也。故雖有代，雲中之樂，超然已無趙矣。主父萬乘之主，而以身輕於天下，無勢之謂輕，離位之謂躁，是以生幽而死。故曰：『輕則失根，躁則失君。』主父之謂也。〔二〕

校釋

〔一〕制在己，猶言權在己也。使集解云：『重可御輕，靜可鎮躁，使之謂也。』君，主也。君子，輜重

識誤云：『今道經君子作聖人，非，傳本作君子，與此合，下也字皆無。』校詁云：『輜重，一名爲重，一名爲輦，軍中載器物糧食之車也。左傳，楚重至於泌，杜注，重，輜重也。孔疏，輜重，載物之車也。說文，輜，一名輶，前後蔽

也。蔽前後以載物，謂之輜車；載物必重，謂之重車；人挽以行，謂之輦。輦重輦，一物也。輦重載器物糧食，常在軍後。』

〔一〕主父集解云：『史記趙世家：武靈王二十七年傳國立王子何以爲王，自稱爲主父。』代雲中翼毳云：『皆趙地。惠文王三年起靈壽北地方，從代道大通還歸，行賞大赦，置酒酺五日。此云代雲中之樂，即是事也。此解經文所謂雖有榮觀，燕處超然也。』以身輕於天下，纂聞云：『謂讓位也。老子：如何萬乘之主，而以身輕天下也。』幽冀毳云：『猶囚也。』集解云：『惠文王四年，公子成、李兌圍主父宮三月餘，而餓死沙邱宮。』失根各舊本作失臣。職誤云：『臣當作本，傳本作本，經典釋文云：本，河上作臣。按上文云重爲輕根，本根也，河上非是。』按老子或作臣，或作本，或作根，以作根者爲是，詳見校詁。輕則失根，躁則失君，承上『重爲輕根，靜爲躁君』而言，謂輕躁則不足以制人也。

勢重者，人君之淵也。君人者，勢重於人臣之間，失則不可復得也。簡公失之於田成，晉公失之於六卿，而邦亡身死。故曰：『魚不可脫於淵。』賞罰者，邦之利器也，在君則制臣，在臣則勝君。君見賞，臣則損之以爲德；君見罰，臣則益之以爲威。人君見賞，而人臣用其勢；人君見罰，而人臣乘其威。故曰：『邦之利器，不可以示人。』

校釋 〔一〕間猶中也。勢重於人臣之間，謂人君之得爲人君者，以其勢重於人臣之中也。集解疑閒爲

上，讀記疑人臣爲民臣，俱未可從。淵字，各舊本作深淵。識誤云：『道經無深字。』集解云：『深字衍，唐諱淵深，後人回改，兼存深字耳。』上人君之淵，亦無深字，卽其證。按無深字是，茲據刪。

〔二〕見讀爲現。翼義云：『見，示也。損益二字宜互易。管子制令之布於民也，必由中央之人。中央之人，以疑爲急，急則可以取威，以急爲緩，緩則可以惠民。』而乾道本、迂評本無而字，茲從趙本、凌本。識誤云：『今本有，依上句當有。』按而猶則也。邦字，集解云：『六微篇作國，河上王弼並作國，莊子引作國，後漢翟酺傳亦作國，說苑作國之利器，不可以借人，惟傳本作邦。按國爲邦字避改，說見上。』

越王入宦於吳，而觀之伐齊以弊吳。吳兵既勝齊人於艾陵，張之於江濟，強之於黃池，故可制於五湖。故曰：『將欲翕之，必固張之；將欲弱之，必固強之。』〔一〕晉獻公將欲襲虞，遺之以璧馬；知伯將襲仇由，遺之以廣車。故曰：『將欲取之，必固與之。』〔二〕起事於無形，而要大功於天下，是謂微明。『處小弱而重自卑損之謂『弱勝強』也。』〔三〕

校釋 〔一〕觀字，迂評本、趙本、凌本作勸，茲從乾道本。識誤云：『藏本，今本觀作勸，按觀，示也，勸字非。』卒猶言困也。艾陵，翼義云：『齊地。』江濟，纂聞云：『吳語，吳之起師北征，闕爲深溝於齊魯之間，北屬之沂，西屬之濟，以會晉公於黃池。』黃池，解詁云：『左傳杜注，陳留封丘縣南有黃亭，近濟水。』五湖，集解云：『越語，吳越戰於五湖，韋注，五湖，今太湖。初學記引揚州記曰：太湖，一名笠澤。左哀十七年傳，越子伐吳，吳子禦』

之笠澤是也。翁識誤云：『傳本作翁，與此合，經典釋文僞，河上本作噲。』集解云：『古無僞噲二字，梁簡文作歛。說文：歛，縮鼻也，歛有縮義，故與張爲對，翁乃歛之省也。』校詁云：『歛爲本字，噲、翁均爲通用之字。淮南本經開闔張歛；又精神開闔張歛。莊子山木：則呼張歛之。釋文：張，開也；歛，歛也。是張有展張之意，歛爲閉斂之意，古每對言之。故用兵勝利而形勢展開者亦曰張，用兵敗退而形勢窮促者亦曰歛。荀子議兵篇代翁代張，是其證。』固集釋云：『故，猶先也，見穀梁傳襄九年范注，字或作固，又或作姑。』

〔二〕翼，翼云：『掩其不備也。』廣車集解云：『西周策：昔智伯欲伐仇由，遺之大鐘，載以廣車，因隨入以兵，高注：廣車，大車也。』纂聞云：『事又見說林篇。周禮：廣車之卒，注：橫陣之車。左傳：使御廣車而行，注：兵車也。仇由，狄國名。』取字，識誤云：『道經作奪。』按老子彭本、范本亦作取，史記管晏列傳索隱引老子亦作取，又取與二字常對言，自以作取爲是。

〔三〕要，讀云：『邀同，謂邀而求之。』微明識誤云：『是上當有故曰二字。』翼云：『起事於無形者，微也；要大功於天下者，明也。』校詁云：『范應元曰：張之，強之，興之，與之之時，已有歛之，弱之，廢之，取之之幾，伏在其中矣。幾雖幽微，而事已顯明也，故曰是謂微明。』損之，謂弱勝強，各舊本作『謂損弱勝強。』識誤云：『當作而重自卑損之，謂弱勝強也，損句絕。傳本云：柔之勝剛，弱之勝強，今道經云：柔弱勝剛強，傳本與此爲近之。』按識誤說是，茲據增乙卑損連文，猶言謙抑。纂聞刪損字，增是字於謂字上，未可從。

有形之類，大必起於小；行久之物，族必起於少。故曰：『天下之難事，必作於易；天下之大事，必作於細。』是以欲制物者，於其細也。故曰：『圖難於其易也，爲大於其細也。』『千丈之隄，以螻蟻之穴潰；百尺之室，以突隙之燔焚。故白圭之行隄也，塞其穴；丈人之慎火也，塗其隙。是以白圭無水難，丈人無火患。此皆慎易以避難，敬細以遠大者也。』扁鵲見桓公，立有間。扁鵲曰：『君有疾在腠理，不治將恐深。』桓公曰：『寡人無疾。』扁鵲出。桓公曰：『醫者好治不病以爲功。』居十日，扁鵲復見曰：『君之病在肌膚，不治將益深。』桓公不應。扁鵲出。桓公又不悅。居十日，扁鵲望桓公而還走。桓公故使人問之。扁鵲曰：『疾在腠理，湯熨之所及也；在肌膚，鍼石之所及也；在腸胃，火齊之所及也；在骨髓，司命之所屬，無奈何也！今在骨髓，臣是以無請也。』居五日，桓公體痛，使人索扁鵲，已逃秦矣。桓公遂死。故良醫之治病也，攻之於腠理，此皆爭之於小者也。夫事之禍福，亦有腠理之地，故聖人蚤從事焉。〔四〕

校釋 〔一〕族字，迂評本、凌本作旅，茲從乾道本、趙本。集解云：『族，衆也。』纂聞云：『族，猶多也，一作旅，旅亦衆也。』翼云：『族，讀曰湊，衆多也。』莊子：『雲氣不待族而雨。』兩之字，集解云：『河上王弼本均無，傳本有。』是以集解云：『是以下有脫文，此當承上兩句言，乃與下引老子合。』於也，迂評本、凌本作乎於。

也，茲從乾道本。趙本拾補云：『張本難下大下並有乎字。』識誤云：『藏本有乎字，傳本有無也字，今無乎字，也字皆無。』

〔二〕突烟窗也。燬字，各舊本作烟。雜誌云：『突隙之烟，不能焚室，烟當爲燬，燬誤爲煙，又轉寫爲烟。』本北堂書鈔地部十三引此正作燬。說文：燬，火飛也。讀若標。一切經音義十四引三倉云：燬，進火也。呂覽慎小篇：巨防容蠅，而漂邑殺人；突泄一燬，而焚宮燒積。淮南人間訓：千里之隄，以螻蟻之穴漏；百尋之屋，以突隙之燬焚。語意並與此同。世人多見烟，少見燬，故諸書中燬字多誤作烟。按作燬是，茲據改。故白圭各舊本作故曰白圭。識誤云：『曰字當衍。』集解云：『曰卽白字之誤而複者。』按無曰字是，茲據刪。行隄謂巡視隄防也。丈人猶言老者。遠讀去聲。纂聞云：『敬細以遠大，謂敬細事以遠大患也。』

〔三〕扁鵲古時名醫。纂聞云：『史記正義：黃帝時有醫扁鵲，又秦策：扁鵲見秦武王，並此爲三，皆時代。』晉桓公各舊本作蔡桓公。識誤云：『史記新序作齊桓公。』纂聞云：『七發注引此云扁鵲謂晉桓公。』論注引此亦同。史記：扁鵲療趙簡子，束過齊，見桓侯。束皙曰：齊桓在簡子前，且二百歲，小白後，齊無桓侯。和子有桓侯午，去簡子首末相距二百八年。史記自爲舛錯。臣瓚曰：魏桓公。新序曰：扁鵲見晉桓侯。韋氏魏無桓侯，然此桓侯竟不知何國也。按李善辨之未悉。晉世家：烈侯卒，子孝公頤立。索隱曰：紀年以孝公爲桓公，故韓子有晉桓公。按桓公亦作桓侯，茲依纂聞一律改爲桓公。腠理，翼韋云：『儀禮注：腠，皮膚理也。』

又素問注、腠謂津液滲泄之所。『無疾』集解云：『各本無疾字。』盧文弨云：『無下脫疾字。』新序、史記扁鵲傳皆有疾字。今依拾補增。『醫之好治』迂評本、凌本作醫之好欲治。史記作醫之好利也。欲以茲從乾道本。趙本出字。乾道本脫。茲從迂評本。趙本、凌本、識誤云：『藏本、今本有出字。』悅字一作說，二字通。

〔四〕還走集解云：『反走也。』故字集解云：『張榜本無。』纂聞云：『故者特爲之也。』物曰故。姑通。『湯熨翼毳』云：『扁鵲傳、湯液毒熨，謂以藥湯熨斗安帖病處也。』按病在腠理，以藥水沃之謂之湯，以藥物帖之謂之熨。鍼石翼毳云：『本草、砭石鍼石，注、砭石如玉，可以爲鍼。按鍼、金針、砭、石針也。』韓詩太傳、扁鵲入砥鍼礪石，石即砭也。『火齊拾補』云：『新序作大劑。』集解云：『火齊湯，治腸胃病。』倉公傳、飲以火齊湯而疾愈，又飲火齊湯而病已。新序作大劑者，齊劑古通，大乃火字之誤，當依此訂正。『新釋』云：『火煎也，齊和也。』謂和諸藥而以火煎其水也。『司命纂聞』云：『禮記注、司命、主督察之命。』東方朔曰：『司命之神，總鬼錄者。』莊子、吾使司命復生子形。管子、其爲殺生，急於司命。此謂司命之所主，非人力之可及也。『按病在骨髓，則爲死症，不可救藥，故謂爲司命之所屬。』故聖人各舊本作故曰聖人。識誤云：『曰字衍，新序云故聖人早從事矣，其明證也。』纂聞刪曰字，茲從之。

昔晉公子重耳出亡過鄭，鄭君不禮。叔瞻諫曰：『此賢公子也，君厚待之，可以積德。』鄭君不聽。叔瞻又諫曰：『不厚待之，不若殺之，無令有後患。』鄭君又不聽。及公子返晉邦，舉兵伐鄭，大破

之取八城焉。晉獻公以垂棘之璧，假道於虞而伐虢。大夫宮之奇諫曰：『不可。唇亡而齒寒，虞虢相救，非相德也。今日晉滅虢，明日虞必隨之亡。』虞君不聽，受其璧而假之道。晉已取虢，還反滅虞。此二臣者，皆爭於腠理者也，而二君不用也。然則叔瞻、宮之奇亦虞鄭之扁鵲也，而二君不聽，故鄭以破虞以亡。故曰：『其安易持也，其未兆易謀也。』

校釋 「一」待之二字，拾補云：『張、凌本無。』按迂評本亦無，茲從乾道本。趙本、鄭君、乾道本作鄭公，茲

從迂評本。趙本、凌本、集解云：『公當作君。』翼毳云：『鄭君、鄭文公捷也。』

「二」而伐虢，猶言以伐虢也。而齒寒猶言則齒寒也。相德，集解云：『虞虢之所以相救者，非彼此見德，緣滅亡隨之耳。』二臣謂叔瞻、宮之奇，事又見十過篇。其安易持，讀云：『未及於危曰安。』纂聞云：『持，猶守也。』兩也字，識誤云：『德經無。』

昔者紂爲象箸，而箕子怖，以爲象箸必不加於土，鉶必將犀玉之杯，象箸玉杯，必不羹於菽藿，則必旌象豹胎，旌象豹胎，必不衣短褐而食於茅屋之下，則必錦衣九重，廣室高臺，吾畏其卒，故怖始。居五年，紂爲肉圃，設炮烙，登糟丘，臨酒池，紂遂以亡。故箕子見象箸以知天下之禍，故曰：『見小曰明。』

校釋 「一」象箸，蓋即今牙篸之類。怖字，拾補云：『史記、淮南作唏，凌本同，此自作怖，後同。』識誤云：『怖

當作唏，下文及說林上同。『集解云：』顧說非。說文：唏，惶也。唏或從布聲。唏，笑也。一曰：哀痛不泣曰唏。按下文：吾懼其卒，故怖其始。卒，言懼，則始當言惶，不得於始即哀痛也。史記：淮南作唏，誤。當依此訂正。藝文類聚七十三：御覽七百五十九引作怖。『銑翼云：』羹器。『杯翼云：』將用也。杯，盛羹器。索隱以酒杯解，誤。按犀玉之杯，謂堅玉所製之食器也。則必乾道本。趙本無則字，茲從迂評本。拾補云：『必上脫則字，張、凌本有。』旄象，識誤云：『旄，讀爲茅。』集解云：『按顧讀，誤。呂覽本：味篇，肉之美者，旄象之約。高注：旄，旄牛也。旄象二字，藝文類聚御覽均作薦，誤。說林上篇亦作旄象。』短褐，趙本作短褐，茲從乾道本。迂評本、凌本，識誤云：『藏本同，今本短作短，誤。按說林上亦作短。王命論：思有短褐之襲。文選注云：韋昭以短爲短，短，襦也。短，丁管切。依此短，短自有出，不必改爲短矣。』纂聞云：『說林：短作短，非食作舍，是過秦論：夫寒者利短褐。徐廣云：短，小襦也。晉賢：索隱引趙岐云：褐以毛織之若馬衣也。』按短褐言其形，短褐言其質，短短二字形近易混，故各本互易，其實均謂貧賤者之衣也。則必錦衣各舊本無必字，茲依說林補。九重，翼云：『九辨君之門九重，注：天子九門。按九如九臯、九天、九泉之九，極言其深也。』

〔二〕炮烙平議云：『段玉裁謂炮烙本作炮格。史記索隱引鄒誕云：烙，一音閣。楊倞注荀子議兵篇云：烙，音古責反。觀鄒楊所音皆是格字無疑。鄭康成注周禮牛人云：互若今屠家縣肉格，意紂所爲亦相似。段氏此說，洵足訂正向來傳寫之誤。惟炮格似有二義：荀子議兵篇紂剝比干，囚箕子，爲炮格刑，楊注引列女傳

曰：炮格爲膏銅柱加之炭上，令有罪者行焉，輒墜火中，紂與妲己大笑。此則炮格爲淫刑以逞之事，是一義也。若此文云紂爲肉圃，設炮格，登糟邱，臨酒池，則似爲飲食奢侈之事，別爲一義。蓋爲銅格，布火其下，欲食者於肉圃取肉置格上，炮而食之也。如此說，方與肉圃、糟邱、酒池一類。且因爲象箸而至此，正見其由小而大，箕子所以畏其卒而怖其始也。若是炮格之刑，則不特與肉圃諸事不類，且與上文爲象箸事亦絕不相干矣。呂覽過理篇、糟邱、酒池、肉圃爲格，格卽炮格，不言炮格，而直曰爲格，卽承肉圃之下，是於肉圃中爲格也，其爲炮肉之格明矣。高注：格以銅爲之，布火其下，以人置上，人爛墮火而死。夫糟邱、酒池、肉圃皆是飲食之地，何故卽於其地炮炙人乎？蓋古書說炮格者，本有二義，當各依本書說之。學者但知有前一義，而不知有後一義，古事之失傳久矣。『集解云：『本書亦有二義，如難一篇、炮格連斬涉者之脛言，難二篇、兩言請解炮烙之刑，難勢篇、桀紂爲炮烙以傷民性，是皆以炮烙爲淫刑。此炮烙與肉圃、糟邱、酒池並言，則指飲食奢侈之事。俞氏知古義之有二，而不知本書之義亦有二，故詳說之。』纂聞云：『炮烙本爲燔炙設，後以爲刑具耳。』見小曰明識誤云：『今德經曰作日，傳本與此合。』集解云：『王弼作日，淮南同，下同。』按見小猶言見微，能見微則謂之明察矣。

勾踐入宦於吳，身執干戈，爲吳王洗馬，故能殺夫差於姑蘇。文王見詈於王門，顏色不變，而武王擒紂於牧野，故曰『守柔曰強』。『越王之霸也不病宦，武王之王也不病詈，故曰『聖人之

不病也，以其不病，是以無病也。」〔二〕

校釋 〔一〕宦字，迂評本、趙本、凌本作官，下同，茲從乾道本。洗馬，識誤云：「洗，他書又作先。」集解云：「洗，先古通，謂前馬而走，越語其身親爲夫差前馬是也。古本賤役，至漢始以此名官。百官公卿表：太子太傅屬官有先馬，如淳云：前驅也。先或作洗，汲黯傳作洗馬，是其證。」王門，拾補云：「王，卽古玉字。」識誤云：「戰國策云：武王屬於王門，又呂覽云：武王事之夙夜不懈，亦不忘王門之辱。高注：文王得歸，乃築靈臺，作王門，相女童，武王以此爲恥而不忘也。王卽玉字。高所說見淮南道應訓，彼注：王門，以玉飾門，可證也。武王不營有羈事，策、羈當卽詈之譌。」纂聞云：「詈當作羈，玉作王，誤。楊升菴外集：王門，地在成臯。戰國策：武王有門之難。」而集釋云：「猶故也。」

〔二〕病，翼龔云：「儀禮恐不能共事，以病吾子，注：病猶辱也。左傳：吾勿敬子矣，病之；又：徵舒病之，皆羞慚之義也。」無病也，識誤云：「今德經無之字，傳本有，與此合，皆無也字，以其不病，傳本及德經皆作以其病，按韓子自作不病，是以無病也。傳本作是以不吾病，今德經作是以不病，皆無也字。按以其不病，是以無病，猶言『見侮不辱』之類，不以宦詈爲辱，是以無辱也。」

宋之鄙人，得璞玉而獻之子罕，子罕不受。鄙人曰：「此寶也，宜爲君子器，不宜爲細人用。」子罕曰：「爾以玉爲寶，我以不受子玉爲寶。」是鄙人欲玉，而子罕不欲玉，故曰：「欲不欲而不貴。」

得之貨。』〔一〕王壽負書而行，見徐馮於周。徐馮曰：『事者爲也，爲生於時，時者無常事，書者言也，言生於知，知者不藏書，今子何獨負之而行？』於是王壽因焚其書而儻之。故知者不以言談致，慧者不以藏書學。此世之所過也，而王壽復之，是學不學也。故曰：『學不學，復歸衆人之所過也。』〔三〕

校釋 〔一〕鄙人謂鄉鄙之人。子罕集解云：『見左襄十五年傳，二柄篇有子罕，當別一人。』纂聞云：『子

罕事見精神訓。山曰：新序節士篇、呂子異寶篇並有此事。欲不欲而趙本、凌本無而字，茲從乾道本。迂評本。識誤云：『藏本同，今本無而字，傳本及今德經皆無而字。』纂聞云：『欲不欲，猶貴寡欲也。』

〔二〕周徐馮各舊本徐作塗。識誤云：『周字句絕讀，依淮南道應訓塗字作徐，此文上徐下塗，未知孰是。』

集解云：『依淮南作徐，是也。涂爲徐字形近之誤，後人又加土於其下耳。』按纂聞依淮南改，茲從之。時者各舊本作知者。識誤云：『王渭曰：知當作時。』集解云：『王說是，道應訓時上有知字，乃誤衍，當依此訂正。』按作時是，茲據改。時者無常事，謂因時應變者其所事事無所拘守也。翼龜云：『逸周書注爲，謂云爲之事也。』繫辭傳、通變之謂爲。知者不識誤云：『淮南子無不字。』集解云：『淮南脫不字，知讀曰智。』翼龜云：『繫辭傳、書不盡言，言不盡意，然則聖人之意，其不可見乎？按書策所載，不如口訣，口訣所存，不如意授意授所教，不如自悟。自悟者，知也，故智者不藏書。』

〔三〕傳翼云：『舞同，王壽俄然覺道之不在文字，中心喜樂，不知手之舞之，足之蹈之。』藏書學各書本學作舞。集解云：『書字當在藏字上。』讀記云：『德、疑當爲學，以俗音近而誤也。學與教文義相配，下文此世之所過也，而王壽復之，是學不學也，語意與此相承。』集解以藏書二字誤倒，非也。按作學是，茲據改。復歸衆人之所過也。識誤云：『傳本及德經無歸字也。字又傳本復上有以字，與各本全異。』集解云：『河上公注，復之者，使反本也。』按衆人以不學爲過，而智者則以學爲過。今學不學，是反於衆人之所過也。復歸二字連文，在老子中爲常語，如復歸於無極，復歸於樸，復歸於無物，復歸於嬰兒，皆是。復歸衆人之所過，猶言復歸於不學也。

夫物有常容，因乘以導之。因隨物之容，故靜則建乎德，動則順乎道。〔一〕宋人有爲其君以象爲楮葉者，三年而成，豐殺莖柯，毫芒顏澤，亂之楮葉之中，而不可別也。此人遂以巧食祿於宋邦。列子聞之曰：『使天地三年而成一葉，則物之有葉者寡矣。』故不乘天地之資，而載一人之身，不隨道理之數，而學一人之智，此皆一葉之行也。〔二〕故冬耕之稼，后稷不能美也；豐年大禾，臧獲不能惡也。以一人力，則后稷不足，隨自然，則臧獲有餘。故曰：『恃萬物之自然，而不敢爲也。』〔三〕

校釋 〔一〕常容，老子云：『知常容，容乃公。』又云：『孔德之容，惟道是從。』左傳云：『事有其物，物有其容。今君之容，非其物也。』校詁云：『廣雅：容，法也。呂覽士容篇：此國士之容也。高注：容，法也。釋文引鍾會

注、容、法也。訓容爲法，其本字當作銘。說文、銘、冶器法也。漢書食貨志注、銘、形容也，作錢模也。考工記鄭衆注、容、謂象式。是爲容銘通假之證。故訓容爲法之法，皆指法象而言，即模範之誼也。『按常容、粗釋之，猶言常態、常形，精釋之，猶言常性、常法也。』因隨物之容，謂任物自然也。如此，則動靜皆合於老子所謂道德之旨。故曰：『靜則建乎德，動則順乎道。』

〔一〕象字、識誤云：『列子說符篇作玉。』按象、謂象牙，以象牙雕成楮樹之葉也。豐殺莖柯，識誤云：『豐、列子作鋒。』集解云：『作豐是，豐殺謂肥瘦也。殺、音所拜反。』按豐殺謂葉形之大小，莖柯謂葉柄也。毫芒、顏澤、各舊本顏作繁。補箋云：『繁當作顏，聲之誤也。淮南子秦族訓正作顏，即其證。』按作顏是，茲據改。顏澤、謂葉色，毫芒、謂葉毛也。亂字、集解云：『列子同，白孔六帖八十三引亂作雜，別作辨。』按亂亦謂雜也。巧字、各舊本作功。識誤云：『功、列子作巧。』集解云：『功當作巧。列子下文云：聖人恃道化而不恃智巧，張湛注、此明用巧能不足以賸物，因道而化則無不周，即承此巧字言之，功巧形近而誤。』按作巧是，茲據改。載、翼龜云：『說文、載、乘也，猶云事之也。荀子富國篇、以國載之，注、載猶任也。』之智、乾道本脫之字，茲從迂評本、趙本、凌本。

〔二〕美字、各舊本作羨。平議云：『羨當作美，字之誤也。下文云：豐年大禾，臧獲不能惡也，美與惡相對。』翼龜云：『羨、有餘也，照下不足字。』按作美是，茲據平議改。此謂冬耕則違農時，雖后稷不能使稼禾美也。

大禾^{△△}纂聞改爲之禾，茲仍從各舊本，翼龜云：『大碩也。禾，五穀總名，苗也。穰歲則禾苗碩大。大學莫知其苗之碩，是即大禾也。惡謂秀實之不美也。』按此謂不違農時則豐收，雖臧獲不能使稼禾惡也。臧獲爲奴婢之賤稱，詳見前。恃[△]字，識誤云：『傳本及今德經皆作以輔，下也字，今德經無，傳本有，與此合。』按恃字疑爲待，任也。待恃二字，在古書中因形近，每互誤，此爲一例。

空竅者，神明之戶牖也。耳目竭於聲色，精神竭於外貌，故中無主，中無主，則禍福雖如丘山，無從識之。故曰：『不出於戶，可以知天下；不闕於牖，可以知天道。』此言神明之不離其實也。〔一〕

校釋 〔一〕空竅，凌本注云：『空，音孔。』纂聞云：『精神訓夫孔竅者，精神之戶牖也。空，孔通。』翼龜云：

『空竅，謂耳目口鼻也。』闕，識誤云：『兩可以字，今德經無，傳本有，與此合。皆無於字。下知字，今德經作見，傳本作知，與此合。淮南道應訓引有以字，無於字，下知字亦作見。』集解云：『闕，河上公及傳本作規。畢沅考異云：說文，窺，小視也。闕，閃也。閃，闕頭門中也。方言，凡相竊視，南楚謂之闕。蓋穴中竊視曰窺，門中竊視曰闕。老子，楚人，用楚語作窺，韓子自作闕。』實，翼龜云：『言形骸也。實，室音通。心者，神之室也；身者，心之實也，故形骸曰實。言精神之不淫於外也。』

趙襄主學御於王於期，俄而與於期逐，三易馬而三後。〔二〕襄主曰：『子之教我御，術未盡也。』對曰：『術已盡，用之則過也。凡御之所貴，馬體安於車，人心調於馬，而後可以追速致遠。今君後，則

欲逮臣，先則恐逮於臣。夫誘道爭遠，非先則後也。而先後心皆在於臣，尙何以調於馬？此君之所以後也。』〔一〕

校釋 〔一〕王於期各舊本作王子期。識誤云：『期上當有於字，下文及外儲說右下皆同。』集解云：『顧說是古於字作于，與子形近，淺人以爲複衍而妄刪之，下已改于爲於，故得存其異耳。』辨補云：『按本文當作王於期。於期卽王良異名，故外儲說右並言王良造父，復以於期與造父並文。於于古通，故或作王子期，于子形近，遂訛爲子，故此文上作王子期，下作於期。外儲說右之王子於期，蓋緣一本作於，一本由于訛子，兩者相合，遂成義文。』按辨補說是，茲據改。於期，蓋王良字也。逐猶今賽馬也。翼彘云：『漢志注、晉灼曰：競爭曰逐，謂馳逐爭先後，爲勝負也。』易馬翼彘云：『疑馬不良，故屢易也。』

〔二〕追速各舊本作進速。纂聞云：『追，元作進，誤。荀子欲得善馭及速致遠，則莫若王良造父。說林訓：造父之所以追速致遠者，非轡銜矣。主術訓：夫載重而馬羸，雖造父不能以致遠；車輕馬良，雖中工可使追速也。難勢篇亦作追速。』按作追是，茲據改。逮及也。誘道，集解云：『誘馬於道也。』翼彘云：『誘，進也。』按誘字疑爲取，取趨通，趨道謂競逐也。皆字，乾道本、趙本無，茲從迂評本。凌本尙字，乾道本作上，茲從迂評本。趙本、凌本集解云：『上尙古通。』

白公勝慮亂，罷朝，倒杖策，而銳質頓，血流至於地而不知。鄭人聞之曰：『頓之忘，將何不忘哉！』

故曰：『其出彌遠者，其知彌少。』〔一〕此言智周乎遠，則所遺在近也。是以聖人無常行也，能並知，故曰：『不行而知。』能並視，故曰：『不見而明。』隨時以舉事，因資而立功，用萬物之能，而獲利其上，故曰：『不爲而成。』〔二〕

校釋 〔一〕慮亂集解云：『秦策高注，慮謀也。』按慮亂，謂中心思及作亂之事也。倒杖策而銳貫顙，各舊本策而二字倒。補箋云：『而策當作策，而轉寫誤倒。罷朝倒杖策句，而銳貫顙句，謂倒持其策，而策銳穿其顙也。淮南子列子並作罷朝而立倒杖策，綴上貫顙，其證一也。高注策端有針以刺馬，謂之綴，是綴與銳同意。又淮南子說山篇，白公勝之倒杖策也，明此亦必作倒杖策，二證也。』識誤云：『顙，即顙字之別體也。玉藻鄭注，顙或爲鬣，可借證矣。』集解云：『御覽三百六十八引無而字，顙作顙。』按而字應在策字下，茲據補箋乙。杖策爲一詞，謂手持鞭也。鞭端有針，針尖爲銳。顙之忘猶言顙且忘也。之可訓且，詳見集釋。何不各舊本作何爲。識誤云：『爲，淮南子列子作不。』集解云：『作不是，爲字誤。』茲據改。按白公之父爲鄭所殺，白公怨之。鄭因晉攻，求救於楚，楚使子西救之，白公因怒而謀亂。此謂白公謀亂心切，至忘其顙傷，則其他一切均在所不顧矣。者其知彌少。識誤云：『傳本及今德經皆無者字，少傳本作少，與各本異。』按淮南道應訓、精神訓、呂覽君守篇引均有者字。少老子范本作少，小少，少三字義同。知字，各舊本作智，茲依老子改，下並知同。

〔二〕無常行讀云：『謂不泥也。』並纂聞云：『鄒陽書、公聽並觀、注並觀、謂無偏也。』翼龜云：『隸辨引嵩山石闕銘、並天四海、金石文字記云：並天普天也、古人省文。』按並知、並視、猶言不偏知、不偏視也。明字識誤云：『傳本及今德經皆作名。』按老子本亦有作明者、明名古通。釋名釋語言、名、明也。但此仍以作明爲是。隨時猶言因時也。

楚莊王莅政三年，無令發，無政爲也。右司馬御座，而與王隱曰：『有鳥止南方之阜，三年不翅，不飛不鳴，嘿然無聲，此爲何名？』王曰：『三年不翅，將以長羽翼；不飛不鳴，將以觀民則。雖無飛，飛必冲天；雖無鳴，鳴必驚人。子釋之，不穀知之矣。』〔一〕處半年，乃自聽政，所廢者十，所起者九，誅大臣五，舉處士六，而邦大治。舉兵誅齊，敗之徐州，勝晉於河雍，合諸侯於宋，遂霸天下。莊王不爲小善，故有大名；不蚤見示，故有大功。故曰：『大器晚成，大音希聲。』〔二〕

校釋

〔一〕莅政謂卽位也。右司馬纂聞云：『官名，呂覽謂爲成公賈，新序、士慶、楚世家、伍舉、人異而言同。又滑稽傳、楚策載淳如髡諫楚威王語相類，所記異也。』御座、迂評本、凌本作御坐，茲從乾道本、趙本。纂聞云：『御侍也。』隱纂聞云：『呂覽作譏，音於謹反，度語也。裴駟曰：隱謂隱藏其意也。齊東野語、古之所謂度辭，卽今隱語，而俗所謂謎也。按隱語並用韻，說苑載晉人犯咎與平公隱之類是。』止、棲止也。不翅、識誤云：『史記楚世家、新序無不翅，除亦各不同。呂覽重言篇、不翅作不動。』翼龜云：『翅、鼓翼也，不翅、謂不舉。』

動也。『嘿默同。民則寡聞云。』尙書、式和民則。管子、諫爭死節，臣下之則也；又云：毋先物動，以觀其則。毛詩、維民之則。楚語、安知民則。徐鍇曰：節也。莊子、醉之以酒，而觀其則。六韜、則字作態。遊仙窟、自隱多恣，則注、則態也。此謂莊王不先物動，其意在察臣下之態度也。『冲翼彘云：』韻會引說文、翬、上飛也，從羽，中聲，通作冲。鶴鵠賦注、冲、中也。呂覽注、冲、至也。素問注、冲、猶升也。』釋謂置而勿言也。

〔三〕徐州識誤云：『史記年表、威王七年圍齊於徐州，楚世家同，或此莊王謂威王也。』新釋云：『徐州、舒州也，今山東滕縣東南薛城是。左哀十四年傳、陳恆執公於舒州，史記作徐。』纂聞云：『徐、應作徐。齊策、楚威王戰勝於徐州，注、魯之薛，六國時曰徐州，吳注、徐、詞余反，左氏作舒，說文作郟。按莊王六年伐宋，十三年滅舒，此云誅齊敗徐者誤。』合謂會盟也。小善各舊本作小害善。集解云：『害字不當有，蓋與善形近誤衍。』纂聞刪害字，茲從之。希字識誤云：『傳本作希，按希稀、同字也。』翼彘云：『後漢郎顗傳注、聲震字內，謂之大音；其動有時，故希聲也。無所不容，謂之大器；其功既博，故晚成也。』

楚莊王欲伐越，莊子諫曰：『王之伐越，何也？』曰：『政亂兵弱。』〔一〕莊子曰：『臣患智之如目也，能見百步之外，而不能自見其睫。王之兵自敗於秦、晉，喪地數百里，此兵之弱也。莊躡爲盜於境內，而吏不能禁，此政之亂也。』〔二〕王之亂弱，非越之下也，而欲伐越，此智之如目也。』王乃止。故知之難，不在見人，在自見。故曰：『自見之謂明。』〔三〕

校釋 「一」楚莊王識誤云：『荀子楊倞注引無莊字。按莊王與莊躒不同時，或此莊王亦謂威王也。古今人表下有躒躒與莊王相接。』按纂聞依荀子注刪莊字，但文選劉孝標廣絕交論及任彥升代齊明帝表注引均有莊字，故茲仍從舊本。莊子各舊本作杜子，茲依集解纂聞識誤云：『楊注引此杜作莊。』集解云：『杜乃莊之誤，御覽三百六十六引作莊，下同，今據改。』按文選注引作莊子，又作莊周子，是韓子本作莊，不作杜也。

「二」患智之乾道本、趙本作愚患之智，迂評本、凌本作患之智。拾補云：『愚字衍，張、凌本無之，智當作智之，舊倒譌。』集解云：『盧說是，下此智之如目也，即承此句。御覽引正作臣患智之如目也，今據刪。』按文選注引無愚字，之智亦作智之。茲依集解纂聞刪乙。睫目旁毛也。選注引作頰，御覽引作皆，均誤。越世家：吾不貴用智之如目，見毫毛而不見其睫。喪地纂聞云：『莊王時無此事，知今本誤。』莊躒乾道本作莊蹊躒，茲從迂評本、趙本、凌本。識誤云：『藏本今本無蹊字，按蹊字當衍。荀子議兵篇：莊躒起，楚分爲三四，楊注引此無蹊字。史記西南夷傳：始楚威王時，使將軍莊躒將兵，又云：莊躒者，故楚莊王苗裔也。索隱：楚莊王弟爲盜者，當是據此耳。呂覽介立篇：莊躒之暴郢，高注：莊躒，楚成王之大盜，成當作威。又異用篇：跖與企足，高注：企足，莊躒也，皆大盜人名。躒誤爲蹊，校者旁改，遂致兩有。』按文選注引亦作蹊字。

「三」非越之下猶言不下於越也。而欲乾道本、趙本脫而字，茲從迂評本、凌本。拾補云：『張、凌本有。』集

解云：『御覽引亦有。』知之迂評本誤作止之，茲從乾道本、趙本、凌本。自見之謂明，識誤云：『傳本及今道經之謂二字作者，傳本末有也字，下句同。』集解云：『自見，老子作自知。此文上言臣患智之如目也，又言此智之如目也，即以莊王事喻老子自知之謂明句。道經自知，即承知人者智也而言，無作見之本，此見字即緣上兩見字而誤，非韓子所見本有不同也，當依老子作知。』按老子中有言『自見』者，如『不自見故明，不自是故彰，不自伐故有功，不自矜故長』，如『自見者不明』，如『聖人自知不自見』，諸見字讀爲現，示也，與是伐矜諸字同義。此句在老子本當作自知，不作自見。惟文選注引此句亦作自見，蓋韓子以上文皆自見，此句亦遂易爲自見，則此見字當作知解，不當作示解也。

子夏見曾子，曾子曰：『何肥也？』對曰：『戰勝，故肥也。』曾子曰：『何謂也？』子夏曰：『吾入見先王之義，則榮之，出見富貴之樂，又榮之，兩者戰於胸中，未知勝負，故臞。今先王之義勝，故肥。』是以志之難也，不在勝人，在自勝也。故曰：『自勝之謂強。』〔一〕

校釋 〔一〕先王之義，翼云：『史記樂書作夫子之道。』榮，纂聞云：『精神訓榮作說。』翼云：『荀子正論，志意修，德行厚，知慮明，是榮之由中出者也，夫是之謂義榮。爵列尊，貢祿厚，形勢勝，上爲天下嚮候，下爲卿相士大夫，是榮之從外至者也，夫是之謂勢榮。』臞，謂瘦也。之謂二字，老子作者。

周有玉版，紂令膠鬲索之，文王不與，費仲來求，因予之。是膠鬲賢，而費仲無道也。周惡賢者之

得志也，故予費仲。〔一〕文王舉太公於渭濱者，貴之也；而資費仲玉版者，是愛之也。故曰：『不貴其愛其資，雖知大迷，是謂要妙。』〔二〕

校釋 〔一〕玉版，翼龜云：『大戴禮：書之玉版，藏之金匱，爲後世戒。太史公自序：金匱玉版，素問有玉版篇。又周禮：旅于上帝，則共其金版。按金版玉版皆所以書冊命，錄箴戒者，若莊子金版六弢，管子版法，是也。』膠鬲，費仲翼龜云：『膠鬲，紂忠臣，費仲，紂諛臣。』

〔二〕太公翼龜云：『太公望釣於渭濱，文王出獵遇之，與語大悅，載與俱歸，立爲師。』雖知大迷，集解云：『知，讀爲智，趙本大作太誤。』按老子知一作智，二字通。老子原意本以不貴其師，不愛其資爲智，故校註云：『還淳反樸，不貴師資，此乃聖人善救人物之法也。顧此法雖智，而世人則大惑不解，此其所以終成爲精要玄妙之道也。』然本篇以文王師太公，資費仲事喻之，適與老子原意相反。蓋此以貴師愛資爲應世之要妙，不貴其師，不愛其資，雖有智巧，亦大迷失矣。

第九卷

人主

釋題 本篇原爲第二十卷、第五十二篇。名爲人主者，以篇首有人主二字也。

提要 本篇主旨，可分兩節言：首節言人主失勢重於人臣，足以危身亡國；次節言法術之士與當途之臣不相容，人主常蔽於當途之臣而不用法術之士，故國亂。

考證 本篇思想，首節與二柄篇相似，次節與孤憤篇相同，故考證斷爲出於韓子。然本篇文字實有可疑者。纂聞云：『此篇多與孤憤、二柄、和氏諸篇同者，蓋出後人之所附託也。』翼壽云：『此篇多用愛臣、二柄、孤憤、五蠹、和氏、備內諸篇語，亦後人之增耳。』按本書早有脫佚，本篇蓋出於後人增輯，以足五十五篇之數者。首節乃節取愛臣、備內、二柄三篇之辭意而成，如『大臣太貴』見於愛臣篇；萬乘之主、千乘之君見於愛臣、備內篇；爪牙之喻與田常子罕之事見於二柄篇。次節自『且法術之士』至『人主之明塞矣』辭意多同於孤憤和氏兩篇。篇尾所言關龍逢、比干、子胥之事，雖與和氏篇所言吳起商鞅之事不同，亦不過易其事而仿其意耳。和氏篇言蒙二子之危，而此篇言當三子之危，則節取之跡，尙未全泯也。

人主之所以身危國亡者，大臣太貴，左右太威也。所謂貴者，無法而擅行，操國柄而便私者也。所謂威者，擅權勢而輕重者也。此二者，不可不察也。〔一〕夫馬之所以能任重，引車致遠道者，以筋力也。萬乘之主，千乘之君，所以制天下而征諸侯者，以其威勢也。威勢者，人主之筋力也。今大臣得左右擅勢，是人主失力；人主失力，而能有國者，千無一人。虎豹之所以能勝人，執百獸者，以其爪牙也；當使虎豹失其爪牙，則人必制之矣。〔二〕今勢重者，人主之爪牙也；君人而失其爪牙，虎豹之牙也。宋君失其爪牙於子罕，簡公失其爪牙於田常，而不蚤奪之，故身死國亡。今無術之主，皆明知其簡之過也，而不悟其非，不察其事類者也。〔三〕

校釋 〔一〕太威趙本、凌本作太威，茲從乾道本迂評本。拾補云：『威，張本作威。』識誤云：『藏本同，今本威作威誤。』按依下文當作威。愛臣篇云：『愛臣太親，必危其身；人臣太貴，必易主位。』輕重謂上下其手，作福作威也。

〔二〕任重謂任重載也。乘兵車也。國大則乘多，國小則乘少。萬乘、千乘，猶言大國小國也。當使迂評本作向使，趙本、凌本作而使，茲從乾道本翼義云：『而如也，張之象鹽鐵論注引作當。』按向、而、當三字同義，原文蓋作當，後人不解其義，乃改爲向或而字耳。釋詞云：『儻，或然之詞也，字或作黨，或作當，或作尙。墨子兼愛篇：『當使若二子者言行之合，猶合符節也，無言而不行也，言儻使此二士之言行相合，則無言而不行也。』

據此，則本篇之當使，即儻使，不必改爲他字矣。

〔三〕而失猶言如失也。蚤與早同。過讀記云：『當爲禍，古通用，禍承上文身死國亡言。』察其猶察於也。其可訓於，解詳集釋。

且法術之士與當途之臣，不相容也。何以明之？主有術士，則大臣不得制斷，近習不敢賣重。大臣左右權勢息，則人主之道明矣。〔二〕今則不然。其當途之臣，得勢擅事，以環其私；左右近習，朋黨比周，以制疏遠，則法術之士奚時得進用，人主奚時得論裁？故有術不必用，而勢不兩立；法術之士焉得無危？故君人者非能退大臣之議，而背乎左右之訟，獨合乎道言也，則法術之士安能蒙死亡之危而進說乎？此世之所以不治也。〔三〕明主者，推功而爵祿，稱能而官事，所舉者必有賢，所用者必有能，賢能之士進，則私門之請止矣。〔四〕夫有功者受重祿，有能者處大官，則私劍之士安得無離於私，勇而疾距敵，游宦之士焉得無撓於私門而務於清潔矣！此所以聚賢能之士，而散私門之屬也。〔五〕今近習者不必智，人主之於人也，或有所智而聽之，入因與近習論其言，聽近習而不計其智，是與愚論智也。其當途者不必賢，人主之於人，或有所賢而禮之，入因與當途者論其行，聽其言，而不用賢，是與不肖論賢也。故智者決策於愚人，賢士程行於不肖，則賢智之士奚時得用，而人主之明塞矣。〔六〕昔關龍逢說桀而傷其四肢，王子比干諫紂而剖其心，子胥忠直夫差而誅於屬

鏤此三子者，爲人臣非不忠，而說非不當也，然不免於死亡之患者，主不察賢智之言，而蔽於愚不肖之患也。今人主非肯用法術之士，聽愚不肖之臣，則賢智之士孰敢當三子之危，而進其智能者乎？此世之所以亂也。〔六〕

校釋 〔一〕當途，卽當道，謂權要也。制斷和氏篇作擅斷，實重猶言鬻權也。

〔二〕環其私，集解云：『環，讀爲營。說文引本書自環爲私，五蠹篇作自環爲私。』纂聞云：『管子兼上下以環其私，注上則擅君之柄，下則用人材力，上下之利皆用繞身，故曰環其私。因考秦策盡公不還私，還環通，荀子比周還主，注還繞也。』訟翼龜云：『與頌通，左右爲佞臣稱頌美德也。』論裁孤憤篇作悟，合乎和氏篇作周乎，周亦合也。進說孤憤篇作進其說。

〔三〕推功，孤憤篇作見功。按推功猶言按功也。稱能猶言量才也。

〔四〕私劍之士，謂游俠也。疾距敵疾與急通，距與拒通，謂勇於抗敵也。游宦，迂評注云：『游說也。』撓纂聞云：『曲也，以私門爲曲者，知其姦邪也。』屬徒屬也。

〔五〕程行，猶言論行也。集解云：『程，量也。』按自『近習者不必智』至『人主之明塞矣』，略同於孤憤篇。

〔六〕四肢，迂評本、張本作四支，茲從乾道本、趙本、凌本。按肢支同字。屬鏤，纂聞云：『吳世家、賜子胥屬鏤』

之劍以死，索隱曰：劍名，見越絕書。按屬注通用，鏤、縷假借。注縷，蓋毒淬之劍，所謂血注一縷，則人立死，故曰注縷。蔽於乾道本，迂評本作蔽，茲從趙本。凌本，非肯猶不肯也。三子，指關龍逢、比干、子胥。

用人

釋題 本篇原爲第八卷第二十七篇，篇首有用人二字，因取以名篇。

提要 本篇主旨在言人君用人之術。

考證 本篇思想大體合於法家之旨，惟間有可疑者：（一）篇中『厲廉恥招仁義』之語，與五蠹篇『仁義用於古不用於今』之言相反；（參考證）（二）篇首有與飭令篇重出者。

聞古之善用人者，必循天、順人，而明賞罰。循天則用力寡而功立，順人則刑罰省而令行。明賞罰則伯夷盜跖不亂，如此則白黑分矣。治國之臣，效功於國以履位，見能於官以受職，盡力於權衡以任事。人臣皆宜其能，勝其官，輕其任，而莫懷餘力於心，莫負兼官之責於君。故內無伏怨之亂，外無馬服之患。明君使事不相干，故莫訟；使士不兼官，故技長；使人不同功，故莫爭。爭訟止，技長立，則強弱不殽力，冰炭不合形，天下莫得相傷，治之至也。〔一〕

校釋 〔一〕履位謂就官位也。勝其官輕其任，謂勝任愉快也。兼官猶今言兼職也。兼職則事多而力不勝，故須莫負兼官之責。馬服，迂評本、凌本作矯服，茲從乾道本。趙本集解云：『凌本非也，馬服謂趙括。』莫爭，乾道本、迂評本、凌本作莫爭訟。拾補云：『訟字，秦本無。』識誤云：『訟字衍，此涉下句而誤。』集解

云『按飭令篇亦無詛字，今據秦本刪。』穀力翼云：『穀音角，校也。』

釋法術而任心治，堯不能正一國。去規矩而妄意度，奚仲不能成一輪。廢尺寸而差長短，王爾不能半中。使中主守法術，拙匠執規矩尺寸，則萬不失矣。君人者能去賢巧之所不能守，中拙之所萬不失，則人力盡而功名立。〔一〕

校釋 〔一〕任字各舊本無，茲依集解。集解云：『御覽八百三十引心上有任字，是，下去規矩而妄意度，妄意度與任心治相對爲文，明此脫任字，今據補。』奚仲翼云：『夏禹掌車服大夫。』纂聞云：『奚仲見難勢篇。』差讀云：『次也。』王爾集解云：『巧匠，淮南子、王爾無所錯其剗闕。』半中集解云：『中音丁仲反。』翼云：『半上脫爲字，半分也，中均也。半中，考工記梓人云：下兩個半之，弓人云：斲挈必中，是也。半以長短言，中以廣幅言。』按半中，謂半數相合也。執字集解云：『各本作守，治要、藝文類聚、御覽引並作執，』
蓋從之。

明主立可爲之賞，設可避之罰。故賢者勸賞，而不見子胥之禍；不肖者少罪，而不見偃剖背。盲者處平而不遇深谿，愚者守靜而不陷險危。如此則上下之恩結矣。古之人曰：『其心難知。』喜怒難中也，故以表示目，以鼓語耳，以法教心。君人者釋三易之數，而行一難知之心，如此則怒積於上，而怨積於下。以積怒而御積怨，則兩危矣。〔二〕明主之表易見，故約立其教易知，故言用其法易爲，

或言行三者立，而上無私心，則下得循法而治，望表而動，隨繩而斲，因攢而縫，如此則上無私威之毒，而下無愚拙之誅。故上居明而少怒，下盡忠而少罪。」

校釋

「一」儻剖背事，見安危篇。處平，謂居於平地也。中讀去聲。中庸云：「喜怒哀樂之未發，謂之中，發而皆中節，謂之和。」表，目標也。鼓字，識誤云：「當作教，下文其教易知，故言用承此。」翼毳云：「管子兵法篇：三官，一曰鼓，二曰金，三曰旗；五教，一曰教其目以形色之旗，五曰教其心以賞罰之賊。」按依管子，則此鼓字不誤，下其教易知之教字當作鼓矣。三易，謂表易見，鼓易知，法易爲也。行一難知之心，乾道本行下有之字，知之下無心字，茲從迂評本、趙本、凌本。

「二」繩，翼毳云：「治要引尸子：陳繩而斲之，則巧拙易知也。淮南子：循繩而斲，則不過矣。」攢，平議云：「攢字無義，當作簪。荀子賦篇：簪以爲文，楊注：簪形似箴而大，是簪亦箴類，故曰因簪而縫也。說文：金部，鑄可以綴著物者，簪即鑄之段字，亦或作摺。周易豫九四：朋盍簪，京作摺是也。古本韓子當亦作摺，傳寫因誤爲攢矣。」纂聞云：「山曰：攢，攢通，字典引續通書云：攢，通知攢，剪衣之形，隨其形而縫之也。」翼毳云：「嚴助傳張楫注：攢，古剪字。」居字，乾道本作君，茲從迂評本、趙本、凌本。識誤云：「藏本同，今本君作居，按君字誤。」聞之曰：「舉事無患者，堯不得也，」而世未嘗無事也。君人者，不輕爵祿，不易富貴，不可與救危國。故明主厲廉恥，招仁義，昔者介子推無爵祿，而義隨文公，不忍口腹，而仁割其股，故人主結其

德書圖著其名。人主樂乎使人以公盡力，而苦乎以私奪威。人臣安乎以能受職，而苦乎以一負二。故明主除人臣之所苦，而立人主之所樂，上下之利，莫長於此。不察私門之內，輕慮重事，厚誅薄罪，久怨細過，長侮愉快，數以德追禍，是斷手而續以玉也。故世有易身之患。」

校釋

「一」不輕不易，謂不惜以爵祿富貴厚賞功臣也。招仁義，纂聞云：「招猶揭也。莊子自虞氏招仁義以亂天下也，天下莫不奔命於仁義。」以一負二，宋本注云：「謂一身兩役也。」長侮愉快，札記云：「侮當作梅，方言：梅，貪也。楚辭天問篇：穆王巧梅，王逸注：梅，貪也。漢書賈誼傳：品庶每生，顏注引孟康曰：每，貪也。梅每侮同字。偷，苟也，暫也。周語韋注：偷，苟且也。詩邶風旄丘傳：始而愉快，終以微弱，愉偷字通。本書六反篇云：故法之爲道，前苦而長利；仁之爲道，偷樂而後窮。管子形勢篇：偷得利而後有害，偷得樂而後有憂者，聖人不爲也。長侮愉快，而常貪一時之快，與輕慮重事，厚誅薄罪，久怨細過，文同一例。宋本注云：長輕侮人，偷取一時之快，不知侮之爲侮，謬甚。」以德追禍，宋本注云：「禍賊當誅，而反以德報之也。」易身猶言亡身也。

人主立難爲，而罪不及，則私怨生。人臣失所長，而奉難給，則伏怨結。勞苦不撫循，憂悲不哀憐，喜則譽小人，賢不肖俱賞，怒則毀君子，使伯夷與盜跖俱辱，故臣有叛主。」

校釋

「一」生字，乾道本作立，茲從迂評本。趙本、凌本、識誤云：「今本立作生，按立字譌。」奉難給，謂爲

其所不能爲也。

使燕王內憎其民，而外愛魯人，則燕不用而魯不附。民見憎，不能盡力而務功；魯見說，而不能離死命而親他主。如此，則人臣爲隙穴，而人主獨立。以隙穴之臣，而事獨立之主，此之謂危殆。〔一〕

校釋 〔一〕民見憎，乾道本無民字，茲從迂評本。趙本、凌本，識誤云：『藏本同，今本見上有民字，按當脫燕字。』離死命，讀云：『不問死生也。』爲隙穴，纂聞云：『謂挾篡盜之心也。備內篇，相爲耳目，以候主隙。』孟子，鑽穴隙相窺。『翼叢云：『隙，突隙，穴，蟻穴，說見喻老篇，言君臣不周親也。』獨立，猶言孤立也。』

釋儀的而妄發，雖中小不巧；釋法制而妄怒，雖殺戮而姦人不恐。罪生甲，禍歸乙，伏怨乃結。故

主治之國，有賞罰而無喜怒。故聖人極有刑法，而死無螫毒，故姦人服。發矢中的，賞罰當符，故堯復生，羿復立。如此，則上無殷夏之患，下無比干之禍，君高枕，而臣樂業，道蔽天地，德極萬世矣。〔二〕

校釋 〔一〕儀的，讀云：『的也，的爲射者表儀，故謂的爲儀，如井儀亦爾。』中小，趙本、凌本作中而，茲從

乾道本。迂評本，識誤云：『藏本同，今本小作而，誤。』極有，纂聞云：『山曰：極，讀曰殛。』蔽，集解云：『當作被。』

夫人主不塞隙穴，而勢力於赭墜，暴風疾雨必壞，不去眉睫之禍，而慕賁育之死，不謹蕭牆之患，而固金城於遠境，不用近賢之謀，而外結萬乘之交於千里，飄風一日起，則賁育不及救，而外交不及至，禍莫大於此。當今之世，爲人主忠計者，必無使燕王說魯人，無使近世慕賢於古，無使越人

以救中國溺者如此，則上下親，內功立，外名成。」

校釋 「一」赭[△]聖[△]翼[△]毳[△]云：『赭赤土，聖白土，所以飾牆壁也。』蕭[△]牆[△]翼[△]毳[△]云：『論語鄉注，蕭之言廡也，牆謂屏也。按記郊特牲，周人尚臭，蕭合黍稷，臭陽達於牆屋，故既奠，然後炳蕭，合羶蕭，凡祭慎諸此，即蕭牆之義。如後世以椒塗，壁曰椒房之比。』說讀爲悅，無使越人各舊本使作思，茲依纂聞改。纂聞云：『使，元作思，音之誤也。』山曰：此喻又見說林上。』

守道

釋題 本篇原爲第八卷第二十五篇。守道者，謂守國之道也。

提要 本篇主旨，在立法須賞足以勸善，威足以勝暴，即謂守國之道須厚賞嚴刑也。

考證 本篇爲一篇嚴刑論，與韓非思想正合，而考證以文中有『堯明於不失姦』等語，爲『必定堯舜』疑之，未免過泥矣。

聖王之立法也，其賞足以勸善，其威足以勝暴，其備足以完法。治世之臣，功多者位尊，力極者賞厚，情盡者名立。善之生如春，惡之死如秋，故民勸極力而樂盡情，此之謂上下相得。上下相得，故能使用力者自極於權衡，而務至於任鄙；戰士出死而願爲賁育；守道者皆懷金石之心，以死子胥之節。用力者爲任鄙，戰如賁育，中爲金石，則君人者高枕而守已完矣。〔一〕

校釋 〔一〕完法，乾道本、趙本作必完法，茲從迂評本、凌本。拾補云：『凌本無必字，非法字疑衍。』按作完法是，謂其備足以使法有效也。極，猶盡也。秋，草木逢春則生，至秋則死，故曰善之生如春，惡之死如秋。任鄙，翼雩云：『秦武王力士，言務盡力也。』出死，補箋云：『古時成語，蓋謂不愛死也。荀子富國篇，故爲之出死斷亡以覆救之，王霸篇，爲之出死斷亡而不愉，臣道篇，出死無私，致忠而公，並出死連文之證。王先慎疑』

有脫字，非是。『皆字，趙本作出，茲從乾道本。』
『藏本，今本中作守。』
集解云：『中字是，中爲金石，卽心懷金石也。此指上守道者皆懷金石之心而言。』
翼義云：『文選謝玄暉詩注引作皆。』爲任鄙，爲金石之兩爲字，猶如也。

古之善守者，以其所重，禁其所輕；以其所難，止其所易。故君子與小人俱正，盜跖與曾史俱廉。何以知之？夫貪盜不赴谿而掇金，赴谿而掇金，則身不全；賁育不量敵，則無勇名；盜跖不計可，則利。明主之守禁也，賁育見侵於其所不能勝，盜跖見害於其所不能取，故能禁賁育之所不能犯，盜跖之所不能取，則暴者守愿，邪者反正。大勇愿，巨盜貞，則天下公平，而齊民之情。

校釋 〔一〕以其所重禁其所輕，以其所難止其所易，謂重輕罪也。曾史曾參史魚也。赴谿而掇金五字，乾道本不重，茲從迂評本。趙本、凌本、藏本、翼義云：『掇，拾取也。』計可謂計利可成與否也。愿，謹愿也。

人主離法失人，則免於伯夷不妄取，而不免於田成盜跖之禍也。今天下無一伯夷，而姦人不絕世，故立法度量，度量信，則伯夷不失是，而盜跖不得非；法分明，則賢不得奪不肖，強不得侵弱，衆不得暴衆。託天下於堯之法，則貞士不失分，姦人不微幸；寄千金於羿之矢，則伯夷不得亡，而盜跖不敢取。堯明於不失姦，故天下無邪；羿巧於不失發，故千金不亡。邪人不壽，而盜跖止。如此，故圖不劫，宰予不舉六卿，書不著子胥，不明夫差，孫吳之略廢，盜跖之心伏。〔二〕人主甘服於玉堂之中，而

無瞋目切齒傾取之患；人臣垂拱於金城之內，而無擁腫聚唇嗟嚙之禍。服虎而不以桎，禁姦而不以法，塞僞而不以符，此責育之所患，堯舜之所難也。故設桎，非所以備亂也；所以使怯弱能服虎也。立法，非所以辟曾史也；所以使庸主能止盜跖也。爲符，非所以豫尾生也；所以使衆人不相謾也。

「二」不特比干之死節，不幸亂臣之無詐也；特怯弱之所能服，握庸主之所易守。當今之世，爲人主忠計，爲天下結德者，利莫長於此。故君人者，無亡國之圖，而忠臣無失身之畫。明於尊位必賞，故能使人盡力於權衡；死節於官職，通於責育之情，不以死易生；明於盜跖之貪，不以財易身，則守國之道畢備矣。〔三〕

校釋 「一」則免各舊本作則危，茲依纂聞改。謂於不妄取之伯夷，則可免禍也。禍也，乾道本作耳可也。趙本作禍何也，茲依迂評本、凌本。是非猶言依違也。分讀去聲。亡猶失也。不失發三字，乾道本作失廢，茲從迂評本。趙本、凌本。識誤云：「藏本、今本於下有字，乾道本發作廢，謬。」壽字，迂評本、趙本、凌本作售，茲從乾道本。識誤云：「藏本同，今本壽作售，誤，按上文云惡之死如秋，此其義也。」宰予集解云：「此宰予謂齊簡公臣，與田成爭權而死者。蓋周世有二說，或云闕止，或即以爲孔子弟子宰我也。六卿、晉臣言無爭奪亡滅之禍，故圖書不得而載著。」答明謂史書不載子胥夫差之事也。孫吳纂聞云：「孫武、吳起皆善兵略者，廢謂無所用也。」

〔二〕甘服翼龜云：『老子甘其食，美其服，此謂外無所慕也。』瞋目趙本作瞋目，茲從乾道本。迂評本、凌本拾補云：『瞋張本作瞋。』集解云：『按作瞋者是，莊子說劍篇瞋目而語難。』按瞋目謂怒視也。於金城乾道本、迂評本、凌本無於字，茲從趙本。翼龜云：『城外爲之郭，郭外爲之土闔，地高則溝之下，則隄之，命之曰金城。三都賦金城石郭，注言堅也。』聚脣札記云：『當作最脣，聚古或作最，形與最字相亂，最誤爲最，又誤爲聚耳。最讀爲撮，莊子秋水篇釋文撮崔本作最，是其例也。』纂聞云：『聚脣蓋憂歎者必聚脣吁咷也。』嗟惜迂評注云：『惜子夜切，鳴也。』符纂聞云：『符節所以合信。』辟字乾道本作避，迂評本、趙本、凌本作備。識誤云：『藏本、今本避作備，按備字涉上句誤。』讀記云：『避當爲辟，本字爲辟，說文辟治也。周書金縢篇我之弗辟，馬鄭皆讀爲避，孔傳辟法也，謂以法治之，亦讀辟爲驛。』按讀記說是，茲據改。豫讀云：『備也。』尾生纂聞云：『史記蘇秦曰信如尾生，與女子期於梁下，女子不來，水至不去，抱柱而死。』燕策注：『卽微生高也。』謾翼龜云：『欺也。』

〔三〕不恃乾道本、趙本作不獨特，茲從迂評本、凌本。恃怯弱迂評本、凌本作恃怯士，趙本作恃怯士，乾道本作恃怯。識誤云：『藏本同，今本怯下有士字誤，按依上文當有弱字。』於此乾道本、趙本、凌本作於如此，茲從迂評本。集解云：『如字衍。』尊位必賞迂評本、凌本作尊位必法，茲從乾道本。趙本、翼龜云：『賞一作法，非。』上文云：『功多者位尊，力極者賞厚。』通於乾道本、迂評本無於字，茲從趙本、凌本。識誤云：『藏本同，今

本通下有於字，誤。『明於盜跖乾道本、趙本明作惑，茲從迂評本、凌本。』識誤云：『惑字有誤。』選注改爲域，未可從。

三守

釋題 本篇原爲第五卷、第十六篇。迂評注云：『守固密，毋漏言；守獨威獨福，不聽他人毀譽；守自親政，毋移大臣。』此卽所謂三守也。

提要 本篇主旨、在言人主須完三守以止三劫。首節言三守，卽毋漏言，毋聽毀譽，毋移柄也。末節言三劫，卽名劫、事劫、刑劫也。按三守節，重在言人主集勢之必要；三劫節，重在言人臣擅權之危險。

考證 本篇爲一篇短論，論其思想，與韓非之統系相合；論其文字，則甚爲簡明。本篇究否出於韓非，考證以爲疑未能定，然亦無確證也。

人主有三守：三守完，則國安身榮；三守不完，則國危身殆。何謂三守？人臣有議當途之失，用事之過，譽臣之情，人主不心藏，而漏之近習能人，使人臣之欲有言者，不敢不下適近習能人之心，而乃上以聞人主。然則端言直道之人不得見，而忠直日疏。〔一〕愛人，不獨利也，待譽而後利之，憎人不獨害也，待非而後害之。然則人主無威，而重在左右矣。〔二〕惡自治之勞憚，使羣臣輻湊用事，因傳柄移籍，使殺生之機，奪予之要在大臣，如是者侵。此謂三守不完。三守不完，則劫殺之徵也。〔三〕

校釋 〔一〕譽臣各舊本作舉臣。集解云：『舉臣猶言衆臣，若後世言舉朝之比。』讀記云：『舉當爲譽』

字之誤，南面篇、譽臣獨任，是其證也。譽臣，謂以稱譽進者。集解謂舉臣猶言衆臣，非也。『纂聞云：『譽，元作舉，寫者誤也。南面篇、忠臣不聽，而譽臣獨任。當途用事，譽臣能人，皆指重人得愛幸者。交衆黨多，廣養虛譽，君謂此人實有材能，故據要津，用事權也。』按作譽是，茲據改。能人，解見有度篇。端言，猶正言也。日疏纂聞云：『山曰：人主泄言，一守不完。』

〔二〕獨利，讀云：『謂人主雖愛，而不能獨利所愛之人。』按獨，謂獨自也。非與誹同，毀也。重在左右，猶言權在左右也。纂聞云：『二柄篇：今人主非使賞罰之威利出於己也，聽其臣而行其賞罰，則一國之人皆畏其臣而易其君，歸其臣而去其君矣。』山曰：妄信毀譽，二守不完。』

〔三〕勞憚，札記云：『憚，讀爲瘡。說文：瘡，勞也。詩小雅大東：哀我憚人，小明：憚我不暇，釋文並云：憚，亦作瘡。』用事二字，乾道本作之變，茲從迂評本。趙本、凌本，識誤云：『今本之變作用事。』籍字，乾道本、趙本、凌本作藉，茲從迂評本。補箋云：『藉者，勢位也。八經篇：權籍不失，兄弟不侵。荀子儒效篇：履天子之籍；又曰：反籍於成王；強國篇：執籍之所存；正論篇：執籍之所在也。淮南子汜論篇：周公履天子之籍。諸籍字，皆謂勢位也。籍，藉古通用，故此用籍字。』按傳柄移籍，謂權勢下移也。纂聞云：『山曰：大臣擅制，三守不完。』徽、兆也。

凡劫有三：有名劫，有事劫，有刑劫。人臣有大臣之尊，外操國要，以資羣臣，使外內之事，非己不得行，雖有賢良，逆者必有禍，而順者必有福。然則羣臣直莫敢忠主憂國，以爭社稷之利害。人主雖

賢，不能獨計，而人臣有不敢忠主，則固爲亡國矣。此謂國無臣。國無臣者，豈郎中虛而朝臣少哉？羣臣持祿養交，行私道而不效公忠，此謂名劫。〔一〕鸞寵擅權，矯外以勝內，險言禍福得失之形，以阿主之好惡。人主聽之，卑身輕國以資之，事敗與主分其禍，而功成則臣獨專之。諸用事之人，壹心同辭，以語其美，則主言惡者必不信矣。此謂事劫。〔二〕至於守司囹圄，禁制刑罰，人臣擅之，此謂刑劫。三守不完，則三劫者起；三守完，則三劫者止。三劫止塞，則王矣。〔三〕

校釋

〔一〕名劫各舊本作明劫，纂聞依佩文韻府改爲朋劫。讀記云：『明當爲名字之誤。下文云：此謂

國無臣，國無臣者，豈郎中虛而朝臣少哉？言徒有君臣之名而無其實，實亡而名從之。備內篇所云有主名而無實，是也。故謂之名劫。今本作明，則非其旨矣。主道篇，則主失名，藏本、趙本明作名。孤憤篇，其不可借以美名者，乾道本名作明。名明音近，往往淆亂。按作名是，茲據改。外操國要纂聞云：『外字疑誤，國要政柄直字、趙本、迂評本、凌本無，茲從乾道本。識誤云：『藏本、今本無直字，按直當作且。』集解云：『按無直字是。』辭補云：『識誤云直當作且，其說疑非。直當如字，直者必詞，非將詞更詞也。』今按直字爲狀詞，猶徑也，覺也，極言其不敢也。迂評等本無直字者，蓋以不解其義而誤刪耳。有不敢辭補云：『按此有字當讀如又，與復義同。』

〔二〕矯外翼說云：『借外國之權，而內脅君以求欲。』險言讀云：『危言也。』翼說云：『險言、猶痛言也。』

管子七臣七主，姦臣痛言以驚人主，注：痛，甚極之辭。漢書劉向傳集注，險言曰諛。阿翼毳云：「曲從也。」壹字，趙本、凌本作一，茲從乾道本。迂評本按：壹一同字。主言惡，猶言倡言惡也。識誤云：「主謂爲主首也，與初見秦篇主謀義同。」

〔三〕囹圄，翼毳云：「牢獄也。」止塞二字，趙本、凌本作者止，茲從乾道本。迂評本拾補云：「張本止塞，別本多同。」識誤云：「藏本同，今本止塞作者止。」

功名

釋題 本篇原爲第八卷第二十八篇。篇中專言立功成名之道，故取功名二字以名篇。

提要 本篇主旨在言立功成名之道，分爲二節：首節言立功成名之道四，即天時、人心、技能、勢位；末節專就勢位言之，蓋一篇『勢論』也。

考證 本篇既重在勢論，則與韓非思想似無不合，然考證以篇首有天時、人心之語，爲道家言，未免過疑矣。

明君之所以立功成名者四：一曰天時，二曰人心，三曰技能，四曰勢位。非天時，雖十堯不能冬生一穗；逆人心，雖賁育不能盡人力。故得天時則不務而自生，得人心則不趣而自勸。因技能則不急而自疾；得勢位則不進而名成。若水之流，若船之浮，守自然之道，行無窮之令，故曰明主。〔一〕

校釋 〔一〕非讀記云：『乃北字之誤，北讀爲背，背亦逆也。』不務，乾道本、趙本無不字，茲從迂評本、凌本。集解云：『治要有不字。』趣，纂聞云：『音促。』進字，各舊本作推進。集解云：『按推即進字誤而衍者，治要無，今據刪。』茲從之。

夫有材而無勢，雖賢不能制不肖，故立尺材於高山之上，而下臨千仞之谿，材非長也，位高也。

桀爲天子，能制天下，非賢也，勢重也。堯爲匹夫，不能正三家，非不肖也，位卑也。千鈞得船則浮，鏹銖失船則沈，非千鈞輕而鏹銖重也，有勢之與無勢也。故短之臨高也，以位，不肖之制賢也，以勢。『一人主者，天下一力以共載之，故安；衆同心以共立之，故尊。人臣守所長，盡所能，故忠，以尊主御忠臣，則長樂生而功名成。名實相待而成，形影相應而立。故臣主同欲而異使，人主之患，在莫之應。故曰：『一手獨拍，雖疾無聲。』人臣之憂，在不得一。故曰：『右手畫圓，左手畫方，不能兩成。』故曰：『至治之國，君若桴，臣若鼓，技若車，事若馬。』故人有餘力易於應，而技有餘巧便於事。立功者不足於力，親近者不足於信，成名者不足於勢，近者已親，而遠者不結，則名不稱實者也。『二』聖人德若堯舜，行若伯夷，而位不載於勢，則功不立，名不遂。故古之能致功名者，衆人助之以力，近者結之以成，遠者譽之以名，尊者載之以勢。如此，故太山之功，長立於國家，而日月之名，久著於天地。此堯之所以南面而守名，舜之所以北面而效功也。『三』

校釋

〔一〕而下臨千仞乾道本、趙本作則臨十仞，茲從迂評本、凌本。千鈞輕而乾道本、趙本作千金輕，

迂評本、凌本作千鈞輕，茲從集解。拾補云：『金藏本作鈞。』集解云：『按上文作鈞，明鈞者是，而字脫，據藝

文類聚七十一，白孔六帖，御覽七百六十八引改補。』

〔二〕一力猶言合力也。以尊主御忠臣，乾道本、趙本、凌本重主字，茲從迂評本。識誤云：『當衍一主字。』

待字、乾道本、趙本、凌本作持，茲從迂評本。異使纂聞作異便，茲仍從各舊本。纂聞云：『便作使，寫者誤。』內儲君臣之利異，故人臣莫忠。得一謂得專於一職也。便字，乾道本無迂評本、凌本作易，茲從趙本者也。迂評本、凌本無者字，茲從乾道本、趙本、拾補云：『張本無者字。』

〔三〕載於勢，各舊本作載於世。讀記云：『世乃勢字之誤，下文云尊者載之以勢，是其證。』按作勢是，茲據改。成斟補云：『當作誠，上文助之以力，與前不足於力應，此與不足於信應，誠卽信也。』札記云：『成誠通作。』日月之名，乾道本、趙本名作明，茲從迂評本、凌本。識誤云：『藏本明作名。』王渭云：『文選解嘲引此作名，名字是，此皆以功名對言。』

安危

釋題 本篇原爲第八卷第二十五篇。篇中有「安術有七，安道有六」之語，因取安危二字以名篇。

提要 本篇分爲六節，而各爲一義。首節言安術七，危道六；次節言救危國須以忠拂耳；三節言人主須自刻以堯；四節言安危在是非；五節言明主須堅內；六節言人主須忠法。

考證 考證以本篇似非韓非所作，舉證有二：（一）篇中有先王寄理於竹帛之語，乃明據先王；又有堯無膠漆之約於當世而道行，舜無置錐之地於後世而德結之語，爲「必定堯舜」。

安術有七，危道有六。安術：一曰賞罰隨是非，二曰禍福隨善惡，三曰死生隨法度，四曰有賢不肖而無愛惡，五曰有愚智而無非譽，六曰有尺寸而無意度，七曰有信而無詐。〔一〕危道：一曰斷削於繩之內，二曰斷割於法之外，三曰利人之所害，四曰樂人之所禍，五曰危人之所安，六曰所愛不親，所惡不疏。如此，則人失其所以樂生，而忘其所以重死。人不樂生，則人主不尊；不重死，則令不行也。〔二〕

校釋 〔一〕隨謂因之而定也。非譽，集解云：「非，讀爲誹。」

〔二〕斷割，乾道本作斷割，茲從迂評本、趙本、凌本。識誤云：「藏本同今本，斷作斷，按此有誤，未詳。」讀記

云：「趙本斲作斷，當從之。上云斲削於繩之內，謂虧法以徇私也；此云斷割於法之外，謂廢法而任意也。淮南主術訓：仁者雖在斷割之中，其所不忍之色可見也。新序雜事四：譬之以五味，管仲善斷割之。後漢書皇后紀：未有專任婦人，斷割重器，皆以斷割連文，可證。」危人之乾道本作危人於，茲從迂評本。趙本、凌本、識誤云：「藏本、今本於作之。」也字，迂評本無，茲從乾道本。趙本。

使天下皆極智能於儀表，盡力於權衡，以動則勝，以靜則安。治世使人樂生於爲是，愛身於爲非，小人少而君子多，故社稷常立，國家久安。奔車之上無仲尼，覆舟之下無伯夷，故號令者，國之舟車也。安則智，廉生，危則爭，鄙起。故安國之法，若飢而食，寒而衣，不令而自然也。先王寄理於竹帛，其道順，故後世服。今使人飢寒去衣食，雖賁育不能行；廢自然，雖舜而不立。強勇之所不能行，則上不能安。上以無厭責已盡，則下對無有，無有則輕法。法所以爲國也，而輕之，則功不立，名不成。

〔一〕聞古扁鵲之治甚病也，以刀刺骨；聖人之救危國也，以忠拂耳。刺骨故小痛在體，而長利在身；拂耳故小逆在心，而久福在國。故甚病之人，利在忍痛；猛毅之君，以福拂耳。忍痛故扁鵲盡巧，拂耳則子胥不失，壽安之術也。病而不忍痛，則失扁鵲之巧；危而不拂耳，則失聖人之意。如此，長利不遠垂，功名不久立。〔三〕

校釋 〔一〕儀表猶今言標準也。是非謂以樂生而爲善，以愛身而不爲惡也。常立迂評本、凌本作長立。

茲從乾道本。趙本拾補云：『常、張、凌本作長。』奔車讀記云：『奔與賁同，讀爲債，債亦覆也。』纂聞云：『當危急之時，仲尼之智，不能施計，故曰無仲尼。值變亂之世，伯夷之廉，不得相讓，故曰無伯夷。』飢字，乾道本、趙本作饑，茲從迂評本。凌本拾補云：『饑當作飢，下同。』寄理迂評本、凌本作寄治理，茲從乾道本。趙本集解云：『治字衍文，理治也。』按寄理於竹帛，謂寓治於日用尋常之事也。今使人飢寒去衣食，乾道本作令使人去饑寒，茲從迂評本。凌本賁育集解誤作賁欲，茲從乾道本。迂評本、凌本賁育、孟賁、夏育也。舜字，各舊本作順道。札記云：『順當作舜，此文以舜與賁育對文。本書守道篇云：此賁育之所患，堯舜之所難也。又功名篇云：非天時，雖十堯不能冬生一穗，逆人心，雖賁育不能盡人力。語例正同，是其證。今本作順道者，蓋舜誤爲順，後之讀者又誤據上文其道順句，妄於順下增道字，以足其文，使句法一律，而文不成義矣。』按作舜是，茲據改。

〔二〕強讀上聲。強勇之所不能行，謂強令勇者爲其所不能爲也。則上趙本作雖上，茲從乾道本。迂評本、凌本識誤云：『藏本同，今本則作雖，誤。』對讀云：『應也，謂下已盡，而上欲猶無厭，誅求無已，則下何以應上哉！』無有二字，乾道本不重，茲從迂評本。趙本、凌本識誤云：『藏本今本有，按當重下對無有四字。』輕謂忽視也。

〔三〕治甚病各舊本作治其病，茲依纂聞改。集解云：『其字當爲甚之殘缺字，甚病與危國相對爲文，明

其爲甚之誤下云甚病之人利在忍痛作甚字卽其證。忠集解云「忠言也」以福二字纂聞互乙茲仍從各舊本。集解云「謂以拂耳之言爲福也」。讀記云「以福二字當倒乙以由也」。子胥子胥忠諫吳王不聽而殺之故此云拂耳則子胥不失也。

人主不自刻以堯而責人臣以子胥是幸殷人之盡如比干盡如比干則上不失下不亡不權其力而有田成而幸其身盡如比干故國不得一安廢堯舜而立桀紂則人不得樂所長而憂所短失所長則國家無功守所短則民不樂生以無功御不樂生不可行於齊民如此則上無以使下下無以事上。」

校釋「一」刻讀云「如克己之克山曰讀尅期之尅莊子有刻意篇」上不失下不亡謂君不失政臣不亡身也。身字迂評本凌本作臣茲從乾道本趙本識誤云「此二句以其力與其身相對言人主當權其臣之力使不得爲田成不當責其臣之身使爲比干也。或謂此有誤字非」御不樂生識誤云「乾道本此下重以無功御不樂生七字藏本今本無」按迂評本趙本凌本俱不重此七字齊民翼龜云「齊等也。前漢書注如淳曰無有貴賤謂之齊民若今言平人矣」

安危在是非不在於強弱存亡在虛實不在於衆寡故齊萬乘也而名實不稱上空虛於國內不充滿於名實故臣得奪主殷天子也而無是非賞於無功使讒諛以詐僞爲貴誅於無罪使僇以

天性剖背。以詐僞爲是，天性爲非，小得勝大矣。」

校釋

「一」萬乘，迂評本、凌本作故萬乘，茲從乾道本。趙本拾補云：『齊下脫故字，張凌本有。』集解云：

『齊下不當有故字，張凌本誤。』按有故字亦通，故與固同。齊主殷天子也。六字，乾道本、趙本作齊主殺天

子也，迂評本、凌本作以成其篡弑也。識誤云：『故臣得奪主，句絕。殺當作桀，形近之誤。桀字逗，天子也句，與

上文故齊萬乘也句例同。戰國策新序皆言宋康王剖偃之背，史記云：於是諸侯皆曰桀宋，下文使偃以天

性剖背，是其證也。』對補云：『顧說似非。考宋康無爲天子事，且桀宋之稱雖見史記，然舍宋稱桀則不辭。

竊疑殺乃殷誤，與齊對文，指紂事言。下云使譏諛以詐僞爲貴，謂用惡來費仲也。偃以天性剖背，卽剗割孕

婦諸事之變詞也，不必泥屬宋康。』按對補說是，茲據改。偃，迂評注云：『僂人也。』爲是，乾道本脫爲字，茲

從迂評本。趙本、凌本識誤云：『藏本、今本僞下有爲字。』矣字，乾道本無，茲從迂評本。趙本、凌本識誤云：『藏

本同，今本大下有矣字誤。』

明主堅內，故不外失。失之近，而不亡於遠者，無有。故周之奪殷也，拾遺於庭，使殷不遺於朝，則

周不敢望秋毫於境，而況敢易位乎？」

校釋

「一」堅內，纂聞云：『明內治也。』而字，乾道本、趙本誤作正，茲從迂評本。凌本無有讀云：『猶云

未之有也。』

明主之道，忠法，其法忠心，故臨之而治，去之而思。堯無膠漆之約於當世，而道行，舜無置錐之地於後世，而德結。能立道於往古，而垂德於萬世者，之謂明主。〔一〕

校釋 〔一〕忠法讀云：『謂盡於法也。』讀記云：『忠，讀爲衷，倍二十四年左傳服之不衷，杜注：衷，適也。』治字各舊本作法。讀記云：『而法之法當爲治，涉上文誤作法，則非其旨。』按作治是，茲據改。道字，乾道本誤作遺，茲從迂評本。趙本、凌本、往古、乾道本誤作往名古，茲從迂評本。趙本、凌本。

心度

釋題 本篇原爲第二十卷、第五十四篇。心度云者，蓋謂民心之準則也。翼繇云：『欲生於無度，禍萌於無禁，故明主明度於民心，立禁於民心，度明則易足，禁立則知畏，此治之本也。』

提要 本篇主旨，可分三節言：首節言明賞則民勸功，嚴刑則民親法；次節言法與時轉則治，治與世宜則有功；末節言王術在能閉外塞私而行法自恃。

考證 本篇思想與五蠹顯學兩篇相合，故考證以本篇出於韓非。然本篇文字又不甚類五蠹顯學兩篇，不無可疑耳。研究云：『心度文字不類韓子，惟其旨亦與韓子合，故其徒收而爲一集。』

聖人之治民，度於本，不從其欲，期於利民而已。故其與之刑，非所以惡民，愛之本也。〔一〕刑勝而民靜，賞繁而姦生。故治民者，刑勝，治之首也；賞繁，亂之本也。〔二〕夫民之性，喜其亂，而不親其法。故明主之治國也，明賞則民勸功，嚴刑則民親法，勸功則公事不犯，親法則姦無所萌。〔三〕故治民者，禁姦於未萌，而用兵者，服戰於民心。禁先其本者，治；兵戰其心者，勝。先治者強，先戰者勝。〔四〕夫國事務先而一民心，專舉公而私不從，賞告而姦不生，明法而治不煩，能用四者強，不能用四者弱。〔五〕夫國之所以強者，政也；主之所以尊者，權也。故明君有權有政，亂君亦有權有政，積而不同，其

所以立異也。故明君操權而上重，一政而國治。故法者，王之本也；刑者，愛之自也。〔六〕

校釋 〔一〕度於本謂治民須從根本處致力也。欲謂民欲莫不喜治惡亂，喜佚惡勞，故不可從也。其與謂聖人與之也。

〔二〕兩而字猶則也。

〔三〕喜其亂，迂評本、趙本、凌本無其字，茲從乾道本。識誤云：『藏本同，今本無其字誤。』親法猶言從法也。讀云：『謂安於法。』萌猶生也。

〔四〕服戰謂民心習於戰爭也。兵戰其心者勝，謂使兵心樂戰然後可勝也。纂聞云：『山曰：蜀馬謖曰：夫用兵之道，攻心爲上，攻城爲下；心戰爲上，兵戰爲下。』末引韓子文：『先戰選註云：『謂先戰心也。』

〔五〕專，猶惟也，但也。傳校云：『專與孟子專心致志之專同，但此處作副詞用。』賞告謂賞告姦也。纂聞云：『商君傳：告姦者與斬敵首同賞。』四者選註云：『謂務先舉公賞告明法也。』

〔六〕積累聚也，如『積善之家，必有餘慶』之積。本字，乾道本作者，茲從迂評本。趙本、凌本。識誤云：『藏本、今本者作本，按當作自。』自，纂聞云：『謂愛民之道，自此生也。中庸云：知風之自。』山曰：自宜作首。選註云：『自古鼻字，鼻始也。』斟補云：『按者自二字均係首訛，上文云：刑勝治之首也，此其證者。』自字形均與首近，因以致訛。』

夫民之性惡勞而樂佚，佚則荒，荒則不治，不治則亂，而賞刑不行於下者，必塞。^{〔一〕}故欲舉大功，難致而力者，大功不可幾而舉也。欲治其法，而難變其故者，民亂不可幾而治也。^{〔二〕}故治民無常，唯法爲治。法與時轉則治，治與世宜則有功。^{〔三〕}故民樸而禁之以名則治，世智而維之以刑則亂。^{〔四〕}時移而法不易者亂，世變而禁不變者削。^{〔五〕}故聖人之治民也，法與時移，而禁與世變。

校釋 ^{〔一〕}下字各舊本作天下。識誤云：『天字當衍。』茲據刪。塞。識誤云：『塞字有誤，未詳。』按商君

書開塞篇云：『湯武塞，故萬乘莫不戰，千乘莫不守。此道之塞久矣，而世主莫之能開也。』開字舊本作廢，茲據商君書校釋改。郡齋讀書志云：『開塞，謂道塞久矣，今欲開之，必刑九而賞一。』據此，則本篇必塞之塞，猶言廢也，滅也。

^{〔二〕}而力迂評本、趙本、凌本無而字，茲從乾道本。識誤云：『藏本、今本致下無而字，按當作其。』按而力，亦猶其力也，解見集釋。幾。纂聞云：『山曰：幾，期同。』故謂故法舊習也。纂聞云：『商君曰：聖人苟可以強國，不法其故。』

^{〔三〕}唯法爲治。各舊本作唯治爲法，集解謂文誤倒，茲據校乙。治與二字，乾道本誤作與世，茲從迂評本。趙本、凌本。識誤云：『藏本、今本治與作與世。』按『法與時轉，治與世宜』與五蠹篇『古今異俗，新故異

備』之說互相發明。

〔四〕民樸謂人民樸質也。名謂名譽也，名教也。世智而三字，迂評本、趙本、凌本無，乾道本有世知二字。拾補云：『世知二字舊無，張本有。』識誤云：『舊本同，今本無世知二字誤。按知讀爲智，下當有而字。』今按識誤說是，茲據增並改知爲智，以免誤解。世智謂世尙智巧也。

〔五〕法字，各舊本作治。集解云：『治不易，當作法不易。』按作法是，茲據改。法不易，謂法不改易也。世變二字，各舊本作能治衆。識誤云：『治衆二字誤，未詳所當作。』集解云：『治字當衍，能衆卽下能耕能戰也。』按能衆亦不可解。能治衆三字當作世變，與上文時移相對爲文，茲改之。

〔六〕也字，迂評本無，乾道本作治，茲從趙本、凌本。識誤云：『藏本同，今本下治字作也，按此當衍。』世字，乾道本作能，迂評本、趙本、凌本作治。識誤云：『藏本同，今本能作治誤。』按作能亦誤，當依上文作世，茲改之。

能趨力於地者富，能趨力於敵者強，強不塞者王。〔一〕故王道在所開，在所塞，塞其姦者必王。故王術不恃外之不亂也，恃其不可亂也。〔二〕恃外不亂而立治者削，恃其不可亂而行法者興。故賢主之治國也，適於不可亂之術。〔三〕貴爵則上重，故賞功爵任，而邪無所關。好力者，其爵貴，爵貴則上尊，上尊則必王。國不事力而恃私學者，其爵賤，爵賤則上卑，上卑者必削。故立國用民之道也，

能閉外塞私而上自恃者，王可致也。〔四〕

校釋

〔一〕趨[△]力各舊本上作越力，下作起力。識誤云：『越當作趨，下起力，起亦當作趨。』按作趨是，茲據改。趨力於地，趨力於戰，謂使民趨赴耕戰也。強[△]不塞者王[△]，讀記云：『文不成義，疑當作姦不塞者亡。』下文塞其姦者必王，與此文反正相應，強以涉上而誤，王以聲同而誤耳。『按此不誤，謂強而不止則王也。』

〔二〕開[△]字，乾道本作聞，茲從迂評本。趙本、凌本。識誤云：『藏本同，今本聞作開，按當作閉，下文云：能閉外塞私。』按開字是，開塞，古語，猶言興廢也。此所謂開者，即謂趨力於耕戰也。翼雋云：『言王道在因時開塞。今時在塞，浮辭而開力作，塞私義而開公道也。尉繚子云：今天下諸國士所率，無不及二十萬之衆者，然而不能濟功名者，不明乎禁舍開塞也。又商子有開塞篇。』

〔三〕立[△]治各舊本作治立。識誤云：『治當作始。』纂聞云：『治立誤倒。言惟養外交，欲使鄰敵不肯亂我，恃此以立政治，故弱。』按作立治是，茲據乙。適[△]字，乾道本作敵適，茲從迂評本。趙本、凌本。識誤云：『藏本、今本無敵字，按當云道於不可亂之術。』集解云：『按敵即適之誤而衍者。』讀記云：『適，讀丁歷反，主也，謂主於不可亂之術也，不必改適爲道。』對補云：『敵字衍，適謂專主。』可[△]字，各舊本無，據識誤補。

〔四〕爵[△]任[△]爵[△]動詞，謂予以爵也；任，猶言能也。關纂聞云：『由也。』翼雋云：『預也。』閉[△]外[△]纂聞云：『謂不特外交也。』選註云：『外，外國；閉外，使外國不能謀我也。』上[△]君[△]上也。

忠孝

釋題 本篇原爲第二十卷、第五十一篇。名爲忠孝者，以本篇多涉論忠孝耳。忠孝、本爲儒家之德目，而本篇則依法家之見地加以衡論也。

提要 本篇主旨、在上法而不上賢。儒家以堯舜湯武爲賢，而本篇則以堯舜湯武不忠不孝而非之。道家以烈士爲賢，而本篇則以烈士爲離衆獨行，取異於人而非之。全篇分爲四大節：首節言『廢常上賢則亂，舍法任智則危』；次節言『賢堯舜湯武而是烈士』，足以致亂；三節言治國不可爲太上士不設賞，爲太下士不設刑；末節言霸王須恃治內以裁外，不恃離合從橫。

考證 本篇自稱『臣』者五，爲一篇上書無疑。點勘云：『此篇自稱曰臣，說韓王之言也。』本篇思想，如非從橫，非恬淡之學、恍惚之言，多與五蠹篇合，故考證以之爲韓非所作。但翼彘又以此篇非韓非之筆，舉證如下：（一）『韓子之學本於老子，而此篇言恬淡無用，恍惚無法，意者此篇出於後人傳會，而非韓子所著也。』所引之記，北山之詩，剽竊孟子。且以老子之言爲無用無法，則解老篇亦在所斥矣。（二）『本篇稱民爲黔首，始皇二十六年始更名曰黔首，而韓非死於始皇十四年，焉能稱秦制，是後人傳會之疏漏也。』按黔首名詞，不應見於韓子之文，則本篇出於韓子，實可疑矣。又本篇末節非從橫，與全篇意旨，絕不相屬。

疑爲他篇之脫簡，而誤入本篇者。

天下皆以孝悌忠順之道爲是也，而莫知察孝悌忠順之道而審行之，是以天下亂，皆以堯舜之道爲是而法之，是以有弑君，有曲父。^{〔一〕}堯、舜、湯、武，或反君臣之義，亂後世之教者也。堯爲人君，而君其臣；舜爲人臣，而君其臣；湯武爲人臣，而弑其主，刑其尸，而天下譽之。此天下所以至今不治者也。^{〔二〕}夫所謂明君者，能畜其臣者也；所謂賢臣者，能明法辟，治官職，以戴其君者也。今堯自以爲明，而不能以畜舜；舜自以爲賢，而不能以戴堯；湯武自以爲義，而弑其君長——此明君且常與，而賢臣且常取也。故至今爲人子者，有取其父之家，爲人臣者，有取其君之國者矣。父而讓子，君而讓臣，此非所以定位一教之道也。^{〔三〕}臣之所聞曰：『臣事君，子事父，妻事夫，三者順則天下治，三者逆則天下亂，此天下之常道也。』明王賢臣而弗易也，則人主雖不肖，臣不敢侵也。今夫上賢，任智，無常，逆道也，而天下常以爲治。是故田氏奪呂氏於齊，戴氏奪子氏於宋。此皆賢且智也，豈愚且不肖乎？是廢常上賢則亂，舍法任智則危。故曰：『上法而不上賢。』^{〔四〕}

校釋

〔一〕弑君，迂評本、趙本、凌本作亂君，茲從乾道本、藏本。弑君，謂君爲臣弑也。曲父，乾道本作曲於

父，茲從迂評本、趙本、凌本。識誤云：『今本無於字誤。』集解云：『按弑君、曲父相對，於字不當有。下舜見瞽瞍，其容造焉，即承曲父言。』按曲父，謂父不得而子也。

〔一〕君其臣謂以臣爲君也，指堯讓位於舜而言。臣其君謂以君爲臣也，指舜受堯禪而言。武爲乾道本，趙本凌本無爲字，茲從迂評本。拾補云：『爲字脫，藏本有。』刑尸纂聞云：『史記：紂自燔於火而死，武王遂入，至紂死處，武王自射之三發，而後下車，以輕劍擊之，以黃鉞斬紂頭，懸太白之旗。』

〔三〕此……且集釋云：『此是也，且當也。』父而君而按兩而字猶如也。

〔四〕而弗易謂如不改易常道也。上賢翼龜云：『上尙通。』無常集解云：『常，上文所謂常道也。』戴氏

纂聞云：『戰國諸子誤以皇喜爲樂喜，故曰戴氏。左傳：右師將不利戴氏。注：戴氏，樂族。毛詩：必宋之子。傳：子宋姓。皇喜劫宋君事，見內儲。』上法而不上賢纂聞云：『語出慎子。』

記曰：『舜見瞽瞍，其容造焉。』孔子曰：『當是時也，危哉！天下岌岌！有道者，父固不得而子，君固不得而臣也。』〔一〕臣曰：孔子本未知孝悌忠順之道也，然則有道者進不爲主，臣退不爲父子耶？父之所以欲有賢子者，家貧則富之，父苦則樂之。君之所以欲有賢臣者，國亂則治之，主卑則尊之。今有賢子而不爲父，則父之處家也苦；有賢臣而不爲君，則君之處位也危。〔二〕然則父有賢子，君有賢臣，適足以爲害耳，豈得利哉？焉所謂忠臣不危其君，孝子不非其親？今舜以賢取君之國，而湯武以義放弑其君，此皆以賢而危主者也，而天下賢之。〔三〕古之烈士，進不臣君，退不爲家，是進則非其君，退則非其親者也。且夫進不臣君，退不爲家，亂世絕嗣之道也。是故賢堯舜湯武而是烈。

士，天下之亂術也。瞽瞍爲舜父，而舜放之；象爲舜弟，而舜殺之。放父殺弟，不可謂仁；妻帝二女，而取天下，不可謂義；仁義無有，不可謂明。〔四〕詩云：『普天之下，莫非王土；率土之濱，莫非王臣。』信若詩之言也，是舜出則臣其君，入則臣其父，妾其母，妻其主女也。故烈士內不爲家，亂世絕嗣，而外矯於君，朽骨爛肉，施於土地，流於山谷，不避蹈水火，使天下從而效之，是天下徧死而願天也。此皆釋世而不治者也。〔五〕世之所謂烈士者，離衆獨行，取異於人，爲恬淡之學，而理恍惚之言。臣以爲恬淡，無用之教也；恍惚，無法之言也。言出於無法，教出於無用者，天下謂之察。〔六〕臣以爲人生必事君養親，事君養親，不可以恬淡；人生必言論忠信法術，言論忠信法術，不可以恍惚。恍惚之言，恬淡之學，天下之惑術也。〔七〕孝子之事父也，非競取父之家也；忠臣之事君也，非競取君之國也。夫爲人子，而常譽他人之親，曰：『某子之親，夜寢早起，強力生財，以養子孫。臣妾，』是誹謗其親者也。爲人臣，常譽先王之德厚而願之，是誹謗其君者也。非其親者，知謂之不孝；而非其君者，天下賢之，此所以亂也。故人臣毋稱堯舜之賢，毋譽湯武之伐，毋言烈士之高，盡力守法，專心於事主者，爲忠臣。〔八〕

校釋 〔一〕記古史所記也。造，宋本注云：『愁貌。』集解云：『造，與蹇通，見孟子萬章篇。』纂聞云：『墨子舜見瞽叟就焉，就，慨同。楚策：汗明慨焉，注不安貌。』岌岌，孟子趙注：『不安貌。』

「二」臣曰集解云：『臣韓非自謂。』兩不字、迂評本、凌本作不得，茲從乾道本、趙本。主臣各舊本作臣主。拾補云：『得字脫，張凌本有。』集解云：『按有得字是，今據補。臣主當作主臣，言進不得爲主之臣，退不得爲父之子也。』今按得字涉上文誤衍，臣主二字誤倒。此乃韓子反詰孔子之語，故云有道者進不爲主之臣，退不爲父之子邪？爲父爲君兩爲字均讀去聲。欲有迂評本作欲其，茲從乾道本、趙本、凌本。

「三」哉焉乾道本作焉哉，屬上連讀，茲從迂評本、趙本、凌本。拾補云：『焉哉二字舊倒，張本作焉哉。』識誤云：『藏本同，今本作哉焉誤。』集解云：『焉哉當作哉焉，哉字句絕，焉字屬下讀，盧顧說非。』今按集解說是，焉所謂猶言何所謂也。危主迂評本作危上，茲從乾道本、趙本、凌本。

「四」而舜放迂評本、藏本作放，茲從乾道本、趙本、凌本。而舜殺各舊本無舜字。集解云：『依上文殺上當有舜字。』纂聞補舜字，茲從之。妻帝二女謂舜以堯帝之二女娥皇女英爲妻也。

「五」詩見小雅北山篇。普小雅作溥，古字通。朱熹孟子集注云：『普，徧也，率循也。』濱詩經集傳云：『涯也。』翼毳云：『濱，上也，與下字對。濱之訓上，如謂海濱爲海上也。』纂聞云：『猶婢也。左傳：男爲人臣，女爲人妾。又定姜曰：余以巾櫛事先君，而暴妾使余。又蠶妾在桑上。妾字義可見也。費誓：臣妾逋逃，孔傳：男曰臣，女曰妾。』按妾其母，謂以婢妾視其母也。妻其主女，卽妻帝二女也。外矯於君外，對內言矯，如強哉矯之矯，謂外而不服於君也。施集解云：『陳也。』釋世猶言舍世也，遞世也。治者各舊本作治是。纂聞云：『者作是，』

寫者誤，茲據改。

〔六〕所爲即所謂也。雖衆各舊本作雖衆，屬上讀。識誤云：『王渭曰：雖當作離，四字爲一句。』按王渭說是，茲據改。敎出乾道本、趙本、凌本誤作數出，茲從迂評本。拾補云：『數、張本作敎。』識誤云：『藏本數作敎，按依上文是也。』

〔七〕事君養親四字，迂評本不重，茲從乾道本、趙本、凌本。人生必言論，乾道本作之人必以言論，迂評本、趙本、凌本無之人二字。識誤云：『藏本同，今本無之人二字，按此不當有。』集解云：『之人當作人生，屬下讀。上文人生必事君養親，此作人生必言論，忠信法術，人生誤作之人。趙本不思其誤，從而刪之，非也。以字依上文不當有。』按集解說是，茲據校改。言論忠信法術六字，迂評本不重，茲從乾道本、趙本、凌本。按法術二字疑衍。惑術謂惑世之術也。按此以恍惚之言，恬淡之學爲惑術，則是非道家矣。翼龜云：『老子云：恬淡爲上，又云：道之爲物，唯恍唯惚。』

〔八〕顧之猶言慕之也。纂聞云：『荀子：後王者，天下之君也，舍後王而道上古，譬之是猶舍己之君而事人之君也。』是字，乾道本脫，茲從迂評本、趙本、凌本。識誤云：『今本誹上有是字，按依上文當有。』謂之二字，趙本、凌本作其，乾道本作謂，茲從迂評本。識誤云：『藏本有之字是，今本謂作其誤。』賢之乾道本作此賢之，茲從迂評本、藏本、趙本、凌本。點勘云：『此皆之坏字。』集釋云：『此猶則也。』按上文天下賢之，亦無

此字，此蓋衍也。

古者黔首懷密蠢愚，故可以虛名取也。今民僂訥智慧，欲自用，不聽上。上必且勸之以賞，然後可進；又且畏之以罰，然後不敢退。〔一〕而世皆曰：『許由讓天下，賞不足以勸；盜跖犯刑赴難，罰不足以禁。』臣曰：未有天下，而無以天下爲者，許由是也。已有天下，而無以天下爲者，堯舜是也。毀廉求財，犯刑趨利，忘身之死者，盜跖是也。此二者，殆物也；治國用民之道也，不以此二者爲量。〔二〕治也者，治常者也；道也者，道常者也。殆物，妙言治之害也。天下太上之士，不可以賞勸也；天下太下之士，不可以刑禁也。無爲太上士不設賞，爲太下士不設刑，則治國用民之道失矣。〔三〕

校釋 〔一〕黔首纂聞云：『史記：始皇二十六年，更名民曰黔首。』懷密，宋本注云：『懷，忘情貌。』扎遼

云：『爾雅釋詁：密，靜也。懷密，謂忘情而靜謐也。』莊子：『大宗師：懷乎忘其言也。』虛名纂聞云：『謂以仁義之說收取民心，所謂道虛惠以悅民也。』僂，訓翼，翬云：『僂，辯急也，訓明悟也。』纂聞云：『荀子：鄉曲之僂子，注：方言：僂，急也，又慧也，輕薄巧慧之子也。』淮南王傳：『爲中調長安，徐注：調，伺候采察之名也。』

〔二〕罰字，乾道本、迂評本脫，茲從趙本、凌本。職誤云：『今本不上有罰字，按依上文當有。』無以天下爲纂聞云：『謂其不欲也。』二者，趙本、凌本、迂評本作三者，茲從乾道本。拾補云：『三，藏本作二，蓋唯指許由盜跖言。』集解云：『二，趙本譌作三，下仍作二，不誤。』今按乾道本、趙本、凌本於下句均作二者，唯迂評本

作三者耳。殆物讀云：『危事也。』翼龜云：『殆，甚也，猶言尤物，謂不常有也。』量，度量也，標準也。

〔三〕太上各舊本誤作太平。識誤云：『平當作上，見下文。』纂聞翼龜說同，茲據改。按太上之士，謂許由也。太下各舊本誤作太平。識誤云：『平當作下，見下文。』纂聞翼龜說同，茲據改。按太下之士，謂盜跖也。以刑乾道本，迂評本、趙本、凌本作以爲刑。拾補云：『以下爲字，張本無。』識誤云：『爲字當衍。』集解據刪，茲從之。

故世人多不言國法，而言從橫。諸言從者曰：『從成必霸。』而言橫者曰：『橫成必王。』山東從橫，未嘗一日而止也，然而功名不成，霸王不立者，虛言非所以成治也。〔二〕王者獨行謂之從，以三王不待離合，而五霸不待從橫，察治內以裁外而已。〔三〕

校釋 〔一〕故猶夫也，解見集釋。世人迂評本作世臣，茲從乾道本。從橫，五蠹篇云：『從者，合衆弱以攻一強也，而衡者，事一強以攻衆弱也，皆非所以持國也。』按橫與衡通，從謂六國合而抗秦，橫謂六國事秦以相攻也。以今語釋之，則從橫爲戰國時之兩大外交政策也。諸字各舊本作諸侯。識誤云：『侯字當衍。』纂聞云：『侯字衍，諸字屬下句讀。』按無侯字是，茲據刪。山東指六國而言。

〔二〕三王三代之王，謂夏禹、商湯、周文武也。離合，識誤云：『句絕。』按離合，謂國際之從橫捭闔也。而字，迂評本、趙本、凌本作而正，屬上讀，乾道本作而止。察字，迂評本、趙本、凌本作而察，屬上讀，茲從乾道本。識誤

云「橫字句絕，止字常衍，卽王之形近而複誤耳。蔡治內以裁外而已矣九字爲一句。」按識誤說是，茲據校改。蔡明也，言明於治內政以制外敵而已矣。

飭令

釋題 本篇原爲第二十卷、第五十三篇。飭字、商君書作斬，迂評本作飭，茲從乾道本、趙本、凌本、拾補云：『飾、張本作飭，古通用。』集解云：『秦本商子作飭，與此同。』按作飭是，飭令者，謂督飭號令使之必行也。篇首有此二字，故以名篇。

提要 本篇主旨，在撮述商鞅之思想。全篇可分爲四節：首節言飭令而不宿治；次節言以刑治，以賞戰；三節言效功取爵，使無伏怨；末節言重刑少賞，則民死上。

考證 本篇文字，除自宜其能至故莫爭數句，與本書用人篇重出外，其餘全同於商君書斬令篇，惟無斬令篇所論六蝨與仁義之語耳。從來校商君書者，多以斬令乃襲之本篇，而校韓非子者，又多以本篇乃襲之商君書。斬令之不出於商君，已有定論；而本篇是否出於韓非，則尙有可疑也。迂評注云：『通篇綜核之語，極誕極怪，別是一局面，戰國僞書多類此。』翼彘云：『此篇與商子斬令篇文略同，疑後人附益。』考證云：『本篇或係法家者流之餘論，其較完全者，掇入商君書，其較刪節者，掇入韓非子，既非商君所爲，又非韓非所著也。』按考證之說近是，而猶有未盡。本篇思想與商君近，而文字又有與斬令篇以外之商君書相同者，此蓋後人讀商君書之筆記，編校者既以入韓非子，又以入商君書，斬令與本篇不同之文，則又

後人分取各書以繼其間，冀掩其跡耳。

飭令則治不遲，法平則吏無姦。法已定矣，不以善言害法。任功則民少言，任善則民多言。〔一〕行法由斷，以五里斷者王，以九里斷者強，宿治者削。〔二〕

校釋 〔一〕法字，各舊本作治，纂聞據商君書改，茲從之。遲字，商君書作留，二字同義，謂整飭命令，則政治推行，乃不遲延也。善言，謂道德之言也。害字，各舊本作售，集解云：『售當作害，形近而誤。商子作害，是其證。』按作害是，茲據改。任善，謂論道德上之所謂善也。商君書說民篇云：『用善，則民親其親；任姦，則民親其制。合而復之者，善也；別而規之者，姦也。章善則遇臣，任姦則罪誅。』

〔二〕由字，各舊本作曲，譌誤云：『曲當作由。』平議云：『曲，疑由字之誤。』按作由是，茲據改。斷，謂斷定功罪也。商君書說民篇云：『國治，斷家王，斷官彊，斷君弱。有姦必告之，則事斷於家。治國貴下斷，故以十里斷者弱，以五里斷者彊。家斷則有餘，故曰日治者王。官斷則不足，故曰夜治者彊。君斷則亂，故曰宿治者削。』按以五里斷，謂令民爲什伍，以自斷其罪也。以九里斷，謂由官斷也。宿治，謂遲延不斷也。

以刑治，以賞戰，厚祿以用術，國無姦民，則都無姦市。物多末衆，農弛姦勝，則國必削。〔一〕民有餘食，使以粟出爵，爵必以其力，則農不息。三寸之管無當，不可滿也。授官爵，出利祿，不以功，是無當也。〔二〕國以功授官與爵，此謂以成智謀，以成勇戰，其國無敵。國以功授官與爵，則治者省，言者塞。

此謂以治去治，以言去言。〔三〕以功授官與爵，故國多力，而天下莫之能侵也。兵出必取，取必能有之；按兵不動，必富。〔四〕

校釋 〔一〕用術，乾道本作周術，茲從迂評本。趙本、凌本。識誤云：『藏本今本周作用，按句有誤。』集解

云：『周術，商子作自伐。』今按用術，周術與自伐，俱不可解，待考。國無姦民，乾道本作行都之過，茲從迂評本。趙本、凌本。集解云：『商子正作國無姦民。』姦市，猶言姦商也。五靈篇云：『姦財貨賈，得用於市，則商人不少矣。』末，乾道本誤作者衆，茲從迂評本。趙本、凌本。識誤云：『今本者作末，按依商子是也。』翼毳云：『物謂珍玩淫巧之物也，末，謂商賈也。』弛，迂評本作弛，茲從乾道本。趙本、凌本。按弛弛同字，謂廢怠也。

〔二〕出爵，增讀云：『出，猶言買，如握粟出卜之出，言使富民隨其資力，出粟買爵也。』鼂錯所云：入粟縣官，得以拜爵，得以除罪，如此富民有爵，農民有錢，粟有所滯，蓋本於此。』必，上爵字，各舊本無。集解云：『爵字當重，商子作官爵，亦重，是其證。』按重爵字是，茲據增。農不各舊本作震不。識誤云：『震當作農，見商子。』按震爲農字形近而誤，茲據改。毋，當迂評本作無當，茲從乾道本。趙本、凌本。集解云：『意林、商子、毋作無。』按無、毋古字通。纂聞云：『說林訓：三寸之管而無當，天下弗能滿也，注當猶底也。』

〔三〕成勇，識誤云：『成，讀爲盛，威當作成，亦讀爲盛。商子靳令篇作盛，去強篇作成。』按威字誤，茲據改。成、盛古字通，成智謂極智也，盛勇謂極勇也，治者省言者塞六字，迂評本無，乾道本、趙本、凌本作治見者省。

言有塞，而於治字絕句。識誤云：「見字當衍，有當作者，商子作治省，寡。」按識誤說是，茲據刪改。塞，謂無言也，如言「語塞」。斟補云：「塞字當從斬令篇作寡，與省對文。」去治，迂評本去作出，茲從乾道本。趙本凌本，商君書治作法誤。以治去治，即謂治省也。

〔四〕以功授官與爵各舊本作以功與爵者也，商君書無。纂聞云：「與上宜有授官二字。」按依上文當有，茲據增者也。二字於文義不通，疑衍文，茲刪之。當字，各舊本誤作富。識誤云：「當當作富，見商子。」按作富是，茲據改。

朝廷之事，小者不毀。效功取官爵，雖有辯言，不得以相干也。是謂以數治。以力攻者，出一取十；以言攻者，出十喪百。國好力，此謂以難攻；國好言，此謂以易攻。〔一〕宜其能勝其官，輕其任，而莫懷餘力於心，莫負兼官之責於君，內無伏怨，使事不相干，故莫訟；使士不兼官，故技長；使人不同功，故莫爭。〔二〕

校釋 〔一〕事小者不毀五字，商君書作「吏少者不毀也，多者不損也」。按商君書近是，謂朝廷之吏，其功少者不毀之，其功多者亦不損之也。斟補云：「按事字當依斬令篇作吏，小者不毀下亦當據彼文補多者不損四字。」效功猶言獻功也。雖字上，各舊本有廷字。嚴萬里校正商君書云：「秦本、范本雖上有廷字，疑當作朝廷，今依元本刪去。」按無廷字是，茲據刪。辯言，各舊本作辟言，商君書作辯言。按當作辯，辯辟形

近而誤，謂無功即不得以言之辯而求官爵也。干求也。今依商君書改辟爲辯。數治，謂以法術爲治也。自節案兵以下至數治三十五字，迂評本脫，茲從乾道本、趙本、凌本。

〔二〕自『宜其能』至『故莫爭』一節，與用人篇重出，惟此脫宜字，官作害，莫懷作道壞，兼官作乘宮，事作明者。識誤云：『王渭曰：此以下皆當依本書用人篇改正。』纂聞已依用人篇改正，茲從之。翼彘云：『其能以下五十三字，用人篇文，錯亂出於此。』莫爭下，各舊本有言此謂易攻五字。識誤云：『此五字涉上文而衍，』茲據刪。

重刑少賞，上愛民，民死；上多賞輕刑，上不愛民，民不死。上〔一〕利出一空者，其國無敵；利出二空者，其兵半用；利出十空者，民不守。〔二〕重刑明民，大制使人，則上利。行刑重其輕者，輕者不至，重者不來，此謂以刑去刑。罪重而刑輕，刑輕則事生，此謂以刑致刑，其國必削。〔三〕

校釋

〔一〕上愛民，集解云：『卽下以刑去刑義。』翼彘云：『峻法不使陷於刑，是愛民也。』兩死上字，各舊本作死賞，商君書斬令篇亦作死賞。平議云：死賞當作死上，聲之誤也。去彘篇曰：『重刑輕賞，則上愛民，民死上；重賞輕刑，則上不愛民，民不死上，可證此文之誤。』纂聞云：『死上，謂爲上致死。元作死賞誤。蓋上或作尙，因訛作賞。』按作上是，茲據改。民不，乾道本脫不字，茲從迂評本、趙本、凌本。識誤云：『今本民下有不字，按此當有。』

〔二〕空迂評本。『音孔，隙也，利由一隙而出。』纂聞云：『管子：利出一孔者，其國無敵；出二孔者，其兵不誦；出三孔者，不可以舉兵；出四孔者，其國必亡。』注：『凡言利者，不必貨利，慶賞威利皆是。』按一空，猶言一途也。利必出於戰之一途，故其國無敵，所謂以賞戰也。

〔三〕大制集解云：『平日重刑，俾民知上憎，臨事又大爲禁制以使之。』至字，乾道本誤重，茲從迂評本、趙本、凌本而刑輕迂評本作而輕刑，茲從乾道本、趙本、凌本拾補云：『刑輕二字，張本倒，下同。』

制分

釋題 本篇原爲第二十卷、第五十五篇。名爲制分者，迂評注云：「制者、制刑賞也，分者、別白功罪分明也。」按此卽篇中制刑賞有分之約辭也。

提要 本篇主旨可分三節言，首節言刑賞須重而有分；次節言止姦之法，在告姦連坐；末節言治國必須任數而不任人，任法而不任慧。

考證 本篇思想與韓子全合，但文字又不甚類韓子，究否出於韓子，則不無可疑也。

夫凡國博君尊者，未嘗非法重而可以至乎令行禁止於下者也。〔一〕是以君人者，分爵制祿，則法必嚴以重之。〔二〕夫國治則民安，事亂則邦危。法重者得人情，禁輕者失事實。且夫死力者，民之所有者也，人情莫不出其死力以致其所欲，而好惡者，上之所制也。民者好利祿而惡刑罰，上掌好惡以御民力，事實不宜失矣。〔三〕然而禁輕事失者，刑賞失也。其治民不秉法爲善也，如是則是無法也。故治亂之理，宜務分刑賞爲急。〔四〕治國者莫不有法，然而有存有亡，亡者，其制刑賞不分也。治國者其刑賞莫不有分，有持異以爲分，不可謂分。至於察君之分，獨分也。〔五〕是以其民重法而畏禁，願毋抵罪而不敢胥賞。故曰不待刑賞而民從事矣。〔六〕

校釋 「一」夫字、識誤云：『當作大。』下字、各舊本作天下。識誤云：『天字當衍。』按無天字是，茲據刪。

「二」制祿、迂評本、藏本、趙本、凌本作祿制，讀爲分爵祿，制則法，茲從乾道本。翼雋疑則爲刑，纂聞訓則爲法，蓋皆不知制祿二字誤倒耳。以猶而也，嚴以重，謂嚴而重也。

「三」死力、謂盡力至死也。人情莫之人字、乾道本無，茲從迂評本、趙本、凌本。識誤云：『藏本同，今本情上有人字誤。』按依上文當有人字，識誤未可從。掌字、乾道本誤作賞，茲從迂評本、趙本、凌本。識誤云：『藏本今本掌作賞。』不宜集解云：『乃宜不倒文。』

「四」不秉法爲善也，猶言不依法而爲惠者。善與法爲不相容之名詞，補箋疑不下股以字，未可從。纂聞云：『勸令篇法已定矣，不以善言害法；任功則民少言，任善則民多言。善字義同。』

「五」有持異以四字、迂評本作有時以異，乾道本、趙本、凌本作有持以異。拾補云：『異以二字舊倒，今從張本。』纂聞改持爲特，未可從。讀記云：『持異二字，當爲持共二字之誤，謂人主持大臣左右共爲賞罰也。外儲說右上篇云：射者衆，故人主共矣；又右下篇云：賞罰共，則禁令不行；卽此共字之義。下云：至於察君之分獨分也，獨與共、文正相對，亦其證矣。三守篇云：愛人不獨利也，待譽而後利之；憎人不獨害也，待非而後害之，卽此所謂待共以爲分也。』按讀記脫近是，有猶或也。察君、讀云：『明察之君。』獨分、纂聞云：獨斷也。越大臣之議，背左右之頌，獨合乎道言，故毀譽得實，而刑賞必於民心也。』

「六」抵罪犯罪也。胥集解云：『胥與須古今字，須待也。』

是故夫至治之國，善以止姦爲務，是何也？其法通乎人情，關乎治理也。「二」然則微姦之法奈何？其務令之相規其情者也。「三」然則相關奈何？曰：「三」蓋里相坐而已。禁尙有連於己者，里不得相關，惟恐不得免。有姦心者，不令得志，闕者多也。「四」如此則慎己而闕彼，發奸之密，告過者，免罪受賞，失姦者，必誅連刑。如此則姦類發矣。姦不容細，私告任坐使然也。「五」

校釋 「一」何也？乾道本無也字，茲從迂評本、趙本、凌本。關纂聞云：『亦由也。』

「二」微姦之法四字，乾道本作去微姦之，迂評本、趙本、凌本作去微姦之道。識誤云：『藏本今本之下有道字，按非也，此當衍之字。』扎遙云：『此當云然則微姦之法奈何。此篇首以法重發端，以下至篇末法字凡十五見，此去亦卽法之壞字，校者不知其誤，因移箸微姦之上，遂不可通矣。微者，臆之借字，說文見部云：臆，司也。墨子迎敵祠篇云：謹微察之，亦以微爲臆，與此正同。微姦之法，謂司察姦人之法也。之，非衍字，藏本今本道字固後人臆增，顧校亦未允。』傅校云：『微、臆之借字，廣韻作臆，伺視也，與內儲六微之微同。』按扎遙說是，茲據校改。規，迂評注云：『卽下文闕意，謂相關伺也。』拾補云：『規，張本作闕。』識誤云：『規，讀爲闕，與下文互易，其情者也，句有誤。』集解云：『微姦之法，務令人彼此闕察其隱情也。其務令之相規其情者也，十字爲一句，顧氏句讀未明，故疑誤。』

〔三〕然字、各舊本無。集解云：『則上當有然字，此與上然則微姦之法奈何句法一律。』按有然字是，茲據增。蓋里纂聞翼毳均以蓋闔字通，訓蓋里爲合里，未可從。蓋爲辜較之辭，所以承上啓下者。古以二十五家爲里，里相坐三字連讀爲義。宋本注云：『同里有罪，罪必相坐。』以今語釋之，卽謂保甲連坐法也。

〔四〕尙字、纂聞以爲賞字之誤，未可從。按尙與黨通，儻也，詳見釋詞。禁尙有連於己，謂禁令儻連累及於本身也。里不得不下不字各舊本無，茲據纂聞、翼毳補。里各舊本作理。謝補云：『識誤云：理當作里，所校是也。』茲據改。誤於不知脫不字耳。免，免罪也。得志各舊本作得忘，茲依纂聞、翼毳改。謝補云：『忘係作訛，作古作亾，與亡相近，故亾訛爲亡，後人又易爲忘。不令得作，卽不令姦心得起也。』

〔五〕密隱密也。連刑連坐也。私告謂告密也。任坐，宋本注云：『任，保也。同里相保之人則坐之，故曰任坐。』

夫治法之至明者，任數不任人。是以有術之國，不用譽則毋過。〔一〕境內必治，任數也；亡國使兵公行乎其地而弗能圉禁者，任人而無數也。自攻者人也，攻人者數也。故有術之國，去言而任法。〔二〕凡畸功之循約者難知，過形之於言者難見也，是以刑賞惑乎貳。〔三〕所謂循約難知者，姦功也；臣過之難見者，失根也。循理不見虛功，度情詭乎姦根，則二者安得無兩失也。〔四〕是以虛士立名於內，而談者爲略於外。故愚怯勇慧相連，而以虛道屬俗而容乎世。故其法不用，而刑罰不加乎僂人，如此則刑賞安得不容其貳？〔五〕故實有所不至，而理失其量。量之失，非法使然也，法定而任

慧也。釋法而任慧，則受事者安得其務？務不與事相得，則法安得無失？而刑安得無煩？是以賞罰擾亂邦道，差誤刑賞之不分白也。〔六〕

校釋 〔一〕任數猶言任法也。用譽謂任用有聲譽者，猶言任賢任人也。則毋過三字，迂評本、趙本、凌本作而得人之情，乾道本作則毋適。拾補云：『適，張本作過。』集解云：『按張本作過是也。謂有術之國，不用

人之譽則毋過。過，卽下過形之於言者難見之過。過與適形相近，乾道本因誤爲適。趙本改則毋過三字爲得人之情誤。顧廣圻謂適敵同字，亦未見作過之本，從而爲之辭也。〔對補云：『適，當作謚，謚者過也。』

〔二〕兵謂敵兵也。圍寡聞云：『禦通。』人也數也，謂任人也，任數也。任人者必亂，猶之自攻也。任數者必治，猶之攻人也。

〔三〕畸功，解詁云：『功之不偶於法度曰畸功。』纂聞云：『畸，偶之反。言不合事，事不合功，有功之名，無功之實，故曰畸功。下曰姦功、虛功，變文耳，其實一也。』循約集解云：『謂與立功之約相依循。』按循約猶言隱約，謂有所掩飾也。難知，乾道本誤作雖知，茲從迂評本、趙本、凌本。識誤云：『藏本、今本雖作難。』集解云：『按作難是，下文所謂循約難知，卽承此而言。』形字，乾道本、趙本、凌本作刑，茲從迂評本。拾補云：『刑，舊刊改形，本通用。』按過形之於言，謂罪過見於言談，而未見於事實，故難見也。纂聞云：『徒聽談論，能陳情事，功辯麗辭，若可采用，過失之形，最難早見，是說客之所以聘詐誤事也。』貳，迂評注云：『疑貳。』按貳

謂不一，有功者受賞，而畸功者亦受賞，是貳也；有過者受刑，而過形於言者免罪，亦貳也。刑賞貳，則搖惑不定矣。

〔四〕失根。纂聞云：『下曰姦根，可見姦言邪說爲過失之根本也。若聽其言，必試以事，則其失根可去也。』翼龜云：『吳越春秋，公子光謂專諸曰：天以夫子輔孤之失根也。』循理。纂聞云：『姦臣行事，匿情營私，若循常理推之，徒見其有功，而乖實之迹，終不可得而見也，必過加賞。如陳需招楚兵，翟璜召韓兵，微令敵國攻其國者姦也，因往講解，却敵軍者功也。能去國患，似循常約，然論其實，則皆構謀要賞，豈容誅乎？』一度情。纂聞云：『辯士議事，巧言如流，若以常情度之，徒見其合理，而挾私之源，遂爲難得而察也，必被詭誑。如蘇代譏齊王，潘壽說禹情，其實爲子之游說，而外託乎正論也。』二者。纂聞云：『刑賞也，刑賞並疑貳，故曰兩失。』

〔五〕虛士。纂聞改爲處士，未可從。按虛士，謂有虛功之士也。談者謂說客也。略。纂聞云：『謀也，謂藉外交，以便私計也。』相連。纂聞云：『謂無別也。』虛道。屬俗謂以無實之言結於世俗也。翼龜云：『晉語，必屬怨焉，注屬結也。』僂人。罪人也。其貳。乾道本、趙本、凌本作其二，茲從迂評本。識誤云：『藏本二作貳，是也，上文刑賞惑乎貳。』迂評注云：『功罪不明，疑賞疑刑。』按貳二古字通。

〔六〕故實二字。乾道本、藏本作實故，茲從迂評本。趙本、凌本、不至各舊本無不字，茲依纂聞補。纂聞云：

『從非氏補不字，謂賞多虛功也。』量迂評注云：『稱量之法。』解詁云：『失量、失其正也。』法定二字、集
解云：『當作釋法。』按法定、謂法已定也，不必改任慧猶言任智。迂評注云：『作聰明。』不分白識誤云：『不
分當作分不。』集解云：『顧說非，白下脫黑字。用人篇、如此則白黑分矣。說疑篇、爲人主者誠明於臣之所
言，則別賢不肖於白黑矣，皆有黑字，是其證。』

愛臣

釋題 本篇原爲第一卷第四篇。篇首有愛臣二字，因取以名篇，其實本篇非專論愛臣之文也。

提要 本篇主旨在說明人君馭臣須盡之以法，質之以備。迂評注云：『人主不得惜權，人臣不得擅威，』此兩語亦可謂得其要領。全篇可分爲兩節：首節言君主之大害在諸侯之博大與羣臣之太富；次節言君主馭臣當如何盡之以法，質之以備。

考證 本篇爲一篇短篇上書，文中自稱臣可證。論其思想與韓子絕無不合。論其文字，則考證以爲第二節似漢初人語，是否出於韓非，疑未能定。其認爲出於韓非者，又有二說：梁啓超云：『愛臣篇，蓋非早年上韓王之書，多對於時事發言，此一說也。』（見要籍解題及其讀法）秦策載韓非譏姚賈爲梁之大盜，趙之逐臣，史記又載非之死，秦由於李斯姚賈害之，因此陳千鈞遂以篇首所謂愛臣太親，大臣太貴等語，乃指李斯姚賈而言。是以本篇爲非上秦王書，此又一說也。（見韓非子研究）然非以使節入秦，不久又下獄，其勢似未便上此書。如認此書出於韓非，則上韓王之說較爲可信矣。

愛臣太親，必危其身。大臣太貴，必易主位。主妾無等，必危嫡子。兄弟不服，必危社稷。（二）臣聞千乘之君無備，必有百乘之臣在其側，以徙其民而傾其國。萬乘之君無備，必有千乘之家在其側，

以徙其威而傾其國。是以姦臣蕃息，主道衰亡。〔一〕是故諸侯之博大，天子之害也；羣臣之太富，君主之敗也。將相之後主而降家，此君人者所外也。〔二〕萬物莫如身之至貴也，位之至尊也，主威之重也，主勢之隆也。此四美者，不求諸外，不請於人，議之而得之矣。〔四〕故曰：人主不能用其富，則終於外也。此君人者之所識也。〔五〕

校釋

〔一〕愛臣翼毳云：「左右嬖臣。」宋本注云：「威權上逼，故危其身。」大臣各舊本作人臣。讀記

云：「人臣當爲大臣之誤，與上文愛臣下文主妾兄弟各有所指；若泛言人臣，則與上下文不類矣。孤憤萬乘之患，大臣太重，千乘之患，左右太信；人主、人主之所以身危國亡者，大臣太貴，左右太威也，皆其證。」翼毳云：「人當作大。」按作大是，茲據改。貴位二字，迂評本作擅命，茲從乾道本。趙本、凌本、拾補云：「一作人臣太擅，必易主命，與韻不叶，非也。」主妾宋本注云：「主謂室主。」按古妾稱妻爲主母，禮以正室爲主婦，則主妾卽謂妻妾也。漢書袁盎傳云：「袁盎諫文帝曰：『今陛下既已立后，夫人適妾，妾主豈可同坐哉？』」此所謂妾主，卽指夫人與后，可證主爲妻之稱。八經篇云：「禮施異等，后姬不疑。」后姬與主妾同義。翼毳釋主爲尊，纂聞釋主爲君，俱未可從。兄弟宋本注云：「君之兄弟，不相從服。」斟補云：「按兄弟不服，與主妾無等對文，服卽反字，舊注非。」

〔二〕徙其民讀云：「使民歸於己也。」識誤云：「民當作威。」斟補云：「按徙其民猶云移其民，卽左傳

昭三年所謂民歸如流水也。識誤謂民當作威，非是。『國家翼△』云：『凡臣聞云者，皆稱古人之語也。』孟子萬乘之國，弑其君者，必千乘之家；千乘之國，弑其君者，必百乘之家，與是語同。君曰國，大夫曰家。『蕃△息解』云：『繁生也。』

〔三〕後主而隆家，乾道本、趙本、凌本作管主而隆國家，茲從迂評本。纂聞云：『後主忘君也。』孟子未有義而後其君者也。隆家，私家隆盛也，八經篇家隆劫殺之亂起。『按後主謂不急國事也，隆家謂擅權營私也。』荀子致士篇云：『君者國之隆也，父者家之隆也。隆一而治，二而亂。自古及今，未有一隆爭重而能長久者。』隆家之降，與彼同義。扎遂以後主當作營主，隆家釋爲構諸大家使爭鬭，未可從外。宋本注云：『君當疎外斥遠之。』

〔四〕位之至隆也，十四字，乾道本脫，茲從迂評本。趙本、凌本識誤云：『貴也。』下衍十四字。『集解云：『按四美即指此身位、威、勢而言，少三句，則下四美無著。』』重也之也字，各舊本無，茲依纂聞解。詁補議集解云：『當作義，義者事之宜也，人君合其宜，則得之矣。』纂聞云：『君自思議行之，乃得四美。』按纂聞所釋可通，不必改字。

〔五〕終於外，宋本注云：『既不能富，臣則竊之。』集解云：『富之言備也，四美不備，則國非其有矣。』翼△云：『終於外，言如魯昭公謀逐季氏不能，而奔齊如晉，在乾侯數年而薨。』識字王道焜本誤作職，茲從

乾道本、迂評本、趙本、凌本。按識讀爲誌，謂宜記而勿忘也。

昔者紂之亡，周之卑，皆從諸侯之博大也。晉之分也，齊之奪也，皆以羣臣之太富也。^{〔一〕}夫燕宋之所以弑其君者，皆此類也。故上比之殷周，中比之齊晉，下比之燕宋，莫不從此術也。^{〔二〕}是故明君之蓄其臣也，盡之以法，質之以備。故不赦死，不宥刑。赦死宥刑，是謂威淫，社稷將危，國家偏威。^{〔三〕}是故大臣之祿雖大，不得藉城市，黨與雖衆，不得臣士卒。^{〔四〕}故人臣處國無私朝，居軍無私交，其府庫不得私貸於家。此明君之所以禁其邪。^{〔五〕}是故不得四從，不載奇兵。非傳非遽，載奇兵革，罪死不赦。此明君之所以備不虞者也。^{〔六〕}

校釋 「一」從翼壽云：『由也當殷之時，西伯三分天下有其二，春秋之時，諸侯地方過周制，周室遂卑。』

宋本注云：『殷諸侯文王，周諸侯秦襄王。』集釋云：『從猶以也。王先慎曰：從當作以。按從之爲因，亦卽爲以。王君改從爲以，失之。』今按從字訓由或以俱可通，不必改字。分謂韓趙魏三卿分晉也。奪謂陳恆弑簡公而奪其國也。

「二」燕宋集解云：『子罕劫宋，子之奪燕。』纂聞云：『燕公孫操弑惠王，宋皇喜劫宋君，皆太富之類也。』此字各舊本作以。扎遼云：『以類當作此類。』纂聞云：『此多作以，今從一本。』按作此是，茲據改。比之齊晉下五字，各舊本無。纂聞云：『從山氏補比之齊晉下五字，』按依上文應有此五字，茲據補。從此術謂由

諸侯之博大與羣臣之太富也。

〔三〕蓄纂聞云：「畜同養也。」盡宋本注云：「臣雖有貴賤，同以法也。」按墨子經上云：「盡莫不然也。」盡之以法，謂一律以法相繩也。質集解云：「廣雅釋詁：質，正也。備者，未至而設之，所以逆杜其邪心也。舊注誤。」威淫宋本注云：「淫，散也。」偏威宋本注云：「君威散，臣威成，故曰偏威。」

〔四〕藉字，各舊本作藉威。宋本注云：「市衆所聚，恐其乘衆而生心也。」平議云：「威字，衍文。藉當讀爲籍。詩韓奕篇：實畝實籍。唐石經作實畝實籍，是其類矣。漢武帝紀：籍吏民馬。師古注：籍者，總入籍錄而取之。卽此藉字之義。管子輕重甲篇：桓公欲藉於室屋，欲藉於萬民，欲藉於六畜，欲藉於樹木，與此正同。言大臣之祿雖大，而城市之地不得藉而取之也。下云黨與雖衆，不得臣士卒。臣士卒與藉城市，相對成文。今涉上文是謂威淫及國家偏威，而誤衍威字。舊注不解威字，是舊本猶未衍也。」按威字不當有，茲據刪。藉猶言征也，謂登記其地而征稅也。黨與翼龜云：「屬官也，臣謂私之也。」按不得臣士卒，謂不得私有軍隊也。

〔五〕私朝迂評注云：「私家之朝也。」按人臣朝見，不於王廷，而於私家，是謂私朝。人臣處國無私朝，所以防威勢移於私門也。私交謂私與外國親交也。居軍無私交，所以防軍人借外援以自重也。私貸迂評本誤作私貨，茲從乾道本。趙本凌本宋本注云：「不欲令其樹福也。」

〔六〕四從迂評注云：「四與駟通，謂駟乘也。」左文十一年傳注：駟乘，四人共乘。從，謂從車，皆論貴臣隨

從車乘之事。下云不載奇兵，卽蒙上四從而言。史記商君傳、趙良曰：五殺大夫之相秦也，行於國中，不從車乘，不操干戈。又曰：君之出也，後車十數，從車載甲，多力而駢脅者爲騶乘。（參乘爲騶乘，四乘爲駟乘，二者略同。商君正以從車載兵甲，故爲趙良所責，可證此文之義。）按不得四從，蓋謂從車不得有四也。奇兵，集解云：『淮南墜形訓高注：奇、隻也。奇兵，佩刀劍之屬，與上四從對文，不載，謂不載以從戰。國策：羣臣侍殿下者，不得持尺寸之兵，卽此義也。惟傳遽以備非常，乃得載兵甲，故又申言之。秦御民至嚴峻，此法制已然者，非之言此，特以中其意。』按奇兵訓爲隻兵，卽謂不得攜帶任何武器也。傳遽，纂聞云：『國語注：傳，驛也，遽，傳車也。』革字，纂聞云：『山曰：宜作者。』

第十卷

初見秦

釋題 本篇原爲第一卷第一篇。本篇不知爲誰何上秦昭王書，前人誤入本書，以爲卽韓非使秦初上始皇書，而題曰『初見秦』。考證詳後。

提要 本篇主旨在向秦王陳說破從成霸之策。全篇可分爲五節：首節言願盡忠悉言所聞，次節言六國合從足以取亡，秦民奮死足以成霸，然以謀臣不忠，尙未成霸，三節歷舉秦失霸之事，以證謀臣之不忠，四節言長平之役，趙當亡而不亡，秦當霸而不霸，亦由謀臣之拙，致促成合從，足爲秦患，末節言秦之形勢，仍可兼并天下，望能進說破從成霸之道。

考證 本篇又見於秦策，而冠有『張儀說秦王曰』六字。鮑注云：『此上元有張儀字，而所說皆儀死後事，故刪去。』按張儀死於秦武王元年，而篇中所言各事多在秦昭王時，已經近人詳細考定，見容肇祖韓非子考證，陳祖釐韓非別傳，劉汝霖周秦諸子考及高亨韓非子初見秦篇作於韓非考，則本篇之非出於張儀，無庸再論。但本篇究否出於韓非，則爲說不一。吳注云：『張儀誤，當作韓非。王應麟云：姚氏謂韓非』

子第一篇，呂成公麗澤集文取此，鮑失考。『誠誤沿襲其說，近人亦有主出自韓非者，如高亨、陳祖康等是也。』至疑本篇出於韓非者，蓋自宋程氏始。王應麟《漢書藝文志考證》云：『沙隨程氏曰：非書有存韓篇，故李斯言非終爲韓不爲秦也。後人誤以范雎書廁於其間，乃有舉韓之論。通鑑謂非欲覆宗國，則非也。』近人如胡適、梁啟超等，多隨而疑之。翼叟且將本篇改編於附錄。疑非出於非者所持之理由，大約如下：（一）非爲韓人，且爲韓使秦，不應有『亡韓』及『韓亡』等語，如程氏說；（二）本篇言亡韓，而下篇言存韓，互相衝突，存韓既真，則此篇爲僞，如胡適說；（三）篇首言『成從以與秦爲難』，明爲蘇秦合從時形勢，而爲張儀說秦惠王之詞，如梁啟超說；（見要籍解題及其讀法）（四）篇中有『親齊燕』語，乃從人爲齊燕說秦，如日人太田方說；（見翼叟）（五）存韓篇言韓未可舉，而本篇言亡韓甚易，存韓篇言兵不可不審用，而本篇言兼天下甚易，彼此矛盾，存韓爲真，則本篇即非出韓非，如容肇祖說；（見考證）其主出於非者所持之理由，則爲：（一）『非說以先舉趙而後亡韓，乃所以緩韓之急，其亡韓，即所以存韓也』，如陳祖康說；（見光華大學半月刊二卷四期韓非別傳）（二）『韓而言亡者，以見其不黨於宗國也，入說之道，似有不得不然者矣』，如日人蒲阪圓說；（見纂聞）（三）『本篇列舉秦破趙、破魏、破楚及五國入齊事，而未明言破韓，是非爲祖國諱。且非急於用世，果得志於秦，必不難於滅韓』，如高亨說；（見古史辨第四冊韓非子初見秦篇作於韓非考）予初編中國法家概論，亦主本篇出於非，但今細考之，始知其未當。按篇

中所言秦事，皆在昭王時，又七稱『大王』，亦當指昭王而言。韓非以始皇十四年入秦，無由向昭王稱大王。由此可斷本篇決非出於非手，與謂出於儀手者，同一時代錯誤也。沙隨程氏以爲出於范雎，似乎近之。然篇中所言長平之役，不免暗譏范雎，故容肇祖以爲本篇亦非范雎書，而推證爲蔡澤所作。以文與時考之，出於蔡澤之說，較爲可信，詳見考證。蔡澤書之所以在本書中者，蓋以本篇與存韓篇俱爲秦室存卷，編者未加審擇，遂一併誤入耳。又錢穆亦謂非出非手，詳考辨。

臣聞『不知而言，不智；知而不言，不忠。』爲人臣不忠，當死；言而不當，亦當死。『雖然，臣願悉言所聞，唯大王裁其罪。』

校釋

〔一〕臣聞國字解云：『凡以臣聞，或吾聞等辭起者，其下多爲稱引古語。』兩言字集解云：『秦策言下並有爲字。』不當拾補云：『言而不當，策作言不審。』按當讀去聲，合也。三而字猶如也，若也。釋詞云：『若與如古同聲，故而訓爲如，又訓爲若。』

〔二〕悉秦策注云：『詳盡也。』大王稱秦昭王，下同。裁集解云：『爾雅，裁，度也。罪，卽指上言而不當亦當死而言。』國策高誘注，訓裁爲制，失其義。按裁其罪，謂裁判其言，是否不忠不當也。

臣聞天下陰燕、陽魏、連荆、固齊，收韓而成從，將西面以與秦強爲難，臣竊笑之。『世有三亡，而天下得之，其此之謂乎！』臣聞之曰：『以亂攻治者亡，以邪攻正者亡，以逆攻順者亡。』『今天

卜之府庫不盈，困倉空虛，悉其士民，張軍數十百萬。其頓首戴羽爲將軍，斷死於前，不至千人，皆以言死。〔三〕白刃在前，斧質在後，而却走不能死也，非其士民不能死也，上不能故也。言賞則不與，言罰則不行，賞罰不信，故士民不死也。今秦出號令而行賞罰，有功無功相事也。〔四〕出其父母懷衽之中，生未嘗見寇，耳聞戰，頓足徒裼，犯白刃，蹈鐵炭，斷死於前者，皆是也。〔五〕夫斷死與斷生也不同，而民爲之者，是貴奮死也。夫一人奮死可以對十，十可以對百，百可以對千，千可以對萬，萬可以剋天下矣。〔六〕今秦地折長補短，方數千里，名師數十百萬。秦之號令賞罰，地形利害，天下莫若也。此與天下，天下不足兼而有也。是故秦戰未嘗不剋，攻未嘗不取，所當未嘗不破，開地數千里，此其功也。〔七〕然而兵甲頓，士民病，蓄積索，田疇荒，困倉虛，四鄰諸侯不服，霸王之名不成，此無異於其謀臣皆不盡其忠也。〔八〕

校釋 〔一〕陰陽，宋本注云：『燕北，故曰陰；魏南，故曰陽。』讀云：按蘇秦傳，趙爲從長，故此不言趙。北燕南魏，專據趙立言。按陰燕、陽魏，謂趙北聯燕、南聯魏也。連荆固齊，秦策注云：『荆、楚也，始皇諱其父名，故稱曰荆，知此書始皇時人作。』按本篇爲昭王時人作，稱楚爲荆者，蓋後人所改耳。又云：『時山東諸國，齊楚爲大，故從人連結之，恃以爲固。』按固爲動詞，謂固結之也。戰國末年，齊秦互爭雄長，連六國以抗秦，本爲齊所樂從者，故曰固；固，猶言堅其心也。收韓、秦策作收餘韓，注云：『韓時弱，多喪地，今存者，其餘也。』從

讀爲縱，對橫言，謂六國聯合抗秦也。國策高注云：『連關西曰橫，合山東曰縱。』鮑注云：『赧五十九年，與諸侯從，此（昭王）五十一年。』西面猶言西向，秦在六國之西，故云。秦強二字，迂評本作強秦，茲從乾道本。趙本、凌本、拾補云：『策無強字，此倒，當作強秦。』集解云：『盧說非，強音其兩切。』

〔二〕三亡隨筆云：『三亡，卽下所云以亂攻治者亡，以逆攻順者亡，以邪攻正者亡，三端也。天下二字，承上臣聞天下來，謂天下之攻秦者，犯此三亡也。』以逆攻順者亡六字，乾道本、趙本、凌本無，茲從迂評本。集解云：『乾道本無以逆攻順者亡句，張榜本有，與策合，是也。上言三亡，此不當少一句。御覽三百十八引有此六字，是宋人所見本不脫，今據補。』國策補注云：『韓子作二亡，無以逆攻順者亡句。』

〔三〕困倉困音區，匱切。纂聞云：『國策高注，圖曰困，方曰倉。吳注：府庫藏貨財，對困倉藏穀粟言。』悉纂聞云：『悉起其兵。』張兵猶言出兵也。數十集解云：策作數千。姚本云：曾作張軍聲，按有聲字者是也，此奪十字，當從策作千。盧張其軍，號稱數千百萬耳。下云秦師數十百萬，則天下之士民應不止此，况自張其軍者乎？十字涉下而誤。』按張字不當作盧張，或自張解，十字不誤，策未可從。其頓首至言死二十字，迂評本、國策無，茲從乾道本。趙本、凌本、拾補云：『頓，國策補注引作頤，說文：頤，直項也。頓字無理。』扎遶云：『頓首，疑作頓足，下文頓足徒楊，斷死於前者，皆是也，正與此文相應，是其證。』集解云：『當依策注作頤首，猶言抗首也。頓足亦通，然與戴羽文義不貫。』新釋云：『周禮：頓首，注：拜頭叩地也；因借以爲俯服聽令之詞，若

後漢西域傳所謂降首然。』翼韞云：『頓首置章於首也。莊子、曼胡之纓，疏謂屯頭抹額也。屯頓音通。或曰頓首、頓項，謂兜鍪也。』國字解云：『依田利用謂首字爲盾之誤，頓、堅也。』今按今本國策補注引此仍作頓首，不知拾補所據爲何本。改爲頓首，或頓足，或釋爲降首，均與下文文義不甚協，似不如以兜鍪釋之。兜鍪，首鎧，戰時冠之，以禦兵刃者。戴羽集解云：『文選羽獵賦：賁育之倫，蒙盾負羽。後漢賈復傳：被羽先登，謂繫鳥羽爲標識也。戴與負，被其義一耳。』斷決也，斷死於前，謂決死於敵前也。補箋云：『斷猶必也。趨難而誓必死，謂之斷死；臨難而求必生，謂之斷生。荀子富國篇：故爲之出死斷亡以覆救之。王霸篇：百姓貴之如帝，親之如父母，爲之出死斷亡而不愉。斷亡與斷死同意，蓋皆古之成語也。』不至千人，集解云：『千當作干，形近致誤。干，犯也。不至千人，皆以言死，謂未至犯敵人時，皆言必死。』纂聞云：『至當作止，不止千人，謂不寡也。』補箋云：『至，止也。說文：至，鳥飛從高下至地也。從一，一猶地也。象形，不上去，而至下來也。鳥至地則止，是至有止誼，一證也。說文：室、屋、臺皆從至，以其爲人所止矣，是至有止誼，二證也。荀子禮論：社止於諸侯，史記禮書作社，至於諸侯，是至有止誼，三證也。詩泂水、魯侯戾止，傳：止，至也。止訓至，則至亦可訓止，是至有止誼，四證也。張軍數十百萬，則爲將軍者必逾千人，故曰不止千人也。王先謙說失之。』

〔四〕斧鑕，國策作斧質，鑕質字同。鑕，鋸也，古刑置人鋸上，以斧砍之。戰時前進，則有敵人之白刃在焉；後退，則有督戰之斧鑕在焉，故曰白刃在前，斧鑕在後也。却走……也，集解云：『也與者同義，說見王氏經傳釋

詞策無也字及下非字，有罪字，是合也，非二字而誤，當依此訂正。『不能故』集解云：『策作不能殺。按殺乃故字形近而誤。士民之不死，其故由上之不能，賞罰無信，正不能之實也。若作殺，則文氣不屬。』相事平議云：『事者，治也。高注呂氏春秋、淮南內篇屢見。詩卷耳篇毛傳曰：采采，事采之也。正義引鄭志答張逸云：事謂事事一一用意之事。蓋事訓治，故一一用意謂之事也。此言有功無功相事，正一一用意之義，謂分別其有功無功，不混淆也。秦策作不攻耳，無相攻事也，與上下文義不屬，蓋後人不達事字之義而臆改。其功與攻，則古字通用。』新釋云：『相，視也，言賞罰視功之有無。』補箋云：『爾雅釋詁：相，視也。此言有功無功，視事論定，無所阿私也。俞樾說失之。』按訓相爲視，卽讀相爲去聲。此較讀相爲平聲，而訓事爲治如平議，或訓事爲任如翼毳，或訓事爲役如纂聞者，實爲簡明而易解也。

〔五〕枉纂聞云：『策作枉，同，注衣衿也。』按懷枉，猶言懷抱也。耳拾補云：『當句，策作也。』按耳，猶矣也。迂評本、趙本、凌本俱以耳字屬下讀，茲不從。戰字，迂評本作戰鬪，茲從乾道本。趙本、凌本。頓足徒楊，國策吳注云：頓，踴也。徒，謂空露袒楊，露臂也。『集解云：』楊，趙本及策作楊，誤。爾雅訓釋：袒楊，肉袒也。郭注：脫衣而見體。史記張儀傳：秦人捐甲徒楊以趨敵，索隱：楊，袒也，謂袒而見肉也。『爐炭』國策作煨炭。翼毳云：『左傳：盈其隤炭，陳以待命。墨子說守禦事云：五步一竈，門有爐炭。說苑：齊兵至莒城下，莒人以炭置地，隰侯重仗盾伏炭，華丹杞梁乘而入。』新釋云：『蹈爐炭，言犯火攻。』皆字，策作比。釋詞云：『比，亦皆也。』

〔六〕生也。乾道本、趙本、凌本作生者，茲從迂評本。拾補亦作也。云：『今從藏本、張本、策同。』奮死，集解云：『無死字，高注：奮，勇也。』按奮死，猶言敢死也。四對字，國策鮑本作合，姚本作勝。補注云：『四合字，一本皆作勝。韓作對當也，義長。』

〔七〕名師，謂師旅有威名也。策注云：『名，言有勇決之稱。』與，策注云：『言與之爭。』按與天下，謂舉天下也。傳校云：『與，敵也，史記淮陰侯傳及漢書韓信傳，信爲人易與耳，與字應作敵字解。』斟補云：『與當作舉。』集釋云：『與，舉，古字通用，故與訓舉。周禮師氏注云：故書與作舉，是其證。』或曰：與，猶比也。天下，指六國言。以秦比六國，則兼併六國甚易也。此說亦通。所當，策注云：『當，相值也。』甚字，乾道本、趙本、凌本作其，茲從迂評本。集解云：『策，其作甚，是也。先言秦之功極大，爲下霸王之名不成作反勢；若作其，則文氣平實，其當爲甚之殘字。』

〔八〕頓，策注云：『此頓言其勞弊。』翼龜云：『頓，壞也，言不利也。』索策注云：『盡也。』田疇，禮月令可以舊田疇，疏云：『穀田曰田，麻田曰疇。』齊語注云：『麻地曰疇。』異故集解云：『猶它故。』其拾補云：『謀上其字可省，策無。』集解云：『不省亦可，盧說非。』

臣敢言之：往者，齊南破荆，東破宋，西服秦，中使韓魏，土地廣而兵強，戰剋攻取，詔令天下。〔一〕齊之清濟、濁河，足以爲限；長城、巨防，足以爲塞。〔二〕齊，五戰之國也，一戰不剋而無齊。由此觀之，夫

戰者，萬乘之存亡也。〔三〕且臣聞之曰：『削迹無遺根，無與禍鄰，禍乃不存。』〔四〕秦與荆人戰，大破荆，襲郢，取洞庭、五渚，江南，荆王亡走，東伏於陳。〔五〕當此時也，隨荆以兵，則荆可舉；荆舉，則民足食也，地足利也，東以弱齊、燕，中以凌三晉。然則是一舉而霸王之名可成也，四鄰諸侯可朝也。而謀臣不爲，引軍而退，復與荆人爲和，令荆人得收亡國，聚散民，立社稷主，置宗廟，令率天下西面以與秦爲難。此固以失霸王之道一矣。〔六〕天下又比意而軍華下，大王以詔破之，兵至梁郭下，圍梁數旬，則梁可拔，拔梁則魏可舉，舉魏則荆趙之意絕，荆趙之意絕則趙危，趙危而荆孤，東以弱齊、燕，中以凌三晉。〔七〕然則是一舉而霸王之名可成也，四鄰諸侯可朝也。而謀臣不爲，引軍而退，復與魏氏爲和，令魏氏反收亡國，聚散民，立社稷主，置宗廟，令率天下西面以與秦爲難。此固以失霸王之道二矣。〔八〕前者，穰侯之治秦也，用一國之兵，而欲以成兩國之功，是故兵終身暴露於外，士民疲病於內，霸王之名不成。此固以失霸王之道三矣。〔九〕

校釋

〔一〕齊國策吳注云：

南破荆以下，以地勢言之，非以年之先後也。齊宣王二十五年，與五國攻

秦，湣王十六年，與韓魏伐秦；十一年，與韓魏伐楚；十三年，與秦韓魏敗楚；宣王二十九年，伐燕取之。〔纂聞

云：〕荀子說齊閔王事曰：強南足以破楚，中足以舉宋，西足以誅秦，北足以敗燕。〔注：〕史記齊閔王二十三年，

與秦敗楚乎重丘，南割楚之淮北；三十八年，伐宋，宋王走死於溫；二十六年，與韓魏攻秦，至函谷軍焉。〔按史

表閱十年破燕，吳氏云：宣王二十九年伐燕取之，此據孟子爲說，然荀、韓、史策皆云：閱王安知孟子必不謬乎？東字，集解云：『策作中，當依此訂正。』策吳注云：『韓、東破是。』按東字，荀子亦作中，宋不在齊之東，而作東或中者，皆依戰國之全勢言也。下有中使，則此作東破爲宜。使字，迂評本作伏誤，茲從乾道本。趙本凌本，策同。策鮑注云：『兩國從其役。』土字，策作之君，屬上讀。詔令，策吳注云：『詔告命令也。下文詔之，及後策趙王之教詔之，使者明詔之類。』纂聞云：『詔令猶言號令也。』

〔二〕濟河濟水，河黃河。濟水清，故曰清濟；黃河濁，故曰濁河。策吳注云：『書蔡傳：濟水自鄭以東，貫滑、曹、鄆、濟、齊、青，以入於海；自鄆以下，皆齊地也。正義云：黃河從洛魏二州界北流入海，亦齊西北界。左傳：齊履西至於河。』限，策高注云：『有險塞，故曰限。』按限，阻也，界也。長城巨防，集解云：『水經：濟水注平陰城南，有長城，東至海，西至濟，河道所由，名防門，去平陰三里，齊侯塹防門，卽此也。其水引濟，故瀆尙存。續漢郡國志：濟北國盧縣下，劉昭注引史記：蘇代說燕王曰：齊有長城、巨防、巨防，卽防門。策作鉅坊，案鉅巨字通，坊字誤，當作防，史記亦作防。』策吳注云：『長城西頭在齊州平陰縣界。太山記云：太山西有長城，緣河，經太山，一千里至琅琊臺入海。』塞，要塞也。

〔三〕五戰，宋本注云：『謂五破國也。』策鮑注云：『上所謂南破中破之類。』吳注云：『謂四面及中受敵。』讀云：『齊地偏東，不可言四面受敵，吳注非。』按五戰，卽指上文南破荆，東破宋，西服秦，北破燕，中使

韓魏而言，以鮑注爲是。無齊趙本，凌本作不齊，茲從乾道本。迂評本拾補云：『藏本張本作無，策同。』按無與亡通，無齊謂齊瀕於亡也。宋本注云：『謂樂毅破齊於濟西。』集解云：『見齊世家。』

〔四〕臣字，乾道本、趙本、凌本無，茲從迂評本。集解云：『且下脫臣字，策有。』削迹拾補云：『策作削株掘根。』識誤云：『當從策。』宋本注云：『言禍敗之迹，削去本根，則無禍敗。』迂評注云：『起下文秦破三國而不取，復與爲和，是不除根也。』按此三句根、鄰、存三字叶韻，乃一諺語，故冠以『聞之曰。』無與猶言勿以也。

〔五〕郢，策鮑注云：『熊繹都丹陽，文王徙江陵，是爲郢都。昭王徙郢，所謂故郢，又自郢都都，與郢爲五。』史多言郢郢。齊策：『郢郢者，楚之柱國，知郢亦爲都。』吳注云：『路史：熊繹初封丹陽，今秭歸。武徙枝江，亦曰丹陽。楚文都南郢，即江陵，又謂故郢。昭王避吳遷郡，今宜城，爲北郢，即郢州。惠王遷郢，在宜城。曾氏謂屈原亂郢以濟者，都郢非久都。故惠王末，墨翟重璽趨郢，宣王時，王宮遇盜，郢軍見黜，懷王入秦，齊使郢中立王，皆昭惠後。按楚辭哀郢，莊辛說襄王郢都必危，白起拔郢，始徙陳，知懷襄之世，亦仍都南郢也。考烈王徙壽春，命曰郢。又年表考烈徙都鉅陽。大事記謂春申君用朱英策，自陳徙壽春，不云自鉅陽也。據此，楚不止五都。鮑因誤文，又以其時在徙陳前，故徙陳以下不論，而其說亦不明，故爲正之。大破荊，在昭王二十九年，楚頃襄王之二十一年。』洞庭蓋即今洞庭湖，策鮑注引楊州記以洞庭爲太湖之別名，誤。高注云：『洞庭，楚邑。』

也。『五渚各舊本作五湖。拾補云：『湖、策作都，一作渚。』誠誤云：『吳師道云：都當從韓作湖。』按『湖』也。燕策云：四日而至五渚，蘇秦列傳同。集解引戰國策取洞庭五渚。渚都同字，湖是渚之譌。『集解』秦列傳集解引策，謂五渚在洞庭。按裴說誤讀策文耳。高注：五渚，楚邑也。索隱：五渚，五處洲也。劉氏以五渚宛鄧之間，臨漢水，不得在洞庭。湖乃渚之誤，顧說是。』按作渚是，茲據改。江南集解云：『史記秦紀：昭王三十年取江南爲黔中郡。正義引括地志云：黔中故城在辰州沅陵縣西二十里。又三十一年，楚人反我江南。六國表云：秦所拔我江旁反秦。楚世家所謂江旁十五邑也。』荆王策鮑注：『頃襄王。』按王字下各舊本有君臣二字，君與王字複，茲從策刪。伏字各舊本作服。斟補云：『按服與保通，老子保此道者不欲盈，淮南道應訓引作服，是保服古通。』史記楚世家：楚襄王兵散，遂不復戰，東北保於陳城，此其證。』隨筆云：『服當依策作伏。』史記楚世家：頃襄王二十一年，秦將白起遂拔我郢，燒先王墓夷陵，楚襄王兵散，遂不復戰，東北保於陳。六國表作王亡走陳，白起列傳作東走徙陳。故曰伏，謂竄伏也。』按作伏是，茲據改。

〔六〕隨古與追通，隨荆以兵，謂以兵追荆王也。傅校云：『隨與追爲疊韻互訓字。』札記云：『史記樛里子甘茂傳：智伯之伐仇猶，遺之廣車，因隨之以兵。』荆舉各舊本作荆可舉，策作舉荆。讀記云：可字涉上而行。下文聞梁數旬，則梁可拔，拔梁則魏可舉，舉魏則荆趙之意絕，文例與此同。』按可字不當有，茲據刪。策鮑注云：『拔其國，如舉物然，言易也。』弱字，識誤云：『策作強，高注：言以強於齊燕也，下文同。』集解云：『弱

齊燕與凌三晉對文。齊燕遠於秦，非兵力所能驟及。我滅敵勢強，則齊燕自畏而親附，故但言弱也。下文兩言弱齊燕，尤其明證。策誤高順文爲說，亦未合。『凌字拾補云：『張本作陵，下同，策同。』按凌、陵音同義通，謂侵凌也。一舉策鮑注云：『舉猶行。』和集解云：『史記秦紀：昭王二十九年，取郢爲南郡，王與襄王會襄陵，此所謂退軍復和也。楚世家：襄王二十三年（六國表：昭王二十一年）襄王收東地兵，得十餘萬，復西取秦所拔江旁十五邑以爲郡，距秦，下文所謂與秦爲難也。』立社稷主置宗廟令，識誤云：『策無稷字，以廟字句絕，令字屬下。』平議云：『策是也。收亡國，聚散民，立社主，置宗廟，皆三字爲句。後人誤以令字上屬，成四字句，遂於上句加稷字配之耳。置宗廟令，義不可通。此言荆人置宗廟，非言其置令也。古宗廟亦未聞有令，足知其非矣。下文云令魏氏立社稷主，置宗廟令，稷字亦衍文，令下亦當有率天下西面以與秦爲難十字。秦策闕此句，後人據以刪韓子，而令字誤屬上讀，故得僅存耳。夫率天下以與秦爲難，故失霸王之道。若惟是收亡國，聚散民，立社主，置宗廟，則是魏之得，猶未足以見秦之失也。然則此句不可闕。因一字之幸存，而全句轉可據補。』集解云：『令字下屬是也。立社稷主四字，不誤。白虎通社稷篇云：土地廣博，不可偏敬，五穀衆多，不可一一祭，立社稷而祭之，故謂之社稷主。策無稷字，自是脫文。必欲以四句爲對文，亦太泥矣。』按社、土神，稷、穀神，主、木主。立社稷主，謂立木主以祀土穀二神也。古者國君必先立社稷，故社稷二字，又引申爲國家之代名。翼義云：『禮郊特牲，將以爲社稷主，穆天子傳，封膜晝於河水之陽，使爲殷人主，注』

謂主其祭祀，言同姓也。』按禮所謂社稷主，別爲一義，猶言國家之主也。令字，茲依平議屬下讀。但屬上讀者，亦有說。翼毳云：『令，掌陵園者，如漢太廟令、祠祀令。玉海云：嘉祐元年十二月，置郊社令，同是文法。令字下屬讀，非。』以失策作已無下同。按以與已通，詳見集釋。

〔七〕比意各舊本作比周。識誤云：『周當作意。下文云：天下皆比意甚固。策兩意字皆作志。』集解云：『比意，猶言合謀。』按作意是，茲據改。華下翼毳云：『華陽之下也。』補箋云：『史記六國表：秦昭王三十四年，白起擊魏華陽軍，芒卯走得三晉將。魏世家：安釐王四年，即秦昭王三十四年，秦破我及韓趙，走我將芒卯，予秦南陽以和。魏策：秦敗魏於華，走芒卯而圍大梁，須賈爲魏說穰侯，乃罷梁圍。顯學篇：魏任孟卯之辯，而有華下之患。所記爲一事，甚明。此處所舉天下比意，與六國表所云三晉，魏世家所云我及韓魏合兵至梁郭下，圍梁數旬，與魏策合。復與魏氏爲和，與魏世家及魏策合。華下之名，與顯學篇合。其爲秦昭王三十四年事，明矣。王先謙說失之。』按王先謙依高注以華下爲華山之下，實誤，不具引。梁郭策鮑注改爲梁都。按梁、魏都大梁也，郭外城也。鮑注云：『梁以都言，魏全國也。』荆趙鮑注云：『魏居二國之中，而爲與國，故舉魏則二國不通。』孤字各舊本作狐疑。拾補云：『策作孤是。』識誤云：『狐當從策作孤，衍疑字，策無。』平議云：『存韓篇云：趙氏破膽，荆人狐疑，則狐疑字不誤。盧顧說非。』集解云：『彼趙云破膽，則楚云狐疑，此趙云危，則楚不得僅狐疑也。孤危之與破膽狐疑，語言輕重，大相逕庭，從策作孤爲是。』按作孤是，茲據刪。

改。

〔八〕和謂魏予秦南陽以和也，詳見前。集解云：「穰侯傳、穰侯圍大梁，納梁大夫須賈之說而罷梁圍，明年魏背秦，與齊從親，卽其事也。」令率之令字，迂評本無，策同，茲從乾道本。趙本、凌本率天下西面以與秦爲難十字，各舊本及策無，茲依平議校補，說見前。

〔九〕兩國之功。宋本注云：「穰侯營私邑謀秦，故非諷云兩國。」策鮑注云：「秦及穰侯所封也，如封剛壽以廣陶之類。」點勘云：「此卽定法所謂成其陶邑之封者也。」集解云：「高注、穰侯、魏人治，猶相也。穰侯相秦，欲興秦而安魏，故曰欲成兩國之功。按舊注非，高注尤謬。穰侯得罪憂死，下文明斥其非，不須諷也。史傳云：宣太后異父弟，姓魏氏，其先楚人，則非魏人明矣。又屢用兵於魏，何云安魏乎？蓋穰侯志在併國拓地，故云欲成兩國之功耳。」研究云：「穰侯志在併國拓地，安能謂之兩國？按穰侯傳云：穰侯與白起客卿胡傷復攻趙韓魏，破芒卯華陽下，斬首十萬，取魏之卷、蔡陽、長社，趙氏觀津，益趙以兵伐齊。又昭王三十六年，欲伐齊云云，是以范雎譏之。蓋穰侯益趙以兵伐齊，卽所謂用一國之兵而欲成兩國之功也。定法篇云：昭襄王卽位，穰侯越韓魏而東攻齊，五年而秦不益尺寸之地，故乘強秦之資，數十年而不至於帝王，正與此文相似。」按以上數說，以研究爲是。穰侯益趙以兵伐齊，卽用秦一國之兵，而欲成秦趙兩國之功也。暴露疲病集解云：「策露作靈，疲作潞。黃丕烈札記云：此當各依本書。策文下句言潞病，潞露同字，此句不能

更言暴露。靈者，零之假借，暴謂日，靈謂雨也。先慎案此及策並當作暴靈於外，潞病於內。靈乃霽之借字。說文：霽，雨零也。詩定之方中傳：零，落也。零當作霽，亦假靈爲之。鄭風：零露漙漙，正義本作靈，箋云：靈，落也。是靈落卽霽落矣。暴靈二字之義，當如黃說。潞病，高注：潞，羸。呂覽：不屈篇：士民罷潞潞，潞與潞病義同。淺人多見暴露疲病，少見暴靈潞病，故改靈爲露，改潞爲疲，而古義俱湮矣。」

趙氏中央之國也，雜民所居也，其民輕而難用也，號令不治，賞罰不信，地形不便，上不能盡其民力。^{〔一〕}彼固亡國之形也，而不憂民萌，悉其士民，軍於長平之下，以爭韓上黨，大王以詔破之，拔武安。^{〔二〕}當是時也，趙氏上下不相親也，貴賤不相信也，然則是邯鄲不守，拔邯鄲，筦山東河間，引軍而去，西攻修武，踰羊腸，降代，上黨，代四十三縣，上黨七十縣，不用一領甲，不苦一士民，此皆秦有也。^{〔三〕}代，上黨，不戰而畢爲秦矣；東陽、河外，不戰而畢反爲齊矣；中山、呼沱以北，不戰而畢爲燕矣。^{〔四〕}然則是趙舉，趙舉則韓亡，韓亡則荆、魏不能獨立；荆、魏不能獨立，則是一舉而壞韓、蠹魏、挾荆以東弱齊燕，決白馬之口，以沃魏氏，是一舉而三晉亡，從者敗也。^{〔五〕}大王垂拱以須之，天下編隨而服矣，霸王之名可成，而謀臣不爲，引軍而退，復與趙氏爲和。夫以大王之明，秦兵之強，棄霸王之業，地曾不可得，乃取欺於亡國，是謀臣之拙也。^{〔六〕}且夫趙當亡而不亡，秦當霸而不霸，天下固以量秦之謀臣一矣。乃復悉士卒以攻邯鄲，不能援也，棄甲兵弩，戰竦而卻，天下固已量秦力二矣。軍

乃引而退，并於李下，大王又并軍而至，與戰不能剋之也，又不能及運，罷而去，天下固量秦力三也。
〔七〕內者量吾謀臣，外者極吾兵力，由是觀之，臣以爲天下之從，幾不難矣。內者，吾甲兵頓，士民病，蓄積索，田疇荒，困倉虛，外者，天下皆比意甚固，願大王有以慮之也。〔八〕

校釋

〔一〕趙宋本注云：『趙居邯鄲，燕之南，齊之西，魏之北，韓之東，故曰中央，兼四國之人，故曰難。』
札記云：『史記樂毅傳：趙四戰之國也，正義：東隣燕齊，西邊秦樓煩，南界韓魏，北迫匈奴。』輕鮑注云：『輕則其志不堅。』翼彞云：『四通之國，其民大抵輕剽好利，難用於戰鬥也。』不便集解云：『高注：趙都邯鄲，無險固，故曰不便。』按趙爲四戰之國，四面受敵，故曰地形不便。上字各舊本作下，平議云：『下當從策作上。惟以上言，故曰其民；若以下言，則但曰不能盡其力足矣。上文曰號令不治，賞罰不信，此正上之所以不能盡民力，民力之不能盡，其故在上，不在下，當言上不能，不當言下不能也。』按作上是，茲據改。

〔二〕民萌民也。識誤云：『萌策作氓，本書例用萌字。』集解云：『說文：民衆萌也。後人於經傳中萌字，皆改作氓。如周禮：遂人以興勸利萌，說文引作萌，而今本皆作氓。又說文衆萌字，毛本作氓之類是也。幸本書尙存其眞。』爭上黨纂聞云：『趙孝成王四年，秦攻韓上黨，道絕，其民皆不欲降秦，於是上黨守馮亭遣人請降於趙，趙受其降，爲發兵軍於長平，以抗秦兵。事詳史記。』拔武安鮑注云：『此殺趙括事，在秦昭王四十七年。』按卽趙孝成王六年。集解云：『高注：趙括封於武安，武安君將趙兵四十萬，拒秦，秦將白起坑括。』

四十萬衆於長平下，故曰拔武安。『纂聞云：『武安，趙奢傳注，在邯鄲西。』

〔三〕則是之是字，各舊本無。集解云：『則下當有是字，此與下文然則是趙舉，文法一律，策有是字。』按有是字是，茲據補。『山東河間，識誤云：『乾道本河間作可聞，藏本亦作可，皆譌。』拾補云：『策作完河間，無山東二字。』集解云：『完，卽筦字殘闕，當依此訂正。樂記鄭注，筦猶包也，謂秦軍包舉其地，可聞，乃河間之譌，改從張榜本趙本。』讀云：『國策，淖齒管齊之權，注，管如管權之管，專之也。』翼毳云：『筦，管幹通。漢書食貨志，欲擅幹山海之利，注，幹謂主領也。』按筦讀爲管，在此宜訓爲制，謂以邯鄲制山東之河間也。山東，非今所謂山東省，乃泛稱六國，以六國俱在太行山之東也。河間，地名，屬今河北省，蓋卽漢河間國地也。修武，翼毳云：『魏世家正義，懷州修武縣，本殷之甯邑。韓詩外傳，武王伐紂，勒兵於甯，改名修武。羊腸，乾道本，趙本凌本作華，茲從迂評本。識誤云：『當從策作羊腸，高注，羊腸，塞名也。』趙世家注云：『太行山坂道名。』降代，乾道本，趙本凌本作絳，茲從迂評本。識誤云：『當從策作降代。』四字，拾補云：『策作三，疑是。』七十，識誤云：『策作十七。王渭云：卽趙策今有城市之邑七十，今按史記趙世家，彼亦作十七。』領甲，高注云：『甲，鎧。』按領甲謂護領之甲也。

〔四〕代字上，乾道本，趙本衍以字，茲從迂評本。凌本，隨筆云：『以字疑卽上句也字譌衍。』三畢字，策作已。按作畢是，畢，盡也，皆也。上畢字下，迂評本有反字，茲從乾道本，凌本，趙本，三爲字，高注云：『爲，猶屬也。』

東陽河外鮑注云：『東陽屬清河。河外呼沱河之外。』吳注云：『蘇秦說趙云：東有清河。張儀說趙，告齊使與師渡清河，軍邯鄲之東，卽此河也。東陽既屬河外，不得爲他說矣。此本趙所得齊地，今趙弱，故齊復取之。』新釋云：『東陽河外，舊皆齊地，後爲趙所占有，故此加反字以別之。』呼沱迂評本作呼沱，策作呼池，茲從乾道本。趙本、凌本。吳注云：『古沱通，史弟子傳、滂池。』按沱池同字，讀爲沱。

〔五〕蠹高注云：『害也。』挾荆各舊本作拔荆，今依策改。黃丕烈札記云：『按拔字非，挾當是狹。後策文、省攻伐之心，新序作挾戰功之心，字與此同。』按挾字是挾，如挾天子以令諸侯之挾，此謂秦挾荆以凌齊燕也。以東弱齊燕五字，乾道本、趙本作東以弱齊強燕，迂評本、凌本作東以弱齊燕。拾補云：『強字衍。』集解云：『策無強字，今據刪。上兩言弱齊燕，卽其證。』按東以宜作以東，茲依策乙。白馬集解云：『水經河水注：黎陽縣東岸有故城，險帶長河，謂之鹿鳴城。濟取名鹿鳴津，亦曰白馬濟。津之東南有白馬城。河水舊於白馬縣南決，通濮濟黃溝。故蘇代說燕曰：決白馬之口，魏無外黃濟陽。魏世家：無忌說魏王曰：決熒澤水灌大梁，大梁必亡。後王賁攻魏，卒引河溝灌大梁而取之。』沃拾補云：『策作流。』集解云：『沃流二字義同。』說文：沃作沃，溉灌也。高注：流、灌也。』從者鮑注云：『合從者。』高注云：『從者，山東六國，敗從不成也。』〔六〕須鮑注云：『須、胥同，待也。』編隨迂評本、趙本作徧隨，茲從乾道本、凌本。拾補云：『徧字，高注國策本同。』吳注本作編，云：以繩次物曰編。張本、凌本此亦作編。』識誤云：『藏本同，今本編作徧，誤。』札記云：『說文、

繡、次簡也。段云：以繩次第竹簡而排列之。冊字下云：象其札一長一短，中有二編之形。是綴簡之絲，亦得言編。漢書見寬傳：輸租繹屬不絕，師古曰：繹，索也，言輸者接連不絕於道，若繩索之相屬也。編隨，猶繹屬也。點勘云：編隨，連次相從也。按札記說是，編隨，猶言相繼也。曾策誤作尊，釋詞云：曾，音增，乃也，則也。亡國暴聞云：策注，亡國以長平之敗言趙，按取欺見侮也。上曰亡國之形，下曰趙當亡，故此喚爲亡國。〔七〕兵弩，迂評本，趙本，凌本作負弩，茲從乾道本。識誤云：『今本兵作負，誤。吳師道引此無弩，策作怒，吳引作擊，不合。』集解云：『棄甲兵弩四字不成文，兵當作與，說文與古文作𠂔，兵作𠂔，二字篆形相近而誤。』按作兵亦通。兵，謂武器，指戈矛之類，如孟子棄甲曳兵而走之兵字。負字乃後人所臆改。怒，擊，皆弩字之誤。棄甲兵弩者，謂所棄者有甲，有兵，有弩也。戰竦，策作戰慄，義同。翼毳云：『竦，慄同，音聳。』一切經音義：戰慄，考聲云：心不安也，驚也。傅校云：『慄，說文作慄，從心雙聲，懼也。』卻字，乾道本脫，茲從迂評本。趙本，凌本，高注云：『卻，退也。』退字，乾道本作復，茲從迂評本。趙本，凌本，策同。并猶言集合也。李下，乾道本作乎下，迂評本作季下，茲從趙本。凌本，策同。新釋云：『孚，同郭，郭也。』集解云：『孚，乃李之誤。高注：李下，邑名，在河內。』鮑注云：『後志：河內有李城，趙封李同之父於此。』翼毳云：『秦策：五國伐秦，義渠之君大敗秦人於李帛之下，豈指此耶？李帛之下，稱李下，猶華陽之下，稱華下也。』及運，乾道本趙本作反運，迂評本作反軍，二字分屬上下讀。識誤云：『又不能反運，句絕，反當作及，運讀爲憚，罷而去爲一句，罷讀爲疲，策作又交罷卻，按無

不能運而，四字不同也。『平議云：』運乃軍之誤。上云大王又并軍而至，此云軍罷而去，文義正相應。蓋不能勝則宜退，既不能剋，又不能反，故其軍至於罷病而後去也。『集解云：』顧說較長，不能及運，言饋運不繼也，文義甚順，當從之。張榜本運作交，依策改，非。『纂聞云：』秦策秦使王陵伐趙，戰不利，亡五校，復益發軍，更使王屹代王陵伐趙，圍邯鄲八九月，死傷者衆而弗下，趙王出輕騎以寇其後，秦數不利，遂罷圍，是也。』
〔八〕極鮑注云：『言度其力之所能至。』按極吾兵力，猶言窮吾兵力也。幾不難矣。乾道本、凌本作幾不能矣，趙本作幾乎難矣，策作豈其難矣，茲從迂評本。『識誤云：』能當作難。『集解云：』張榜本作難，今據改。幾猶殆也。『宋本注云：』言諸侯知秦兵頓民疲，則從益堅，故曰不難矣。『皆平議云：』皆字衍文，蓋卽比字之誤而複者，秦策無皆字。』按皆字不衍，皆均也，俱也。『盧集解云：』高注，謀也。』

且臣聞之曰：『戰戰栗栗，日慎一日，苟慎其道，天下可有。』〔一〕何以知其然也？昔者紂爲天子，將率天下甲兵，左飲於淇溪，右飲於洹谿，淇水竭而洹水不流，以與周武王爲難。〔二〕武王將素甲三千，戰一日而破紂之國，禽其身，據其地，而有其民，天下莫傷。〔三〕知伯率三國之衆，以攻趙襄主於晉陽，決水而灌之三月，城且拔矣。襄主鑽龜數策，占兆，以視利害，何國可降？乃使其臣張孟談，於是乃潛行而出，反知伯之約，得兩國之衆，以攻知伯，禽其身，以復襄主之初。〔四〕今秦地折長補短，方數千里，名師數十百萬，秦國之號令賞罰，地形利害，天下莫如也。以此與天下，天下可兼而有

臣昧死願望見大王，言所以破天下之從，舉趙亡韓，臣荆魏，親齊燕，以成霸王之名，朝四鄰，誨侯之道。」大王誠聽其說，一舉而天下之從不破，趙不舉，韓不亡，荆魏不臣，齊燕不親，霸王之功不成，四鄰諸侯不朝，大王斬臣以徇國，以主爲謀不忠者。」〔七〕

校釋

〔一〕栗栗策作慄慄，字同。翼龜云：『淮南子引堯戒曰：戰戰栗栗，日慎一日，人莫蹟於山，而蹟於堯。黃帝巾機銘曰：兢兢慄慄，日慎一日。』說苑云：戰戰慄慄，日慎其事。博雅云：戰戰栗栗，懼也。『苟如苟志於仁矣之苟，高注：苟，誠也。讀云：『栗日二字，一叶，道有二字，一叶。』按戰戰以下十六字爲古語。

〔二〕將字讀去聲，下同。淇溪集解云：『趙本溪作谿，策作谷。按御覽六十四、八百九十六，事類賦二十一引飲下並有馬字，無谿字，下同。』鮑注云：『淇谷，河內淇水所出。』洹谿，迂評本及策作洹水，茲從乾道本。趙本凌本鮑注云：『蘇秦傳注出林慮。項紀注在安陽縣北。前後志在良鄉東南。』不流鮑注云：『亦竭也。』按此謂紂之人馬甚多，致河水飲盡也。左右翼龜云：『謂左右軍也。』

〔三〕素甲翼龜云：『章昭吳語注：素甲，白甲也。武王在喪服，故素甲也。一日凌本作一夜，茲從乾道本。迂評本及策集解云：『張榜本趙本日作夜，非。高注：一日，甲子之日也。太公望爲號，到牧野便克紂，故曰一日。國翼龜云：『周禮注國，謂城郭中也。』禽與擒通。傷集解云：『高注：傷，惑也。策傷上有不字，誤。』鮑注云：『傷股之亡耳。』按莫傷，謂無所殺傷，言剋紂甚易也。

〔四〕三國翼云：『韓魏與知伯之兵也。』三月拾補云：『秦策、趙策俱作三年。』集解云：『此誤，下十過篇正作三年。』補箋云：『按史記六國表，趙襄子立四年，與智伯分范、中行地。五年，敗智伯晉陽，與韓魏三分其地。以此計之，作灌之三月是也。趙策及十過篇作三年，皆誤，當依此訂正。天下豈有決水灌城歷三年之久之事哉！』王先慎說失之。』且高注云：『將也。』鑽龜數筮，各舊本作鑽龜筮。拾補云：『策作錯龜數筮，此筮上疑脫一字。識誤云：『筮，當從策作數筮二字。按節邪篇，鑿龜數冊，兆曰大吉，凡三見，可證此爲脫誤。』集解云：『吳師道補云：錯，韓作鑽，是韓之異於國策，只一鑽字，其數筮必與策同，當依以訂正。』今按鑽龜爲卜，數筮爲筮，筮不得云鑽，作數筮爲是，茲依策校改。翼云：『鑽，策作錯，非。荀子王制篇，鑽龜陳卦注，謂以火熬荊華灼之也。莊子七十二鑽而無遺策，司馬彪曰：鑽，謂命卜以所卜事而灼之。』鮑注云：『數筮，以著筮也。』兆，鮑注云：『灼龜折處曰兆。』翼云：『周禮注，兆者，灼龜發於火，其形可占者。』潛行乾道本作潛於行，茲從迂評本。趙本、凌本、隨筆云：『秦策、呂覽、淮南子皆無於字。按於疑游之譌。蓋韓子作游，他本作行，讀者旁注異文，轉寫並存，又以形近，譌爲於耳。游者，汭水也。此時城爲水灌，不沒者三版，故汭水而出。』扎遼云：『十過篇、趙孟談曰：臣請試潛行而出見韓魏之君，潛下亦無於字。』按潛行，謂由園而出，不使智伯察覺也。高注云：『潛行，私行。』反字，乾道本脫，茲從迂評本。趙本、凌本、高注云：『兩國，韓魏也。智伯與韓魏攻襄子，張孟談辭於韓魏，韓魏與趙同，故曰反智伯之約也。』鮑注云：『使韓魏背之。』初拾補

云：「策作以成襄子之功。」集解云：「張榜本初作功。」纂聞云：「使趙氏復寧如初。」

〔五〕而有乾道本、趙本、凌本作有，茲從迂評本。集解云：「乾道本無以字，天下二字不重，可作何，無而字。」今按自今秦地至而有也四十五字，又見於上文，策亦同，乾道本脫誤不可據。

〔六〕味死翼龜云：「昧，冒也，冒死敢言。」蔡邕獨斷云：「漢承秦法，羣臣上書，皆言昧死。」漢書注：「張晏曰：秦以爲人臣上書，當昧犯死罪，而漢遂遵之。」舉趙鮑注云：「舉，亦拔也。」親齊燕鮑注云：「二國去秦遠，未可加兵，故親之以寬兵力。其後秦滅諸國，二國獨後亡，以此故也。」

〔七〕誠拾補云：「策作試。」集釋云：「誠，猶若也。」徇鮑注云：「徇，行以示人也。」按徇，猶今言以罪人傳首示衆也。以主爲謀不忠者，各舊本作以爲王謀不忠者也。拾補云：「舊少一爲字，今據吳注引增。」上爲，如字，下去聲。者下，張本有戒字。策作以主不忠於國者。識誤云：「當從策作以主爲謀不忠者，主謂主首也，爲謀造謀也。此文例言大王，不言王，王字必誤。吳師道引此無也字，是重爲字非。」集解云：「姚本國策與盧引同，鮑本與顧同，故所引各異。又策國上有於字。今案王當作主，顧說是也。爲上以字當衍，以徇國爲主謀不忠者也作一句讀，文氣自順。」今按王字，疑卽主字之誤而倒於爲字下者，茲從顧說，改從姚本國策。

存韓

釋題 本篇原爲第一卷第二篇。本篇本係韓非使秦上秦始皇書，後人以其旨趣在言韓之未可舉，因題曰存韓。史記韓世家韓王安五年云：『秦攻韓，韓急，使韓非使秦，秦留非，因殺之。』集解云：『秦本紀六國表並以韓非使秦在始皇十四年，韓世家屬之王安五年。按秦攻韓紀表未書。始皇十三年，用兵於趙，十四年定平陽、武城、宜安，而後從事於韓，則非之使秦當在韓王安六年。紀表爲是。吳師道以非爲韓王安五年使秦，據世家言之，不知作五年者，史駁文也。』

提要 本篇主旨在勸秦攻趙，以爲韓緩兵之計。全篇可分爲三節：首節言釋趙懷韓，足以促六國之合從；次節申述韓未可輕舉；末節勸秦攻趙。

考證 本篇舊與李斯上秦王書及李斯上韓王書合爲一篇，蓋秦官或李斯之徒，連類記錄。後人未加審擇，遂一併編入本書。其實存韓正文，只限於韓非上秦王書。李斯上秦王書，乃駁議韓非上秦王書，而隱寓譏間韓非之意。存韓正文，出於韓非，可以此爲佐證。史記韓非傳云：『韓王始不用非，及急，乃遣非使秦。秦王悅之，未信用。李斯姚賈害之，毀之曰：韓非、韓之諸公子也，非終爲韓不爲秦，此人之情也。今王不用，久留而歸之，此自遺患也，不如以過法誅之。』秦王以爲然，下吏治非。李斯使人遺非藥，使自殺。』由此亦可證

存韓正文之出於韓非。至於李斯上韓王書，乃以李斯上秦王書連類而及，實與非書無關。茲將李斯兩書並編爲本篇附錄，以示區別云。

韓事秦三十餘年，出則爲扞蔽，入則爲薦薦，秦特出銳師取地，而韓隨之，怨懸於天下，功歸於強秦。且夫韓入貢職，與郡縣無異也。〔一〕今臣竊聞貴臣之計，舉兵將伐韓，夫趙氏聚士卒，養從徒，欲贅天下之兵，明秦不弱，則諸侯必滅宗廟，欲西面行其意，非一日之計也。〔二〕今釋趙氏之患，而攘內臣之韓，則天下明趙氏之計矣。〔三〕

校釋 〔一〕扞[△]蔽[△]翼[△]毳[△]云：『史記田敬仲世家：趙之於齊楚，扞蔽也。管子乘馬篇：一馬其甲七，其蔽五，注蔽，所以捍車馬，捍扞通。』呂覽貴直篇：犀蔽犀楯，難篇作犀楯犀楯，扞之爲言，干也。左傳：公侯干城，釋文：本作扞，是扞蔽，卽楯也。韓策：韓之於秦也，居爲隱蔽，出爲雁行，史記注：扞亦作隱。按扞蔽，猶言藩屏，謂六國有事於秦，則韓首當其衝也；又猶言先鋒，謂秦有事於六國，則韓任其先驅也。薦[△]薦[△]宋本注云：『出貢以供，若薦薦居人下。』解詁云：『扞蔽以衛其身，薦薦以安其體，喻出入必爲秦役也。』特[△]猶言但也，僅也。取地而韓[△]隨[△]之各舊本韓字在地字上，於之字句絕。集解云：『韓字當在而下，取地略地也。下文韓與秦兄弟，共苦天下。』按集解說是，茲據乙。而韓隨之四字，宜屬下讀。隨之猶言因之，謂韓因爲秦之扞蔽而結怨於天下也。懸[△]荀子楊注云：『繫也。』翼[△]毳[△]云：『懸猶結也。』

〔一〕今字、乾道本、趙本、凌本作今日，茲從迂評本。拾補云：『日字衍，張本無。』從徒、乾道本無徒字，茲從迂評本。藏本、趙本、凌本、解詁云：『謂蘇秦之徒爲合從說者。』贅、宋本注云：『綴連也。』翼、羲云：『詩：贅屬疏贅猶綴也，謂繫綴而屬之。』孟子屬其耆老，書傳贅其耆老，是贅爲屬。說苑：梁王贅其羣臣，而議其過。』明解詁云：『言趙曉喻六國以勢不兩立，秦不亡則諸侯必爲秦滅，其宗廟之患不絕，明字貫下十字，明猶信也。』西面翼、羲云：『秦在西，故曰西面。』讀云：『蘇秦以來，趙爲從長，故曰非一日之計。』

〔二〕釋攘、纂聞云：『釋、舍也，攘除也。』內臣謂內屬之臣。上文韓入貢職，與郡縣無異，卽此之謂。宋本注云：『韓爲內臣，秦猶滅之，則天下從趙攻秦，計爲得矣。』

夫韓小國也，而以應天下四擊，主辱主苦，上下相與同憂久矣。修守備，戒強敵，有蓄積，築城池，以固守。〔一〕今伐韓，未可一年而滅，拔一城而退，則權輕於天下，天下摧我兵矣。〔二〕韓叛，則魏應之。趙據齊以爲原，如此，則以韓魏資趙假齊，以固其從，而以與爭強，趙之福，而秦之禍也。〔三〕夫進而擊趙不能取，退而攻韓弗能拔，則陷銳之卒，勲於野戰，負任之旅，罷於內攻，則合羣苦弱以敵，而共二萬乘，非所以亡趙之心也。〔四〕均如貴臣之計，則秦必爲天下兵質矣。〔五〕陛下雖以金石相弊，則兼天下之日未也。〔六〕

校釋 〔一〕四擊猶言四戰，謂四面受攻也。有字、迂評本作存，茲從乾道本。趙本、凌本固守，乾道本、趙本、

凌本作守固，茲從迂評本。

〔二〕權讀云：『秦權，我亦秦也。』摧集解云：『說文、摧、折也。』翼彞云：『摧，如松柏摧之摧，與下文兵質字相照。』

〔三〕據依也，恃也。原宋本注云：『若山原然。』識誤云：『原當作厚，舊注誤。』點勘云：『原乃援之誤。』按原援聲同而誤，謂趙恃齊以爲後援也。資趙假齊讀云：『資，助也，假藉也。言韓魏叛秦，則與齊趙合，是助力於趙，藉勢於秦也。』與集解云：『與秦爭強也。』

〔四〕陷銳猶言陷陣，謂破敵也。勲迂評本、張本作勲，茲從乾道本、趙本、凌本。纂聞云：『勲一作勲，同。列子、人有勲喻其勲者。原道訓注、勲勞也。』負任翼彞云：『荀子宥坐篇、任負車登焉，注、任負車、任重之車也。此言運轉輜重之衆，罷疲同。』內攻勲補云：『按攻疑政誤，政即征胥之征，謂征發不休也。』補箋云：『攻當讀爲共，給之共。書甘誓、左不攻於左，右不攻於右，墨子明鬼篇引攻作共，即攻共通用之證。』按內攻謂由國內轉運糧餉供給前敵也。而共二字，識誤云：『當衍。』按如依識誤刪而共二字，則全句當釋爲秦合苦弱之兵以與齊趙二萬乘之國爲敵也。但不刪此二字，亦可通。纂聞云：『合羣苦弱，謂連合羣困苦脆弱者，足以敵秦，即指韓魏之屬也。楚策、夫約從者，聚羣弱而攻至強也。又是楚魏共趙也，注、共，謂魏共攻之。二萬乘、齊趙也。韓魏與齊趙共從親，則趙益強。』亡趙識誤云：『趙當作韓，亡韓，貴人之計也。』按趙字不誤。趙

爲從長，與秦爲難，秦王之心，本欲亡之。而今以韓魏資趙，假齊以固其從，故曰非所以亡趙之心也。」

〔五〕均如宋本注云：「均同也，謂同其計而用之。」讀記云：「均讀爲洵。爾雅釋言：洵均也。均與洵聲同義近，故借均爲洵。詩宛邱傳：洵信也。均如貴人之計，言信如其計也。舊注謂同其計而用之，非。」貴臣乾道本、趙本、凌本作貴人，茲從迂評本。拾補云：「張本人作臣。」按上文竊聞貴臣之計，舉兵將伐韓，則此作臣爲是。質末本注云：「既進退不能，則同於爲質者。」識誤云：「質如字，射的也，舊注誤。」讀云：「質的也，謂天下之鋒必聚於秦也。」

〔六〕陛下翼壽云：「蔡邕獨斷云：陛下者，陛階也，所由升堂也。天子必有近臣執兵陳於陛側，以戒不虞。謂之陛下者，羣臣與天子言，不敢直斥天子，故呼陛下者而告之。」雖以金石相弊，集釋云：「以與也，相胥也，同也，弊與敝同，盡也。此言陛下雖與金石同盡，猶未有兼天下之日也。」識誤云：「文選二十九卷注引以作與，以卽與也。七發注引亦作與。」集解云：「與金石相弊，謂與金石齊壽也。雖永壽而無兼天下之日，極言其非計。」叢錄云：「漢尙方鏡銘：壽敝金石如侯王。龜策傳：壽敝天地，莫知其極。金石相弊，謂壽命之延長也。」翼壽云：「弊，壞也。史記魯仲連與燕將書：名與天壤俱弊。孔叢子：率由前訓，將與天地相敝。郭璞不死樹贊：不死之樹，壽敝天地。弊、敝、蔽三字音通。文選古詩：人生非金石，豈能長壽考！」

今賤臣之愚計，使人使荆，重幣用事之臣，明趙之所以欺秦者，與魏質，以安其心，從韓而伐趙，

韓雖與齊爲一，不足患也。〔二〕二國事畢，則韓可以移書定也。是我一舉，二國有亡形，則荆魏又必自服矣。〔三〕故曰：『兵者，凶器也。』不可不審用也。〔四〕以秦與趙敵衡，加以齊，今又背韓，而未有以堅荆魏之心。〔五〕夫一戰而不勝，則禍構矣。計者，所以定事也，不可不察也。趙、秦強弱，在今年耳。且趙與諸侯陰謀久矣。〔六〕夫一動而弱於諸侯，危事也；爲計而使諸侯有意我之心，至殆也；見二疏，非所以強於諸侯也。臣竊願陛下之幸，熟圖之。夫攻伐而使從者間焉，不可悔也。〔六〕

校釋 〔一〕賤臣韓非自稱也。愚計，乾道本作遇愚計，趙本凌本作進愚計，茲從迂評本。識誤云：『藏本

無遇字，是也。今本遇作進，誤。』集解云：『按遇卽愚之誤而衍者。』重幣集解云：『猶言厚賂。』明趙纂聞

云：『趙數陵侮秦國，故今伐之，明說此事，令楚不援趙也。』與魏質謂以子爲質於魏，而使其不疑也。從韓

而不議云：『疑韓字衍文。蓋既使人使荆，又與魏質，則荆魏不與我爲難矣，於是從而伐趙。從而者，繼事之

詞，明其次第當如此，非從他國之謂也。後人不達其義，妄補韓字以實之。』按平議說誤。韓字非衍。從、猶率

也。而猶以也。上文言韓事秦三十餘年，又言內臣之韓，故云從韓而伐趙。從韓而伐趙者，猶言率韓以伐趙

也。爲一謂趙齊相親如爲一國也。患字，迂評本誤作爲，茲從乾道本。趙本，凌本。

〔二〕二國宋本注云：『齊趙。』韓字，乾道本、凌本作轉。茲從趙本、凌本。拾補云：『藏本亦作轉，是。上已云

從韓而伐趙，則不待再收韓明矣。』識誤云：『今轉作韓誤，此言定荆魏。』平議云：『轉字無義，趙本作韓

是也。此篇名存韓，本因秦貴臣之計舉兵將伐韓，故爲是說勸之釋韓而伐趙。趙齊事畢，而韓可移書定，正見韓之不必伐也。乃乾道本、道藏本皆作轉，則字之誤久矣。趙本改轉爲韓是也。今按作韓字是，轉字乃形近而誤者。移書與文移同，謂公牘也。漢書於是致僚屬作文移，按以移書定，猶言傳檄而定也。則集釋云：『猶而也。』

〔三〕兵翼毳云：『兵者，凶器也。孫子文故更端曰故。』

〔四〕敵衡猶言抗衡，謂勢均力敵也。翼毳云：『敵等，衡平衡，屬下讀，非。』纂聞云：『稱衡見亡徵，提衡見有度。』加以齊謂又加齊與趙親以共敵秦也。背韓，纂聞云：『使韓背秦。』

〔五〕構與構通，禍構猶言禍結也。趙秦各舊本作韓秦。識誤云：『韓當作轉。』平議云：『韓秦強弱，各本皆同。顧氏謂當作轉誤。』集解云：『顧說是。如貴臣之計，秦爲天下兵質，則秦必弱；如非之計，齊趙可亡，荆魏必服，則秦強矣。秦計一定，強弱隨之。若韓之強弱，豈非所敢言乎？』纂聞云：『韓字誤，當作趙。伐韓則趙強攻，趙則秦強，成敗強弱，在此一舉。韓子意欲嫁禍於趙，使韓免於兵也。』按纂聞說是，茲據改。

〔六〕意我，乾道本、趙本作意伐，茲從迂評本、凌本。『拾補云：『伐，張本、凌本作我。趙敬夫云：意秦之伐之也，不必作我。』讀云：『意，疑慮也，我謂秦也。』按我伐二字形近而誤，作我爲是。謂韓親秦而不免於攻，則諸侯疑秦，而不敢自安矣。見二疏。乾道本、趙本疏作疎，茲從迂評本、拾補云：『從藏本作疏。』讀云：『見，示

也，疏謂計拙也，示計疏拙者，二也。『解詁云：』猶呈露二疏也。』按見二疏，即指上文一動而弱於諸侯，爲計而使諸侯有意我之心，二者疏陋而暴露於外也。夫字，乾道本、趙本無，茲從迂評本、凌本。間字，乾道本、趙本、凌本誤作聞，茲從迂評本。識誤云：『聞當作間，間，反間也。』讀云：『謂使合從之士得其隙以伺之，雖悔之不及也。』按從者，即主合從者，間，謂離間也。韓事秦，而秦伐之，則足以促進從者離間秦與六國之交，而使六國約從以抗秦也。

附李斯上秦王書〔一〕

『詔以韓客之所上書，書言韓之未可舉，下臣斯，臣斯甚以爲不然。』秦之有韓，若人之有腹心之病也，虛處，則怏然若居濕地，著而不去，以極走則發矣。夫韓雖臣於秦，未嘗不爲秦病。今若有卒報之事，韓不可信也。秦與趙爲難，荆蘇使齊，未知如何？以臣觀之，則齊趙之交，未必以荆蘇絕也。若不絕，是悉秦而應二萬乘也。夫韓不服秦之義，而服於強也。今專於齊趙，則韓必爲腹心之患而發矣。韓與荆有謀，諸侯應之，則秦必復見峭塞之患。非之來也，未必不以其能存韓也爲重於韓也；辯說屬辭，飾非詐謀，以釣利於秦，而以韓利闕陛下。夫秦韓之交親，則非重矣。此自便之計也。臣視非之言，文其淫說靡辯，才甚。臣恐陛下淫非之辯，而聽其盜心，因不詳察事情。』今以臣愚議，秦發兵而未名所伐，則韓之用事者以事秦爲計矣。臣斯請往見韓王，使

參入見大王見，因內其身而弗遣，稍召其社稷之臣，以與韓人爲市，則韓可深刻也。〔九〕因令象武發東郡之卒，闕兵於境上，而未名所之，則齊人懼，而從蘇之計。是我兵未出，而勁韓以威擒，強齊以義從矣。聞於諸侯也。趙氏破膽，荆人狐疑，必有忠計。荆人不動，魏不足患也，則諸侯可蠶食而盡，趙氏可得與敵矣。願陛下幸察愚臣之計，無忽。』秦遂遣斯使韓也。〔一〇〕

校釋 〔一〕附李斯上秦王書七字，各舊本無。按本篇全文，蓋秦史所記，故以韓非上秦王書，及李斯上

秦王與韓王書連爲一文。前人編纂本書者，以本篇全段爲韓非之文，遂一併編入本書。存韓正文，實止於「不可悔也」一句，其下爲斯之上書，茲爲劃出，附於本篇，並依纂聞增兩節目，以醒眉目云。

〔二〕詔上諭也。韓客指韓非上書纂聞云：「文選注：章表奏駁六國及秦漢兼謂之上書。下自上降下之謂下。此承上詔字而言，猶言交議，謂上諭以非書交斯議也。臣斯二字，乾道本、趙本、凌本不重，茲從迂評本集解云：「拾補甚上有臣斯二字。按此二字誤複。以下皆李斯言。」補箋云：「一本重臣斯二字，是也。詔以韓客之所上書書言韓之未可舉下臣斯八字爲一句，謂詔以韓客之所上書下於李斯使議之，其書則言韓之未可取也。史記秦始皇本紀：「始皇下其議於羣臣，是其義也。臣斯甚以爲不然，七字爲一句，謂李斯不以韓客所上書所言爲然也。自詔以以下，皆李斯之辭，故並自謂臣斯耳。王先慎刪臣斯二字，失之。」

〔三〕腹心。趙本、凌本作心腹，茲從乾道本、迂評本。拾補云：「腹心，舊本倒，今從藏本、張本，下同。」虛處則

惓然若居……以極走，識誤云：『虛處、逗、平居也，與極對文，極、困也。則惓然若居濕地著而不去，十一字爲一句。惓，說文：苦也；廣韻云：患苦，胡槩切。舊注皆誤。以極、逗、走字衍。』平議云：『顧氏視舊讀爲長。然平居不得謂之虛處。且走與處對文，則走字非衍也。按此當以虛處則惓，然若居濕地爲句，虛乃衍字也。蓋卽處字之誤而複者。著而不去爲句，以極走則發矣爲句。極猶亟也，古字通用。荀子賦篇：出入甚極，又曰：反覆甚極。楊注並云：極讀爲亟，是其證。此言腹心之病，附著不去，平居猶可，亟走則發矣。亟走，喻急也。舊注卒然而走，正讀極爲亟也。下文今若有卒報之事，韓不可信也。若有卒報之事，與亟走之喻相應。顧訓極爲困，而刪走字，未得其旨。』按平議所言，視識誤更爲長，但謂虛字衍，則未可從。虛處與極走對文，處而言虛，與走而言極，皆狀詞也。此言心腹之病，平居不動，則患苦如居於濕地，然不去其病而使之附著於身，若一亟走則發矣。以字可訓若，詳見集釋。又舊讀於惓然絕句，翼毳因釋虛爲墟，著爲著痺，未免牽強，茲不具引。

〔四〕卒報平議云：『報讀爲赴疾之赴。禮記少儀篇：毋報往，喪服小記篇：報喪者報虞，鄭注並云：報讀爲赴疾之赴，是也。』按卒讀爲猝，卒報猶言告急也。

〔五〕荆蘇讀云：『人姓名。是時使齊，勸其與趙絕，而未反命，故曰未知如何。』悉秦各舊本作悉趙，識誤云：『趙當作秦。』按作秦是，茲據改。悉秦，謂竭秦一國之力，以敵齊趙二國也。應如物來順應之應，在此猶言敵也。二萬乘，纂聞云：『齊趙也。』

〔六〕專△纂聞云：『專以攻齊趙爲事，如極走者。』△崑塞謂崑山之險塞，即指函谷關也。六國攻秦，必由崑塞而入，故曰崑塞之患。書序云：『秦穆公伐鄭，晉襄公帥師敗諸崑。』此穆公時事也。齊策云：『齊宣王西攻秦，秦爲齊兵困於崑塞之上。』此孝公時事也。楚世家云：『六國共攻秦，楚懷王爲從長，至函谷關。』此惠王時事也。趙策云：『昔歲崑下之事，韓爲中軍，以與諸侯攻秦。』此昭王時事也。六國表：始皇六年，五國共擊秦，此始皇時事也。此所謂崑塞之患，蓋非專指一役也。

〔七〕不△以迂評本脫不字，茲從乾道本、趙本、凌本。按未必不以四字，詞反意正，猶言乃以也。△也爲重札記云：『也猶者也。此謂非之來，未必不以其能存韓者取重於韓。下文云：夫秦韓之交親，則非重矣，此自便之計也是其義。』補箋云：『爲猶求也。莊子養生主，已而爲知者殆而已矣。爲知猶求知也。荀子富國篇，凡攻人者，非以爲名，則案以爲利也。爲名爲利，猶求名求利也。王制篇，將以爲樂，乃得憂焉；將以爲安，乃得危焉；將以爲福，乃得死亡焉。爲樂爲安爲福，猶求樂求安求福也。此言韓非之來，或將以其存韓之功，求重於韓也。下文秦韓之交親，則非重矣，即承此而言。王先慎說失之。』按爲猶以也，詳見釋詞。爲重，謂以緩秦兵之功，見重於韓也。鈞利纂聞云：『主術訓注，鈞取也。』關與窺通，謂窺伺也。宋本注云：『關陛下之意，因隙而入說，以求韓利。』

〔八〕文飾也，謂文飾其邪說巧辯，頗有才也。淫補箋云：『呂覽直諫篇，得丹之姬淫，高注、淫、惑也。淫非。』

辯謂惑於韓非之辯王先謙說失之。『纂聞云：『淫、猶惑也。』盜心纂聞云：『飾辭釣利，故曰盜心。』

〔九〕未名讀云：『謂不聲言其伐何國也，下未名所之同。』按未名所伐，則韓恐秦伐之，而求所以事秦矣。內讀爲納，內其身而弗遣，謂扣留韓王而不使歸國也。社稷之臣纂聞云：『即用事者。』市讀云：『與韓人約，以地易王，如市易然。』深割纂聞云：『東周策注，割謂出地。』集解云：『韓遣韓非使秦，在王安六年。其時榮陽上黨悉已入秦，存者獨潁川一郡地耳。非存韓之說，不得已而爲宗社計。』李斯所云深割者，卽盡入其地之謂也。』

〔十〕象武識誤云：『象當作蒙，蒙武見始皇本紀，蒙恬列傳。』按蒙武，蒙恬之子，秦將。東郡纂聞云：『秦所置，蒙騫伐魏取之。』闕兵易，闕其戶，疏闕視其戶也。闕兵猶言闕兵也，觀兵也。後漢李固傳，秦人不敢闕兵於西河。蘇集解云：『卽荆蘇，秦使之齊，絕趙交也。』忠計纂聞云：『謂以事秦爲計也。自秦言之，故曰忠計。』蠶食纂聞云：『趙世家正義，蠶食桑葉，漸進必盡也。』察字，迂評本作審，茲從乾道本。趙本，凌本。秦遂使斯使韓也七字，實魏云：『此記者之詞。』

附李斯上韓王書

李斯往詔韓王未得見，因上書曰：『昔秦韓勦力一意以不相侵，天下莫敢犯，如此者數世矣。前時五諸侯相與共伐韓，秦發兵以救之。韓居中國，地不滿千里，而所以得與諸侯班位於天下，君

臣相保者，以世世相教事秦之力也。〔一〕先時五諸侯共伐秦，韓反與諸侯先爲雁行，以嚮秦軍於關下矣。諸侯兵困力極，無奈何，諸侯兵罷。〔二〕杜倉相秦，起兵發將以報天下之怨，而先攻荊。荊令尹聞之曰：夫韓以秦爲不義，而與秦兄弟，共苦天下，已又背秦，先爲雁行以攻關。韓則居中國，展轉不可知。天下共割韓上地十城，以謝秦解其兵。〔三〕夫韓嘗一背秦，而國迫地侵，兵弱至今。所以然者，聽姦臣之浮說，不權事實，故雖殺戮姦臣，不能使韓復強。〔四〕今趙欲聚兵士，卒以秦爲事，使人來借道，言欲伐秦，其勢必先韓而後秦。且臣聞之，唇亡則齒寒。夫秦韓不得無同憂，其形可見。〔五〕魏欲發兵以攻韓，秦使人將使者於韓。今秦王使臣斯來，而不得見，恐左右襲姦臣之計，使韓復有亡地之患。臣斯不得見，請歸報。秦韓之交必絕矣。斯之來使，以奉秦王之歡心，願效便計，豈陛下所以逆賤臣者邪？〔六〕臣斯願得一見前，進道愚計，退就菹戮，願陛下有意焉。今殺臣於韓，則大王不足以強；若不聽臣之計，則禍必構矣。秦發兵不留行，而韓之社稷憂矣。臣斯暴身於韓之市，則雖欲察賤臣愚忠之計，不可得矣。邊鄙殘國固守，鼓鐸之聲聞於耳，而乃用臣斯之計，晚矣。〔七〕且韓之兵於天下可知也，今又背強秦。夫棄城而敗軍，則反掖之寇必襲城矣。城盡則聚散，聚散則無軍矣。城固守，則秦必興兵而圍王一都，道不通則難必謀，其勢必不救。左右計之者不周，願陛下熟圖之。若臣斯之所言，有不應事實者，願大王幸使得畢辭於前，乃就吏誅，不晚也。〔八〕秦王飲食不甘，

游觀不樂，意專在圖趙，使臣斯來言，願得身見，因急與陛下有計也。今使臣不通，則韓之信不可知也。夫秦必釋趙之患，而移兵於韓，願陛下幸復察圖之，而賜臣報決。」^{〔九〕}

校釋

「〔一〕勦力各舊本作戮力，茲從四部叢刊本。解詁云：『戮，勦通，言合力也。』前時迂評本作前世，

茲從乾道本。趙本、凌本五諸侯伐韓，纂聞云：『未聞，或云五字衍文。』集解云：『韓世家：釐王二十三年，趙

魏共伐韓，韓使陳筮告急於秦，秦昭王遣白起救韓，八日而至，大破趙魏之師。據六國表，事在昭王三十一年。』班位纂聞云：『山曰：左傳，族姓班位，孟子、周室之班爵祿也，注：班列也。』按班位，謂位在諸侯之列也。

世世事秦，集解云：『韓自懿侯後，事見世家者，如昭侯十一年，如秦；宣惠王十九年，以太子倉質秦；襄王十

年，太子嬰朝秦；釐王時，兩會秦王，非不世世事秦，而無世不被秦兵。常出兵佐秦伐諸侯，其得秦救，惟釐王

二十三年一役而已。所謂戮力一意以不相侵，特策士之游談，初無關於事實也。』

「〔二〕五諸侯伐秦，纂聞云：『秦策：五國伐秦。楚策：五國約以伐秦，注：秦惠文君後七年，韓魏趙燕齊共伐

秦。按秦紀年表所記五國名不一。楚世家：蘇秦約從六國共攻秦，楚懷王爲從長，至函谷關，秦擊之，五國皆

引歸，齊獨後。因考擊秦者，實六國也，楚爲盟主，故不數之，而云五國歟？按秦紀惠王後七年云：『韓趙魏

燕齊帥匈奴兵共攻秦，秦使庶長疾與戰修魚，虜其將申差。』又六國表惠王後七年載：『五國共擊秦，不

勝而還。』於同年魏韓趙燕楚五國欄內並載：『擊秦不勝』四字，而於齊獨闕。是所謂五諸侯伐秦者，當

勝而還，』於同年魏韓趙燕楚五國欄內並載：『擊秦不勝』四字，而於齊獨闕。是所謂五諸侯伐秦者，當

指此而言，但世家無楚，年表無齊，不免異文耳。集解以秦昭王九年齊魏韓共擊秦，及十一年齊韓趙魏宋中山五國共擊秦釋此句，似未可從。先爲雁行，翼彘云：『先謂率爲前導也。韓世家：韓必德王也，必不爲雁行以來，蘇秦傳：使弱燕爲雁行，而強秦敵其後，皆爲同心進旅之義。』解詁云：『魏策注：雁行，以次進也。此言韓爲諸侯之先鋒。』嚮向通，與所向無敵之向同義。關下乾道本：趙本、凌本誤作關下，茲從迂評本。拾補云：『藏本作關，下云先爲雁行以攻關。』集解云：『按關，乃關字形近而譌，即函谷關。』力極猶言力窮也。〔三〕先攻荆，乾道本、迂評本、凌本誤作先攻荆，茲從趙本。纂聞云：『楚爲從長，故先報伐。』集解云：『據表記：世家：秦昭王二十七年，楚頃襄王十九年，韓釐王十六年也。自是連三年秦擊楚破之，遂拔郢。』令尹楚官名，即宰相也。兄弟，集解云：『謂與秦爲兄弟也。』按兄弟，猶言親交也。展轉，集解云：『猶反覆也。』上地，纂聞云：『上黨之地。趙策：公子他曰：王出兵於韓，韓必懼，懼則可以不戰而深取割。王曰：善。乃起兵，一軍臨滎陽，一軍臨太行，韓恐，使陽城君入謝於秦，請效上黨之地以和，即此事也。』又云：『上地說不一。荀子：韓之上地，注：上黨之地也。始皇紀：王剪將上地，正義：上都上縣，今綏州等。趙策：其死士皆列之上地，注：韓之上流，吳注：地之上者。魏策：王所患者上地也，注：上流之近秦者。楚策：韓之上地不通，吳注：後語作上黨。韓策：秦下甲據宜陽，斷絕韓之上地，按韓之上地，指上黨言也。』翼彘云：『內儲說：鞏闕于爲趙上地守，又李悝爲魏文侯上地之守。淮南高注：上地，美地也。列子：牛缺者，上地之大儒也，注：美地。按荀子高注：上地，上黨之

地。釋名、上黨、黨所也，在山上，其地最高，故曰上黨也。『集解云：『據秦紀及表、昭文四十五年攻韓，取十城，未知卽此事否？四十七年，秦卽攻上黨，亦未嘗解兵。』

〔四〕姦臣乾道本、趙本、凌本作姦人，茲從迂評本。拾補云：『張本人作臣。』集解云：『按下文亦作臣，作臣者是。』不權謂不衡量也。

〔五〕兵士卒集解云：『兵字疑衍，上文夫趙氏聚士卒，無兵字，卽其意。』纂聞云：『兵士卒三字一意。』按兵謂器，士謂人，卒字宜屬下讀。解詁云：『卒、終也。或曰卒、猝同。』按卒宜讀爲猝，不當訓爲終。卒、猶言急也，遽也，謂遽欲伐秦也。欲伐秦三字，迂評本、凌本重，茲從乾道本、趙本。識誤云：『藏本重欲伐秦三字，非也。』

〔六〕將使者讀云：『將、送也。』集解云：『此言魏遣使於秦，約攻韓，秦欲送其使於韓，所以誑恐之。』襲纂聞云：『襲、重也，襲、昔也。』得見乾道本無得字，茲從迂評本、趙本、凌本。識誤云：『藏本、今本不下有得字。』效猶獻也，謂獻於韓有利之計也。逆說文、迎也。書呂刑、爾尙敬逆天命。左傳、祭公來，遂逆王后於紀。翼彘云：『言非以迎秦使臣之禮也。』

〔七〕得一迂評本作一得，茲從乾道本、趙本、凌本。進道猶進言也。茹戮翼彘云：『楚辭、比干茹醢。韓策、其姊茹酢之誅。漢書刑法志、梟其首，茹其骨肉於市，注、調醢也。暴身猶言陳尸也。國謂城也。聞字、乾道本、趙本脫，茲從迂評本、凌本。翼彘云：『聲下一有聞字，是趙策、秦攻趙，鼓鐸之音聞於北堂。周禮、族師、以鼓鐸旗物。』

帥而至，司馬職、司馬振鐸。』按說文，鐸，大鈴也。軍法五人爲伍，五伍爲兩，兩，司馬執鐸。玉篇，所以宣教令者也。周禮地官封人注，鐸，大鈴也，振之以通鼓。』

〔八〕反接迂評注云：『謂肘腋之欲叛者。』拾補云：『反於掖下，言內變將作也。』按迂評讀掖爲腋，而拾補則以掖爲掖垣，二說均可通。聚散二字，乾道本不重，茲從迂評本。藏本、趙本、凌本、集解云：『城盡則聚者散，聚者散則無軍，重聚散二字，語乃明顯。』按城盡，猶言城破，聚散，謂人民流亡也。城固守，迂評本、藏本、趙本、凌本作使城固守，茲從乾道本。集解云：『城固守，與上城盡對文，無使字是。』一都上，省於字。集解云：『或云一字當在道字下，非也。古城邑大者皆謂之都，不必王所居方爲都。孟子云：王之爲都者，臣知五人，是也。韓世家、公仲請王賂秦以一名都，楚陳軫言秦得韓之名都一，正與此文一都相類。』謀，集解云：『說文，慮難曰謀。』必不救，乾道本、趙本、凌本無字，茲從迂評本。周字，各舊本作用，識誤云：『用當作周，周密也。』按上文恐左右襲襲姦臣之計，此作周是，周用形近而誤，茲據改。不應，猶不合也。畢辭，猶盡言也。

〔九〕身見，乾道本脫見字，茲從迂評本。藏本、趙本、凌本，按身見，猶言親見也。信，謂韓親秦之信約也。報決，翼龜云：『後漢書百官志，宗室有犯法，當髡以上，宗正以聞，乃報決。』按報決本義乃謂決囚，或曰報復也，決，最後之決定也，報決，猶言後命，於此亦可通。

